


續修四庫全書

《續修四庫全書》編纂委員會編

續修四庫全書



上海古籍出版社

五七九・史部・傳記類

出使日記續刻十卷（卷四至卷十）

〔清〕薛福成撰

.....一

忘山廬日記不分卷（癸巳至戊戌）

孫寶瑄撰

.....二七五

2655/0

出使日記續刻卷之四

無錫薛福成叔耘

光緒十八年壬辰三月己未朔記

波斯十一年前民數約在七百六十五萬五千內外幅員大於法蘭西三倍而人民缺至五倍或云波斯民數約得一千五百萬或云五千萬此甚不確其地分四大省六小省設四總督六巡撫治之波斯王稱為沙特如猶太教中之總督舊王係回教祖師謨罕默德弟子阿利之子孫今王則土耳其國加乍爾之可汗人奉之為王者也波斯向無國債二十年前歲入之款約合四千七百五十萬佛郎歲出之款約四千三百九十萬佛郎又五六年前出口貨為一萬零九百十五萬佛郎進口貨為一萬四千四百二十萬佛郎礦產多金銀銅鐵鉛煤亦間有白玉及寶石之礦

初三日記

英國電報總局在倫敦近諾爾拋斯脫亞非司威斯脫局設於同治九年有發電機器長三百英尺寬九十英尺每一英尺合闊平蓋電機之至大者也總局每年經費英金二百二十九萬三千八百四十五鎊其每年俸薪電報總辦英金四百五十鎊幫辦三百鎊機器總管

出使日記續刻卷四

卷四

傳經樓校本

一千二百鎊機器副總管兼設立事件九百五十鎊總教習一人七百鎊頭等副教習四人每人四百二十鎊至五百五十鎊二等副教習八人每人二百鎊至四百鎊管理陸綫及水綫總辦各一人每人英金六百七十鎊管理水綫幫辦一人英金四百鎊司機總匠頭四百六鎊機器匠頭十三人每人四百二十鎊至六百鎊總巡二人每人二百八十鎊至三百五十鎊考英國電報局昔不過數十所今則徧處皆是每與書信局合辦或由火車棧兼理有城中分局各郡各鎮分局大率相輔而行有電報機器廠有收核所有工料棧有修理局有

出使日記續刻卷四

卷四

傳經樓校本

照料局通國電綫共十七萬五千英里每一英里合中二十步四尺八寸六分五釐即以倫敦城中言之電報局共有三百所每早八點鐘開晚八點鐘閉其晝夜常開者有七所一在聖馬聽斯勒格郎書信總局二在聖華恩克勒司火車棧三在攀定吞火車棧四在維多利亞火車棧五在肯斯克羅司火車棧六在威斯脫司脫蘭恩特火車棧七在維爾士登近克新火車棧凡寄電報每字不過十箇字母者費半本土住址地名照字核計外加簽名六本土寄電英屬各島每字自六本土至一先令不加地名人名之費此外視地之遠近為費之多寡皆有章

程不能悉述。至德律風有兩公司。其計用此者一百二十餘家。近亦漸盛。此英國電報之大略也。

初四日記

西字報綜核英美法德之民產。就美國而計。若均其貧富。每人可有家產英金二百八十鎊。英國每人可有家產二百四十七鎊。法國每人有二百二十四鎊。德國每人有一百四十鎊。綜核新金山之貨財產業。約值英金三千一百三十六兆鎊。朝鮮向例歲貢中國黃金百兩。紋銀千兩。米糧一萬斛。絹綢二千疋。羅綾三百疋。布一千疋。公麻布四百疋。純麻布四百疋。紙貨大小各千。

出使日記續刻

卷四

三 傳經樓校本

張利刃二千柄。虎皮百張。獺皮四百張。國王遣使臣親自賚納。申刻後。偕慶壽堂赴下議院聽院紳議政事。各國星使皆有坐位在樓上。無日不可往聽。但須持票與驗。乃肅之登樓。是日事甚少。議一點鐘即散。左邊有一議紳曰。格來孟叟者。年五十許。壽堂指告余曰。此人即攻退茹勒斐禮者也。當法中法爭越南時。格來孟叟力主和議。謂得越南無益。而徒滋勞費。厥後斐禮卒為攻退法之宰相。被其議駁而告退者七人矣。蓋其人強辯有風力。議紳往往多聽其言。然今日則默然未贊一辭云。

初五日記

偕世益三遊巴黎東南面之碩孟碩者。譯言暖也。孟者譯言山也。由使館乘汽車往。約行一點鐘。山不甚高。有南北兩岡。中隔一河。通以長橋。山頂有亭。俯視一切。頗敞爽。有假山。有瀑布。然多以人力勝。終乏自然之致云。俄羅斯之東部。如西伯利亞等省。在烏拉嶺以東。黑龍江以北。其地廣莫無垠。去中國絕遠。又為瀚海所隔。自古未聞有著名大國也。然聞其地多古蹟。西人之往遊歷者。極意蒐羅。或於地中挖得最古金石。設法攜出。漸為俄人所覺。關津之吏。避禁綦嚴。蓋西人好古如性命。而俄人亦防之如寇盜云。余謂此等曠絕不毛之地。至俄始稍稍開闢。其先則皆鴻荒也。而何以亦有古蹟。豈書契以前。嘗有極盛之國於此耶。抑漢魏以來。匈奴鮮卑柔然諸族。或被逼北徙。遁逃至此。時有挾持耶。兩說者。後一說為稍近之。

初六日記

復偕世益三登鐵塔。此塔造於四五年前。計高三百邁。當一邁當合工部管。初上一層。每人買票給一佛郎。上第二層。再給一佛郎。上第三層。絕頂。則給兩佛郎。乘升高樓器而上。塔純以鐵為之。其式凌虛。可以四眺。其料

出使日記續刻

卷四

四 傳經樓校本

結實可以耐久其第一層占地寬廣約可數畝有飯館茶館照相館及售一切用物者無不具從前造鐵塔者皆用實鐵鑄成所以塔不能過大即不能過高法國有一工師思得此嵌空玲瓏之法集股營造凡用四百萬佛郎是年適值賽奇大會之期登此塔者共有五百萬人以每人四佛郎計算已有二千萬佛郎初成塔時每須用五佛郎然亦間有僅登至頭層二層者故仍以每人四佛郎率批勻算除稍去費用外凡購股分票者一年之中已獲倍利今其股票價仍騰踊蓋因再閱五六年後又將逢賽會期也而初造之工師則已致富不貲矣近聞美國亦已照式造一塔云

出使日記續刻

卷四

五 傳經樓校本

初七日記

英國郵政衙門在倫敦聖馬聽斯勒格郎每年經費英金五百五十九萬八千五百五十一鎊倫敦總局及蘇阿兩島分局每年經費一百五十九萬二千四百十六鎊其每年俸薪郵部尚書英金二千五百鎊侍郎二千鎊支應總辦一千五百鎊三等總辦一千四百鎊幫辦三人每人一千鎊至一千二百鎊大寫一人九百八十鎊頭等總寫字十人每人六百二十五鎊至八百鎊二等總寫字十人每人五百鎊至六百鎊頭等寫字十六人每人四百鎊至五百鎊二等寫字二十二二人每人二

百六十鎊至三百八十鎊二等寫字二十九人每人一百五十鎊至二百五十鎊總管郵船信件一人總管火車信件四人每人一百六十鎊至二百六十鎊總管分局信件三人每人一百六十鎊至二百六十鎊郵部尚書有正參贊一英金二百鎊副參贊一英金一百鎊候補參贊不給俸薪侍郎有參贊一英金一百二十鎊其設立局所有辦理郵政總局有倫敦書信總局有各省書信分局有倫敦地道火車書信局有各屬地書信局有寄包局有匯寄銀錢票局有兌換銀錢票局有廢信局留信局有製印信票所其信票章程凡寄英國三島

出使日記續刻

卷四

六 傳經樓校本

及沿海各小島每信重不過半盎士者合中國關平三錢七分五釐貼信票一本士以次遞加每信或每包尋常保險費二本土格外保險費三本土須用英二寸零四分之一信封除保險費外再照各信輕重量貼信票凡寄各國各埠每信重不過半盎士者貼二本土有半亦以次遞加凡寄英國三島及沿海等處新聞紙每張貼半本土寄各國各埠每張貼一本士其寄包局光緒九年併設每包重不過一磅者合中國關平十一兩九錢九分九釐寄費三本土過此每重一磅加一本士有半惟其包或長或圓必不得過英六尺重不得過十一磅保險及賠償費亦不得過英金十鎊

其匯寄銀錢票局。凡寄英國三島等處。每票英金一鎊。費二本土。過一鎊不及二鎊。費三本土。過二鎊不及四鎊。費四本土。過四鎊不及七鎊。費五本土。過七鎊不及十鎊。費六本土。凡寄各國。如德法荷奧等國。每票英金二鎊以內。費六本土。五鎊以內。費一先令。七鎊以內。費一先令六本土。十鎊以內。費二先令。凡匯寄銀錢票。皆不得過英金十鎊。其兌換銀錢票局。每票自一先起至一鎊止。票費少則半本土。多則二本土。無論何處票局。皆可支取。其稱留信局者。假如有人自法赴英。未定抵英後寓處。其親若友之信。可徑寄該局留存。本人在英自向取閱。出使日記續刻 卷四 七 傳經樓校本

然亦須護照憑據。始允交收。其稱廢信局者。假如送信不到。或其人他往及不留者。皆轉送是局。以待原寄者來查。或限期燒燬。倫敦城中送信。其分六段。每日自六點鐘起。至十二點鐘。換班。按距總局遠近。隨路遞送。城中及各鎮。皆有信筒。寄信者可以投入。下午以五點三十分鐘為限。若寄倫敦城中及各鎮。以六點鐘為限。逾時可送大總局。以七點四十五分鐘為限。信票加貼半本土。寄外國者。以七點至八點鐘為限。加貼一本土。至四本土。印票信片通行國中。每十張值五本土。有半。或六本土。又有轉回者。其價加倍。每逢禮拜日。不送往來。

信件寄者投入信筒。俟禮拜一日頭批分送。共計倫敦城中信局及信筒。凡二千所。雇用送信人。凡萬有一千。其各鎮各埠。尚不在此數。此英國郵政之大略也。

初八日記

暹羅地土饒沃。每歲產米約可得一百二十萬噸。除本國所銷七十萬噸外。尚有五十萬噸販運出口。西刻。蘇外部侍郎哥辣斐理。一作哥拉甫里。外部屬地股總辦哈諾多。司務股總辦柯洛吉。一作哥羅借。交涉股總辦郭爾色。交涉股總辦儒恩朗。總領事德微理亞。律法股幫辦雷諾。屬地股幫辦員諾。儀注股幫辦穆拉爾。司務股幫辦噶。出使日記續刻 卷四 八 傳經樓校本

瓦里。儀注股幫辦魯儒於使館。循年例。聯邦交也。陪客者為前肄業監督思恭薩克。前提督街日意格之弟寶星。日意格。前稅務司吳秉文。參贊慶常。繙譯吳宗謙。世增。未到者為外部侍郎尼薩。一作尼塞爾。儀注股總辦多爾梅松。幫辦拉布梅。前署駐京公使林椿。蓋法外部所分各股。曰律法股。司務股。屬地股。儀注股。交涉股。又有事務稍簡者。曰文卷股。經費股。又有隸於交涉股者。曰領事股。東方股。隸於文卷股者。曰新報股。隸於律法股者。曰詞訟股云。

初九日記

卡瓦葫蘆國在雲南永昌府東南微外。距永昌十八程。卡瓦者。蠻種之稱。葫蘆則其國名。自古不通中國。乾隆初。有石屏州民吳尙賢與其酋長大山王蚌筑開茂隆銀廠。出銀甚旺。聚眾至數十萬。同時有桂家官裏雁者。故明桂王遺裔也。亦據波竜銀廠。生聚盛而兵力強。勢與尙賢相埒。廠場又與茂隆相連。兩廠皆緬甸所畏。尙賢勸緬入貢。求封葫蘆王。不能得。快快去。將出邊。忽爲滇中當事者追回。餓死。於是廠徒散。邊地空。而緬兵亦破波竜廠。官裏雁爲永昌府楊重毅所誘殺。木邦土司亦降緬。擾邊。緬酋浸盡吞噬諸土司矣。論者謂吳尙賢

出使日記續刻

卷四

九傳經樓校本

官裏雁不死。邊患尙不至此。蓋保廠所以緩邊生財。卽以馭眾。惜乎其計不出此也。今波竜廠。洋圖譯音一作博東吉廠。亦作白兒洋廠。實在木邦之南。錫箔之北。西瀕潞江。而茂隆廠又在波竜之東。葫蘆國居孟連之北云。

初十日記

近來英法德比美等國所製無煙火藥。炸力極大。甚不合小軍器之用。炸燒之力極迅極猛。每一藥裹。限定分劑。若多加一釐。卽增破膛漲力。每方寸處加有一萬五千磅之漲力。小軍器用之。欲分割一律勻稱。則甚難施。

之大礮。試演不多。莫能測其究竟。八寸徑來福礮。用一百三十磅藥。每方寸處漲力三萬五千磅。速率每秒行一千八百尺。

十一日記

西人性情亦愛名花。然余終謂西洋之花不如中國者。以其皆草本而又無香氣也。嘗謂中國上等之花。不滿十種。如蠟梅也。紅綠梅也。山茶也。海棠也。牡丹也。蘭也。荷也。桂也。菊也。皆上等也。其餘如玉蘭。如紫薇。如芍藥。如桃李。如木芙蓉。已不免稍次矣。上等之花。西洋所有者。惟茶菊二種。差堪與中國相頡頏。蘭與牡丹。則其種

出使日記續刻

卷四

十傳經樓校本

之佳。花之麗。究有不如中國者。荷則不能茂盛。其小如拳。海棠則所謂垂絲貼梗楊妃。西府各種。皆絕無之。僅有秋海棠一種。梅與桂則絕無所見。蓋其地土不相宜也。且中國之花。惟秋海棠有香。其餘皆色香俱美。外洋則花雖鮮而絕無香氣。其勃然有香者。則又皆不甚美觀。此其所以尤遜也。至其所謂名園。皆不過多巨幹穹林。鬱然深茂而已。其下綠草如茵。頗多葱蒨之致。其花皆蒔以人力。雖覺斬齊精緻。然究不如中國之花天然可愛云。

十四日記

魚雷創自德國匠師白頭外具魚形內鑲機器首配爆藥其力甚猛中蓄空氣其機最靈衝鋒摧敵莫利乎此北洋設立營廠延請德國匠師哈孫克遴選生童傳授新法夫魚雷者其形如魚燐銅為身首尾畢具長德尺四尺五五圓中徑三寸五五全體分為四節第一節為魚頭鋒尖如箭內裝爆藥相藥轟槍炸彈等物第二節魚腮又曰深淺機為全雷深淺升降之樞紐第三節魚腹又曰氣缸為蓄全雷行駛之空氣運動輪機猶人身之有氣力氣動則體行如身之使臂臂之使指也第四節魚尾其物有五尾之前截曰機器船鑲行雷之機器

出使日記續刻

卷四

三

傳經樓校本

十五日記

魚雷演放之際必先較準雷內機關校量深淺左右遠近浮沈然後方可將雷裝入雷艇兩旁之雷筒將筒吊離水而免阻水力俟指準敵船然後將筒鬆放在水拉動氣門之繩使氣門開渡運動輪機則雷自離筒乘勢衝出直撞敵船矣雖數千百噸之船一遇魚雷立時瓦解真衝鋒之利器也夫水雷雖能守口轉礙我國行船魚雷之妙如挽弩而射潮如磁石之吸鐵犀利無前鉤深致遠且深淺浮沈由人遣用左右遠近有度較量所以進可戰退可守也

出使日記續刻

卷四

三

傳經樓校本

十八日記

余昨偕慶鶴堂張讓三往觀賽佛爾官瓷新窯在巴黎西賽納瓦斯府東北其地背山瀕江由此而進即散格羅大林草地風景絕勝乾隆十年法國在文散納設窯造瓷後移至賽佛爾是為舊窯以公司集股為之嗣歸國家經理由是製造大興通行漸廣復受法於日耳曼之薩克索國尋取泥於巴黎南之里母市遂建新窯於舊窯之西南始事於咸豐十一年竣工於光緒二年即今官瓷窯所稱為泰西第一者也下車入門有總辦來迎先導觀瓷器博物院中廳置花瓶高八九尺徑一尺有奇蔥翠潤澤係為議院所製價五萬佛郎云又有白

地青花大瓶製仿中國瓷嘗陳於寶奇會者也其餘各器璀璨耀目中廳左右各有長廳應凡三間以廚隔之每間有廚面背各五左右兩廳爲間凡六每間爲廚凡十左廳之廚有埃及希臘古瓦器古樸斑駁夏商時物也有羅馬及法國古瓦器亦秦漢時物也瓦器有花者素者似篆籀蟲鳥書者著色者堆油者殘缺分裂祇存片瓦零燬者大率得之古礦荒野蓋泰西陶器虞夏時埃及已有之惟瓷器仿自中國得法稍遲又有各國新舊瓦器石器砂器各色玻璃器有中國日本朝鮮印度波斯土耳其諸國瓷器右廳之廚有法國各窯瓷器其

出使日記續刻

卷四

主

傅經樓校本

稱上品佳製者有中國請瓷日本瓷又有英俄德奧及薩克索瓷薩克索瓷器在泰西最早而精尤佳者與中國瓷埒惟賽佛爾能及之油色既佳繪畫尤妙有淡青色如董窯者有象牙色如象窯者有如硃砂紅鸚哥綠者惟天青不如柴窯純白不如定窯碧紅不如饒窯又有以銅作身以瓷作飾如古所謂大食窯佛郎歇及俄金者其畫有物花果蟲鳥魚藻之屬方之中國古窯佳瓷殆無以過壁間所挂哥熱班爾所寫花果瓷畫值二萬佛郎蓋利底斯巴黎得勝圖瓷畫值四萬佛郎聞法人始造瓷器嘗取中國瓷之油色泥料細刮精研用

法化分求之既久方得其訣蓋製瓷必賴化學也中國之窯橫而長西洋之窯橢而圓而上安泥坯下燒柴火則同。

十九日記

西洋各國通例有子立子無子立女女復傳其子則以外孫爲孫矣又有立其姊妹之子者則以甥爲子矣卽如英君主維多利亞贅日耳曼某國公爲夫生子爲太子是英之國統暗中已易姓矣在中國必有莒人滅郕之嫌且有不歆非類不祀非族之說然耶穌之教本以祭祀爲非英人視之並不謂爲易姓也以爲仍係舊主

出使日記續刻

卷四

古

傅經樓校本

之後人而已矣卽從前有立姊妹之子者亦謂舊主之後人而已矣今荷蘭西班牙諸國亦皆立女爲王而俄皇實非彼得羅皇帝之後蓋日耳曼某國公爵之裔也余是以知西人辨別族姓究不如中國聖人之精

二十日記

智利亦南亞墨利加民主國也在全洲西界西濱太平洋東界安達斯山地勢南北形長如帶北起赤道南緯十八度而至極南之脫拉特弗荷正當南緯之五十六度矣其國北界秘魯東界玻利非亞阿根廷西及南皆濱太平洋智利者古秘魯文譯言雪也蓋以山巔多積

雪故名。明正德間，荷人蠻稱爾始探得其地。嘉靖間，西班牙復遣兵探之。瓦爾的維亞始建桑的亞哥城，即今智利京城也。轄入西班牙版圖。由秘魯總統遣員統治之。

國朝嘉慶十五年，智利叛西班牙。西師征之。道光六年，竟成自主之國。以愛坎累達為伯理璽天德。同治三年，秘魯與西班牙戰，甚得智利援助之力。光緒五年，智利與玻利非亞戰，旋與秘魯構兵。秘魯舟師來攻，智利沿海戒嚴。是年西八月，秘魯鐵艦呼阿斯喀為智利考略累恩及愛坎拉達兩兵艦所獲，進攻秘魯，又獲其兵艦。出使日記續刻 卷四 五 傳經樓校本

數艘。七年西六月二十一日，陷其利馬都城。九年西十月三十日，始定約議和。智師乃退，割秘魯之地。海疆自赤道南緯二十三度至二十五度，取之玻利非亞。他拉泊加一省，取之秘魯。又得秘魯二省，曰阿而立略，曰仙克那。為議和費。又巴他我拿以南各地，及其南其西北諸島。舊與阿根廷爭界未定者，皆歸智利。而脫拉特弗辨全地，智亦有之。十七年國又內亂，總統兵敗自殺，立蒙脫為伯理璽天德，然後國定。

二十一日記

智利南北地長二千五百英里，東西地廣自四十至二

百英里不等，合二十五萬六千九百六十九英方里。安達斯山自北而南，兩脈平行，直貫通國全境。兩脈之間，中有平原，其北江河短淺，其南最大之江曰梅坡，曰卯勒，曰薄薄，最要之江曰勃攸拿，曰坎而次，而安達斯山巔積雪，全境皆見。阿公加瓜之最高峰，高至二萬二千八百六十七英尺。光緒十一年戶口册，二兆五十二萬四千有奇。十三年進口貨，值洋銀四十八兆六十三萬員有奇。出口貨，值洋銀五十九兆五十四萬員有奇。礦產居出口貨六分之五。鐵路縱橫四達，無所不通。國債四十兆十萬員，民債四十八兆三十三萬餘員，歲入之。出使日記續刻 卷四 六 傳經樓校本

二十二日記

款三十九兆員，出款三十九兆六十一萬五千餘員。兵艦四十九艘，其中鐵艦三艘，電纜約九千英里。

俄人於琿春一埠，立船廠，築礮臺，修造船塢二處。礮船分巡洋守口兩項。又有小礮船水雷船以輔之。琿春內地，廣開鐵路，以便轉運。俄國礮船分頭二三等，頭等三十六艘，派駐波羅的海者二十八艘，駐黑海者八艘，二等四十八艘，派駐波羅的海者三十八艘，駐黑海者十艘，三等八十八艘，派駐波羅的海者四十九艘，駐黑海者二十九艘，餘七艘駐裏海，五艘駐琿春。去年招商

局與怡和太古兩公司賤價招徠。互相傾軋。貨價祇取三分之一。計三公司共耗去洋銀二百六十萬員。今已議和另訂合同。

二十三日記

西國古時書籍。但有鈔本而無印本。印書起於近三百年內。悉以活字板排印。各國俱有印書公會。其藏書之富。法國有書樓五百所。藏書四百五十九萬八千冊。英國書樓二百所。藏書二百八十七萬二千冊。俄國書樓一百四十五所。藏書九十五萬三千冊。奧國書樓五百七十七所。藏書五百四十七萬六千冊。義國書樓四百

出使日記續刻

卷四

七

傳經樓校本

九十三所。藏書四百三十五萬冊。普國書樓三百九十八所。藏書二百二十四萬冊。法京巴黎有一書樓。宏敞異常。藏書最富。獨得二百七萬九千冊。普京伯靈亦有一處。獨得七十萬冊。羅馬有一大院。萃四方之秘籍。儲上古之珍函。別有鈔本書二萬五千冊。細若蠅頭。尤各國所未有也。中國四庫全書。縹緗之富。超軼前代。他如揚州之文匯閣。杭州西湖之文瀾閣。鎮江金山之文宗閣。皆得四庫副本。亦藏書之公所也。其私家藏書之富。則有鄧范氏之天一閣。盧氏之抱經樓。吳門黃氏之滂憲閣。錢塘吳氏之瓶花齋。常熟錢氏之絳雲樓。崑山徐

氏之傳是樓。石塚嚴氏之芳荜堂。南潯劉氏之隕琴山館。杭州汪氏之振綺堂。鄞鎮鮑氏之知不足齋。昭文張氏之愛日精廬。蒐羅皆稱宏富。近今儲藏之多。則推歸安陸氏之碩宋樓。較之范黃諸家。有過之無不及焉。別以明以後刊本。及尋常鈔帙。益以近人著述之善者。建守先閣以儲之。復請於大府。特奏於

二十四日記

余率眷屬及隨員供事武弁等於十一點半鐘由巴黎登火車起程。三點半鐘抵喀雷海口。登舟。四點鐘開船。出使日記續刻

卷四

六

傳經樓校本

二十六日記

行回教之地。驟強而易亡。行佛教之地。久存而易弱。謨罕默德以鷲忍為體。以詐力為用。有不服其教者。則與兵攻之。故其勢無不強。然人所以從之者。劫於威也。非心服也。回教未興之時。則有秦始皇。回教雖興而不必存尊奉回教之心。則有元太祖。其道皆暗與回教合。然秦得天下。二世而亡。元太祖力征經營。威震宇宙。其後裔之所以能綿延至於今日者。則以佛教行於塞外。蒙

古各族皆轉強而為弱也。釋迦牟尼以清淨為宗，以慈悲為主。其要旨不過做到與人無患，與世無爭而止。然以之經緯區宇，非特不知富國強兵之術，亦不講經世宰物之略。若論太學次序，則但有誠正一截工夫，而於修齊以下缺焉。且所謂誠正者，並不從格致入手，則已有毫釐之差，此其道之不足以治國也。審矣。惟彼之處身應世，豈以柔弱為務，故亦無太剛則折之患。然余觀南洋各國盛行佛教之地，近皆受制於人，其效亦可觀矣。於戲，本末兼該，體用兼備，裁制得中而無可訾議者，舍儒教吾誰與歸。

出使日記續刻

卷四

九 傳經樓校本

二十七日記

余於二十日在巴黎時重遊法國天文臺，臺在加西尼街。加西尼係意國天文名，家以名命地志不忘也。創造於康熙六年，工竣於十一年。聘請意國人加西尼抵法，整頓臺務。臺有四面，正對四方，房頂皆有圓洞，其兩層天文表在第二層廳內。巴黎度數起綫之法，乃加西尼所測算。天文鏡之極大者，口有一邁當又半，重二萬斤。又有一萬八千斤者，價三十七萬方。儀器中之最佳者，觀日月星辰圍繞之器，量日光進速之器也。臺內有總天文生正天文生共六人，候補天文生十人，司事一人。臺中有議院，院有總天

文生天文首領六人，每月會議一次，每年在學部會議一次。總天文生由議院名單內挑選，餘皆學部所派。正天文生每年俸薪自八千方至六千方不等，候補天文生每年俸薪自六千方至三千五百方不等，幫辦天文生每年俸薪自三千五百方至一千五百方不等。司事歲俸三千方。三年一考，以定黜陟。此巴黎天文臺之大略也。聞地球各國天文臺，推法為第一，美第二，英第三，俄第四，攷泰西之有天文臺，始創於亞洲之巴庇倫，阿洲之埃及，又亞勒散得造天文臺，則在周赧王時。厥後明嘉靖二十年，有哥俾尼克者，始造子午綫儀器。而出使日記續刻

出使日記續刻

卷四

九 傳經樓校本

二十八日記

地球五大洲各國，或君主，或民主，大要不外此兩端。民主之國，其用人行政，可以集思廣益，曲順輿情，為君者不能以一人肆於民上，而縱其無等之欲，即其將相諸大臣，亦皆今日為官，明日即可為民，不敢有恃勢陵人之意。此合於孟子民為貴之說，政之所以公而溥也。然

其弊在朋黨角立。互相爭勝。甚且各挾私見而不問國事之損益。其君若相或存五日京兆之心。不肯擔荷重責。則權不壹而志不齊矣。君主之國。主權甚重。操縱伸縮。擇利而行。其柄在上。真能旁撓者。苟得賢聖之主。其功德豈有涯哉。然其弊在上重下輕。或役民如牛馬。俾無安樂自得之趣。如俄國之政俗是也。而況輿情不通。公論不伸。一人之精神。不能貫注於通國。則諸務有墮。懷於冥冥之中者矣。是故民主君主。皆有利亦皆有弊。然則果孰爲便。曰得人則無不便。不得人則無或便。

二十九日記

出使日記續刻

卷四

三傳經樓校本

奧國閱兵。試出連珠機器槍之弊。以其發彈太快也。整師而出。鼓行而前。兩軍相接。如荼如火。及至緊要時。而彈已罄。有數隊拔塔令往攻。槍柄內彈窠皆空。若果遇真仗。則殆矣。初發彈囊各七十筒。嗣當加倍發給。車再改輕。前帶一日糧。日後帶三日乾糧。兵部現議改用更輕之槍。較前須輕一半。祇用阿魯米甯製造。阿魯米甯印銘也。

三十日記

朝鮮派員赴巨文島。察看形勢。該島與釜山及對馬島鼎峙海中。口門最狹。而內亦深廣。可容兵艦數十艘。又

爲俄船由北而南之要道。英員滑脫論中國近來歲收鴉片稅釐。約英金一百五十萬鎊。印度收稅除耗費外。歲入約得五百五十萬鎊。

四月己丑朔記

中國唐虞以前。皆民主也。觀於舜之所居。一年成聚。二年成邑。三年成都。故曰都君。是則匹夫有德者。民皆可戴之爲君。則爲諸侯矣。諸侯之尤有德者。則諸侯咸尊之爲天子。此皆今之民主規模也。迨秦始皇以力征經營而得天下。由是君權益重。秦漢以後。則全乎爲君矣。若夫夏商周之世。雖君位皆世及。而孟子民爲貴。社稷次之。君爲輕之說。猶行於其間。其猶今之英義諸國。君民共主之政乎。夫君民共主。無君主民主偏重之弊。最爲斟酌得中。所以三代之隆。幾及三千年之久。爲曠古所未有也。

初二日記

有一鐵路工師薩恩佩爾來謁。薩蓋瑞典人。而久居倫敦者也。開平山海關鐵路。皆其所承辦。問以鐵路工價。據云各國情形不同。須合物料人工地價而兼籌者也。物料不僅在鋼鐵。又必合木石灰土。而兼籌焉。英國之工價最貴。凡造一英里之鐵路。須英金四萬鎊。瑞典之

出使日記續刻

卷四

三傳經樓校本

工價最賤凡造一英里之鐵路僅英金八千鎊此皆每點鐘能行三十英里者也惟中國工價尤賤每造一英里僅需六千鎊若造一點鐘行二十英里者祇須四五千鎊耳然中國風氣初開不必過求其速但能一點鐘行二十英里已不為遲矣問以最遲最速之的據云最遲者一點鐘行十二英里其費即照常數遞減最速者一點鐘行六十英里其費即照常數遞增惟英之鐵路大抵每點鐘行六十英里者為多蓋其人數之眾貿易之盛可以養此極貴之路亦須用此極速之路他國不甚相宜也夫路之所以愈速愈貴者蓋愈速則工料愈

出使日記續刻

卷四

三 傳經樓校本

須堅實也又或建梁於水開洞於山則其費又加倍云

初三日記

總核天下人數歐羅巴洲三百十五兆九十二萬九千人亞細亞洲八百三十四兆七十七萬七千人阿非利加洲三百六兆六十七萬九千人南北亞美利加洲九十五兆四十五萬五千五百人澳大利亞洲暨南洋諸島四兆三萬一千人近南北兩極八萬二千人統計一千四百五十五兆九十二萬三千五百人此全球之數也由諸大國分計之英國戶口核實三島民數共三十五兆二十四萬六千五百餘人德國統計四十五兆十九

萬四千餘人而普魯士獨得二十七兆二十六萬有奇次則巴華里即拜得五兆薩索尼得三兆餘皆一二兆而已漢倍克得四十五萬為數更微奧斯馬加共計三十八兆六十二萬法國三十六兆九萬人歐洲之土耳其八兆十四萬人希臘一兆六十七萬九千人俄羅斯八十七兆九萬人亞洲則中國有四百三十四兆八日本三十四兆三萬人香港十三萬一千四百人印度英屬二百四十兆二萬人印度法屬二十八萬人安南西貢一兆六十萬人東印度各島三十四兆八十萬人南洋各島八十七萬八千人北美洲英屬三兆八十萬人

出使日記續刻

卷四

三 傳經樓校本

合眾國六十兆人墨西哥九兆四十八萬五千人巴西十一兆十萬人伊斯蘭譯即七萬二千人格林蘭譯即十萬五千人阿洲島道紆迴野蠻錯處探地者夙未經心近來地學大興探察甚廣有博物士核得實數共二百五兆十七萬餘人而深山窮谷不計焉美國戶口驟增五年之中外邦人遷往者有一百八十八萬而英德為尤多華民雖經美國禁止前往而旅居其地者尚有十萬三千人至各國城市之大者倫敦有三百五十七萬七千餘人巴黎有二百七十五萬二千餘人紐約有一百八萬四千餘人伯靈有一百一萬九千餘人費題

特斐爾有八十七萬六千餘人。維也納有七十二萬七千餘人。聖彼德堡有六十萬九千餘人。印度孟買有六十四萬四千餘人。此其大較也。以上各數。似與余前記不甚相符。姑兼誌之以備參攷。

初四日記

英人有著新論者。謂歐洲大邦。設有戰務。所有通達印度及東方諸國之路徑。除蘇彝士河及毛耳塢。坂不勞得。亞丁等處要隘外。更有妙法。足保英轄之天下。則以坎納達即加那大一帶鐵路為通東方捷徑也。又謂日後汽機之用。必以流質料代煤。英君主所居溫則行宮。亦在泰姆士江邊。距倫敦十五英里。邇來法人專心製造氣球。以備軍營之用。設遇兩軍對壘。可乘球升高。俯瞰敵營虛實。並用德律風傳語而下。今法營中有兩機器師。慣乘氣球。能騰至一萬零五百尺之高。

初五日記

日本國政初在大將軍德川氏。咸豐同治之間。英法俄美各國兵船迭往日本海口遊弋。德川氏知外患日侵。力不能禦。於是與各國立約通商。國人之拘守舊法者。皆謂德川氏主和議。長寇氣。諸豪傑並起力爭。相與黜退德川氏。既又悟時勢難違。強敵難制。因相與擁戴國

王。獨攬大權。除舊布新。力倣西法。與諸大國傾誠修好。而國政因之大變。國勢日以強盛矣。法人垂涎東埔寨土地。已非一日。東王世子見事勢日去。出奔暹羅。法人因遂奪東政權。東民多忿忿不平。然以勢力衰微。莫可如何也。

初七日記

天津鐵路公司火車向由天津而至軍糧城。經新河唐沽北塘漢沽蘆臺唐坊胥各莊唐山開平窪里迄古冶而止。每日往來三次。封河後日行兩次。春冰既泮。二月初七日起。仍行三次。英國去年商務減色。洋布出口較前年少二百十兆碼。而前年較之又前一年。亦少八十八兆碼。至運往印度之洋布。亦少二百二十五兆碼。洋紗一項。運往中國日本者亦漸少云。德國近有新製紡織機器。專以電氣運行。較之人力。更覺事省而功倍。

初九日記

未刻。率張聽帆許靜山赴森哲模斯宮。入朝紳會。係二太子代君主見客。亥刻。接總理衙門來電云。帕事總以三國各不侵佔為主。俄有公商之說。或當就緒。滇緬邊界已經滇督查明。界至速辦。法廷欲爭鐵路利益。此

係北洋專辦。已將鐵橋等工特予法商。足資點綴。鐵軌
早由英商將唐山鐵路接辦。車軌雖兩歧。乙酉約原有
不能獨認爲法國利益之語。李梅與本署屢辯無效。恐
慮外部。即如瑞士女子一事。李梅以中法舊約。准法國
保護瑞士。本署查無此款。駁之。嗣接尊電。無約之國。准
友邦保護。當即電粵准行。李梅遇事有意蹈隙。希婉告
外部。以顧邦交。

初十日記

張樵野函云。俄法兩使請觀。俄援雍正五年之例。以
太和殿爲請。當經駁止。俄使復文。遵詣

出使日記續刻

卷四

毛傳經樓校本

承光殿。惟以華使到俄。俄亦另擇一地見之。爲欺人之
語。署中定稿駁復。遂至臨時翻異。業奉冬月初十日親
見之。

旨而不能成禮。法使則實患病。已送到頌詞而不克到。
署中又爲復奏。並電許星使詢俄外部。允電俄使。俟年
例賀正。各使所到之地。俄使亦到。似尙有轉機。德使爲
領袖。不能不責以撮合。德使閱署中與俄使照會。謂西
例國君能在某處接見本國臣工。他國使者亦可於是
處請見。若專定一地。餘均不准到。則使臣之體制已乖。
又行宮接見。本屬權宜。今中國欲永在

承光殿。各使所以必爭云云。署文有將來各使仍在
承光殿之語。將來二字。洋文本有兩解。署意但言以後
各使譯作永遠。此其所以致扞格也。

十一日記

明史雲南土司傳。蠻暮嘗隸於騰衝。即今騰後屬木邦。
旋割歸孟密。嘗爲孟養思陸發所據。萬曆中。莽體瑞起
洞吾。滅緬甸。於是蠻暮土目思哲亦迎附焉。其後酋思
化來降。未幾又爲緬所制。

國朝乾隆三十一年。副將趙宏榜襲蠻暮之新街。克之。
旋敗沒。緬禍自此始。三十四年。將軍阿桂嘗駐軍蠻暮。

出使日記續刻

卷四

毛傳經樓校本

督造戰艦。由蠻暮江出。大金沙江。蠻暮江即大盈江。亦
太平江。又名龍江。檳榔江之下游也。蠻暮在赤道北二十四度
十六分。京師西十九度三十四分三十五秒。在騰越邊
徼西南一百十五里有奇。阿瓦東北五百二十里有奇。
其城瀕江。長三里許。廣半里許。居民四五百人。新街亦
稱漢人街。臨近江岸。袤延八九里。滇商數百家。居中區。
其街之首尾。則擇人居之。稍進五里許。有高阜。相傳爲
武侯故壘。滇商運貨至蠻暮。棉花爲多。綢緞羊毛次之。
又蠻弄。亦作蠻。即西人所稱老入。募在蠻暮之東。野人山
之西口。大盈江之右岸。由蠻暮至蠻弄。輪船約行二小

時由巒暮至滇邊陸路凡五日程

十三日記

客歲鄂省拿獲哥老會匪頭目高德華等研訊確供多至數千字大略謂會內首要頭目數十名賣過標布六萬餘方上至沙市下迄鎮江各埠皆有頭目管轄分爲兩大支一在沙市一在安慶約俟洋人馬臣購到軍火即於十月十五日揭竿起事另派頭目在各埠備船接應沙市一支復分爲東西南北中五旗大頭目有二一爲李勝一爲李鴻九江頭目爲龍海騰蘇帥飛咨沿江各省詳訪密拿迄今捕獲正法者不少論者謂非滬關

出使日記續刻

卷四

三傳經樓校本

搜獲梅生私槍則禍亂不堪設想矣從前西人扞禦水雷以橫木護戰船詎水雷仍能越橫木而過之今英人思得一法易橫木爲豎木矗立戰船外了又式長三四十尺聯爲一牌水雷鼓浪而前撞至直木處則木微動而水雷之力已盡水雷船亦損壞難用此行軍者所當知也

十四日記

琉球今隸日本爲沖繩縣人口約有三十五萬土產以黃糖爲大宗近年商務日興前年出口之黃糖雜貨等值洋銀九十萬員入口雜貨值洋銀一百六十萬員

絲爲中國出口大宗而潔白調勻尤以日本爲最自去歲七月至今年二月生絲由橫濱出口者三萬八千七百包內運美邦者二萬四千五百包餘均運往歐洲

十五日記

亥正月食子初食甚月光僅留一綫子正尙未復元此在倫敦所見如此姑誌之以驗中國如何也

十六日記

率參贊馬格里張斯栴隨員沈翊清左運璣胡惟德赴森哲模斯宮第一次朝紳會三太子代君主行朝見禮日本本國在北緯三十一度至四十五度三十九分

出使日記續刻

卷四

三傳經樓校本

合所轄全地計之在北緯二十六度至五十二度東京東經一百二十八度至一百五十一度地面積爲十五萬三千三百九十二英方里光緒六年戶口有三千五百九十二萬五千餘人地形斜長其南北直長之處幾與一經綫並行者約有一千八百英里其東北庫拉爾一作古羣島光緒元年以庫頁島易自俄國者也日本除庫拉爾琉球兩羣島外其本國大島有四曰蝦夷曰杭度曰四國曰九州此外小島甚多其中有連於伏水之海岸者有高出水面如火山者核計有三千八百五十島沿海各礁嶼尙不在內日本四大島中已括佐渡

隱岐伊岐各島及對馬壘八大島等。而蝦夷一島。日人反視爲異地。不在其中。杭度一島。則歐洲所稱爲日本者也。

十七日記

日本立國始於周惠王十七年。以神武天皇爲開基之主。一姓相承。傳至今日。已一百二十二世矣。漢昭帝時。日本始設大將軍一官。南宋光宗三年。國權盡歸大將軍。而日皇僅擁虛位。居密加度。大將軍居東京。萬曆三十一年。有大將軍名矮舍司者。係譯西音。即嘗行善政。德川家康也。國賴以安者二百年。

出使日記續刻 卷四

三傳經樓校本

國朝咸豐三年。美國兵船直達橫濱。以通商爲請。大將軍與之訂約。五年。俄羅斯荷蘭與日本立約。六年。西班牙丹馬立約。八年。英人立約。九年。法人立約。十年。葡萄牙立約。當是時。國中二百七十八諸侯。各擁地自專。見大將軍不請於皇。擅與外人立約。則大惡之。同治初年。通國之人羣起。與西人爲難。乘勢廢大將軍而歸其柄於日皇。於是二百七十八諸侯。亦各上表歸地。遂爲維新之政。

十八日記

許竹篋星使來書云。疆撫派兵駐帕一事。俄外部言得

其駐華公使喀希尼來電。疆撫已撤兵。退兵。惟留卡倫。數處外部謂有卡倫。則必有兵。是仍未盡撤。意尙未足。總署初意。帕米爾在中國界外。但主自保華境。聽英俄兩虎之自鬪。但不知中國卡倫何年。業出已半在帕地之中。其最遠一卡曰蘇滿者。竟紮至洪圖所稱雅什里。帕米爾。一稱阿爾楚。爾帕米爾。在伊西洱庫爾淖爾之濱。英報傳爲立有中國碑者。蓋乾隆中窮追霍首。立碑紀功於此。後仍棄而不有。俄所以不肯認帕地爲我屬。此次外部。慶爾斯言。帕地總以約同三國。分清界限爲宜。

十九日記

出使日記續刻 卷四

三傳經樓校本

余在天文臺見所繪太陽圖。太陽本質有發光之孔。紅光如火。數千百道。皆自孔中透出。其狀可怖。因思西人測日地相距之道。有二億六千餘萬里。太陽實徑爲二百五十五萬里。此殆兼日之本質。與所發之光言之。光包於質之外。殆不下數十百萬里也。惟推其實徑。既爲二百五十五萬里。則其周已有七百六十五萬里矣。以如此絕大之物。懸於太空。所以能吸引諸行星而成其化工。即吾地在太陽二億六千餘萬里之外。尙能借其光以成生物之功用。則其力量之大。且遠可知。蓋非此絕大體質。不能具此絕大力量也。惟互千萬年以來。發

無窮之火而不熄。嘗思其理而不可得。聞西人用最精遠鏡。隔黑色玻璃以窺太陽。其面時見大黑斑。斑之中深墨。其邊略淡。此斑累日。或變大。或變小。或變形狀。或既滅而他處復見新斑。以此見太陽面爲流質之證。又其變動甚速。以此爲氣之證。又無斑之處。光非純一。其中有無數細點。若人身之毫孔。其點時時變動。極似水中沙泥。欲澄時向底之狀。因意日面必有發光之質。雜於透光之質中而然也。西人又稱太陽之雲。與地球之雲相似。光亮而成無定之形。似棉花與羊毛之狀。日食時能見之云。

出使日記續刻

卷四

三

傳經樓校本

二十日記

古時藏金之多。莫盛於漢代。屢見於史記漢書。其時每黃金一兩。僅值銀三兩。元魏以來。崇信佛事。耗金日甚。明洪武初。每金一兩。值銀四兩。晚年價至五兩。天啟中。百官媚權閹者。皆進金。金價漸昂。每兩值銀十兩。江南則貴至十三兩。

國初時。曾減至六兩。乾嘉道咸之間。要不過十餘兩而止。光緒十六年。金價貴至銀二十二兩。今則每金一兩。竟漲至規銀二十五六兩。合洋銀三十五六員矣。申刻率參贊馬格里。張斯柯。隨員楊振鏞。王豈鎬。陳星庚。

赴柏金韓模宮第一次朝眷會。君主因喪長孫不見容。其三公主四公主代君主行禮。而二太子亦在側焉。

二十一日記

當同治十年。日本國中分三府三十六郡九道八十四省。今方生財勸學。鳩工練兵。汲汲不遑。而國債亦日增。光緒元年。僅負英金二千九百六十三萬餘鎊。六年竟負七千二百七十萬鎊。歲息須四百六十三萬八千鎊。然國賦亦日裕。其賦以田賦爲首。蓋居全國賦稅百分之八十七。陸軍平時三萬五千五百名。戰時五萬二千餘名。水師船二十三。兵四千二百餘名。礮百四十九尊。

出使日記續刻

卷四

三

傳經樓校本

二十二日記

巡捕二萬三千三百餘名。鐵路光緒七年長七十六英里。議開之路長五百英里。電信長三千三百餘英里。書信館三千九百餘處。所行鈔票值英金一千七百萬鎊。日本原有信德與佛二教。信德爲其本教。古教佛教。乃其外教。新教也。亦行我孔子之教。特不曰儒教而曰素。拖。今國中。信耶穌教者七千五百。信天主教者四千。亦有信希臘教者。

申刻率參贊張斯柯。許珏。隨員左運璣。沈翊清。赴柏金韓模宮第二次朝眷會。代君主行禮者爲三公主四公

主五公主而二太子三太子亦在焉。此次通國官紳眷屬到者僅五十餘人。殆不及前兩年之半。日本庫拉爾羣島伏水之山。斷續不絕。遂成此羣島曲形。其曲處幾有四百英里。其面積為五千九百三十英方里。日人蓋稱之為千島云。羣島起自南之擇捉。島名有止於北之帕拉謨什爾。島名長而多山。帕拉謨什爾之南。水峽甚闊。故隔絕以南各小島。各小島中以協武勒一島為大。幾有全羣島之半。其面積為二千七百五十英方里。又有苛乃羅一島亦不小。當日本未與俄易此羣島之先。協奇二島與鄰近皆可攤一島。本屬日本。今設都護府於此。

出使日記續刻 卷四

以統轄羣島焉。蝦夷島北距庫頁島東。北距庫拉爾羣島處皆山。為地球高地之一。徧地成坎。坎中水流。火山口幾盡淹。但見新湖矣。杭度島與蝦夷島僅隔一峽。日本名曰津輕海峽。極狹處約僅十一英里。杭度之東西兩口曰大坂。曰新潟。四國島逼近內海之南。長約內海之半。小山點點。幾有熱帶風景。有一狹長高地。與九州島同。陡入內海。故內海狹甚。九州島山勢南北分馳。亦有火山。其東南一火山。山麓懸互而南。直至臺灣之極北。

二十三日記

旅順船塢近忽損壞。水勢驟漲。用大吸水機器吸之。無效。德人所築之塢。基法人所加之西門。土已全功盡棄。有一兵輪亦乘流浮出。十六日天津電云。中國欲於北方添設電綫。長八百英里。以接於恰克圖之俄國電綫。今已與俄廷和衷商議矣。前閱里昂丹報。聞造綫之費。不過四百萬方云。法國現有步兵五百八十二營。馬兵四百三十八營。戰礮隊四百八十四。守城礮隊九十六。造橋兵二旗。工程兵八十三隊。載運兵七十二隊。

二十四日記

昨倫敦大東公司參贊海司接中國大東公司總辦裘德電云。俄官司德支昨過上海。大約倫敦所議合同。十日前已簽字矣。天津商議條約已妥。僅俟俄京答允而已。恰克圖電綫聯接之後。電價仍照二員。以保護公司之利益。亦設法防範恰克圖轉寄之弊。相人為中國數千年之舊術。而西洋亦有相手之法。余觀麻衣柳莊諸書。於相身相頭相面之外。以相手為一要訣。中國術士驗人螺紋。能辨其貧富貴賤智愚通塞之大略。今就相術觀之。亦可知中西一理矣。

二十五日記

山戰與曠戰不同。敵人零星散布。並無大隊。可作我槍

礮之大準且岡巒起伏測望易迷此施槍礮彼輒避於懸崖峭壁之下蛇行鼠伏突然來前欲圖制勝祇有用礮隊之一法上年熱河教匪之變同此戰地戰形中國迄今尚無利於山地之礮如克鹿卜阿姆斯脫郎喀納等廠大口徑礮宜於坦途且遇水須有大橋乃可施用即小口徑礮亦祇宜用於船上至機器礮因機件繁多易於損壞一臨戰事每因倉皇而見弊又法國千子礮創製在二十年前名擅一時今已漸廢亦因其尙機巧而無實用也蓋礮件愈簡便則愈利於急用歐洲山礮向有數種然皆太重用於平坦之地尙嫌笨滯不靈況

出使日記續刻 卷四

毛 傳經樓校本

山路乎邇來格魯森廠新創一種過山快礮專為山戰而設其礮身較他種同口徑之山礮大為減輕易於運動礮件簡便故堅固而耐久欲放便放即新選之兵無不應手其彈擊之力炸裂之效雖中國七里之遙尙能命中其最妙處在彈纜甚平連放若干次均走同綫無上下左右之異彈處平則彈徑處斷不至高於所欲擊之準自能命中矣格魯森新式過山礮最小者為三十七密里口徑三十倍長用於巉巖險坂最為便利此小礮每放一次均有大效如用開花子則每子炸成二十塊如用羣子則每子炸出三十八小彈每塊及每小彈

其傷不可勝計矣

二十六日記

外洋紡紗織布皆用機器故費省而工速英國尤擅此利所用棉花多自美國印度購運而來國中局廠林立一千八百六十八年棉花廠有二千四百七十處織機有四十萬座紡紗挺子有三千二百萬根以後逐年添設厥數更多運往各國紗布兩項之價歲增月益棉花自印美運至英國水腳大半為英船所得紡紗織布之工費及開廠之利亦為英人所得運至別國之水腳大半亦為英船所得國家另得棉花各項之稅金錢千數

出使日記續刻 卷四

毛 傳經樓校本

百萬按英國運往各國之貨每百分內四十分為紗布之貨二十分為雜貨可想見其生意之旺矣美印等處土產棉花而其利為英所獨擅者則以能講求工藝考究機器故也中國滬上已設織布局所出新布價值既廉購者漸眾閩省不出棉花近由紳士於省會創造織布局購洋紗以供織試辦兩年城鄉出布日多卞制軍以官局所出布行銷不暢奏請暫免稅釐民局所出布照六折徵收惜乎所出僅係土布以僅購中國織機未購外洋機器也 閩省織局每年約出土布四十餘萬疋惟官局售布已有利益民局售布尙少盈餘現又奏

定土布進口。免其再徵稅釐。其運售出口土布。減為四折徵收。廣西創辦蠶桑。已閱三年。頗有成效。通省共出絲二十萬零六千一百餘斤。

二十七日日記

麻六甲開闢獨早。本屬暹羅。後歸葡萄牙。旋隸荷蘭。嘉慶年間。乃歸於英。華人有居此二百餘年者。豪富多置田園於此。然其地只宜稻麥。絕無礦產。出入口貨物。僅及新嘉坡之什一。第為耆老退居之所。非商賈所萃也。檳榔嶼四面環海。山水清秀。雖土產無多。各埠所產鉛錫象牙胡椒蘇木甘蜜之類。多轉輸於此。十餘年來。貿易日盛。高閣連雲。頗有泰西景象。其歸英保護者。曰石蘭莪之吉隆。本巫來由地。華人得之力不能自庇。乃求庇於英。歸英保護。不過二十餘年。而其地產錫甚旺。歲出息二百餘萬員。華人麇集。日增月盛。曰芙蓉。地亦產錫。戶口不過一小都邑。曰大小白蠟。均產錫。華工雲集。頗有因此暴富者。小白蠟近海。由此乘火車一二時可至大白蠟。凡此各埠。英政崇尚寬大。進出口貨皆不課稅。惟出產最旺之錫。課落地稅。無過什一。其歸商承餉。征收較重者。曰鴉片煙。曰酒。曰當。曰賭。四者而已。此外則照歐洲通例。課門稅車稅馬稅。以供修道塗點街燈。

出使日記續刻 卷四

元 傳經樓校本

養巡差之用。各地利權。歸於華人者十之七八。歐人與巫來由人。僅得十之二三而已。華人中如漳泉廣惠潮嘉人均有豪富。每歲由華來者約有萬人。近年戶口日增盛矣。

二十八日記

西人既有聰明在腦之說。余復攷究其書。大抵謂心主周身之血。喜怒哀樂愛惡之情生焉。腦有氣筋二條。下垂。一主知覺。一主運動。如將知覺之筋割斷。則肌膚之痛癢不能自知。如將運動之筋割斷。則手足不能行動。人之所以癱瘓不仁者。蓋運動之氣筋斷也。其或中風

出使日記續刻 卷四

早 傳經樓校本

不語。思慮不靈者。蓋知覺之氣筋斷也。至心之血管。亦有兩條。一則送血使出。以運行於周身。一則收血使入。以還聚於一心。惟血之初出者本清。而血之還入者變濁。藉氣息之一呼一吸。可以吐濁而納清。則血之濁者復變為清焉。夫人之所恃以生者。血氣而已。腦主氣。而非血不足以充之。心主血。而非氣不足以養之。心與腦者。皆人身之主宰也。

二十九日記

戊刻。赴阿林登街第二十號沙侯宅內筵。慶賀君主誕辰也。譙畢。復赴外部衙門茶會。奧斯馬加蓋合奧

地利亞匈牙利兩國爲一者也。雖兩國各有議院，而君主則一。從前又爲日耳曼列邦之共主，得今德國之大半。故有皇帝之號。意大里未混壹之前，侯王錯峙，分裂疆土，亦大半歸奧統轄。故自俄羅斯外，奧地在歐洲爲最大。惟所行一切新法，風氣之開，實較英法德爲稍後。嘉慶年間，奧軍屢爲拿破侖第一所挫，奧皇計窮勢蹙，割地請和，僅免亡國。後與德聯兵，同伐丹馬，稍割其地。旋又爲德人所攻，喪師燹地，而日耳曼列邦皆歸於德。奧皇遂去日耳曼其主之名，既而意大里又列爲自主之國，奧地幾去三分之一。然尙不失爲歐洲大國。其地

出使日記續刻

卷四

望 傳經樓校本

與德法猶相抗衡。二三十年以來，頗能力行新法，國勢蒸蒸日上。此奧國盛衰之大略也。

五月戊午朔記

今之德意志，卽昔之普魯斯國也。普之開國，將近千年。疆圉日擴，地廣人眾，在日耳曼諸國中爲最強大。其勢不過稍亞於奧耳。然奧雖擁其主之稱，而普自一二百年以來，時時欲崛起稱雄，有與奧抗衡之勢。嘉慶年間，爲拿破侖第一所破，幾至亡國。繼乃經營締造，盡復舊封。普王威廉第一用畢士馬克爲謀臣，始肇霸圖。於是聯奧以蹙丹馬，復欺奧而伐之，設謀略法，使不助奧用。

能裂奧之地，既而蹈法之瑕，長驅入法，其計又在聯俄以圖法。激英使離法，擒其主，割其境，遂爲日耳曼列邦之共主。晉號德意志皇帝矣。夫俄之強也，以地大英之強也，以國富，獨普則富不如英，大不如俄，而任賢使能，敬教勸學，練兵訓農，其強遂與英俄鼎峙。而三法美皆不如也。自威廉第二卽位，席先皇之餘業，無隙可乘。雖法人報怨雪恥之心，無一日忘，亦無如德何。然法人鑒於前之失俄而敗也，通用全力結驩於俄，法俄之交合，而德國之勢孤，遂不得不聯奧意以備俄法。今尙形格勢禁，莫敢先動。余壹不知夫德法二國將來孰勝孰負也。

出使日記續刻

卷四

望 傳經樓校本

初二日記

西人研求化學，故能精於格致。所謂化學者，大都不外四氣十金之類。四氣者，炭氣、輕氣、淡氣、養氣也。十金者，燐、礦、綠、玻、精、鐵、孟、精、石、美、鹵、灰也。六合之內，必有此四氣，而天地以成一人之身，亦兼此四氣，而官骸以動，即飛潛動植，亦具此四氣，而得各遂其生。化學家由此四氣，十金之類，化而驗之，知萬物得是而生者，卽可用此以生萬物焉。卽如糞田之法，華人皆以糞肥之，西人則以化學製糞，惟用刈出禾稼，與既落草木，燒而成灰，以

莫之蓋禾稼草木均不外此四氣十金相合而成其燒出之煙即炭輕淡養四氣其燒餘之灰即所謂十金類也說者謂即華人火耨野燒之法也然此固化學中之淺焉者也大抵植者能生飛者能翔潛者能泳動者能走其有幾分輕炭之氣者即有幾分淡養之氣配合悉無差謬此則非精於化學者不知也

初三日記

法蘭西在歐洲向稱霸國強盛將及千年矣自拿破侖第一精於用兵吞滅西班牙荷蘭比利時意大利那威普魯斯諸國又敗奧斯馬加之兵幾有混壹歐洲之勢

出使日記續刻

卷四

星

傳經樓校本

英俄聞風震懼乃起而圖之合羣策羣力以厥拿破侖而諸亡國皆得復其故封法國炎炎之勢為之稍息拿破侖佳兵蹟武戰無不勝攻無不取頗有吳王夫差及項羽苻堅之風其所以一敗塗地者則以歐洲諸國知其非盡窮歐洲不止皆致死力以攻之也厥後拿破侖第三繼立席霸國之餘威尙能稱雄天下祇以恃強而玩敵氣驕而謀疏為德所破身擒國蹙而法遂改為民主之國自是好勝喜事之意稍遜於曩時而國民得享安靜之福然上下一心勵精圖治其復仇洩恥之意未嘗一日忘也當時債德兵餉甚鉅乃不數年而逋欠一

清則以地多膏腴物產豐饒之故近年敢土宇於越南東埔塞諸國法之聲望又為之一振而弗來西尼久掌兵部整頓戎政議者謂法之武備幾可與德國相匹敵此法國盛衰之大略也

初四日記

天地生物未有不予以一技之長者如鷓鴣知天時鷓鴣知風雨駝知泉脈獺知水潦鼃鳴應更蜂衙應潮鷓鴣背歲蛇盤向玉狐識孤虛虎奮衝破鴉有隱巢故鷓鴣鳥莫能見燕銜泥常避戍已故巢不傾雁有奴而伺夜羊有頭而率羣蠅虎匿形以搏蠅穿山甲張甲而致蟻即且

出使日記續刻

卷四

星

傳經樓校本

初六日記

近有西人攷察天下入數言一千八百九十一年地球之上人民共一千四百八十兆較之一千八百八十二年增多四十兆按中國十八省合滿州蒙古西藏計之共得三百六十一兆五十萬其地則四百六十七萬四百四十二英里云有精諳鐵路工師謂現在汽車已到極快地步若再加快有所不宜極快之車每小時行九十英里常例行六十至七十英里以沿途阻滯之

事甚多。汽機極高。速率數年內所加有限。鐵路路程改短。不過改路之高低以取其平。改路之曲折以取其直。山谷填平而已。

初七日記

英廷新簡駐華公使歐格訥來拜會。歐於五六年前曾署駐華公使。駐京二年。調為駐布加利亞三等公使。而華爾身為駐華二等公使。今華爾身以不能保護商務為英商所控。英廷左遷華爾身為駐羅馬尼亞三等公使。而以歐格訥代之。據歐自云。秋間起程赴華。其人頗老成明練。有殷殷聯絡之意。亥刻赴外部茶會。布加利亞國王亦在焉。先是俄人割土耳其之地以封布。僅許為半主之國。英相沙侯以全力陰助之。俾為自主。蓋布之勢強。俄人自不能越布而南侵。俄恨英之助布而終無如英何。至是俄布齟齬益甚。布王來英遊歷。且商密事。今夕茶會。蓋沙侯特款布王也。惟俄使不至。法使亦不至。法俄方睦。故事事皆體其意云。

出使日記續刻

卷四

吳傳經樓校本

初八日記

英國禁煙會紳云。目下擬請國家飭印度減種罌粟。無論中國之能自禁與否。而在印度總不宜種煙。以售於中國。去年已減種三千箱。然聞去年印度出口之數較

前年減四千箱。而中國進口之數較前年轉增六千箱。此一萬箱不知何自而來。或云恐印度運往南洋諸島。後復由南洋轉運中國者。否則南洋各島自種之鴉片。銷運入中國者。均未可定。然聞中國自種之土藥。又四倍於印度所產。故去年中國進口洋藥。雖增一萬箱。而所出之價。轉稍減於前年。以洋藥價日賤也。

初九日記

希臘一國。為歐羅巴南土三股中近東之一股。與土耳其國相連之處。有土腰長一百六十啟羅邁當。在北緯三十九度。其餘數面均為海所包。西面為由尼燕海。東面為愛日海南。南面為地中海。北面與土耳其地相接通。國地界寬長相仿。約合三百三十五啟羅邁當方里。合海島計算。共有五萬一千八百六十啟羅邁當方里。希臘本境則為四萬二千六百二十啟羅邁當方里。居民共得一百六十七萬九千七百餘人。合每方里三十三人。境內山嶺頗多。多與班得山通連。班得山又與巴拉岡及阿勒發。大拉馬特相通。全境皆有山嶺鉤接。亦有高坡平原之地。緣其沿海地多。故泰西推為膏腴之地。統論希臘約分四區。一曰希臘本境。一曰比婁波奈土。一曰愛日羣島。一曰由尼燕羣島。

出使日記續刻

卷四

吳傳經樓校本

初十日記

英屬支伯勞登島古名開爾魄城在西班牙南坎笛材省之東南六十英里赤道北三十六度七分三秒京師西一百二十一度四十九分二十二秒倫敦西五度二長三英里濶一英里四分之三地面積約兩英方里四面高峰離海一千數百尺而西界平原逼近海灣有城在焉對岸河洲隱約可見相距海面祇十四英里康熙四十三年荷英兩國與西班牙戰英官羅坎乘勝取之是年十月西法連兵來攻大敗而去喪師盈萬五十二年和議既成遂歸英國五十七年西班牙復來攻敗去

出使日記續刻

卷四

聖傳經樓校本

雍正二年又戰又敗乾隆三十九年西師晝夜環攻全軍盡沒喪師四萬費二百萬鎊其後法國公爵克烈倫率精兵萬二千破千尊兵船四十七艘船十徧布海灣國攻數月不克而退於是西法兩國始絕望焉城居山西北邊為礮臺要口亦船艘出入最便之所其高峰曰克維埃古稱芬斯開爾魄又有一千四百三十七尺與稱漢克爾司石柱沙漠土頸相連終歲祇有東西風冬景嚴寒光緒十五年進口船七千一百四十六艘載貨六百二十五萬六千九百三十二噸祇有煙酒納稅故稱為無稅之海口光緒七年居民一萬八千四百餘人兵六千餘人進口

貨值七千六萬三千四百零八鎊出口貨值三萬七千八百七十五鎊其官巡撫兼提督其俸歲給十二萬五千方有山路兩道穿鑿而成長兩英里闊能容車極南有歐羅巴士尖設燈塔焉地乾燥雨後草木蕃盛產蛇兔木雞小猴海口有隄一長一千一百尺一長七百尺為泊船之所此支伯勞登大略情形也

十一日記

客冬英外部侍郎弗爾克生在議院論禁煙事對眾宣言云印度政府准鴉片生理並無加害華人之意現已將此項竭力裁減印度種煙立有限制出口漸減如中

出使日記續刻

卷四

聖傳經樓校本

國欲加重進口稅或杜絕不令進口我英國萬不肯損一兵之命費一磅之藥彈以強逼鴉片入中國也據寶星威妥瑪稱當道光年間中英初立約時中國離海濱極遠之地栽種鴉粟已有一千英里可見鴉片非由英國首先運入矣查印度幣項大概五分之一出自鴉片稅惟現種煙之地均已裁減而印度工藝日益振興五年以來印度幣項已增至七千萬鎊云

十二日記

英吉利僻處三島其在歐洲初尚不如法蘭西國勢之盛然其經理商務實為各國所不逮有明萬曆以後已

有日長炎炎之勢。迨闢土於亞美理駕一洲。而其地已大莫與京。

國朝乾隆年間。英兵窺伺印度。戰勝攻取。殆無虛日。比嘉慶年間。華盛頓起兵美洲。立爲合眾國。而英盡失其膏腴之地。然英人懲前毖後。自此待屬地之政。務從寬大。不敢苛刻。未幾而五印度盡爲所併。方制數萬里。無非沃壤。亦足爲亡羊補牢之計矣。自女主維多利亞卽位。國威強盛。黎庶安和。大臣輯睦。始則印度諸酋。尙多不服。往往與師拒戰。輒被剪夷。繼乃販章益闢。外設印度總督以治之。內設印度部尙書以統之。於是遂上五

出使日記續刻

卷四

癸傳經樓校本

印度皇帝之徽號矣。澳大利亞一洲。本皆榛莽之境。二十年來。英人經營墾闢。物產日豐。文明日啟。不及百年。又一美洲也。至於商務以外。如輪船鐵路電綫諸大端。英人皆開風氣之先。其財賦之雄。海軍之強。器械之精。工藝之盛。地球各國推爲領袖。則皆維多利亞在位五十年中之所擴充也。故維多利亞非特爲英國極盛之令辟。亦歐洲之賢主也。余觀英法兩國。法人躁而英人靜。法人恃強而英人講理。英之君若相。競競有持盈保泰之心。儻能循是不變。英之稱雄。或尙未艾。此英國盛衰之大略也。

十三日記

西洋各國議院員紳。由民推選。大抵皆取器識明練。才辯鋒生者。而尤以家道殷實爲第一要義。羣謂之體面人。蓋西洋風氣。與中國不同。雖或以工商致富。或席其先世之遺業。而仍多讀書談藝。研求時務之人。亦有家業既豐。無所事事。乃求選爲議員。以據其蘊蓄者。甚或散財要結民心。默干時譽。以求中選。議員俸金。初不甚豐。而膺此任者之意。本不在此。蓋視此爲揚名成業之具。而非爲養身肥家計也。議員中資深望重者。可舉爲宰相及各部尙書。或爲伯理璽天德。或有稍玷其聲譽者。則終身無再選之望。故近來歐洲之官。以貪墨著者尙少。余謂中西用人之法。截然不同。中國以寒士爲重。故一參以富商。而其弊立見。外洋以厚貲爲重。故明注在富人。而其弊亦寡。數千百年來之風氣使然也。而願有互相菲薄者何哉。

出使日記續刻

卷四

辛傳經樓校本

十四日記

近來西人俱知雷電爲萬物公共之理。且傳引電氣。各物不同。有易傳者。有難傳者。易傳者如五金木水炭汽。冰雪之類是也。難傳者如琥珀玻璃硫磺松香石玉絲皮之類是也。遇易傳之物。瞬息可逾萬里。若難傳之物。

雖隔玻璃小片亦不能過西人有作電氣之法理奇而用大又有避雷之法各於樓房屋背插鐵針一枝自針脚以鐵條引出牆外直透入地其鐵條外層以玻璃護之不使鐵條與牆壁粘著使針尖攝引電火由鐵條而落於地則人畜屋器可免震擊之患凡戰艦橋樑亦用鐵條攝引入水云

十五日記

天地間物不外凝流二質有若金銀銅鐵鉛錫之屬其體本可凝可流有若瓦甓瓶罇罇蓋之屬其體非凝其用在凝有若朱丹膠漆采色之屬其體非流其用在流

出使日記續刻

卷四

至 傳經樓校本

此中西一也西人精研物理專立化學一門變化物質大要有四一曰性變鐵可流而為酒煤可流而為油米漿可凝而為器油炭可凝而為腴剛柔燥溼之性可互變也一曰色變硫磺與水銀合流為朱色銅與硝強水合流為藍色海藍與黑鉛合流為黃色木炭與硫磺合流為清水色青黃赤白之色可盛變也一曰味變硫磺二氣凝時無味流為硝強水則味酸木炭二質凝時無味流為紅白糖則味甜海水流時味薄凝成鹽則味厚牛乳流時味膾凝成精粉則味和甜酸苦辣之味亦遞變也一曰形變五金之質本純一經氣化則目不能觀

其形鹽氣之質本淨一經水銀則轉足以堅其形絮布煉之以為紙則厚薄之形異毛羽織之以為網則美惡之形異虛實輕重之形且屢變也若夫天地自然之忽凝忽流則又皆空氣使然雲之流行空氣託之也風之流動空氣助之也雨之流注空氣因壓力而不勝也露之流潤空氣得陰寒而漸縮也天之自然而流也有如此雨凝為雪露凝為霜微雨半空驟凝為霰大雨半空驟凝為雹蓋以空氣得熱則漲而上融得寒則縮而難融也天之自然而凝也有如此江湖溪澗之流有空氣推行於其間也魚龍水族沈浸於中則生畜之益益則

出使日記續刻

卷四

至 傳經樓校本

十六日記

接總理衙門來電云俄欲我盡撤邊外卡倫乃勘界斷無允理正相持不下而英與俄商帕事藉此轉圜是好機會希告竹使聯絡英館以探消息按前慶常在俄英館屢以俄事密告英英深忌俄故轉厚我帕地非界內

是屬地詳載西域圖志四月致竹使函繪圖錄說可備
辨論希向竹使索觀是我屬地而願三國不佔公平極
矣與外部談可告之此局不定後慮正多借力於英或
可如願希助竹使妥籌滇界專仗靈臺華使從未議及
魚電堅持不讓有轉機否

十七日記

昔余友曹鏡初比部研精佛理喜談禪學余舉佛氏放
生之說詰之曰若天下人人皆放生則鳥獸魚鼈充塞
宇宙人類不幾絕滅乎鏡初曰不然凡物之生由乎氣
氣之量有窮極之時如人之髮長至數尺之長則止矣
出使日記續刻卷四

卷四

吾博經樓校本

山之木長至數十丈之高則止矣鳥獸魚鼈亦然一山
之內一池之中所生之物如已充其生氣之量蓋有不
能復溢者今以人日殺之也故亦日見其生儻不殺則
不生不生則更可不可殺不亦善乎余無以難之泰西諸
國善闢荒地雖炎洲窮島無人之境一經開墾往往成
沃壤立巨埠余謂西士云地球之上民生之所以不蹙
者以多空地以容之也今人類既日生日繁而曠土亦
日墾日少儻再千百年後地力不足以養民生將若之
何西士對如鏡初之言蓋謂今民生之所以日蕃者究
因空地之尚多也若空地已無可再開則天地間之生

氣已一洩無餘而民生之蕃亦當有截止之期矣余細
思其言亦頗有理因并前後兩說合而書之

十八日記

龍之爲靈昭昭也而西人獨不信之以謂有此名而實
無此物與鳳凰麒麟相等蓋西人性多核實故必求其
確在耳目前者然後謂之有若耳目之所不聞見或其
迹在若有若無之間則雖明告之而彼終以爲無也然
余觀歐洲地氣蛇蟻諸物不少概見雖時當盛暑而階
前難捕一蟻意者龍之不出於歐洲亦其地氣使然耶
若中國則見於傳記不可勝述文王演易乾卦而龍之

出使日記續刻卷四

吾博經樓校本

潛者見者躍者飛者亢者均已罄其形容毫無遺蘊然
則龍之確有是物殆又與麟鳳稍殊矣若中國外之地
氣多龍者其惟印度乎讀佛經者自能知之余嘗以爲
上古人尙少則龍多中古人漸多則龍少自今以後雖
中國與印度其亦將爲龍日少人日多之世乎則西人
之謂無龍也固宜

十九日記

四月二十日英二太子在森哲模斯宮代君主行朝神
會禮余辭未往是日二點鐘三太子又在森哲模斯宮
代君主行朝神會禮余率馬格里張斯柯往會焉今年

朝紳會凡四次矣。實為最後一會。人數不過四五百云。

二十一日記

接總理衙門來電云。發諫電後。接陶撫電。略道報四月朔。張旗官。與巴達克山。什克南頭。目到蘇滿。稱蘇滿至六爾阿烏一帶。均非中屬。即要立卡。堅稱伊國不屬英。說甚驕橫。現張旗官退紮布隆庫爾。查蘇滿卡在雅什里庫爾。南十里。俄所力爭。我讓阿佔。俄豈甘心。況實是中屬地。俄久為保護。此等舉動。英豈不知。再竹使聞俄外部言。英俄有約。阿不能越界。可弗慮。然則將越我界矣。六爾阿烏無考。希詢外部。探其是何。出使日記續刻 卷四 壬 傳經樓校本

二十二日記

又有日本波斯駐英公使。均忘其姓名。

許竹質星使來函云。俄廷於月前電令其使喀希尼。向總署請撤喀城境外在帕密爾之卡倫。署意以甫允撤兵。覆以俟勘界後再商。並令景澄告知俄外部。而彼意則以帕地尚非定屬中國。不應先設卡倫。堅請先撤卡。而後勘界。總署嫌其得步進步。仍持前論。遂為相持之局。其實各卡中。惟蘇滿一處。最為寫遠。在伊西洱庫爾。庫爾譯北岸。即乾隆時立碑紀功之地。其地為阿里楚爾之雅什里庫爾。據陶中丞稱。係擬定後設卡。此處密邇俄之費爾干省。彼方眈視而欲得之。去年英員遊歷俄向派兵巡帕。先後將二員阻逐。於我未必轉有顧忌。今之相持。若僅為不了之宕局。尚屬幸事。且阿富汗今春數次。來言蘇滿之地。應歸彼屬。催我退兵。總署謂必係英嗾。鄙意阿富汗忌俄逼處。名與我相爭。實仍與我同患。宜導諭之。使與俄公論界事。為多樹俄敵之策。

出使日記續刻 卷四

壬 傳經樓校本

二十三日記

艾力雀爾帕米爾。中俄交界圖作雅什里帕密爾。一作阿里楚爾。帕密爾。蘇滿塔什。即中英俄交界圖之瑣麥得舒。布隆庫爾。即中俄交界圖之布倫庫里。雅什里庫爾。即中俄交界圖之雅什里庫里。湖伊西洱庫爾。湖。即英兵部所印中英俄交界圖之葉因庫爾湖。舒。

格南即什克南同部之小者也。僅有千餘人。蓋小於坎巨提五六倍矣。今與巴達克山皆為阿富汗屬部。

二十四日記

總理衙門四月二十三日致許星使電云。喀使云奉本國電請我將喀城西境外在帕卡倫並防兵一枝全行撤退。似此得步進步。漫無限制。萬難輕允。希告外部。前喀使所云阿爾楚爾雅什里庫爾派駐之兵。我已照撤。此外向設卡倫。彼謂帕地我謂非帕地。自應俟隨後會勘再商。目下礙難概撤。將來總可勘明。我總不以卡倫一立。即為定地。查西域圖志阿爾楚爾等兩地實在境

出使日記續刻

卷四

廷 傳經樓校本

外。已函告陶撫。此外卡倫多恐不免出境。特現難再允撤退。須心知其故也。又接陶撫電。二月十四日俄兵三百餘騎。至俄屬喀喇庫爾。現愛烏罕頭目率保餘址。至蘇滿探俄動靜。稱中英以分水為界。蘇滿係伊界。是英俄刻皆虎耽爭先。希密電陶撫相機行事。勿再拘執。並以西域圖志告之。五月初二日又致許星使電云。彼先請撤雅什里兵。我即允。今請盡撤邊外卡倫。斷無允理。各卡設立。已將十年。是否皆帕地。未可輕斷。陶撫電。三月初。阿富汗三次遣人稱占彼地。迫我速退。即指雅什里而言。阿為英嗾無疑。英之攻坎。由通道於帕。目下情

勢卡倫斷不可撤。防英非防俄。會議勘界。斷不可緩。撤開英國。勢不能行。希再詳告外部與商。不必氣餒。作游移語。

二十五日記

總理衙門來電云。漾電悉。俄使來言。俄因我不肯撤邊外卡。將派兵進紮穆爾格阿布河。據理力斥。始允電告本國。以阿兵佔地告之。彼不甚在意。三國不佔之說。據云本國不以為然。但允勘界。現若促阿退兵。慮俄進佔。英又有詞。此事只可以三國分地為歸宿。試與英相機商之。並轉電竹使。設法辯論。一面電喀城。告以俄兵如進。不必驚慌。不可生事。俄固謂非來尋衅。疆電已撥款興辦。

出使日記續刻

卷四

廷 傳經樓校本

二十六日記

字林報云。俄人經營中亞細亞。不遺餘力。而英隔重洋之外。遠莫能知也。今俄於蒙古界外。安坐而得地二萬英方里。又於阿富汗附近。得地一萬英方里。雖冰天雪窖。荒瘠不毛。然土地究國家之寶也。西報因謂中國英國及阿富汗。宜與俄速勘定界址云。意大利近百年來。多伐樹木。用之於鐵路工程。並供水師製造之需。而久不補種。地上之水。無所歸宿。日光蒸之成氣。騰至空

中降為大雨下流之水洗刷泥土帶入大溜填淤海口
氾濫橫流貽害地方而瘴氣亦因之而生也

二十七日記

本年德國度支估用款十二萬二千二百四十一萬六
千五百馬克進款僅十萬零六千三百四十五萬七千
七百馬克各邦協濟之三萬二千一百五十一萬一千
八百馬克亦在此進款之內以進抵出尙虧一萬五千
八百九十五萬八千八百餘馬克另籌別款撥補 奧
國現議設鐵路一道舍煤炭而用電氣每點鐘可行一
百二十西里至一百五十西里議先設於奧京及畢打
卑士兩處待試驗合宜再為推廣並聞美英德法皆將
踵而行之俄國之車亦已次第改用電氣矣

二十八日記

漢陽鐵政局在大別山下上至月湖隄下至湘鄉會館
長四里餘闊數十丈下段為鑄鍊五金廠築砌鑪座其
煙肉高至二十丈房屋數十間以備工作上段為鑄鐵
廠而織布局則在武昌 法國出使隨員有遊歷琿春
者覽其形勢歸告人曰俄國已有裏海鐵路運兵祇數
日程即達印度北界琿春一口現又添造快船船成之
後俄國旌旗即飛揚黃海之中可制英香港之兵矣

出使日記續刻 卷四

李 傳經樓校本

春各處礮臺水陸礮局船廠運兵之鐵路及一萬士卒
所用之營房等項現均迅速營造且築船塢二座亦將
告成琿春水師分兩幫一名水師船幫有大快船六艘
一名悉畢爾船幫有礮船雷船兩種分泊口岸

二十九日記

英君主發帖請各國公使於十點鐘赴柏金碑模宮聽
樂余率張聽帆許靜山同往奏樂凡十闕其末一闕係
祝頌君主之辭循舊例也是日君主以皇長孫之喪未
到大太子及太子妃暨其子女等均未到樂會既罷余
於一點鐘還館

出使日記續刻 卷四

李 傳經樓校本

六月丁亥朔記

日本全國東西自東經綫一百二十四度四十五分至
一百五十六度三十分南北自北緯綫二十四度六分
至五十度十六分地屬畿內者五一山城二攝津三大
和四河內五和泉分爲道者八曰西海道在畿內道迤
西大隅薩摩日向肥前肥後豐前豐後筑前筑後豐岐
對馬十一國屬焉西南曰南海道伊豫土佐阿波讚岐
淡路伊紀六國屬焉西北爲山陰道石見出雲伯耆因
幡但馬丹波丹後隱岐八國屬焉西爲山陽道長門周
防安藝備前備中備後美作播磨八國屬焉其東爲東

海道伊賀伊勢尾張志摩三河遠江駿河伊豆甲斐相
模武藏上總下總常陸安房十五國屬焉北爲北陸道
若狹越前越中越後加賀能登佐渡七國屬焉東北曰
東山道近江飛彈美濃信濃上野下野巖代磐城羽前
羽後陸前陸中陸奧十三國屬焉東北一大島曰北海
道渡島後志瞻振石狩千島北見日高十勝釧路根室
天鹽十一國屬焉總而計之爲府者三一東京府一京
都府一大阪府爲縣者四十一與各國互市之處入爲
長崎爲神戶爲大阪爲橫濱爲築地爲箱館爲新潟爲
夷港此形勢之大略也

出使日記續刻

卷四

空

傳經樓校本

初二日記

日本礮臺東京府東海道武藏國荏原郡有六座大坂
府畿內攝津國西成郡天保山有一座兵庫縣畿內攝
津國武庫郡兵庫港有二座長崎縣西海道肥前國西
彼杵郡長崎港有六座鹿兒島縣西海道薩摩國鹿兒
島有六座北海道廳北海道渡島國龜田郡函館有六
座高知縣南海道土佐國高岡郡野見港有一座和歌
山縣南海道伊紀國海部郡和歌港有一座兵庫縣南
海道淡路國津名郡由良港有一座長崎縣西海道對
馬國對馬島長崎縣西海道肥前國南松浦郡東彼杵

郡以上三處其數未詳師船三十四號曰扶桑艦金剛
艦比叡艦日進艦天城艦磐城艦孟春艦第二丁卯艦
雷電艦龍驤艦清輝艦迅鯨艦淺間艦筑波艦富士山
艦千代田形艦石川丸鳳翔艦東艦春日艦蒼龍艦海
門艦筑紫艦天龍艦葛城艦太和艦武藏艦浪速艦高
千穗艦高雄艦愛宕艦摩耶艦鳥海艦赤城艦其中扶
桑比叡金剛龍驤東艦五號爲鐵甲餘俱木質此外又
有大雷艇一水雷艇六

初三日記

天空之雷氣多容於水大雷雨之時水質所容電氣磅
出使日記續刻

卷四

空

傳經樓校本

礪空中有感即應速無倫比而物之能引電氣者所在
多有鱉兔雞鴿牛羊等物之動筋割之成片俱能發電
人在曠野遇有雷電不可避於樹下電見而雷即隨之
者知其雲雷相去甚近以臥於地面爲最妥藏於低棚
或馬車或矮屋或低橋之下亦不甚險若在高房或高
樹之旁必相距二三丈之處始可免害切不可在有水
之處蓋水質易傳人身高於水電氣欲至水內必以人
身爲傳過之路則受其害矣若近於煙囪及房內拉鐘
之銅絲或鍍金包金之物亦俱危險以諸物皆易傳電
故也雷擊房屋下層受傷最重故避入地板下之房亦

甚危險。若卧房上而下有厚褥。上蓋覆被。不通地氣。必不傳電。又有設桿引雷之法。雷擊高物。則周圍不甚高之物。可以幸免。故設立一桿。高出屋脊。俾引電氣至地。內而不傳於屋。輪船上亦多用之。其桿以紅銅為最。蓋電氣必擇最易傳之路。而紅銅則最易傳之物也。電氣順之而下。不覓別路。則他物不至受傷。是知防電亦多術矣。

初四日記

總理衙門來書云。三月中旬俄使來晤。請我撤駐帕邊兵甚急。因電陶撫除原卡兵役仍舊外。其添派之兵一

出使日記續刻

卷四

齋 傳經樓校本

律撤回。緣喀城沿邊。向設黑孜吉牙克及蘇滿等八卡。蘇滿係十五年新設在雅什里帕米爾地。雖在喀城界外。然有

御製碑文。為乾隆二十四年平定大小和卓木立功之地。白可據為屬中之證。同治十年。即西歷一千八百七十二年英俄會議帕米爾之約。以下希路擊與阿富汗分界。英廷亦有追悔之處。李梅聽法商德威尼慈懇請託。遂据乙酉續約第七款。以相繼擾。無如官路商路相銜。鋼軌斷難兩歧。英法軌式各殊。價值亦異。從前商路既用英軌。則官路勢不能改用法國機車。惟有鐵橋及貨車所需鐵

料。尚可通融。去年八月官路局請購貨車鐵料。估價二萬數千兩。即交法商吉禮豐承辦。略示調劑之意。查關內之橋。以灤河鐵橋為最闊。約長二百數十丈。將來鐵路接造出關。所經大河有二。一遼河。寬約三百餘丈。一大凌河。寬約五百餘丈。均須訂購外洋鐵橋。若法商價廉當購其貨。至灤河以西各小橋鐵料。估銀約四五萬兩。已交法商承辦。又灤水縣拒馬河內。議令法商承辦鐵橋一座。工料銀二萬數千兩。

初五日記

天下最長之電綫。在中印度。造過吉司那江。長六千餘

出使日記續刻

卷四

齋 傳經樓校本

尺。高一千二百尺。天下最大之橋。在美國紐約城。經過衣斯脫江。譯言東江也闊約英一里。至白羅坎林城。而盡長五千九百八十九尺。闊八十五尺。其最長橋面一節。有一千五百九十五尺零六寸。約半英里天下最高之火山。曰帕帕開脫魄爾。在墨西哥布委巴拉城西南三十五英里。高距海面一萬七千七百四十八尺。火山之口。周圍三英里。深一千尺。天下最大之輪船。名葛雷脫衣斯吞。長六百八十八尺。廣八十三尺。深六十尺。載二萬八千六百二十七噸。係英國商船。往來美洲天下最大之砲臺。在支伯勞頓海口。長三英里。廣一英里。三分之一。

初八日記

天下最大之地穴在美國干的伊一作根與格里恩江相近譯言曰美毛斯穴內建造房屋參差不一又有數處建於愛荷江上江產無目魚頗著名天下最長之鐵路曰聖歌柴由瑞士國盧撒爾拿省起至意大利西北密蘭諾城在郎拜而底省穿過山洞在安特禮脫山下有九百尺開斯脫爾好恩山下有六千六百尺其山道之廣有二十六英尺之半高十八尺零十寸長有九英里之半天下最大之書庫在法京巴黎曰畢不烈斯愛勾南興納爾法王路易十四所建書有一百四十萬卷小說有

出使日記續刻

卷四

空傳經樓校本

初九日記

天下最大之沙漠地在阿非利加洲北境曰撒哈拉西至愛脫蘭恩的克奧興即大洋東至埃及國尼羅江自西至東約長三千英里廣九百英里地面積二百萬英方里雨甚少竟有五年十年一次者夏日格外酷烈而夜間常涼冬日寒暑表有時在冰度之下天下最大之石碑其頂形三角係埃及國之啟奧魄斯高四百八十

一尺方基有七百七十四尺碑石重六百三十萬六千噸此碑外而今已拆毀因造埃及京城坎羅嘗取石於此也天下最大之鐘在俄國舊京墨斯科鐘底周圍約七十六尺高二十一尺有奇厚二十三寸重四十三萬三千七百二十二磅製成後從未懸掛天下最大之樹在美國西北海濱開里福尼亞省高二百七十六尺樹根一百零八尺樹頂七十六尺天下最深之礦在比利時國曰蘭排脫煤礦深三千四百九十尺天下最長之城在中國北境秦始皇所建經過高山深谷大河等處天然形勝長約一千二百五十英里高之中數約二十

出使日記續刻

卷四

空傳經樓校本

尺城脚厚二十五尺城頂十五尺歐洲最高之峰曰歐羅巴士尖在西班牙極南高距海面一千四百三十五英尺北面觀之奇峰壁立直透霄漢東面崎嶇望而生畏南與阿洲陸地隔海相望西面少高峰介乎海濱低地之間有狹道平原支伯勞登城建於此

初十日記

春間代張蕪帥在比國色林地方郭克力耳廠訂定西門馬丁鍊鋼鑪廠及鍊生鐵為熟鐵鑪廠之屋頂屋料所有鑄鐵熱鐵件計底板方墊圓柱扁柱橫樑斜架撐水溜水管螺釘螺蓋帽釘彎紋鐵板等如詳細名目單

所開之數每件俱用極好之料限八箇月造成在比國安瓦浦交清計價英金一萬一千三百二十六鎊十先又有屋頂別段另添價四百六十七鎊二先十一本合共一萬一千七百九十三鎊十二先十一本查郭廠木非極大之廠此項屋料先經馬參贊在英國海德來爾廠講定價尚稍廉工尚稍速後因郭廠許收教鄂省鍊鐵匠徒四十人不能不與成交以示酬勞海廠又來理論乃給津貼費一百鎊以了事

十二日記

喀什噶爾舊對音為喀什哈爾在巴爾昌西南一百四

出使日記續刻

卷四

宅傳經樓校本

十里烏什西南九百三十五里距京師一萬一千九百二十五里回首大和卓木波羅泥都舊居城也城周四里餘所屬村城一十有六乾隆二十三年七月霍集占棄庫車而西將軍兆惠率師追之抵葉爾羌波羅泥都自喀什噶爾以眾馳赴與霍集占合相持葉爾羌城下累月我師還次阿克蘇整軍再進霍集占從葉爾羌遁而西波羅泥都亦從喀什噶爾遁去我軍進指喀城回民迎降屬境盡歸版籍時乾隆二十四年閏六月也

十三日記

電報之法奇矣德律風則奇之又奇此器成於光緒三

年西曆一千八百七十七年有美國人倍爾者用電氣收入人聲山綫通彼處之電氣復發為人聲先是光緒二年美國賽百年大會倍爾製德律風已粗具規模陳之會中任人聚觀試驗之靈便異常有英國格物士黨生者記其器之形質用法謂電氣之用至此超前絕後惟此器初狀恐尚未盡善願再加研究務使不及片時可傳至千百里以外倍爾遂復精思更改迨明年五月五號就暴斯敦大堂聚集眾人又於十五里外集眾亦如之以德律風傳言互相問答其應如響又歌一曲音調鏗鏘如在耳際又一綫通至一百二十九里外歌聲自器中出亦

出使日記續刻

卷四

宅傳經樓校本

如之眾方知德律風有如此之妙用倍爾又建於紐海紋大書院中學徒十六人相聯以手一人手執西邊電綫既而東邊屋內發聲電由十六人身上傳過而人不司斯亦奇矣其用以傳述事務則始自某書信局員伯千八百尺長之綫由總局通至礦內向有量空氣表及用德律風相接出聲如報時鐘以報空氣之多寡焉蓋倍爾風精格致之學謂萬物本無聲擊動空氣始得成聲試以極薄之鐵皮成一空心圓泡就其口呼吸之則鐵皮動有凹凸形即於泡外置一小筆頭用紙條移過

則筆因池動而作點畫如電報然因悟聲者擊動空氣而得遂用電綫傳聲成此德律風其聽之之法用木製一筒如人耳然筒有竅竅中以極薄銅皮置爲耳膜筒中置有電之吸鐵繞以細銅絲以接電綫傳語時語音擊動筒內耳膜使吸鐵受其聲由電綫傳至彼處聽之絕不模糊後有謂此可備戰陳之用恐電杆易被敵毀乃將電綫埋入地中敵莫能得其端緒近又有美國人愛迭生者製成納音器開其機軸裝以蠟筒一人口向皮帶語之則聲留蠟筒上可郵致他處供人聽聞雖相距數萬里遠隔數十年無殊晤對此則尤變化出奇矣

出使日記續刻

卷四

突 傳經樓校本

十四日記

西洋各國之所以致富強者以工商諸務之振興也工商諸務之無阻以各項公司之易集也凡事獨立則難支取舉則易舉勢孤則氣餒助多則智周西洋公司資本之雄動以數千百萬計斷非一人一家之財力所能就然苟有富辦之事可與之利則風聲一播而富商立集股票一出而巨款立致蓋其規畫之精風俗之純章程之善有使人深信不疑者也中國富辦不辦之事亦孔多矣其所以易敗而鮮成者以公司之難集也曩者庚辰辛巳之間滬上風氣驟開頗仿外洋招股之例興

辦各事苟稍有勢力可藉數十萬金往往立集無如任事者既未深知此中利病措注不能中窾甚者恣其揮霍虧負纍纍未一二年而入股者之貲悉化爲烏有迄今皆視爲畏途雖有集數萬金之公司而無一應者以致關係大局之緊要公務無一可爲然則昔日風氣之驟開乃今之所以益閉也豈不惜哉豈不惜哉余謂中國公司之不舉半由人事半由氣運雖小端而實繫全局嗚呼時勢之岌岌如此安得有大力者出而一轉移之也

十六日記

出使日記續刻

卷四

辛 傳經樓校本

法人賴賽模斯一作勒前開蘇彝士河之時與埃及王議訂合同由埃及王給以開河之地并瀕河左右若干里之地作爲蘇彝士河公司之地又開河需用夫役甚多恐埃及民之昂價居奇也由埃及王核定酌中之數不許埃及民多索亦由埃及王訂定每日有若干萬人供其工作前後共用英金一千八百萬鎊皆由賴賽模斯出票糾股所得入股者法人爲多亦間有他國之人惟須以股票之半歸之埃及王以酬其地價言明二十年後方能給息迨開河工竣而商路大通股票價騰漲埃及王素善揮霍所借國債日多而不能償其息萬不得已始出其蘇彝

士河股票欲購之法國法人不受又遣員密赴英國商議是時畢根佩為宰相兼戶部尚書適值議院已散之時畢根佩恐失此事機又慮漏洩風聲為法人所阻於是籌墊巨款即日成交以四百萬鎊悉購其股票法人聞之大譁謂法國辛苦經營僅合各國之人得其股票之半今英人乃安坐而得其半豈不可恨然竟無法阻之也今英國之股票已值價五六千萬鎊即前以四百萬鎊得之者也賴賽樸斯從此名聞天下法國賞以伯爵且以一窶人而驟致千餘萬之富後又有集開巴拿馬河公司之舉佔看須集股英金二千六百萬鎊即可

出使日記續刻

卷四

三傳經樓校本

藏事人以賴賽樸斯名望素高爭輸巨金未一月而股票售罄厥後貨盡而工不就賴賽樸斯屢次招股添本入向以其宿望而赴之無如巨貨屢罄而工不就人始知賴賽樸斯實未親往估勘大抵他商希冀成功倚其出名以招股者也厥後賴賽樸斯親赴巴拿馬一次心知其工難成業已深入重地不得不再勸人添股人向勉強應之前後共用英金七萬二千萬鎊而工卒無成今遂廢棄不辦賴賽樸斯之家費毀其大半聲望亦從此大損夫賴君之學識志慮豈其今昔懸殊何其智於前而曹於後也余謂自古以來之有將相大權無端易

轍而不自知者其皆此類也夫

十七日記

泰西諸大國俄之富不如德蓋俄居極邊極寒之界而荒地甚多德則較俄為腹地且講求農事無閒民無曠土也德之富不如法蓋法地擅歐洲上腴而製造之精工藝之良亦以法國風氣為最先所產葡萄酒為各國人所嗜其獲利尤厚也法之富不如英英之土產雖遜於法而煤鐵之利甚饒萃通國上下之精神經營工商諸務超出法人之上故能羅天下之財為一國之財也英之富不如美蓋英恃商務究似無源之水美國地博

出使日記續刻

卷四

三傳經樓校本

物阜與中國相頡頏而其經畫之方教養之法則十倍中國不待外求而自然之產已非他國所能企及且其已墾之地利尙未及半故猶有蒸蒸日上之勢也若論其強則法不如德德不如英英不如俄美其在德法之間乎 英商部報單云西正月至六月六箇月進口貨值英金二萬一千二百六十五萬餘鎊較去年上半年多三十五萬八千餘鎊出口貨值英金一萬一千一百八十六萬餘鎊較去年上半年少一千二百二十萬五千餘鎊

十八日記

余於半月前偕王省山坐電氣車過泰晤士江底之下。至江南岸仍坐電車而返。蓋電氣之可以行車近年始得其法。風氣尚未大開。倫敦之電車公司。惟此一處。且尙不能行遠也。電車所行之鐵路與火車相同。惟鐵路之中間。另有一銅條。車上亦一銅條。與之相磨。時見電光迸閃。蓋引電之物。惟銅最速。電氣必得此以流通也。車上及其兩旁。較火車尤爲潔淨。無煙霧之迷漫。無煤灰之充積。江底之下。開路一條。車行其中。上面皆砌以白石。江泥不能塌下。江水不能滲漏。一路照以電燈光。明如晝。此路長不過十里內外。有登車之碼頭五處。其

出使日記續刻

卷四

書

傳經樓校本

碼頭皆自平地穿入江心之下者也。每時五分。車行一次。每客價僅二本土。每次多則二百餘人。少僅一二十人。其價所以如是之廉者。蓋以其行之速。可取償於客之多也。余聞電車公司創辦不過一兩年。工程尙未全竣。其用意在小試其利弊。即以此爲電車暢行之嚆矢。所以必行於江底者。人情未有好奇。奇則赴之者多也。其生電機器。別在一處。日夜熾煤火運動之以生電氣。由地道送入江底。以供運車之用云。

二十日記

西洋各國駐華公使領事。無不任意挾制。遇事生風。余

以爲洋人性情剛躁。不講禮義之故。及至歐洲。與各國外部交接。始知其應付各事。頗有一定準繩。周旋之間。彬彬有禮。亦尙能顧交誼。不肯顯露恃強陵人之意。亦不顯露矜智尙術之意。非特英法也。各國皆然。非特外部也。各員皆然。即如前駐京英使威妥瑪。我中國人皆以爲妄人也。暴人也。而威妥瑪與余交情文並摯。隨時襄助。且其學問議論。即在中國。亦斷不能以常人視之。然苟再至中國。不能保其不爲患也。且洋人之恣挾制於中國也。其所由來。非一日矣。始於道光年間之和戰。無定。屢戰屢敗。既爲洋人所輕。繼以咸豐季年。爲城下

出使日記續刻

卷四

書

傳經樓校本

之盟。定喫虧之條約。益爲洋人所輕。厥後雖設總理各國事務衙門。而堂司各官。皆未洞識洋情。因應不能得訣。每遇一事。大抵御之以多疑。示之以寡斷。二者適與洋俗相反。寢至格格不能相入。其剛者爭非所爭。柔者又讓非所讓。而事益不可爲。且偶有一二洋使性情稍慤。不甚施挾制之術者。非特要事無一可商。且有以微事而受嚴拒者。彼見夫善挾制者之多。得所欲也。於是相承而趨於挾制之一途。即慤者亦漸化爲黠。慤者亦漸變爲悍矣。此風釀之者。非一日。即改之者。亦非一時。嗚呼。安得識洋情有風力之大。臣久居總理衙門。而一

挽此習也。

二十一日記

今年春季中國各海關所收稅銀共四百十八萬一千七百餘兩。比較前三年均有贏餘。內進口稅銀八十四萬五千八百餘兩。較上年多六萬八千餘兩。出口稅銀九十五萬餘兩。較上年短八萬八千餘兩。又半稅銀十一萬六千餘兩。洋藥煙稅六十萬八千五百餘兩。洋藥釐金二百四十六萬七千餘兩。轉運稅鈔十一萬三千餘兩。船鈔七萬九千九百餘兩。通計通商口岸二十處除牛莊收稅無多不計外。天津徵銀六萬四千六百餘兩。

出使日記續刻 卷四

美 傅經樓校本

兩煙臺六萬八千四百餘兩。重慶三萬八千三百餘兩。宜昌四萬一千餘兩。漢口二十萬二千四百餘兩。九江十四萬六千餘兩。蕪湖十五萬八千餘兩。鎮江十四萬八千餘兩。上海一百三十九萬二千餘兩。甯波二十一萬六千餘兩。温州四千五百餘兩。福州二十二萬九千五百餘兩。淡水九萬一千餘兩。打狗口十四萬一千六百餘兩。廈門二十二萬三千餘兩。汕頭三十六萬六千餘兩。廣東五十六萬七千餘兩。瓊州二萬九千四百餘兩。北海五萬八千七百餘兩。合計煙臺宜昌漢口九江鎮江甯波温州福州淡水打狗廈門十一處均勝於去

歲餘則略遜。總理衙門去歲添設英法俄德文繙譯官。英館以張德彝為正。沈鐸為副。德館恩光。俄館塔克什錦。法館現尚無人。

二十二日記

中國茶務之衰。因往年貪得之輩。攪雜偽茶以圖漁利。浸至飲者傷生。販者失利。西人乃僱華人出洋講求種植製焙之法。先於印度西廊等處。如法試植。至今十餘年。西人盡得其傳。而中國茶利遂為所奪。所幸者。天時地利。中外各殊。故印茶尚不及華茶之美。而英美等國富商巨室。亦不甚嗜之。即英國醫生亦以印茶為有損。

出使日記續刻 卷四

美 傅經樓校本

不若華茶之有益。近來西商到華辦茶者。仍絡繹不絕。使華商從此亟為整頓。尚可收桑榆之效也。去年頭造春茶。華商仍能獲利。特二造以後。屯積過多。不免又滯銷耳。西報又謂英京辦茶者。有新行舊行之分。新行辦印茶。舊行辦華茶。門戶既分。議論遂各有所祖。又有人致書英報館。謂中國日本茶樹祇有一種。印度西廊則有三種。一為彼處自有之野茶。一從中國移植之新茶。一則野茶與華茶相接而生。三者又以接生之本產葉為佳。蓋野茶色濃味厚。固不若華茶之色淡味清也。印茶每一英畝。可採葉一千二百磅。華茶每英畝僅得二

百五十磅。其貴賤已不同矣。華茶性喜乾燥。愛清涼。故必植於山巖。印茶能耐溼。不畏熱。平地亦可栽種。惟發葉太粗。但工作之輩。廉其值而嗜之。精粗又不同矣。惟接成之本。每英畝收葉不過八百磅。此種茶獲利較易。而為茶商所樂購焉。移植之茶。其培植之工。烘製之法。原不甚遜乎華茶。但非英人所喜。仍不若華茶之銷流也。近聞福州各大茶行擬立章程。從新整頓。凡辦茶者。均不得雜以茶末。加工製造。精益求精。果爾則尙可復振也。

二十三日記

出使日記續刻

卷四

老傳經樓校本

中國產茶最盛者。以福建之武夷山為最。次則臺灣之前後山。又次則粵東之鶴山古勞。而雲南之普洱。越南之萬浩。亦為產茶之區。茶種但有紅綠二色。綠者為華人所嗜。紅者為西人所珍。惟俄羅斯獨用茶。則又與中西人之用茶葉者不同。俄國近頗多售印度茶。未免漸奪華茶之利。西報有英醫生安多羅者。講求茶味優劣。嘗云中國紅茶。能使人胸中塊壘全消。日久亦無疾病。譬如有人飽食之後。必飲牛乳。或飲泉水。或飲清茶。始能養脾陰而潤燥。若不飲茶。則肢體便覺不舒。然茶亦有不同者。如人清晨飲印度茶一盞。則一日不能

舒暢。蓋綠茶味太濃。能害筋絡血管也。如欲飲茶。或病人索飲。莫佳於中國紅茶。且泡時務須留意。大約泡以開水五分時候。即須入吻。再久則茶味已壞矣。西醫之品評印茶華茶也如此。

二十四日記

印度之東有地名阿珊者。北界西藏。南界印度。西界布丹。東界緬甸。為自主小國。今其種茶之地。已有二十一萬六千六百英畝。每畝出茶約三百八十六磅。除去未熟之地。本年共出茶一萬二千七百六十七萬七千磅。俄國商船向運火油於印度者。今由印運回之貨。以茶為大宗。俄商大獲其利。蓋價既較華茶為賤。而味又較華茶為厚。以故行銷益廣。若運華茶。須陸路由京師而北。逾蒙古沙漠。以經恰克圖等處。事艱費鉅。豈若俄運印茶。由印度洋而紅海。而地中海。而黑海。以達於俄之便哉。石油一種。亦名火油。蓋出自礦泉。煤精之所化也。中國惟四川有之。而未知其用法。中國之油。以黃豆花生菜子為大宗。近年多用美國之火油。每年運華甚多。近日俄國裏海以東。有地曰峇淡。與土耳其交界。日出火油八萬八千大桶。前年俄人採取。初開時已得俄銀一百五十萬羅布。此專指一泉言之也。美國出火油雖

出使日記續刻

卷四

老傳經樓校本

多尙未能及其半。祇以岑淡向無鐵路。載運維艱。故須造鐵路以達黑海。則銷流甚廣。歐洲各國可盡用俄油。以奪美油之利。并可運往美國以窒其利源矣。

二十六日記

去年英屬南洋戶口總冊。新嘉坡男女共十八萬四千五百餘人。檳榔嶼及鄰甯一帶共二十五萬三千餘人。麻六甲共九萬二千餘人。其歸英保護者。白蠟其男女二十一萬四千餘人。石蘭莪共八萬一千餘人。芙蓉二萬三千六百餘人。拿吉里士美蘭。即尼格利四萬一千六百餘人。彭亨六萬四千餘人。以上總數共有九十三萬七千九百七十人。較之十年前增多八萬八千九百五十八人。本年北京王大臣盤查戶部銀庫。實存正項銀一千一百三十四萬兩。庫平銀七萬一千餘兩。

二十七日記

中國商務不能振興之故。厥有三端。一在搶奪生意。華人創一業。稍沾微利。則必有人學步後塵。甚且貶價爭售。互相詆毀。以致兩敗。若照西例。凡創一業。官給准照。獨享其利者若干年。剽襲詐偽者。罰無赦。則無此弊矣。一在攙雜詐偽。西人運來之貨。初次二次極佳。三次必漸遜。以華人之喜價廉也。中國則於絲中攙麻。或新絲

出使日記續刻 卷四

先傳經樓校本

中攙舊絲或細絲中攙粗絲。茶則攙以柳葉。或雜以泡過茶葉。其顏色則多用裝點。西人不過受欺一次。後不再來。即真貨亦致滯銷。皆弄巧成拙者階之厲也。一在電報靈速。即西人亦常受此害。然不若以上兩弊之爲禍烈也。

二十八日記

辰刻率參隨各員遙賀。萬壽。前駐華公使威妥瑪與余交頗有親敬之意。嘗稱眷戀中國。至今追思風景。猶往來於懷也。惜年已七十有四。不獲再往一遊耳。偶與追論總理衙門王大臣。

出使日記續刻 卷四

先傳經樓校本

則曰恭親王聰明絕頂。實挽回中國大局。且其威儀彬雅。乃余生平所罕觀。固宜令人欽服也。文中堂謂王文忠公之公忠體國。亦不愧一代人物。宜其襄佐恭親王。補救時艱。惟間有固執不通之處。則以當時風氣未開。致未能諳悉洋情。若在今日。當更練達矣。於董福卿尙書。則曰此公學問亦好。著作可觀。然實非辦事才。問何以故。曰膽太怯耳。於郭筠仙侍郎。則曰此公學問過於董公。亦極有志辦事。惜不善體世情。在中國爲喫虧耳。於王夔石尙書。則曰聰明過人。亦爲難得。於毛旭初尙書。譚竹崖尙書。則皆曰此中國之好人。又笑曰總理衙門堂

官尙有恆祺崇綸景廉崇厚輩此皆不過循分當差殊無可稱述也及論至沈中堂謂沈文定公桂芬則瞠目面發赤曰此公亦辦洋務真不可解余實在看不慣又大聲以申之曰看不慣余謂文定精細謹慎不愧名臣然辦理洋務實不相宜即余所謂多疑寡斷適與洋俗相反者也是以乙亥丙子間與威妥瑪議辦滇案幾至決裂云

二十九日記

春秋左氏傳譏齊侯不務德而勤遠略其病全在不務德三字惟不務德所以雖爲五霸首而不能進乎王道並非遠略之不當勤也後之不善讀書者將上半句意

出使日記續刻

卷四

全傳經樓校本

義抹撥若謂不勤遠略即係務德之明證此大不然近世時文家更拈此四字爲王霸題目話頭而由考墨卷出身之士寢假而秉國鈞遂以此說施之政事不知其他當昔全盛之時尙可敷衍無事一值多事之秋則顛覆立見矣蓋中國素有不勤遠略之名外洋各國知之甚審莫不欲奪我所不爭乘我所不備矚瑕伺隙事端遂百出而不窮夫惟不勤遠略是故琉球滅而越南隨之越南削而緬甸又隨之其北則瑣春一帶及黑龍江以北燧地數千里其西則布哈爾布魯特哈薩克諸回部盡爲俄羅斯所吞併而哲孟雄什克南廓爾喀諸部

則皆服屬於英即朝鮮之近在肘腋者亦有岌岌可慮之勢夫惟不勤遠略是故香港西貢小呂宋噶羅巴等處各有數十萬之華民而不能設一領事美屬之舊金山英屬之新金山華民皆有自闢之利源而無端失之反受他人驅逐夫惟不勤遠略是故商務則無一船越新嘉坡而西越小呂宋而南者而兵船之遊歷亦不逾此出使大臣或嘗然於條約之利病而不知久遠之計封疆大吏或惘然於邊防之得失而惟偷旦夕之安凡此皆由學術之誤以誤國家誤蒼生也嗚呼安得徧聒當軸諸公而與之一講經義也

出使日記續刻

卷四

全傳經樓校本

三十日記

中國聖賢之訓以言利爲戒此固顛撲不破之道孔子曰放於利而行多怨孟子曰苟爲後義而先利不奪不賈其言尤爲深切著明然此皆指聚歛之徒專其利於一身一家者言之也大學平天下一章半言財用易言乾始能以美利利天下可見利之溥者聖人正不諱言利所謂生財有大道生之者眾食之者寡爲之者疾用之者舒此治天下之常經也後世儒者不明此義凡一言及利不問其爲公爲私概斥之爲言利小人於是利國利民之術廢而不講久矣數十年來通商之局大開

地球萬國不啻并為一家。而各國於振興商務之道。無不精心研究。其糾合公司之法。意在使人人各遂其私。求人人之私利。既獲而通國之公利寓焉。故論一國之貧富強弱。必以商務為衡。商務盛則利之來如水流而就下而不能止也。商務衰則利之去如水之日洩而不自覺也。亞洲東方諸國之商務。向不如泰西諸國風氣之開。然邇來日本暹羅經營商務。亦頗蒸蒸日上。中國地博物阜。本為地球精華所萃。徒以忱於言利之戒。在上者不肯保護商務。在下者不肯研索商情。一二饒才智知大體者。相率緘口而不敢言。偶有攘臂抵掌而談之者。則果皆忘義徇利之小人也。即使糾合巨款為孤注之一擲。無不應手立敗。甚且乾沒人財。以售其詐。致使天下之人。相率以商為畏途。試取各關貿易總冊閱之。中國之財。每歲流入外洋者。白金二三千萬兩。以三四十一年通計之。則白金之一去不返者。已有十萬萬兩之多矣。再閱一二十年。中國將何以為國乎。吾用是歎息流涕於當軸者之不知變計。即有一二知變計者。而又未盡得其術也。

出使日記續刻卷四終

出使日記續刻卷之五

無錫薛福成叔耘

光緒十八年閏六月初二日記

法蘭西通國有三十三省八十七府。居民共三千七百十五萬。內入天主教者三千六百五十萬人。入耶穌教者六十萬人。入猶太教者五萬人。而耶穌教又各分門戶。約有數種。西人之初入中國者。不以通商而以行教傳教之士。如利瑪竇湯若望南懷仁輩。西學頗優。而亦兼通中學。彼按中國字義。譯彼之聖人曰耶穌者。中國俗語呼父曰爺。其敬而畏之者亦曰爺。如金人之呼宗爺爺。岳爺爺。今巴蜀漢沔間。呼諸葛武侯亦曰爺。耶者爺也。蓋兼敬愛兩義焉。蘇者蘇也。以其既死數日之後而復蘇也。

初四日記

英法諸國外部尚書雖不時換人。而其下辦事之侍郎總辦等。則皆數十年在此署中。往往終身不換。如英之外部侍郎克雷。副侍郎山特生。法之外部侍郎尼薩等。皆在外部辦事二十餘年。比國之侍郎郎貝爾芒。已專辦外部事三十年矣。其他或自使館隨員參贊升入外部。或自外部出為公使。又由公使入為侍郎尚書者。不

出使日記續刻

卷四

全

傳經樓校本

出使日記續刻

卷五

傳經樓校本

可以更僕數。蓋職業專則志壹而不雜。經畫久則才練而益精。所以西人辦理交涉。措注周詳。鮮有敗事。閱歷使然也。中國自文忠公而後。總理衙門大臣。萃畢生之全力。以經理交涉事務者。殆鮮其人。或以官高掛名。或以淺嘗自意。或驟出驛入。聽其自然。一聞海國圖志。瀛環志略兩書之名。尙有色然以驚者。誦景秋坪尙書或又有

一二清流。如李高陽閩朝邑兩相國。皆自謝為不知洋務。以終年不一至衙門為高。至於章京考取之券。皆以小楷。固有居署十年。尙於洋務不甚通曉者。其或號為明敏出色之人。不過取能了日行公事而止。若既了公

出使日記續刻

卷五

二

傳經樓校本

事而又稍通洋務。則其人固更出色矣。則必由章京而管股而幫辦。而總辦。如是者十年而不簡放。闕道者。則羣相與目笑之。故在署十年而稍習公事。無不得闕道以去矣。迨既得闕道。而外升藩臬。內升京卿。又不復入總理衙門矣。如是而欲洋務人才之練習。其可得乎。如是而欲辦理洋務之不至於歧誤。其可得乎。吾是以謂中國欲圖自強。必自精研洋務始。欲精研洋務。必自整頓總理衙門始。欲整頓總理衙門。必自堂司各官久於其任始。

初五日記

希臘居歐洲極南。在赤道北三十六度十分至三十九度五十分。英京東十九度三十分至二十六度三十分。北界土耳其。南界地中海。西界埃愛阿內海。東界伊直安海。在北有海拉斯屬地。為土耳其舊境。海拉斯之南。有馬里士股。即土耳其之剔力坡里舊省。希臘全境皆山。大島曰拉哥羅澎。在國東北界。近大土海峽。中分狹處。不滿一英里。曰坦崙泰。曰澳里阿。其餘小島無數。通國居民一百四十五萬七千八百餘人。京城名雅典。居民一萬六千八百餘人。全國水陸軍二萬八百餘人。國教以希臘本教為最盛。從者十分之九。

出使日記續刻

卷五

三

傳經樓校本

初六日記

西人嘗謂謀國之要有三。曰安民。曰養民。曰教民。所謂養民者何也。蓋查地球中版籍之數。大抵每年一百人中。必添一口。歐洲人民約三百五十兆。每年可增三百五十萬口。中國約四百兆。每年可增三四百萬口。苟無新法以養之。則必有人滿之患。何以養欲而給求耶。按西國養民最要之新法。條目凡二十有一。一曰造機器。以便製造。二曰築鐵路。以省運費。三曰設郵政局。日報。以通消息。四曰立和約。通商。以廣商權。五曰增領事。衙門。以保商旅。六曰通各國電綫。以捷音信。七曰籌國

家公裕以助商賈。八日立商務局以資講求。九日設博物院以備考究。十日舉正副商董以賴匡襄。十一日設機器局以教開闢。十二日定關口稅以平貨價。十三日墾荒地以崇本業。十四日開礦政以富民財。十五日行鈔票以濟錢法。十六日講化學以精格致。十七日選賢能以任庶事。十八日變漕法以利轉輸。十九日清帳項以免拖累。二十日開銀行以生利息。二十一日求新法以致富強。

初七日記

西學之最有用者。曰幾何學。化學。重學。汽學。熱學。光學。出使日記續刻 卷五 四 傳經樓校本
聲學。天文。地理學。電學。兵學。醫學。動植學。公法學。律例學。英報云。俄國所造之烏蘇里鐵路。工人有一萬二千。其中監犯一千四百。軍罪之人一千六百。兵二千一百。俄人三百。華人與高麗人六千。此處鐵路為西伯利亞之東段。現已興工。所有造車棧電局各料。亦已齊備。今秋可造成一百啟羅邁當。

初八日記

從前西洋各國受制於教王。當教王勢最盛之時。幾操廢立各國君主之權。而各國之民信從教王。殆如水就下。如蟻附羶也。自耶穌教另樹一幟。以與天主教為

敵。歐洲各國之民。因爭教而互相攻戰。互相殘殺。至數十百萬人之多。搶攘不靖者數十年。繼乃定為各行其教。有不相非薄。不相師之意。然天主耶穌兩教。隱然勢均力敵。而教王之勢。驟衰。邇來愚民信教之心。似不如前。而各國君相。亦能實事求是。力圖自強。教王之教。不足以愚之力。又不足以勝之。即素崇天主教之國。如法義德奧諸大邦。無不創立新法。限制教民。教王固熟視而無如何也。教士懾於國家之威。無不謹受約束。恪守準繩。惟其前往中國者。不能人人如在其本國之馴謹。而中國與法國所立條約。既授以保護天主教之權。中

出使日記續刻 卷五

五 傳經樓校本

國稍欲裁制教士。輒為法之外部及駐華公使所格。即使情理兼足。法人明知我當行之政。然彼既欲要結教士之心。又欲自示其權力之大。故無不壹意沮撓者。自是中國竟無法以治教士。而教士之個規錯矩者亦愈多。而愚民之蓄疑積忿者。遂一發而不可遏。迨巨案既起。教士赴愬於法使及領事。法使必先藉端挾制。以增其本國之權利。再以保護教務之名。為教士多索利益。以贖其求。其有清查教堂之法。如中國所宜整理者。法人雖勉允一二。教士亦知法之隔在鄰國。威令不行。且知非出法人之真意。亦竟置之不理。此中國教務之所

以日棘也。近時議者遂有請教王遣使之說。冀以隱分
法人之權。萬不得已之補救。亦祇可如此。然經營稍不
得訣。恐一弊去而一弊復生。余今雖籌辦此事。蓋兢兢
焉不敢不慎也。

初十日記

美國製造兵船。有廠十處。曰霸子塢。曰措而斯富。曰北
羅筆林。曰阜立特非亞。曰離島。曰紐倫敦。曰華盛頓。曰
拿福。曰奔色哥拉。曰曼爾島。西歷一千八百八十年。
美國舊金山一埠。旅居華民二萬一千七百四十五名。
迨一千八百九十年。核計共得二萬五千八百七十名。
出使日記續刻 卷五

六 傳經樓校本

十年之中。苛例頻仍。而反增華人四千有奇。似皆久居
美國之民。生育所增之人口。否則或由美國別埠而往
者也。中國之以詐擾嚇騙為事者。天津謂之混星子。
甯波謂之空手人。上海謂之流氓。廣東謂之青皮黨。蘇
州謂之破靴黨。而英法諸國皆無之。則以多用巡捕之
功也。

十四日記

德前相畢士馬克佐德前皇。敗丹蹙奧。驟法。由普魯士
王為日耳曼其主。晉號德意志皇帝。國勢遂與英俄鼎
峙。亦古之豪傑者流也。前皇已封為那王。平章軍國重

事年逾七十。精神矍鑠。前皇既卒。太子即位。越兩月。卒
其子又即位。即今皇也。當畢士馬克用事時。前皇言聽
計從。端拱無為而已。太子娶英皇之女為妃。才性敏慧。
不能相下。畢相亦稍稍裁抑之。迨今皇即位。英女為太
后。今皇聽其母之言。稍與畢相不相能。畢相亦恃功挾
長。有視今皇為孺子之意。今皇性頗剛愎自用。益相齟
齬。畢相遂於光緒十六年春致仕而歸。然素性喜任事。
不甘廢退。頗譏議朝政。並以其輔佐前皇時之深謀密
計。漏洩於外。致國家大受不便。德皇固已心銜之矣。今
年春。畢相之子小畢士馬克。曾為外部尚書者。娶奧國
出使日記續刻 卷五

七 傳經樓校本

女為妻。赴奧成婚。畢相亦命駕如奧。奧人以王禮迎之。
士女夾道。瞻望丰采。聲華之盛。傾動一時。前此德皇過
奧時所不逮也。俄人復使新聞館主執筆以隨之。日日
謁見畢相。訪問從前弼成皇業之事。畢相頗盡言不諱。
於是一切秘密事情。及稍不滿於今皇之語。俄人皆登
之報章。且加重其語氣焉。德皇見之大怒。亦令報館登
報答之。且云畢相若再出言不慎。當削其王爵。沒其田
產。勿謂國家寡恩也。畢相始婉謝賓客。稍務韜晦。還居
別墅。近聞德皇又與畢相和好如初。然恐貌從而未必
心儼耳。

十六日記

去歲新金山之維多利亞埠出金五十九萬七千六百二十九兩。較前年少出一萬一千兩。英國天文官稱今年太陽內有許多黑點。約長十萬英里。廣六萬英里。當今生意之壞。兩水之多。皆由於此。其黑點之大。向所罕見。

十七日記

去年印度編查戶口。共有二萬八千八百十五萬九千六百餘口。內英屬之印度。計二萬二千一百三十五萬六千餘口。土王所轄各邦。計六千六百八十萬三千餘口。

出使日記續刻 卷五

八傳經樓校本

口。其人如以教門分類。則有印度人二萬零七百六十五萬四千。回民五千七百三十六萬五千。天主耶穌教民則有二百二十八萬四千。不奉佛教之哲納人。則有一百四十一萬六千。益札布之希克。則有一百九十萬七千。佛教七百十萬。一千餘人。火教八萬九千八百餘人。猶太教一萬七千一百餘人。居住樹林畜牧之人。九百三十萬二千。

十八日記

米利堅合眾國全境。天然形勢。分四大地。其濱大西洋諸邦。分三段。一為新英吉利諸邦。曰緬。曰紐罕。曰

法滿的。曰麻紗朱色土。曰洛哀倫。曰干捏底吉。二為中大西諸邦。曰紐約。曰紐折爾西。曰賓夕爾勒尼安。曰馬理蘭。曰特爾拉華。曰哥隆比亞。三為南大西諸邦。曰勿爾吉尼阿。曰西勿爾吉尼阿。曰北喀爾勒那。曰南喀爾勒那。曰若耳治。曰佛勒爾佛釐是也。內地諸邦。分二段。一為北內地諸邦。曰仄的伊。曰倭海阿。曰英釐安納。曰密執安。曰亦倫諾爾。曰威士干遜。曰密蘇爾釐。曰衣阿華。曰密內沙太。二為南內地諸邦。曰阿拉巴麻。曰密士失必。曰魯西安納。曰阿甘色。曰田納西是也。西高原諸邦。諸部分二段。一為平原諸邦。諸部。曰得撒。曰因底阿。

出使日記續刻 卷五

九傳經樓校本

番部。曰坎撒斯。曰內勃拉斯喀。曰特考。太部。二為落機山諸邦。諸部。曰考洛拉度。曰新墨西哥部。曰回華明。曰芒退那。是也。濱太平洋大地諸邦。諸部。曰開爾福尼亞。曰納未達。曰阿里顏。曰華盛頓部。曰阿度化。曰阿立尚。那。曰由塔是也。

十九日記

華盛頓崛起美洲。創立民主之局。但合眾小國。以成一國。故有合眾國之名。稱美理駕國者。以其在美洲也。其國旂多花文。故又稱花旗國。在南北美洲。為最富土地肥沃。全境惟亞蠟斯干一作安屬部居寒帶。餘悉當溫

帶坎拿大在其北。墨西哥在其南。東濱大西洋。西臨太平洋。東西陸地廣約二千五百英里。南北疆域長約一千七百英里。幅員之大。計三兆五十八萬五千七百九十英方里。適與歐羅巴全洲相等。自美購得亞蠟斯干新地於俄。擴地乃益廣焉。戶口之數。白民四十三兆五十萬。他種黑民六兆五十八萬一千。土民僅三十二萬二千。土民卽土番也。雖屢經逼逐。死亡眾多。然攷英人關土以前。其類本不甚蕃衍。近年土番僅二十五萬多。在密士失必江之西。種類不一。可分而舉之者。曰喀里克斯。曰卻洛凱斯。曰蘇。曰考克叻斯。曰叻凱少斯。

出使日記續刻

卷五

十傳經樓校本

二十日記

拜發與英外部商議會立坎巨提新酋一摺。密陳帕米爾事宜一片。美國天氣北境夏暑溼而冬嚴寒多雪。南境濱海處入冬和暖。幾似熱帶矣。全地廣土肥饒。民多務農。勤於耕作。其南產木棉。煙糖。其北產麥玉蜀黍。樹木亦富。礦產尤多。各機器廠日漸增廣。國內各教無所不備。國家待之無所軒輊。而以耶穌教爲大宗。正副伯理璽天德皆由通邦選立。四年一任。有議士院及元老紳董兩院。更有審院。分三等。爲生聚至四萬人。則建築城邑爲一部。附於眾邦之後。民數滿額。准其自立爲

邦同列盟會。水師多與商船相表裏。其鐵艦則圓活。礮臺居多。俗稱冒尼叻是也。通國分邦三十八。屬部八。番部一。每邦各有議院及統領一員。國內產棉。每歲約一千兆磅。運英國者七百兆磅。進口貨爲羊毛冬布竹布。生銅銅器鐵糖加非茶酒。出口貨爲棉花麥玉蜀黍乾麪煙木料柏油牛乳。餵醃豬肉牛肉。計進出口貨之價。皆逾英金一百五十兆磅之數。國中歲入之款。約英金六七十兆磅。歲出之款約五六十兆磅。此就總政府言之。而各邦歲入歲出之款不與焉。

二十一日記

出使日記續刻

卷五

十傳經樓校本

美國通商口岸。曰紐約。曰摩士敦。曰非勒特爾。非爾。曰勃耳揚莫。曰紐澳良斯。曰查爾士頓。曰磨比勒。曰三藩。謝司戈。即金山天下講商務之國。英爲最。法次之。美又次之。東北諸省爲商埠及製造各廠所在。其南其西諸省。則耕植爲宜。鐵道縱橫四關。計共十萬英里。惟其中單道爲多。往來一道。工築亦粗。而需價則更倍於英國所築者焉。國債當南北未戰之先。僅十五兆英鎊。今驟增至四百兆鎊。而各邦亦自有公債。

二十二日記

俄兵之將赴帕米爾也。其外部先告駐俄英使云。阿富汗

汗既奪布回之羊以當貢獻而華兵仍駐紮艾力雀爾
帕米爾是以俄政府將遣遊擊喬瑞夫率師巡帕大約
西八月之前可歸但此行並無據地之意不過探視情
形而已且冀阿富汗因俄師之來不再與布回為難而
華兵或因此可以撤去聞六月十二日雪姆拉地方來
德電報云俄兵分三隊入帕阿富汗兵在蘇滿者百人
聞俄兵將至連日夜添兵三百而俄兵三十人貿然而
來與阿兵戰俄兵被殺五人被擒二十五人俄人索之
阿人不與十九日來德報云俄阿之兵關於尼柴塔什
帕米爾未知勝負如何又云俄兵已至華界之阿克塔
出使日記續刻卷五 三 傳經樓校本

二十三日記

輿地之學恃乎測繪由來尚矣晉裴秀製圖條陳六體
曰準望曰高下必賴乎測曰方邪曰迂直復需乎繪曰
道里曰分率尤藉乎算是測繪算三事為作地圖者所
必需也唐賈耽曰地理之學百聞不如一見又云十說
不如一圖周官大司徒以天下土地之圖周知地域廣
輪之數職方氏掌天下之圖以掌天下之地要近今作

圖更精於前而測繪之法尚不如西人之美備其故有
三焉一測繪之業無如西人之專也或測經綫之弧或
測緯綫之弧或測全洲或測一國或因航海以識行程
或因游覽而知指向為事既繁練習自多一測繪之器
無如西人之精也測天度則有經緯儀紀限儀測地面
則有測平儀羅盤儀測時刻則有子午儀日晷儀而經
緯儀之精平立二圈小則徑三四寸大則徑三四尺製
配甚準分度極細一周三百六十度度六十分分六十
秒規制精良為用自準一測繪之法無如西人之詳也
中國測地以勾股為主西人則以三角為用其法於平
出使日記續刻卷五 三 傳經樓校本

二十四日記

英國向分公保兩黨公黨之首為葛蘭斯登保黨之首
為沙力斯伯里沙侯相英六年國人悅服惟議院員紳
向係七年一選今年值選議員之期數日前各處推選
甫定而公黨之被選者多於保黨約四十人於是沙侯
告退葛蘭斯登為宰相阿斯奎次為內部尚書勞特勞
勞特勞係侯伯子勞思伯力為外部尚書勞特金伯雷
勞特勞係總稱勞特勞

蓄之為印度部尙書兼軍機處正尙書堪白爾班納門
為兵部尙書男爵侯失勒為刑部尙書福婁為工部尙
書門得拉為商部尙書孝勒弗埃為農部尙書埃瑞爾
馬萊為郵部尙書馬蘭譯作為阿爾蘭部尙書德來
維林為蘇格蘭部尙書勒塞爾為總狀師烈葛佩為大
狀師勞特好敦為阿爾蘭總督伯爵施丙色譯作為
海部尙書寶星章廉哈谷德譯作為戶部尙書侯爵
利木譯作為藩部尙書福辣為地方官尙書阿克倫
為軍機處副尙書阿克蘭為上議院副首領兼學部尙
書

出使日記續刻 卷五

西傳經樓校本

二十五日記

近世人情多震驚於西洋風氣之奢豪器物之精緻以
其能順人意趣適人嗜好也是固然矣然余謂亦有洋
不如華者中國燕席山珍海錯無品不羅乾溼酸鹽無
味不調外洋惟偏於煎熬一法又指海菜而不知用是
飲食一端洋不如華矣中國綢緞綾羅男女各用以章
身均極華美至於冬裘百獸之皮無所不用尤覺異常
燦爛洋人不論貧富貴賤皆以黑呢為衣既短且緊大
不登樣婦女製衣雖多者費然亦僅於茶會用之且究
不逮中國婦女服飾之百一是衣服一端洋不如華矣

中國房屋起於平地輔以亭臺樓閣乃有玲瓏曲折之
觀每平屋一進皆有天井於是假山奇石曲檻清池名
葩異樹可以隨宜布置外洋專尙四五層之樓房而別
無他式雖名為宮殿者不過樓房高大而已尤乏趣者
縱有絕堅緻之樓房而全宅中無一天井不過四面皆
臨街衢以街衢為天井而已是宮室一端洋不如華矣
夫飲食衣服宮室人生日用之最大者而外洋皆不如
中國然則智者慎毋震驚於西洋之風俗以為事事勝
於中國也

二十七日記

出使日記續刻 卷五

五傳經樓校本

中國欲振興商務必先講求工藝講求之說不外二端
以格致為基以機器為輔而已格致如化學光學重學
聲學電學植物學測算學所包者廣得其精則象緯輿
圖律歷皆能深造有得其粗則亦不難以一藝名家
既須多設書院選聰穎子弟肄業其中而藝術學堂亦
不可不設也機器能以一日之力成十日之功一人之
力代百人之功如是則貨價必廉價廉而銷售始暢矣
而所以擴商務之用者則尤有八焉一日設專官如西
洋各國有商部尙書以綜覈貿易之盈虧又有商務委
員以稽查工作之良窳是也一日興公司興之之術不

外立保護公司之法。議整頓公司之規而已。一曰勵新法。有能創一藝者。給以憑單。俾得專享其利。則才智之士。無不殫精竭能矣。一曰杜偽品。中國絲茶之不振。半由洋人仿造。半由姦商肆其詐偽。有攙雜假託諸弊。以致貨真價實者亦受其累。今宜懸明法以禁之。又使諸商公議罰辦之規條。行之數年。庶有定乎。一曰趨時尚。凡物能變新樣。必可善價而沽。而取耳目俗目之所好。尤不可不投也。一曰設賽會。仿英法德美日本辦法。建設會場。羅列珍奇。所以廣見聞。資則倣。開風氣。旺貿易。法至良也。一曰改稅則。宜乘各國換約之時。漸改值百抽

出使日記續刻

卷五

六 傳經樓校本

二十八日記

光從日發。或由亮體射回。入人目則覺為光。如月受日光。映回入目。則見為月也。凡光一帶。或一綫。能分七綫。各綫能使目覺有不同之色。各色並合入目。則覺為白。

是白為光之合。而色為光之分。如將七色依次繪於輪邊。速轉之則勻和而顯白色。無白色則為黑色。因無回光也。如欲將光分為七色。法用數寸長之玻璃條。成三稜形。謂之三稜鏡。托以架置於暗室。或於門。或於窗。繫一小孔。透進日光。使過三稜鏡。射於素屏。則屏上備呈七色。由下而上。初紅次橙。次黃綠藍青紫各色。寬窄不同。如將其光色帶勻作百分。則紅居十一。橙居八。黃居十四。綠居十七。藍居十七。青居十一。紫居二十二。凡人日後有眼瞞衣。乃腦氣筋細夾於二細膜間。面平滑。人活時其衣能明光入。日之光色必先達此明衣。由內面

出使日記續刻

卷五

七 傳經樓校本

二十九日記

天上之電。無異人工所作之電。天上何以生電。有云因天氣與地磨擦而生者。有云因草木生長變化而生者。此說有云因太陽蒸水。化氣而生者。有云因空中之氣與水磨擦而生者。細察物理。大抵空中之電。因太陽蒸

海水化爲溼氣。遇空中之風。彼此互相磨擦。即能生電。但其力量大於人工所作之電耳。天上之電。其類有五。有一種電。俗名立閃。白光一道。長約數里。狀如蛇行。似有旁岔。常在陰雲厚處。雲內電性最大。天氣不能阻。電或與他雲相觸。或與地面相感。皆立放電發光。最能震人致死。身有傷痕。電發之味。如屋內旋轉生電機所嗅之味。因電感空中養氣。以致養氣縮濃。養氣一縮。其味即出也。此電能劈沙地。或劈鐵條。亦能將鐵條感成磁石焉。又一種電。光發一片。每有光彩。有藍色。深紅色。紅青色。在二雲相觸處見之。不關地面相感也。因同時有出使日記續刻 卷五 六 傳經樓校本

雲數萬處。所以發光成片也。其力不甚猛烈。雖偶震人致死。然不常斃人也。又一種電。俗名露水閃。夏夜有之。而無雷聲。大約電發在天邊之外。因發電之處太遠。故雷聲不能到耳。所以見光者。天邊有雲返照故也。又一種電。西國名爲雷彈。狀如火球。自天落地上。躍炸裂之聲。聞之甚遠。勢甚危險。每致轟人。有云因空中溼氣感雷。愈聚愈濃。濃氣由雲際下落。漸漸墮地。每歷十秒之久。日能視之。又一種電。航海桅頂。常見發火是也。軍行時士卒執長槍。槍尖每見發火。此二者。均雲際所感而然也。

七月癸亥朔記

雷喜入臨近之物。又喜入通電之物。如高山高樹高樓船上高桅。以及五金之類。皆能引電。故雷發時。人不可憩於樹下。宜入屋避之。亦不可在平原曠野。因四面俱平。一人獨立。亦能引電。每致危險。野獸被擊。職是故也。如人執鐵器。適遇雷電。宜擲遠處。卧地以避之。至於臺閣樓塔。宜用防雷尖。以避雷電。其安設尖之法。有八要焉。一。質宜用通電之物。銅雖通電。其實太脆。不如用鍍錫之鐵。可免生銹。一。鐵質宜粗。以免電過被焚。一。鐵由房頂以至入地。宜接爲一條。不可隔斷。一。鐵宜直入地。不可彎曲。入地宜深。若通至潮溼近水處尤佳。一。鐵頂宜銳尖。宜鍍白金。以免生銹。尖鈍。一。鐵尖宜出房頂高數尺。一。安尖之處。宜距房上他處之鐵較遠。入事備而雷電可避矣。

出使日記續刻 卷五

六 傳經樓校本

初二日記

格致彙編云。天地之成。有一定不易之理。亦有一定不易之例。實有無所不能之天。主宰於天地。未有之先。匠心獨運。默定權衡。故天地皆依次而成。先爲氣質。繼爲流質。因旋轉而成球形。其後流質又成定質。再後則地殼分水陸。陸地成泥土。而植物生焉。植物生後。又生動

物最後人類出焉苟非無所不能之天主宰乎其間安能若此有條不紊哉又云地球未成之先本與日球為一因旋轉之勢而分始分時為極熱之氣質漸涼而成甚熱之流質再涼而凝成定質即地球之外殼是也殼外皆水水上皆氣其氣較今之空氣更為濃厚又云地球初成外殼皆水本無陸地然外殼雖成定質而其內仍為甚熱之流質外殼漸涼漸縮流質被其擠壓因將外殼湧起高出水面即成陸地其地甚小如海島然陸地初成皆為石質並無泥沙其後歷受波浪之衝擊空氣之侵蝕與冷熱之漲縮於是極熱之石變為石子石

出使日記續刻 卷五 傳經樓校本
子漸變為細沙細沙漸變成泥

初三日記

格致彙編云地之所以為地如五穀之種其生也必由芽而苗而秀而實又如雞蛋其中之黃白本係流質得母雞之熱漸成小雞地球之逐漸結成亦猶是也故地能成今日之地球必已歷千萬年之久又云地學家之查攷地殼者知土石皆有層累最古者在底漸近則漸上在底層所留之物迹動物則肢體未分植物則枝幹未備而品亦極賤漸上則動物之迹肢體漸分植物之迹枝幹漸備而品亦漸貴植物初生如莓苔木賊鳳尾

大葦等類而海中亦生海藻厥後種漸變品亦漸尊乃生松柏檀楠等貴重之物動物則水中先有珊瑚蛤蜊之類而後有魚陸地先有蛙與鼉之類而後生飛禽再後生走獸最後始生人為萬物之靈

初四日記

地學家論地殼之厚薄其說不一或謂六十里即英里二十或謂六百里即英里二百而人祇能掘深三里故未能得其確數若地殼厚六十里則較之地中流質同為甚薄猶蛋殼之與黃白蓋地球對徑二萬四千里即英里八千其殼祇能得四百分徑之一若地球與蛋同出使日記續刻 卷五 傳經樓校本

大則殼較蛋為愈薄矣地球初成其外皆水故水成石平列地面毫無畝側然地中之流質時有變動地殼亦從而改易高者忽塌低者忽湧故水成石有豎列有斜列有平列其行列雖不同而層累秩然不紊也海除魚鹽之外其大用有三一使陸地不至甚冷日光曬於地面受熱易散熱亦易海水受熱難散熱亦難空氣即傳其熱故陸地可不甚冷二為雲為雨以滋生禾稼三為水之總匯免泛濫橫流之患而利舟楫便商賈抑其次也

初五日記

法國耕種之民漸少。而出產尚佳。又能用器具以合土地之宜。故地價較二百年前。已增四倍。然農務究不如工商之有起色。而葡萄爲法出產之一大宗。五十九府內皆有之。畜牧之政。亦日見蕃盛。通國牛有一千二百七十二萬餘匹。馬二百七十四萬餘匹。礦產除鐵之外。均極稀少。而工藝所出之物。亦爲大宗。有不用人力之手工。或用氣力。或用水力者。而紡紗局。織布局。織呢局。造紙局。各有數百處。每局有機器各數百架。商務因其地三面臨海。產物亦盛。故能暢旺。通國鐵路有二萬二千七百七十六啟羅邁當。

出使日記續刻

卷五

三 傅經樓校本

初六日記

英開四尺八寸半寬之鐵路。如每碼重五十五磅者。而所鋪硬石等料。深十五寸至十八寸。則每英里長五千二百八十英尺。其價金錢四千五百員至五千五百員之譜。此輕鐵路也。又如鐵路重而堅實者。每鐵條一碼重七十五磅。所鋪堅石等料。深二十四尺。其價每英里金錢五千五百員至七千員以上之價。所有工程一切在內。卻不包地價在內。亦不包客車貨車汽車在內。但包停車場房屋并鐵路橋梁而已。至各國所造之單軌鐵路。每一英里。以金錢七百至一千員。足敷備常用之。

各種車輛。又如山中開洞。每長一碼。約價以金錢二十五員起數。或至四五十員不等。如造尋常雙軌鐵路。則穿山所開之洞。每碼需金錢四十員至九十員不等。其工價之貴者。每碼金錢逾百五十員。凡造雙軌之路。較之單軌者。每費百分。另加五十分。或至七十五分。其預備房屋車輛之費。雙軌比單軌。不過加費百分之十分。或至三十分。如果貿易暢旺。自以雙軌爲合算。

初八日記

器因時轉。人隨事遷。將來西國陸戰之法。必更日異月新。一鐵路日增。與戰事大有關係也。同治九年。普法之戰。軍士火器糧餉。皆能速運。皆得鐵路之益。三十年前。南北花旗之戰。已知每興兵十萬。用單軌鐵路。每長一英里。應有汽車二十五乘。貨車六乘。在交戰時。鐵路運物料往。載傷兵回。又須運兵往戰。且運糧與軍火。恐不敷周轉。故單軌必改雙軌。尤妙。又必使兵能自成鐵路。而自理其各事。愈妙。故各國每遇戰時。皆派兵若干營。專理鐵路之事。而又必專謀設法。以毀敵之鐵路。須有馬兵數千。或直衝敵前。或繞其左右。以毀其鐵路。馬路電纜糧食軍火等項。則事半功倍矣。一電燈宜用也。兩敵相持。遇夜可燃電燈。以照於緊要之路。防敵劫營。或

出使日記續刻

卷五

三 傅經樓校本

潰圍之舉。如有攻城已擊破者。夜中能照其破處。如見人修補。即用羣子彈擊而散之。

初九日記

一輕氣球宜精研也。氣球創於百年之前。法國戰事初用其器。後閱七十年之久。視為廢物。三十年前始復興。用一千八百五十九年。意國之戰。及南北花旗之戰。與德師困法京。俱用氣球。近十年前。始更精求其理法。以便多用於戰事。惟今所放氣球。仍用繩牽而鬆放之。氣球尚未多進益。近來法國於其電氣機器。考求益精。將來或能造船形氣球。迎風逆氣。或借旁風而速前行。則

出使日記續刻

卷五

西 傳經樓校本

或藉以請兵解圍。或通信營壘。其益最大。一火器宜講求也。近來放槍放礮。最速最遠。用藥無煙。燃放無聲。可謂精矣。數年前礮兵皆謂放礮多於二千五百碼者。已屬無用。以目力所難到也。適者試放尋常礮彈七箇。所落俱在五十尺寬之方內。量其相距。知為三千三百碼之遠。德國礮兵以為距三千八百碼。尚可命中。如用最精千里鏡於天氣清明時。地形合式。彈能及二英里半之遙。攻擊密列之步兵。因此知步兵離敵礮約三英里。即不宜密布成隊。須疏散排列。又可見成陣布列。必在距敵三英里以外。方為穩妥。步兵雖能放槍命中於千

三百碼之遠。又能燃放最速。阻撓礮兵。使不及放礮。然若有礮二副。則每分時放礮彈三四箇。足擊敵營。使其兵馬靡亂矣。

初十日記

近有新法用無煙無聲火藥。燃放槍礮。如兵藏籬內。或密樹後。連放槍數分時候。敵軍已斃多人。而無從辨我軍之所在。後護兵與分用小隊兵。能用此種火藥。則敵人不知攻擊所在。更可得利。且藥既無煙。礮手槍手。敵更易清楚。攻擊必準。而槍礮之害。較前更烈矣。有英德武員討論攻守之事。究竟孰利。德員謂利在攻者。

出使日記續刻

卷五

西 傳經樓校本

英員謂利在守者。德員云。臨陣之時。如及於備擇所守之方位。則前行之兵。可掘壕塹以護身。或據所有泥堆溝壑以遮身。如不及備擇。則兵可不卧地面。藉地稍凹。凸處以資蔽護。如此則敵兵最難放槍命中。英員云。守者能豫知各處相距。或用鏡測。或用尺量。其相距處。或石或小河。或路或泥堆等。敵兵向前進。必露全身。則可放槍縱擊。且敵兵行動時。足趨手動。方位常改。測望頗難取準。又執槍不穩。難以命中。此皆攻兵失利之處也。

十一日記

暹羅之地。自赤道北四度三十分至二十度。值京師西

九度十七分五十八秒至十八度十七分五十八秒。按飛鳥道東西一千六百十七里有奇。南北三千五十四里有奇。然論其國版圖。祇自赤道北十二度起至十七度止。並有瀕海各地。此外暹人老撾各部落。以及柬埔寨之西南。麻刺甲之東北。或土番。或小國。雖屬於暹羅。不過一年一貢。而其地與民。皆歸土王及酋長管轄。暹者英取緬甸。法取越南。土酋皆不能自主。暹人亦懼其逼也。乃遣官分駐其地。為之保護。所有公牘往來。皆由暹官與土酋會同商酌。加鈐印信。方可通行。每歲進款洋銀一千萬員。多則一千五百萬員。有各屬貢品。地丁

出使日記續刻

卷五

美傳經樓校本

錢糧房稅船稅雜稅。統計居民有一千二百餘萬人。凡暹羅土著三百五十餘萬。華人及暹產華種亦三百五十餘萬。老撾人三百餘萬。緬甸越南柬埔寨日本印度巫來由及各種土番。共二百餘萬。

十二日記

暹羅於乾隆三十七年推鄭昭為王。由猶地亞遷都曼谷。一作萬國今光緒十一年。暹羅入泰西各國之郵政會。安設電綫。南始曼谷。北止景邁。中通各城。又東至西貢。西接下緬甸。共有電綫五千一百四十里有奇。近且議造鐵路。自曼谷至哥賴脫。長四百九十餘里。土地肥

沃。尤宜稻而易熟。稻凡四十餘種。湄南江之水。歲以五月漲。八月退。淤泥泛溢。糞田極肥。每歲出米九千一百萬石。又產香漆象牙犀角牛皮茶葉煙葉藤黃藍靛沙藤木棉苧麻橡膠包穀芋薯沙穀米粟粟花甜瓜黃瓜李橘荔枝椰子菜蔬花生榨油甘蔗製糖竹器竹席各物具備。其樹木質堅材巨。如楠木烏木文木鐵木松柏。以及蘇木黃木染料之木皆有之。其礦產鐵錫寶石。鳥則孔雀山雞野雉鷹鴉為多。沿海山洞。海燕造窩甚夥。為南海珍品。厥獸多象。馴馴驅使。人家皆畜之。白者稱靈獸。又有虎豹犀熊箭豬水牛紅角野牛狼狐猿獾麝

出使日記續刻

卷五

美傳經樓校本

鹿黃羊海驢灰鼠之屬。每歲曼谷出口貨值洋銀二千六萬員。進口貨值一千六百四十四萬員。

十三日記

倫敦夏間極熱之時。可御單衣兩層。而紗葛無用也。冬間極寒之時。可御棉衣兩件。而重裘無用也。然英人夏必居海口。名為避暑。冬必居海口。名為避寒。凡達官富商於海口及鄉間名勝之區。皆有別墅。其通年居倫敦者。不過三四月。大抵海口及鄉間。天氣晴爽。迥與倫敦不同。西洋醫家又謂海氣於人之養生有益。人能多吹海風。多浴海水。則精神爽健。身體堅實。故無論貧富貴

賤皆以避暑避寒為名。而命意則在多受海氣。兼以遊目騁懷。至於避煤煙。避昏霧。避人戶稠密之濁氣。尚其次也。習尚相沿。浸成風俗。而避暑尤亟於避寒。儘有無力避暑之人。杜門不出。客至則謝以避暑。下鄉者。是不在得其名。而先欲襲其名矣。然倫敦每至春杪夏初。卽通衢亦稍覺寂靜。約計人民十少六七。但見輜重纍纍。無慮皆避暑者也。余到倫敦兩年。未嘗鄉居。今歲倫敦降霧獨早。閏月以後。卽連日陰雨。余姑從宜從俗。議避暑七日。先於英倫之迤南租定房屋。下午四點鐘。挈眷及繙譯武弁各一人。赴維多利亞車棧。四點半鐘。火車

出使日記續刻 卷五

天 傳經樓校本

十四日記

余與繙譯王省山乘馬車周行白雷敦街市。此鎮東西長而南北短。由極東至極西約四英里。南北僅一英里有半云。又至海邊舊隄。納受海風。此隄在街之東隅。南面陡入海中。長約半里。蓋植椿於海灘。復以鐵練駕木為之。而鋪土於木上。其隄之盡處。則用石砌。基勢較寬。可列坐數百人。或千人。有樂工一班。奏樂以娛遊客。凡

到此者。每人須出本土二枚。西望相距約一英里。有一新隄。而新舊兩隄之間。又有新築一隄。工程尙未及半。洋人之說。每謂海濱雖可多受海風。尤不如在海中者。四面為海氣所涵。獲益更多。故必築隄突入海中。以憩遊人。大抵皆集股所為。而收遊費以償工本。余以已正往。至未初而返。但見海邊習翹水者甚多。大半皆係婦女。蓋謂身體沾受海水。可以一年無病。其餘則有駕小艇者。有放小火輪者。溯河遊泳以為樂。

十五日記

余與王省山赴新隄納涼。新隄在舊隄之西。其長與舊

出使日記續刻 卷五

天 傳經樓校本

隄相等。而寬闊約四倍之。惟無土石。而專用木板。其下亦密釘木椿。人行其上。轉覺穩固。又有水族院在海濱。凡海中鱗介羽毛之族。羽族如鸚鵡之類。無物不有。較毛族如海狗之類。倫敦水族院尤為完備。多有奇形怪狀。生平所未見者。有一種鳥分張兩翼。飛於水中。蓋形似鳥而實魚也。卻又與飛魚不同。有一種魚。下生六足。能游水中。亦能行水底。又有一物專以蠚為糧。平時在水中蟄伏石間。不動。見蠚至則追捕而食之。其行甚捷。既不似魚。又不似蛇。亦難辨其頭尾。日。卽有七八蠚在前。能並捕而齊食之。霎時間噴出蠚殼。徧體有大小數十百管。能自閃

動似係呼吸者。聞係來自美洲云。

十六日記

余與王省山赴小花園。覽旋乘馬車遊潑辣斯登派。克派克者譯此地局勢寬展。林木葱蔚。布置甚為佳勝。遂繞至大野克特拉意甫。縱觀村景。蓋其地踞白雷敦山崗之脊。登高遠矚。後面鄉村一帶風景悉在目中。又到聖愛恩斯懷而觀一古井。愛恩人名也。懷而譯言泉源也。傳言飲此水者。一歲中筋骨強健。來遊此者頗多。來者每人須出三木士。購水一瓶者價四木士。省山飲水半杯。據言味稍苦。亦微有鐵氣。余不敢飲也。此間

出使日記續刻

卷五

三傳經樓校本

夜半後尤涼。非擁厚棉被不可。然聞冬令亦不過如是。故避暑避寒。皆必到此。大抵水性無甚寒。甚熱。冬夏一律。冬間水面為寒氣所侵。不免結冰。然愈下則愈覺其暖。非真冬水之暖也。以與隆冬冷氣相形。則覺其暖也。夏間水面為炎日所曬。不免發熱。然愈下則愈覺其寒。非真夏水之寒也。以與盛夏暑氣相形。則覺其寒也。夫天氣有寒暖。而水氣無寒暖。海乃水之所歸宿也。則海濱之便於避暑避寒也亦宜。

十七日記

明日為與外部印度部會議滇緬界務之期。余前已派

馬清臣往議兩次。尚未就緒。約計必再會議數次。方有眉目。余因發電召清臣來此面商。告以就目下情形而論。須以力爭野人山地為第一要義。至少須以大金沙江為界。然後沿邊諸土司可以稍安。其次則爭大金沙江為公共之江。又次則爭於新街北岸。劃一地與我立埠設關。而爭南掌揮人之地為最後焉。因其地十之六七。早已劃與暹羅。又與越南之界相錯。既不值受彼虛惠。亦恐致與法國分界。又生枝節也。

十八日記

余偕王省山乘馬車赴六汀騰海口遊覽。六汀騰距白

出使日記續刻

卷五

三傳經樓校本

雷敦約四英里。凡居白雷敦者皆往遊焉。余車循海岸而往。循山徑而回。其地本非大鎮。而鄉村臨海。頗有疏野之趣。一路山不甚高。墾田者皆在山半。大麥甫經收穫。風景絕佳。中途過一貧孩院。叩戶入觀之。該院總辦款客殷摯。導觀各處。規模宏敞。院中男女孩凡三百餘人。有廚房。有書庫。有浴室。有飯廳。有讀書堂。有講經堂。有做工所。有演藝場。有洗衣所。有男孩臥室。有女孩臥室。秩然不紊。養牛二十五頭。日取其乳以供院中之用。凡貧孩二歲以上。即可送入院中。迨二十歲左右。皆成一藝以去。俾能自給衣食。無饑寒之慮焉。是時適值午

飯之後須赴場操演以舒其筋骨總辦邀余觀之有孩
一班專奏兵樂其餘則演槍法陣法無不手勢嫺習步
伐整齊蓋遊樂也而操練之意寓焉又邀余聽諸孩奏
樂年皆不過十歲左右而按之樂譜悉協宮商又邀余
聽七歲以內諸孩演唱調皆一律雖甚幼穉而意象嚴
肅無有敢跛倚譁笑者其教導皆用女師亦頗愛諸孩
如其子聰穎之孩常有成學業以去者其次則出為兵
丁為樂工為畫師為木匠為裁衣及一切單技歲有若
千人諸孩所造器皿無不精巧即代齋之以供本孩之
用於戲至矣盡矣毫髮無遺憾矣吾不意古先聖王慈
出使日記續刻卷五 三傳經樓校本

十九日記

老撾種人之稱本哀牢夷種偏於西南徼外支裔繁衍
老撾始見於明史土司傳不過老撾部落之一嘉靖間
始稱南掌蓋雍正以後入貢之南掌國實即明史之老
撾土司也今考老撾全部之地當赤道北十五度至二
十一度京師西九度至十八度巴黎東九十六度共得法
里四十萬方啟羅邁當北界雲南東西南與越南東埔
寨緬甸暹羅為界其牙錯午貫於暹羅者殆三分之一
故暹羅屬地以老撾為多老撾分兩大部南稱暹羅老

撾多老撾人北稱緬甸老撾即揮人揮人亦分兩種東
曰白肚番其大部曰繼掌即南掌也西曰黑肚番其大
部曰景邁即古大八百媳婦國也南掌景邁之北有大
國所稱為卡瓦者也其附近曰麥忿曰盧鹿即中國所
稱為羅羅者也老撾人性愚而懶然務耕種畜牧亦能
鑄造紡織多奉佛教故皆好生惡殺地產五金各礦稻
則有秈有糯多包穀少粟麥有靛漆藤竹麻棉椰葉枕
椰甘蔗檳榔荳蔻煙葉芝麻花生而以松木樹木為最
多野草可製繩織席象牛為用最大種亦極繁景邁有
出使日記續刻卷五 三傳經樓校本

二十日記

酉刻擊眷及繙譯武弁等乘火車由白雷敦回倫敦使
館南掌為老撾東面部落之最强者其都曰隆勃
刺邦當湄公江上游江由東折而南流南岡江自東來
會城在山下適當南岡江會流處水即穿城而過值赤
道北十九度五十四分京師西十四度二十二分巴黎
十九度四十五分東北距越南之河內七百四十七里居民十
五萬人城中二萬人此國尚號自主每越八年入貢中
國每次貢象二隻自咸豐七年貢道梗阻遂不復貢亦

進貢於越南暹羅今號為暹羅屬國而法人亦有窺伺之意地多名馬孔雀文雉稻米歲四穫土地肥沃同治十二年有雲南人盜據其地今尚為所有云 農蓋老撾東面部落衝要之地也其會城在南掌東南四百二十里湄公江右岸江自此曲流向東值赤道北十七度五十五分京師西十三度十六分居民六千有奇農蓋長官入貢於暹羅管轄二府

二十一日記

老撾東面各部有曰邦賽者在湄公江之南農蓋之東居民八千有奇值赤道北十八度一分京師西十三度

出使日記續刻 卷五

西傳經樓校本

二十八分有曰薩亞布利者在邦賽之南居民七千有奇城在湄公江東南岸之左值赤道北十七度三十八分京師西十二度有曰幾麻刺地者城在湄公江右岸值赤道北十六度三分京師西十一度十九分 景邁為老撾西面部落之最富足者即古大八百媳婦國元明間稱為八百土司者也城在湄南江上游湄濱江左岸今地已入暹羅為暹地極北之境東南距曼谷一千七十八里值赤道北十八度四十八分京師西十七度三十四分滇商暹商轉運貨物必以景邁為中路行棧土地肥沃產米頗多山中楮木尤盛附近有銀礦居民

三十萬人滇商運售細緞及五金各貨轉販米棉花象牙紫梗白蠟香料以歸至堅硬木料多由水路運至穆爾門為外洋造船之要需云景邁古小八百媳婦國也城值赤道北二十度十三分京師西十六度三十八分其地水陸交衝自北往南以景邁為必由之要路土沃人稠物產繁夥稻米充盈

二十二日記

蘭邦在景邁東南四十四里城跨湄濱江之湄光河兩岸值赤道北十八度三十五分京師西十七度二十九分居民一萬二千人此城為宋徽宗建中靖國年間建

出使日記續刻 卷五

西傳經樓校本

至今稱為富庶之地產稻米楮木蘭貢在景邁東南一百六十里城臨湄濱江之湄南斐河岸南鄰暹羅值赤道北十八度十七分京師西十六度五十七分居民二萬五千人產棉花稻米漆楮木有銅鐵諸礦山中多象喀鄰人圍獲以售於市故此地亦以象市著云猛奈值赤道北十八度四十七分京師西十五度四十四分猛波勒值赤道北十八度十分京師西十六度二十三分兩地皆近湄南江土脈肥沃 老撾北面部落景東最大即所稱揮人國進貢於緬甸者也地處湄公薩爾溫兩江中間為老撾最高處山聳水陡皆會於此城當赤

道北二十一度十九分。京師西十六度四十五分。部落廣袤東至渭公江岸之江壑。西至薩爾溫江岸之莽甯。其三十二城皆隸焉。景東之北。東有江洪國。在赤道北二十一度五十四分。京師西十五度四十分。當卽十三板納土司地。西有葫蘆國。在赤道北二十一度五十八分。京師西十八度十二分。當卽卡瓦葫蘆國地。

二十五日記

中國與各國衡富強之術。百不如西人。然有一事足以自豪者。則國債獨少於諸國也。二十年以前。中國本無所謂國債。左文襄公西陲之役。需餉緊急。始派遣員胡出使日記續刻 卷五 美 傳經樓校本

光緒商借洋債兩次。然不過數百萬金耳。光緒甲申乙酉之間。法蘭西爭越南。駛其兵艦。擾我海疆。各省調兵設防。糜費甚鉅。於是廣東福建諸省。皆向洋商挪借鉅款。而神機營總理衙門。亦或屬出使大臣。貸諸西洋。為購礮造船之用。奏明由各省各關按年歸還本利。計國債最多之時。約有二千餘萬金。迄今逐漸償還。當已不滿一千萬矣。東西洋諸國。或地不逮中國十之一。而國債動以數萬萬計。蓋有十倍百倍於中國者。賦稅所入。大半以償債息。其所以百廢具舉者在此。所以不能不厚斂於民者亦在此。曩歲李傅相創議借貸洋債白金

三千萬兩。用以興建中國鐵路。此固至急之務。亦至善之計也。然余意不甚謂然者。蓋恐中國風氣未開。承辦之人。未能事事覈實。難免侵蝕虧短之虞。而鐵路之獲利。尚無把握。轉恐加歲月津貼之費。夫養路修路。既需巨款。而三千萬金之債息。亦歲不能緩。則中國兩受牽累。財用必日朘月削。恐致一蹶難振。儻竟欲造鐵路。毋甯枝枝節節而為之。雖無速效。亦免鉅累。較為穩著。余之愚計如此。既而承辦洋債之陳季同。果藉借債之名。騙款纍纍。以供私用。如是則所借之三千萬金。并恐未必能全到中國矣。幸而廷議早罷之耳。余於是恍然於出使日記續刻 卷五 美 傳經樓校本

二十六日記

風氣未開之時。籌辦一事。難若登天。往往利未形而害已隨之。非必籌畫之未精也。得人之難也。
英法各國有所謂高車者。亦謂之公車。聞創製不過在二三十年以內。其式格外高廣。內層可坐二十四人。上層可坐十六人。通衢大街。絡繹交馳。傭工等人。隨處搭坐。每行二三里。僅需一二本土。然此車生意甚旺。每車每日約可獲英金二鎊。以一鎊養兩馬。兩輿夫。尚覺綽然有餘。所贖之息。總在一鎊以外。每造一車。約需工本二百鎊。而購馬在外。倫敦一大公司。有車千六百輛云。

嘗遠而望之。有似樓房駕空而來者。高車也。余謂春秋傳所稱巢車樓車者。殆有類乎是。夫楚子登巢車以望晉師。解揚登樓車以告宋人。今其遺製。雖不可見。意者其高或過此車。而寬廣或不逮也。

二十七日記

春秋傳隕石於宋。五隕星也。其解確矣。厥後史傳紀隕星者甚多。今倫敦博物院中有隕星石。其色黑。其長不過數尺。然或以爲一石。卽一星。則大不然。蓋一星卽一地球。地球之氣。或太陽與慧星之氣。飛散空中。則當時望之如流星。久而旋轉太空。其大者數百千里。至數萬里不等。又分爲一小地球。其小者化爲一拳之石。或偶近吾地。則翕附於吾地矣。又攷春秋左氏傳。莊公四年。夏。恆星不見。夜明也。星隕如雨。與雨偕也。夫至星隕如雨。余意空中必有與吾地相近之星。或者全球迸裂。火星散布。故猝然見爲夜明。見爲星隕如雨。其或飛至他地球。則必化爲石。蓋受此石者。不止吾地矣。觀於吾地諸山之石。不可殫紀。則孕結成石者。無日無之。其初皆氣也。而氣之偶散入太虛。亦何足爲異也。

出使日記續刻

卷五

美傳經樓校本

二十八日記

總理衙門來電云。華爾身言外部電云。執事停商。滇緬

界務。恐是本署意。然英仍願和衷相商。已告以並無是意。或因議論不合之故。當屬再商。華使又力辯昔董非華界。挾一統圖爲證。考一統圖成於乾隆年。蓋西土司收撫昔董。在嘉慶年。附聞備辯論。余覆電云。屢催昔董撤兵。外部忽造停商之說。冀聳聽聞。足見氣餒。擬請堅持。卽可就範。昔董兵退。則滇西土司皆安。界務迎刃而解。請告華使。以地卽非中屬。敝處所爭。別有道理。英不能不認。况早經收撫。又由恰克圖遞一電云。昔董亦非人。山地。英去昔董。必退至大金沙江以西。卽可劃江爲界。以保固諸土司。乙酉舊議。英雖滅緬。而野人山地數千里。本非緬屬。勘界時。尙須兩國均分。夏間向沙侯申此議。沙云。頗有道理。今爭劃江爲界。英自無辭。因江以西野人山地尙贏兩倍也。

二十九日記

英國上下兩議院。凡制度刑法軍政度支。悉由院中定議。而後舉行。上院諸員。均係世爵舊臣。及教中大長等。貴顯異常。但政事均由下議院議定。而詳諸上議院。上議院照行者。十之七八。駁改及暫停者。十之二三。下議院諸員。例由民間公舉。凡諸郡縣各舉一人。預其選者。卽爲該郡縣建白一切事宜。其權甚重。故有甯棄封圻

出使日記續刻

卷五

美傳經樓校本

之任而以舉授議員為榮者英國下議院人員之額向
 惟六百五十二人嗣因國中郡縣增多光緒十一年已
 增至六百七十人英倫舉議員四百九十五人蘇格蘭
 舉七十二人阿爾蘭舉一百零三人此現在定額也英
 民俗尚向稱敦樸然至今推選議員亦覺隱弊叢生一
 則植私黨以廣扶持一則散貨財以延虛譽也即如六
 月間所舉諸員格蘭斯登為公黨首領其黨得舉者二
 百七十五人沙侯為保黨首領其黨得舉者二百六十
 九人此外阿爾蘭黨七十二人巴尼路黨九人更有公
 黨之人而持論又常與其黨相違者共四十五人其後
 出使日記續刻 卷五 罕傳經樓校本

三十日記

美國近有格致士格得新法製造異樣氣球升至空中
 瞭望敵營又有新式火器一種並非傷人之具不過其
 煙極濃擲下敵營立即煙氣飛騰使敵人目迷不睹而
 我軍可望煙濃處燃礮擊之蔑不勝矣意國造軍燭一
 種略如彈子以礮擊之所著之處放大光明無異電火
 藉可燎望敵人軍燭一名星彈現印皮亦試用之法國
 近出新式藥彈以最毒藥物置於炸彈之中被擊者無

不斃命即在旁觸其毒氣亦必立死又前創連環快礮
 之麥心工廠現復造飛天機器能載士卒及炸礮等往
 來空際可以升至半空施放炸礮以攻敵營此器兩旁
 張二巨葉恍如飛鳥之有翼來往空中進止自如至連
 環礮一撥其機礮即連環而發每一分鐘時能發九百
 門其快極矣又有連環巨礮一種礮身甚鉅係用開花
 彈子每一分鐘時能放五十門近日歐洲又出新式水
 雷其機置於岸上施放者在岸握其機綫能使此雷從
 水底來往非鐵網所能隔回環轉折或沈或浮均由人
 意雖數千噸之鐵艦觸之無不立碎嗚呼殺人之器愈
 出使日記續刻 卷五 罕傳經樓校本

八月壬辰朔記

日本步趨泰西製造一項更銳意講求如大坂製造銅
 鐵等物東京製造綢緞布匹橫濱製造蜜酒荷蘭水火
 柴等物其出口貨載往香港及中國各口者以銅紐銅
 鐵管洋傘火柴為最盛其勝人之處一則地在東方與
 各口相距非遙易於轉運二則工料皆廉成本較輕三
 則煤薪產旺製造更易具此三者故出物日精價復廉
 賤歐洲生意轉為所奪矣 光緒十七年中國洋關報
 單各省所出土藥三十三萬擔有奇華人之銷用此土

者僅有六分之一。惟於種植鷲粟之法。日精一日。將來必可與印度洋藥並駕齊驅。此豈華人之本意哉。亦不得已而思其次也。

初二日記

滇緬分界一案。已力催英廷速撤昔董屯兵。余意爲爭野人山地。張本蓋欲以金沙江劃中英之界也。外來函。欲余辦文書申說其故。余既於七月二十六日照會外部。據理論勢。層層剖析矣。今日外部尙無覆文。余遣馬清臣往告山特生云。中朝意在必得此地。就情理勢三者而論。英國斷無說以拒之。與其費筆墨。煩口舌。出使日記續刻

卷五

望 傳 經 樓 校 本

到結局時仍不能不與。不如速與之。示若出英人之本意。以彰公道而聯睦誼。且野人山地。在厄勒瓦諦江以東者四之一。在厄勒瓦諦江以西者四之三。英得其三。而中國得其一。在英已大占便利。從前中國不勤遠略。於邊徼風脫之地。向不介意。今則漸明利害。欲保體面。故於此等事不肯放鬆。然中國能自立。則俄法不能肆其蠶食。英之商務亦不至受損。固英國之利也。英國胡不稍讓荒地。以成中國之美。而示他國以榜樣。則俄國帕米爾之兵。亦可速撤。帕歸中國。固英國之大願也。蓋亦通盤籌畫。輕小利而成大計乎。山特生日。印度部數

日內必有回音。握手而別。

初四日記

光緒十五年。法國各公司本有之鐵路。九千九百九十五。啟羅邁當。新造之鐵路。九千九百九十一。啟羅邁當。私設者。一百四十四。啟羅邁當。國家設者。一千六百四十三。啟羅邁當。各小公司所設者。一千零八。啟羅邁當。阿勒日內各公司。七百零七。啟羅邁當。綜計二萬二千七百七十六。啟羅邁當。法京左右。多有尙未聯合一氣者。往往彼此互繞。頗有不便。而是年兩次在議院議後。又增鐵路。并原有者。共四萬二千。啟羅邁當云。法國

出使日記續刻

卷五

望 傳 經 樓 校 本

各河。多不相通。寬窄深淺不一。開口大小亦不一。來往貨物。必須換船轉運。七十年来。鐵路方興。人心財力。全注於鐵路。故河工稍緩。近時議者。又知貨由鐵路。所費甚鉅。故仍欲修理河道云。

初五日記

法國一千八百七十七年。進口稅二萬五千五百零一萬六千餘方。出口稅二十五萬六千七百方。船稅五百二十三萬九千餘方。雜稅九百二十八萬二千餘方。通共二萬七千三百七十九萬五千餘方。法自改爲民政。國之大權。歸兩議院。奉行條例之權。歸總統。議員出

於公舉一社公舉一人如一社過十萬家外則再計其人如近十萬之數准多舉一員上議院員約三百人內有四分之一永遠不換此三百人亦係考試而得如有乞退乞假則補之四分之三由各府議員推升以九年為限滿合甲而為社合社而為縣合縣而為府總統七年期滿上下議院公舉另代或留一次亦可國之政務得失其責任不歸總統而歸議院總統之責在議院議定後畫押並管理水陸軍務而已然有用兵之事亦非議院議定不可而選擇宰相及各部大臣之權則歸於總統

出使日記續刻 卷五

傳經樓校本

初六日記

法國步隊戰兵一百四十四營二十三萬六千三百人獵兵三十哨一萬八千二百四十人馬隊甲兵十二營龍兵二十六營輕騎二十三營共五萬八千一百人礮兵每營分十三排共三十八營五萬五千二百四十八又十九處學堂之軍樂工共七百六十人橋兵二營三千人匠藝兵十營一千八百六十人精巧工兵三營三百十五人修路兵五十七營五千一百四十人共六萬六千三百十五人海軍有行船者有捕魚者十八歲至五十歲止共有十五萬人 法國帑項支銷甚鉅加以

累世用兵國債纍纍故進款不能不多較之各國為最重矣國債一萬七千五百兆方通年出款二千七百八十兆九十七萬餘方通年進款二千七百九十三兆十七萬七千餘方

初七日記

法國近年進款稅項三百九十二兆十一萬餘方加重之物稅項二十五兆六十一萬餘方房產買賣之稅六百三十八兆零四萬方樹木之稅三十八兆七萬餘方海關稅二百八十三兆二萬方國家自買賣物之稅一千零五十六兆六十二萬餘方信局稅一百十三兆八

出使日記續刻 卷五

傳經樓校本

十七萬餘方人口稅三十四兆九十七萬餘方電報稅十八兆三十一萬餘方當差人俸中所出之稅五兆零六萬餘方阿勒日進項二十五兆八十九萬餘方工人工資之稅十八兆三十五萬餘方雜項七十兆十九萬餘方阿勒日境內公司之稅三兆五十萬方股分票稅六十九兆五十二萬餘方通共進款二千七百九十三兆十七萬餘方而以國家所自賣之物稅為最大之款內國家自賣之煙酒糖紙自來火油皂等項是也 出款刑部用費三十四兆四十一萬餘方外部十二兆七十一萬餘方內部一百零九兆四十四萬餘方學部一百

十四兆八十六萬餘方。農部商部四十二兆五十五萬餘方。工部二百三十四兆六十萬餘方。兵部五百三十八兆二十六萬餘方。海部一百九十三兆九十五萬餘方。戶部二十兆三十六萬餘方。各項善舉二百四十一兆三萬餘方。國債利息七百四十七兆二十二萬餘方。國債抽還本銀三百十六兆三萬餘方。官差退職養老之俸一百二十四兆九十八萬餘方。殘兵院養老養傷之費二十三兆六十萬餘方。各處刑官之俸十兆三十八萬餘方。雜用十七兆二萬方。通共出款二千七百八十兆九十七萬餘方。

出使日記續刻

卷五

吳傳經樓校本

初八日記

阿爾蘭英國三島之一也。古時各部自立酋長。號稱自主。民俗強悍善戰。常持短棒赴陣。死亡弗卹。西歷五百年。即中國南北朝時。有耶穌教士巴力門。至其地。宣教用以柔制剛之法。專以性善之理。激發人心。民稍化之。然猶未屬於英也。至一千一百五十四年。英王顯理第二得國。值阿內亂。羣酋互爭。有一酋赴英請救。英出勁旅臨之。阿人望風奔潰。全境遂屬於英。然其風俗教化與英內地稍殊。英王慈迷斯第一在位時。已大費經營。欲革其舊習而不能。至一千七百九十二年。即乾

隆五十八年。阿人因新舊教積不相能。遂自結黨名曰報國黨。起與英爭。先是英人奉耶穌新教。而阿人仍奉天主教。既多不協。英復設法制之。凡屬阿省議員。均由新教黨人推舉。眾情不服。潛結法國謀叛。入其黨者五十餘萬。潛立文武百官。儼為一國。英舉兵征之。六年亂魁就擒。復殲其餘黨。法人救之不克。阿境始平。一千八百零一年。其地始與英國兩省合而為一。議定阿省一切事權。悉如英制。並准公舉議員百人。列於下議院。又世爵貴族二十八員。總教士四人。入於上議院。自是可相安矣。一千八百六十八年。議院中欲課重稅於阿爾

出使日記續刻

卷五

吳傳經樓校本

蘭之奉天主教者。名為維持國教。是時格蘭斯登為公黨之魁。在議院力爭。卒廢其法。遂為阿人所推戴。得為英相。一千八百八十二年。阿省諸佃戶相率抗糧。而巴尼路黨復袒護之。聲勢益雄。越三年。格相罷政。沙侯為相。屢更律法。盡力懲辦。始漸救平。然阿人久懷分治之圖。麥加底黨之附於格相也。先與約曰。吾輩合力戴公復相。但事權在握。他日開院集議。須首議阿爾蘭分治之事。聽其自立議院。無須英廷過問。格相諾之。今果復相矣。故英人惴惴焉謂阿爾蘭若果分治。英事將不堪設想也。

初九日記

許竹簣星使來函云。會催俄退兵一節。據英署使稱外
部電告俄兵未到阿富汗境。不便與中國會催。將來有
交界事件。可以幫助等語。俄兵現已啟行。將回費爾干
省。蓋因天氣已寒。不能久紮之故。阿富汗兵已退出蘇
滿卡。總署電轉據陝督電報也。余昨亦接總署電云。帕
米爾俄兵已撤。因查各新報謂俄將喬瑞夫未到帕地
之先。中國已調回華兵之在帕米爾俄界者。又云俄兵
四十四名。近進塔什庫爾干。為中國所驅出云。而柏林
又有謠傳。俄將發兵一萬二千。屬喬瑞夫為明春巡帕
出使日記續刻 卷五 吳傳經樓校本

初十日記

萬國公法。凡遇友邦開戰。應守局外之例。不得濟一國
以糧餉軍火。如有陰助此一國者。則彼一國可援公法
以詰責之。此數百年舊例也。自庚午年普法之戰。英商
運軍械於法者。接踵獲利。普和畢士馬克詰問英廷。欲
令嚴禁。英恐自礙商利。答以普之水師。儘可在海搜捕。

如拿獲充公。英廷決無異言。然英法海口相距甚近。法
之水師又素強於普。普人竟無如之何也。自是以後。各
國援以為例。凡值友邦開戰。均不禁商人販運軍火矣。
惟開戰之國。能不在海面搜捕。則視其水師之強弱。如
距英海口三英里。在海面搜拿英商私運之軍火。英廷
嘿然聽之而已。甲申乙酉間。中法之釁。法之水師。頗在
海面拿獲英船運華之軍火。是時中國各省在英廠訂
購軍火甚多。相戒不敢起運。後乃先運香港。起貨存棧。
再相機運至中國地界。於是軍火絡繹於途。法人雖明
知其為中國所運。亦無如之何。蓋英給護照運往香港。
出使日記續刻 卷五 吳傳經樓校本

十一日記

橫榔江之北。有日札賴江者。一名麻里江。洋音或譯作
穆雷江。自東而西。經流巨石萬仞。銅壁諸關之外。首尾
六七百里。至新街合大金沙江。雲江三江水利考云。
大金沙江流至孟養。阻陸地有二大水。自西北來。一名
大居江。又名大車江。一名橫榔江。二水至此合流。又名
大盈江。而黃林材橫榔江考則云。橫榔江至千崖。宣撫
司與騰越之大盈江會。土人呼為海珀江。野人山本
中國土司所分轄。如隴川孟卯土司之地。以野人山地

之洗帕河爲界。麻陽即俄漢董兩隘尙在其內。此邊民所共知也。允帽一譯渾門。一譯黃麻。扼古勇昔董兩隘之口。在野人山外。厄勒瓦諦江東邊。爲蓋達土司之屬地。據厄勒瓦諦江上游。形勢亞於八募。對江卽爲孟拱。江中有兩大洲。南甸土司與舊時蠻蕃土司。以野人山中之紅奔河分界。紅奔河一譯作紅蚌河。

十二日記

泰晤士報昨俄京來信云。游擊喬瑞夫於西九月十四日中七月二由帕米爾歸費爾干。日內可抵瑪爾格蘭。至所帶兵數。或謂數千。或謂僅馬兵數隊。皆無稽之說。

出使日記續刻

卷五

萃 傳經樓校本

十三日記

日大於地球一百三十萬倍。地球大於水星十四倍。大於金星少許。大於火星三倍。土星大於地球一千倍。木星大於地球一千四百倍。金星離日二百三十八兆里。軌道在水星與地球之中。距水星一千八十五萬里。距地最近時。約九百四十五萬里。疑有生氣包羅星體之外。其象頗似月輪。亦有上弦下弦。光滿光半之形。其行

與日漸近而伏。伏時或見其過日面。如小黑圓斑。羣史所稱日中有黑子也。此必行星過交綫而地球亦在交綫。乃有此象。與日月食之理相同。乾隆三十四年。金星過日面。同治十三年。又過日面。光緒八年。又過日面。本年閏六月二十八九日。滬上忽傳。見一星。蓋太白晝見云。

十六日記

泰晤士報西十月初五日中八月十五日俄京來信云。喬瑞夫已於前日歸自帕米爾。抵費爾干之瑪爾格蘭。浩罕之舊都城也。該游擊於西九月十四日自帕起程。途中行

出使日記續刻

卷五

萃 傳經樓校本

三禮拜。計程四百英里。馬步七百名。來年一交春令。恐不免復出。甲申乙酉間。中法有事。張蔣帥方督兩粵。創立牙捐各項貨物。每價銀一兩。抽捐三分。藉充軍餉。已丑年。蔣帥去粵。裁去此捐。李筱帥因海防善後。需款浩繁。遂仍仿照牙捐抽收。易其名曰臺礮經費。近聞剛子良中丞擬裁此捐。冀與小民休息云。

十七日記

統地球每年銀礦所出之銀。約共得五千萬員。英國出七萬磅。法國出五千磅。奧國出九萬零五百磅。瑞典挪威出二萬磅。西班牙出十三萬磅。普魯士出十三萬磅。

意大利瑞士俄羅斯出五萬八千磅。比利時出四百四十磅。共約出五十萬磅。中國銀礦甚多。惟每年所出銀數。無從稽核也。金類之中。鐵最多。功用亦最大。質性最便於製造。利益遠勝於他金。洵天下之真寶也。格致家云。鐵可鎔成流質。鑄成形式。可抽極長極細之絲。可亂極廣極薄之皮。彎曲任意。磨厲有鋒。退火可柔。淬水能剛。格致工藝。農田戰守。在在攸賴。又可合製藥物。大有補益。其性宜人。能存於身。非若他種金類。性與人不合也。故凡動物之有脊骨者。其血內必含之。地產數層。土石之內。多藏其礦。備人採取。製鍊之。可為生鐵。為熟鐵。為鋼。

出使日記續刻 卷五

聖傳經樓校本

十八日記

凡取銀於礦。有兩法。一用汞引法。一和鉛鍊法。汞引法。又謂之溼法。取銀先磨礦為細粉。如食鹽。十分加熱。令變為銀絲。再加水銀及鐵硫。或鐵沙。使汞與銀和合。汞須六倍。或八倍於銀。時調攪之。使易與銀合。汞與銀合。成膏形。沖水洗去其泥。並濾出多餘之汞。再將銀汞膏。置罐內。升去其汞。即得淨銀。比和鉛法更有益。因能省燒料也。和鉛法。謂之乾法。將含銀之礦。和以鉛而鎔之。得其含銀之鉛。此鉛或徑用吹風法取銀。或用別法提

鍊而得純銀。此為最舊之法。凡銀硫礦。銀鉀礦。銀綠礦。等俱可用之。然工繁料費。故今不多用。石者。山之骨。地之殼也。然石之中。亦含金。金之中。亦含石。金與石恆相麗也。石亦礦學之一門。惟其類甚繁。尤可寶者。曰金剛石類。曰晶石類。曰瑪瑙類。曰玉石類。曰寶石類。

二十日記

格致彙編云。太古之世。混沌未開。大地之體質軟而熱。儼如火球。沸蕩天空。若一小日。惟體無光。亦無太陽之熱。然其熱氣亦不小。細攷今日地球。形非正圓。南北二極。大有收扁之勢。其徑較地腰赤道徑。少約八十里。足

出使日記續刻 卷五

聖傳經樓校本

二十一日記

徵古之地球。體輒而有流動之形也。蓋凡輒體繞軸速轉。則中腰之質。必向外伸漲。而生離心之力。即離本軸而外漲也。中腰既漲。勢必牽動軸之兩端。向內縮。地成扁球。亦同此理。至地之內質。今仍含流火之勢。故火山恆噴熱汁。火力奮發。大地震動。皆其證也。又有溫泉熱井。多處發見。或吐暖氣。或噴熱水。足徵地內火力之厚。是今日地球。尚大半為火質。吾人猶居火球之上也。

酉刻接准總理衙門電開二十一日奉

硃筆薛福成補授都察院左副都御史欽此 格致彙

編云地殼厚薄各處不同最厚不過三百里即抵地心之火亦有僅厚一百二十里者較之全地猶隔一牆耳又如居蛋之殼吾人所謂極堅厚者實一薄層也惟地內所發熱氣由全而散於天空而地氣反漸涼漸縮地殼因此即漸增厚亦漸堅實日久年深地殼必將甚厚其下無火力鼓蕩地震必將自止如月面今日之勢今試以遠鏡窺月面有甚大火山周廣多里似已熄滅蓋月體大小僅居地球四十九分之一或疑其體今已涼矣然近見月內一火山又有變形故又疑其仍有火欲吐發也地球徑約二萬四千里周約七萬五千里綜

出使日記續刻

卷五

著傳經樓校本

核面積有六萬萬方里其質共重二千磅各料合積之重大於水五倍有半地體較太陽之體尤重太陽大於地球一百二十六萬倍其重僅加於地球三十二萬倍故知地體更重於太陽體也地質一立方尺之重比水一立方尺之重勝五倍有半

二十二日記

古時地球所以極熱者或者本近太陽之故厥後漸遠漸涼而散其熱地面乃有薄殼復經火力奮發鎔汁外溢屢次升高陷低堅磐鬆散為粉遂成泥土而地殼增厚初時地殼甚薄火力易於穿透故火山吐燄較今時

為多如令每年發二十次者古時必歲發千餘次每發時噴吐流汁即掩覆於舊磐石之上繼長增高地殼漸厚亦漸涼水氣即遠包地球之外水氣熱者復升更高漸涼而縮凝落為雨雨聚深淵成爲洋海如此久之地面濃霧漸散清氣分明遂顯太陽之象漸轉生機先生草木可見地球必歷數千百世始涼成硬殼必經受若干變化始成世界也地球大體循行天空每少時有二十萬里之速吾人附麗地面隨時遊蕩於天空不墜不撞豈非上帝智力無邊仁慈莫量豫賦地球以攝力以成神妙不測之能事也哉

出使日記續刻

卷五

著傳經樓校本

二十三日記

鍊鋼之工數千年來無甚進益泰西諸國近百年內格致大興工藝愈盛西歷一千七百二十二年西人路暮兒者設法造鋼以熟鐵沁於鎔化生鐵內令變爲鋼千七百四十年西人痕支曼以硬性熟鐵條鎔變爲鋼千八百三十九年英人墨希德以錳炭之質鎔和鐵條之內使變成鋼千八百五十六年別色麻設法吹風入鎔化生鐵內燒去其炭質若干使變成鋼明年墨希德設法於別色麻鎔所鍊之鋼添以含生鐵料西名司拜古來孫者得成細鋼又其後西門子設煤氣鎔於罐內鎔

鍊鋼料大能省煤前鍊鋼一噸須枯煤二噸半者今用此爐祇用粗煙煤一噸半足矣又西門子與馬丁二人設新法爐能成上好鋼所需之料為零鐵或生鐵或鐵礦又陪爾奴與本沙德二人設爐較前更精可以用更粗之料變好鋼又能用別色麻爐提出鐵內所含磷硫二質二質有損於鋼鐵提去之則下等鐵可變為上等鋼

二十四日記

格致家以化學論鋼之性僉謂鋼有五異質大能改變其體一炭二磷三矽四錳五硫議者各宗一說如鋼含出使日記續刻卷五

英傳經樓校本

炭質或喜其多或喜其少鋼含錳質或謂足增鋼之韌否則熱時必脆或云上等之鋼不可含錳含錳則不堅鋼內含磷利弊難定德國著名金類家云鋼含磷不能使鋼變硬英國格致家則云令鋼變硬之異質磷為最要鋼內含硫亦難定其利弊然皆謂含硫與磷愈少愈妙鋼內含砂人皆謂足令鋼質勻而加硬亦有反其說者謂有損無益鋼內提磷之法各國尚未通行最穩之法莫如仍用不含磷硫之礦製鍊成鋼比之用下等鐵礦製鍊而後去其磷硫者更為足恃如欲以下等鐵礦鍊成上等之鋼恐易致誤且其法煩費需本過昂是

提煉之法無甚益也

二十五日記

生鐵與熟鐵之別在含炭之多寡生鐵含炭多冶之易鎔熟鐵含炭少極難鎔化生鐵置爐以風箱鼓風即能融化熟鐵置爐燒之止能熱至白使錐連而不能融又有別者生鐵能受擠力熟鐵能任牽力無論造房屋造橋梁造器具應豫知何處需擠力何處任牽力而配其料之尺寸焉汽機機器等件定而不動者大半受擠力常行動者大半受牽力與扭力故動件以熟鐵為之定件以生鐵為之間有以紅銅或黃銅為之因過薄之件出使日記續刻卷五

英傳經樓校本

生鐵恐易損壞故用黃銅為更穩前人以熟鐵為定質止能加熱捶打粘台而不能鎔化近有英人別色麻者異想天開別創新法能將鎔化之生鐵於數分時變為流質熟鐵或鋼不必另加燒料止燒其生鐵內之炭質即徑變為熟鐵其法創於一千八百八十五年精思兩年始有所成以小風箱吹風於釘面亦能燒去其鐵內炭質使變韌性且不獨使風遇鐵外面以燒其炭並可噴氣入鐵內使偏燒之則能自生大熱或云日本三百年前已用此法但不及別色麻之精耳

二十六日記

厄勒瓦諦江之兩支江匯處。西江名邁立開。東江名恩梅開。邁立開江從良的^{即坎}嶺順流而下。其地正當齊要爾山谷。南界恩梅開江。源流尙未詳。有一嶺曰撥模拉姆坪。爲野人山極北之峰。在北緯二十六度十五分。距邁立開江及恩梅開五十七英里。距八募二百零八英里。恩梅開江衝要水部曰律鏗那。渡西岸而下。至薩勃克泰拉渡口。遂前至梅湯撥模。再至揮人所居之邁格納。爲厄勒瓦諦江東岸。距麥開引腦^{即水}紀納。上約兩英里。麥開引腦踞開陽^{即古}要路云。穆雷江水道甚佳。兩後大舟可至門茅。商運佳埠也。再東南經稻稔之

出使日記續刻 卷五

癸 傳經樓校本

地陟高山。至伴坪。邊境絕佳。乃穆雷江發源處。清澈可觀。穆雷江及大盈江之間。野番所居大半開欽斯種類也。^{又名欽}自穆雷江至恩梅開江。皆係自主之野番。並無統屬。不如南界土番。尙能與緬人揮人交涉也。由渾門至泰朗。計三十五英里。一路皆宜稻稔。數年前被緬兵劫掠。又爲開欽野番殘破。故昔時皆爲良田。以供渾門開克姚孟莫泰洛四城之食者。今俱變爲小村落矣。

二十七日記

野人山高得中之數。二千至三千英尺。又有無數山谷。

土宜罌粟。華商運販出口。開欽野番亦能自往交易。八募北四十英里有地曰升蟠。由八募至升蟠。築路甚易。如有鐵路。可避江水奔瀉之險。現已由八募築至木蘭超之添稍。擬定接至升老及孟坪。以至孟拱江口之升威陞。孟拱乃的山谷。爲華商採取玉礦琥珀礦及橡樹皮之通衢。而橡樹皮尤爲出口大宗貨物。總計野番地面。約積至三千六百英方里。或再加一千方里。^{因與四}接壤此中。恩梅開江測量得三萬三千五百英方尺。邁立開江得二萬三千英方尺。恩梅開江天氣較冷。其江源不能加長於邁立開江。且不能受西藏呂江之水。

出使日記續刻 卷五

癸 傳經樓校本

二十八日記

別色麻設法鍊鋼之源流。僅二三十年之久。法行於世。爲製造之最有益者。前者果得設掉鐵法。熟鐵一業爲之大興。尼勒生設熱風法。鎔鍊之費爲之大省。至痕支曼以熟鐵變鋼。墨希德以錳炭鎔鋼。皆爲新法。別氏立法。起於何時。昔英法之助土攻俄也。別氏以光腔礮放長彈。能旋轉與螺絲礮彈同。可免礮腔車割螺槽之費。而現成之光腔礮俱合就用。報其法於英國。英不報之。法國法人用之。多造新法長彈。大半爲三千磅者。放以四寸半徑之礮。彈出如法。與放螺絲彈同。觀者

歎服。惟礮皆光腔。生鐵究不甚堅。別氏攷校礮料。乃造小礮一尊。以上等生鐵為之色白如鋼。惟較當時之生鐵礮料更靱。從此專究製鍊生鐵之法。不惜資本。不遺餘力。

二十九日記

別有造鋼之法。將熟鐵條入箱。令與木炭相切。連加大熱。閱數日。住火。使漸冷。取出。其鐵則質變為鋼。面有大泡。謂之泡面鋼。此熟鐵變鋼之理。化學家尙未能知也。泡面鋼剪成短條。用鐵絲捆縛。鍛至粘合。以汽鎚打連。引長則質勻密。宜作剪礎。謂之剪鋼。再剪疊成捆。和木炭入鑪。鍛打一次。則謂之雙剪鋼。其質更佳。五十年前英國所出上等鋼。俱此法所造也。又新法以上等瑞典熟鐵。成泡面鋼。打碎盛火泥罐內。加大熱。鎔之鎔時。加以木炭粉。傾鑄成塊。其質堅而勻細。較剪鋼尤佳。此之謂鑄鋼。亦謂之生鋼。後有人以錳與養和入炭粉。乘鋼鎔時。每百分加一分。能使鋼質更細。別色麻能於鎔化生鐵內。鼓風燒去異質。而變熟鐵。變鋼。惟鍊時熱度極大。常鎔不堪任受。而熱尙難足用。久之乃造大罐形。能盛鎔化生鐵。鼓以空氣。歷三十分時。已成熟鐵。初小作鑪。僅容十磅。至二十磅。後造大鑪。能容七擔。已

出使日記續刻 卷五

李傳經樓校本

甚得法。他鑪之熱。無更大於此者。後造鑪漸大。能容一噸至五噸。進風之法。於鑪底通數管。必先鼓風。而後進鎔化生鐵。如先進鐵料。而後鼓風。鐵料易塞。

三十日記

倒焰鑪為鍊鋼舊法。印度等處小作鍊鋼鐵者。古來用之。然攷得全益。而合大造者。乃近數十年內之事。且思索多年。始成善法。究此法者。一為西門子。一為馬丁。西門子本格致名家。如電學。工程學。鍊金類學。皆所研究。一千八百四十六年。始攷節省燒料之法。蓋燒料若干。應發熱若干。生力若干。本有定數。西門子見各路燒鑪。出使日記續刻 卷五

李傳經樓校本

燒料甚大。而生力不足。顯有糜費。因設回熱鑪。使其熱不散。而漸顯其應有之力。至一千八百六十一年。始造成回熱煤氣鑪。大為得法。知用於鍊鋼之倒焰鑪。必能合用。乃代數廠造此種煤氣鍊鋼鑪。有一處用此鑪鎔化生鐵。與零碎鐵塊成鋼。西門子在英國攷求此法之時。法國有馬丁者。亦攷得相類之法。能於倒焰鑪鍊得上等鋼。其稍有不同者。馬丁將熟鐵和於碎鋼。置於鎔化生鐵內。製鍊成鋼。西門子則以生鐵或鐵礦。徑變為鋼。是以異也。變通二法。合而並用。則謂之西門子馬丁鍊鋼法。此法鍊鋼。有一大難。蓋鑪內必得極大之熱。

尋常火甄極易鎔化。必擇用極能耐熱之料。法以淨石
英軋碎成粉。每百分加生石灰若干。使有粘性。則見大
熱不鎔。鑪底鋪以白沙。沙內配易鎔之細沙。和勻加熱。
至鋼鎔度則結成硬塊。用西馬二法鍊鋼。即能耐其大
熱。用之多次。不必換其火甄。如鑪底偶有損處。再加以
沙。即能鎔化。補平鑪內。所燒煤氣不可過快。燒之緩則
火燄長而能得全勢。鑪長二十餘尺以爲常。

九月丙戌朔日記

光緒十二年日本出口絲價洋銀一千九百五十四萬
餘員。十四年增至二千八百三十四萬餘員。十七年日
出使日記續刻 卷五 奎 傳經樓校本
絲出口者九萬五千包。其值洋銀四千萬員矣。其攬奪
中國湖絲廣絲之生意。殆將日盛一日。其販往外洋者。
美國最多。英法次之。恐將來新金山各埠亦必暢銷。夫
日本蠶絲。並非長於中國。西人所以多購之者。其價廉
也。日絲之廉於湖絲廣絲者。以中國繅絲概用人力。而
日本製絲多用汽機也。中國誠能多購機器以繅絲。而
於西北各省。教以蠶桑。出產既宏。人工亦簡。則絲價必
較日本更廉矣。

初二日記

防海有四要。曰築礮臺。精火器。儲人材。節財源。礮臺必

與船塢相輔。船塢須地基寬廣。形勢鞏固。轉運近便。地
險水深。海口遼緩而紆細。能與內地相聯絡。則妥善矣。
造臺必取材異地。洋師洋匠。德爲最宜。美丹次之。英制
最良。原可取法。然其人或難駕馭。必有經緯以用之。臺
礮重足以鎮守。長足以及遠。必使敵船之礮不能及我。
而我礮足制其死命。臺後必設重礮臺。所用者爲攻礮
戰礮。連珠礮。務使近礮與遠礮相間。長礮與短礮相維。
水雷以魚雷爲上。其兼船礮雷三項之用者。德國之艇
裏以鐵甲。并安大礮。可攻鐵艦。且可禦哈乞開思連珠
礮。每艘費約需九萬兩。槍礮式宜一律。不可參差。至用

出使日記續刻 卷五

奎 傳經樓校本

器之人。船舶貴能駕駛。槍礮貴能施放。進退疾徐。皆以
敵船爲準。能占上風者勝。此外在能辨識風雲沙綫。測
量經緯度數。預知趨避之方。則儲材不可緩矣。平日宜
於海口設水師學堂。武備學堂。漸收其效。節用之法。曰
裁撤廢艦。如拖罟紅單鷹嘴等船。宜省修葺添製之費。
專造礮艇。即英人所謂根林也。亦以火輪行駛。甚速。狹
流淺水。無不可用。曰汰除冗費。曰歸併額兵。曰酌收丁
稅。曰徧查漁船。

初四日記

紡織必用棉。元太祖征西域始得木棉之種。攜回中土。

教民樹藝紡織成布衣被羣生五經中無棉字祇有絲字從帛從系則絲固絲屬也至紡花之工先去其子當未有機器以前去棉子者多用人工自英人懷德尼初為機器去子紡棉者皆用其法而利乃千倍於人工以人工去棉子每人每日僅得淨棉三斤餘而植棉者每畝歲收花六十六斤是六畝之花可足一包之數以一人而去六畝花之子必須九十日工程自有機器而九十日之工可以六日成之近來機器愈靈每人日可得淨棉三千斤又去子之後必紡紗紡紗以一人掌車轉而運之使成紗綫以至上機為工甚繁自有機器則

出使日記續刻

卷五

奎傳經樓校本

初五日記

現所常用西門子與馬丁法先將生鐵鑄於鑪底再添熟鐵零塊或圓塊由漸而入必俟先添者鑄化後始再添以勺取其鎔料少許傾冷水淬之試其韌性驗其剖

而以定火候後每百分添以司拜古來孫六分至九分俟鎔則開鑪放出傾於模內用此法每生鐵百分須配熟鐵或零鋼料三百分至一千分如鑪內置生鐵料十噸至十二噸鎔鍊七八點鐘之久漸添熟鐵等料則七日內能成鋼塊一百噸至百二十噸每成鋼一噸需煤十三四噸另以鑪燒成煤氣通入鍊鋼之鑪用此法於鑪內亦可添上等鐵礦鍊之西門子與馬丁法之倒焰鑪有一大益欲成上等鋼不必限以定時鑪內之料可取出少許驗之如不合宜則添零鋼或生鐵或鐵礦配其所需炭質數而後加司拜古來孫若干所配之數

出使日記續刻

卷五

奎傳經樓校本

初六日記

別色麻鋼西門子馬丁鋼之外尚有法國人陪爾奴鍊鋼法英國人回特活德製鋼法皆創於二三十年之內亦各有妙用今造鐵路多改鐵條為鋼條即修理舊路亦以鋼代鐵統計歐洲歲造鋼軌料有四百餘萬噸之多蓋鋼條比鐵條耐久數倍有勝至十餘倍者近來造船家亦多用鋼因鋼皮比鐵皮更輕而堅也故漸廢

鐵皮而用鋼皮。鋼輕於鐵約四分之一。故鋼船喫水淺而進出口岸較易。近來造鍋爐者用鋼板亦大得益。蓋鍋爐體可小而輕也。堅過熟鐵。內受汽之抵力雖大亦不致險。所需燒料更少。近來造礮造彈造鐵甲亦多以鋼代鐵。礮體輕而裝藥更多。放彈更遠。造甲足禦銳彈。甚難攻穿。造礮彈則體薄而多容礮藥。此外鋼之爲用。不勝枚舉。如大小鋼絲。或鋼絲繩。鋼鏈。汽車之輪軸。輪牙。兵商船之空心鋼桅。鋼桿。鋼繩。以及鋼筆。鋼鐘。鋼刀。鋼器不一而足。前者生熟鐵與鋼三者分立局廠。今合爲一。蓋鍊礦成生鐵。止加熱一次。即可製成鐵塊。鋼塊。輾成條板。薄皮。一火而成。大省燒料。故今之鋼價最廉。與生熟二鐵無甚軒輊也。

出使日記續刻 卷五

癸 傳經樓校本

初七日記

法國聖沙門地方有鍊鐵家陪爾奴者。設立新法造底。鑪以鍊鋼。並可鍊熟鐵。與掉鋼。鑪底能轉動。鑪蓋與火腔等定而不動。四面有門可進料。又有四孔。闕以生鐵門。以便開門用鐵桿掉撥灰。腔門以熟鐵爲之。鑪下。有進風門。以輪扇法進風於鑪。填煤若干。燃火即發。煤氣通入鑪內。燒之。鑪爲圓形。轉底爲圓盆形。以熟鐵皮爲之。邊有鐵圈。鑪底鐵板下有齒輪等。能使底轉動。

以二三馬力汽機轉之。鍊鋼時有水向鑪底噴之。藉煤氣以生熱。與西門子馬丁同。而每日成鋼更多。稍有流弊者。已成之鋼。從鑪底流出。時有變壞耳。一千八百六十五年。回特活德設立新法。將鑄鍊之鋼鐵傾入堅模。以壓水櫃加大壓力。使鋼堅實。模以鋼爲之。分二半。以螺絲螺蓋連之。甚牢。加大壓力之後。鋼汁每長一尺。縮小一寸有半。所成之質極重而堅。所加壓力。每平方寸。大略六噸。壓時有多氣放出。及鋼冷。再加以壓力。免其內外凝結不勻之弊。用之造礮。能任最大之藥力。迄今各國造礮。均不及回氏鋼礮之堅。

出使日記續刻 卷五

癸 傳經樓校本

初八日記

英國初創鐵路在紐卡司爾。康熙十五年。皮蒙所造。專爲運煤而設。由煤礦至江邊。其軌以木爲之。其車適合乎軌。其路直而平。其車四輪。單馬能運一百八十英寸之煤。煤商便之。乾隆三年。即一千七百三十八年。勞氏始創鐵軌。嘉慶十八年。即一千八百一十三年。威氏始創行遠之機器頭。乃廢馬運而用火運。嘉慶十九年。即一千八百一十四年。喬氏始創機器頭。每一點鐘能行六十英里。道光九年。即一千八百二十九年。勞堪氏所造鐵路。每一點鐘能行二十五英里。至三十五英里。而後日新月盛。推行盡利矣。今英國東北鐵路公

司稱機器與火車如皆上等。每一點鐘能行八十六英里。至造路工價各處不同。英國地價甚昂。議院需費亦鉅。每造鐵路一英里。計費英金四萬四千七百餘鎊。其最貴之路。則倫敦地下繞城之鐵道也。初係兩公司議創。曰末脫羅怕立吞。曰笛斯得立克脫。每一英里。計費自六十萬鎊至一百萬鎊。從鼻隙不路至歪臨墩街。地下鐵道一段。同治二年興造。至光緒十年竣工。又從權林克洛斯至鉛能街。地下鐵道一段。長有兩英里。并有太行臺大車棧。大橋以過泰晤士江。每一英里。計費英金一百萬鎊。若夫鄉鎮鐵道。工費較輕。為國家允准。不出使日記續刻

卷五

交傳經樓校本

收議院之費。而所造鐵軌材料亦稍遜焉。英國三島鐵路總辦去年所出報單。通國鐵路所用資本約英金八萬九千七百餘鎊。通年所獲之利息八千餘萬鎊。抵通國所入賦稅之數。而用款須去四千三百餘萬鎊。所養夫役約五十萬人。

初九日記

美國鐵路通盤核算。每一英里工價不滿一萬二千鎊。澳大利亞每一英里約四千四百餘鎊。瑞典國上等鐵路。每一點鐘行三十英里者。途中停。每一英里價八千鎊。每一英碼鐵軌。次等鐵路每一點鐘行二十英里者。重六十四磅。

每一英里價四千鎊。每一英碼鐵軌重五十磅。三等鐵路每一點鐘行十二英里者。每一英里價二千鎊。每一英碼鐵軌造橋鑿山。工費無定。僅所開山道。係平常泥土。每一英碼費約一仙令。或一仙令三本土。堅實之土。須再加二本土。若係堅沙頑石。則工費又酌加焉。蓋熟鐵為軌。始用於英之施叻克吞及大林吞。每一英碼鐵軌重二十八磅。嗣後貝色麻鋼軌通行天下。而軌之重漸加。每一英碼有重至八十磅及八十五磅者。蓋汽車以英國為最速。每點鐘能行四十四英里。法車次之。每點鐘行三十六英里。俄瑞典車最慢。每點鐘行二十九英里。堪納達

出使日記續刻

卷五

交傳經樓校本

於光緒十七年新成鐵路。每一點鐘能行三十六英里。從黃可浮至白洛克維而。即紐約之對岸。共行七十七點鐘。計程二千八百英里。此往中國最捷之徑也。印度從孟買至嘎爾格達京城。每一點鐘行二十五英里。邇來天下通改鐵軌為鋼軌。以鋼軌耐久。勝於鐵軌三倍。鋼軌年五十。而價又相等。或且較廉。以今鍊鋼之法。轉易於鍊鐵也。英之鋼軌價最廉。以各物進口無稅也。法德鋼軌價最昂。以進口稅太重也。

初十日記

光緒十七年。各國所有鐵路總數。英國三島共有二萬

零七十三英里。法有二萬二千五百八十六英里。奧有一萬六千四百餘英里。皆起造於道光八年。美有十六萬七千英里。起造於道光七年。比利時有三千二百二十五英里。德有二萬五千九百餘英里。皆起造於道光十八年。丹馬有一千二百餘英里。瑞士有一千九百餘英里。皆起造於道光二十年。俄有一萬九千餘英里。起造於道光二十一年。義有八千一百餘英里。荷有一千八百餘英里。皆起造於道光二十二年。堪納達有一萬四千英里。起造於道光二十七年。西班牙有一千二百餘英里。起造於道光二十八年。墨西哥有五千八百餘英里。

出使日記續刻

卷五

主 傳經樓校本

里。起造於道光二十九年。瑞典有一千六百餘英里。秘魯有九百九十四英里。皆起造於咸豐元年。智利有一千九百餘英里。起造於咸豐二年。腦威有九百七十七英里。印度有一萬六千九百九十六英里。皆起造於咸豐三年。葡萄牙有一千二百餘英里。巴西有五千七百餘英里。皆起造於咸豐四年。埃及有一千四百九十四英里。起造於咸豐六年。土耳其有一千零九十六英里。起造於咸豐十年。巴拉圭有一百四十九英里。起造於同治二年。阿根廷有五千七百九十八英里。起造於同治三年。委內瑞辣有四百四十一英里。起造於同治五年。

希臘有二百三十九英里。烏拉乖有五百三十七英里。皆起造於同治八年。哥倫比亞有二百三十英里。起造於光緒六年。

十一日記

駐英稅務司金登幹送到光緒十七年通商各關華洋貿易總冊。凡進口正稅七百十五萬九千八百餘兩。較上年贏六十三萬九百餘兩。出口正稅八百二十萬五百餘兩。較上年贏六十六萬七千三百餘兩。復進口半稅一百三萬九千九百餘兩。較上年贏九萬四千一百餘兩。船鈔三十九萬一千五百餘兩。較上年贏六萬一千七百餘兩。內地半稅五十二萬八千二百餘兩。較上年短一萬二千九百餘兩。洋藥釐金六百十九萬七千餘兩。較上年贏六萬八千八百餘兩。統共二千三百五十一萬八千餘兩。較上年贏一百五十二萬一千八百餘兩。總校華洋貿易貨物之價值。計合關平銀二萬三千四百萬兩。此為通商以來鼎盛之年。亦居稅課最優之數。至洋藥稅徵二百三十五萬五千餘兩。此即括在進口正稅之內。是年進口洋貨之價值。總計關平銀一萬三千四百萬兩。較上年多七百萬兩。出口土貨價值一萬零九十四萬兩。較上年多一千三百八十萬

出使日記續刻

卷五

主 傳經樓校本

值一萬零九十四萬兩。較上年多一千三百八十萬

兩

十二日記

西洋各國設郵政局。有郵部尚書理之。凡各港埠輪船入口。到局報明何日出口。何時開行。所至何口。所經何港。該局將官署文件。商民書函。彙於一匣。名曰信箱。凡寄信必到局購人頭。人頭粘貼信面。多寡視程途之遠。遞英國郵政局一千八百七十年進款。英金五百七萬四千鎊。除出款三百六十六萬九千鎊。贏餘一百四十四萬四千鎊。一千八百九十年。贏餘三百四十四萬六千鎊。其數不為不鉅矣。又如歐洲電局。祇有大東大北兩公司。一千八百八十九年。大北公司約進利息銀二十八萬鎊。大東公司上半年約進利息銀三十五萬二千餘鎊。此似除去官利言之

出使日記續刻 卷五

三傳經樓校本

十三日記

光緒十七年各洋關徵稅。統共二千三百五十一萬餘兩。內江海關徵六百八十三萬餘兩。比前數年加百萬兩。內外江漢關徵一百八十二萬餘兩。比前約減二十萬兩。閩海關徵一百六十四萬八千餘兩。比前數年減三十萬至五六十萬兩不等。湖海關徵一百六十四萬四千餘兩。比前年約加二十萬至八十萬兩不等。浙海

關徵一百二十二萬餘兩。九江關徵一百十五萬餘兩。廈門關徵九十九萬餘兩。蕪湖關徵七十一萬餘兩。津海關徵六十四萬餘兩。淡水關徵六十三萬餘兩。鎮江關徵六十萬餘兩。九龍關徵五十九萬餘兩。牛莊即山海關徵五十八萬餘兩。臺南即打狗關徵四十七萬餘兩。拱北關徵四十六萬餘兩。東海關徵三十二萬餘兩。北海關徵二十六萬餘兩。瓊海關徵十一萬餘兩。宜昌關徵十萬餘兩。重慶關徵九萬餘兩。蒙自關徵六萬餘兩。甌海關徵三萬餘兩。龍州關徵一千九百餘兩。查滬粵等關之所以驟旺者。以洋藥釐金歸併之故。閩漢等

出使日記續刻 卷五

三傳經樓校本

十四日記

洋貨進口價值一萬三千四百萬餘兩。內洋藥價二千八百三十三萬餘兩。洋布羽綾棉紗棉綫類價五千三百二十九萬餘兩。內棉紗棉綾價得二千零九十八萬餘兩呢羽嗶嘰絨氈類價四百六十九萬餘兩。鋼鐵銅錫類價七百二十五萬餘兩。雜貨類價四千零三十二萬餘兩。內米價六百兩。煤油價五百二十六萬餘兩。煤價一百七十九萬餘兩。海味價五百三十萬餘兩。自來火價一百五十萬餘兩綜此觀之。則棉布呢羽等幾居洋貨價值之半。而洋藥亦幾居四分之一。為中國計。須設法漸杜洋藥之來。而

購機設廠織布紡紗尤為第一緊要關鍵其次則開礦其次則鍊鐵其次則紡織呢羽絨氈其次則仿造自來火及製鍊煤油之屬均開其風氣而致富之能事盡於此矣至以一萬三千四百萬兩之價而進口正稅得七百十五萬兩覈諸值百抽五之數尙多得四十五萬兩則以洋貨之價較減於初定稅則之時之價譬如貨價百兩實已抽至五兩三錢三分六釐以外矣

十五日記

土貨出口價值一萬零零九十四萬餘兩內絲繭價二千九百八十八萬餘兩綢緞絲貨價七百零一萬餘兩

出使日記續刻

卷五

青傳經樓校本

茶價三千一百萬餘兩雜貨價六百八十四萬餘兩棉花價三百八十四萬餘兩紙價一百五十七萬餘兩草帽鞭價一百六十萬餘兩糖價二百五十九萬餘兩衣服靴鞋價一百四十萬餘兩駱駝棉羊毛價一百一十一萬餘兩煙葉煙絲價一百五萬餘兩爆竹價一百一萬餘兩席價一百三十一萬餘兩其餘如瓷器藥材皮貨等項價皆不滿百萬者矣綜此觀之則絲茶兩宗合綢緞在內尙幾占土貨價十分之七如欲整頓土貨仍須就絲茶著力庶能握其綱領其餘如棉糖紙席草帽鞭等類雖皆係利源所在尙無絕大關係然能隨事講求隨時

整理必有大益此外土貨俟鐵路開通當必有於無意中暢銷如草帽鞭之類者至以一萬萬餘兩之價而出口正稅八百二十萬兩已逾值百抽八之數與所謂值百抽五者頗相懸殊則以土貨之價已大減於初定稅則時之價蓋絲茶二者為之也

十六日記

光緒十七年進口洋貨價值銀一萬三千四百萬三千餘兩內除復運往朝鮮貨價九十七萬四千餘兩再除進口稅銀四百八十三萬五千餘兩洋藥稅釐四百五十一萬二千餘兩又除經手七釐用金八百六十五萬

出使日記續刻

卷五

青傳經樓校本

七千餘兩統計進口貨於起岸時淨值一萬一千五百二萬三千餘兩至出口土貨價值銀一萬零零九十四萬七千餘兩內加土貨往朝鮮之價值銀三十七萬八千餘兩又加出口稅銀六百十二萬餘兩再加經手八釐用金八百十萬六十餘兩統計出口貨於下船時淨價值銀一萬一千五百五十萬三千餘兩總計出口貨之價值比進口貨之價值尙多五十餘萬兩十六年進出口照此扣算進口貨價較多於出口者尙有九百餘萬兩之數又綜覈光緒十四十五十六三年進口貨價合計三萬一千三百八十一萬五千餘兩出口貨價

合計三萬一千七百五十八萬五千餘兩。出口之價尚較多於進口之價二百七十七萬兩。此皆已將關稅用金扣算在內矣。

十七日記

前謂洋貨進口稅已值百抽至五兩三錢三分六釐以外。此乃將洋貨與洋藥合併言之。實則原定洋藥之稅本不止值百抽五。今再分別言之。按進口洋藥稅徵銀二百三十五萬五千餘兩。其價值銀二千八百三十三萬三千餘兩。約計值百抽至八兩三錢以外。再加洋藥釐金六百十九萬七千餘兩。稅釐併計共得八百五十五萬三千餘兩。

出使日記續刻

卷五 美 傳經樓校本

五萬三千餘兩。是殆值百抽至三十兩零一錢矣。至於進口洋貨價值銀一萬零五百六十七萬餘兩。進口正稅銀四百八十三萬五千餘兩。覈之值百抽四兩六錢之數尚稍歉矣。此非必洋貨之價昂於初定稅則之時之價。吾料彼時中國官員未必不受洋人之欺蒙。所定稅則雖名為值百抽五。實斷不到抽五也。

十八日記

光緒十七年出口貨價與十六年相比較。茶價多四百三十六萬五千兩。絲價多五百九十二萬八千兩。綢緞價多一百十四萬三千兩。棉花運往日本價多八十五

萬二千兩。呢絨羊毛價多二十五萬八千兩。樟腦地席麝香三項價各多十七萬兩。此為歷年來最優之數。至進口貨價與十六年相比較。紗布價多八百二十七萬兩。絨呢羽價多一百五萬三千兩。銅鐵類價多三十八萬二千兩。歐洲各國中。俄銷紅茶年多一年。是年英國及印度及南洋英屬地。共銷紅茶茶靴茶未在內。綠茶七十六萬餘擔。俄國共銷紅綠茶六十四萬六千餘擔。美國共銷二十七萬五千餘擔。其餘皆係小數。是知華茶銷路英日減而俄日增。亦盈虛消長之數。將來必有俄勝於英之日也。

出使日記續刻

卷五 美 傳經樓校本

十九日記

光緒十七年牛莊出口貨價共八百六十萬九千餘兩。較十六年贏五十九萬餘兩。其中運往南省之豆餅二百八十四萬餘擔。豆子三百八十二萬餘擔。豆油九萬餘擔。徑運外洋之豆餅二十二萬擔。豆子三十三萬擔。又關東人參價十一萬一千餘兩。高麗參價十八萬二千餘兩。進口洋貨經由外洋運到之貨。估值三十七萬九千餘兩。復進口之洋貨由上海來者為最多。估價五百六十九萬二千餘兩。又土貨進口。估價二百九十三萬四千餘兩。其中棉花最多。糖紙次之。藥材玉器又次

之。天津進出口貨價共三千七百四萬餘兩。內進口洋貨價值其銀一千八百四十萬九千餘兩。出口赴外洋之土貨價四萬七千餘兩。出口往香港之土貨價三十九萬六千餘兩。復出口洋貨價八百餘兩。沿海出口土貨價五百五十二萬餘兩。內開平煤出口者七萬餘噸。復出口貨價三萬八千餘兩。復進口之貨上海貨價七百七十八萬餘兩。漢口貨價三百七十一萬餘兩。內往俄茶葉福州貨價銀一百八十萬餘兩。九江貨價銀六十五萬餘兩。

二十日記

出使日記續刻卷五

夫傳經樓校本

煙臺進口洋貨價銀一百二十九萬五千餘兩。出口土貨價銀三十九萬七千餘兩。復出口洋貨價銀一千七百餘兩。沿海貿易出口土貨價銀三百八十七萬三千餘兩。其貨以豆餅、豆油、棗子、豆子、皮張、鷺繭、黃絲、草帽、鞭為較多。復出口之洋貨價銀二十一萬二千餘兩。如洋布、棉紗、糖、鐵、鹿茸、自來火之類。復進口貨價銀七百四十四萬九千餘兩。洋貨以洋布、棉紗、鋼鐵、錫、自來火為較多。土貨以開平煤、滬局仿織布、紗及糖、麻、絲、棉花、夏布為較多。綜計洋貨進口價銀五百九十八萬八千餘兩。土貨進口價銀二百五十四萬餘兩。出口貨物價

銀四百二十七萬一千餘兩。重慶自開關後半年中出口貨價約銀一百三十萬九千餘兩。以豬毛、青麻、麝香、五倍子、大黃、紅花、黃白絲、繭、殼、川土藥材為大宗。藥值銀十七萬。復進口之洋土各貨均由宜漢運來。洋貨約值銀一百三十七萬餘兩。土貨值銀九萬四千餘兩。洋貨以布紗、呢絨為大宗。土貨以棉花、海味、藥材為大宗。

二十一日記

出使日記續刻卷五

夫傳經樓校本

宜昌一口進口洋貨淨值銀二百三十四萬餘兩。復出口貨價已除進口土貨淨值銀四十一萬五千餘兩。出口土貨淨價一百十八萬餘兩。內掛旗赴重慶之貨價二十二萬餘兩。又由川省下水出口貨與復出口貨共值銀二百四十九萬餘兩。此皆由重慶來者。與宜昌無值也。進口貨以洋紗、洋布為最旺。出口貨以麻、木耳、皮油三項為較多。漢口進口洋貨淨價一千一百七十萬餘兩。進口土貨淨價六百萬餘兩。出口土貨淨價二千七十七萬餘兩。洋貨由外洋直抵本口者祇有日本煤炭一宗。係俄商製磚茶所用其餘皆係復進口之貨。火油最旺。呢羽、倭銅、苧、紗、仁、鮫魚、洋顏料、自來火亦多。土貨以茶葉為大宗。徑往英俄二國者二十六萬餘擔。俄商生理年盛一年。遇有好貨不



惜重貨爭購如甯州茶安化茶高橋茶甯家市茶羊樓
峒茶皆勝往年其餘如煤棗子花生石膏麻牛步藥材
米麻油柏油亂絲頭煙葉白蠟等遜於上年豆子五倍
子茯苓桐油牛油顏料芝麻白絲黃絲煙絲杉木壽木
勝於上年復進口之土貨黑胡椒綢緞等物勝於上年
藥材檀香糖等項遜於上年復出口洋貨無土貨出內
地無

二十二日記

九江一口洋貨進口價四百五十四萬餘兩土貨進口
價一百三萬餘兩土貨出口價八百二十六萬餘兩出

出使日記續刻

卷五

全傳經樓校本

多於進二百六十八萬餘兩而進口之金銀較出口者
多至二百五十四萬餘兩比較前兩年亦大致若此民
間能以土產易金銀足見富庶景象出口貨以茶葉為
大宗本年出產頗旺貨亦暢銷其計出口紅茶十九萬
八千擔估價銀五百七十四萬兩之多其餘毛茶甄茶
茶末均不甚多洋貨皆由上海復進口者洋布手帕銅
鐵顏料玻璃煤油羽毛皆見加增土貨進口則墨魚白
糖亦見加增 蕪湖進口洋貨價銀三百三十五萬餘
兩復進口之土貨價銀一百六十三萬餘兩出口土貨
價銀五百二十六萬餘兩內米價得三百九十萬洋貨
餘兩多運往廣東者

前數除洋藥外值銀二百十三萬餘兩棉紗煤油年增
一年洋布絨羽銅鐵無甚增減土貨運往上海者以茶
絲毛貨為大宗又茶絲棉花藥材紙張亦運往漢口土
煤運往鎮江滬浙復進口之土貨赤白糖最旺土布次
之桐油次之夏布柏油又次之

二十三日記

鎮江進口洋貨價銀九百二十萬餘兩土貨進口價銀
四百九十五萬餘兩土貨出口價銀一百六十七萬餘
兩洋貨以洋布棉紗呢羽舊鐵火油為大宗出口土貨
以豆子花生金針菜為大宗草帽鞭將來亦可為出口

出使日記續刻

卷五

全傳經樓校本

大宗又山羊皮由東豫皖省辦來運往美國為製造皮
紙等用至金銀出入已丑年進口銀數一百六十一萬
餘兩出口銀數二百五十九萬餘兩庚寅進口銀一百
九十六萬餘兩出口銀四百十五萬餘兩辛卯進口銀
九十八萬餘兩出口銀二百六十一萬餘兩 上海進
口洋貨價銀二千五百十四萬餘兩除去稅費淨值一
千九百七十四萬
餘兩出口土貨價銀四千八百三十三萬餘兩再加稅費估
四萬兩洋貨以布匹棉紗絨羽機器舊鐵煤油為大宗日
本各貨價廉物美銷售亦廣土貨以絲斤為最旺茶葉
次之棉花又次之日本草帽鞭苟能認真揀選亦可暢

銷復進口復出口之土貨如豆子綠豆豬鬃毛紅黑棗
湖北煤開平煤有幾種較東洋上等煤尤佳鮮鴨蛋五倍子為外洋製牛皮
用花生油均暢旺米進口數大減而出口者有五百八
十二萬擔以本省年豐也硫磺進口較多煙絲銷路漸
細

二十四日記

甯波進口洋貨估值銀六百十五萬餘兩進口土貨估
值銀一百八十萬餘兩出口土貨估值銀四百九十一
萬餘兩洋貨由外洋直運甯波者煤為大宗計二千四
百餘噸
來自日本其餘白糖靛青沙藤之屬僅裝兩輪船復進

出使日記續刻 卷五

全傳經樓校本

口之洋土貨布匹內有滬織之布六百疋似甚厚實又無漿粉塗刷之弊火油自
來火糖豆餅為最盛土貨運滬出口以明礬帶子棉花
墨魚紙扇草帽藥材花生綢緞綠茶醬豆腐魚乾魚肚
魚膠草席紙張為大宗復出口之土貨木耳藥材較多
現銀進口者七十六萬餘兩出口者二百五十三萬餘
兩兩年來出贏於進者一則經過常關各船運進之款
可敷甯地之用一則內地商販將土產運滬匯銀來甯
就地收買進口之貨市面來源得以不匱 温州進口
洋貨估值銀三十七萬餘兩進口土貨估值銀十萬二
千餘兩出口土貨估值銀十六萬四千餘兩內茶葉價

銀十萬一千餘兩次歐柑杉木雨傘洋貨以煤油洋布
洋藥自來火為大宗

二十五日記

福州進口各貨價銀五百七十二萬餘兩出口土貨價
銀六百二十九萬餘兩再加稅費實銀七百八十一萬餘兩土貨首重茶
務近有江河日下之勢若非認真講求種製恢復本來
貨色之佳必至一蹶不振今年較上年又減少三萬擔
適如向所運銷英國之數其販往英屬南洋各島者雖
稍細而販往歐洲美洲者則稍贏又戊子年官倡織布
局係用印度棉紗每匹布值洋四角既免釐金尚覺暢

出使日記續刻 卷五

全傳經樓校本

銷其餘如竹竿鴨毛古玩水菓不過小宗洋貨棉紗最
旺洋布煤油美六次之前現銀進口歲計四百萬兩皆
為購茶而來今則茶市蕭條竟短其半 廈門進口貨
價銀八百四十三萬餘兩減去稅費僅七百二十二萬餘兩出口貨價銀
二百三十三萬餘兩再加歲費實銀二百六十八萬餘兩土貨以茶葉為
貴物臺茶為廈門出口貨之大宗各茶出洋者共十七
萬五千餘擔比上年增三萬八千餘擔興旺如此全靠
臺產夏茶出口已落到極少之數藝茶者未見整頓恐
日益衰減其運往沿海各口者以糖為首計二十萬擔
價銀七十九萬餘兩餘如麻布麻布袋桂圓鮮柚子煙

絲紙張等亦不少。洋貨棉紗最旺。自來火。火油。洋布。銅鐵呢羽等次之。

二十六日記

淡水尾口進口洋貨價銀一百六十九萬餘兩。進口土貨價銀五十萬餘兩。出口土貨價銀三百十萬餘兩。加稅費實銀三百七十萬餘兩。出口樟腦暢旺。計一萬六千擔。值銀二十五萬三千餘兩。產腦在內山生番之地。須駐兵防護。現定每窳月繳防費洋八角至五角。合算防費每擔約需洋銀九員茶葉出口稍添。而品色未見精美。恐將衰減。基隆出口之煤現俱採自民井。前開之八斗官井煤苗已竭。擬在暖

出使日記續刻卷五

金傳經樓校本

暖另闢新井。非集鉅本。難收實效。鐵路自臺北抵基隆。一律告成。日開三次。南路亦造至龜仔嶺。約二十七里。其餘鐵軌已設至桃仔圍地方。又自十六年夏。基隆八堵創建鐵橋。始於夾溪中見金沙。男女雲集。競相淘洗。自三貂嶺下直達溪口。節節俱有。計至年底。所獲金價約值銀數十萬兩。運往香港之金沙重四千五百兩。南即打進口貨價銀一百四十九萬餘兩。出口土貨價銀一百六十三萬餘兩。土貨赤白糖為大宗。桂圓樟腦果子次之。

二十七日記

汕頭進口洋貨價銀八百八十九萬餘兩。進口土貨價銀九百八萬餘兩。出口土貨價銀八百二十三萬餘兩。再加稅費實銀九百二十九萬餘兩。洋貨以洋布棉紗火油為最旺。鐵錫次之。呢羽絨氈又次之。土貨出口赤白糖共一百六十四萬餘兩。最為大宗。茶葉。橙子。柑子。次之。土布。神香。錫箔。墨魚。又次之。復進口土貨。豆餅。三百二十萬餘兩。為大宗。白米。蘇子。棉花。次之。廣州進口洋貨。剔除者已。估值銀一千二百四十一萬餘兩。進口土貨。估值銀一千五百三十八萬餘兩。兩共二千七百八十八萬餘兩。減除稅費實銀二千四百二十九萬餘兩。出口土貨。復出口者。估值銀一千八百十五萬餘兩。再加稅費實銀二千零二十九萬餘兩。洋貨惟布鉛兩項大減。棉紗。織作土布所用自來火。火油。銷流極暢。復進口土貨。由北洋三口運來者。值銀四百二十五萬餘兩。由長江等口運來者。值銀一千四十六萬餘兩。以豆餅。豆子。豆油。米。麥。為大宗。米較上年多進二百五十萬擔。出口土貨。如地席。土絲。桂皮。及他項。俱增於上年。茶葉。爆竹。赤糖。俱減於上年。又土貨運北洋三口者。值銀二百七十五萬餘兩。運上海及長江各口者。值銀一百十四萬餘兩。運甯波及南洋各口者。值銀十七萬餘兩。

出使日記續刻卷五

金傳經樓校本

二十九日記

九龍關進口洋貨十六年值銀一千七百九十六萬餘兩十七年僅值銀一千三百二十九萬餘兩所少之價則惟米火油洋藥三項也其餘洋布棉紗鉛鐵等類頗皆增旺出口土貨均係運往香港值銀一千七百一萬餘兩較上年多二百餘萬兩此項增多之數茶葉實居其半土絲一項出口者四千四百餘萬擔價銀一千四百六十餘萬兩綢緞赤白糖煙葉煙絲均有起色由香港復進口之土貨價銀三百三十七萬餘兩由本口運往各口之土貨價銀一百八十五萬餘兩 拱北一關

出使日記續刻

卷五

傳經樓校本

除港澳往來之貨共值銀三百六十七萬餘兩不計外其進口洋貨值銀三百六十五萬餘兩如洋藥洋布棉紗棉花火油均較前減色出口土貨值銀一百九十一萬餘兩生絲紅茶較前增旺花生油蠶繭較前減色

出使日記續刻卷之五終

出使日記續刻卷之六

無錫薛福成叔耘

光緒十八年壬辰十月乙卯朔記

瓊海一關進口洋土貨價銀一百十三萬餘兩內洋貨價銀八十五萬餘兩以百成分計洋藥得十九成棉貨得四十七成絨貨得五成五金類得一成雜貨得二十入成出口土貨及復出口洋土貨其價銀九十四萬餘兩內本口貨價銀九十萬餘兩猪得二十七成餘以熟牛皮芝蔴赤糖三項為大宗 北海一關洋貨進口價銀三百二萬餘兩以洋布棉紗自來火火油為大宗呢羽鉛鐵棉花次之或由西江轉運廣西或由欽州改包挑運廣西出口土貨價銀八十萬餘兩運香港者三十萬兩運各口者五十萬兩

出使日記續刻

卷六

傳經樓校本

初四日記

龍州一關進口貨價銀二萬六千餘兩出口貨價銀一萬五千餘兩清淡如此必俟北圻鐵路告成方能暢旺鐵路於庚寅四月自扶梁洞至郎劫已成路三十五里壬辰春季可造至北黎癸巳春季或可至諒山但恐未能如是之速或須年底方可蕙事聞鐵路局初擬從諒山修至那勤即有水路直達龍州現聞改用炸藥將飛

泉難及各險灘開濬商船即可從諒山下松吉江到龍州更爲便捷松吉江之飛泉灘高一丈用藥轟炸較之修諒山至那勤之路省費頗多 蒙自一關進口貨價銀九十四萬餘兩內洋貨值銀七十四萬餘兩以洋布棉紗紗四萬餘兩爲大宗絨羽值銀四萬餘兩棉花產值銀七萬餘兩壽板值銀四萬餘兩煤油次之機器鋼鐵自來火又次之復進口貨即廣東貨由香港東運來者值銀二十萬餘兩以廣東煙絲值銀十五萬餘兩爲大宗出口土貨價銀五十八萬餘兩土藥價以錫爲大宗值銀五十萬餘兩計二萬餘擔皆係蒙自近地之土產

出使日記續刻 卷六

二 傳經樓校本

初五日記

光緒十一年朝鮮進口貨價洋銀一百六十七萬餘員出口貨價三十八萬餘員十七年進口貨價五百二十五萬餘員出口貨價三百三十六萬餘員三關其徵稅鈔洋銀五十四萬九千餘員進口價內洋布棉紗得二百六十四萬餘員中華絲綢緞貨得五十萬員至各國進口貨價英國及所屬印度等得二百九十三萬餘員日本得九十七萬餘員中國得七十九萬餘員德美等七國自二十四萬員至數千員不等出口土貨價以百分計算米及雜糧居五十五分豆粒居二十七分牛皮

居六分雜貨居十二分食米一項均運往日本銷售計九十二萬餘擔估價一百八十二萬餘員此外金沙爲最多運至中國者亦不少查金沙金錠出口者光緒十二年估價洋銀一百十三萬餘員十七年減至六十八萬餘員其所以漸少者蓋因淘金所得工費甚微即自挖出售於人所得價值僅可餬口不若耕種米豆或充他項工役獲利較豐是以棄挖金而改圖並非因金礦挖空無出產也若遇歉歲則金沙出口較多矣

初六日記

上古結繩而治後世聖人易之以書契史稱史皇造字

出使日記續刻 卷六

三 傳經樓校本

飛龍倉頡煥乎文章佛經言造字者兄弟三人長曰梵其字左行中曰佉盧其字右行季曰倉頡其字下行或謂文字之原起於庖犧之畫卦今先天卦圖方位次第固有下行旁行上行左右行之義實備五體總以順行爲正即今中國文也倉聖創之歷代相傳由是而象而籀而隸轉轉相承皆順行之正軌梵與佉盧各得五體之一未足語書契之全也墨子行佉盧之緒以自異於儒家特著於經上篇中秦漢金石諸刻亦間有用其體者其後傳入西域而爲右行即今之西文也蒙古書皆左行蓋用梵體同部亦旁行西國字體種類至繁如俄

文英文法文德文意文各自爲體。俄自芬蘭以西卽爲波蘭書矣。法用木國字。而愛勒脫以南又爲哀斯記書矣。考欽天監舊制有所謂書拉體者。卽臘丁文。乃希臘文之變體也。希臘字文理較長。而總不外以字母攝音。合音成字。故各國皆二十六字母。惟希臘有三十六字母。而法國只二十四字母。於六書中僅得諧聲之義。不知聲音之道。年久則變。中國經籍如天下華慶明行等字。六朝前猶近秦漢之音。唐以後則純用今音。以中國之人讀中國之字。而高下輕重疾徐。已各自成音。賴有象形會意等義相維持。故數千年後猶得以考證古訓。

出使日記續刻 卷六

四 傳經樓校本

也。外國文字僅知諧聲。以口相傳。久而易變。況以華言譯西語。以今音譯古語。以華字譯西書。既無一定之音。又無一定之字。而且方言各異。則安能如華文之六體兼備。而四書不亂哉。

國初修遼金元史。於舊史譯語更易過半。或謂元時大都之音。與乾隆時順天之音不同。宜其不合也。嘗見埃及克里卑阿石柱銘。有似石鼓文者。有似鳥書者。有似馬者。亦有竟作馬首者。有似人眉目者。有似爪者。文體竟類篆隸。郭筠仙氏謂西國始制文字。原與中國相同。自中國楷書行而六書之意隱。亦自西國二十六字母立

而象形會意之學亡。誠哉是言也。

初七日記

總理衙門來函云。接竹筴星使來電。俄外部覆稱。俄兵已撤回費爾干省。刻下卽須籌商分界事宜。溯查光緒十年喀城界約。兩國界綫至烏仔別里山豁。爲俄國界綫轉向西南。中國界綫一直往南。所有界綫以西。及順該處河流之西。均歸俄國屬轄。界綫以東。及順該處河流之東。均歸中國屬轄等語。邊事之棘。固已不自今始。現惟執定一直往南四字。尙可杜彼狡賴之謀。已屬陶方之中丞派員履勘。繪圖寄京。俄人曾謂地屬中俄。與英無涉。喀使屢言中國不可聽人挑唆。我欲引英其議。界務必非俄所樂聞。然置英局外。則前年英使卽來密商分帕。歐脫之議。英亦與聞。英外部如談及帕界。似可告以十年喀約。已早伏根。中國祇可據此爲歸宿。能仍歐脫前議亦善。英如欲在局中。必須與俄商明。中國決無不願云。

初八日記

天地生物。一物各具一物之性。卽一物各有其性之常。此其大較也。而亦有反乎常者。如水宜寒而有溫泉。火宜熱而有涼燄。石宜沉而有浮石。山木宜浮而有沉水。

木夏宜暑而有避暑犀冬宜寒而有避寒玉莫輕於毛而弱水不能載莫堅於石而骨託獨能吞莫酷於火而有不灰之布莫勁於金而有食鐵之蟻兔絲無根而生蛇無足而行石脾入水則乾出水反溼獨活有風不動無風自搖硃砂入火殺人藥餌用其生者附子生用殺人藥中用其熟者鳥喜開曠而鵲喜稠開菱花開必背日芡花開必向日蟬飲而不食蠶食而不飲蜂蟬不食不飲子規啼必北向鷓鴣鳴必南去飛者以翼而丹熏之鼠則以尾天池之兔則以背鳴者以口而蟬則以翼龍則以脰行者以足而螭螭則以背聽者以耳而龍以

出使日記續刻

卷六

六 傳經樓校本

初九日記

可倫比亞民主國在南美洲西北隅其國西北有巴拿馬地頸屬部自赤道北十二度二十五分至赤道南五度八分北京東一百六十度五十一分至一百七十二度五十一分倫敦西七十度四十分至八十二度四十分全境幅員並沿海

大小數百畝計之得五十一萬三千九百三十八英里幾及英法西班牙三國之大戶口四兆內有野番二十萬明宏治十五年意大里人可倫比亞尋地得之始以巴拿馬為西班牙屬土是為美洲有西班牙屬土之始

本朝嘉慶十五年其總督叛西班牙而自立連年構兵至波里瓦為總統而可倫比亞始定為民主國統括今之可倫比亞委內瑞辣厄瓜多爾三國土地命之曰新加拉那大道光十一年始分為三咸豐十一年內訌又作可倫比亞遂成聯邦民主十三年國政一仿美國總

出使日記續刻

卷六

七 傳經樓校本

初十日記

統二年一舉久之覺美國法制不能行越二十年而國又大亂此光緒十年十一年事也十二年悉改舊制設總政府改九邦為九部九部者曰亞別奎亞曰波里瓦曰抱葉喀曰考喀曰克第那麥喀曰馬加他曰巴拿馬曰三六特曰剔立馬總政府以伯理璽天德統之六年一選開墾之地未及十之一出口貨以皮革棉花印度樹膠為大宗民奉天主教京城曰抱拜塔

恭逢

慈禧皇太后萬壽聖節辰刻謹率參贊隨員等望

關叩頭遙賀。埃及即麥西國。相傳上古人諾威之子名剛者。始至埃及。剛之子美內斯。即迷斯。立國之始君也。或謂在西歷紀元前五千零四年。或謂在紀元前四千四百五十四年。或謂在紀元前三千八百九十二年。設律法。疏尼羅江。拒阿刺伯人。歿後民奉為神。是為第一朝。約傳二百年。第二朝約傳三百年。第三朝約傳二百年。或謂在紀元前三千始有史事流傳。第四朝約傳一百六十七年。紀元前三千七百三十三。第五朝有九王。約傳二百年。自第一朝至第六朝。皆稱門歪脫朝。第六朝勢成分屬。而文物尤為修明。古碑流傳不少。嗣後至第

出使日記續刻 卷六

八傳經樓校本

十一朝。史闕其文。第十二朝。紀元前二千四百六十六年起。則多遺蹟。其第十三至第十八朝。則又史闕其文。約在紀元前二千年。國中頗多變亂。遂有下埃及之牧王。以牧為生。竄入都於阿懷立司城。後為上埃及王所奪。至第二十六朝。各王爭權。王煞密梯楚第一得希臘之助。始定其國。復昔時文物之盛。後數世為波斯所滅。波斯王遂有埃及。及是為第二十七朝。稱波斯朝。第二十八朝則稱失脫朝。第二十九朝則稱門提欣朝。第三十朝則稱西盆尼的克朝。時紀元前三百四十年也。嗣後埃及為波斯之一省。至希臘之馬基頓王亞勒散得征服埃及。紀元前三百三

年十二始行希臘政教。屬於希臘。

十一日記

亞勒散得在埃及造一城。以己名名之。壯麗無比。今之亞勒散得。不如古城遺甚。亞勒散得命將軍多利買為埃及王。子孫相繼。稱多利買王者。二百九十四年。紀元前三十年。埃及始屬於羅馬。為東羅馬之一省者。六百七十年。西歷六百四十年。阿刺伯之沙蘭生人攻取埃及。遂為所屬者。六百餘年。沙蘭生王為其親兵馬默路古人所逐。馬默路古人遂王埃及。傳二百餘年。西歷一千五百十七年。始為土耳其所滅。一千七百九十八年。法王拿破倫攻取之。鎮以將軍。越三年。英兵逐去法兵。埃及復歸於土耳其。一千八百五十年。以阿爾拔尼之兵。阿釐為王。阿釐練兵勤學。尚西法。修水利。越十一年。以其子伊孛來希為將軍。取地於阿刺伯。又八年。取努比阿。略地於蘇丹。又四年。土耳其有希臘人之亂。發兵助土。據希臘之毛里亞地。及克拉脫島。一千八百三十一年。伊孛來希征取土耳其之西里亞。逾年大敗土耳其兵於考尼亞。土割地以和。越七年。埃及又攻土耳其。幾覆其國。英法兵救之。俾返西里亞。侵地乃與土和。一千八百四十八年。阿釐卒。子伊孛來希嗣。兩月卒。阿釐之

出使日記續刻 卷六

九傳經樓校本

孫阿排司嗣阿釐幼子賽代廢之自立一千八百五十四年始許法人賴賽模斯開蘇彝士河一千八百六十九年河工成先三年得請於土耳其許讓為王一千八百七十二年土耳其許埃及及養兵益界以王權一千八百七十五年埃及王伊司滿爾以蘇彝士河股分七千股售於英國得英金四百萬鎊然以國債纍纍英法遣員為之經理國用千八百八十一年埃及內亂明年英法兵船至亞勒散得法兵先退英兵進據其礮臺自是英始派大員往駐與聞埃及國政

十二日記

出使日記續刻 卷六

十一傳經樓校本

埃及在阿非利加之東北自赤道北二十四度六分至三十一度六分英京東二十七度十三分至三十四度十二分光緒十年以前尼羅江邊之地北起地中海南至赤道處止皆歸埃及自蘇丹亂後北緯二十二度以南之地盡失今埃及合阿刺伯屬地計之約五十萬英方里可耕之地不過十萬方里其餘大半沙漠埃及北濱地中海東界阿刺伯與紅海西界的黎波里南暫以阿開希為界可耕之地多特尼羅江之漲江邊地闊不過六英里左右惟距地中海九十英里加義羅之下尼羅分江之處江間最闊之地有八十英里江邊肥沃可

耕之地共有二萬六千方里云民數七百萬有阿刺伯人考伯司人土耳其人希臘人阿迷尼阿人猶太人等埃及名為土屬歲貢土耳其英金六十九萬五千七百九十二鎊其實政自王出且世及焉輔政大臣皆埃人聽命於王英國惟從而督察之歲入之款英金九百六十五萬鎊出款九百五十萬鎊國債一萬零六百九十三萬鎊進口貨約值英金一千一百九十五萬餘鎊棉貨機器為大宗出口貨約值一千萬鎊棉花花子五穀旋糖鴉片加非樹膠為大宗

十三日記

出使日記續刻 卷六

十二傳經樓校本

埃及國地十四省分為上中下三段下埃及城曰加義羅又作喀羅居民三十五萬埃及之京城也曰亞勒散得係通商大埠亦水師所聚居民二十萬曰當達曰羅舍他曰達迷也大中埃及城曰巴瑟曰伊司滿里阿曰蘇彝士上埃及城曰西奧曰塞乃亦通商曰埃斯內曰阿赫伐曰考西厄自亞勒散得至加義羅已有鐵路復分枝路通達迷也大伊司滿里阿而至蘇彝士於尼羅江岸至西奧亦有鐵路通國鐵路長一千二百七十六英里電綫長五千四百四英里商務之盛尤在蘇彝士河開通之後蘇彝士河自巴瑟起經數湖至蘇彝士止長九十九英里其中

七十七英里闊三百二十七英尺餘闊一百九十六英尺深二十六英尺自開此河以來由英國至印度視前繞吸朴即新路自一萬一千三百七十九英里省至七千六百二十八英里時少三十六日每歲約過船三千一百號凡得八十四萬二三千噸船鈔英金二百三十一萬四千餘鎊埃及通國陸兵九千五百另有巡捕約千人以英國將軍統之兵官則英埃參半蘇丹亂後英國駐埃之兵三千五百蘇丹者同治十三年埃及所得之南土也光緒七年邪黨馬迭作亂埃及棄蘇丹以保紅海今馬迭已死蘇丹之地半歸於的黎波里

出使日記續刻卷六

三傳經樓校本

十四日記

斯丹達新聞紙云滇緬界務目下大有束手之勢因太平江以北厄勒瓦諦江以東與雲南山相距中間之地中國所議似非近情初英既克緬甸中英在北京定約言明他日會議界務當依緬王齊薄譯作保所轄地以為畫界之基嗣後厄勒瓦諦江以東雲南山以西中間空地自太平江以北英人未能驟得緬甸界綫因之稍有遲延後英武員伊立奧脫親履其地探視邊界遇中國官員商旅據稱中國界直西至厄勒瓦諦江之岸並稱緬王官轄之權從未到過此處然印度政府所派之

官則稱得有證據謂該處除華商外其他華人始於近四年中漸漸來聚故中國稱厄勒瓦諦江以東皆其邊地欲以該江為界之說當決意卻之然中國亦決意不改其說因此入勢以北中緬界務一時未能就緒

十五日記

英國戶部擬定明年用款文秩衙門各項經費英金一千七百三十一萬餘鎊一切官工一百六十八萬餘鎊文官俸祿雜費一百九十八萬餘鎊刑部大小律例衙門用款三百八十一萬餘鎊學政格物技藝等事用款八百三十七萬餘鎊外國及英屬新疆支用之款六十

出使日記續刻卷六

三傳經樓校本

三萬餘鎊賑濟及各項雜費六十三萬餘鎊雜項十八萬餘鎊胸肺病症九萬鎊稅司內地租課司及郵部等用一千二百二十七萬餘鎊內郵部用六百二十四萬餘鎊載運船隻用七十二萬餘鎊電綫用二百五十五萬餘鎊惟陸軍水師經費尙不在內

十六日記

法人賴賽模斯議閣巴拿馬河因經理不善估算未精以致半途而廢法民傷財十五萬萬佛郎自公司倒帳各股東控公司經手人於臬署定於西十一月二十五日傳賴賽模斯父子男爵負去及造鐵塔之愛飛爾到

堂聽審諸人皆遣律師到堂請展期至正月初十日許之而十一月二十一日下議院會議時首領那祿甘言有人詰問巴拿馬河工程如不復興將為他國得去保商股而救前功政府亟須設法辦理又原告人議員奪拉庵控追該公司何以遲延至今請派議員查辦奪拉庵又言巴拿馬公司欲請議紳相助曾暗出賄賂三百餘萬佛郎有議員一百五十人分用之諸人請指出姓名答以派有查辦議員方可指出於是公舉查辦之員十五名以百里松為首領 西十一月十九日刑部尚書因巴拿馬一案以議紳男爵來那被人控告查有劣

出使日記續刻 卷六 西 傳經樓校本

迹擬定提案而來那忽報二十日晨病故且於二十四點鐘內草率歛葬二十八日下議院會議議紳謂來那入斂恐偽今若開棺祇有石塊而已首相羅培或作羅貝及刑部尚書里喀不允議紳羣起駁之羅培遂詣總統告退總統允之因派百里松為首相

十七日記

倫敦禁煙會人往見印度部尚書金白雷極言印度給發執照種煙及售煙之害力請設法禁止金白雷告之曰近觀中國意見極喜抽鴉片煙稅及釐金歲入約英金二百萬鎊且中國內地所種罌粟日盛製法日精華

土當漸勝於印土若遽禁止則印度所失煙稅有五百四十萬吞吞即印度所用之羅比一吞為十箇羅比合英銀一先三木在印度銷售者約其稅有七十五萬吞共合六百十五萬吞合英金三百八十五萬鎊印度人所失鴉片之價值總在英金一千三百萬鎊以外英廷若欲償補種煙之人及印度土酋種煙所得之利非加重印度人之稅或加重英國人之稅別無他法然豈辦得動乎且本國人嗜酒之害甚於吸煙汝等乃不為戒酒會以利英人而但為禁煙會以病印人何也況我聞印度所產干善干善即干蘇草等煙草害人亦大銷售甚廣識者謂若鴉片全禁此

出使日記續刻 卷六 五 傳經樓校本

十八日記

等煙草將行銷益遠其害更甚於鴉片也 法國戶部所開財賦清單同治八年法國用款十九萬三千七百二十萬佛郎光緒二年法用款三十萬萬佛郎十三年三十三萬七千萬佛郎十八年三十三萬零七百萬佛郎同治八年法國官債五萬九千四百萬佛郎光緒十六年官債增至十三萬一千一百九十萬佛郎今復估計明年用款三十三萬四千七百六十萬佛郎內軍需用款六萬八千六百萬佛郎 俄國整頓水師如將俄國羅布作英錢二箇半先令計算本年動用

英金六百二十六萬六千二百八十四鎊。比較去歲多用十分之二。所擬造船章程規模甚大。新造兵艦二十。二。應於光緒二十二年完工。多為防守波羅的海之用。內歸黑海幫內者一艘。

十九日記

英戶部議定明年陸軍用費。查英國國內及各新疆。除印度戍守官兵不計外。來年計有官兵十五萬四千零七十三名。所有戍守官兵。共支用英金一千七百六十三萬一千二百鎊。內計兵餉五百六十三萬五千鎊。醫藥費二十九萬零一百鎊。鄉勇糧餉津貼五十三萬五千鎊。出使日記續刻卷六

共傳經樓校本

千鎊。馬隊民兵支用七萬四千四百鎊。運兵車船馬匹等費六十三萬九千七百鎊。義官隊伍糧餉津貼七十八萬一千五百鎊。糧食草料一切備用之物二百六十四萬五千鎊。衣服等項八十二萬六千鎊。購製修理軍裝等費一百八十四萬七千鎊。營造工程等費八十萬二千一百鎊。武備學堂經費十一萬三千五百鎊。戍守官兵各項雜差用費十二萬二千三百鎊。兵部俸薪經費二十五萬七千八百鎊。又辦事官兵。應籌款項三宗。內當差兵丁經費一百三十八萬八百鎊。辦事官員經費一百五十二萬七千七百鎊。養老俸餉賠償錢款撫

郵等項十五萬四千一百鎊。

二十日記

英戶部議定明年水師用款。共一千四百二十四萬零二百鎊。計水師兵丁水手等需用七萬四千一百名。辛工三百五十二萬鎊。伙食衣服等項一百二十一萬五千七百鎊。備用兵丁費十五萬九千鎊。造船修船養船所用辦事人員費一百八十六萬六千一百鎊。造船材料用一百六十一萬五千五百鎊。合同定作工程用一百二十八萬九千四百鎊。槍礮彈丸火藥等項用一百三十九萬八千七百鎊。半俸半餉存留俸餉致仕之俸。出使日記續刻卷六

七傳經樓校本

等項七十六萬四千二百鎊。水師養老之餉及犒勞賞賜撫卹津貼等項九十四萬一千六百鎊。文職官員養老薪俸及賞賜津貼等項三十一萬三千七百鎊。澳洲海面所添水師。動用六萬零三百鎊。

二十一日記

法國議院所派查辦巴拿馬事之百里松。奉總統命設立政府。未成而退。總統又命議紳喀西未爾。卑利哀為宰相。亦未就緒。復命外部尚書李寶往謁同僚。即日成議。復命總統。遂於西十二月初六日。即中十月十八日。宣旨命李寶以外部尚書兼首相。羅貝為內部尚書兼理教務。

布茹阿爾一作查沃為刑部一作例部尚書弗來西
尼為兵部尚書相爾多一作皮爾為海部兼藩部尚
書盧維愛為戶部尚書杜畢一作沙爾為學部
尚書威化一作維德為工部尚書席復禮一作西愛弗里
利為商部尚書德維勒一作奪浮爾為農牧部尚書
石梅為藩部侍郎

二十二日記

王夔石制軍來函云滇緬交界自前明以來迄無一定
朝滇暮緬朝緬暮滇乾隆以後緬事粗定邊釁不開遂
有相沿之定界此次繪圖只能以此為斷其實紅蚌河

出使日記續刻卷六

六 傳經樓校本

尚在野人山中偏西野人向來於滇緬兩非所屬亦非
中國之老界也現定之圖均就確有可據者再三斟酌
而出之乃實在老本也麻湯在鐵壁關外非即鐵壁關
漢董為隴川土司羈縻之野地以相沿論實在界外蓋
距隴川一百七十里或云三十里者誤也猛卯為騰越
土司之一實在隴川江以內寄示英圖列在江外乃彼
族失攷也宛頂尚在猛卯以東非即漢董潞江以東揮
人地如其歸我頗難控制為彼所有又處通處能作障
脫最屬相宜揣英人之所屬意似重在騰越西北一路
蓋巨石萬仞神護諸關及古勇明光大塘等隘以外皆

為通藏要路由印達藏山藏達緬因其所處心積慮而
必欲做到者也近則猛砮一處乃緬甸玉石礦之最著
名者彼由新街而上必經我西北邊外懼有梗阻故必
以進占為暢行之地也

二十三日記

法國自新改稅則之後貿易漸衰去年四月製造貨物
出口者值一萬七千六百萬佛郎本年四月出口者祇
值一萬五千五百佛郎從前普法之戰法國共用軍
餉二千五百兆員似兼賠普國軍餉在內死者十五萬五千人普
國除得法國賠償兵餉一千二百五十兆員外仍多用

出使日記續刻卷六

九 傳經樓校本

六百兆員傷亡者六萬人總計近三十年中各國交戰
最著者克來米亞之戰用餉三千兆員傷亡者七十五萬人千八
百五十九年意大利之戰用餉三百兆員六十四年布
丹之戰用餉三十五兆員六十六年布奧之戰用餉三
百三十兆員死傷四萬五千人又北方叛亂用餉五千一百兆
員南方叛亂用餉二千三兆員俄土之戰用餉一百二
十五兆員傷亡二千萬人南非洲歷次戰爭共用餉一千二
百二十五萬員賽爾斐亞與普拉克里亞搆費用餉一
百七十六兆員

二十四日記

美國南境諸邦商務減色。蓋因棉花出產過多。棉價太廉之故。農政人員欲請棉戶將種棉之田酌減五分之一。出棉較少。則棉價可期加增矣。去年西班牙國出口貨值八萬五千五百萬貝斯達。每貝斯達約合英錢九本士半。進口貨值八萬六千二百萬貝斯達。本年進款共有七萬四千八百萬貝斯達。用款乃有七萬五千萬貝斯達。以入抵出。尚不敷英金八萬鎊。因於各項礦穴及糖及票稅及欠債取利之憑單。各增稅課。可多收英金一百零五萬鎊。緬甸巴瑪至南奔河之電綫。將次告成。成後距中國蠻允電綫局不滿一百英里。中國出使日記續刻卷六

三傳經樓校本

即可引長華綫以與英綫相聯。華英通信又多一綫矣。南澳大利亞有人謁見政府。懇將人力造雨之法。試看效驗與否。政府答以俟美國試有成效之後。再試未晚。

二十六日記

接總理衙門來電。二十五日英使歐格納親見呈遞國書禮成。另呈英主所贈自製書集。奉旨著薛福成遵旨致謝。申刻率參贊馬格里往晤外部尚書勞思伯力道達。

皇上致謝之意。勞思伯力稱即日奏明君主。復敘談數語握手而退。一統輿圖之車里士司。洋文譯音謂之江洪。考法文地理志云。細魄松板納在思茅之南。暹羅老撾之北。細魄松。番言譯意謂十二板納。則土司之總名。猶言十二部落也。此爲中國印度極富且肥之地。有著名茶園。英既垂涎。法人亦思進據。即暹人未嘗不經營及之。蓋十二部落與暹人節略所稱江洪十二國合。又攷英文亞細亞東南地圖。於江洪之下。附著車里之名。法文中國印度圖。於江洪之下。又著板納之名。是板納者。思茅邊外土司之總稱。洋文所稱之江洪。卽一統輿圖之車里。皆係十二板納之地。

出使日記續刻卷六

三傳經樓校本

二十七日記

西人製造愈出愈奇。美國新法以紙製造各物。令其堅實。以代鋼鐵之用。火車之輪。亦以紙爲之。其質較鋼鐵爲尤堅。又造貨廩一所。牆壁屋瓦。以及樓板階磚。無不以紙爲之。耐久不頹。火不能燃。水不能入。較磚瓦之用爲更堅。其尤妙者。居此紙屋。若遇酷暑。則偏覺清涼。嚴寒則一室溫和。他如鳥木鏡架。以紙製造。直與木質無殊。仔細觀之。莫辨真偽。又造八音琴一具。琴箱亦以紙爲之。其色潔白而潤。雕縷花草。工級異常。又造大風琴。

一具中置響管一千四百枚其音韻與銅管無殊又紐約大會堂中棟柱杙均均以紙爲之或銅或木無不畢肖甚能以紙成雲母石亦無不畢肖也

二十八日記

緬甸古朱波地也漢爲揮國唐爲驃國元爲邦牙宣慰司明爲緬甸宣慰司

國朝爲緬甸國地初不廣所有孟養孟拱蠻暮孟密孟育木邦八百車里皆爲土司同奉

中朝正朔明時邊境西逾大金沙江千餘里寶井金玉等廠皆遣中使采辦明季莽體瑞崛起侵奪孟養孟密

出使日記續刻卷六

三傳經樓校本

蠻暮孟密孟育木邦諸土司地而勢漸強陳用賓設八關築平麓城開二十二屯田以禦之設蠻哈守備統兵五百駐銅壁關轄萬仞巨石神護等處設隴把守備統兵五百駐隴川轄鐵壁虎距天馬漢龍等處

國朝乾隆中緬酋莽達拉爲得楞錫箔所殺齎藉牙起兵復仇據有其地其子莽紀覺繼之勢張甚吞噬鄰封內侵沿邊土司

高宗震怒命將出師深入其阻數年緬酋舊服貢獻如制其地南至海北至西藏西至東印度東抵中國各土司界南北五千餘里東西二千餘里大金沙江自西藏

來中貫其國入海

二十九日記

歷代征緬之路不同元相答吾兒擊緬造舟於阿昔阿禾兩江順流攻之克江頭城進拔太公城緬降改爲宣慰司阿昔阿禾不可攷大約卽夏鳩莫勒兩江之間明鄧子龍劉綎征緬子龍出姚關大破之於攀枝花劉綎出隴川直抵阿瓦子龍又屢破緬於蠻暮等練諸地

國朝大學士楊應琚征緬出鐵壁關屯新街奏五路進兵東路由孟良木邦錫箔中路由孟密西路渡大金沙江由孟密水路出新街順流下阿瓦並救暹羅夾攻將

出使日記續刻卷六

三傳經樓校本

軍明瑞奏進兵之道如永昌騰越順甯威遠普洱沿邊二千餘里迤西七關入隘旁通側出絕少險要可守之區若各處駐兵二三萬不敷分布擬自督勁兵由碗頂孟谷出木邦之右取錫箔爲正兵一由猛密取老官屯至新街由水路取阿瓦其餘扼要總區如九龍江黑山門皆駐重兵嗣經略傅恆進兵由銅壁關外至野牛壩造船至蠻暮一由江西夏鳩陸路一由江東猛密陸路先是副將軍阿里衮議三路進兵一由木邦臘戍渡江出卓落走來卡取阿瓦一由虎踞關攻猛密一由夏鳩渡江襲木梳後始定議攻老官屯此歷代征緬進兵之

道也

三十日記

承平日久。從前華緬之要路。今俱改易。或為野人盤踞。或煙瘴甚大。或地僻路險。野獸傷人。現在通緬之路。則以蠻允外之上中下三路。為商賈往來大道。中隔野人山三日程。惟行旅久與習熟。往來均亦相安。神護關外野人。挖取玉石琥珀。進古永販賣。無關稅。由新街進鐵壁關。走猛卯。進放芒市。至龍陵。路甚平坦。從前貢象出人大道。惟夏秋煙瘴甚大。冬春商貨暢行。其由麻栗壩過渣哩江。走孟定。取馬路。亦平坦。冬春商貨往來。夏秋

出使日記續刻

卷六

西傳經樓校本

十一月乙酉朔日記

緬甸居中國西南極邊。土地膏腴。人民殷庶。所轄土司坐把譯言九十有九。繆蘊譯言百餘。村寨數萬。丁口數千萬。所產美玉琥珀。寶石碧霞。犀象燕窩。石油樹蜜。竹木魚鹽。布棉菽粟。其利甚溥。海船連檣。轉鬻各國。誠西南一大都會也。自漢唐通中國。元明蠲廢而已。語言文字風俗。與印度同。其往來文表。必經重譯。而後通曉。是以朝鮮交趾琉球各朝貢之國。皆有圖籍。掌於外史。而

緬甸未有者。蓋其國禁纂嚴。所屬輿圖秘藏故也。自乙酉冬失事以後。載籍圖書。紛然散出。以華字譯緬書。中外音字各異。僅譯得土司二十有六。繆蘊九十有五。其中踏駁之處。不可枚舉。若莫勒江之為瑞利江。木梳之為猛肅。羽吾之為洞烏。戛鳩渣哩則未著其名。猛養得楞擺古。猛密各土司。則并沒其處。太公城江頭城。則今不知為何地。蓋其圖亦甚疏略云。

初二日記

雲南候補道姚文棟稟稱。自去年至今。英人開通西藏道路。計有兩處。一曰阿桑。阿桑一名未薩。與格薩係印緬間兩小國。在東

出使日記續刻

卷六

西傳經樓校本

印度與緬甸之間。向猶阻隔。去年三月。英人在此用兵。似即馬。從緬甸之格薩地方。開築鐵路。今年想已開通。其西即印度。其東即緬甸。其北即西藏。從此五印度之火車。可通至緬甸全境。而又得入西藏之間道。此緬甸通藏之路也。一曰坎底。在騰越野人山之東北。即所稱樹漿廠也。此處東北通打箭爐。東通永北廳。北通西藏。英人現欲推廣火車。直至其地。此緬北通藏之路也。孟砮地方。英人擬改為府。現經鐵路開通。兼護孟砮琥珀廠。

初三日記

是日為長至日恭率參贊隨員望

闕叩頭遙賀。本年美國戶部入款三萬五千三百九十五萬五千餘員。出款三萬四千五百一十一萬五千餘員。盈餘之款計得八百八十三萬九千餘員。比上年短收三千三百萬員。出款少用二千一百萬員。去年中國進口洋藥不過七萬七千四百四十五石。而中國每年所出土藥至少之數亦有三十三萬石。是洋藥僅得土藥五分之一耳。老撾之江壑城即孟奈之第二城。有小路西南通景邁相距十二日程。民多野番。戶口蕭條。景罕城在南哥克河岸。昔為老撾各部之都。會景邁出使日記續刻卷六 美傳經樓校本

初四日記

景東皆屬焉。今則或歸暹羅。或歸緬甸。即景罕亦有暹官駐紮。景綫城亦在南哥克河入湄公江之口。此城最古。每見於老撾暹羅碑記。景邁於乾隆三十九年歸暹羅保護。

官皆國會所派。向有緬官二人駐此。孟攸即景坎。入貢緬甸。與景東國會為兄弟行。然不相往來。緬人又挾制之。故常有自立之志。自景東至江洪。必取道孟攸始達。云孟臘為緬魄松板納四要地之一。孟臘為往中國之路。孟龍為往景東之路。孟豐為往景邁之路。孟啟為往緬甸之路。

初五日記

前駐德隨員姚文棟於去年正月銷差回華。道出法京巴黎。經余札委查看印度緬甸各埠華商情形。並密探雲南邊外與緬甸交界地勢。茲據稟稱。自光緒十七年出使日記續刻卷六 美傳經樓校本

正月二十八日由馬賽登法公司輪船。經地中海紅海。歷意大利奧地利希臘土耳其等國。又過埃及國京城之南。阿喇伯國京城之北。二月十七日抵錫蘭。換輪船入孟加拉海。皆印度境。二十日抵本地舍黎。二十一日抵馬搭拉斯。南印度之都城也。二十五日抵嘎爾格達。東印度之都城也。凡印度境內商埠。大者三處。小者十餘處。閩粵流寓商民約六七萬人。此印度之情形也。三十日自嘎爾格達登英公司輪船。三月三日抵仰光。初九日換輪舟。入伊勒瓦諾江。十五日抵阿瓦。緬甸之都城也。二十日換輪舟。二十二日抵新街。洋名八莫。通商

之要埠也。凡緬甸境內商埠，海口三處，沿江大者二十二處，小者二十九處。其腹地深山之中，商埠亦不下數十處。閩商粵商多在海口，約有萬人。滇商散布於沿江及山中各埠，幾與緬商相埒。約在十萬人左右。此緬甸之情形也。四月初五日，由新街雇民船，人大盈江。初六日抵蠻弄，登岸。是為野人山之西麓。初七日乘竹兜度野人山。山中皆赤髮野人，地形極險，為中外之界限。初十日抵蠻允，是為野人山之東麓。過此則一望平夷，無險可扼矣。十三日抵蓋達，十四日抵干崖，十五日抵南甸。皆土司也。十六日抵騰越，始為雲南邊境。渡龍川江。

出使日記續刻

卷六

天傳經樓校本

四月有奇。

初六日記

姚文棟稟稱滇邊西路，以永昌一府騰越龍陵兩處為門戶。南路以順甯普洱兩府及緬甯威遠思茅他郎各處為門戶。而皆以緬甸為藩籬。自英滅緬甸，藩籬撤而門戶寒矣。所幸者猶有野人山之天險，可以限隔中外。若再為英所得，便可長驅入滇，滇無可扼之險矣。稽之

志乘訪之邊民，知野人山實係中國現屬各土司之分地。即明史所稱南牙山者，本在雲南界內，非甌脫比也。乾隆以前，雲南老界西包孟碶，孟善蠻，南包孟艮木邦，孟密六土司在內。厥後六土司皆為緬甸所蠶食，中國不復過問。於是騰越所屬之南甸、隴川、孟卯、干崖、蓋達等土司，龍陵所屬之遮放、芒市等土司，普洱所屬之車里、十三、猛土司為新界。西至大金沙江而止。永昌騰越諸志，班班可考。野人山蓋在新界之內也。目論之，僞每謂雲南天末遐荒，不關形要，豈知雲南實有倒懸天下之勢。由雲南入四川，則據長江之上游。由雲南趨

出使日記續刻

卷六

天傳經樓校本

初七日記

湖南而據荆襄，則可搖動北方。前儒顧炎武嘗論之矣。況今有印度緬甸以為後路之肩背乎。英之覬覦雲南，蓋非一日然。則雲南之得失，關乎天下。而野人山之得失，又關乎雲南。自騰越龍陵度野人山，以通緬甸，共有九道。皆匯於新街。新街既淪於英，議者乃有保守野人山九道之說。守吾界以遏其關人，猶不失為中策。若并野人山棄之，則邊防無險可扼。此就滇西界務言之也。

江下游之東者。車里與孟良相接處僅有小江數道。無險可扼。惟孟良在潞江濱。為邊外重鎮。又係商賈四集之大埠。由緬渡潞而犯思茅。共有三道。而孟良總扼其江道之衝。竊嘗論新街孟良之於雲南。如鳥之有雙翼。新街跨山為險。屏衛其西。孟良扼江為險。屏衛其南。皆形勢必爭之地。昔年英廷欲舉潞江下游以東歸我。即指孟良以內之地。奈之何其遲疑不受也。北路在野人山北。有甌脫之地。千八百餘里。相傳為明時茶山里麻兩土司故地。今亦野人居之。既不屬華。亦未屬緬。由此入華有三道。一通西藏。一通打箭爐。一通永北廳。若竟

出使日記續刻 卷六

三 傳經樓校本

淪入於英。則三省邊防。疲於奔命。實為隱患。山中產黃果樹百千萬株。多難勝計。故俗呼其地為樹漿廠。外洋購樹中之漿以為器皿。凡可收放寬緊者。皆此漿所成。一樹歲得小洋四百員。利源極大。又有金礦兩處。礦苗亦旺。有此沃饒。不及今取以為資。而棄以資敵。甚非計也。前過野人境時。壺漿載道。婦孺爭迎。野官負弩執鞭。咸有求庇之意。即遠處樹漿廠之頭目。亦遣使奉書。自稱本係漢民。願仍隸漢。彼皆恐洋人之見逼耳。以上三節。如西路之野人山。本係現屬土司界內之地。有新舊各志可據。此當折之以情理者也。南路孟良為乾隆時

舊土司。英廷嘗願歸於我。此情引伸初議者也。北路樹漿廠距緬最遠。向未屬緬。按公法云。遇不屬邦國管轄者。無論何國。皆得據為己有。此當以兵力豫占。可以先入為主也。

初八日記

姚文棟又密稟云。去年春間野人山中。本有華勇二百餘名。係華商請設以保路者。費由商人捐資供給。管帶者為副將銜記名遊擊寶缺千總張天明黃正林兩人。也。亦華商所公舉。謀勇兼優。騰越總兵張松林索賂不得。稟撤兩千總。而英兵遂得進紮蠻弄。實係黃營舊址。

出使日記續刻 卷六

三 傳經樓校本

即所稱老蠻暮本在保路營所轄之內者也。蠻弄既淪入於英。我兵不得出野人山之西口。蓋自蠻弄至蠻允。其間有上中下三路。以保路營一軍駐之。儘可兼顧。因張總兵索賂忌才。遂失此三路之總口。既而英員來文稱欲進紮紅蚌河。張總兵飛飭移營退讓。於是九路中之三路失矣。另有三路在其南。一曰麻湯路。一曰盆干路。盆干又作崩。此一帶亦屬。一曰漢董路。此三路亦野人山之要隘。其外有洗帕河為華緬之界。三路相距不甚遠。若駐一軍於洗帕河旁。扼河為險。以守吾界。最為得勢。乃因張鎮空額甚多。無兵填紮而止。然英員由

稱兩不越界。至今英兵尚未闖入。第於洗帕河對岸之南坎要隘。駐紮重兵。以伺吾擊。目前九路尚未決裂者。惟此三路而已。最北之三路。曰昔馬路。曰昔董路。曰古勇路。內通騰越及蓋達南甸土司。外通大金沙江。此山中有平廣之地兩區。一曰里麻。一曰大地方。膏腴可耕。而荒無人煙。大可徙民屯墾。為山中兩大鎮。山外瀕江之夏鳩允帽兩地。下接老蠻。暮上接樹漿廠。內護昔馬昔董古勇三路之口。最為要地。若駐軍允帽。分防夏鳩。與蠻弄保路一軍相為呼應。不但總縮此三路之口。即沿江形勢。全在掌握。且塞英人通樹漿廠之路。其山內

出使日記續刻 卷六

三 傳經樓校本

初九日記

大地方一帶。本蓋西土目悶氏之地。已令悶正太駐彼經理矣。亦因張鎮無兵可撥。而英人突占先手。驅兵前來。悶正太無援而敗。退入山內。而全山盡失。蹙地不下數十里。可為太息。

滇緬界務有三要。一野人山為西路屏藩。形勢所在。陸抗所云。如有警。當傾國以爭之者也。山內山外。多膏腴沃饒之地。或以兵屯田。或招佃開荒。野人本樂為我用。可行保甲之法。所惜事機已失。全山盡為英占。非以公

法力爭不可耳。一路江以東下游之地。為南路屏藩。普

洱所屬之車里土司。與邊外孟良土司為姻婭。勢如唇齒。本我舊屬。樂於內附。收回此地。形勢方完。該處土司富饒。足以自給。但照騰越七土司之例待之。自可相安無事。一野人山以北之樹漿廠。為北路屏藩。滇緬之交。乃百物菁華所萃。有琥珀礦。有翡翠礦。有碧璽。有紅寶石礦。不出孟碁孟密兩土司境內。此在大金沙江以前故地。前明嘗遣內監掌之。近已淪入於英。又有准木廠。火油井廠。亦在七大利源之數。盡已屬英。惟樹漿廠距緬最遠。尚未為英所轄。樹漿一項。惟阿非利加及此處有之。非洲近已告竭。而此山正在方興之際。華商

出使日記續刻 卷六

三 傳經樓校本

初十日記

入山探運。不下千餘人。其中亦有成聚成邑之處。如由江外之孟碁上山。則以護碁為門戶要地。由江內之允帽上山。則以三鴉碁為門戶要地。而其都會所在。則曰坎底。先占此地。可以筭川滇藏三省邊防之鎖鑰。而分取七大利源之一。其間又有金礦二處。准木廠數處。皆可招商承辦。此固邊富國之要也。

哥老會匪之起。其源蓋發於蜀。實即青連教之餘孽。所謂紅錢會者。其頭目曰帽頂。總目曰大帽頂。最大者曰坐堂老帽。設有管事人員。入其會者。給予飄布。轉相煽

誘能招百人者即領百人能招千人者即領千人各立某山某堂字號以區別之如日龍虎山忠義堂之類蔓延各省妄分五旗籍隸兩湖江西者為白旗籍兩粵閩浙者為黑旗籍皖吳河南者為藍旗籍雲貴陝甘者為紅旗籍四川者為黃旗蓋尊其教之所自出也惟直隸山西兩省無之山東之兗沂曹濟亦多傳染湖南行軍日久傳衍尤多其頭目或當散勇而營官百長之資格有轉出其下者晝則拜跪立於營官等之前會中有事傳集其黨於山谷間夜升高座營官等反拜跪之或杖或罰無敢譁者粵寇既平乃更傳其教於鄉謂之造臺

出使日記續刻 卷六

語 傳經樓校本

放飄諸惡少遊勇皆歸之曾文正公之議謂但當問其匪不匪不當問其會不會是時江撫劉峴帥之議請招其才而黜者一律收標銷患無形楚督李筱帥之議全在大吏督飭地方官設法嚴拿江督沈幼帥之議以慎選牧令嚴捕盜賊為主而曾忠襄公威惠兼施伏莽無敢竊發者

十一日記

地理字典上緬甸連野人山在內其十五萬一千八百九十九英方里下緬甸其八萬八千五百五十六英方里緬甸小誌趙恩斯登撰上下緬甸其積二十八萬英方里

比較英三島三倍之大比較印度得六分之一其地界北至赤道北二十七度南至赤道北十度東至英京東一百零三度西至英京東九十二度 由蠻允至蠻暮有三路一出蠻允上路正西五十里至五羅又六十里過火燄山至弄保又六十里至蠻暮一出蠻允中路西南四十里至白石頭又六十里至紅崩河又五十里至蠻暮一出蠻允下路傍大盈江南行五十里至蚌洗又五十里至紅崩河又五十里至蠻暮又水路一日至新街

十三日記

出使日記續刻 卷六

語 傳經樓校本

南洋各島自漢以來世通中國唐設結好使於廣州稅其市舶收其珍貨南宋以後遂為國用所資明自正德年間外備寇盜遷於電白以為互市之所嘉靖中始遷於香山之濠鏡而葡萄牙佛郎機得以闖入迨佛郎機併呂宋滿刺加二國雄據海上諸國人皆畏之

國初以海孽未平禁南洋互市康熙十八年平定臺灣藍鹿洲始倡開禁之議謂南洋諸國不能為患宜大開禁網聽民貿易以海外之有餘補內地之不足其救時之謀可謂宏矣惜其所慮猶未遠也蓋就市於洋而收其入口之稅不若駐兵於洋而收其出口之稅多設舟

師以防奸宄之闖入。不若移兵鎮守。以防外患之潛萌。何則。南洋諸國。其民柔弱。其俗蠢愚。不知守禦。當時若乘破臺灣之勢。傳檄南洋。電掃廳馳。指揮可定。宣德威於窮荒之族。加冠帶於推跣之倫。墾其膏腴。以濟軍食。征其稅課。以佐國用。扼其險要。以資控制。固其時也。失此不圖。而歐洲各國。先後來蠶食之。至今地各有主。無可爲謀矣。惜哉惜哉。

十四日記

近來美國境內電綫之長。爲天下冠。通合單綫雙綫。曳直算之。則總公司所有之綫。計共七十二萬五千英里。

出使日記續刻 卷六

美傳經樓校本

較之地球距月之二十四萬英里。更逾三倍矣。西國書院之法。向以美爲最優。計老幼一千人中。在塾者可得一百九十七人。瑞士則得一百七十九人。奧國得一百七十三人。臘威得一百五十四人。英得一百四十三人。瑞典得一百四十二人。荷蘭得一百二十五人。丹得一百二十三人。西班牙得一百五人。意得八十七人。希臘得七十二人。俄得二十四人。德國未得其詳。然德人嚮學與美國相等。則其幼童在塾之數。當與美無甚懸殊矣。美國土產。金礦而外。以銀礦爲多。紐約大埠也。有一大園林。中多奇景。近有人入園遊憩。偶於石中窺見銀

脈。故今紐約產銀甚旺。又美人製造口新。有能自出心裁。獨開生面者。在尚技藝院。請領新法執照。故有新法照會局。現已期屆百年。所有報單。內開前五十年。共出新法執照一萬二千四百十二件。而去年計出執照二萬二千零八十一件。則美國新奇日出。以一年計。已過前五十年矣。非格致之學。進而益精。何以得此。然美之制度物產技藝。多有駕乎西國之上者。皆得之來華招工以後。設非華人爲之。恐遷安能勃然以興哉。今乃欲拒而去之。亦異矣。

十五日誌

出使日記續刻 卷六

美傳經樓校本

緬都莽達拉。距舊都阿瓦城僅三十里。南坎司與中國猛卯司連界。爲緬北緊要藩籬。距緬都九百八十里。木邦司在南坎東南。距緬都一千一百二十里。省賦司在木邦西南。南坎正南。爲緬屬第一富大之司。距都五百五十里。摩媒司即猛密。在緬都北稍東。瑞麗江之南。距緬都七百七十里。產碧霞犀。入募城。即新街。爲緬北第一要區。距緬都八百六十里。水道輪駛。上六日。下三日。蠻暮城在新街之北。稍西八十里。中隔一河。曰蠻暮河。與內地蠻允連界。中隔野人山。孟礮城在大金沙江之西。緬都西北一千三百里。新街之西。稍北四百里。產寶

玉琥珀象牙等貨。有玉廠琥珀廠。為緬西北至珍要之地。坎底司在大金沙江之西。孟砮城北二百四十里。距緬都一千五百四十里。猛養司在坎底司東北大金沙江之西。與戛鳩江相近。在戛鳩西。

十七日記

瑞典那威國在歐羅巴洲極西北境。有斯干的那瓦嶺。為兩國之脊。瑞典在嶺之東。那威在嶺之西。北繞冰海。西瀕大西洋。南枕北海。東環波羅的海。東北與俄羅斯之芬蘭接界。西南與丹馬隔海相望。形勢狹長。瑞典有四十五萬五千七百七十四。啟羅邁當方里。那威有三十二萬五千四百二十二。啟羅邁當方里。兩國共奉一王。而內政外交。各自為治。瑞典國自赤道北五十五度至七十度。京師西九十四度。至一百六度。巴黎東入度。長二千七百八十五里。強。法里一千五百。寬五百九十三里。弱。法里三百。瑞典那威皆古日耳曼種人部落。宋淳化三年始有酋長。同時東西建國。慶元間。兩國合為一。明洪武二十二年。丹馬兼王瑞那兩國。於是有一三國一王聯盟之約。嘉靖二年廢約。瑞典奉瓦撒為王。國以大治。擊併波蘭。

出使日記續刻

卷六 天 傳經樓校本

國朝康熙三十六年。沙耳第十二嗣位。材武過人。擊俄

於波蘭。克之。欲進兵於墨斯科。失道大敗。奔土耳其。丹馬亦以兵助波蘭。復之。四十九年。俄皇彼得羅大舉伐瑞典。敗之。瑞典割芬蘭以和。由是遂弱。嘉慶十九年。諸國伐敗拿破侖。議以那威歸瑞典。瑞典常額兵三萬四千人。海軍有船六十四艘。有鐵路一萬二千二百七十四里。電綫四萬七十五里。學堂九千七百所。生徒六十三萬人。居民四百七十八萬四千六百有奇。皆奉耶穌教。氣候寒冷。土田磽瘠。可耕之地祇十五分之一。

十八日記

瑞典多鐵銅鉛諸礦。其鐵質美鍊精。甲於天下。每年出

出使日記續刻

卷六 天 傳經樓校本

鐵九百萬噸。每噸合中權一千六百八十斤。山多樹木。材料堅良。每年運木值洋銀三百萬圓。法銀一千二百萬佛郎。海產饒魚。銷售廣遠。工藝能鍊純鋼。織棉布。以木為紙。能造自來火。其國西面皆山。至東面又壁立斗絕。在北曰坎自奈蓋斯山。在中央曰阿來斯居得山。溪澗縱橫。江湖貫注。其流大而且長。北有戛利克斯哀爾甫江。長七百八十五里。南流入伯特尼海灣。中有留斯納哀爾甫江。長七百十二里。東流入波羅的海。地分三大部。中曰瑞典本國。南曰曷蘭。北曰那蘭及臘巴蘭。三大部又分為二十四小部。都城曰斯德哥爾摩。在赤道北五十九度二十分。京師

西九十八度二十四分。巴黎東十五度四十三度居民二十四萬六千有奇。康熙間始都於此。城在美拉爾湖之中央。外通波羅的海。臨海有石磯千餘。峭立錯峙。背風障水。環湖小島十餘。四通八達。林巒參差。樓閣掩映。傍城諸嶼尤稱勝地。爲達官貴人避暑之所。

十九日記

那威國東界瑞典。西北瀕冰洋。西南瀕大西洋。自赤道北五十八度起至七十一度止。京師西八十五度起至一百一十一度止。巴黎東三度至二十九度南北長三千五百五十七里。南寬七百八十八里。北寬六十二里至一百七十九里。

出使日記續刻 卷六

早 傳經樓校本

俱係中里那威古稱自主。始爲眾小邦。繼併爲一國。宋淳化三年。爲立王之始。今那威無王。由瑞典王兼攝。而內政外交。則上下議院主之。國中經制兵一萬三千人。留防兵一萬九千人。團練兵一萬一千人。將弁由瑞典遣派。兵船有鐵甲及輪船夾板。共二十八艘。國人務通商。善行海。商船多至六千九百餘艘。鐵路長二萬八千三百三里。電綫長二萬五千九十一里。俱係中里通國居民一百八十萬六千有奇。學堂六千四百九十所。生徒二十萬二千五百。國人奉耶穌教。與瑞典同。北境冰疆。寒凍不毛。居民以魚爲糧。南境腴壤。宜於種植。所產之麥。不足

於食。礦有銀鐵鉛文石之屬。工藝能鍊鐵修木。亦善捕魚。每年出口木料。值洋銀一千二百七十五萬員。法銀一千一百萬魚貨值洋銀五百萬員。法銀二千此外硝皮。蜜冰。牧養馬猪各畜。而長角之鹿尤多。

二十一日記

那威國之山。在東北者曰瑞格瓦爾。在西南者曰加爾多比桑。山澗流水。交滙互貫。短而且駛。其大江曰哥羅門。由北而南。經京城入海。其大湖曰柔桑。曰爾羅斯汪。特其冰地九百畝。羅邁當方里。在諾爾蘭友斯瓦爾梯。桑冰地終歲寒凝。地方荒闕。泰西冰地以此爲最大。那

出使日記續刻 卷六

早 傳經樓校本

威地分六大部。六大部又分爲十八小部。京城曰格立斯底阿尼亞。在赤道北五十九度五十四分。京師西一百五度四十五分。巴黎東八度居民七萬六千。出口貨以木鐵玻璃乾魚鹽魚爲大宗。凡近北極瀕冰洋之處。陂陀高下。樹木掩蔽。每歲冰雪凝積者。凡九閱月至六月。七月間。西七月八月則氣候炎熱。蚊蠅紛集。晝夜日不落者。踰四十二日。過此不見日輪。惟見紅光蒼蒼茫茫。即覺寒威。海至。居民以射獵捕魚爲生。有獸似鹿。用以駕車。獸運。即衣其皮。食其肉。以其筋爲弓。以其油爲餅。以所得魚獸及所製玩具。運售各處。

二十二日記

昔伏羲制棘幣神農造貨布黃帝製金刀幣之制未嘗及乎銀也秦并天下幣為二等而珠玉銀錫銅貝之屬為器飾不以為幣漢武帝造白金三品尋廢不行蓋古不以銀為幣書史所稱千金為壽皆言黃金非白金也而黃金之用獨盛於漢漢初以黃金四萬斤予陳平問楚惠帝娶張皇后聘以黃金二萬斤其用如此所積可知梁孝王薨府庫有黃金四十餘萬斤且當時治郡有聲則增秩賜金如黃霸嚴助尹翁歸等勳予百金周勃賜五千斤霍光前後所賜至七千斤王莽之末省中黃金尚積六十萬斤當時黃金為獨多物之盛衰聚散各有其時今雖富如英美其府庫所存黃金恐亦不能若是之多矣

二十四日記

車里之南南掌景邁之北有大部曰景東即東法人遊歷日記云亦名孟良疑即明史地理志孟良禦夷府地北距雲南省城三十八程亦曰魯瓦揮人其上游曰魯瓦野番蓋即中國所稱為卡瓦者也其附近曰麥谷曰盧鹿即中國所稱為羅羅者也城在老撾地面最高處常赤道北二十一度五十四分京師西十五度四十分倫敦東一百一十八分

出使日記續刻 卷六

聖傳經樓校本

踴嶺築堞以輒為之環以滾溝周圍二十一里有人煙處不過四分之一所屬三十二孟有三十二官皆景東王所派其上有緬官三人則阿瓦所派其地久為緬屬當英未得緬時景東稱緬王為蒙加阿瓦蒙譯言王加譯言金老撾稱謂以金為貴蓋尊之也部落廣袤東至湄公江即瀾滄江西至路江

二十五日記

許竹簣星使來書云帕米爾界議俄人之說我不能允彼亦不肯遵界約往南之說無從合龍兩造暫置不談所棘手者俄人號稱退兵實尚留紮二百餘人在穆爾格阿布河總理衙門得蘇撫電其兵分駐庫里其地照略城界約應屬中國現在屢催移撤外部諉為此未定界之地遷延未覆然明年春後俄兵仍必大出專恃辨論竟有筆舌兩窮之勢俄外部大臣嘎爾斯養病在法義界中尚未回國

二十六日記

明史土司傳車里即古產里為倭沙貂獮諸蠻雜居之地古不通中國元世祖命將伐交趾經所部降之置徹里路軍民總管府領六甸後置耿凍路耿當孟弄二州洪武十五年改置車里軍民府十九年改軍民宣慰使

出使日記續刻 卷六

聖傳經樓校本

嘉靖十一年。緬酋莽應裏據擺古。蠶食諸蠻。車里宜
恩司刀糯猛折而入於緬。有大小車里之稱。以大車里
應緬。而以小車里應中國。天啟七年。緬攻車里。宜恩刀
韞猛父子不能支。遁至思毛地。緬追執之以去。中朝不
及問。車里遂亡。

大清會典。普洱所屬車里宜恩司。刁穆禱自滇平。投職
給有印信號紙。乾隆三十八年。刁維屏潛逃。裁革。四十
二年。以刁士宛復襲宜恩使職。歲徵米一千八十四石。

明史土司傳。孟連長官司。永樂四年設。孟連頭目刀
派送來言。舊屬麓川平。緬宣慰司。後隸孟定府。素與等
出使日記續刻 卷六

夷乞改隸。遂設長官司。嘉靖中。孟連與孟養孟密諸部
仇殺。司廢。至萬曆十三年。隴川平。復設。稱猛臉云。

大清會典。順甯府所屬孟連長官司。刁派夷。雍正七年
授有印信號紙。乾隆二十年。裁。三十九年。以刁派金改
授宣撫司。頒給印信號紙。歲徵廠課銀三百兩。又實徵

永昌府撥歸站赤銀十三兩。又差發銀四十八兩。明史
會典作刁蓋土
司實有二姓也

二十五日誌
五金以黃金為君。而論其利用。則當以鐵為君。西曆一
千八百九十年。天下各國所出之鐵。美國九百二十四

出使日記續刻 卷六

出使日記續刻 卷六

出使日記續刻 卷六

出使日記續刻 卷六

出使日記續刻 卷六

出使日記續刻 卷六

出使日記續刻 卷六

出使日記續刻 卷六

出使日記續刻 卷六

出使日記續刻 卷六

出使日記續刻 卷六

出使日記續刻 卷六

出使日記續刻 卷六

出使日記續刻 卷六

出使日記續刻 卷六

出使日記續刻 卷六

出使日記續刻 卷六

出使日記續刻 卷六

出使日記續刻 卷六

出使日記續刻 卷六

出使日記續刻 卷六

出使日記續刻 卷六

出使日記續刻 卷六

出使日記續刻 卷六

萬八千噸。英國八百零三萬噸。德國四百六十五萬八
千噸。法國一百九十七萬噸。奧國九十四萬六千噸。比
國八十三萬二千噸。俄國七十四萬六千噸。瑞士四十
二萬一千噸。賽爾斐亞十五萬二千噸。加那大三萬六
千噸。意國一萬三千噸。挪威瑞典日本新金山四國共
不及一萬噸。統計合二千八百十五萬二千噸。而美國所
出所銷之鐵。約得天下三分之一。而鐵路里數之長。機
器用處之多。亦無過於美國。英國駐華領事查默生
冊報上海通商事宜云。英國金銀雖有漲落。生意仍年
盛一年。以中國關平銀比較。一千八百六十六年至七
十年。每年買賣所值之銀約一萬零三百八十萬兩。又
自一千八百八十六年至九十年。每年買賣所值之銀
約一萬六千五百五十四萬兩。近兩年亦復如故。足見
生意今旺於昔。若以金鎊計算。則不覺其多。因金鎊先
賤而後貴也。

二十八日誌

法國巴拿馬一案。議院以弗來西尼有誤為騙客請責
星之事。礙難留任。於是各部大臣又多更動。李寶仍以
首相兼內部大臣。布爾若為律例部大臣。德維勒為外
部大臣。本農部
大臣杜布衣為教部大臣。狄拉爾為戶部大

出使日記續刻 卷六

出使日記續刻 卷六

出使日記續刻 卷六

出使日記續刻 卷六

出使日記續刻 卷六

出使日記續刻 卷六

出使日記續刻 卷六

出使日記續刻 卷六

出使日記續刻 卷六

出使日記續刻 卷六

出使日記續刻 卷六

出使日記續刻 卷六

出使日記續刻 卷六

出使日記續刻 卷六

出使日記續刻 卷六

出使日記續刻 卷六

出使日記續刻 卷六

出使日記續刻 卷六

出使日記續刻 卷六

出使日記續刻 卷六

出使日記續刻 卷六

出使日記續刻 卷六

出使日記續刻 卷六

出使日記續刻 卷六

出使日記續刻 卷六

出使日記續刻 卷六

出使日記續刻 卷六

出使日記續刻 卷六

出使日記續刻 卷六

出使日記續刻 卷六

出使日記續刻 卷六

出使日記續刻 卷六

出使日記續刻 卷六

出使日記續刻 卷六

出使日記續刻 卷六

出使日記續刻 卷六

出使日記續刻 卷六

出使日記續刻 卷六

出使日記續刻 卷六

出使日記續刻 卷六

出使日記續刻 卷六

出使日記續刻 卷六

臣陸紀隆為兵部大臣。勅費甫為海部大臣。威特為工部大臣。維若為農部大臣。莫得為商部大臣。英領事查默生報英商在華運出茶葉之價。得一千一百萬兩。絲綢值銀二千六百萬兩。運進棉花布匹值銀三千六百萬兩。鴉片煙值銀一千六百萬兩。紅茶在庚寅辛卯兩年運至英國者。共七千四百五十萬磅。本年運英僅二千六百七十五萬磅。華茶每擔成本約銀十三四兩。所抽稅釐約銀五兩。若比較次等茶葉。稅釐已抵貨價之半。綠茶亦如此。日本茶則每擔僅抽稅銀一員耳。

二十九日記

出使日記續刻 卷六

吳傳經樓校本

秋初法國通商會議將巴拿馬河開成。以蘇賴賽樸斯未成之功。擬立一新公司。集股一萬五千萬佛郎。迅速開辦。否則前公司與可倫比亞所訂之合同。限期將到。即當廢棄。而十數年所用經費。幾及八十兆磅。盡付東流矣。如一萬五千萬佛郎之新股收齊後。必查所作工程。已至三分之二。然後舊公司之股友。可與新公司合併為一。計議已定。乃漸查出舊公司之集股用費。弊竇孔多。議院首領福祿甘及員紳暨戶部尚書等多有得重賄者。於是議論蓬起。枝節叢生。致興大獄。今賴君父子及得賄官紳皆已下獄。而風波尙未已也。

三十日記

法商部册報本年法商由英運法之貨。值三萬四千二百佛郎。由法運英之貨。值六萬四千二百佛郎。英商由英運法之貨。值四萬六千五百五十二萬二千佛郎。由法運英之貨。值一萬四千二百七十三萬八千佛郎。英郵部册報本年分送之信。共有十七萬六千七百五十萬封。每年售賣信片不下二萬三千萬張。獲利二萬三千磅。

十二月乙卯朔記

近數十年來中國民窮財盡。小民竭終歲勤動之力。往往不能仰事俯畜。生計之艱。視百年以前。不啻三四倍焉。視二百年前。又不啻七八倍焉。然西洋各國人之遊中國者。皆於中國物價之廉。人工之賤。歎羨不容口。中國人民之眾。雖甲於地球。而食用之微。仍以中國為第一。蓋以西洋養一人之費。若在中國。即以之養三四人。七八人而有餘。推原其故。厥有數端。西人性情。自奉較奢。一切起居飲食。必求足以適意。足以養生。華人中人以下。往往不甚講求。不憚苟簡。以節私費。西洋各國取之於民者。重大都什伯倍於中國。其所以百事修舉者。在此。而百物昂貴者。亦在此。中國取之於民者。輕所以

出使日記續刻 卷六

吳傳經樓校本

百事廢弛者在此。而百物廉賤者亦在此。至於地氣和平。土脈膏腴。實在歐洲之上。所以戶口雖極蕃庶。而括其地之產。尙足養其地之人。宜乎西人之津津不置也。惟居今日而追溯一二百年以前。則當時中國食用之廉。又如在天上。今之所以賤艱貴者。議者或歸咎於西人通商之故。此說未必無因。蓋一則財源外溢。一則奢風漸入也。然此乃時勢之所爲。雖人亦未如之何。則自今以後。固有不能不因勢利導。以籌補救者矣。

初四日記

余於十一月二十六日電致總署云。滇事議到八分。外
出使日記續刻卷六
吳傳經樓校本
部微允野人山作賊。脫印督不遵。忽派兵赴昔馬。攻野人以逼滇邊。請鈞署向歐使詰責。何以昔董未退兵。又紮營昔馬。外部隱願我嚴詰。可轉詰印督。此事了則全局定。二十八日接總署電云。昔馬地名。編查各圖。惟鄂刻有息馬山。近蓋達。不審卽此地否。望速復。余隨復電云。息馬近蓋達。與鄂刻息馬山相連。三十日余又發電云。息馬在滇界內。有華礮臺舊址。印督不應不俟兩國說妥。先肆侵占。今日余又發電云。印度部蠻橫。又停商界務。據云俟征復野人再議。既以護商爲名。擾我息馬。現又派兵赴近蓋西之開社。請告歐使。彼停商非理。不

俟兩國說妥。擅派兵。更非理。若不速退。我亦須派兵赴我應分之地。保護華商。外部已示意我。認嚴詰。彼可爲力。滇局安危所繫。祈鼎力主持。再彼稱中國向不重邊務。又狂春間騰越鎮廳告示。恐漸肆侵占。請電滇帥籌整邊防。多偵確信。電達鈞署。謹候電示。

初五日記

余由恰克圖綫電致總署云。爭野山地。非期得地。期立妥約。保滇疆。外部願速了。印度部有窺滇意。以數十年前事揣測鈞署及滇帥。昌言無忌。鈞署滇帥示以力爭。不讓。彼自奪氣。外部可用力。必速了。了此則竹使議帕
出使日記續刻卷六
吳傳經樓校本
事亦有勁。少阻礙。慶蕩堂來信云。法國新任外部德維勒。原籍德國人。甚樸厚。交涉大事。仍商之李寶。李與德皆鯁直。一流。河工案發。株連大臣多人。率圓融之輩。故素有老成之名者。爲時所重。此亦法國風氣返樸之機。至民主局面。仍可持久。綠君主後裔。無特出之材。而教王屢誡教民。令歸民主。以靖內亂。故民主之勢。較前益固。不過總統無權。士民橫議。新報紛紜。徒亂人意而已。明秋普選議紳。大約從民主者。仍居大半。而所擊之人。多老成之流。不似現在輕浮之眾也。

初六日記

谷呈總理衙門云為谷呈事竊查滇緬分界並理論分劃野人山地一事本大臣曾將切要情形節次電達在案英外部於本大臣索問野人山地之文遲遲不覆意存延宕經本大臣疊次催促始接外部兩次來文語意既多含混足徵理屈辭窮文後微露其意若中國不索野人山地彼可稍分緬屬揮人地以償我而又不肯明言誠恐一經答允彼又狡賴不能不示以堅持磋磨作勢彼又謂車里孟連兩土司曾經貢緬英國亦有索問之權雖係強辭奪理然查該兩土司昔年畏緬侵擾實有貢緬之事茲本大臣據理答覆不必曲為諱飾而英

出使日記續刻

卷六

李傅經樓校本

之無權索問已可概見至永昌府及騰越廳鎮會銜告示措辭失當致被族執為中國不管野人山地之鐵據昨准雲貴督部堂王電稱已將張鎮等記過在案稍足示儆印度部尙書金白雷撥橫無理專聽武員惡惡不遵外部之言非但昔董不肯退兵又在昔馬修築礮臺近又派兵赴蓋西土司邊外之開社地方攻擊野人如此不顧公法難保不恃強趁勢窺伺滇邊似應請雲貴督部堂密審機宜整軍經武庶足為建威銷萌之計相應鈔錄與英外部往來照會六件咨呈貴衙門謹請察核須至咨呈者

初七日記

製造以算學為體化學為用非點綴而體以相求無以深明底蘊非形色氣質之分合無以剖晰毫芒機器之足以制敵者莫如鋼船鋼礮船之行於海者大宜七千二百八十噸闊宜五十九尺長宜二百零八尺鋼甲厚宜二十寸喫水深宜二十尺始能出奇制勝遠涉風濤行於江者大宜二千二百噸闊宜二十八尺長宜二百四十尺喫水宜十二尺鋼甲厚宜十八寸其船皆宜置活鋼礮臺宜少不宜多首尾各置一大礮則猛烈異常惟鋼船尤宜配以雷艇昔意大利兵艦內有船塢專

出使日記續刻

卷六

李傅經樓校本

藏雷艇俄土之戰俄人造雷艇置兵艦中旁用曲架加以挺簧可以收起放落又用樹膠管運大鋼之汽入於懸掛雷艇之鍋中行駛甚速戰甚得力可見制勝之方矣製礮之術全在鍊鋼其要有二一日命中之遠一日擊力之大而尤要在擊力英阿姆斯脫郎所造五礮重八十噸長二十七尺口徑六尺礮膛十六尺彈一千二百磅每出須火藥三百磅礮皆用純鋼雖鋼甲船厚者亦可洞穿德克鹿卜廠造新式鋼礮重三百三十五噸長四十四尺礮膛徑最大處長六尺半圍圍十九尺四寸彈長四尺容火藥七百磅可及十一英里可謂愈出愈

精矣。惟此礮難用於船。以其過大也。故船中之礮宜用
阿姆斯特脫郎之八十噸者。臺中之礮宜用克鹿小之三
百三十五噸者。

初八日記

海之最廣者曰大東洋海。由亞細亞之東。抵亞墨利加
之西。泰西人因其無風浪。謂之太平洋。廣約三四萬里。
其次曰大西洋海。由歐羅巴。阿非利加之西。至亞墨利
加之東。廣處約萬四千里。狹處不及萬里。次曰印度海。
北至亞細亞。東至澳大利亞。西至阿非利加。因由適中
之印度一土而南望。故謂之印度海。即中國之南洋。亦

出使日記續刻 卷六

聖傳經樓校本

曰小西洋。廣約萬六千里。又南北極之下曰北冰海。曰
南冰海。霜雪凝結。堅冰不解。其道里之闊狹長短。皆不
可知。此其大略也。大西洋海介歐阿墨三洲之間。歐羅
巴於四洲爲最小。其地長八千里。廣一萬二千里。東連
亞細亞。裏海。西距大西洋海。海水由西北彎環注入大
地。曰波羅的海。轉注東北。分兩汶。約三四千里。波羅的
海之南。海水由正西注入大地。曰地中海。由西而東。約
七千餘里。再分小汶注東北。成巨浸。曰黑海。皆大西洋
海之分注洲內者也。

初九日記

申刻。率參贊馬格理赴外部。與該尙書勞德伯里爭論
滇緬界務及野人山地事。盈天地間皆空氣也。氣之
所動。風即隨之。蓋地外皆包空氣。合養氣。淡氣。即所謂
天地氤氳之氣也。西歷一千六百四十三年。意大利人
杜利率利者。始造一器。測空氣之壓力。其法用玻璃管。
長約四十三寸。徑十分寸之二。至十分寸之四。先用吹
火筒。封其管之一端。即將水銀用小漏斗灌入管中。再
用杯子。亦實以水銀。乃將指按其管之上口。而倒置水
銀杯中。則管之口在水銀中。而指可放去。其管內之水
銀。必有數分落至杯中。而所留存之水銀。不能落下。其
出使日記續刻 卷六

出使日記續刻 卷六

聖傳經樓校本

初十日記

電致總理衙門云。印度恃強嘗試。恐漸侵滇。事機緊要。
已赴外部爭論。告以中國眾議。須派兵赴野人山地。保
護華商。以符公法。外部允與印度部妥商。如歐使來探。

請免答辭兩歧。叻報云。暹京郵信言沙路雲或即薩爾溫之疆界。前日已經議定。暹國將新地一帶多山之地。約長八百西里。廣二十西里。讓與緬甸管轄。緬人則將江鎮或即一地歸之暹國。其他處昆連之區。亦陸續查勘。以期早日妥協。

十一日記

昔軒轅氏見飛蓬而作車。見落葉而作舟。即中國製造機器之始。風車水碓。相傳亦久。至於鑿錠紡車。提花織機。則愈變愈巧者也。綢緞棉織花紋。非人所能獨為。故須用機器成之。德國鄉間耕耨皆用人力。未嘗代以機器。其餘工作之在山水間者。則皆以水機助力。磨麥則盡用風車。惟人力所不能施者。如鑄鐵甲。起重物之數萬斤者。自非機器不為功。然則機器之用。始於中國。泰西特以器力助人力之不足耳。非特機器也。即化學光學。重學力學醫學算學。亦莫不自中國開之。如稼穡種植及造釀酒醬染色漂白燒瓷器玻璃瓦缶煉丹藥鉛粉銀珠打鐵點銅製火藥和石灰。皆化學也。光學則以水晶作眼鏡。重學則造橋梁。作環洞。力學則建亭臺。起樓閣。醫學則藥物之外。亦尚針刺。算學則九章悉備。所謂西學者。無非中國數千年來所創。彼襲而精究之。分

出使日記續刻 卷六

善傳經樓校本

門別類。愈推愈廣。所以蒸蒸日上。青出於藍也。

十二日記

俄國地跨歐亞二洲。其版圖之廓。居地球陸地七分之一。戶口多至七十四兆。異言語者四十餘處。國制分四大部。別設內閣以總轄之。一曰國會。會長一。屬員四十有二。相臣及王族參與其事。略與他國上議院同。二曰司律院。職掌法律。兼筭一歲之出納。三曰教法院。掌國中政教。四曰宰相會院。分內廷外國陸軍海軍教育會計刑法王室私邑製造監督各局。每事須奉內閣旨意。不能如他國之由議院裁定。其章程可謂密矣。

出使日記續刻 卷六

善傳經樓校本

十三日記

西人名模力者。著書一卷。詳論歐洲兵制。西一千八百六十九年時。法國兵額祇有一百三十五萬人。德國一百三十萬人。俄國一百十萬人。奧國七十五萬人。意國五十七萬人。瑞士十五萬人。比國九萬五千人。迄於今日。法兵已增至二百五十萬人。德兵二百四十一萬七千人。俄兵二百四十五萬一萬人。奧兵一百零五萬人。意兵一百五十萬四千人。瑞士兵二十一萬二千人。比兵十二萬八千人。而近日各國又有增兵之議。此舉一行。法兵可增至四百三十五萬人。德兵可增至五百萬

人俄兵可增至四百萬人。奧兵可增至一百九十萬人。意兵可增至二百二十三萬六千人。瑞士兵可增至四十八萬九千人。比兵可增至二十五萬八千人。觀此則歐洲時局可以想見。嗚呼。彼此增兵。即不致開戰務。然勞兵耗餉。國安得不貧也哉。

十四日記

初九日與勞德伯里問答節略附錄於此。余告勞德伯里云。昨接山特生來函。轉述印度部之意。目下滇緬界務及野人山地。並未分定。印度不俟兩國說定。輒先派兵赴野人山地。滋擾昔馬。又踞開社地方。此等舉動。違

出使日記續刻

卷六

美傳經樓校本

背公法。我想貴部意見。必不與相同。勞云。當將尊意轉達印度部。余云。印度部但知管理印度。聽信武員之懇。一味以占地為心。不懂兩國交涉之理。此事應由貴部主政。不宜推諉。勞云。印度各官於邊界之事。較本部尤為明晰。所以不能不聽其言。未便勉強從事。余云。此事有兩國交涉在內。與尋常自理邊界者不同。印度擅自派兵於中國面子。太下不去。中國輿論。憤憤不平。亦建議欲派兵赴野人山地。保護華商。以符公法。勞云。此層我當記憶。必告印度部知之。但野人實在可惡。攻打印度所派巡捕。自不能不盡力懲辦。余云。野人自居其

地。並未出巢滋擾。而印度派兵深入其境。能毋激變。且此地於中英兩國。現尙未知誰屬。即使野人有罪。一俟兩國分界議定。無論屬中屬英。及為歐脫。皆可查明懲辦。今印度擅自用兵。則中國疑竇愈多。兩國議論。相去愈遠。而印度部乃云商議易成。此本大臣所不解者也。勞云。容與印度部妥商。余答以靜候回音而別。

十五日誌

昨接總理衙門來電云。支電悉。滇督覆據騰越鎮廳悉。稱巨石關內有錫馬地名。屬蓋達土司。現安靜。關外百餘里有息麻里野寨。被英燒燬。昔馬想即息麻。又歐使

出使日記續刻

卷六

美傳經樓校本

覆接政府回電。本國探路差役。在昔馬被野人攻打。因此差役築寨守禦。昔馬離赤道二十五度五分。蓋達西北百餘里。並云地圖有二昔馬。一近蓋達。約五十里。一即英駐兵處。確在緬界云。疊准電稱外部願我嚴詰。似係託詞。歐使述外部電。頗巧滑。顯與印督一氣。應請再確探彼情。妥籌辦法。或稱接本處電。請英速退兵。俟界務議定。再治野人之擾商者。看其答語如何。即覆。余復電云。野地昔馬。亦非緬界。請駁之。否則彼據為默許之證。外部固與印度一氣。仍視鈞意。鬆緊為進退。祈鼎力堅持。屢請英速退兵。議定界務。再治野人。彼答妥商。似

侯歐使密電者。蒸電所言。英廷頗顧慮。亦請微諷歐使。十六日記

英法德各國刑律。皆本羅馬。羅馬古律極嚴。謗人者死。私刈田禾者死。故燒人物產者。投諸火。犯竊者。鞭責後充奴婢。奴婢犯竊。加等投諸崖。遇竊盜格殺勿論。辱人者。罰鹽三十五匹。折人牙齒者。罰至三百匹。尤奇者。本夫不得擅殺姦夫。惟奴僕姦主母。則殺勿論。逆倫之犯。取雞犬蛇各一。同置一囊而沈諸水。豈毒殺人者。罪同嗣後。旋改旋輕。除大逆不孝。師巫邪術。奴僕作姦。數等之外。概從寬恕。英吉利本羅馬屬地。羅馬既去。更用嚴

出使日記續刻 卷六 堯傳經樓校本

刑。截脛剝膚。挖目刺鼻。水溺火灼。種種凶殘。民不堪命。然犯罪者益眾。西歷一千七百五十年。法益苛而民益頑。議院乃議盡改舊法。減省刑罰。罰銀監禁以外。至重不過縲首而已。又得延狀師申辯。無威嚇逼勒之虞。無榜掠銀錮之苦。雖犯罪不得相屈辱。牢獄亦充爽潔淨。不致釀為疫癘。且設學堂書庫醫院。慰於其中。復效核通國罪人之數。若少若多。若尤多。究其獲譴之故。察其為惡之由。以施懲戒。行之不過五六十年。而頑梗消。民多知恥。其收效之捷。有如此者。

十七日記

拜發保獎期滿人員一摺。參贊併資計算。援例保獎一摺。保獎丁憂參贊一片。供事王文藻學生郭家驥升補隨員一片。中西律有相合者。如斷罪無專條。關段上書陳言。官吏受財。偽造印信。犯姦發塚。賭博。屏去人服。食嫁娶違制。錢債。強盜竊盜。費用受寄財產。得遺失物。強劫搶奪。恐嚇取財。詐欺取財。是也。有相類者。如積累罪名。類二罪俱發。以重論。罪犯分第一二等。類罪分首從。販鬻掠賣奴婢。類掠人賣買人。袒護唆訟捏控。類教唆詞訟。故殺謀殺誤殺。類人命故殺謀殺戲殺。令人服毒。危人性命。類造畜毒殺殺人。拋棄遺失各物。類得遺

出使日記續刻 卷六 堯傳經樓校本

失物。白晝攻進人家取財。類白晝搶奪。入室圖宿。類夜無故入人家。殺盜馬牛畜產。類盜馬牛畜產。巫卜詐欺。類術士妄言禍福。錢幣諸條。類私鑄銅錢。放火諸條。類放火故燒人屋是也。雖出入互見。而原其意。大都不甚懸殊。所以扞格者。非法異也。刑異也。要之法。生於義中。律尚理。西律原情。尚理則恐失理。故不免用刑。原情則惟求通情。故不敢用刑。然理可遁飾。情難彌縫。故中律似嚴而實寬。西律似寬而實嚴。亦各行其是而已。

十八日記

戰艦以堅為貴。故必以最堅之物為之。由木而鐵。由鐵

而鋼。至於製鋼甲船而堅無以復加矣。乃有最剛之用。而以最柔之物爲之者。美國報云。有宿將來士者。近日研得新法。以樹膠製造戰船。較鋼甲尤爲堅韌。今已試造一船。若果利於戰攻。并能以此法製造槍砲云云。此法洵得以柔制剛之妙。天鋼爲物之最剛者。然以剛遇剛。無不破之理。以其脆也。今以樹膠代鋼。其用必神。蓋樹膠之質。極柔而韌。若以破彈擊之。實不易於損破。且即使觸礁石。亦不至有洞穿迸裂之虞。所難者。樹膠遇水易化。若有法以保全之。誠爲利器。惟美人之性好奇。不知他日艦既造成。果能適用否耳。

出使日記續刻

卷六

李傅經樓校本

二十日記

徐筱雲侍郎來書云。閣下任期將滿。本應奏請更替。惟因台端實心任事。而又思慮周密。爲慶邸及政府所深知。即華爾身亦言閣下交卸不遠。頗以不能久任爲惜。是爲英人信服可知。現值商議滇界事。關係要。此間無從著手。全仗蓋謀裁酌。彼族志在貪多。必非急切所能定。久與磋商。或可收得寸得尺之效。故不得不請台駕暫留。以竟其功。且前月徐季和迴避之缺。上有薛某辦事甚好之語。故得越次升補。則暫遲一年半還。

朝諒亦尊意所勿辭也。一俟滇界定議。即當奏請更換。決不再行強留。陳季同款經北洋爲之湊集歸楚。且爲奏請開復。未免寬縱。祇因借洋債之議。伯行與之聯手。故不得不爲之週護耳。帕米爾事。俄人肆意攘奪。彼之兵隊紛擾邊卡。現雖撤退。來歲勢必復出。此時不得不先與辯論。商議分界。然事頗棘手。蓋我不能大動干戈。爭此荒遠之地。而空言又不足限戎馬之足。將來必至喫虧。俄兵殺斃阿富汗兵。英竟不能爲之助。則其畏俄可知矣。出使經費。現擬自使臣以至參隨。酌加一成。餘皆復舊。文卿當差甚勤。而樵野頗與不治。同官而有意見。亦頗難處也。

出使日記續刻

卷六

李傅經樓校本

二十一日記

颶風爲空氣流行旋轉所致。其旋轉之圈甚大。有徑二千里者。海船遇之最爲危險。按颶風起處。多在熱帶內。凡近海島。其勢尤猛。惟近赤道則反無此風。其旋轉之勢。在北半球者皆右旋。在南半球者皆左旋。愈近中樞。則風力愈大。若已在中樞之內。則反覺無風。蓋地球常起颶風處有三。一在西印度羣島西北。一在中國東南洋。一在印度洋東北。其風有定候。約略最熱時爲多。近來行海者皆能避之。即或猝不及備。亦能測風之所。

旋而駛出颶道。皆風性表之力也。風之所生。因空氣之有冷熱。空氣熱則漲而上升。即有他處冷風來補其虛。隨補隨升。循環不已。風有二種。自熱處吹向冷處者。為高層之風。自冷處吹向熱處者。近地面之風。熱帶內氣候常熱。故氣漲而升。南北兩極氣候常冷。故風向熱帶吹來。至赤道相遇而合。仍復上升。分向兩極。

二十二日記

本年西十月內。由中國運入英屬之金。值銀十三萬零三百八十二鎊。由日本運英之金。亦值銀二萬餘鎊。大抵以本年金錢價貴。故善權子母者趨之如鶩也。又查

出使日記續刻

卷六

奎傳經樓校本

去年由各處入英之金。值銀九十萬九千三百餘鎊。今年運入英國之金。值銀二百零九萬六千餘鎊。亞齊一島。荷官欲以勢力服之。無如各部土人負隅不服。荷官憂之數十年矣。近聞海濱有巴山根一區。其土酋擁眾六七年。皆執精利軍器。向與荷為勁敵。一日忽請降於荷。荷官已於巴山根城。豎立荷旗。其投誠之故。因其所轄土地被荷船封其海口。諸多不便。今欲求荷官弛禁也。

二十三日記

泰西武員無不讀書。並精通輿地水道。勾股算法。測量

之學。統師而出。則道路之遠近。何處屯兵。何處伏卒。何處為抄襲之捷徑。何處為夾攻之要路。莫不瞭如指掌。何處安置礮位。可以及遠。何處施放槍礮。可以取準。詳察細算。百無一失。不如是。不足勝武員之任。至於兵丁。則但用其力。力之超羣拔類者。不過肘上三道金箍。以嘉異之。不令其帶兵也。間有勞苦功高。錫以官階者。官亦不甚顧。若文員則僅司文事。而不與武功。是以泰西之武職。較文為重。能武事者人爭羨之。故願學者多而兵日以強。俄京日報言某大臣近得新法。造電氣船一艘。每點鐘行一百二十八洋里。由英屬利華堡往紐約。祇須一日零四點鐘。比之輪船可快十倍。現已繪成圖式。如法製造。船中純以電氣運動。並無車輪。祇近水處有機器一副而已。果爾則御舟於帆行火行之外。又得一電行之術也。

二十四日記

莊子云。北溟有魚。其名為鯢。鯢之大。不知其幾千里也。化而為鵬。怒而飛。其翼若垂天之雲。始以為寓言也。明正德末。有鳥黑色。大如象。張翅如船篷。飛入長安門內。大樹上。鵝鴨皆被啄食。如拾蟻蟻。數月乃去。人以爲海雉也。嘉靖中。海上曾墜一大鵬鳥。毛萬元。獻親見在某

出使日記續刻

卷六

奎傳經樓校本

和庫中毛已枯落。獨見其孔。橫置在地。入之無礙。又林
仙書。瀚於庫見大鵬羽一枝。長數丈。管中可容兩人坐。
公自作記以誌之。

國朝康熙年間。瓊州時常白晝。忽見黑雲蔽天。腥風撲
鼻。父老驚曰。此必大鵬鳥過也。恐其下糞。則吾族無噍
類矣。乃相與走避。及天色晴霽。居民回村。見鵬糞高積
如邱陵。居民數十家。覆壓殆盡。遺下鵬羽一枝。大可覆
數畝。其毛管中有人乘馬而入。尚覺絳然有餘。觀以上
三事。似莊子又非寓言者。然余自遊西洋。見萬生苑中
無奇不畜。而羽族之極大者。絕無所見。即博物院中亦

出使日記續刻 卷六

奎傳經樓校本

未見絕大之鳥之骨。然則說部所載三事。其亦寓言耶。

二十六日記

魚之最大者曰鯨。鯨然鯢之爲物。莫有親見其形狀
者。恐係莊子之寓言。鯨則今西洋博物院中皆備其骨。
有長至三四丈者。又攷李崇矩見沙島中有大魚。剖其
腹得一巨船。中有人尸三具。衣服俱備。見秘閣閒談。東
海有魚遊水中。一日逢魚頭。七日逢魚尾。產三日。碧海
爲之變紅。見元中記。蔥嶺上有順天神廟。前有一魚骨。
骨中有孔。可容車騎出入。見北史。李德裕有巨魚脊骨
一條。長二丈五尺。其上刻云。會昌三年。海中送到。見劇

談錄。沈作哲嘗過海上。至普陀山。見海中數十里外。有
旌旗掩映。如軍行數萬騎。洵涌東下。問其人曰。此大魚
耳。所見旌旗。乃其鱗鬣也。此外見於說部。若此類者。尙
不勝枚舉。然余以爲大半亦寓言云。

二十七日記

英使歐格訥之

親見呈遞國書也。先經總理衙門與之和衷商推
觀見之地。仍援去年奧使畢格哩本成案。在西苑中
承光殿議既定。由總理衙門上疏請
旨定期奉

出使日記續刻 卷六

奎傳經樓校本

旨著於十月二十五日在承光殿親見。欽此。屆期十點
二刻。使臣率參贊繙譯其四員。趨詣西苑。由三座門入。
總署堂司各官。陪敘寒暄。然後同進琉璃門。在直房小
憩二十餘分。

皇上駕臨承光殿升寶座。總署堂司各官。偕使臣等入
昭景門。至

承光殿。由殿東門趨進。使臣在前。參贊繙譯在後。初進
殿。向上行一鞠躬禮。前行數武。復行一鞠躬禮。至龍柱
間。應立處。又行一鞠躬禮。敬謹捧國書。致西語。繙譯以
華語譯之。使臣捧國書向前。至納陛中階下。慶邸由左

階下接取轉陳

御座前黃案上使臣再行一鞠躬禮

皇帝點首答之使臣遂退回柱間原立處

皇上溫語宣慰使臣參贊繙譯等將退復向上行一鞠躬禮退與總署堂司各官偕出昭景門

皇上啟鑾由衍祥門還瀛臺英君主有自著已印之日記致送

記致送

皇上由總理衙門代為進呈

二十八日記

英法兩國中隔一海最狹處不過二百中里風浪平靜

出使日記續刻

卷六

李傳經撰校本

時輪船往還俄頃可渡一遇大風海波震蕩則不無守候之苦英法人別籌新法以期免此阻厄者久矣或議

於海面建橋或議於海底築洞均未就緒近聞英公司

以建橋較有把握估核工費大約需銀一百四十兆兩

現計各路貿易此工若成每歲進項可獲十九兆兩亦

利國便民之舉也

二十九日記

漢時西域有城郭諸國半屬於匈奴自俄羅斯掘起以

西域而併漠北兵力日強其法制頗照法蘭西而小有

異同兵額自水手以迄學習行海幼童其六萬二百三

十名兵官三千七百九十一員內有將軍提督一百十

九員兵艦以波羅的海為最多現有大鐵艦十次等者

三又次等者三又次等者十六木質兵船大者三次等

者六又次等者四至帆船之擣虛勞擊者大者有八此

外又有快船四用以遊擊兼掠商船者其藏魚雷兼礮

鼻者有四安放水雷魚雷船小而行速者十一稽查各

口臨戰傳遞羽書者十有五此外又有往來各口之小

輪船十七帆船二十五海口小輪二百二十九蓋僅波

羅的海一處而水師之盛已如此

三十日記

出使日記續刻

卷六

李傳經撰校本

凡地之生物土性與物性不相合則必漸歸凋敝即相

合而歷年收種僅以本地種子為用則精氣漸薄此全

恃土宜而不知遠近互換種子之妙也北人種木棉必

取種於南相載花子以往者累累也未聞物性土性不

相合也泰西物產佳美肥碩迥勝中華非惟精求藝植

之法其種子亦獨好即以西麥論粒較大穗較重美國

所出之米亦然按畝計之所收殆不下五六石視中國

農家又幾倍之夫中國地脈絳厚視海外諸邦有過之

無不及誠取彼麥米之種而植之必能佳美又如美國

棉花柔細光潔紡之如絲角大如卵幹高六七尺枝廣

四尺童童如小樹所生之花較中國多五分其價在英國亦貴至二三倍其花性喜斥鹵正與海濱潮汐之地相宜且凡沿海沙岸平衍寬廣竟可大收其利似當在浙江閩粵各省仿泰西設勸農局之例規度隙地廣購各種而試植之擇其最爲合宜得用者多購籽種而分賣於農家農家既得倍利自必爭購無疑十年之內物產倍增矣蓋種子逾三四年地性漸變物性亦必變宜仿西人養馬之法每越數年再由西國購辦以爲更換不過加運帶使費而已然而藝植之法尤不可不仿西人之研精講究也

出使日記續刻

卷六

充傳經樓校本

光緒十九年癸巳正月乙酉朔記

中國各局繕譯西書嘗之者初謂無益之費乃十數年來地球繞日之說電氣致用之宜汽力運動之故以及照影石印水電鐵路諸大端幾於無人不講如鄉會試兼考算學則凡天學地學化學電學重學熱學光學聲學等皆可旁及而總以算學爲歸算學書以幾何原本爲最要凡考得者先予記名遇有修葺城郭興築礮臺測量輿地製造器械操練水雷等事則用之似於大局必有裨益 西洋大樹之中有數種爲中國所未見而又有大用者如澳大利亞所出之瘧樹好事者以此樹

之子送至中國使西人栽種其生極提高可二十丈幹之大徑十六尺伐下之木久則極硬可供造船之料皮可取漿其用略同於漆尤妙者性與潮溼相宜澤國皆可栽植蓋地有大樹可補風雨綠陰如幄悅目怡神使取此樹編植荒墟故隴之間亦興利之一端也

初二日記

英國海關稅務司冊報自一千八百九十一年四月朔起至一千八百九十二年三月三十日止所收關稅共有二千零九萬二千七百餘鎊比前年多收三十四萬三千餘鎊內所收煙稅一千餘萬鎊已得進款之半

出使日記續刻

卷六

充傳經樓校本

葡萄酒之稅短收約二萬七千鎊火酒稅短收一萬四千鎊茶葉稅得三百八十二萬四千八百餘鎊較前年尙多征二千六百餘鎊歲用茶葉共八百八十一萬三千鎊所銷印度茶少希臘茶多希臘茶之銷路已勝於中國茶矣現在英國所用華茶已不到十分之四云英海關於各項皆免稅所權者惟煙酒鹽茶葉加非數項而已

初三日記

現計英國鐵路每一英里價值英金四萬五千五百三十六鎊辛卯年通國新增鐵路一百十八英里計英倫

增三十七英里。蘇格蘭增十里。阿爾蘭增七十一里。是年各路所運之煤鐵共二萬二千一百五十二萬八千噸。所運雜貨共九十八萬七千二百噸。西洋各國貨車無出其右者。然比美國鐵路所載貨物噸數尚不及其半。今英國舊式車可裝入噸至十噸者已逐漸廢去。改用美國車式。每年可運二十噸至三十噸云。辛卯年澳大里亞進款共得二百七十七萬八千鎊。出款約二百七十三萬九千鎊。大抵田地中征收無多。開礦中征收亦少。銀礦歲得銀初可十萬鎊。鐵路利息居進款百分之三。議收新課則有二種。一牛羊進口稅。一小麥進口稅。出使日記續刻卷六 主傳經樓校本

初四日記

未刻。英大太子在森哲模斯宮代君主行朝紳會禮。余率馬清臣張慕帆王省山陳鈞侯往赴會。暹羅庚寅年出口貨物值英金三百二十萬九千六百餘鎊。內出口之米實值二百五十萬八千八百餘鎊。辛卯年出口貨物僅值英金一百六十九萬六千八百餘鎊。比之上年驟減其半。實以米穀無收之故。米價僅得一百零是

年鐵栗木值二十萬零七鎊。胡椒乾魚牛與別物等俱一律減少。法國會計司現將西洋種釀酒葡萄之田畝一律查明。共佔二千二百九十七萬三千二百英畝。意國有八百五十七萬五千英畝。法國有四百五十九萬二千五百英畝。西班牙有四百零一萬二千四百英畝。奧斯馬加有一百六十三萬七千五百英畝。德國有三十萬英畝。所有西洋葡萄每年造酒共二十六萬萬五千二百三十萬加倫。西班牙出口之酒最多。幾有二萬萬加倫。然多為常行酒。值錢不過一萬一千六百萬鎊。法國酒雖祇五千六百萬加倫。然值錢亦有一千二百萬鎊。意國出口之酒值錢二百八十萬鎊。有四千五百萬加倫。

出使日記續刻卷六

主傳經樓校本

初六日記

凡種樹者松柏桑柳栗竹皆在應種之列。松之為物易長。松絲禊而復出。禊者可以作薪。春開花可以作餌。松子可以煎茶。味異常品。大者可鋸作椿。凡剝岸橋梁皆用松椿。取其韌而入水不腐也。柏可為油。柏子外層可以熬煉成白油。用以製燭。核內有仁。可以榨成青油。用以燃燈。葉染成丹之時。大可點綴秋景。桑樹之用最大。嘉湖蠶桑之利。所以甲於天下也。況桑葉可以入藥。以

桑飼羊食之補人。柳樹雖無大用。生長極易。隄岸非柳根不能固。柳條柳炭亦有所用。春秋佳日。點染光景。尤不可少。栗樹之理甚密。結實之後。即可砍以爲薪。栗實既可充饑。而栗樹之柴。司農者多用之。至中國之竹。與外國之鐵相埒。造紙製筆。非竹不可。農具兵器。用竹甚多。竹屋竹樓。竹牀竹几。竹椅。至於承水之竹筴。篋。篋。篋。皮也。大小所宜。難更僕數。又如筍。可以供饌。葉可以代薪。以竹製器。在不華不樸之間。其用亦廣矣哉。亥刻。赴海部尙書伯爵施丙色候爵倫敦特里爾家茶會。

初七日記

出使日記續刻

卷六

三傳經樓校本

西洋各國征煙酒稅最重。爲入款一大宗。中國人四百兆。鮮有不嘗煙酒者。通扯合算。每人日費煙酒三文。每日需錢一百二十萬緡。一年卽有四萬三千二百萬緡。若重徵其稅。煙則查釐以核之。酒則按缸以課之。通歲所得。當亦不少。煤鐵自開平礦外。近如徐州之利國。貴州之青溪。皆議用機器開採。他日當有可觀。光緒二年。有英國礦師郭師敦。徧歷楚疆。勘尋礦脈。據云鐵以武昌。與國爲最。煤以荆門。當陽爲最。荆門之礦。可造白煤。與英煤無異。近有英國礦師謝高禮。赴山東勘驗諸礦。亦云登萊青諸都礦產甚富。鉛煤五金。徧地皆是。五

大洲商船噸數。歐洲共有二萬九千五百八十餘萬噸。美洲共有六千二百萬噸。亞洲共有四千四百八十六萬噸。阿洲共有二千四百九十七萬噸。澳洲共有一千二百萬噸。

初八日記

俄國鐵路公會將各國鐵路編成一表。此表在壬辰年春間。地球共有鐵路三十八萬七千七百五十五英里。在美國者十六萬七千七百五十五英里。在加拿大者一萬四千零八十二英里。在墨西哥與阿根廷者共五千六百二十五英里。德國有二萬六千七百九十里。法國有一萬四千三百十里。英國三島有三萬二千六百八十五里。俄國有一萬九千三百四十五里。亞洲境內。印度有一萬六千八百七十五里。俄國沿海邊岸。新近造成。入百六十五里。荷蘭屬地。添有八百五十里。法國新疆有六十五里。葡萄牙新疆三十四里。中國共有一百二十五里。波斯有十八里。阿洲境內。首推阿爾及耳。與突尼司。共有一千九百里。好望角有一千八百八十里。野雞大山有九百六十五里。那脫耳有三百四十一里。奧因主非司台脫有一百五十里。其餘小國共有一百三十里。澳大利亞之特辣浦。共有二千七百零三里。新南威勒士

出使日記續刻

卷六

三傳經樓校本

有二千二百七十五里。昆恩蘭有一千六百四十五里。南澳大利亞有一千八百七十五里。西澳大利亞有一百六十五里。合司美尼亞有四百零一里。紐西蘭有一千五百九十里。以上皆英里也。

初九日記

歐洲富國報載去年各國國債實數。以法國為最鉅。計二萬六千一百一十兆佛郎。其第三次改立民政時。增加最多。即一千八百七十七年之戰。所費已逾一萬一千四百七十兆佛郎。後又加造鐵路。廣立電綫。所用更鉅。宜其債之累累也。德國債一萬三千四百九十八兆佛郎。其債之累累也。德國債一萬三千四百九十八兆佛郎。

出使日記續刻

卷六

青傳經樓校本

英國債一萬六千九百四十兆佛郎。奧國債一萬五千四百十三兆佛郎。比國債二千三百十四兆佛郎。布加利亞債二百三十兆佛郎。丹馬債二百五十九兆佛郎。西班牙債六千三百零七兆佛郎。希臘債七百五十兆佛郎。荷蘭債二千三百七十五兆方。意大利債一萬二千四百四十九兆方。葡萄牙債三千二百六十九兆方。羅馬尼亞債一十零三十二兆方。俄國債一萬七千三百二十四兆方。色斐亞債三百二十八兆方。瑞典債三百五十八兆方。那威債一百六十一兆方。瑞士債五十三兆方。土耳其債二千六百一十一兆方。芬蘭債七十七

兆方。以上各國。共計居民三百五十九兆二十二萬餘人。當一千八百八十六年。其有國債十一萬八千七百五十八兆方。至九十二年。其有國債十二萬六千二百八十八兆方。歐洲自德法戰後。二十年中。增債五萬六千兆方。大半用於水陸兩軍也。

初十日記

美國地廣人稀。而歐洲地狹人滿。故來者源源不息。去歲又增六十一萬餘人。核計十二年內。其增六百五十萬人。初至者。英人德人為多。繼而奧瑞丹荷瑞士法俄意無國不有。初至者各操土音。土音甚多。殊難辨析。久

出使日記續刻

卷六

青傳經樓校本

之互習英文。英語為先至者。入內地開墾。今肥饒緊要之地。俱有主者。後來者至無地可耕。習為製造工匠。前所用機器。購之英國者。今皆自製矣。二十年前。美從英購鐵軌五十萬噸。今美鐵廠所造。不在英下。美之木棉。前則載英織布。復載回美。今則自織以售之於外焉。中美洲早有鐵路。祇八十里而已。南美洲東西不易開通。有大山故也。平路二千五百里。俱早築就。山路艱難者四百五十里。有三百餘里。亦已竣事。再得三四年。大工即可告成。

十一日記

傳聞古治至灤州一路現已築成可以開車近自灤州起至山海關南門外興修開築人夫稠集亦可告竣今春從關外修至錦州有盛京翼長左寶貴帶同洋匠在山海關外插標丈地直達吉林西北寬城子地界係長春府所轄大約四五年內可接至吉林工竣後須由灤州向西接至通州再接至保定府云 俄人現擬開設公司在俄地種茶以分中華之利有寶博者曾久居中土力究種茶及製焙之法得其竅要回俄後察其土宜及天氣惟峇淡一地種茶最屬相宜擬聘中國工師往為試種華茶向惟英俄兩國擅厥銷場自印度種茶而

出使日記續刻

卷六

美傳經樓校本

華茶銷路為其所奪祇磚茶一項尚可售與俄商今俄又自種茶中國利源不將盡涸矣乎

十二日記

英君主在柏金韓棋宮行朝會禮余率參贊等往焉緬甸四境所至南起麻六甲土股上游約赤道北十度北至上阿薩密之不可嵩崑山合野人山地約赤道北二十七度東起湄江約京師十五度有奇西至阿拉干海濱約京師二十四度有奇廣七百英里長千二百英里積二十八萬英方里全緬皆印度及中國蒙古種其初遷於周景王時越六百年又徙他處漢通西南夷

時稱曰揮國和帝永元五年揮國王雍由調遣驛奉國珍寶宋崇寧四年緬甸始見於史元設諸路於緬甸各地是時緬都蒲甘順帝至元四年置邦牙宣慰司於蒲甘不久旋廢至正二十三年緬始都阿瓦明初設滇南六宣慰司後增為十其緬甸軍明宣慰使司所轄北有大金沙江東有阿瓦河及江頭城太公城馬來城安正國城蒲甘緬王城他若孟密孟養木邦等司各有分地嘉靖初孟養酋糾木邦孟密破緬殺宣慰莽紀歲越十餘年紀歲子體瑞起洞吾奪古喇盡復舊地而木邦路江兩宣撫皆淪於緬體瑞遂襲孟密據隴川西界出入

出使日記續刻

卷六

美傳經樓校本

蠻暮等處惟孟養未下卒為所并萬曆十年體瑞子應裏起兵象數十萬分道內侵施甸順甯蓋達等地被踐騰衝永昌大理鎮沅諸郡戒嚴幸滇撫劉世曾調劉綎鄧子龍為游擊參將大破緬兵於姚關乘勝出隴川孟密直搗阿瓦緬將之守孟養蠻暮者望風迎降

十三日記

赴水師提督白拉塞家茶會 法國議院因執政者多為河工案所累思念茹勤斐禮復舉為上議院首領當甲申年越南事方棘斐禮主特大計欲割北圻四省以界中國曾侯未之允也適北洋主棄全越陳季同奔告

之斐禮遂不理會侯而大事去矣。今年斐禮遇參贊慶
常兩次談及前事。頗稱會侯不敢擔當。以為中國自失
機會云。

十四日記

明萬曆二十二年。雲南巡撫陳用賓設八關於騰衝。開
二十二屯田。留兵戍守。築堡於猛卯。復用暹羅夾攻之。
三十一年。阿瓦木邦皆入貢。厥後緬甸苦暹羅之擾。連
年奔命。古喇殘燬。天啟以後。遂絕貢職。崇禎末。屢逼中
國。康熙三十九年。擺古即古喇會長約荷蘭葡萄牙之兵
抵阿瓦。擒其王。緬甸遂反屬於擺古。乾隆十九年。阿瓦
出使日記續刻 卷六 天傳經樓校本

王莽達拉為得楞子所殺。有寶籍牙者。緬東小部木梳
頭目也。起兵襲阿瓦。盡收景綫整賣。即景孟良木邦整
欠諸土司地。取波龍廠。遂攻羅古。滅之。據有全緬。莽氏
遂滅。木邦亦降。邊事益棘。遂犯我猛籠。犯九龍江。三十
二年。我兵分兩道征緬。明瑞由木邦。額爾登額由老官
屯。皆失利。迨傅恆等督師由蠻暮夾江而下。緬雖求和。
卒未大創。三十六年。暹羅為緬所滅。暹民奉其遺臣鄭
昭為王。盡復故土。緬酋孟雲不能支。東徙蠻得。時合阿
拉干為一國。及中國封暹羅。緬遂入貢。五十二年。遣使
封為緬甸國王。是時緬疆南盡南海。北迄孟拱。西包阿

拉干。東聯麻爾古。土沃兵強。觀英屬印度之富。道光六
年。起兵侵孟加臘。大敗而還。

十六日記

緬軍敗於孟加臘之後。英人以兵船入內港。聲言直搗
阿瓦。王懼。求成。償兵費三百萬兩。割阿拉干底尼色領
沿海之地。以界英。咸豐二年。再與英戰。又割擺古以和。
以緯綫十九度三十分為界。英乃設官治之。所謂下緬
甸者。即擺古厄勒瓦。誦阿拉干底尼色領也。會城名曰
仰光。復溯厄勒瓦。誦江至八募。駐公使於緬都。緬王貪
虐無道。光緒九年。法蘭西盡取越南。暹羅亦派官分駐
出使日記續刻 卷六 天傳經樓校本

老撾各部。英人慮法之取緬也。先發制之。光緒十一年
十月。英相沙力斯伯里侯定議伐緬。遂借判斷木商歇
業為名。由印度派兵進攻。入莽達拉。擒其王。流之印度。
馬拉師海濱。遂據全緬。并取所屬揮人地。惟入貢中國。
仍遵舊例。設全緬巡撫。仍駐仰光。而統轄於印度總督。
十七日記

英據全緬。大勢趨重海口。舊得南緬甸地。分為四部。曰
擺古。曰阿拉干。曰厄勒瓦。誦。曰底尼色領。新得北緬甸
地。分為六部。曰北部。曰中部。曰拉歇山嶺。曰南部。曰東
部。曰喀倫山嶺。全緬山澤之地。多於平原。共有四千六

百餘土司。西幹之山由西藏而下。經厄薩密孟力坡拉。歇部阿拉干部。直趨巴心。以迄南海。西人隨地命名。而統謂之偉斯登爾奇嶺斯。譯言西山嶺也。尖峰攢簇。皆在五干尺以上。東界北緬甸。西界東印度。著名之山。曰森格爾克嵐。曰帽爾薩雷蒙。曰剖奇克嵐。南爲阿拉干。遙嶺沿海斜趨。以上諸山。高自七千四百餘尺。至七千尺不等。在阿拉干省曰卻披崗。曰李路蒙脫。譯言曰仰拱。曰昔開。曰開模拔。曰拔克嵐。曰姚嶺。曰嶽昔干。高自七千餘尺。至四千餘尺不等。嶽昔干高六千餘尺。迤邐至跋散。東襟大江。西負滄海。至納軋力斯。愈南愈低。僅出使日記續刻卷六 全傳經樓校本

十八日記
緬甸之水莫大於厄勒瓦諦江。卽大金沙江也。江有二源。東名恩梅開江。西名邁立開江。東源在西藏界口。赤道北二十八度以上。在野人山境流已極細。地學家謂其源必不能高至二十八度三十分以上。西源出於野人山中之坎底。約在赤道北二十七度四十分。萬山之中。江至冷脫猶。西與南龍江相會。東南行四十五英里。有南琛江自西藏邊境來會。曲折南行。合無數小水。約行一百零三英里。至古拖渡口之南。赤道北二十五度四十分。有奇。恩梅開江由薩騰野人境合南明南里二江自東來會。又東南流二十八英里。出使日記續刻卷六 全傳經樓校本

西經米紀納。復兩里而至允帽。江面乍闊。中有數大洲。爲椽樹漿廠之要埠。形勢必爭之地也。又行一百零二英里。至升威陞。孟拱江合孟養江及恩沱峴湖之水。自西北來會。江之東岸。平原沃壤。土宜五穀。疑卽土人所稱大地方也。又行五十二英里。穆雷江來會之。又三英里。至暹人舊城。藏波能勾。大盈江。亦曰大平江。海會。檳榔江。合無數小水來會。復流里許。卽爲八募城。自八募至仰光。約行七百英里。復受擺古江水。約行三十英里。而入海。

十九日記

厄勒瓦諸江之東。緬甸川瀆之大者。尚有二江。一名西當江。或作白龍江。發源押人遙帽山。有東西二源。亦名深陞江。在赤道北二十度三十分。下流經洞吾歇衛陞兩大城。計行二百六十五英里。受小水無數。而入馬爾達般海灣。一名潞江。西稱薩爾溫。一作撒路音。江由中國孟定土府界外南下。受南丁南卡諸水。經康東西境及芒浦芒得而至陽鐵。南品江由孟育東境受無數小水來會。地為喀倫尼山人所居。濱江一帶。木商要埠也。有捧江合眾水。越喀倫尼境。自東來會。曲折南行。經暹羅邊境。有米能江。合湯盈江。東來入之。復合無數小水。至馬爾達

出使日記續刻 卷六

全 傳經樓校本

班入海。三江之外。沿海一帶。小江歧出。源不遠。流不長。其最著者。潞江西當江之間。有別凌江。長百英里。餘水如泰盈江。芹江。其次也。底尼色領之地。以底尼色領江為最巨。發源遙帽山中。南流至底尼色領城。計行二百五十英里入海。若亨特洛衛江。垂特模江。發源暹羅邊界。行遙帽山中。百十英里。至穆爾壘入海。尤稱海埠要地。其上緬甸西境阿拉干之北。以開屯而屯江為最長。發源阿拉干遙帽山中。行二百五十英里。至阿開倍入海。餘如美遙江。來模遙江。次之。阿開倍之南。阿恩江。泰允江。散陀威江。其源俱近際山麓。又其次也。

二十日說

許竹質星使來書云。帕米爾分界之議。仍闕不提。其留兵在郎庫里者。亦不肯退。轉詢天暖。俄必派兵進巡。恐邊事更至喫緊。總署亦無一定辦法。駐俄英使去臘與俄外部重提會勘之說。外部大臣嘎爾斯病尚未愈。署外部事者為基斯敬。謗云事未商定。去勘無益。近日未知續有所商否。美報於臘月二十二日揭曉。已簡放楊子通觀察。燕湖道楊儒崔惠人為華商請以優娼赴會。總署斥其非體。渠本百計求留。此次遽予瓜代。殆因此事致動物議。然聞其劣迹尚多也。使臣之崔從儉之

出使日記續刻 卷六

全 傳經樓校本

陳可謂兩難矣

二十二日記

赴柏金韓模宮。應朝眷會。仰光為亨塔瓦。諸古部一之會城。英有巡撫駐此。列英國印度海口第三。在赤道北十六度四十七分。京師西二十度二十分。四十八秒。江口輪艘如織。貿易極盛。閩粵大商不下萬人。滇商亦十餘家。有八家塔者。前明設長官司地也。建造極古。緬史稱創於周簡王元年。基高一百六十六英尺。頂用鑲金。高三百餘尺。大鐘高十六英尺。上鑄史事。莽達拉。北緬甸北部五屬之一北控入勢。南通仰光。英人新得北緬

以此為適中之地。遂為首部。全境濱大金沙江。南北長而東西狹。亦曰蠻得。昔為緬都。今為北緬會城。在赤道北二十二度。京師西二十度。二十一分四十八秒。南距十二英里。為翁蔑拉布拉。亦緬王舊都也。紅寶石礦在莽達拉北六十英里高山之中。逼近北揮人之孟密。地名摩谷。多出奇珍。為地球第一寶礦。入募在赤道北二十四度十五分。京師西十九度三十五分三十五秒。距太平江口南一英里半。

二十三日記

光緒十七年全緬民數七百七十萬人。通國崇奉佛教。出使日記續刻卷六

金傳經樓校本

約五分之四。民之有學者大半信佛。其外回教及天理天性教約居十之一。印度教與耶穌教亦居十之一焉。物產最旺者為稻米。材木棉花。次則煙葉。野茶珍珠米黍麥。而北境橡樹膠尤擅利。藪產象最多。人家畜之。引重負遠。其用與驢牛馬同。惟白象一種。舉國優異。謂之天使。築官以居之。海孺產虎豹犀熊。商路多弗不可行。買客皆賴江運。鐵路新築。長僅六百英里。今已添造。不日可抵八莫及孟拱矣。進口貨值英金三百六十九萬九千鎊。大宗之貨為棉花。為美國所出。火油為食物船料。出口貨值四百七十萬二千鎊。大宗之貨為米。為

新棉花。為鐵木。檜木。商埠最大者在厄勒瓦諦江一帶。曰八莫。曰莽達拉。曰翁蔑拉布拉。曰阿瓦。曰織耿。在沿海一帶。曰仰光。曰穆爾。曰阿恩培。曰巴心。

二十四日記

揮人立國最古。自漢通西南夷。揮即遣使入貢。其地東際湄江。西界緬甸。南界暹羅。北界雲南。橫亘潞江中段。及西當江上游。族類繁而自為長雄。幅員長而不聯。聲勢故其地雖與全緬相埒。受命於人。供其徭役。不能自達於中國。英既據緬。因其故地。區畫疆界。分北揮人為五部。曰孟密。曰湯平。曰北省。曰南省。曰錫箔。南揮人為十七部。曰馬克模。曰芒安。曰木梳。曰孟曩。曰匡次。克。曰孟金。曰孟派。曰律茄。曰薩模。曰勒克。曰奈恩。曰薩茄。曰派控。曰賽當。曰孟榜。又附三小部。路東揮人為七部。曰康東。曰江墾。曰芒浦。曰孟龍。曰麻塔。曰狝狝。曰葫蘆。緬人舊云。揮人有九十九國。蓋舉其全數。并土司之隸於中國。及歸入暹羅者言之。

二十五日記

赴森哲模斯官應朝紳會。野人山地東界騰越。維西兩廳邊外之雪山。西界更的宛河西境之孟力坡。南界入募孟拱。北界西藏米納隆南之曼諸。其經緯綫約起

赤道北二十四度至二十七度半。京師西十九度至二十三度有奇。全境據厄勒瓦諦江及更的宛江上游。更的宛河源之山多琥珀礦。地名烘貢。距此西北約三百英里。為柏脫可山嶺。一譯丕嶺北納軋山。英厄薩密邊吏管理之所也。循嶺而南。即孟力坡。至雪移嶺。山峰高八下二百六十六英尺。是為野人山極西之境。循嶺而北。至嶠干山峰。峰陰為厄薩密之狄欣江。野人分境。即在此峰。蓋厄勒瓦諦江西境之地。實逾江東地數倍也。東界接壤中國。南起天馬關外。逾太平穆雷南太白三江。所有紅髮野番。異常兇惡。華商至入募者。結隊挺刃。

出使日記續刻 卷六

全傳經樓校本

乃過厥路有九。太平江南三路。曰麻湯。曰益干。曰漢董。太平江北三路。曰下路。中路上路。皆由蠻允會於蠻暮。而至入募。再北亦分三路。曰昔馬。曰昔董。曰古永。皆會於允帽。戛鳩。渡江而至孟拱。九路之內。近滇西邊有雪山障之。西名果期雪拱隆。亦名屑雪山。山之南端盡於穆雷江。直接野人山南段。入關九隘之所設也。

二十七日記

有刷次考甫廠之魚雷。必配以什好廠之船。方稱雙美。然什好廠之都料匠。猶欲然不敢自是。知法國於一千八百八十七年。曾造數十艘。在地中海會操。有沈沒炸

裂之虞。英國亦創二十餘艘。在海面比較遲速。因機笨重。無甚大效。於是探悉精微。參酌盡美。因將汽鼓馬力加大。鍋爐用煤減省。煙囪縮短。喫水改淺。另加吹風機器。俾得煤火磅力加猛。機器汽鼓改用三連法。輪括改加靈活。極意經營。始告厥成。於是呈德國海部試演。行駛迅速。實超各國諸船之上。海部頒給獎牌。俄奧意土等國紛紛定購。中國廣東亦定九艘。續定一艘。閩廠定大魚雷一艘。船面長一百四十四尺。四寸。寬十六尺五寸。喫水七尺二寸五。落成於一千八百八十七年六月。均由上海泰來洋行承辦。蓋什好廠之魚雷船。在海面駛行甚捷。形聲不露。臨陣之間。船行愈速。機聲愈微。颯忽往來。務使敵人不覺。該廠近又另開新基。特建大廠。製造鐵甲輪船。無論商船兵輪汽機。均可承造。

出使日記續刻 卷六

全傳經樓校本

二十九日記

遣馬格里赴外部與山特生貝雷會議野人山事。仍未就緒。

出使日記續刻卷之六終

出使日記續刻卷之七

無錫薛福成叔耘

光緒十八年癸巳二月甲寅朔記

東埔寨國自隋迄明久通中國即真臘也嘗併扶南今暹羅兼占城南圻其後扶南占城各自立國國勢日削

介居兩大入貢暹越二國乾隆十五年廣南王阮惠攻安南始據東埔寨東南境置南圻六省而水真臘之地

盡亡嘉慶十四年暹羅割東埔寨西北境益哥爾巴當邦兩地而陸真臘之地亦燹同治三年以後法人始脅

歸保護其時國界自赤道北十度三十分至十三度三十分京師西十度八分至十二度三十八分止尙有十

七萬九千六百七十方里十萬畝羅邁當方里明季國王都於羅佛克亦名干波底亞城瀕東雷薩魄江右岸康熙三十

九年南徙十四里都於烏東同治五年南徙六十八里地當四江匯流處曰布農奔一作勞邦是為新都東南距西

貢三百七十七里在赤道北十一度三十一分京師西十一度四十六分國王歲入約洋銀七十五萬員駐東

之法官歲入洋銀八十三萬餘員土著之居民九十四萬五千有奇華人十萬六千有奇國境自王城外分五

部曰光邦斯瓦曰達邦克門曰巴布農曰布爾沙脫曰

出使日記續刻卷七

一傳經樓校本

達利洋

初二日記

呂宋南洋大島也北對臺灣沙馬崎南連斐嶺濱羣島

東濱太平洋西枕中國海其北角在赤道北十九度南角在赤道北十二度其西而值京師東四度東而值京

師東八度共有十萬二千六百九十五畝羅邁當方里本巫來由番國明初始通中國朝貢時至隆慶年間西

班牙屢遣兵船窺呂宋取馬尼刺築城踞守呂宋始服屬西班牙久之遂為所併擅工商之業者華人為多華

人之至呂宋實先於西班牙人皆娶番婦長子孫今華

種人約二十一萬有奇西班牙種人祇一萬有奇全島

電局三十七所纜長一千一百四十九畝羅邁當土產

以阿巴加麻雪茄煙名天下麻質純淨可為布匹織之

為帕泰西視為珍品嗶嘰羽毛亦此麻所製原料之麻

約歲值洋銀八百八十九萬員織成之麻值洋銀十三

萬六千員雪茄煙歲值洋銀五十七八萬員林木尤繁

烏木紅木樟木佳料頗多居民三百五十萬人野番居

內地巫來由番人居沿海華人洋人居商埠要區馬尼

刺部在島西南為都會之地值赤道北十四度三十五

分二十六秒京師東四度三十分四十一秒

出使日記續刻卷七

二傳經樓校本

初三日記

西域回部。漢唐以來。號為屬國。西人稱之為達爾給斯。丹一作國爾其地在赤道北三十六度至五十六度。京

師西三十六度至六十五度。東界中國。東南界喀什噶爾。南界印度。阿富汗波斯。西界裏海。北界俄羅斯。西北多流沙草場。名曰都郎。東南有高坡平原。土脈肥沃。河道暢達。亦有遊牧草地。為全境精華所萃。境內大山。多與興都哥士山之北面相聯絡。而阿克大士山實為天山。西出之幹。由此分為兩界。在北界者曰費爾加拉高坡地。在南界者曰蘇的亞訥高坡地。費爾加拉為納林

出使日記續刻

卷七

三 傳經樓校本

河之上下游。蘇的亞訥為阿母河之上下游。兩河雙流入鹹海。中夾一河。曰射拉福散。流入加拉開勒湖。所謂黑湖者也。在漢為烏孫大宛月氏北境。即康居奄蔡故地。康居當今哈薩克諸部。奄蔡實俄之西伯里亞部。乾隆年間。元之後裔不振。回族亦日就衰替。而俄日強大。道光年間。屢伐機窪。三十年已占其東半國。同治十一年。取機窪全地。盡有阿母河之右岸。設巡撫以轄圖爾齊斯坦總部。復割布哈爾之地。明年脅服勾岡特國。而納林河左右皆歸於俄。光緒二年。取勾岡特國全境。設巡撫治之。其地起自裏海西岸。東盡伊犁。皆為俄屬。駸

駸有通印度之勢矣。申刻率馬格里赴外部。與勞偲伯里爭論滇事。酉刻始歸。

初六日記

布哈爾一國。沿阿母河右岸。北至納林河。回人稱之曰馬外爾耶。譯言近江之地。在古為最繁盛。城內多祠宇。北界哈薩克。勾岡特。東界小布加里。南界阿富汗。西界阿母河。與機窪相近。地約一百餘萬方里。居民二百五十萬。多哈薩克人。烏士拜克人。雅拉伯人。波斯人。卑爾夜人。大哲克人。猶太人。印度人。雜處而成國。東有峻嶺。南接興都哥士山。餘皆平地。多草場沙漠。有大湖曰阿

出使日記續刻

卷七

四 傳經樓校本

那勒。曰當日物產有駝騾驢牛羊鹿熊狼狐桃杏李蘋果梨葡萄瓜大黃稻麥稜芝麻玉米煙葉棉桑。桑可育蠶。皮可造紙。地有五金礦。運自中國之貨曰磁器水晶。綢緞茶。又轉運華貨於機窪及裏海之俄人。而易其呢布。今之有國者曰烏士拜克人。以明弘治間始立國。舊稱王曰可汗。今改稱曰歐米爾。國多內亂。分合不常。故易受他國陵侮。俄王尼勾拉頗欲由布哈爾進窺西藏。事未成而中止。

初七日記

機窪國北界夜末河。意爾日河。河外即哈薩克故地。南

界自阿得雷克河至印度之奔哲潑。西界裏海之東岸。東界依一草地。經納林河而及加布勒嶺。地約九十萬方里。機窪其都城也。以外大城曰歐沙拉巴。曰烏爾根。曰對爾們。曰加拉大勒。境內除納林河左岸一狹地外。皆平原曠野。中包水澤。土脈肥沃。居民以牲畜爲業。馬稱名種。物產麥稻棉豆。蠶粟麻桑梨杏。蘋果櫻桃葡萄。瓜冬居室。夏居穴。游民支帳。遷徙無常。其地先後爲土耳其蒙古所據。而哈薩克布哈爾亦皆來侵擾。最後烏士拜克人據地立國。與俄人爲仇敵。道光十九年。俄兵伐機窪。潰去。同治八年。俄復來伐。遂裔爲屬國。棍都

出使日記續刻 卷七

五 傳經樓校本

爲自主之小國。在納林河上游之南。東界巴達克山。西界巴勒克。北界細沙爾。大爾哇。東南爲興都哥士加拉。巴二山。境內高山曰昂拜爾。都城爲通巴勒克。庫勒末。巴達克山之要路。舊境本盡納林河之上游。今已爲阿富汗所削奪。居民盛時四十萬人。今存者僅二千餘人。

初八日記

細沙爾在勾岡特布哈爾之南。東境爲蘇爾阿潑河所經。境內諸山。多巴達克山之分支。土脈肥沃。本布哈爾之一部。有富強之名。巴達克山在阿母河上游。爲爾齊斯坦極東南之境。南接興都哥士山。東界哇克山。

西界棍都。都城曰費乍巴。舊稱繁庶。今僅四百餘家。東南八十里有。一邑名哲爾末。人民近二千。頭目居之。服屬於阿富汗。俄羅斯所併回部。設爲新省者曰烏拉勒士克省。曰費爾格拉省。一作費爾曰舍彌爾夜貞士克省。曰聶爾大里雅省。曰舍彌巴拉丹斯克省。曰阿克摩爾斯克省。曰都爾該省。烏拉勒士克省。同治七年始定爲省。北界俄蘭布爾省。東界都爾該省。南界特耶加士邊省及裏海。西界阿士特拉岡省及沙馬惹省。地約七十萬方里。居民五十二萬。每歲產馬六十萬匹。牛羊駝稱是。費爾格拉省。西南界乍拉福珊省。西北界聶爾大里雅省。東北界舍彌爾夜貞士克省。東南界喀什噶爾。南界巴馬。即地約十四萬方里。居民八十萬。爲爾齊斯坦著名沃土。內分四部。曰勾岡特。曰馬爾。曰耶。曰阿的占。即安。曰烏士根。本勾岡特國地。同治三年。俄人得之。始改今名。

出使日記續刻 卷七

六 傳經樓校本

舍彌爾夜貞士克省。一名七河省。北界舍彌巴拉丹斯克省。西界聶爾大里雅省。費爾格拉省。東南界中國地。約七十餘萬方里。居民八十一萬。東南與中國分界處。依天山爲限。每年出馬百萬匹。牛五十萬。羊六百萬。分

初九日記

初九日記

五部曰射爾日悠勒曰勾巴勒曰加拉庫拉曰維尼夜
 曰納林 聶爾大里雅省北界都爾該省阿克摩爾士
 克省東界舍彌爾夜貞士克省費爾格拉省南界沙馬
 爾岡得省布哈爾西界機窪鹹海地約一百萬方里居
 民一百十四萬會城為塔什干在諸省中為最大歲出
 馬四十萬匹牛三十三萬羊三百五十一萬駝二十五
 萬熟田不及百分之一遊民以哈薩克人為多約七十
 餘萬進出各貨值洋銀四百萬員進貨以塔什干為總
 匯出貨以加乍蘭士克為總匯其地為各族所雜居哈
 薩克人常侵擾俄界俄人乃沿河設防首設礮臺於加
 乍蘭士克又設加爾麻克哲礮臺年年進兵浩罕之酋
 怒與俄戰不勝未幾哈薩克全部服於俄浩罕愈孤危
 咸豐十一年俄得雅危孤爾岡同治元年得買爾介二
 年得阿烏離夜阿大達爾給斯丹即圖爾齊斯即哲末根始設
 巡撫四年得塔什干光緒元年得乍拉福珊浩罕遂亡
 俄改其地為今名迄十二年全有阿母河之境於是併
 入此省焉

初十日記

舍彌巴拉丹斯克省北界兜波來斯克省東北界兜末
 斯克省及中國南界舍彌爾夜貞士克省西界阿克摩

出使日記續刻 卷七

七 傳經樓校本

蘭斯克省會城曰奧潑士斯其八十萬方里居民五十
 三萬八十餘人境內大彌什窪村為哈薩克人通市之
 地地分五部曰巴烏路大爾曰舍彌巴拉丹斯克曰勾
 克拜丹斯克曰烏斯加蒙耨勾斯克曰加爾加拉爾斯
 克 阿克摩爾斯克省北界兜波來斯克省東界舍彌
 巴拉丹斯克省南界聶爾大里雅省西界都爾該省共
 一百萬方里居民四十六萬三千餘人地分四部曰阿
 克摩爾斯克曰勾克哲大福曰奧末斯克曰貝特羅巴
 烏羅烏斯克 都爾該省未詳

十一日記

出使日記續刻 卷七

八 傳經樓校本

阿喇伯為亞細亞西南之第三土股在赤道北十二度
 四十分至三十四度五十分西經五十六度至八十四
 度開國於夏少康之世唐武德五年改名什來生司即
 唐書之大食國也是時有國者曰謨罕默德為回教之
 祖著書曰可蘭經所謂三十本三千六百段者也其教
 又分為二曰阿所大士教曰叶自教阿所大士為謨罕
 默德之婦翁曰安拜畢開所傳叶自教為其子婿愛力
 所傳謨罕默德死於貞觀六年其徒徧走四方亦能以
 兵威衛教南涉阿非利加東入亞細亞諸國宣宗時攻
 歐洲得西班牙地而王之明景泰時得土爾其全境是

爲回教極盛之時。教徒有一萬萬人。

國朝乾隆十五年。有國者曰阿拜得愛爾。俄海俾。嘉慶二十三年。其曾孫曰阿畢代拉。爲敵兵所敗。囚於君士但丁而死。同治十二年。土爾其人來攻。英人不欲土之得阿喇伯也。爲之講和而罷兵。

十三日記

阿喇伯四境皆山。在南界者尤高峻。曰哈得爾莫。曰麥臘。曰極貝爾。阿開大。其內地之山曰害射。曰極貝爾。土夜克。曰小味。近海地皆荒瘠。平原曠野中又多沙磧。南沙漠曰代諾。譯言紅沙。約十餘萬方里。沙中時發大熱。

出使日記續刻

卷七

九傳經樓校本

氣化爲毒風。中人則死。草木不生。水無涓滴。代諾之東北曰力得爾。代諾譯言稍小之沙。又北別爲一沙。中分數帶。有沙帶石帶。時見水澤。居民九百萬。文字守可蘭經。歷法與各國異。所謂回回厯也。頗究心於天文算學。化學。俗好張大其教。故他教不易流入。政令不出於上。自主之族。不可以數計。以麥思恰特爲都城。爲摩開特王所居。今稍稍著者。曰奧門蘇丹。曰義海卑蘇丹。曰什末蘇丹。力非足以自存。而爲鄰國所不貪。觀其政令渙散。地土荒蕪。殆無振興之理。

十三日記

比利時在赤道北四十九度五十分至五十一度五十分。京師西一百一十一度五十二分至一百十三度九十分。古爲積潦榛莽之區。羅馬據之。凡四五百年。法蘭西繼有其地。振興商務。白雷士色爾伯魯魯一城。遂爲歐洲

南北之總匯。始分郡縣。建城郭。設技藝學堂。既而法王封其子於此。稱王。旋爲奧國所取。日耳曼又得之。又附於西班牙。順治十六年。仍歸於法。乾隆六十年。拿破侖第一經營比境。以扼東北諸國。定爲東境十三省。內九省。比之全境也。拿破侖敗。維也納之盟。歸各國侵地。比地乃歸荷蘭。仍稱比意。巴國。道光十一年。比人逐荷吏。

出使日記續刻

卷七

十傳經樓校本

而自立。迎日耳曼舊族索士果布爲王。稱爲比利時國。同治四年。王卒。子雷悠波勒嗣位。國設上下議院。居民五百八萬七千餘人。鐵路約二千四百里。電綫二萬餘里。進款約歲得洋銀四千五百萬員。出款約四千四百萬員。入浮於出。而國債尤少。各國所罕聞也。

十四日記

清明前四日。西洋稱爲耶穌釘死十字架之期。一切事皆停辦。南北亞墨利加相接之狹地。謂之中亞墨利加。其地在探望探潑土頸與巴拿馬土頸之間。闊約七十至三百英里。長較英國屬地約二倍有餘。合英屬國

都拉斯地七千五百六十二英方里計之約為方十七萬五千八百六十七英里。大江曰散助伐。湖曰利翁。曰尼喀拉瓜。多火山。為民患。礦產饒金銀銅錳。一名亦產雲石美木棉花。戶口二百六十萬。西班牙種之白人約得四之一。餘皆土人及雜種人。土人面深紅。壯健有力。或云合關都拉斯戶口二萬七千四百計之。中亞墨利

加民數有三百五萬三千云。地屬西班牙者三百年。其時止有危地馬拉。一千八百二十一年。危地馬拉始自主。為民主聯邦。後以戰爭不一。聯邦盡散。一千八百三十九年。各自為主。立民主國五。曰危地馬拉。曰桑薩爾。出使日記續刻 卷七 二 傳經樓校本

瓦多。曰關都拉斯。曰尼喀拉瓜。包括冒。曰哥斯德爾黎。加此外地名孛拉士者。即英屬關都拉斯也。十五日記

危地馬拉一國。墨西哥之鵲判及搖克坦省在其北。關都拉斯與桑薩爾瓦多在其東。太平洋在其西南。在中亞墨利加各國中為最北。北緯自十三度四十分至十七度四十分。在英京西八十八度十五分至九十二度三十分。地得四萬六千七百七十四英方里。戶口一百四十二萬七千有奇。分二十二部。東西有高山橫互。國中多江。有水利。都城曰新危地馬拉。戶口五萬九千。已

成鐵路長一百三十二英里。未成者二百二十五英里。電綫二千二百十九英里。國賦歲入約英金七十六萬九千九百鎊。國用歲出七十萬四千二百鎊。國債二百七十萬鎊。出口貨值英金一百一十一萬三千八百鎊。入口貨值八十三萬九千九百鎊。

十六日記

桑薩爾瓦多一國。關都拉斯在其北。與東北危地馬拉在其西。太平洋在其南。芳西楷海股在其東。在中亞墨利加各國中為最小。所沿太平洋岸長一百七十英里。闊處約四十三英里。約有地七千二百二十八英方里。出使日記續刻 卷七 三 傳經樓校本

戶口六十五萬餘人。其地崎嶇而高。與危地馬拉僅判。惹一江之隔。與尼喀拉瓜亦不過隔芳西楷海股。鐵路長五十五英里。大江曰立姆派。歲入款洋銀八百六萬餘員。出款八百八萬餘員。國內國債五百五十萬餘員。國外國債三十萬員。哥斯德爾黎加一作考斯在中華立指。在中華墨利加為最南。自北緯八度十七分至十一度十分。經度英京西八十二度三十分至八十五度四十五分。地得二萬三千英方里。戶口二十一萬三千餘人。國分五省。民主四年一舉。盛行天主教。都城曰桑若塞。鐵路自大西洋岸至都城。長一百十八英里。歲入之款英金

六十一萬二千餘鎊。出款五十九萬七千餘鎊。國債二百萬鎊。

十七日記

情話悅親朋。莫談邑中獄訟錢糧事。交遊擇賢俊。願盡天下學問經濟人。余自海外將歸。先寄此聯懸之於門。清明前一日。西人稱爲耶穌已死復蘇之期。一切事皆停辦。閱都拉斯一國。加勒海與閱都拉斯海股在其北。危地馬拉在其西。桑薩爾瓦多與芳西楷海股在其西南。尼喀拉瓜在其東南。在中亞墨利加之中。北緯自十三度十分至十六度。倫敦西八十三度十分至八十八度四十分。地得四萬二千六百五十八英方里。並有冒司奎拖地之一小分。及閱都拉斯海灣中之盤島。戶口四十三萬一千九百餘人。海岸長四百英里。其大口曰脫勒克齊羅。曰坡歐拖考探士。曰亞麻。曰羅坦。曰拉西排。至太平洋一面海岸僅四十英里。大口曰阿曠。判拉。鐵路僅有三十七英里半。將漸推廣以聯太平洋。西兩洋之岸。都城曰哥麻牙瓜。歲入之款。英金四十三萬一千鎊。出款四十二萬七千餘鎊。國內國債二十二萬七千餘鎊。國外無息之債五百九十八萬五千餘鎊。英屬之閱都拉斯。北與西北皆界墨西哥之搖克坦。

出使日記續刻

卷七

三 傳經樓校本

省南與西南皆與危地馬拉爲界。東至海。地得九千英方里。戶口二萬四千有奇。都會曰亨拉士。在亨拉士江上。亦爲通商聚會之處。

十八日記

尼喀拉瓜一國。閱都拉斯在其北。太平洋在其西。哥斯德爾黎加在其南。加勒海在其東。在中亞墨利加爲最大所沿。大西洋與太平洋兩岸皆長。北緯自十度四十分至十五度。在倫敦西八十三度四十分至八十七度三十八分。其地合冒司奎拖之一地計之。得五萬一千六百英方里。戶口三十一萬。其雜種人約四之三。餘。

出使日記續刻

卷七

古 傳經樓校本

爲土人及西班牙人冒司奎拖人。土極肥沃而農事未備。都城曰麥那瓜。舊都曰良。戶口六萬。大海曰散助伐。又名極來湯。鐵路長九十三英里。電綫一千五百九十一英里。與墨西哥秘魯大海電綫通。溝通太平洋。西兩洋之河已成。自有此河。其國可興利益甚大。歲入之款。英金三十萬六千六百餘鎊。出款四十二萬五千七百餘鎊。國內國債英金二十九萬六百餘鎊。國外六釐息之洋債二十八萬五千鎊。冒司奎拖地在加勒海濱。其土人亦稱自主。然其地大半屬於尼喀拉瓜。其大城曰亨羅非爾。

十九日記

柔佛國在巫來由土股極南。北界彭亨。南界薩賴。當博羅海峽。亦名過此峽。即為新嘉坡島。明正德七年。有麻六甲蘇丹名煞者。被葡萄牙人所逐。至此建城。名曰柔佛。因為國號焉。城距海岸三十二啟羅邁當。中跨大河。在新嘉坡東北五十六啟羅邁當。柔佛居民十一萬五千人。內有華民七萬五千人。巫來由四萬人。柔佛王今居蘭噯。南臨老港。即舊峽也。已歸英國保護矣。彭亨者。巫來由自主之國也。在東南海岸。赤道北二度四十分至四度五十分。京師西十二度五十七分至二十四度零七分。

出使日記續刻

卷七

五 傳經樓校本

北界丁噶奴。吉蘭丹。南界柔佛。西北界白蠟。西界石蘭莪。尼格利桑比。郎長一百五十啟羅邁當。共有二萬五千九百啟羅邁當方里。彭亨江流貫其中。入於中國海。居民五萬人。華民不過二三百人。皆作礦工。彭亨諸部落。其首皆得自主。不相統轄。其會城曰貝幾。在彭亨江口。同王居焉。頗受英國節制。又有一王尚認暹羅為上國。歲有金花銀瓶之貢。

二十日記

白蠟在巫來由土股西海岸。赤道北五度五十分至三度四十五分。巴黎東九十八度二分至九十九度二十

分。北界吉德。大呢。東界吉蘭丹。彭亨。南界石蘭莪。西界麻六甲海峽。及英屬威利司雷丹定斯。兩省長二百二十五啟羅邁當。寬一百五十啟羅邁當。共有二萬零七百二十啟羅邁當方里。居民二十一萬四千餘人。內有華民九萬四千餘人。而西人祇六百餘。會城曰挂拉岡。然白蠟江至此城。其流始大。此江亦名松蓋。白臘。白臘譯言銀。松蓋譯言江也。其地有佳礦。以錫為大宗。進口貨。歲值洋銀八百萬員。出口貨。值一千三百萬員。亦以錫為大宗。白蠟本蘇丹自主之國。昔有拉魯總督蒙得利者。監查礦政。所有蘇丹稅餉。皆歸經理。漸招華人開

出使日記續刻

卷七

六 傳經樓校本

礦。已立一城曰太平。礦工漸多。屢有爭戰。拉魯總督不能制。蘇丹不得已。求英國總督相助。英船既到。海岸肅清。英亦派大酋駐其國。彈壓華人。蘇丹割瀕海丹定一地。及邦哥爾島。酬謝英國。英兵始退。然巫來由人與英駐紮大臣不和。光緒元年。刺殺之。英督大怒。派兵遷蘇丹。與其大臣於印度洋之荒島。拉魯總督蒙得利亦與焉。英人遂立阿拉渣摩德。由素夫為攝政。蘇丹歸英保護。光緒十三年。阿拉渣意得利士繼之。國中政事悉歸海門總督管理。設立議事院。以蘇丹為首。而英駐紮大臣監之。申刻遣馬格里赴外部。與山特生貝雷議滇

事稍有就緒。

二十一日記

酉刻復遣馬格里赴外部與山特生言野人山事。石蘭莪即地理備考之北刺克英國保護部落也在巫來由土股西南海岸北界白蠟南界松蓋芙蓉東界彭亨西瀕麻六甲海峽自赤道北二度四十五分至三度五十八分倫敦東一百度四十二分至一百一度五十六分地二千九百啟羅邁當方里昔係土番事蹟荒略其首稱蘇丹奉回教性狠嗜戰同治六年吉德蘇丹之弟為石酋女婿總庶政國人不服石酋之孫興兵來攻連

出使日記續刻

卷七

七傳經樓校本

戰不息十二年華人為礦丁者助首孫逐首婿彭亨蘇丹借英兵來平亂遂歸英國保護遣官駐紮雖至今尙有蘇丹僅擁虛位為議院之長而已一切聽命於海門總督居民九萬七千有奇內華民七萬三千有奇巫來由人二萬一千有奇西人百五十餘而已所出之錫歲值法銀約二千九百萬方巫來由海崎平原之地東以彭亨為大西以石蘭莪為大中互大嶺以為之界地分六府挂拉郎布者石蘭莪之會城也在赤道北三度十分倫敦東一百零一度四十九分其海口要埠曰吉龍在赤道北三度三分巴黎東九十九度九分此地自歸

英保護以後礦政商務蒸蒸日上矣。去年上海湖絲銷路頗有起色由滬出口者約五萬包蕪湖米市亦甚起色出口者約三百萬石運粵者十之八九。

二十二日記

松蓋芙蓉亦英國保護部落也在巫來由土股西南海岸壤地福小西北界石蘭莪東南界麻六甲東界拿吉里士美耶即尼格利西瀕麻六甲海峽自赤道北二度二十四分至五十四分巴黎東九十度二十分至四十四分地得一千七百啟羅邁當方里本尼格利桑比耶九部落之一因與鄰部阿倫波爭蘭惹河道輒有戰事

出使日記續刻

卷七

七傳經樓校本

英人為之定界通路同治十三年遂自立為國歸英保護由海門總督遣官駐紮經理錫礦諸事光緒十一年復以遮爾布部益之有議院蘇丹為首領英官副之居民二萬五千有奇內華人一萬八千餘皆巫來由人出口貨價值法銀四百二十二萬七千方錫居四分之三進口貨值三百五十九萬七千餘方鴉片居六分之一瀕海之地有五十啟羅邁當蘭惹河中貫全境自北而南入麻六甲海峽上游山中礦場大開會城曰賽郎邦在新嘉坡西北二百五十五啟羅邁當

二十三日記

新嘉坡番音獅子城也。或作息辣。或作息力。又作實得力。為英國海門屬部之都會。海門總督駐焉。巫來由土股極南之島。與柔佛隔薩賴當博羅海峽。通島地方五百三十四度。羅邁當自赤道北一度十五分十二秒至一度二十八分三十四秒。巴黎東一百零一度十七分至一百零一度四十分。宋紹興二十年。巫來由王始築城。建國於此。附近各酋及印度洋各島皆屬焉。及麻六甲始盛。而新嘉坡遂衰。

國朝嘉慶二十三年。英印度公司始至其地。道光四年。乃購此島於柔佛王。價洋銀六萬員。每年復償租費二

出使日記續刻 卷七

九 傳經樓校本

千四百員。維時英方歸爪哇諸島於荷蘭。得此兵政商務。足與荷蘭相敵。且駕爪哇之上矣。英始豎旗。此島居民僅二百人。期年乃至一萬。今戶口十八萬四千有奇。而華人得十二萬二千。西人五千二百有奇。進口貨值七百萬。出口貨值八百一十一萬二千餘員。出口貨值八千七百十四萬三千餘員。

二十四日記

西四月初四日。法總統諭首相兼內務大臣李寶告退。

以下議院議員狄畢衣一作杜布義充補刑部大臣。布爾實

告退。以上議院議員蓋蘭一作哥林充補外部大臣。德維勒

留任。戶部大臣狄拉告退。以下議院議員白特拉勒一作貝特充補兵部大臣。提督婁繼洋一作吉留任。海部大臣水師提督越尼葉一作尼業留任。學部一作教部大臣狄畢衣告退。以下議院議員班加雷一作喀烈充補工部大臣。魏葉特留任。一作德商部大臣西弗利葉告退。以下議院議員德利葉一作戴充補農部大臣。魏實一作威留任。

出使日記續刻 卷七

三 傳經樓校本

西四月朔。法兵攻涓江東岸之敦騰城。一作隆特隆城暹羅不敢與戰。遵即退出。法人又欲進收涓江中間之大島曰空地者。一作納因其在三水會流處。以形勢外洽商務而論。均為第一要地也。近來法人議論欲盡逐涓江以東暹兵。然後劃江為界。以張法國聲勢。半月以前。法上議院首領茹勒斐禮病死。斐禮者。首先建議攻取越南。與中國構釁者也。數年之間。用餉二萬萬兩。約合十二萬萬佛郎。亡兵三萬。法人至今怨之。廢退已數年矣。近以巴拿馬河工一案。法官沾染者甚多。斐禮獨無可議。法人服其正派。復舉為上議院首領。未及十日。暴病而死。

二十五日記

檳榔嶼英文譯音一名布路檳榔。布路譯音島。近又稱勃蘭斯特。嘜勒勃蘭斯。譯言王嘜勃。今英太子名也。在

赤道北五度十五分至三十分。巴黎東九十七度五十二分至九十八度十一分。其地共有二百七十八啟羅邁當方里。為英海門屬部之一。此島初稱吉德國。乾隆五十年。英有甲必丹利斯者。娶吉德王女。因以島為贈。遂歸入英印度屬部。其會城曰打尙。巫來由人居之。海岸之城曰柔爾日敦。各國之人貿易於此。皆在島之東北。西面多山。此島天氣既佳。土脈尤肥。蓋勝於新嘉坡。白山下觀之。皆係檳榔樹云。一千八百七十一年。華民有四萬五千餘人。約得全島居民之半。泰西人有六百。此島與威利司雷省隔一海峽。自南至北。長二十五啟羅邁當。北面寬三啟羅邁當。中間約十一啟羅邁當。水深十拓至十二拓。合十八邁至二十邁。

出使日記續刻 卷七

三傳經樓校本

二十六日記

申刻赴外部。晤勞斯伯里。理論野人山地事。麻六甲。即明史滿刺加國也。為巫來由土股最古之國。在西海岸。舊屬暹羅。宋德祐元年。其酋自立為國。明正德六年。為葡萄牙人所據。崇禎十四年。荷蘭奪之。失而復得。國朝道光四年。讓與英國。英人以蘇門答臘之萬古累島之。英人攷求東方之事。實自麻六甲始。今為海門屬部之一。合尼格利桑比郎之那甯為一地。計有一千六

百五十七啟羅邁當方里。居民九萬三千五百餘人。北有蘭嘎河。與松蓋芙蓉為界。南有幾桑河。與尼格利桑比郎之茅國為界。東有阿非爾阿倫邦太平。諸山。與尼格利桑比郎合眾國為界。城瀕海岸。傍海峽。在赤道北二度十一分二十四秒。巴黎東九十九度五十四分三十二秒。城中居民二萬人。自英開檳榔嶼。新嘉坡兩埠。麻六甲商務遂衰。然交易糧食。猶極繁盛。光緒六年。進口貨值二千零三十萬餘佛郎。出口貨值一千九百二十六萬餘佛郎。麻六甲自赤道北五度起。至一度新嘉坡止。西北向東南。共長七百七十八啟羅邁當。

出使日記續刻 卷七

三傳經樓校本

二十八日記

威利司雷省在巫來由土股西海岸。昔為白蠟地。介于吉德白蠟之間。與檳榔嶼隔一海峽。英海門屬部之一。共有六百七十八法方里。地無城垣。居民九萬七千九百餘人。有華人。印度人。巫來由各種。丹定斯羣島。亦海門屬部之一。在赤道北四度二十分。倫敦東一百度三十五分。近傍巫來由土股西海岸。麻六甲海峽之內。北距檳榔嶼一百啟羅邁當。其大島曰布路丹定。布路譯言島也。正對白蠟之拉魯江口入海處。故稍割白蠟瀕海地以益之。其小島曰桑比郎。曰遮拉。科科斯羣

島亦名啟令。在印度洋徧東巽他海峽口西南一千啟羅邁當。自赤道南十一度四十九分至十二度十二分三十秒。巴黎東九十四度三十五分。總凡二十三島。地面二十二啟羅邁當方里。明萬曆三十七年。英人啟令等。地得此。見島中。大半椰樹。故以科科斯名之。科科亦譯言椰道光三年。英國哈爾始居於極南島中。八年。蘇格蘭人阿羅斯率眾自爪哇島來。造屋招工。商務漸興。今有居民四百戶。皆南洋土番。光緒四年。遙隸錫蘭。十一年。改隸海門。蓋壤地雖不相接。而勢實聯絡也。

出使日記續刻 卷七

三 傳經樓校本

尼格里柔比耶。譯言合眾九國也。在土股西南。昔以九部合為一國。今則祇有五國。曰繞阿。或曰爪哇曰泗里忙打。尼。曰宗波爾。曰質賴。或曰日烏魯茅。或曰對拉宜。又曰合烏魯茅及著。或曰日烏魯茅。或曰對拉宜。又曰日麻。為一國。其餘四國。曰那爾。今併入英屬麻六甲。曰芙蓉。曰遮爾布。曰阿耶波。皆歸英屬保護。今合眾五國。北界彭亨。東界柔佛。南界海峽及麻六甲之那爾。西界英屬之阿耶波。芙蓉。石蘭莪。其地約有五千一百八十啟羅邁當方里。居民三萬人。五國各有一酋。治理其事。稱為打都邦古路。而條例不同。亦有議院。其總攝五國者。為泗里忙打尼之首。當光緒八年。英人用兵據泗

里忙打尼。而芙蓉遂分出歸英保護。未幾而阿耶波遮爾布亦屬焉。近來五國有事。皆由英海門總督派員辦理。已立約章。其國東南有阿斐爾山。坡谷之地。尤為肥沃。產米極多。果木亦盛。

三月癸未朔記

大呢。暹羅屬國也。在赤道北五度三十分至七度。北京西十四度二十七分至十五度四十七分。北界宋卡。西界吉德。南界白蠟。吉蘭丹。東界暹羅海灣。地有一萬二千九百五十啟羅邁當方里。居民三萬人。昔係麻六甲最大之國。道光十二年。暹羅既勝大呢。恐其控制不易。

出使日記續刻 卷七

三 傳經樓校本

分裂其地為九部。守以番酋。而總其事於暹羅所派之王。曰都奇。曰大呢。曰制令。曰煞伊。其在內地者。曰諦巴。曰丹奈。曰遮羅。曰阿勒忙。曰利漢。以阿勒忙地方為最大。以大呢居民為最多。尚佛教。大率畜象及水牛。地多礦產。開礦者皆華人。吉蘭丹。暹羅屬國也。在巫來由東海岸。東南距丁噶奴一百五十啟羅邁當。居民六萬五千。中有華人一萬五千。餘皆巫來由人。丁噶奴。暹羅屬國也。在東海岸。北界吉蘭丹。南界彭亨。王宮如礮臺。牆有礮洞。裝古銅礮。華民房屋整齊。巫來由人以板為屋。其陋已甚。

初二日記

六崑暹羅屬國也。暹人稱為蒙六崑。蒙者譯言王也。謂六崑王所治地也。在赤道北七度至九度。長二百啟羅邁當。其城東北距曼谷六百四十啟羅邁當。在赤道北八度二十五分。明成化間。暹羅王始立六崑為國。今分兩部。一曰打倫。一曰宋卡。居民共十五萬人。多暹羅種。間有華種。巫來由種。野番種。吉德。暹羅屬國也。在赤道北五度至七度。北界六崑。南界白蠟。東界吉蘭丹。大呢。西界英屬威利斯雷省及孟加拉海灣。地分一百零五社。居民六萬。皆暹羅及巫來由種。其會城在西海岸。

出使日記續刻

卷七

三 傳經樓校本

初三日記

英國鐵路長共一萬六千四百餘英里。每里造費英金三萬七千一百十八鎊。歲得利息以成本約之為四分四釐九毫。德國鐵路共一萬四千七十七英里。每里造

費英金一萬八千二百三十三鎊。歲息以成本約之為六分六釐。法國鐵路共一萬一千五十英里。每里造費英金三萬七百四十六鎊。歲息約七分七釐四毫。瑞典鐵路長六百九十五英里。每里造費英金四萬五千六百七十八鎊。歲息官路三分三釐。商路六分三釐。俄國鐵路共四千七百英里。每里造費英金二萬一千八百四十六鎊。不知歲息若干。奧國鐵路共九千九百一英里。每里造費英金二萬五百十二鎊。歲息六釐。奧之南意之北另有奧公司鐵路共二千六百餘英里。意國鐵路共有四千二百英里。西班牙有五百二十五英里。葡

出使日記續刻

卷七

三 傳經樓校本

萄牙有三百十五英里。比利時有一千九百餘英里。每里造費英金一萬三千二百八十一鎊。此外各小國共得鐵路五萬九千三百餘英里。以上統歐羅巴一洲計之也。又美國鐵路共七萬一千五百餘英里。每里造費英金一萬一千三百十四鎊。歲息約六分一釐。又亞洲英屬地之印度等處鐵路共六千三百餘英里。美洲英屬地鐵路共四千四十九英里。英屬之澳大利亞鐵路共一千六百餘英里。阿洲英屬地鐵路共一百三十三英里。

初四日記

西人運機器之物不外水火而以水運機如桔槔也水碓也則中國早行之矣今福建安徽四川等省多用水春水磨昔人詩所謂雲碓無人水自春也凡造紙者以水春碎其竹神速無比若用人工則價且十倍以水運磨研粉與西人機器之磨無異春米者亦然日本之以水運機者頗多用以造紙織布縲絲軋花並用以製造各種軍械雖融化五金不得不藉火力此外則全恃水力矣凡言機器者皆曰汽機汽者水之氣也近來運機之水不用人力增減其水蒸久而為汽則放出之既而仍入於水鍋可以循環無窮誠善法也中國內地山谿

出使日記續刻 卷七

天傳經樓校本

之水機如再能別求新法廣用水力其所以運機者較用火力省費奚啻倍蓰或派人至東西洋攷求運用水機與蓄水取勢之法以天地自然之工與天地自然之利豈非厚民生之一助哉

初五日記

議者或云中國茶葉銷數俄居其七英居其二各國居其一攷去年中國紅茶售於英者祇五千二百五十萬磅比之一千八百八十年售英一萬六千九百萬磅之數減至一萬一千六百五十萬磅之多是十二年間統扯每年少售一千三百萬磅矣若仍照此數逐年遞減

四年之後中國紅茶之售於英者從此絕矣推其病源西人皆曰在稅釐過重紅茶每擔出口納稅關平銀二兩五錢釐金又二兩二錢五分合計約規銀五兩紅茶售價連稅釐在內交到通商口岸每擔二十兩是每擔抽稅釐四分之一矣平常茶葉每擔售價約十一兩是每擔抽稅釐十一分之一之五矣按江甯天津和約註明茶葉每擔按價抽稅五釐照彼時茶價固應抽二兩五錢照今日茶價祇應抽七錢半而已查天津和約第二十七款本可更定稅則故西商頗尤各國公使之不能乘時駁論云

出使日記續刻

卷七

天傳經樓校本

初六日記

光緒十三年總理衙門咨詢各國公使以整頓茶葉何者為先各使皆舉減稅答之總稅務司赫德亦稟總署稱中國當先計民生而後籌稅餉自應減稅以衛茶業次年秋間忽又稟稱茶葉出口稅釐即使減少亦恐無益於事總署本無減稅釐之意於是遂作罷論或又謂使英國不銷華茶他國尚有銷路此殆不然查澳大利亞洲於光緒六年購華茶二千一百萬磅去歲僅購一千四百萬磅蓋因印茶價廉改用印茶故也北美洲去歲銷中國紅茶三千一百萬磅較之光緒六年約增七

百萬磅紅茶售於俄者去歲有二千五百萬磅較之光緒六年約增一千萬磅所以然者因兩國喜用紅茶者日眾又無印茶與之爭市也至中國綠茶之售於北美洲者因日本輕稅綠茶每擔僅稅一員以與華茶抗衡去歲中國綠茶銷數有一千五百七十五萬磅較之光緒六年之銷一千九百五十萬磅約減四百餘萬磅日茶則光緒六年曾銷三千九百五十萬磅去年漲至四千七百萬磅十二年間驟添七百萬磅矣可知華茶銷英為最除英之外餘不足論也

初七日記

出使日記續刻

卷七

元傳經樓校本

客秋奧國設一萬國五穀賽會集有名農師籌商各種養民之法有奧農師開報五穀之數據云本歲印度所收糧食計五百四十四萬噸美國所出麥計五百二十兆斗玉米即珍珠米又稱包粟計一萬七千二百石大麥二百九十萬石埃及出口麥計九百五十萬石丹國於同治六年將公司所築之大鐵路購為國路迄今二十五年之久籌款添築新路較前約多六七倍進項則多至十八倍

初八日記

德國向有氣球會德皇以銀五萬墨士賞之約合英金

二千鎊德皇所以頒此重賞者其意欲令創製一大球高如四層之屋徑廣五十六英尺球內可藏炭氣二千五百三十立方英尺其製球之物則以埃及國棉料織成之竣工之日駕之上昇約高至三萬三千尺若駕以周遊地球一年之內可行五十次未知能通觀厥成否也 中國蓋達之昔馬暨滇邊外野人山地之昔馬到大金沙江邊各三十二英里野人山地之昔董大寨到金沙江邊三十一英里滇邊之昔董壩子到江邊四十英里兩昔董中隔一大山相去十九英里昔董大寨距滇邊尚有十一英里蓋達在中國昔馬東十五英里

出使日記續刻

卷七

元傳經樓校本

初九日記

未刻率張聽鳳赴森哲模斯宮朝紳會 古人字書之字急讀為一音緩讀輒為二三音如句吳於越實止吳越二字自魯人效其音乃覺吳有句字發聲越有於字發聲也邾與實止邾字自魯人聽邾音乃覺有與字收聲也中國聽洋音亦然如肥譯為甫意之音育譯為尤何之音猶中國讀蕭字得西廬鳥三音也西洋艾約瑟方言得形新法引說文生於心有節於外謂之音心繫

於肺。肺為氣海。氣由肺發。上達氣喉。氣喉乃歧為口鼻二路。但氣過處未能自成。為聲必因所過各位。有阻礙壓力。與氣相乘。始成各聲。喉中節氣得聲處。狀如箱。名氣喉。出聲源為第一位。其上口狀如舌。向後指。名會厭。為第二位。乃氣喉之蓋。俗呼對嘴者也。對嘴前即為口。其相隔為界者。名吊鐘。為第三位。吊鐘上即鼻底孔。為第四位。氣過此三位。皆能舒縮。閉成聲。又氣由喉出。上衝口及嚙。其相軋處。名舌背。為第五位。又進而舌前。為第六位。又進而舌尖。為第七位。舌尖或抵上嚙之前。或伏下牙牀。或在上下齒中間邊際。移前移後。各成其聲。又進而唇。被氣觸。亦常成聲。為第八位。其圖所列之字。以挨喉根。餘阿發。孫松為舌背音。以歌更兒為舌前舌背合音。以衣臨這。瞞雨捐為舌前音。則與中國字母切韻要法。不謀而合。

出使日記續刻 卷七

三 傳經樓校本

初十日記

中美洲與南美洲之接壤。西人謂之土類曰巴拿馬者。又名可倫比亞屬部之一也。南北約長二百英里。東西闊之中數四十英里。最狹處不及三十英里。有四省地。曰巴拿馬。曰阿助歐羅。曰浮辣古阿。曰克利奎。咸豐五年。新加拉那大。即今之可倫比亞議院定以巴拿馬為民主新邦。而兼

有此四省。得地三萬一千八百九十英方里。戶口約二十四萬。以耕牧為首務。地土肥沃。間隔大西太平洋二洋。為二洋轉運之所。必經。有鐵路四十七英里。以接於二洋。光緒五年。議開一河。溝通大西太平洋二洋。以法人賴賽。樸斯主其事。越二年。河始動工。光緒十五年。以費絀而止。所開土石。有四千八百四十萬立方。適當。未開者。尚有三十萬立方。適當。是河議定長四十六英里。有奇。深二十五英尺。河底闊七十二英尺。河面闊一百二十四英尺。統核經費。用在巴拿馬者。有英金三千一百三十三萬九百三十七鎊。用在巴黎者。一千五百六十二萬八千餘鎊。所購巴拿馬鐵路股分。有英金三百七十三萬餘鎊。用白鴿票法。以集銀。計用英金一百二十九萬餘鎊。另酬於可倫比亞者。九萬八千二百餘鎊。其用過五千二百七萬八千餘鎊。欲成是河。尚需三千萬鎊。法國遣人查攷。弊竇叢生。不可究詰。尚未知工成在何日也。

出使日記續刻 卷七

三 傳經樓校本

十一日記

申刻。率馬清臣赴外部。晤勞德伯里。理論滇緬分界事。奧地利亞於同治五年。改稱奧斯馬加。厥地起赤道北緯四十二度六分。至六十度四分。京師西經八十六

度五十四分。倫敦格林威治天文臺至一百零六度五十八分。倫敦東九度東界俄羅斯及羅馬尼亞。南臨亞得亞海與意大利。西控瑞士。北扼日耳曼。地屬奧地利。亞者十一部。屬匈牙利者四部。又波蘭一部。新得土耳其屬二部。其積二十六萬四千二百三十四英方里。民數四千二百七十六萬二千八百餘人。古時爲勒西亞。諾力加。巴訥尼亞等國。羅馬征服後。爲北狄所據。晉安帝時。匈牙利國甚強。略歐洲之東方。唐代宗時。法蘭西強盛。侵得奧地兩部。法中衰後。轄於日耳曼。南宋乾道元年。日耳曼列邦其主弗勒得力第一升兩部地爲公國。以上公顯理約索美等領之。始都維也納。嗣公勒巴爾第五拓土的里亞地。日主弗勒得力又拓加里瓦拉地。

出使日記續刻

卷七

三 傳經樓校本

十二日記

宋咸淳九年。奧地利亞之哈弗斯堡侯羅爾得福。剛明負權略。眾推爲日耳曼之其主。得格零地亞並弗羅理地。不威迷亞的羅爾亦內附。奧於是始大。是爲哈弗斯堡朝。厥後主日耳曼者多出王裔。王卒。三傳至亞爾伯勒第五。仍爲奧公。娶不威迷亞王女。遂得不威迷亞。幅員益大。數傳至弗勒得力第三。雄武有大略。思由婚媾

以昌其國。與不爾良侯婚。得荷蘭比利時二國。爲子腓立娶西班牙王女。其孫查理遂兼王。西班牙王既王三國。迺命其弟腓地難多王與奧地利亞。其弟又娶匈牙利國之女主。奧遂合匈爲一國。匈牙利即馬加也。并得摩拉維亞。細勒西雅。勞塞帖亞等地。王乃遠交近攻。聯英以擊法。虜其王而質其子。遂得不爾良。拿波里。米蘭。發蘭得斯諸地。明嘉靖六年。英法合兵來攻。拔米蘭。王禦之。復米蘭。屠羅馬。與英法和。以不爾良歸法。教王乞和。加王意大利王之冕。會土耳其侵匈牙利。七山總督約翰引士兵入寇。圍維也納。查理禦卻之。又合英兵迫巴黎。與法人議和。嘉靖三十五年。王查理讓位於弟腓地難多第一。遊西班牙而卒。

出使日記續刻

卷七

三 傳經樓校本

十三日記

腓地難多第一既立。爲政公溥。國乃大和。傳數世。萬曆四十六年。土的里亞公腓地難多第二立。窮治新教。被逐者三萬家。噫英蘇三國來攻。王遣將敗之。法基奧日強盛。合瑞典王來伐。瑞王戰死。奧軍亦挫。王卒。腓地難多第三由匈牙利入即位。厭兵罷戰。割地賂瑞法以和。計不威迷亞一部。削地十之八。失民二百萬。子里泊德嗣。與土耳其法蘭西累歲構兵。久而未已。

國胡康熙四十一年日耳曼各部皆自主其國與與普魯士雄踞南北自帝境內迤西三十六部則稱日耳曼列邦四十九年查理第六為日耳曼其主得西班牙屬土米爾薩爾的尼拿波里血戰十一年至此乃息時有地三十五萬五千英方里雍正十三年法蘭西西班牙薩爾的尼亞三國來伐以羅內賂法多多納與薩拿波里倫巴爾多與西乾隆三十八年奧師會俄人普人入波蘭初分其地乾隆末年法王拿破侖率師伐奧遵亞爾伯山而東所向披靡奧屬土之在意大里者皆淪於法遂逼維也納割埃奧尼諸島及下國荷蘭與法割米

出使日記續刻

卷七

美傳經樓校本

蘭曼士亞倫巴爾多為西撒賓共和之政法乃罷兵嘉慶五年拿破侖又大舉侵奧與王再與議和乃罷十一年英俄瑞來約伐法拿破侖先發制之猝圍奧京王懼而求和割威內薩與意割的羅爾與巴威也拉割蘇亞維亞與巴爾敦巴耳於是兩國合日耳曼中部以南十四州曰萊尼聯邦撒遜等國亦附焉日耳曼千六百萬

十四日記

人皆為法轄王自王其國日耳曼其主之名垂一千年至此遂亡

嘉慶十四年奧王佛朗士斯第二欲修怨於法使皇族

查理及約翰將兵三十萬分道嚮法大敗而還維也納陷王出走再戰再敗乃割壹黎里與法和又割撒爾斯堡等地與巴威也拉分加里細亞與俄及撒遜次年拿破侖來逆王女馬利為后嘉慶十八年拿破侖蹶於壘斯科王以婚姻之故居中排解法王不聽王惠合縱入巴黎明年再流拿破侖各國大會於巴黎各返舊地奧盡復壹黎里亞撒爾斯堡的羅爾東加里細亞及上意大里波江之北倫巴爾多威尼西亞奴兩部以普奧與荷合日耳曼稱同盟四十邦奧為盟主王於是為鄰邦弭讐息爭若拿破侖里西班牙希臘土耳其皆次第平其

出使日記續刻

卷七

美傳經樓校本

難道光十五年王卒子腓地難多第六立二十七年國亂不威迷亞上意大里匈牙利皆叛王遜位於姪即今王佛朗士斯約瑟福第一也乞援於俄大興師伐匈平之初倫巴爾多威尼西亞奴兩部久屬於奧苦與苛政會城米蘭威內薩人揭竿逐守吏薩爾的尼亞亦叛薩王以女嫁法謂法人曰若得大國援以倫威兩部歸薩請獻乃斯撒至二地法許之合兵入米爾王自將禦之敗績遂失倫巴爾多一部咸豐十一年薩人敗國號曰意大里云

十九日記

奧王佛朗士斯約瑟福自迭經失地之後乃盡心謀國開上下議院以通民志普魯斯偵王之有為也陰約意人觀釁而動同治三年奧師會普師攻丹馬丹人獻勞英不爾厄荷爾斯德音石勒蘇益克三部於奧以和普爭之得遂有違言同治五年普意連兵攻奧普兵三十八萬大礮八百尊入奧境意兵二十五萬自不威迷亞入奧合撤遜兵禦之普新製針礮猛迅奧軍不支遂大潰奧京戒嚴法人出為勸和盡割新得丹地與普并償兵費合英金二百萬鎊不得列日耳曼盟會割威尼西亞奴全部與意同時奧國水師有力撤港之捷意之

出使日記續刻 卷七

軍艦大挫焉然業許意以割地不能毀約也王乃輯和邦內以禦外侮以奧與匈並立改國號曰奧斯馬加王兼王馬加明年至匈都行即位禮民大和會積憾胥捐同治六年始與中國立約通商十二年開博覽會於維也納始廢教王權利民教由此相安光緒四年與日耳曼立約取斯必街地十三英方里又以波斯尼亞及亞刺萬兩地永隸奧屬以斯賴渴佛為兩地會城又有琛及克一城逼近土耳其最為首衝奧駐兵於此以振武備云

二十日記

奧地利亞通國教民天主教居百之七十九希臘教居百之十一餘皆他教匈牙利通國教民天主教居百之五十耶穌教居百之二十餘皆他教奧匈兩國歲入之款六萬零九百五十七萬餘福鹿林奧銀之名每一福令歲出之款六萬零八百六十八萬餘福鹿林國債四萬一千一百九十九萬餘福鹿林常備之兵三十二萬有奇臨戰豫備之兵一百七十五萬有奇頭等鐵甲船二次鐵甲船九又次鐵甲船十五餘皆木輪商輪一百七十五隻鐵路官商各半計二萬七千結羅米特以英為八分之五每一結羅米特約半英里有奇英里名邁爾合一萬七千一百九十八

出使日記續刻 卷七

英里電綫九萬三千五百十五英里奧地利亞屬地分部十一曰下奧地利亞曰上奧地利亞曰士的里亞曰格零地亞曰加利瓦拉曰的羅爾并伏拉爾堡曰撒爾斯堡曰登黎里亞曰不威迷亞曰摩拉維亞曰細勒西亞匈牙利屬地分部五曰匈牙利曰達郎西里瓦尼亞曰哥羅瓦西亞曰斯加拉窩尼亞曰達爾馬西亞波蘭故地列部一曰加里細亞附部一曰布哥維納新得土耳其地分部二曰波斯尼亞曰亞刺萬即日薩

二十一日記

奧國岡嶺四合隱如大環域內形勢約分兩戒南戒阿

耳魄士山。山為歐洲之望。奧獨占形勝。自瑞士國入界。隨地命名。約分為五。曰爾峽嶺山。頂積冰雪。曰諾立克山。鐵軌由維也納至格雷時。穴賽懋林派斯山。徑穿山洞。飛橋懸甍。至為幽險。曰克尼克山。曰巨凌山。頗擅名勝。曰蘇納列克山。表延哥羅達爾兩部。北戒大山。二一為漢斯納山。環不威迷亞全境。周三萬二千英里。一為卡批提安山。起多惱河北岸。迤東而南。包匈牙利全境。復包達郎西里瓦尼亞。界羅馬尼亞折而西。復分為三。曰匈牙利之卡批提安哈意倫刺山。縣延匈牙利加里細亞二部之間。曰達郎西里哈意倫刺山。表延全省。約

出使日記續刻

卷七

元 傅經樓校本

二十二日記

奧境諸水。多惱河為大。河夾阿耳魄士蒲爾耕並卡批提安山。歷年開鑿。輪舟暢行。此河發源日耳曼之巴敦。東流經巴威也拉。即拜始入奧士地利亞。有來因河自瑞士經的羅爾南來會之。復東流。脫淪水合諸湖南來會之。至下奧地利亞。愛恩斯水南來會之。又萊賽水南來會之。入匈牙利界。瑪克河自北來會之。東南流。爾拉勃河合勃淪。洵河自西來會。懷格格浪兩水由北來會。

折而南行。至斯加拉部。特拉法河合母阿河自西來會。東南流。梯索河自北來會。再東南與塞爾斐亞國分界。撒窩河自西來會。鐵美士水自北來會。復東南流。經羅馬尼亞國入黑海。蓋多惱河貫歐之中原。俄土羅馬尼亞諸國商船輸運。皆上溯奧及日耳曼諸邦。順流泛海。為全河長千七百七十英里。奧得其八百四十六英里。乘方得三十一萬英里。奧占其十七萬七千英里云。又特捏士塔河發源加里細亞。下流經俄境入黑海。維士克耳河發源細勒西亞。下流經俄普境入波羅的海。阿得河發源摩拉維亞。經細勒西亞入普界。厄耳白河發源不威迷亞。過巴拉加會城入撒遜境。阿的區河為通亞得亞海要道。發源的羅爾之格倫。南經意國威內薩入海。此奧境諸水大較也。

出使日記續刻

卷七

元 傅經樓校本

二十三日記

奧境北不逮波羅的海。東不濱黑海。所持以通海道者。僅亞得亞海一隅。此海為地中海之東灣。亦名威內薩海灣。奧自失威尼西亞奴一部。江河下游悉歸鄰境。鐵軌東來。必經阿耳魄士荒山。始至壹黎里亞。濱海雖屯水師。天險究與意大利共之。故現以的里也斯德及坡拉兩部為重鎮焉。奧以下奧地利亞為首部。在阿耳魄

士山東盡處多惱河貫其中。西岸大城名維也納。奧都城也。在赤道北四十八度十二分。京師西一百度零七分。倫敦東十六度。城周三英里。通門十二環。以深濠。物產則有綢緞絨呢地毯棉花書籍地圖樂器磁械磁器。加里細亞一部。波蘭舊地也。凡三萬零三百六英方里。乾隆末第三次分波蘭。始全入奧。地在卡批提安山背。居民六百九十萬。會城曰陵卑爾谷。近台尼斯潔河。又布哥維訥部四千零三十四英方里。居民六十四萬。波斯尼亞及亞刺萬。并諾維巴薩。新得土耳其地也。東鄰塞爾斐亞國。以特林諾河爲界。諾維巴薩伸入土境。

出使日記續刻

卷七

聖傳經樓校本

爲奧極南邊地居民一百四十萬。

二十五日記

昨赴柏金韓模宮英君主之朝眷會。今日午刻赴英新造屬國會館。觀英君主行開門之禮。數日前有一英商久居巴西者來謁。因問巴西遣使中國立約招工。據稱將設公司包辦此事。余告以中國即許華工赴巴西。備墾。但不願洋人往招。而欲導其自往之路。若公司包辦。則華人必失自主之權。又將蹈古巴秘魯猪仔之覆轍矣。必不能允。因詢以巴西情形。據云巴西沃土甚多。田地已墾者僅四分之一。天時炎熱。難免疫氣。都城有

六十萬人。自改民主以後。民氣轉多不靖。蓋巴西本一統之國。其改民主例與美國相同。各部競思自主。政令斷難畫一。現議仿法國民主之例。如能辦到。庶有豸乎。蓋法國雖稱民主。而仍統於一尊。各部無角峙之勢。非若美之合眾國爲國也。又稱十數年前。巴西與中國立約後。華民往者三百人。工期五年。既皆屆滿。今乃各業所業。大都皆小本營生。及捕魚墾田之事云。

二十六日記

電致總理衙門云。滇事磋商已久。彼堅不認冒侯前議。又謂新設威邊廳。係卡瓦舊地。與車里孟連兩土司向均入貢於緬。察爲兩屬。緬官又以照約入貢爲恥。隱圖狡賴。外部被印度牽制。動輒停商。殊覺計窮力竭。惟印度覬逼滇疆。意甚叵測。若不稍展拓。無以折彼隱謀。兼啓他國窺伺。賴鼎力始終扶助。伸金江爲界之議。彼有所憚。可就範圍。頃外部來文。據與印督商定。孟定橄欖坡西南邊外。讓我一地。曰科干。抵路江左岸。凡七百五十英方里。又自猛卯土司邊外作直綫。抵路江麻栗壩之對岸止。悉劃歸中國。約八百英方里。又久淪於緬之漢龍關。勘界時可歸中國。又以野山地之昔馬。及其迤北迤南歸中國。約三百數十英方里。彼此較易分守。又

出使日記續刻

卷七

聖傳經樓校本

允我收回車里孟連威邊全權自後與英無涉又飭緬
員明年呈進方物查展地皆係靠邊較易控轄其餘分
界可悉照滇國界綫似此收場雖變換曾侯前議尙足
與三端相繫明知荒地無益必稍有所展一杜各國輕
視二窒印度狡謀三護滇邊土司四免彼勒界時侵入
滇境彼族異常黠勦刻思乘機翻異歐使又暗中恭接
事機呼吸應否摘要先呈

御覽電示機宜迅與定局杜彼狡變容即具摺詳奏並
與外部商訂條約通商章程約三箇月可了事前論分
界索彼已得之地故難今議通商款以可獲之利故易
出使日記續刻 卷七 聖傳經樓校本

二十七日記

空氣中有電即動植諸物亦莫不有電電之性分陰陽
同則相驅異則相吸電之用分乾溼可藉其力以運動
別物亦可借其用以大放光明近三十年來研究愈精
運用愈妙工人以之鍍金銀器皿醫生以之治病將士
以之施放巨礮及水雷農圃以之培養植物國家以之
處決重罪人犯或用以傳聲或用以傳信雖數萬里外
瞬息往來又自電燈盛行而煤氣燈爲之黯然減色如
礮臺之守禦兵艦之游行皆用電燈窺伺敵人近來西

人體察愈深咸以電燈但於夜間放光白晝無所事事
恐將機器空擱遂用新法以銅綫通於別種機器一經
運動千輪萬軸旋轉不已各處工作之場皆用之夜則
仍放光明一舉兩便邇來又以電氣行車較之火輪車
無震動轟炸之患無風雨遲緩之虞如日後再用電力
以行船則更妙矣

二十八日記

洋字由左橫行向右有大楷小楷草書行書四種字母
凡二十六以華音呼之曰愛曰比曰西曰低曰衣曰愛
夫曰奇曰愛疑曰挨哀曰及哀曰開曰愛尼而曰愛姆
出使日記續刻 卷七 聖傳經樓校本

出使日記續刻 卷七

聖傳經樓校本

曰愛恩曰卧曰披曰口育曰阿而曰愛司曰梯曰宥何
曰維宜曰達勃留五曰愛克司曰歪哀曰思熱梯其拼
字法以愛衣挨哀卧宥五字爲韻猶中國翻切法用尾
字爲韻其出切字用及哀開口育三字皆喉音也用低
梯愛尼而三字皆鼻音也用思熱梯愛司二字皆齒牙
音也用比披愛姆愛夫維宜五字皆唇音也西洋用韻
愛字有哀鴨挨回惡五聲衣字有衣合歐三聲挨哀字
有挨哀一三歐三聲卧字有蛙惡凹屋烏厄六聲宥字
有尤何厄歐屋四聲此用韻之糾紛當通切韻以一之
者也西洋字母考其音韻之通轉有正紐倒紐二法如

提卧為杜字。卧低則為惡疊字。愛甫衣為非字。衣愛甫則為愛甫字。衣字無音矣。開挨哀為卡哀字。挨哀開則為一克字。挨哀開口變為齊齒矣。愛司宥為西育字。宥愛司則為厄司字。思熱梯愛為才字。愛思熱梯則為鴨是字。愛能卧為拿字。卧愛恩則為益字。愛能在前為噤音。為第三位。在後則為尾音也。

二十九日記

愛能愛為男字。愛愛恩則為鴨痕字。卧宥為惡何字。宥卧則為育字。此皆二字拼法。一通切音。可以正倒。審其音之輕重也。皮愛低為拔疊字。低愛皮為達勃字。梯愛

出使日記續刻

卷七

墨 傳 經 樓 校 本

披為塔浦字。披愛梯為攀脫字。愛能愛披為捺浦字。披愛愛恩為攀字。愛姆愛低為襪疊字。低愛愛姆為達姆字。梯衣愛恩為吞字。愛能衣梯為納脫字。此三字拼法。一通切音。可以正倒。審其音之輕重也。皮愛愛為排字。皮衣衣為皮字。特勃留五卧衣為華字。特勃留五卧卧為何字。此可見尾音重複。反致無音也。愛司披歪哀為司派哀字。愛司梯歪哀為司太哀字。此可見三字均響。則皆有音也。即洋字中有同一字形而音義微異者。據華音以切之。異者亦歸於同。如洋語弓為耙。揖拜為抱。何其字同為皮。卧宥何。洋語風為活音疊。旋轉為槐音。

疊其字同為宥。阿挨哀愛恩提。又如石灰黏膠為失門。脫灰榻黏膠為細門。脫字音分輕重也。快活為瞎潘。更快活為瞎潘。歐頂快活為瞎潘。愛司脫字音之加尾也。大致不外切韻九音法。曰牙音。曰舌頭音。曰舌上音。曰重唇音。曰輕唇音。曰齒音。曰正齒音。曰半齒音。曰喉音。無論二字拼至十餘字。皆可得而易知也。中國不識洋音。但能識得洋字之音。則遇洋人書字。欲察其是否。須先問洋人如何講說。今據中國之切音。取西洋之字。音聽彼講說。起音係何字母。收音係何字母。中間轉折。係何字母。然後勘其所書之字。合與不合。自無不豁然矣。

出使日記續刻

卷七

吳 傳 經 樓 校 本

四月癸丑朔記

漢諾威日耳曼之大國也。昔者英吉利無主。英之臣民迎漢諾威王入主英國。仍兼王漢。如是者累世矣。漢例有與英例不同者。英例君主無子則傳女。漢例不能傳女。今女主維多利亞即位。遂立其同宗某公爵。使王漢諾威。在英仍為公。在漢則為王。先是日耳曼諸國。以奧地利亞為最大。普魯斯次之。巴威也。拉曼。又次之。漢諾威又次之。漢國轄境頗廣。其地幾與伯靈相接。數十年來。普國日長。炎惟巴漢兩國。與普頡頏。有相爭相

忌之勢。同治初年。普伐奧。乘勢先滅漢諾威。漢王奔法。寓居巴黎。普乃大敗奧師。多割其地。是時普相畢士麻克用事。崛起稱雄。以英之強。坐視宗邦之覆滅。竟亦不能救也。普既蹶法。改號德意志皇帝。日耳曼會盟諸邦。無不奉普為其主。自居屬國之列。德人頗風示漢王。如能降心相從。奉德正朔。可悉返侵地。俾王故國。漢王不稍貶節。竟不之應。德乃派官治漢。除去常用經費。餘財悉為存儲。且曰。漢王如降我。財與地悉返之。無何漢王卒。其子仍寓巴黎。自稱漢諾威王。亦終不肯降德。近年有人說合。王乃自稱不願歸王故國。亦不勸其舊民與

出使日記續刻 卷七

吳傳經樓校本

德為難。德於是以前年所儲餘財返之。然自是漢地終為德有矣。武昌設自強書院。分算學方言格致商務四齋。

初三日記

美國大公堂前定驅逐華人之例。凡華人不注冊者。驅逐出境。但華人不肯照行。十萬人中僅有四千人注冊耳。其餘九萬六千人皆應驅逐。若照原例。須用經費五百萬員。而有著之款。僅得三十六萬餘員。有不能舉行之勢。大約此例當廢矣。美國議者或稱華人在太平洋各國。極為有用之工。若驅逐之。不啻自去地方之利益。

俟下次開議院時須駁去此不善之苛例。或又慮美人在中國者。中國亦仿而行之。如是則必有撤使之舉。美國總統之意。非將驅逐華人事辦妥後。決計不派公使駐華。現計美人在中國者僅一千人。似不畏中國之仿行報復。惟中美兩國若果因此絕交。則中國茶葉之貿易。將為印度及英人所得。美國火油之生意。將為俄人所得耳。

初四日記

檀香山歸併美國一事。土民願從此議者一千九百二十八人。不願從者四萬人。中俄兩國曾立接連電綫

出使日記續刻 卷七

吳傳經樓校本

之約。經俄使喀希尼與李中堂於去年西八月在津簽押。約內所載。如有更換。當以十年為期。其接連之路有二。一由牛莊至諾倭業斜羅。一由呼倫貝爾至布拉郭威什臣斯克。即海蘭泡之電業已竣工。歐亞來往電信。已可由此發寄矣。由俄都至中國一路。每字價法銀五方。由他國寄信東方者。每字八方。八十生丁。此事俄國為自收其利起見。此路電綫竟與海綫取資無異。大失眾望。駐京各使皆起而爭之。英國使尤為不悅。然迄無挽回之效。各使現欲追議一千八百八十五年所定之電報公會云。

初五日記

美國駐法領事將二十年來法國興旺情形報知美國。據云自拿破倫第三失國。法地出煤較前可增一倍。逐日用煤較前多燒十分之七。鐵路運貨之噸數較前增百分之八十七。火車所載客商人數現已加倍。國家存款在銀行者加至四倍。辛卯年法國在東京用過之款計一千零九十二萬五千員。協餉等項進款有九百四十九萬六千員。實虧一百四十二萬九千員。法國國債截至今年西正月初一日止。實有三萬零六百一十一兆六十八萬五千佛郎。較昔又增多矣。英國進口

出使日記續刻

卷七

辛卯年傳經樓校本

貨多於出口貨。近十箇月中進口貨祇少英金一百五十萬鎊。出口貨少至一千九百五十萬鎊。若以一年核算。即應少二千四百萬鎊。英國生意如此。大非興旺氣象。

初六日記

德國現有國債十六萬七千一百萬馬克。約合英金八千三百五十五萬鎊。將來仍有增無減。緣俄法兩國。年年整飭武備。德不能不設防也。惟以民人五千萬合算。欠債實非甚多。若以德國盟邦欠債而論。則德國欠債為甚。普魯士邦欠英金三萬萬鎊。泗克生邦欠三千

一百六十萬鎊。巴利尼亞欠六千六百六十五萬鎊。各小邦所欠之債。尙未計及。至各邦之債。尙有鐵路作抵。而普魯士進款。足付常年利息。並可帶還國債。德戶部歲由各盟邦提款以資使用。去年各邦解往德都者。三萬二千一百萬馬克。後兩年尙須稍增其行息。則自三分至四分云。

初八日記

法國礦務新報由各處查明天下所出金銀。計辛卯年共出金二百零六噸。值英金二千六百三十二萬鎊。共出銀一千七百七十七噸。值英金三千七百三十六萬

出使日記續刻

卷七

辛卯年傳經樓校本

鎊。出金之數。首推美國。次澳大利亞。次俄國。次南阿非利加民主國。次非洲亞洲之英國。新疆。次則中國。查美國所出之金。值英金六百八十八萬鎊。澳洲出金值五百零八萬鎊。俄國出金值四百六十八萬鎊。南非洲出金值二百七十六萬鎊。阿亞兩洲英屬新疆出金值一百九十二萬鎊。中國出金值一百零八萬鎊。紐即倫脫出金值七十六萬鎊。其餘每國出金。值二十萬鎊至二十八萬鎊不等。出銀之數。亦首推美國。值英金一千五百六十萬鎊。墨西哥出銀值一千零八十四萬鎊。波利非亞出銀值三百二十萬鎊。德國出銀值二百七十六

萬鎊。智利山銀值六十萬鎊。西班牙與法國出銀各值四十萬鎊。中亞美利加與英屬之亞阿那出銀各值四十萬鎊。中國山銀值三十萬鎊。此前年各國所產金銀大略也。

初九日記

前年美國進款合計英金八千五百十七萬三千六百四十鎊。出款八千三百十九萬零七百六十一萬鎊。淡巴菰出自荷蘭。然後西班牙法蘭西從而效之。傳至日本盛行於中國。塞上價甚昂貴。至以馬一匹易煙葉一斤。謂可治寒病。初設厲禁。禁弛而播種遂廣。浸假又

出使日記續刻 卷七

至傳經樓校本

有鼻煙。王公貴人多好之。按意大利多產蔞草。國人碾而製之。曰布露輝盧。英人名之曰士那富。以鬱蘊既久。香氣乃醇。相傳彼國有人藏煙葉甚多。數十年發視。變為塵土。嗅之有異。始仿製為鼻煙。歐洲人服之者。以俄法為多。氣辛以辣。近日鼻煙亦已多非舊質。今論煙之品。上者曰飛煙。次則鴨頭。色綠而味微酸。謂之豆煙。煙究以深綠為上。鴨頭綠次之。深綠歷百年變為深紫。有近墨色者為最上乘。鴨頭久亦微黃。漸成紫紅。質薄氣烈。有白色者亦為佳品。大約色以深為上。淡為下。黑為上。黃為下。味宜酸。氣宜靜。質宜舊。其用則通百脈。達九

竅。調中逐穢。惡解瘴疫。愈頭風。明目。至備煙者謂之瓶。又謂之盒。載煙者謂之壺。取煙而注之。壺者謂之漏。煙在壺。撥諸器以餉客者謂之壺。刺於瓶以別美惡者謂之挑。挑疊以象牙為之。壺之製則珠玉瓷石鼎木無不兼用。

初十日記

詩有之曰。相其陰陽。觀其流泉。後世風水家祖之。記有之曰。外事以剛日。內事以柔日。後世日者家祖之。是知風水與擇日之說。由來舊矣。泰西風俗並無此事。其墳墓則規一曠地為叢葬之區。不論貧富貴賤。皆萃其中。

出使日記續刻 卷七

至傳經樓校本

但其邱隴在富貴者則修飾精整。在貧賤者則規制卑陋耳。然在地上則數千百塚。纍纍排列。在地下則互為隧道。四面皆如牆壁。以棺推入其中。而所謂龍脈形勢者。皆無有也。其宮室則或閃敞。或庫隘。無慮皆係樓房。依街衢自然之勢。雲連櫺比。不審嚮背。不擇時日。即所謂衝太歲坐三煞者。皆不忌也。大抵中國久有風水與擇日之說。人人意中皆有此事。故亦能稍稍顯其禍福。西洋本無此說。人人意中皆無此事。故禍福亦無從著焉。陰陽怕業懂。此之謂乎。

十一日記

許竹篋星使來函云。帕事似俄廷訓我調兵添備。意在與爭。始有請我另指實地。再行和商之說。上月初旬俄外部亦有華兵不出。俄不調兵前進等語。露堂見嘎爾斯力以顧全和好為言。嗚呼。謂然。揣度近來情形。可免決裂。但彼此界議。尙難合龍。仍是相持之局。署咨歸裝。明言各按俸薪。分別加復。則使臣至隨員。應領九成。似無疑義。前歲署電乃一時權加。今既咨行。前次足成之例。自作罷論矣。洪文卿侍郎去秋兩為言者。余聯沅糾其界圖。誤將華地劃在界外。似聞因尊處摹繪英外部所送圖。譯者加注界圖虛綫。謂為誤據俄本。其實英官圖局本如出使日記續刻 卷七 登傳經樓校本

十二日記 此以批推拾。大為南城士大夫口實。其疏則一留中一交署覆已了

中國以嗣續為最重。孟子謂不孝有三。無後為大。蓋有鬼猶求食之說。又有神不歆非祀之說。若敖氏之鬼。不其餒而令尹子文所以泣也。佛氏生於印度。其說亦頗相符。故以人之生前造孽者為餓鬼。鬼而稱之為餓。則鬼真求食矣。求食必賴子孫之祭祀。講陰陽者遂以絕嗣為最重之罰。良有由也。泰西風氣則不然。往往有富擁鉅萬而終身不娶。將死則輸之教堂。分之朋友者。往往有貴為總督。或各部大臣。年近耆艾。猶孑然一身。晚

乃娶一耆艾之處子。不過聊以自娛。意本不在生育者。蓋彼本視子孫為甚輕。若居可有可無之列。所以然者。彼謂人死之後。歸於冥漠。無所謂求食也。此耶穌之說之與儒佛不同者也。洋人無事不講覈實。大抵如此。然之死而致死之。不仁而不可為也。聖人豈不能為洋人之覈實哉。蓋深有見於鬼神之德。體物不遺。祖宗與子孫。實有相依相繫之理。人人知此。則為善者有所勸。為惡者有所懲。而報本追遠之意。油然而生。耶穌之教。非不覈實。然而難免不仁之譏矣。

十三日記 出使日記續刻 卷七 登傳經樓校本

英法兩國雖皆稱饒富之國。然法自為德人所敗。國債累累。困於輸息。以至無物不稅。無稅不重。尙有子子不終日之勢。英國則帑項充裕。凡人所資為衣食及日用必需之物。無不優免關稅。以廣招徠。其重收關稅者。惟煙酒茶葉加非四者而已。舊時英關於綢緞米麥等亦莫不有稅。厥後用議院之議。漸裁各稅。而以其稅加之。煙酒加非茶葉之中。然近來英關收數仍不減於舊者。以煙酒加非茶葉之銷數甚繁也。議院之言。蓋謂布穀等物。民所仰為衣食者。稅之則礙民生計。故竟裁之。煙酒加非茶葉並非人生必需之物。而人必欲用之者。不

過徇一時嗜好。而其力亦必稍有餘者也。彼既可已而
 不已。雖重權之亦不為過。譬之人吸雪茄煙者。日費三
 本土。今加其稅。俾日出六七本土。亦於其人尙無大損。
 此所以值百抽百。或抽二百。而民不以爲病也。此所以
 能用四宗之稅。敵百貨之稅也。余於是恍然於中國之
 關。亦可漸用此術。昔南宋以一隅之地。支持強盛之女
 眞。趙開爲張浚理財。僅恃四川一省。所供之餉。數倍於
 全盛之時。而能源源不竭。其大端亦不過倚辦於權酷
 權茶數者。英人之法。殆暗與此合。今中國關稅及洋藥
 釐金。每歲收銀約二千餘萬兩。誠將各物出入口之稅

出使日記續刻

卷七

五 傳經樓校本

十四日記

一 概豁免。而於茶葉出口稅酌減其半。以輕成本。所有
 歲收二千餘萬兩。盡加之於洋藥釐金與煙酒。加非之
 中。其洋紗洋布火油自來火四項。亦須加稅一二倍。以
 保華民生計。豈非自富自強之要圖乎。

余聞南北冰洋人皆短小。其地不生草木。以雪爲廬。以
 冰爲牀。以魚爲糧。以獺皮爲茵。魚與獺皆捕之冰中者
 也。水之所產。舍此無別物焉。以犬與鹿爲使。或駕車或
 運物。而以魚骨養之。陸之所產。舍此無別物焉。夫赤道
 之下。天氣炎熱。而人皆短小。以其終歲發生人之氣不

一 歛。則長養亦不能宏也。南北冰洋。天氣沍寒。而人皆
 短小。以其終古嚴凝。人之氣不一舒。則孕育亦不能厚
 也。然則得天地中和之氣者。惟居黃道下爲最相宜乎。

十五日記

西俗於養身之道。無論貧富貴賤。皆較華人爲講究。凡
 稍有身家者。每膳必食兼味。必有牛肉。有洋酒一二品。
 食畢。有水菓。有加非。有雪茄煙。早晚必飲牛奶。或牛肉
 湯。日用之需。約須以洋銀三四員爲度。其衣服雖皆用
 黑呢。短衣窄袖。然聞其費亦頗不菲。大抵洋人性情。好
 潔好整。好便捷。好示闊氣。好有益於身體。而卻疾病。雖

出使日記續刻

卷七

五 傳經樓校本

十六日記

工人僕御之流。每七日亦必食牛肉一二次。否則謂無
 以養生也。華民之傭工外洋者。每日可得工費洋銀二
 員。或三四員。而其自奉甚菲。衣食至爲濫惡。意在節省
 以蓄餘資。洋人往往嗤鄙之。其議以爲天地之間。人爲
 貴。天本予人以自養之權。今華民欲等人道於牛馬。則
 我亦不能以人道待之。美國所以有驅逐華民之政也。
 雖由貧民之忌人奪其生計。然使華民稍自修飾。不露
 寒儉之態。其被嫉當不至若是之甚。風氣所趨。有不得
 不然者耳。

中國用人以富者爲嫌。西俗用人以富者爲賢。其道有相反者。夫登龍斷以左右望而罔利市者。謂之賤丈夫。中國數千年來。無愚智皆知賤之。西漢摧折富商。俾不得與齊民齒。即使其中有賢能者。亦往往擯不用。偶或誤用之。未嘗不致禍敗。其矯枉過正者。遂有明知其賢而避嫌不用者矣。故貶之曰銅臭。斥之曰守財虜。中國之習俗然也。泰西各國最重議紳。議紳之被推選者。必在殷富之家。謂之體面人。且其平日必散財厚施。以沽名譽。然後能爲眾所推。間有十之一二。以寒士膺選者。則因其才學已著。有富人代之用財。冀其入議院而助出使日記續刻 卷七 聖傳經樓校本

已也。至其選爲各部大臣及宰相者。非殷實之世爵。卽富厚之名人。其意以爲彼皆不憂衣食。專顧體面。未有不竭誠謀國者。而其所用之人。非特犯贓罪者。願魁。往往皆能稱職。大抵人才視風俗爲轉移。彼知爲眾所棄。則竟自棄矣。爲眾所重。則亦自重矣。且西洋之寒門貧族。所以不出人才者。彼白人塾讀書以後。非極富則不能爲上等之學問。非極富則不能交上等之朋友。况復囿於見聞。牽於衣食。其不能開拓胸襟也。審矣。若夫豪傑之士。非以財助之不興也。蓋有恆產卽有恆心者。吾於泰西風俗見之。

十七日記

印度洋中鱷魚最夥。擒之之法有三。或用手槍擊中其目。他處彈不能入也。此非眼明手快者不能。或有趨捷者。躍上鱷背。不啻騎鯨而去。以兩手扼其目。取之亦易。更或用竹竿尖其兩頭。手執其中。立於海邊。誘之。魚見人影。以爲可啖也。張口而來。捕者持竿送入。一經吞噬。口不能合。然後再傷其兩目。而魚卽斃。又聞南洋白蠟等埠。因有鱷魚爲患。土人被害者不可屈指計。於是居民操強弓毒矢。以與之從事。一月間捕獲十六尾。最巨者長十九尺。圍寬九尺。亦有甫經上釣。卽悠然長逝者。出使日記續刻 卷七 聖傳經樓校本

然自此鱷漸息矣。

十八日記

梵典分大地爲四大洲。實在西洋圖說一千數百年以前。其名曰南瞻部洲。西牛賀洲。北具盧洲。東神勝洲。魏默深氏謂西洋圖說之四大洲。僅得梵典四洲之二。其說以爲水中可居曰州。亞細亞歐羅巴阿非利加皆有陸地。可通實爲一洲。蓋卽釋典之南瞻部洲。亞美利加卽釋典之西牛賀洲。至北具盧洲。則隔於北冰洋。東神勝洲。則隔於南冰洋。海船不能至其地。遂不能遇其人等語。魏氏解釋典之四洲。視洋人圖說之四洲。益遼闊。

矣。余謂人迹所不能到之地，即人物所不能生之地。此可以理決者也。北冰洋在俄羅斯陸地之北，南冰洋在南洋大海之南，居北極南極之下，皆一片冰雪，幽闇昏昧，日光不照，人物不生，釋典烏得稱之乎？且南北極之下，為地球南北之樞，不能得大地百分之一。若以地球周圍大勢測算，又安能容此兩大洲乎？然則釋典之四洲，殆即西洋圖說之四洲無疑也。魏氏引說文水中可居曰州之說，謂亞歐阿三洲皆有陸地，可通實為一州，未免失之太泥。蓋說文之意，不過就大勢而言，假令其地四面有九分為水所環，僅有一分通陸，固亦可謂之州矣。今雖不能就釋典之四洲確為注解，大約美洲即西牛賀洲，其南瞻部洲似指印度及南洋各島言之，則東神勝洲為亞洲無疑，而北具盧洲為歐洲無疑矣。阿洲或附印度，或附亞洲，未可知也。魏氏之說，難免闕大不經之議已。

出使日記續刻 卷七

堯 傳經樓校本

二十日記

昨赴外部燕會，慶英君主生辰也。君主生於西五月二十四日，今燕會移於西六月初三日云。日本於辛卯年編查戶口，其得四千零七十一萬八千餘人，內男丁二千零五十六萬三千餘口，婦女二千零十五萬五千

餘口。於此十年之中，竟增民三百八十萬八千餘口。近三年中又增民一百一十二萬二千餘口云。

二十一日記

梅氏定九之言曰：遠國之言，歷法者如唐之九執歷元之萬年，歷明洪武間所譯回回歷，皆出西域，而東南北無間。蓋堯命羲和仲叔分宅四方，岫夷南交朔方，皆有定處，獨和仲曰宅西，不限以地，知當時聲教之西被者尤遠。迄乎周末，疇人子弟分散遐方，抱書器而西征者，勢固然也。歐羅巴在回回之西，其歷法與回回同源，世世增修，遂駕回回之上。羲和久失其傳，古籍僅存周髀

出使日記續刻 卷七

李 傳經樓校本

一法。西人渾蓋之器，地圓之說，皆不出周髀範圍，而周髀之學，直接羲和，亦可知源流之由中及西。西人特加精之耳。何容以中西之見歧之哉！明季閣臣徐光啓奉命譯西洋歷算新法，書成未用。

國朝始準頒行，然攷康熙初年，疇人與西洋人爭許不休，廷臣莫能定其是非。

聖祖爰於萬幾之暇，搜討數十年，遂造精微。

御製三角形論，融會中西諸術，又徵梅穀成供奉

內廷，充

蒙養齋律歷洞源總裁，測量日星，攷核求是，復遣官往

浙閩粵分測日影月食以定諸差凡躔離朧胸交會之原五緯伏見遲留之故逐一詮解日呈御覽親加點定成書四十餘卷名曰歷象攷成

二十二日記

西洋諸國武備日新文教亦蒸蒸日上英國倫敦有赫來士呵斯必鐸者大學館也建自三百五十年前學徒七百人有可造者升之岳斯笏大書院倫敦又有播犁地土母席庵者為最大書院中國經史子集無不收藏男女看書者三百餘人早入暮歸且於中國聖人之道無不悉心體會英之文教蓋如此德國書庫在新皇宮出使日記續刻卷七

李傅經樓校本

之旁屋中列數千年前樂譜及各國古字俱以羊皮為之有掌書所亦藏中國經史子集並有梵文字彙蒙古舊史吐蕃紀載每日九點鐘至四點鐘凡來領書鈔讀者二百餘人德之文教蓋如此美國人皆入書院分十餘班升首班者入都學院專教格致史鑑歷學算法他國語言文字及藝術必用之書再上有實學院院有上下分十三班考得首班者入大書院肄業肄業既成升之仕學院蓋欲其學優而仕也院中藏書與英略同其所肄業諸學一經學專論教中事也二法學考論古今政事利弊及通商事宜也三智學格物兼性理文字諸

言諸事也四醫學博考經絡表裏及製配藥品也美之文教蓋如此

二十三日記

鐵壁關與壘弄相近在騰越西南六十英里北緯二十四度十九分倫敦東九十七度四十七分字林報云吳淞口內之高橋沙又名鴨鴨沙淤淺日甚無論大小船隻非有大潮竟不能駛進黃浦實關上海通商全局若不設法開濬恐西商必移至他方另擇便當之處而上海市面冷淡矣英國出口之外國貨物與出口之新疆貨物其值英金四百七十八萬八千餘鎊較之往年均有增無減而生棉羊毛兩項為數尤多俄廷今年額外動用款項約計八千一百萬羅布大半建造鐵路而悉畢爾之鐵路亦在其內如擬定之數目仍不敷用俄廷即擬借債二千五百萬羅布以補不足

二十五日記

上海輪船招商局第十九屆帳略綜結一該股分資本規銀二百萬兩一該保險股款規銀二十萬兩一該洋商存款三十二萬餘兩一該往來存款四十六萬餘兩一該股分存息銀二十二萬餘兩一該自保船險一百三萬餘兩一該綜結公積規銀六十九萬餘兩又有零

出使日記續刻卷七

李傅經樓校本

款三小宗其結該各款規銀四百九十七萬餘兩一存往來欠款規銀三十九萬餘兩一存朝鮮借款十二萬餘兩一存舊帳股票產契抵欠銀十萬餘兩一存現有銀洋五萬餘兩一存借發輪船保險二項股息銀二十六萬餘兩一存華棧資本五萬兩又有零款七小宗其結存規銀一百十萬餘兩一存船二十七隻其計本銀一百八十二萬兩一存各口小輪船躉船駁船各局生財漕米麻袋共計九萬兩一存上海東棧本銀二萬兩北棧二十八萬兩中棧十三萬餘兩南棧七十九萬兩一存天津棧房十六萬餘兩一存漢口棧房十七萬兩

出使日記續刻

卷七

奎 傳經樓校本

一存九江棧房七萬兩一存鎮江棧房五萬兩一存香港棧房七萬四千兩又各口棧房十餘處其計棧本一百九十二萬兩統計結存各款規銀四百九十七萬餘兩

二十六日記

招商局第十九屆綵結一進各船餘款規銀四十九萬餘兩一進漕運局帳四萬六千餘兩一進撥補各船運漕駁力二萬餘兩一進北棧餘款六萬餘兩一進客貨棧租六萬餘兩一進各口產租五萬四千餘兩一進售舊物料六百餘兩共計結餘規銀七十四萬餘兩一支

上海地租二萬五千餘兩一支各項修理二萬七千餘兩一支各項繳費十二萬餘兩一支各項息款四萬九千餘兩一支股本官利十二萬兩其計結支規銀三十四萬餘兩除支結餘三十九萬七千餘兩一各船棧折輕成本二十六萬八千餘兩一提派股分餘利八萬兩除支淨結餘規銀四萬九千餘兩一提派各執事酬勞獎賞四千九百餘兩實計結餘四萬四千餘兩一上屆結存公積銀六十六萬餘兩除贈卹唐景星觀察一萬五千兩統其實存公積銀六十九萬兩

二十七日記

出使日記續刻

卷七

奎 傳經樓校本

招商局現有輪船計存永清船本規銀四萬兩日新船本銀五千兩豐順船本七萬五千兩江寬船本七萬五千兩江永船本七萬五千兩鎮東船本四萬兩海晏船本十萬兩海琛船本五萬兩海定船本五萬五千兩江天船本八萬五千兩江孚船本六萬五千兩江通船本三萬兩海昌船本一萬兩江平船本五千兩致遠船本七萬兩拱北船本四萬兩圓南船本七萬兩普濟船本四萬五千兩江裕船本十二萬兩富順船本十一萬兩廣利船本十一萬兩美富船本四萬五千兩廣濟船本三萬兩新裕船本十四萬兩固陵船本三萬兩新豐船

本十五萬兩。新濟船本十五萬兩。以上其商輪二十七號。結存船本規銀一百八十二萬兩。

二十八日記

上海仁濟和保險有限公司合辦第七屆帳略綜結。一該股分資本規銀八十萬兩。一該前屆股分存息一萬一千餘兩。一該本屆股分存息六萬四千兩。一該綜結公積銀四萬二千餘兩。又零款七小宗。其結該規銀九十四萬一千餘兩。一存招商局銀二十萬兩。一存織布局八萬兩。一存匯豐銀行二十七萬兩。一存法蘭西銀行十五萬兩。一存麥加利銀行五萬兩。一存招商局往

出使日記續刻

卷七

奎傳經樓校本

來銀十五萬五千餘兩。又零款七小宗。其結存規銀九十四萬一千餘兩。綜結一進各局保費規銀八萬六千餘兩。一進招商局息銀六萬二千兩。一進匯豐息銀九千二百餘兩。又各處息款七小宗。其結收規銀十三萬五千餘兩。一支保險賠款。除轉保攤賠及溼貨拍賣外。實賠銀七萬八千餘兩。一支股分八十六釐官利四萬八千兩。一支股分二釐餘利一萬六千兩。又零款七小宗。共計支規銀十五萬一千餘兩。淨計本屆結虧銀一萬五千九百餘兩。一提結酬勞一千兩。一上屆公積餘存五萬九千餘兩。實計結餘公積規銀四萬二

千三百餘兩。

五月壬午朔記

光緒十七年。英國運到中國之貨。值銀二千九百六十二萬餘兩。香港運到之貨。值銀六千八百十五萬餘兩。印度運到之貨。值銀一千二百四十七萬餘兩。新嘉坡來貨。值一百七十六萬餘兩。新金山紐西蘭來貨。十一萬餘兩。加那大來貨。九十三萬餘兩。以上英國及英屬地來貨。共值銀一萬一千三百零六萬兩。中國運往英國之貨。值銀一千三百七十七萬餘兩。運往香港之貨。值銀三千七百七十萬餘兩。運往印度之貨。值銀一百

出使日記續刻

卷七

奎傳經樓校本

五十六萬餘兩。運往新嘉坡貨。值一百三十七萬餘兩。運往新金山貨。值一百十九萬餘兩。運往大浪山貨。值十八萬餘兩。運往加那大貨。值五十一萬餘兩。以上運往英國及英屬地貨。共值銀五千三百三十二萬餘兩。出入相抵。中國應虧銀五千九百七十四萬餘兩。美國運到中國之貨。值銀七百七十三萬餘兩。中國運美之貨。值銀九百三萬餘兩。出入相抵。中國淨贏銀一百三十萬兩。俄國運到中國之貨。值銀一百零六萬餘兩。中國運俄之貨。值銀一千一百二十二萬餘兩。出入相抵。中國淨贏銀一千零六萬餘兩。歐羅巴除英俄運到中

國之貨。值銀四百三十八萬餘兩。中國運歐除英俄之國外之貨。值銀一千四百八十九萬餘兩。出入相抵。中國淨贏銀一千零五十一萬餘兩。日本運到中國之貨。值銀五百七十萬餘兩。中國運往日本之貨。值銀五百八十萬餘兩。出入相抵。中國淨贏銀九萬六千餘兩。

初二日記

澳門運到中國之貨。值銀三百六十五萬餘兩。中國往澳之貨。值銀一百九十一萬餘兩。出入相抵。中國淨虧銀一百七十三萬餘兩。呂宋運到中國之貨。值銀五萬七千餘兩。中國往呂之貨。值銀二十三萬餘兩。出入相抵。中國淨虧銀二十萬餘兩。越南運到中國之貨。值銀二十五萬餘兩。中國往越之貨。值銀二十萬八千餘兩。出入相抵。中國淨虧銀四萬二千餘兩。暹羅運到中國之貨。值銀二萬九千餘兩。中國往暹之貨。值銀三十五萬餘兩。出入相抵。中國淨贏銀三十二萬八千餘兩。爪哇運到中國之貨。值銀三萬六千餘兩。中國往爪之貨。值銀三十七萬餘兩。出入相抵。中國淨贏銀三十三萬餘兩。埃及運到中國之貨。值銀四千餘兩。中國往埃及之貨。值銀六十六萬八千餘兩。出入相抵。中國淨贏銀六十六萬餘兩。統計洋貨值銀一萬三千六百零一萬

出使日記續刻

卷七 傳經樓校本

餘兩。土貨值銀一萬零零九十四萬餘兩。除洋貨轉運出洋值銀二百萬餘兩外。出入相抵。中國實虧銀三千三百五萬餘兩。

初三日記

光緒十六年。英國運到中國之貨。值銀二千四百六十六萬餘兩。香港轉運來運到中國之貨。值銀七千二百五萬餘兩。并印度洋印度來貨。值銀一千零三十萬餘兩。新嘉坡來貨。值銀一百七十七萬餘兩。新金山紐西蘭來貨。值銀二十二萬餘兩。加那大來貨。值銀六十一萬餘兩。以上英國及英屬地來貨。共值銀一萬零九百五十七萬餘兩。中國運往英國之貨。值銀一千三百零九萬餘兩。運往香港之貨。值銀三千二百九十三萬餘兩。運往印度之貨。值銀一百五萬餘兩。運往新嘉坡之貨。值銀一百四十六萬餘兩。運往新金山紐西蘭之貨。值銀一百二十六萬餘兩。往大浪山之貨。值銀二十一萬餘兩。往加那大之貨。值銀四十八萬餘兩。以上運往英國及英屬地貨。共值銀五千零四十九萬餘兩。出入相抵。中國應虧銀五千九百零八萬餘兩。美國運到中國之貨。值銀三百六十七萬餘兩。中國往美之貨。值銀八百十六萬餘兩。出入相抵。中國贏銀四百四十九萬餘

出使日記續刻

卷七 傳經樓校本

兩歐羅巴除英俄運到中國之貨。值銀二百四十七萬餘兩。中國運往歐羅巴之貨。值銀一千一百六十二萬餘兩。出入相抵。中國贏銀九百十五萬餘兩。俄國運到中國之貨。值銀八十九萬餘兩。中國往俄之貨。值銀八百八十五萬餘兩。出入相抵。中國贏銀七百九十六萬餘兩。

初四日記

日本運到中國之貨。值銀七百三十八萬餘兩。中國運往日本之貨。值銀四百八十三萬餘兩。出入相抵。中國虧銀二百五十五萬餘兩。澳門運到中國之貨。值銀四百二十七萬餘兩。中國運往澳門之貨。值銀一百八十四萬餘兩。出入相抵。中國虧銀二百四十三萬餘兩。呂宋運到中國之貨。值銀三萬八千餘兩。中國運往呂宋之貨。值銀二十二萬餘兩。出入相抵。中國贏銀十七萬餘兩。安南運到中國之貨。值銀三十四萬餘兩。中國往安南之貨。值銀十三萬餘兩。出入相抵。中國虧銀二十一萬餘兩。暹羅運到中國之貨。值銀九萬餘兩。中國往暹羅之貨。值銀三十五萬餘兩。出入相抵。中國贏銀二十五萬餘兩。爪哇來貨。值銀一百餘兩。中國往貨。淨贏二十二萬九千餘兩。埃及來貨。值銀四千五百餘兩。中國往

出使日記續刻 卷七

李傳經樓校本

貨淨贏三十六萬餘兩。統計洋貨值銀一萬二千七百零九萬餘兩。土貨值銀八千七百十四萬餘兩。出入相抵。中國實虧銀三千九百九十五萬兩。

初五日記

明年恭逢

慈禧皇太后六旬萬壽。敬備一切

慶典。遵

旨力崇節儉。戶部豫為籌款。約已備五六百萬金。惟各衙門查照乾隆年間迭次

慶典成案。實需三千六百萬金。今節至三分之一。尚與

出使日記續刻 卷七

李傳經樓校本

豫籌之款不符。而

大典收關。責無旁貸。除由戶部行知各衙門。再將所需力籌節省。請

旨遵行外。戶部現將歲出歲入各款。逐加詳覈。設法騰挪。移緩就急。扼彼注茲。一俟籌有成數。再行奏聞。請

旨。

初六日記

光緒元年。英國運到中國之貨。值銀二千一百十三萬餘兩。香港運到中國之貨。值銀二千七百五十二萬餘兩。印度來貨。值銀一千四百八十五萬餘兩。新嘉坡來

貨值銀六十九萬餘兩。新金山來貨值銀五十五萬餘兩。加那大來貨值銀六萬餘兩。以上英國及英屬地來貨。其值銀六千四百三十一萬餘兩。中國運往英國之貨。值銀二千九百十六萬餘兩。往香港之貨。值銀一千二百七十四萬餘兩。往印度之貨。值銀二十四萬餘兩。往新嘉坡之貨。值銀七十九萬餘兩。往新金山之貨。值銀二百四萬餘兩。往紐西蘭之貨。值銀十七萬餘兩。往大浪山之貨。值銀九萬餘兩。往加那大之貨。值銀四萬餘兩。以上運往英國及英屬地貨。共值銀四千五百三十萬餘兩。出入相抵。中國虧銀一千九百零一萬餘兩。

出使日記續刻 卷七

主 傅經樓校本

美國運到中國之貨。值銀一百零五萬餘兩。中國往美之貨。值銀七百六十七萬餘兩。出入相抵。中國贏銀六百六十二萬餘兩。歐羅巴除英俄運到中國之貨。值銀七十六萬餘兩。中國往歐羅巴之貨。值銀八百五十七萬餘兩。出入相抵。中國贏銀七百八十一萬餘兩。俄國運到中國之貨。值銀十萬餘兩。中國往俄之貨。值銀四百四十六萬餘兩。出入相抵。中國贏銀四百三十六萬餘兩。

初七日記

日本運到中國之貨。值銀二百四十八萬餘兩。中國運

往日本之貨。值銀一百九十五萬餘兩。出入相抵。中國虧銀五十三萬餘兩。呂宋來貨。值銀六萬餘兩。中國往呂宋之貨。值銀二十三萬餘兩。出入相抵。中國贏銀十七萬餘兩。安南來貨。值銀十二萬餘兩。中國往安南之貨。值銀七萬九千餘兩。出入相抵。中國虧銀四萬餘兩。暹羅來貨。值銀三十三萬餘兩。中國往暹羅。值銀十萬餘兩。出入相抵。中國虧銀二十二萬餘兩。爪哇來貨。值銀二十三萬餘兩。中國往爪哇之貨。值銀五十萬餘兩。出入相抵。中國贏銀二十七萬餘兩。埃及來貨。值銀八千餘兩。中國運埃及之貨。值銀一萬一千餘兩。出入相抵。中國

出使日記續刻 卷七

主 傅經樓校本

贏銀三千餘兩。統計洋貨。值銀六千七百八十萬餘兩。土貨。值銀六千八百九十一萬餘兩。出入相抵。中國實贏銀一百十萬餘兩。

初十日記

光緒元年進口洋貨。洋藥。價銀二千五百三十五萬餘兩。洋布。棉紗。價銀二千零零六萬餘兩。內棉紗價銀二百七十四萬餘兩呢羽絨氈類。價銀四百五十六萬餘兩。雜樣布。價銀十七萬餘兩。銅鐵鉛錫類。價銀四百二十二萬餘兩。雜貨。價銀一千三百四十二萬餘兩。統共洋貨。價銀六千七百八十萬餘兩。光緒九年進口洋貨。洋藥。價銀二千

五百三十四萬餘兩。洋布棉紗綫價銀二千二百零四萬餘兩。內棉紗棉綫銀五百二十四萬餘兩。呢羽絨氈類價銀三百八十九萬餘兩。雜樣布價銀八萬餘兩。銅鐵鉛錫類價銀四百六十七萬餘兩。雜貨價銀一千七百五十二萬餘兩。統其洋貨價銀七千三百五十六萬餘兩。光緒十六年進口洋貨。洋藥價銀二千八百九十五萬餘兩。洋布紗綫價銀四千五百零二萬餘兩。內棉紗棉綫價一千九百三十九萬餘兩。呢羽絨氈類價銀三百六十四萬餘兩。雜樣布價銀十三萬餘兩。銅鐵鉛錫類價銀六百八十七萬餘兩。雜貨價銀四千二百四十六萬餘兩。內米價一千一百四十四萬餘兩。統其洋貨價銀一萬二千七百零九萬餘兩。光緒十七年進口洋貨。洋藥價銀二千八百三十三萬餘兩。洋布紗綫價銀五千三百五十九萬餘兩。內棉紗棉綫價銀二千零九十八萬餘兩。呢羽絨氈價銀四百六十九萬餘兩。雜樣布價銀十萬餘兩。銅鐵鉛錫類價銀七百二十五萬餘兩。雜貨價銀四千零三十二萬餘兩。內煤油價銀五百二十六萬兩。米價銀六百五十九萬餘兩。統其洋貨價銀一萬三千四百萬餘兩。

出使日記續刻 卷七

三傳經樓校本

光緒元年出口土貨。湖絲經絲價銀一千九百四十八萬餘兩。另有粗絲等一萬餘兩。百二十萬餘兩。綢緞價銀四百零二萬餘兩。紅

十一日記

茶價銀二千九百七十三萬餘兩。綠茶價銀四百九十六萬餘兩。磚茶價銀一百九十七萬餘兩。草帽緞價銀四十二萬餘兩。糖價銀一百六十一萬餘兩。合別貨共銀六千八百九十一萬餘兩。光緒九年出口土貨。湖土生經絲價銀一千六百九十五萬餘兩。粗絲等價銀二百二十九萬餘兩。綢緞價銀四百零二萬餘兩。紅茶價銀二千六百七十三萬餘兩。綠茶價銀三百九十萬餘兩。磚茶價銀一百五十萬餘兩。草帽緞價銀一百四十六萬餘兩。糖價銀二百三十三萬餘兩。合別貨共銀七千零十九萬餘兩。光緒十六年出口土貨。黃白生絲價銀一千八百五十八萬餘兩。野絲等價銀五百九十萬餘兩。綢緞價銀五百九十六萬餘兩。紅茶價銀二千零五十七萬餘兩。綠茶價銀三百七十萬餘兩。磚茶價銀二百三十四萬餘兩。草帽緞價銀二百萬餘兩。糖價銀二百六十六萬餘兩。合別貨共銀八千七百十四萬餘兩。光緒十七年出口土貨。黃白生絲價銀二千四百五十一萬餘兩。野絲等價銀五百三十六萬餘兩。綢緞價銀七百零一萬餘兩。紅茶價銀二千四百九十七萬餘兩。綠茶價銀三百五十四萬餘兩。磚茶價銀二百四十八萬餘兩。草帽緞價銀一百六十萬餘兩。糖價銀二百

出使日記續刻 卷七

三傳經樓校本

綢緞價銀四百零二萬餘兩。紅茶價銀二千六百七十三萬餘兩。綠茶價銀三百九十萬餘兩。磚茶價銀一百五十萬餘兩。草帽緞價銀一百四十六萬餘兩。糖價銀二百三十三萬餘兩。合別貨共銀七千零十九萬餘兩。光緒十六年出口土貨。黃白生絲價銀一千八百五十八萬餘兩。野絲等價銀五百九十萬餘兩。綢緞價銀五百九十六萬餘兩。紅茶價銀二千零五十七萬餘兩。綠茶價銀三百七十萬餘兩。磚茶價銀二百三十四萬餘兩。草帽緞價銀二百萬餘兩。糖價銀二百六十六萬餘兩。合別貨共銀八千七百十四萬餘兩。光緒十七年出口土貨。黃白生絲價銀二千四百五十一萬餘兩。野絲等價銀五百三十六萬餘兩。綢緞價銀七百零一萬餘兩。紅茶價銀二千四百九十七萬餘兩。綠茶價銀三百五十四萬餘兩。磚茶價銀二百四十八萬餘兩。草帽緞價銀一百六十萬餘兩。糖價銀二百

五十九萬餘兩其銀一萬零零九十四萬餘兩

十二日記

光緒六年進口洋貨洋藥價銀三千六百五十三萬餘兩洋布紗縐價銀二千二百五十九萬餘兩內棉紗縐銀三百十九萬呢羽氈絨價銀四百九十五萬餘兩銅鐵鉛錫價銀四百十三萬餘兩雜貨價銀一千三百八十八萬餘兩統共洋貨價銀八千二百二十二萬餘兩光緒十二年進口洋貨洋藥價銀二千四百九十八萬餘兩洋布紗縐價銀二千九百零四萬餘兩內棉紗縐銀七百八十六萬餘兩呢羽絨氈價銀五百六十三萬餘兩銅鐵鉛錫價銀五百三十一萬餘兩雜貨價銀二千二百四十一萬餘兩內火油二百二十一萬餘兩統共洋貨價銀八千七百四十七萬餘兩光緒十四年進口洋貨洋藥價銀三千二百三十三萬餘兩洋布紗縐價銀四千四百四十三萬餘兩內棉紗縐價銀一千三百七十五萬餘兩呢羽絨價銀五百零九萬餘兩銅鐵鉛錫價銀六百八十八萬餘兩雜貨價銀三千五百九十萬餘兩內米價九百六十三萬餘兩火油二百二十一萬餘兩統共洋貨價銀一萬二千四百七十八萬餘兩

十三日記

光緒六年出口土貨湖土生經絲價銀二千二百五十

出使日記續刻 卷七

美傳經樓校本

九萬餘兩野絲等價銀一百二十七萬餘兩綢緞絲帶價銀四百七十四萬餘兩紅茶價銀二千七百五十二萬餘兩綠茶磚茶價銀五百七十四萬餘兩草帽緞價銀九十六萬餘兩糖價銀三百零四萬餘兩合別貨共銀七千二百二十八萬餘兩光緒十二年出口土貨湖土生經絲價銀一千七百九十二萬餘兩野絲等價銀三百九十一萬餘兩綢緞絲帶價銀七百餘兩紅茶價銀二千七百六十九萬餘兩綠茶磚茶末價銀五百八十一萬餘兩草帽緞價銀二百零八萬餘兩糖價銀一百六十八萬餘兩合別貨共銀七千七百二十萬餘兩光緒十四年出口土貨黃白生絲價銀一千八百七十萬餘兩野絲等價銀五百零五萬餘兩綢緞等價銀八百四十一萬餘兩草帽緞價銀一百九十九萬兩糖價銀二百四十八萬餘兩紅茶價銀二千三百七十三萬餘兩綠茶磚茶六百五十五萬餘兩合別貨共銀九千二百四十萬餘兩

十四日記

美使駐英者舊係二等今始改爲頭等新到公使貝特洽者曾任外部尙書與張樵野交情頗密余循例往拜之貝君年近七十和平篤厚款語移時而別 光緒六

出使日記續刻 卷七

美傳經樓校本

年中國運英紅茶九十三萬餘擔。運俄四十二萬餘擔。運香港十六萬餘擔。運北美國十四萬餘擔。運新金山九萬餘擔。共計一百八十萬餘擔。光緒十二年中國運英紅茶磚茶八十九萬餘擔。運俄五十九萬餘擔。運北美國十八萬餘擔。運香港十五萬餘擔。運新金山十二萬餘擔。共計二百零二萬餘擔。光緒十四年中國運英紅茶六十三萬餘擔。運俄六十七萬餘擔。運美十八萬餘擔。運香港十七萬餘擔。運新金山十六萬餘擔。運澳門四萬餘擔。共計一百九十五萬餘擔。光緒十六年中國運俄紅茶五十八萬餘擔。運英三十八萬餘擔。運美十六萬餘擔。運香港十三萬餘擔。運新金山十萬餘擔。共計一百四十六萬餘擔。光緒十七年中國運俄紅茶六十三萬餘擔。運英三十六萬餘擔。運香港十七萬餘擔。運美國十六萬餘擔。運新金山十萬餘擔。運澳門三萬餘擔。共計一百五十四萬餘擔。

出使日記續刻

卷七

老傳經樓校本

十五日記

總理衙門來信云。帕米爾界務。本年正月經竹質星使疏請於塔什庫爾干等處屯兵置戍。當奉廷旨飭令神機營北洋撥械。疆撫撥兵。慎守守備。二月間竹質來電。以俄願和商。請即指實。薩雷雷崗雷山以西

願分之地。本處晤俄使喀希尼。告以白鳥仔別里往南至薩雷庫里。東西互讓。喀約斷不能廢。祇可通融。喀使允電外部。尙未答復。楊慶雲函云。帕米爾界址。當軸殊費經營。幸自籌防以來。喀使口氣漸鬆。然俄外部欲我讓至色勒庫爾。而英使又欲我會勘瓦罕。一時尙難定議。

十六日記

上年由中國運入英國之金。值銀二百零九萬六千餘磅。前年中國運英之金。值銀九十萬九千餘磅。日本運英之金。值銀二萬餘磅。

出使日記續刻

卷七

老傳經樓校本

十八日記

余於正月初九日電總署云。騰越八關。除漢龍關早淪於緬外。黃林材西。輜日記謂天馬關亦淪於緬。滇省繪圖尙在界綫內。又滇圖銅壁關在紅蚌河內。洋圖則在河西。英人方爭紅蚌河爲界。然恐失去銅壁。請電滇帥將二關實址電查速示。正月十八日接總署電云。滇督覆稱天馬在猛卯土司西南界內。被野人占踰。實在紅綫之內。銅壁在紅蚌河東。爲南甸土司所轄。設有撫夷洋圖在西實誤。三月二十七日余電總署云。英廷謂漢龍關若在猛卯土司東南。可允還我。否則難定。請查勘

確實免勘界時受彼朦混四月二十一日又電總署云
滇帥前稱天馬關被野人占踞今外部稱此關早歸緬
屬木邦土司管轄請電滇帥查詢可爭之鐵據本月十
五日接署電云滇督稱漢龍關在猛卯東南係猛卯遮
放及緬之南坎交界處宛頂山間距猛卯八十里距遮
放尤近早經入緬被野人奪踞已為遮放復回上年繪
呈界圖尤覺稍偏於西南云十七日接署電云滇督稱
天馬關原係猛卯地後被野人占踞此項野人現在曾
否歸入木邦未能查悉至猛卯土司所屬舊有天馬關
撫夷名目有案可稽

出使日記續刻 卷七

老傳經樓校本

十九日記

去年新嘉坡入口貨值洋銀一萬零六百九十七萬餘
員出口貨值九千七百八十五萬餘員檳榔嶼入口貨
值洋銀四千一百四十二萬餘員出口貨值四千三百
六十七萬餘員麻六甲入口貨值洋銀一百六十八萬
餘員出口貨值一百四十八萬餘員 洪範言稼穡作
甘其時甘味祇用飴即今之飴是也自宋以來始有糖
霜產於閩地以蔗製成所出尚微頗為貴重近世販之
東西洋而生意甚巨泰西用萊蔗製糖以萊蔗亦有
甜味也如是則中國之萊蔗亦可製糖矣又有蔗粟產

於沿海各處崇明擅利尤厚細膩雖不如蔗而甜味不
讓似亦可以製糖又如紙之一物需用更大江西福建
產紙尤多製紙之料人但知以竹以草或以樹皮西人
紙料乃有以爛布製成者則更化朽腐為神奇矣中國
之棄物非不多而不思造為有用之物何也

二十日記

西六月二十二日中五月初九日英國大鐵甲船日維多利亞
以操演被撞沈沒於地中海英人深惋惜之會謂二十
三年前英有開必登兵船曾經失事今不幸又失此巨
艦自後操練當格外審慎云是日天氣晴朗海波不揚

出使日記續刻 卷七

老傳經樓校本

地中海水師大操其兵船十二號一維多利亞一康不
塘一尼爾一德拉特諾一音弗勒雪白爾一可凌霧一
飛吞一愛停波一森派力爾一衣茄一阿模芬一飛挨
拉斯一排模清晨十點鐘由培羅脫海埠此埠在亞洲
西里亞省往的黎波里屬非洲
利加洲會操操至三點四十分演兩行環
繞陣名曰葛力特倫以維船康船為首領維船大將軍
為寶星德雷引康船主將曰馬克模因水路太近康船
首尖鋼鋒誤撞維船左身該船破位笨重重各一百十
噸船身其載一萬四千噸丁亥年落成時約費英金一
百萬磅鋼崩竿裂頃刻沈溺右身側左船底仰天祇十

五分鐘盡化烏有。該處水深七十托距的黎波里不過七英里。船中水師兵官等共有六百九十八人。救出者二百五十五人。內有船主巴克。溺死兵官二十二。內師提督德蓄引水手三百三十六人。船重水急。從右側左吸力過猛。雖善水性者亦難逃生。且水入鍋內。鍋漲而裂。故受傷者尤多云。

二十一日記

慶霽堂來函云。法人將越南廢王自阿爾治遣送巴黎。見法總統。似有復位之意。因今王年幼好玩。越大臣請復舊王法亦可允。又外部德維勒云。按通使公例。彼此出使日記續刻卷七。全傳經樓校本。擬派之使。須先開列詢問接待與否。如允接待。方可簡放。此次更代。何以詢英而不詢法。答以法遣使臣向未詢中國。而英則嘗詢問。故稍有參差。德云。以後兩國遣使均宜按照公例。豫先知照。又云。昨接越南來電。知滇越分界之事業已告竣。祇有兩處小地。意見未合。不難從容辦理。此外尚有老撾地方。亦為滇越交界。應即早為勘定。以免日後膠轕。本國保護越南。已屬鞭長莫及。不願再佔地方。老撾經本國派人查明。山路崎嶇。瘴癘可畏。非大金沙江上游膏腴之地可比。不難妥速辦結。又云。已飭李梅向總理衙門探問消息。尚無回音。

二十二日記

英皇次孫瑤克公。今為英太子之冢嗣。以明日成婚。余於四月二十日電達總署。請傳旨致賀。旋由總署電答云。即由貴大臣傳旨致賀。遵旨電達。今日余備文親赴外部。晤見外部大臣勞德伯力。告以

大皇帝致賀之意。勞手接文書。答云。容即日轉奏君主。復殷勤數語而別。又聞各國公使駐英者。皆送婚儀以表賀忱。中國古磁器向為西人所愛玩。余適攜有景泰

出使日記續刻卷七

全傳經樓校本

藍數件。送舉以備賀婚儀物。計天球形高口瓶二座。穿枝花小罐二箇。十景花六楞小鑪二座。金地高把酒壺一把。皆景泰藍也。瑤克公覆函致謝。稱為第一上等禮物云。是日大太子請英君主赴其花園茶會。亦慶婚禮也。所請各使及公侯伯及文武顯官約二千人。余率參贊張聽帆往會焉。

二十三日記

先是總署來電云。俄人覬覦小帕米爾。謂我已將坎巨提讓英。力辨係兩屬。而彼不信。且有喀城官送羊三百。與駐坎英官等語。擬派員駐坎。為兩屬憑據。以杜俄口。

而爭小帕希先與外部說明我派員在坎決不多事俄
得小帕恐不利於坎彼答語如何即電復余遣馬清臣
與外部商議再四終不就範余復總署電云派員駐坎
事商外部堅不允據云坎本兩屬英未損我權若欲權
反加於舊則難小帕地屬中國各國皆知可嚴拒之余
昨晤勞伯力又以駐坎英官不許我莎車州給諭單
與坎首責之謂如此是顯欲阻坎貢也因復申論派員
之事勞云中國派員非舊例自後英當嚴飭兵官不許
阻止華官給諭坎首之事

二十五日記

出使日記續刻 卷七

全傳經樓校本

猶太國人旅居西洋各國一千數百年矣善以居積致
富仍自守其風俗與他國人不通婚姻所至能執其財
利之權即如英吉利豪富之國也而倫敦之稱首富者
則必推猶太人雖英之世爵暨巨紳殷商莫之能敵聞
倫敦猶太人發迹之由方拿破侖第一之擾亂歐洲也
英大將威林登會合俄奧諸軍與拿破侖相持未決猶
太人多養馴鴿攜至戰場伺候勝負迨英軍已擒拿破
侖猶太人縱鴿回至倫敦飛遞密信而故縱謠言謂威
林登已被法擒是時電綫之法未行通國信以為實上
下震動凡英商公司之在法國及他國者股分票價一

日驟跌至不及十分之一向無人願購者猶太人已現
備英金一千萬鎊儘數收買比威林登報捷之馬馳到
已遲於鴿信三日而通國英商股分之精華已大半入
猶太人之手追悔無及矣迄今猶太人富可敵國各國
欲借國債數千百萬鎊不與猶太人商之則事必無成
而猶太人遂為經理國債之宗主凡地球各國之安危
治亂貧富強弱與其政府之密謀秘計猶太人無不知
之即各處絕大銀行之股本猶太人無不有之夫以英
人之善理財猶自謂不如猶太人則猶太人真雄邁矣
哉

出使日記續刻 卷七

全傳經樓校本

二十六日記

接李傅相來電云現欲推廣紡紗須僱總洋匠一名購
辦新樣細紗機一百張每日夜須出十四五號紗五百
包每包重四百鎊配搭軋花清花梳花棉條粗紗搖紗
打包各機件俱全其大機器銅鑪須足敷紗機五百張
之用又要能省煤備將來擴充此為國家商務興大利
望妥細考核先電示機器總價選總匠尤要即令監造
並繪廠圖速寄

二十八日記

委內瑞辣南墨洲最北之民主國也東界英屬歪阿那

南界巴西。西界可倫比亞。北界加勒海。北緯自一度三十分至十二度十二分。經度英京西五十九度五十二分至七十三度十五分。得五十六萬六千一百五十九英方里。戶口二百十二萬一千九百八十人。氣候極熱。北西南三面皆有樹林。北境有安達大山之東嶺。橫亘東西。亞林拿可江爲其國利源所在。上游通於亞馬孫河。大湖曰馬來開罷。甲於南亞墨利加。出口有可可加非。靛糖。烟葉。棉花。皮革。牛油。金剛刺。草染料。木木料等。又有所謂牛樹者。出漿如乳。故名。有上下議院。伯理璽天德正副二人。國分二十一部。三埠。省各有總督。自主。

出使日記續刻

卷七

全傳經樓校本

其政其制悉仿美國云。都城曰加拉架。建於北境。距海十二英里。山谷中人有白人土人雜種人。白人不過百之一。雜種則西班牙人及阿洲黑奴與土人嫁娶所生。鐵路三百七十英里。財賦歲入英金一百六十一萬餘鎊。歲出一百十四萬餘鎊。洋債英金二百七十二萬餘鎊。國債亦有一百五十七萬餘鎊。

出使日記續刻卷之七終

出使日記續刻卷之八

無錫薛福成叔耘

光緒十九年癸巳六月辛亥朔記

厄瓜爾多。南墨洲西海濱民主國也。自赤道北一度三十八分至赤道南六度二十五分。英京西七十度至八十一度。北有可倫比亞。係今之可倫比亞。卽新加拉那。那大厄瓜爾多。東有巴西。南有秘魯。西有太平洋。形勢狹長。東西約七百八十英里。南北濱海處最闊。約四百八十英里。入內漸狹。約百英里。合十二萬方英里。戶口一百二十七萬。其民則白人與土人種類相雜。亦間有

出使日記續刻

卷八

一傳經樓校本

黑人。西有安達斯山爲之障。東皆平原之地。有亞馬孫河之上游。及是河之支流。浸灌於其間。土產麥。可可。棉花。加非糖。金雞那珍珠米。大薯。烟葉。五穀。與果。樹膠。葡萄。蠟。歲入英金六十萬六千餘鎊。歲出五十五萬三千餘鎊。國債二百二十五萬鎊。國分十六部。一埠。都城曰奎拖。志略作厄瓜爾多。古屬英開司國。繼屬西班牙。後叛西班牙。與新加拉那大委內瑞。辣合爲一國。名曰可倫比亞。一千八百三十一年始獨立爲國。

初二日記

烏拉。南墨洲東海濱民主國也。在巴拉大河口之東。

北即與拉巴拉他今稱阿根庭都城名不宜分界之處。西界

烏拉乖江亦與阿根庭分界者也。北界巴西。東與南皆

濱大西洋。緯度自赤道南三十度至三十五度。經度自

英京西五十三度二十五分至五十七度四十二分。地

得七萬二千一百七十二英方里。戶口七十萬。國分十

三部。先屬西班牙。近合阿根庭。亦屬葡萄牙。又為巴西

之一省。一千八百二十五年始叛巴西。又與阿根庭合

而復分。遂為自主之國。沿海平坦。中央多山。土產牛馬

為大宗。米麥珍珠米棉花靛麻烟酒瓜果皆有之。農功

僅足自給。新法概未聞知。鐵路有一百九十英里。都城

出使日記續刻 卷八 二 傳經樓校本

曰蒙德維罷亦通商總匯處也。

初四日記

南亞墨利加有一地。東自委內瑞辣。西自巴西以達於

大西洋岸者。歪阿那也。分屬英荷法三國。英歪阿那

者在歪阿那之西偏。在南墨洲東北洋岸。當赤道北一

度至八度之中。與荷蘭歪阿那不過可倫汀一江之隔。

沿洋岸自亞林拿可江口至可倫江口。廣二百八十英

里。自外至內。長四百英里。地面積為七萬六千英方里。

或云十萬九千英方里。或云八萬五千四百二十英方

里。戶口二十七萬七千有奇。沿海地形平坦。內漸高聳。

山嶺之勢。東西相趨。大江曰義斯給波。長約六百英里。

糖為物產大宗。次則棉花加非。會城曰喬諸湯。在特默

拉拉江口。此地先屬荷。後屬英。英設一官如巡撫。並議

政收稅各官以治之。

初五日記

荷蘭歪阿那介於英法屬地之間。西自可倫汀江。東至

與法屬分界之馬羅南。其地約七千五百英方里。內地

最大之江曰蘇利南。約長三百英里。江上距洋十英里。

巴拉馬利波會城在焉。會城戶口二萬。糖與加非為出

口大宗。法歪阿那在歪阿那之東偏。自馬羅南江至

出使日記續刻 卷八 三 傳經樓校本

與巴西分界之奧舍拋克江。皆其地也。其二萬七千五

百英方里。戶口二萬二千。黑人居四之一。法國視為流

徙罪人之所。故歐洲人中半多罪犯與監犯之兵。土產

糖胡椒丁香豆蔻肉桂。會城曰加夜那。在近洋岸島上。

有戶口八千。地方甚陋。加夜那之胡椒則著名。

初六日記

新嘉坡總領事黃遵憲稟稱。大小白蠟及石蘭莪之吉

隆一。地產錫最旺。華人日增。氣象方興。未艾。擬請大小

白蠟共設副領事一員。吉隆設副領事一員。去歲吉隆

出錫益多。集工益眾。商賈廣集。貨物雲屯。英官方於大

一七二

小白蠟之間建火車路以資轉運。數年之後，將成一大都會。華人之商於大小白蠟，吉隆者多獲厚利。一年之中，大小白蠟增工役數萬，吉隆增工役二萬有餘。今歲備工由閩越至新嘉坡者已有三萬六千，大抵散居於白蠟、吉隆者為多。流寓日眾，良莠不齊，舉凡財產、錢債、賭博、鬪毆之事，慮其輕於犯法，易於啟爭，必設領事可資約束而籌保護。此雖係英人保護之土，各國尙未設官。然此處寄寓祇有華民，並無他族，是中國設官更屬名正言順。先是總督施密司謂白蠟、石蘭莪等處皆華民，係英國保護之邦，不必盡用英律，因囑將大清律例

出使日記續刻 卷八

四 傳經樓校本

初七日記

江南製造局新製一出五槍，曰快槍，連環不絕，命中及遠，可駕乎林明敦毛瑟諸槍之上矣。又試放之，破計兩種：一為八百磅彈子之後膛大破，一為四十磅彈子之快破。大破則長式者重五十二噸，口徑十二寸，長三十六尺，短式者重四十八噸，口徑十二寸，長三十尺，每試

一次食六角一孔栗色火藥三百磅，彈出口時每一秒行二十尺。如於相去一千碼遠近，可擊穿十九寸厚之鐵甲，彈力所到，可擊三十餘里。若近海破臺置一二尊，無論何等鐵艦，皆將望而氣沮。快破重二噸，有奇，長十六尺二寸，口徑四寸七分，食黑色火藥十二磅，食無烟火藥僅五磅半。一秒時可連放十二尺，彈出口時每一秒可行二千零八十八尺，彈力能擊十八里之遠。此項快破最利於兵船，蓋兵船所畏者雷艇耳。海面雷艇每千碼行時八分半，而兵船欲瞭見雷艇，須在一千五百碼之內。發破三擊不中，則雷艇逼近矣。有此快破，則一二

出使日記續刻 卷八

五 傳經樓校本

初八日記

破之有彈，猶刀之有鋒，從前中國破彈，僅造至二百五十磅而止。鋼彈向未造過，十七年春始仿造焉。彈身長四寸，圍徑十二寸不足，厥有數種：一曰鋼質彈，一曰硬質實心彈，皆攻堅所用。一曰開花彈，彈腔內空，徑六寸半，深三十二寸，有奇，可實火藥三十二磅，專為炸裂擊敵所用。一曰平頭彈，兩頭皆平，如大炭結，然有重一千磅者，八百磅者，專為試破而設。至快破所用各彈皆

與八百磅彈之用同。彈身長十四寸，口徑四寸七分，不足惟開花彈則與各彈迥異。開花彈置銅引於彈後，不用碰力，專用震力。彈頭仍堅銳，可以攻物，攻穿後再行開花，誠為利器。又恐彈坯肉厚，鐵塊大而不能碎，乃又別造成數珠彈，視外洋之子母彈，即譯言沙不乃爾彈也。內皆包小彈，炸裂時無數小彈飛出，惟子母彈式既平頭，不能攻堅。工程又鉅，今因其式而改造之，其外仍用快破開花彈式，內則製成連珠小彈，如手劍式，疊劍十四層，其小彈一百八十九名，曰數珠，殆取牟尼一申之義也。外則包以生鐵，彈既炸飛，而彈身鐵坯亦較

出使日記續刻

卷八

六傳維模校本

初九日記

礮以快名，實恃有銅殼，裝火藥連彈合而為一。如今之槍彈然，若放礮者，操習嫺熟，即能連環不斷，較之霍智紀士礮，不難駕而上之矣。然礮雖快，彈雖銳，其用又全恃火藥，藥性有暴急而短於力者，有和緩而力能遠者，暴急則易傷腔，內螺紋而送彈不遠，和緩則彈於腔內螺紋優游旋轉，後力且勁，送彈彌遠。黑色火藥與栗

色藥餅，其力不同如此。滬局已有造藥餅機器，則火藥可精益求精矣。畿輔鐵路今分官商兩軌，其自天津而軍糧城而大沽北塘漢沽蘆臺唐坊胥各莊開平古冶一帶，鐵道為公司集款而成，謂之商路。由古冶至雷莊，雷莊至灤州，業經工竣開車，復由灤州接至山海關，其已成未成各路，一切經費，概由官款發結，謂之官路。

初十日記

余曷慶萬堂赴法外部詰問與暹羅啓釁之故。該部大臣德維勒云：法暹兩國近日局面驟變，皆因暹人受英挑唆，以致愈逼愈緊，同以法國憲需如何。德云：瀾滄江

出使日記續刻

卷八

七傳維模校本

左岸之地，原屬越南，近年被暹侵佔，逼近越都，所設兵卡，距越都百里之近，法有保護越南之權，應令暹羅反其侵地，畫江為界。一也。法商前在南寧貿易，忽被暹官驅逐，失業傷財，應令暹羅賠償。二也。法弁越官收復城邑，有被暹官謀害者，應給卹款。三也。日前法破船照約入其內河，忽被破臺轟擊，沈引水之商輪一艘，亦應賠償。四也。四者之外，又須向索兵費，以懲開釁，應償三百萬佛郎。本國派前任西貢總督維勒爾赴暹辦事，先告暹羅，限兩日答覆，大約暹羅見法意已決，必可就範，法不願滅暹，亦不廢其自主之權，祇要所請五事允許，即

可講和。慶云。瀾滄江上游兩岸。皆歸中國管轄。貴國何以有割江爲界之說。德云。法不欲佔中國屬地。但上游必須分清界限。以杜爭端。此事最易商辦。又云。法暹之事。若非英國播弄。早已和平了結。英非有愛於暹。乃欲激成兵端。從中取利也。卽如法越之釁。亦英挑唆。英果真愛中國。何至乘機吞并緬甸乎。上年英割暹羅北境沃壤千餘里。而以其餘作英法之臨脫。故法不得不收江左之地以應之耳。

十一日記

法國勒當報云。西貢接施敦倫地在湄江電。法兵官微拉

出使日記續刻

卷八

八 傳經樓校本

於初七日清晨在康島向暹羅開砲。當日得到三砲臺。一唐杜。一唐哥。一唐漢。進圍唐沙砲臺。此臺雖有精營三座保護。初九日亦爲法得。暹兵死者三百。傷者三百。法兵一無損傷。康城及羣島皆爲法兵所據矣。

十二日記

數十年來俄國不能肆其西封。遂欲改而東略。其佔日本之庫頁也。甘以科爾十八嶺與之相易。置爲東方邊郡。其佔黑龍江地也。亞古斯科義爾古斯科貝加爾右與外興安嶺相接。咸隸於西伯利亞。當時中俄之界。相距尙遙。自納喀逆阿古柏之獻地。駸駸乎至貝加爾河

之南矣。顧意猶未饜。乘回逆之亂。漸拓而南。今又與朝鮮接壤。幸黑龍江以南。陸路山嶺叢雜。調兵運餉。跋涉維艱。乃俄人又築鐵路。志在必成。聞俄官謂英教士曰。二十年中俄之鐵路。必直達華疆。其志可知矣。俄有黨禍。由來已久。自彼得羅從英荷學藝而歸。乃有守舊維新二黨。至今守舊黨已銷聲滅迹。維新黨則通國皆然。卽所謂希利尼黨也。彼因俄爲君主之國。小民無自主之權。故欲如法美西比之民之得以自由。常思乘間一逞。改君主爲民主耳。

十三日記

出使日記續刻

卷八

九 傳經樓校本

許竹簣來書云。五月十六日得署電。稱疆撫蕭電。俄馬步約七八百至六爾阿烏。卽穆爾尙向俄外部詰問。則以換班對。以後未有他耗。而外部頗以我進兵爲言。原塔什庫爾干之旋接署電。現電疆撫勿再進。彼意亦解。兵春季實稍進。大約今夏可以無事。惟議界一節。自二月指明地名告喀使後。外部謂我仍照喀約指地。殊無可商。總署令探詢彼意若何。彼以嘎爾斯初歸。須新料理。迨後以我兵進紮。謝不肯商。日前與基斯敬晤。面則云。已由兵部詢查塔什干總督。俟得覆再商等語。又似意在延宕。署中來函有將實非所重之地。稍與變通。大約在隨事操縱。

不能預有成竹。去秋駐俄英使。得其外部兩館。互相關照之屬。彼此尚不隔膜。今年俄暫停兵。實賴有英牽掣。萬一英俄所商有緒。則中國勢孤。彼益無忌矣。

十四日記

有一出使隨員論西國富強之原。登之報章云。西國制治之要。約有五大端。一曰通民氣。用鄉舉里選。以設上下議院。遇事昌言無忌。凡不便於民者。必設法以更張之。實查戶版。生死婚嫁。靡弗詳記。無一夫不得其所。則上下之情通矣。二曰保民生。凡人身家田產器用財賄。絕無意外之虞。告退官員。贈以半俸。老病弁兵。養之終身。老幼廢疾。陣亡子息。皆設局教育之。則居官無貪墨。臨陣無畏縮矣。三曰厲民衷。年甫孩提。教以認字。稍長。教以文義。量其材質。分習算繪氣化各學。或專一事。一藝。終身無一廢學者。何也。有新報之流傳。社會之宜講也。四曰養民恥。西國無殘忍之刑。罪止於絞。及遠戍苦工。其餘監禁罰鍰而已。監獄清潔無比。又教以誦讀。課以工藝。濟以醫藥。無拘攣。無鞭撻。而人皆知畏刑。不敢犯法。幾於道不拾遺。父母不怒責其子。家主不呵叱其僕。雍然秩然。男女雜坐。談笑而不及淫亂。皆養恥之效也。五曰阜民財。其藏富於民者。三要一盡地力。謂講水

出使日記續刻 卷八

十傳經樓校本

利種植氣化之學。二盡人力。各擅專門。通工易事。濟以機器。時省工倍。三盡財力。有公司及銀號。而銷銖之積。均得入股生息。集成大工大賈。有鈔票及金銀錢。以便轉運。則一可抵十矣。有此五端。知西國所以坐致富強者。全在養民教民上用功。而世之侈談西法者。僅曰精製造。利軍火。廣船械。抑末矣。

十五日誌

黑龍江漠河金礦。光緒十七年第三屆帳略云。漠乾兩廠。共得金沙愛平二萬五千九百九十五兩。因乾北金色較低。共售愛平銀二十八萬一千六百餘兩。另收價利雜

出使日記續刻 卷八

十一傳經樓校本

餘兩項六萬二千一百餘兩。除付礦丁六成金價。並股票官利及各廠局管一切開銷。尚應餘銀八萬一百餘兩。提作保險公積銀三萬一百餘兩。尚餘五萬兩。照章作二十成均分。黑龍江軍餉六成。應分一萬五千兩。員司花紅四成。應分一萬兩。各股友餘利十成。應分二萬五千兩。查前售股票四百二十五張。又佳水公記借款暫改股票七百張。共一千一百二十五股。每股應分銀二十二兩。共二萬四千七百五十兩。尚餘二百五十兩。歸入上二屆餘款內。此次結出餘利。以礦丁虧款過鉅。糧貨擱本又多。仍無現銀可付。且佳水公記存款暫作

股票究係公款。茲已陸續清還。收回股票銷廢。惟公司股本未足。極難周轉。如查有股票五張。應分餘利一百十兩。即填給股票一張。息摺一扣。另找現銀十兩。下次再有餘利。即當找發現銀。不再抵付股票。漠河礦務公
司袁大化啟。

十六日記

李筱帥查覆張蕙帥被參摺云。在粵五年。罰繳之銀約七八十萬兩。已造報未造報者。皆有冊案可憑。無非取之關蠹吏贅博徒標匪。以及貪劣各員董。而非抑勒乎富家用之。以充餉濟賑。利農恤士。以及營造各要工。並
出使日記續刻 卷八

三 傳經樓校本

非銷於無益。黃江稅廠潮橋鹽務皆掃除更張。拔其病本。取中飽糜費之款而歸之公。豈得謂虛糜帑項。該前督臣任內用款。均已造報。實用實銷。並無浮冒。所建廣雅書院書局。或自捐資。或用罰款。並非動用正項。劉峴帥覆奏摺云。張之洞創辦鍊鐵。並開煤鐵各礦。一切事宜。均隸於鐵政總局。原估經費二百萬兩。續請七十萬兩。以為開礦鍊鐵之需。所購外洋機器。已運到八九成。各廠房屋亦已興築過半。有鍊生鐵熟鐵者。有鍊精鋼粗鋼者。現正接續興造。安設機器。規模闊大。需費浩繁。大冶鐵礦開采業已見鐵。煤礦則江乙馬鞍山大冶

之王三石兩處。片段較厚。煤質較佳。王三石所採之煤。已陸續運廠。用項因撥款一時。緩難濟急。暫為墊應。事或有之。所謂搜索者。殆即指此。

十七日記

元至正六年。西一千三百四十六年。法蘭西始用礮於陸路。又四
年。始用礮於水師。自是海戰以轟破敵舟為勝。無復短兵相接矣。我

朝道光元年。西一千八百二十一年。概用十八磅彈之礮。嫌其太小。至道光三十年。概用喀倫礮三十二磅彈。自是逐漸改大。船礮愈重。愈得力。如法皇拿破侖之來復礮。克滑
出使日記續刻 卷八

三 傳經樓校本

禮來復礮。來克斯德來復礮。策度滑來復礮。愛墨斯德倫來復礮。以及比利時藉心礮。格托林連環礮。普國克鹿卜礮。皆無遠不中。無堅不摧。在製之得其法。尤在用之得其人。用礮之法。在詳審定準。凡用礮者。先向左右磨令礮恰對所擊之物。然後升降其礮口。以定之。升降時。仍合物之垂線。謂之割面。然必兩耳與地平合。毫無偏倚。可使割面與垂線恰合。望準者於礮之前段隆起。令與尾箍半徑同高。不用礮面線。而用礮軸平得之線也。舊時用木板於礮口之上。作望準。繼用鐵釘。有法國人改用短柱。上劃尺寸。內面橫條。可升降而表尺不動。

表尺最高與橫條最低參直為度數最遠約三千三百尺或三千九百尺表尺最高與橫條最高參直即破軸平行之線審此定準自能命中百不失一矣

十八日記

用破之法又宜慎防誤炸凡敵船發破時如有實彈墮於開花彈之船中則船必炸沈故儲彈之船須在中間近底處否則恐船側時仍被實彈擊中凡遇敵時不可將開花彈豫置船面凡移動開花彈須加意謹慎勿稍疎忽至於本船發破開花彈或在破管或初出破即炸則因藥力太猛驟增熱度所致凡裝開花彈炸藥須用出使日記續刻卷八 古博經樓校本

油布擦淨用漏斗鑲入引門納以炸藥不可稍有藥粒黏於引門庶免誤炸之患又發破時有迎風背風之別如敵船在上風用迎風一邊之破擊之其擺動漸高時正船在浪窩時斯時不宜發破其船在下風擺動較速者一因順風一因背風面之浪甚陡其船向上風擺動較遲者一因風阻一因迎風面之浪斜坦故須俟迎風之船旁高定而將復低之時放破則船在浪頂恰能望見敵船發無不中矣如敵船在下風用背風一邊之破擊之其船在浪窩時不宜發破其向下風擺高較速故須俟背風之船旁低定而將復高之時放破則亦船在

浪頂恰見敵船發無不中矣其餘如躍起越擊擊焚帆檣權宜發破之法甚多要在因時制宜用得其人耳

十九日記

昨日曼谷電云暹羅於十七日照會法使願悉依法人所索各款並允盡割湄江以東越南東埔寨之舊地近屬於暹者歸法管轄英法當即日會議界務矣因越南緬甸南掌各邊必有接界之處也又星姆辣在印度習遊暑電云有一要事關係中國利益此間甚為留意路江瀾滄江中間野番有欲歸中國之勢因中國無意經理此等野番緬甸英官屬北揮人國之總管相機收出使日記續刻卷八 古博經樓校本

為英屬 俄電云中亞細亞巨商甚願將撒馬爾罕之鐵路接長議自撒馬爾罕至塔什干另分一枝通至浩罕安集延等處儻鐵路告成於裝運棉花等貨為有益法政府告議院以不攻曼谷之故據云曼谷居民三十五萬大半客籍毒城之際或激成內變有添兵添餉之難一也既已傷人他國可藉口保護商民從中攪擾二也城破之後或礙暹羅自主之權英國必出而干預三也

二十日記

上海製造局仿英國阿模士莊廠製成新式八百磅子

之後膛大礮一尊四十磅子之全鋼快礮一尊已在局南隙地演試中西觀者嘖嘖稱歎按阿模士莊廠總辦槐特之論曰克鹿卜之後膛礮關門處用梢子一法不合用料之理而且礮尾必至加長礮後必佔地位在岸用尙可將就在船用最有關礙阿廠後膛礮之裝法用中心螺塞不佔礮後地段亦能保護礮手克鹿卜礮之好處在創有銅管鋼箍之法近阿廠亦改用之又查歐洲巨礮無過一百二十邁當滬廠新製大礮當在三十餘磅之列用於守口礮臺最爲合宜其八百磅子有尖頭平頭炸彈羣子之分所用藥爲栗色火藥至於四十

出使日記續刻 卷八 六 傳經樓校本

磅全鋼快礮之製取法尤新用於行營爲最宜不逾半秒鐘可連放六出所用之藥爲無煙火藥妙處更不可思議勝於數年前所出之哈乞開士連珠快礮矣

二十一日記

昨日英外部大臣勞偲伯里在上議院告沙侯曰暹羅兩次答允法國兩種戰書第一次戰書哀的美係西八月二十九日即中六月十七日所允第二次戰書即第一次戰書之補編今日下午始知暹羅均已答應明日即撤去封口矣第一戰書一認堪波提及越南有統轄湄江名湄公左岸及各島之權二限一月內所有湄江左岸暹

羅兵寨全行退出三暹羅侵陵在閩南姆江之法船並水手及寓暹法民須愜意賠禮四賠銀給受害者之家眷並懲辦罪人五各種受虧之法民應賠補法銀二百萬佛郎六擔保照行第四第五條所開之事暹羅立即出銀三百萬佛郎如不能出銀即將先利潑一譯作錫及班德本一譯作拔兩處歸法收稅以作抵押第二戰書一法國佔踞車德蓬江及湛地門海口至暹羅兵退出湄江左岸然後讓還二從東埔寨邊界起距湄江二萬五千法尺之內合十六英里不准暹兵入其地派巡捕保護地方則可三暹羅兵船不得入大湖四法國有設立領事於孟

出使日記續刻 卷八 七 傳經樓校本

二十二日記

俄前皇亞力山德第二之被弑也在光緒七年前皇在俄京閱兵後乘馬車回宮行至中途一婦人身穿黑服立於加新橋樑既見皇車即以白巾三覆其面有裝束似鄉愚者數人早已會意疾趨運河旁以待之未幾皇車至左右列兵護衛人有舉帽及高聲喝采以示敬者人語喧闐之際猝聞轟炸聲如重物下壓皇車後煙燄上騰木石交飛護兵多有受傷者馬驚而止御者回顧皇似無恙車亦完好方欲向前馳騁皇止之且啟門以

出則見皇血糊兩手。而如死灰。皇既下車。各官趨前叩安。且問傷否。皇搖手低聲。指傷而言曰。此非傷口乎。俄而差官拘一人至曰。兇手已獲。請治之。皇顧而問曰。汝即兇手乎。對曰。然。問其名。則以偽名對。其真名實李沙哥輔也。又有兵官進叩傷狀。皇曰。獲天之祐。未見損傷。兇手微言曰。未當歡喜。少頃便知。皇固未之聞也。乃沿運河以行。忽有人從人叢中擲一物於皇之旁。其形如雪。若然而炸。聲若巨雷。眾見皇與該匪俱倒於黑烟之中。身傷肢裂。血漬模糊。慘不忍睹。是時雪霜滿地。血染成紅。狀如紅海。皇呻吟呼痛。皇弟趨前問信。皇言斷續。

出使日記續刻 卷八

六 傳經樓校本

不相接。口稱寒冷。命速昇至暖宮。以備後事。各官以大衣裹之。置暖車中。驅回暖宮。官民趨宮外。問音耗者不止萬人。世子與諸大臣倉皇奔至。須臾見宮外所懸旗。忽下半截。眾知皇崩矣。皆去帽跪地以弔。并為皇祈禱。新皇亞力山德第三即位。

二十三日記

般之輅策云。槍礮取準。法至不一。而礮準尤難。然不外無定法。有定法二者而已。何謂無定法。天時有寒暑燥溼。則空氣疎密不同。阻力因之而異。風勢有順逆偏側。則彈行助退相反。能力因之而大異。地段有水陸高下。

則地力與空氣。兼有輕重厚薄之殊。皆足以改變彈路。致生諸差。而各礮本差。尚不在此列。是在熟習審知。遲以精心。庶幾變化無方。鮮有不準矣。所謂無定法。非言可宣者也。何謂有定法。蓋即彈路所成之拋物綫。可以算術得其高低遠近之數。夫彈之所以必循拋物綫者。係合三種力所成。為勢所必然。重學理非可強也。一為彈行本重速力。一為地心吸引力。一為空氣阻力。合而較之。而拋物綫之理得矣。拋物綫之理得。則彈所能及之道里丈尺。不難推算而知。所謂有定法。其數可測者也。

出使日記續刻 卷八

六 傳經樓校本

二十四日記

試即二十四生特之礮。求其平擊與上下斜擊之數。按生特乃法國度衡取數之名。二十四生特之礮。略等於英國三寸徑。而用六磅彈之礮也。此礮始速率約一千零五十尺。五千步之末速率約六百三十尺。則其平速率約得八百四十尺。凡礮愈遠。則平速愈減。愈近。則平速愈增。若在一尺內。則平速所差無幾。即始速也。假如平置一礮。高於地平十六尺以下。彈可及一千零五十四尺。高於地平三十六尺以上。彈可及一千五百七十四尺。即高至九百尺。亦可平擊敵船。然彈力至此已減。若

更及遠則無濟矣。惟山麓守口礮臺能有如許之高。可以平擊敵船。若海面兵船相交。或平地兩軍相對。此礮平擊。須在半里之內。方克有濟。欲擊更遠。則斜向上擊之。昂度不可不知。若敵船已近。或敵已登岸。而臺上平置之礮。高不可及。則斜向下擊之。低度亦不可不知。欲知低度。必先明昂度。凡礮昂高四十五度。則彈及爲最遠。如敵已迫近。在一里之內。宜將礮尾高墊。俾口低下。若干度。乘勢斜擊。方能命中。至於避彼上擊。而仍不礙我下擊。則亦惟洞明順逆。善測遠近。俾礮無空發而已。

二十五日記

出使日記續刻

卷八

三傳經樓校本

德國之秤曰鐵勒葛學。每一鐵勒葛學。約重二磅二分五。擔曰色納。約重一百十磅。尺曰米特。每一米特。約三十九尺三分七厘。日結羅米特。每一結羅米特。合英里八分之五。又曰買耳。每一買耳。合英里四里零三千一百六十五尺。法國量物之器曰噸。每一噸。重二千二百磅。尺曰米特。每一米特。合華尺三尺一寸。十倍之曰特略米特。百倍之曰合得米特。千倍之曰結羅米特。里曰阿爾。計三畝零八分。四十倍之曰合搭兒。減十倍曰生搭爾。秤曰喀羅格郎。每一喀羅格郎。合二磅二分五。百倍之稍弱曰浸篤。俄國量木之尺曰藍納斯。每一藍納

斯。合英尺一百零三尺。其他量物。則以英尺爲準。里曰阜斯得。約英里半里強。秤曰波特。每一波特。合四十磅。奧國秤曰勝得南。每一勝得南。重一百二十三磅五量。地曰約。每一約。合英地一畝四分三。尺曰扣拉夫德。卽立方。每一扣拉夫德。合英尺六十七尺。丹國秤曰磅。每一磅。合英國千分磅之一百零二分。尺曰福得。每一福得。合英尺一尺又百分尺之三。意國之里曰結羅美特。每一結羅美特。分一千零九十三模。每模合英尺三尺。比國秤曰結羅格蘭。每一結羅格蘭。合英國二磅零二十分。量地之器曰吞拿。每一吞拿。約二千二百磅。里曰

出使日記續刻

卷八

三傳經樓校本

結羅米特。每一結羅米特。合華里一里半強。尺曰米特。每一米特。合英尺三尺零二分。土國秤曰瓦格。每一瓦格。合英磅八三零二六。合四十四瓦格。日進得一百八十瓦格。日吃格。尺曰杭達實。每一杭達實。合英尺二尺七寸。斗曰格羅。每一格羅。合英斗九分一二。其餘諸小邦。不及稽攷。至於巴西。西班牙。葡萄牙。荷蘭。瑞典。腦威。瑞士等國。與法相同。美及印度。與英相同。英製爲貿易者。所共知。可無煩贅述也。

二十六日記

叻報云。西人多借日食以精測驗。梁大同二年。唐武德

九年至貞觀元年。明嘉靖二十六年。日光大減。皆因日面有黑斑爲之掩也。日面斑多。其年地球熱度大而五穀豐。日面斑少。其年熱度小而五穀歉。太陽光體之外。必有最清之氣包之。日爲月掩則食。道光二十二年日食。天文士以遠鏡窺之。見月體外發光。或云如火燄。或云如山。咸豐元年日食。既玫瑰色。峰自日面發出。光體之外皆有雲狀。太陽光包四圍必有空氣。其光成爲條縷。有若光球內之大浪。同治七年日食。既甚久。測望之士皆見日邊有發出之峰。及四周光帶。因以照相最精之器照得之。太陽中亦有雲。與地球之雲相似。其形狀

出使日記續刻

卷八

三 傳經樓校本

二十七日記

若羊毛棉花。此爲太陽格致之創聞。非由日食則不能測得也。日體必最熱。恐亦猛火。或光熱在外。中間隔以雲氣。令外之熱不得入。則日非熱體。轉爲冷體。亦未可知。總之日以光熱化生萬彙。風雷雨露。飛潛動植。川澤消長。河海流行。皆日氣所爲也。日之功用大矣哉。

余於二十二日電致總署云。法務遲難割瀾滄江東岸地與滇接壤。外部屢催分界。應電滇督勘查。非可猝議。外部告慶常願不稍侵滇屬土司。彼因遲事未了。措詞和順。宜仿英廷辦法。由使臣請外部。依言寫立憑據。如

此雖一兩年後議界無妨。若遲事大定。彼必妄生覬覦。或致棘手。立據一節。擬請先告李梅。再令慶常試辦。萬一未能辦到。應由署與李梅早議。以弭後患。昨接總署來電云。李梅論遲事。總謂仍歸於和。湄江東歸法。法必不佔遍地。請我擬界。所擬界綫在緯緯二十三度零。與將軍里全境佔去。已駁其誤。仍電滇督確查。來電欲外部立憑據。恐辦不到。聞車里部內有貢於緬暹者。彼即立據。後仍有詞。未爲善策。總之英以車里歸我。正其狡計。此事不能緩至三年後再議。希設法探訪車里貢暹之士。司能得詳圖尤妙。余隨發電云。車里屏蔽滇南。關

出使日記續刻

卷八

三 傳經樓校本

係形勝。李梅朦混。駁之甚當。查車里有四城在湄江西。入城在湄江東。法所覲者。東入城也。法印地圖將東入城繪入法界。慶常詰之外部。自認錯誤。英以車里歸我。明知狡計。然會典及一統輿圖。並滇督來圖。皆隸滇境。斷難一旦棄之。遲向自主。土司貢暹。與法無涉。今日余又發電云。細思李梅意甚狡。外部立據。不過聲明車里所屬十二城。在法國權利之外。雖難辦到。請姑試之。願則旬月必成。日後免大爭論。不成則知法謀不善。可由署速與李梅議界。

二十八日記

大金沙江東岸四城之地。曰邁格納。曰允帽。曰夏鳩。曰泰洛崖。夏鳩係中國揮人塔姚克司所造。允帽係夏鳩人所開。那塔羅係允帽人所開。在米紀納之南。泰洛崖係那塔羅人所開。邁格納係道光八年米紀納人所造。有一總管四城之人名來姆姚克。或云蠻喜土司所派。李仙江即黑江上游。今中國輿圖以瀾滄江下流爲黑江。誤矣。漢龍關在瑞麗江及南碗河彙流處相近。天馬關在此西北。相距六七英里。猛卯孟密兩土司互爭邊界。後議定南坎江流入瑞麗江處。距瑞麗江與南碗河彙流處三英里半爲邊界。

出使日記續刻

卷八

西傳經樓校本

二十九日記

叻報客有談邊防者。茲摘其大略云。黑龍江眞塞外天塹也。其源出自西域。不入中原。經行邊界。東入於海。盤旋曲折。劈分南北。界乎中央。江之北爲俄地。崇巒疊嶺。人迹罕至。荒山曠土。不知幾千萬里。江之南山川秀發。林木蔥蔚。棟樑之材。取之不竭。五金礦產。綦布星羅。沿江居民。或耕或漁。亦魚米之鄉也。惜開墾成田者不及十之二耳。乾隆初年。劃江爲界。沿江設卡倫。置台站。黑龍江形勝。我獨踞之。厥後俄人竊踞江之出海口岸。今稱之爲尼格蘭斯。於是俄界渡江而南。自烏子江疑即烏蘇

里以下。南北兩岸數千里。盡爲俄有。雖烏子江上游。界限嶄然。俄人未敢侵越。然江中險要。我已與俄共之。俄自踞尼格蘭斯。經營商務。因海輪不能行江。乃創造小輪船公司。以資轉輸。西人旅居者各國咸集。而德人尤多。自尼格蘭斯迄於紅土窪。沿江而北。直至俄之金沙廠爲止。金廠大者四座。分設尤眾。出金之盛。勝於我南岸。漠河金礦數十倍。彼又過江而南。迫令土酋剪髮易服。均隸俄籍。其地多貂皮鹿茸麝香東珠人參等貴重之物。且土脈肥沃。宜乎耕植。乃設兵屯墾其中。其地日見殷富矣。

出使日記續刻

卷八

西傳經樓校本

三十日記

俄人用計易我琿春地四百里。兵船商輪。得出入溟海。以海參崴爲進泊之所。關成一通商大埠。招募朝鮮土民爲兵。合本國戍卒不下十萬。砲臺大者十餘座。小者不可枚舉。緣山環列。水程自海參崴而進。九十餘里。至原溪河。剡木爲舟。可容千百石貨。爲羣商必經之處。亦有重兵屯守。陸行三百里。抵琿春。有卡倫焉。距我琿春土城祇二三十里。備兵房。置運卒。嚴查商貨。以收重稅。琿春西與朝鮮接壤。有甌脫焉。中國不遑顧問。爲朝鮮人越界偷墾。漸成村落。今又爲俄所占。開通站道。土民

供其田賦任其役使俄人通行數十里車轍馬跡可直抵黑龍江邊一無所阻至我之瑋春木為三姓甯古塔黑龍江之門戶今乃孤城獨立首當其衝內地山深箐密絕壑懸崖道路崎嶇官商往來者反借俄之臺站為行役設有梗阻徵兵運餉豈不艱難昔年吳大澂察閱形勢居高向陽加築土城更緣山堅造礮臺又撥兵屯壘其地曾幾何時而規模漸廢矣

七月辛巳朔記

黑龍江土著之人以打獵為生童而習之槍不虛發然所習者烏槍也承平日久不習戰陣膽怯無勇用以捕出使日記續刻 卷八 毛傳經樓校本

盜尙不足恃故恆檄調馬隊焉練軍即日可恃未必足敷調遣況北地早寒八月即雪江水不流層冰堅互居民制器名曰排犁製同車式而下無輪軸上圍毳幕身卧其中擁重裘裹餼糧駕馬前驅其勢甚溜瞬息千里反利於平時之遲滯秋冬之交江流既失其險已與敵共之矣黑龍江水清濁不一深淺懸殊松花江間有淤淺處自宜設法淘深更宜自造行江輪船以利水師今中國未有江輪故漠河金礦仍僱用俄船以烏子江下游為俄界至中國旗幟不得懸挂誠非久計曷若自造自行以權其利哉 廣西自咸豐八年在桂林平樂梧

柳潯鬱慶遠南甯泗城百色等府應州各要口設卡抽收貨釐鹽釐光緒十八年共收正釐銀五十八萬五千餘兩公費銀四萬六千餘兩

初七日記

俄人族種分而為三曰大俄曰小俄曰白俄各為種類不相統攝俄京彼德羅堡自貴官巨族外皆為德商所居市中銀貨漲落及貨物貴賤德商皆操其柄 去年中日兩國貿易日貨運華值銀六百三十餘萬兩比之上年祇增銀五十餘萬華貨運日值銀一千二百餘萬兩比之前年殆增四百餘萬兩華貨銷於日本者以棉出使日記續刻 卷八 毛傳經樓校本

花豆類及油槽草席赤糖為大宗近年頗能獲利

初八日記

日本有腰房礮之鐵甲船一曰扶桑艦甲厚九寸至八寸置二十四生特礮四尊十七生特礮二尊水纜帶鐵甲船四曰比叻艦甲厚四寸四分曰金剛艦甲厚四寸四分曰龍驤艦甲厚六寸蓋購英國舊船而修整者曰東艦甲厚四寸四分至三寸二分巡海快船十有六曰筑波艦曰淺間艦曰富士山艦曰海門艦曰天竜艦曰筑紫艦曰高千穂艦曰浪速艦曰吹旁艦曰日進艦曰天城艦曰磐城艦曰清輝艦曰春日艦曰蒼龍艦曰迅

艦此外尚有破船六號曰第一丁卯艦曰第二丁卯艦曰鳳翔艦曰孟春艦曰千代形艦又一艦尙未知名水雷船大者一號兩旁鋼板厚一寸小者六號未及記其名也。

初九日記

前表日本各船之外又有雷電艦爲五等常備船成於道光三十年龍驤艦爲三等鐵甲船成於同治四年石川丸爲七等練習船成於光緒三年葛城艦爲三等鐵骨木皮船成於光緒三年大和艦爲三等鐵骨木皮船成於光緒元年武藏艦未詳高雄艦未詳摩耶艦爲不

出使日記續刻

卷八

天傳經樓校本

列等之鐵船愛宕艦未詳鳥海艦成於光緒十一年赤城艦亦爲不列等之鐵船又有千島艦甫從英國製成卽磕碰而沒未列於冊此日本兵船細數也日本有海軍提督署二一在靜岡相模國三浦郡一在鹿耳島耶摩國鹿耳島郡。

初十日記

俄跨歐亞兩洲之北境長約二萬餘里其歐洲諸國瑞典那威約一千餘里丹國約千里奧國東西三千一百餘里南北一千八百餘里德國兼普魯士及日耳曼列國南北一千一百餘里東西二千一百餘里瑞士不過

東西五六百里南北三四百里土耳其國縱橫約四五千離希臘約縱五百里橫七百五十里意大利國縱橫約不過千里荷蘭縱橫皆不及七百里比利時國縱橫皆不及六百里法蘭西縱約二千二百五十里橫約二千六十里西班牙國西南至東北二千四百五十里東南至西北二千八十里葡萄牙國縱約一千三百里橫約五百里英倫蘇格蘭兩島南北約二千餘里東西闊處五六百里狹處三四百里迤西阿爾蘭一島南北七八百里東西五六百里至若阿非利加一洲南北一萬八千里東西闊處一萬六千里亞美利加一洲長二萬八千餘里

出使日記續刻

卷八

天傳經樓校本

十二日記

開教之案自同治以來一見於河南鹿邑再見於桐柏三見於武安四見於直隸永年五見於揚州六見於四川西陽七見於天津八見於黔江九見於瓊山十見於龍川十一見於九江十二見於温州十三見於皖南十四見於海豐十五見於清遠然未有如前年蕪湖武穴無錫丹陽江陰之教案迭起數千里之地響應於一兩月之內者也。

十三日記

近時法國辦理海軍試驗以鴿傳信之法先以數鴿交一兵輪駛至海外約去口岸五六百里放之空中倏忽不見回岸詢之飛歸甚速論者謂練之得法必有大益西國因設專官以司之普法之戰法京被圍乃以鴿傳信用輕氣球六十四具凌升空際以出法京攜鴿三百六十隻放之有三百二隻飛回巴黎第二次一百餘隻飛回九十八隻帶有官文十五萬件民信一百萬張其字用照相法縮之極小必用顯微鏡方能辨認由是法人設局育鴿操練屬之兵部并立專律管理其事國家育鴿十萬隻民間立會育鴿者十處每處育鴿七百二十

出使日記續刻

卷八

三 傳經樓校本

十隻德國亦派員專理此事柏林有二局每局育鴿五百隻能飛至一百二十英里外者旌以金牌每年育鴿費約銀一萬兩又有民鴿會七十八處意國亦有武備鴿房總局外有分局十處此外陸軍養鴿者亦復不少西人化無用為有用如此又有用蜜蜂傳信一法每一點鐘可行二十里然遠至三十里以外則多不能飛回終不若鴿之能遠翔且多帶信件也

二十一日記

粵垣大北門外三元里永安火藥局於五月十一日申刻因廚房失慎焚燬藥房四間附近之瑤台沙涌等鄉

塌倒房屋灼壓斃命者不計其數儲藥之所雖環以水溝潦以高牆亦竟無益溯查道光之季上海老北門內九畝地火藥局被災焚燬火藥數十萬斤傷斃數十人震倒房屋甚多又咸豐九年秋山東火藥局失事震陷十餘里死傷姓名可查者四千餘人無可查者不知凡幾巡撫上聞奉

旨賑卹同治六年十月二十六日正午湖北省城山前大校場火藥局被災忽然電掣雷轟牆傾壁倒閱一時許稍定申初復然蓋城中有二局雖相去數里阻隔一湖而聲氣相感致此局甫畢彼局又震也並有子母礮

出使日記續刻

卷八

三 傳經樓校本

二尊一經燃及循環不已致塌民房數千間斃命數千口局員十餘工役數百局牛三百餘頭皆燬火至是查然後挑瓦礫乃得殘骨堆積如山是役焚去硝磺數千萬斤震陷平地百餘丈重淵巨浸毘連而七淺者丈餘深者五六丈黃岡陽邏皆在江北距省六十里當時亦覺地震光緒庚寅九月二十一日太平府火藥局災前已誌之不復贅述大抵火藥係硝磺二物製成硝為陰精磺為陽精陰陽相薄故必常見風日以洩其性否則火從內出不燃自焚理固然也又查光緒十年十一月十三日辰刻佛山鎮火藥局失慎斃工匠百九十名焚

去火藥數百萬斤。轟聲震動省城。其局爲龔方伯易圖所開。因其庇護失慎之局員。致列彈章。三元里火藥局焚燬。現經廣東司道會同營將。赴城外東北隅數里外之劉澤園。勘得一地。俗名大片田。田畝寬廣。故以爲名。以建築局。極爲相宜。此地距城不遠。村落甚遙。前歲松江紳士稟請將火藥局移建城外曠地。卒以經費無出而罷。

二十四日記

自美國佛勒爾勒釐邦與墨西哥瑤克坦省之間。環南美洲委內瑞辣之亞林罕可江口。有西印度羣島者。島出使日記續刻 卷八 三 傳經樓校本 形長曲。大小高下不一。西人分爲三大羣島。一曰大安的列斯羣島。二曰巴哈麻羣島。三曰小安的列斯羣島。大安的列斯中有島曰古巴。曰海地。曰波爾多黎各。曰牙買加。皆大島也。巴哈麻則爲珊瑚低平羣島。在四大島之東北。大西洋之中。小安的列斯則皆火山之迹。在大安的列斯之東。更近南美洲洋岸。島多風災。亦多苦雨。與熱病。統計西印度羣島之地。約九萬五千英方里。而大安的列斯約得八萬。民約三百五十萬。或云四百五十萬。分三類。一阿洲黑人。一歐洲白人。一歐洲人與黑人所生之人。黑人居四之三。羣島中除海地自主外。

若古巴。若波爾多黎各。則屬西班牙。若巴哈麻。若牙買加。及小安的列斯中之大半。皆屬英國。小安的列斯中。若聖召恆。若聖召滿斯。若散貪克羅士。皆屬丹國。若聖排召老慕。若乖達鹿破。若馬耳的尼加。悉屬法國。此外屬荷蘭者。祇有古辣。可與附近二島。近委內瑞辣。聖排召老慕之西北。有聖麻丁小島。半屬法國。半屬荷蘭云。

二十五日記

海地全島。介於古巴與波爾多黎各之間。有樹林之山。島也。東西長四百英里。約三萬英方里。在西印度羣島中。肥沃稱最。氣候宜人。有金銀銅鐵錫各礦。戶口約七十萬。黑奴過半。土產紅木染料木加非。可棉花煙葉蠟。薑糖。海澳便於泊船。通商便利。惜多變故。商務大壞。先是全島屬西班牙。一千六百九十七年。島以西始割歸法國。一千八百零年。島西人又脫法羈絆。自立爲民主國。即今所稱之海地也。其地有九千二百三十二英方里。戶口五十七萬。都會曰拋多潑林司。一千八百四十四年。島東人亦自立爲民主國。曰山度明哥。今海地全島蓋有二民主國云。山度明哥之地。雖倍於海地國。然戶口不及海地四之一。大海口與國同名。都會亦然。

二十六日記

光緒九年張靖達在粵督任內電致李丹崖星使定購魚雷雷艇相度虎門沙路魚珠各要口形勢訂購守口之沈浮水雷電綫等項延訂洋師在黃埔設局考取學生選募水勇認真練習查魚雷之用可以轟敵船可以作埋伏而安放運用亦不甚易粵省魚雷雷艇皆為重價購得式類繁多皆係鋼料不可輕視北洋本有旱澳船臺魚雷廠屋分別安放棄程井井粵省亦應妥籌收藏之地勿令珍物常浸水中致多損壞雖常油飾究難持久前因廠澳工程浩大未能因時建造繼議在黃埔設廠買田填築蓋造旱澳船臺一區內分為二一日正

出使日記續刻 卷八

西傳經樓校本

臺一日副臺正臺用鐵路四條可安置雷艇九艘尙餘二艘輪流停泊水面以備操演副臺用鐵路兩條以備抽換操演時前後騰挪安置艇架之用四旁餘地分建住屋並存儲船板艇臺料件等屋共七所又建魚雷廠屋一所廠前臨江建橋一座人字架一副俾魚雷水雷均可在此起落

二十七日記

歐洲地約三京五兆五億五萬方里每十方里計一百零一人共得三垓六京零二億人亞洲地約一垓四京七兆一億方里每十方里計五十七人共得八垓五京

丁口阿洲地約一垓一京五兆一億四萬方里每十方里計十一人共得一垓二京七兆八人澳洲並太平洋羣島之地約三京三兆方里每十方里計不足一口半共得四兆七億五萬人北美洲中美洲地約六京四兆四億六萬方里每十方里不足一口半共得八京九兆二億五萬丁口南美洲地約六京八兆三億七萬方里每十方里計有五人共得三京六兆四億二萬人北極五穀不生之地約四京八兆八億八萬七千方里僅得三億丁口合五洲全地計其五垓一京二兆五億零八千方里其人計十四垓六京七兆九億二萬口肌膚之

出使日記續刻 卷八

西傳經樓校本

色皆緣水土之殊比類參稽可分為六大抵黃色人約六垓二京五兆有奇白色人約五垓七京有奇黑色人約二垓一京五兆有奇半黃半白色人約六京五兆有奇淡黑色人約三京三兆有奇雜色人約一京五兆有奇以上雖分六族而歷代以來婚媾相通彼此互為夫婦有難過為分別者總之今之著名族類一黃一白耳黃人管轄五洲之東方約占五洲十分之三白人轄歐美澳洲及亞洲之西壤約占十分之八九此其大較也

二十八日記

余挈眷避暑於白雷登。繙譯王豐鎬武弁王鐸皆從。中國西藏突厥蒙古東三省及黑龍江以北地。朝鮮日本越南暹羅緬甸諸國皆黃種人。論黃種人之文學。中國實肇其端。亦獨臻其盛。武功則應讓蒙古。首屈一指。如元太祖之以次臣服中國。印度俄羅斯何其偉歟。白色人種又名雅理翰族。蓋因上古之世。崑崙山有雅里翰一種人。其苗裔南至印度者。膚色白於印度人。故兼以白人名。既而西行至歐美二洲。紛紛占籍。其髮有黑色黃色之別。成周之世。白人文學著名者。推印度波斯。戰國以迄秦漢。以希臘羅馬為文人淵藪。近則白人。

出使日記續刻

卷八

美傳經樓校本

百年前歐人初至美洲。見有一種土人。肌膚皆帶紅色。究所從來。相傳不一。或曰黃人之流亞也。從亞洲轉徙至此。攷其著名之兩國。曰墨西哥。曰秘魯。然兩國素無文字。往往結繩紀事。居然有上古遺風焉。

八月初二日記

午刻游英前王若耳日第四故宮。王即今王維多利亞之伯父。僅在六十餘年以前。而宮室之制。已有與今之洋房不同式者。頗仿中國之式。而壁上丹青。亦多繪中國人物。足見斯時中國聲威尙壯。未嘗不為英人所企慕也。申刻赴舊隄。觀婦女及兒童遊海。中國開礦。

出使日記續刻

卷八

美傳經樓校本

文學。徧於歐美二洲矣。黑色人種。其居處皆在赤道之下。天時炎熱。蓋阿洲族類也。東以太平洋為界。西以中。美洲為界。黑人一族。從古無著名之國。近百年來始有人教之讀書識字。或被他國虜以為奴。迄今未能盡絕也。半黃半白色人種。如古時印度西北之巴庇倫及蘇利耶埃及諸國。溯夏商周之世。此族人之名望。四遠咸知。各洲政教之出其右者。惟中國耳。淡黑色人種。即南洋之巫來由人也。此種人大半生南洋羣島。而迤東至太平洋一帶。其文學互古罕聞。惟祖述亞納伯所制文字。亦無幹濟之才。可以名世者。雜色人種。亦分兩種。四。

支二千四百三十三年之用。噫何其盛也。

初三日記

余嘗評論光緒初年以來出洋星使。究以曾惠敏公爲第一。以其資性聰明。頗多材藝。而又得文正之庭訓。在任八年。練習洋務。並諳言語。至今爲洋人所欽慕。伊犁改約一案。弭兵修好。頗著成功。洋藥釐稅併征條約。成於惠敏之手。歲添帑項四五百萬金。頗有裨於國計。越南一役。至於決裂。則以有隱掣其肘者。非辦理不善之咎也。惟其持論或稍游移。始終以多設領事爲無益。未免意存推諉。此其過於聰明之失也。郭筠仙侍郎次之。

出使日記續刻 卷八

三 傳經樓校本

侍郎雖力戰清議。以至聲名敗壞。然其心實矢公忠。且他人必無此毅力。無此瘴氣。故居第二。鄭玉軒黎莚齋又次之。玉軒莚齋皆君子人也。居心稍慤。所值又非可以見功之地。以至無大建樹。故居第三。第四。陳荔秋又次之。荔秋雖亦不失爲君子。而膽量更小於鄭黎。實非幹事之材。故居第五。許竹質洪文卿又次之。二君皆聰明有餘。而稍不肯任事。然出洋三年。皆有著述。可傳於世。故居第六第七。劉芝田汪芝房又次之。芝田頗有得於黃老之學。芝房亦其流亞也。故居第八第九。口口口口張樵野又次之。口口樵野才非不敏。而皆累於聲色之

好牟利之工。故居第十第十一。口口口口又次之。口口才學亦頗可觀。口口一役。身名敗裂。故居第十二。口口口口又次之。口口才品本在下中。頗爲京都士大夫所鄙棄。故居第十三。口口口口又次之。口口才力有餘。西學亦精。一旦得志。器小易盈。其所爲頗近於小人。晚年被譴。永不敘用。殆由自取。故居第十四。口口口口又次之。口口以氣節自矜。居心實甚巧詐。建議亦多紕謬。足以貽誤大局。故居第十五。口口口口口口又次之。口口口口等公使自誇與口人商定約章。誤國病民。爲世大戮。故居第十六。口口口口又次之。口口身居使職。而以賊敗風斯下矣。

出使日記續刻 卷八

三 傳經樓校本

故以殿焉

初四日記

已刻赴新隄。觀男女遊水。又觀蚤蝨戲。其法選蚤蝨之肥健者。以絕細銅絲繞於蚤之腹後。以紙爲車。驟視若木質者。使蚤曳之以行。車稍小則負以一蚤。稍大則負以兩蚤。另縛一蚤於車上。若坐客者。爲一小鞭。俾蚤挾之。若揚鞭者然。又爲桔槔之形。使蚤轉之。又爲井與旋機之形。使蚤自轉其機。若汲水者。據云蚤之壽不過半年。未有半年而不死者。而蚤之中。選甚難。捕數十蚤。不過選得一蚤。又必操演月餘。始能馴伏。操演之法。初捕

得時先以銅絲縛之。磨其善跳之性。兩旬以後。便使負車。蚤行三四步。必跳。跳則車便翻轉。而蚤六足向上。翻動久之。始將其車撥正。蚤又行三四步。必仍跳。跳則翻轉如前。如是者。不知次數。凡半月而蚤始不跳。可壹意負車矣。其養之也。每夜即使伏於臂上。俾暖其膚而吮其血。飫之必飽。而力乃健云。

初五日記

英女主維多利亞適值英國極盛之時。其勲業福澤。在英國君主中固為最隆。即中國帝王。自漢以來。堪與匹者。不過數人而已。大抵人主貴乘運會。然後賴才德以

出使日記續刻

卷八

罕傳經樓校本

濟之維多利亞性行淑均。聰明內蘊。知人善任。固為國人所稱矣。亦其適值風氣大開。人才輩出。商務之擴。水師之練。工藝之精。正到極至之時。如日月之方中。前乎此則光未滿也。後乎此則勢將昃也。蓋其遭際為獨難矣。英自失去亞美利加以後。君若臣股。憂數世以全力經營五印度。未及百年而腴壤數萬里。悉為所併。富強之勢。遂莫之與匹。澳大利亞一洲。亦已舉關百年。地博物阜。幾與美洲相埒。而加那大與阿非利加諸土。亦皆生聚日完。炎炎之勢。不可抑遏。自今以後。地球諸國。可與英爭衡者。惟俄羅斯耳。然後乎此者。固非維多利亞

所能自主。前乎此者。亦正非維多利亞所能自為也。夫亦曰時而已矣。

初六日記

英國財賦。出於關稅地租及國債。均由巴力門議納。視國家緩急為輕重。實無定額。一千七百六十一年至七十四年。太平無事。納賦英金八百八十萬鎊。至一千二百八十八年。疊次加增。至一千八百十六年。納賦七千六百八十三萬鎊。國債則一千六百八十八年。始借六十六萬鎊。積至一千八百四十八年。共借七萬九千萬鎊。是歲出息二千八百十四萬鎊。關稅進口茶葉糖加非

出使日記續刻

卷八

罕傳經樓校本

酒煙等物。出口皮革煤等物。一千八百五十二年入款。關稅則一千八百七十六萬鎊。地租一千三百九萬鎊。印票錢五百九十三萬鎊。國中財貨出入戶產錢三百五十六萬鎊。以每戶所有玻璃田房產丁戶租稅五百二十萬鎊。信局錢一百六萬鎊。林木官地租稅十五萬鎊。火輪車雜稅等項十七萬鎊。是歲度支所入。計共四千八百萬鎊。每年多寡不一。前三年五千一百五十萬鎊。後或五千四百萬鎊。至今日大約七千餘萬鎊矣。出款以一千八百五十一年計之。國債之息二千八百四十八萬鎊。政教官弁養老贍疾之費三十九萬六千鎊。

各衙門俸祿一百九十萬鎊。兵餉六百四十萬鎊。兵船錢糧六百四十三萬鎊。破位錢糧二百五十五萬鎊。太學及諸公會書院三百五十萬鎊。每歲國用。有時出浮於人。若歲入有餘。則以償國債之存本而減輕其息。有事或更增借也。

初十日記

漢口信云。荆州淫雨連綿。江流暴漲。六月初二日。荆州南學太平口之戴家場。迤東之楊家灘。公安所屬之黃金口。先後決口。驚濤駭浪。平地橫流。遠近鄉鎮俱遭淹沒。西垵之龍王廟。周家嘴。水德寺。西流灣。蕭家臺。鄧家

出使日記續刻

卷八

聖傳經樓校本

臺等處。水深六七尺。東垵附近各村較西垵尤低。水害過之。隄內汪洋浩渺。居民登屋避水。坍塌屋數百椽。沈船百餘艘。此特就江陵言之。所有受水之公安石首枝江松滋。尙不知作何情狀。京師自六月初八至十三日無日不雨。或晝夜不停。各巷民房倒塌。死傷甚多。宣武門因水過深。至一點鐘始啓。永定門內天橋。迤南石路上水深過膝。東西兩旁以及垣坡。水約丈餘。所奇者水中大魚甚多。未悉由何而出。老年人談及實數十年未經之大雨也。左安門外河溢過橋。泛濫各村莊。田園萬頃。一片汪洋。京東張家灣一帶及西南地面。皆成澤國。

南苑一帶尤形窪下。民房皆被淹沒。又聞德勝門外被居庸關山澗衝決。田廬民畜。隨波漂沒。京西自白菓河決口以後。永定河涿州房山良鄉等處。悉為澤國。北通州亦自初八至十二日。大雨不止。將東北城外房屋衝塌。風聲雨聲水聲。雜以呼號哀哭之聲。聞之酸楚。十三日但見樹杪屋頂。災民或隨流遠去。或登屋抱樹。較十六年水高五尺。桂林自五月至六月。連日夜大雨。山水陡發。一望無涯。居民陸沈。浮家為活。登城一望。未沒者僅數版耳。廉州自三月二十七日起。大雨三晝夜。平城水深丈餘。衝倒民房。淹斃人口。靈山縣一帶亦

出使日記續刻

卷八

聖傳經樓校本

十一日記

天津自五月十三日大雨傾盆。夜以繼日。至二十三日復雨。各河之水。同時增漲。永定河水勢尤高。城西三河頭等村。打埝約高七八尺。六月初天氣放晴。九河水勢稍平。初六復雨。初七以後無日不大雨。如注。十三日尙陰晴不定。低處田疇。盡成澤國。十四日則滔滔巨浪。捲地而來矣。順屬二十四州縣。已報被水者一千四百餘村。此外日有續報。京師連日大雨。九門城牆坍塌甚

多或八九丈或十餘丈不等。皆在裏面。天津自六月十七日水勢稍殺。十八日暴漲如前。督轅外鐵橋以東至望海樓一片汪洋。法國租界房屋無不在水中。中央居民遷徙者十七八。北河北倉白廟馬家口等村決口三道。永定河漫口。衝去津邑楊家河莊七八十家。波及青光等邑。灌入馬駒橋。直抵京師安定門外。京南附郭下迄通州。廬墓田園半成巨浸。二百四十里之京津大道不通。車馬者累日。豫河於十八日決口。楊柳青以上三里碾嘴村南岸之水灌入南窪。十九晚倒灌佟樓東西樓。二十日已至梁家園右旁小營門之外。

出使日記續刻

卷八

傳經樓校本

十二日記

白雷登新舊兩隄。造價皆英金三萬鎊。北通州水災。以道光十八年爲最重。光緒十六年則水又高二尺。今年水災較庚寅年又高五尺。自五月十三日起無日不雨。運河之水漲落靡定。二十一日裏河花兒開。普濟開決口水向西南衝刷各村。六月初八至十一日淫雨尤甚。東南風大作。運河水漲丈許。漫過壩前長隄。十二夜忽聞正北似萬馬奔騰聲。人皆譁言山水至矣。旋由房頂漫過。直至北鄉各莊。民有升屋頂者。有攀援上樹者。號哭之聲。遠聞數里。京西之水由裏河五開傾瀉。與運

河之水合成一片。漫過卧虎橋。直入北門。門洞中可以行船。一支入小北門。進東門。灌入北菜市。水深丈餘。臨城鋪戶全行塌倒。城上周圍拴繫救命繩。豎立雲梯。俾難民攀援而上。天津九河水勢繼長增高。幾與隄平。六月十四日東門外東浮橋東新街一帶。被水浸潤。十五日水勢愈高。三岔河口以下。節節皆水。皇船塢外之擺渡口。同時漫溢。河水疾於奔馬。紫竹林亦一片汪洋。法工部局迅集人夫。運土打捻。始將來源擋住。此河西一帶情形也。更以河東言。海河東刷西淤。長隄一道。因爲駭浪奔濤所蓄。每形殘缺。幸皆坵地。堆積鹽斤。爲商人資本所關。不忍輕於一擲。當將此隄加高培厚。鹽坵可保無虞。說者謂京師此次大雨。非但大於光緒十六年。即嘉慶六年亦無此湯割之勢也。

出使日記續刻

卷八

傳經樓校本

十三日記

余於酉刻挈眷自白雷登還至倫敦使館。英外部送新圖一幅。其所擬野人山地中緬之界。較三月間所送之圖。又稍有更改。約自北緯二十五度三十五分。格林尼址東經九十八度十四分處之一高山尖。岡尼格爾山尖起。其綫隨山脊而行。西南向。過高崙峰及瓦倫山尖。下至薩伯坪。自薩伯坪起。其綫向西而行。稍向南。

過沙東峰到那緬庫峰。此間即循南太白江。亦名太白江而行。初係向南。後向西。直至與雷格拉江彙流處。然後循雷格拉江而行。至其源流處。在恩格倫相近。過恩格倫及庫公。至西邊。然後其綫循來色格江而行。由來色格江西首根源起。至與穆雷江彙流處。循穆雷江而行。至本岡又名木辣世岡相近處之根源。由此即向南及東南行。至貴高格江。循此江而行。至此江與穆雷江彙流處。然後循穆雷江向西南而行。至與既陽江彙流處。循既陽江。至其根源處。在愛路本。然後由南奔江根源起。循南奔江而行。至太平洋江。

出使日記續刻 卷八

吳傳經樓校本

十五日記

古巴。西班牙屬島也。在西印度羣島中為最大。北緯自十九度五十分至二十三度九分。經度英京西七十四度八分至八十四度五十八分。西北距美國之佛勒爾勒釐一百四十英里。西南距墨西哥之搖克坦一百三十英里。島形狹長。極長處七百六十四英里。闊自二十五至一百三十英里。戶口一百四十萬。一千八百七十二年中有歐洲人七十六萬有奇。自主之黑奴二十八萬。內有華人數約五萬。奴僕三十七萬有奇。沿海皆山礁淺灘。可以行舟者僅三之一。多小島。其較大者曰老司勞諾司曰

羅曠擊。曰土立乃擊。曰克羅士。東南有昔拉可百里山。橫互最高之峰高六千八百九十英尺。嶺勢蜿蜒。過島長之半。北有低平大地。地卑溼。有鹽澤山林。有貴木。造舟者取資焉。物產惟糖為最多。甲於天下。煙葉亦著名於各國。島分東西二部。哈瓦那。西部都會也。山的阿古。東部都會也。

十六日記

余現覆英外部所擬野人山地之界。應自北緯二十五度三十五分。格林尼址東經九十八度十四分。即北京西經十八度十六分處之一高山岡尼格爾山尖起。兩

出使日記續刻 卷八

吳傳經樓校本

國邊界之綫。即隨此山脊而行。向西南。過高崙坪及瓦倫山尖。由此過渾昌村與高崙之中間。渾昌村歸緬甸。高崙歸中國。直至薩伯坪。自薩伯坪起。其綫向西而行。又稍向南。過沙得倫坪。到那緬庫坪。由此向南。隨山脊而行。至大薩爾河。自此河源至此河與南太白江相會。如是則分尤葛在東邊。雷奔在西邊。自大薩爾河與南太白江彙流處起。界綫循南太白江而行。至此江與雷格拉江相會。由雷格拉江至其根源。在恩格倫相近。自恩格倫起。星格倫在西。昔馬及穆雷江在東。其綫自來色江西根源起。至與南美利江相會處。然後由南美利

江而至其根源。在奔龍相近。自奔龍向西南方。循列塞江根源而行。至其與穆雷江相會。在克登相近。分克登村及來色江在東。界綫即隨穆雷江向西南而行。至既陽江相會。然後隨既陽江而至其根源處。在愛路坪。然後由南奔江根源起。循南奔江而行。至太平江。

十七日記

波爾多黎各。亦西班牙屬島也。在海地與浮金各島之間。北緯自十七度五十六分至十八度三十二分。經度英京西六十五度四十分至六十七度二十分。南濱加勒海。北濱大西洋。東西長一百十英里。南北闊四十英里。共三千五百三十英方里。戶口一千八百六十人。白人三萬有奇。自主黑人二十四萬一千有奇。黑奴四萬一千有奇。共六十一萬七千餘人。地形崎嶇。土極肥沃。水土益人。東西有山。亘於全島。山麓小川下注。密如蛛網。海口亦多。帆船如織。人以製糖釀酒。種加非烟葉為首務。牧次之。耕又次之。一千八百七十三年。出口糖值英金一百五十八萬餘鎊。糖漿值十四萬三千餘鎊。加非值九十二萬九千餘鎊。次年出口貨共值英金二百五十二萬四千餘鎊。通商以西班牙及西班牙墨洲屬地。美英德各國為多。電綫已通各大城。鐵路十二英里。島分

出使日記續刻

卷八

吳傳經樓校本

七部。轄於數大武員。三助伐。其都會也。

十八日記

羅馬尼亞國。即志略所稱土耳其襪拉幾亞。及穆爾達費亞兩部之地也。東北界勃魯脫河。過此即俄之貝沙拉比部。西北界加爾巴脫嶺。過此即奧之布哥維納及達耶西里尼部。南界多惱河。過此即布加利亞國。西界賽爾斐亞國。東瀕黑海。地當赤道北四十三度三十八分至四十八度十五分。京師西八十六度四十八分至九十三度五十八分。巴黎東二十度十分。凡十二萬九千九百四十七啟羅。適當方里。居民五百三十七萬六千有奇。初羅馬尼亞兩部。皆希臘種人。蓋古羅馬裔也。所奉之教。與俄同。與土異。土人復苛斂虐待。咸豐十一年。兩部合力叛土。奉總兵古士為王。號羅馬尼亞半主。屬國。歲貢方物。土人無如之何。越六年。古士被廢。同治五年。各國議立沙勒爾為王。德王姪也。光緒三年。俄復攻土。沙勒爾趁機立為自主之國。明年各國大會柏林。議許設政府。遣公使。國中鐵路長四千五百九十四里。似係電綫二萬一千五百六十里。郵局三百九十所。出口貨值洋銀六十八兆六十六萬餘員。進口貨值洋銀一百九兆十七萬餘員。國債二百五十八兆三十萬員。

出使日記續刻

卷八

吳傳經樓校本

國分三十二郡。都城曰布加勒司。當赤道北四十四度二十五分。京師西九十度二十三分。巴黎東二十三度四十五分。

十九日記

慶藹堂來書云。近日與俄外部侍郎會晤二次。與嘎爾斯會晤二次。俄皇自丹馬國寄諭外部。謂慶常所論中俄大局。甚為切當。爰命外部與兵部會議辦法。以備還都開議。按略約但有清文俄文。而無漢文。查清文原本。並無華界一直往南之語。不過至烏仔別里而止。下文僅有向南二字而已。此層總署已經明曉。大約酌中之

出使日記續刻 卷八

辛 傳經樓校本

道。或能辦到。然必由署中作主。外間祇能催商而已。始俄一味推宕。置諸不理。故樞堂係尚書有調員之議。幸俄主尙顧大局。允許商議。并飭外兵二部預備辦法。約以還都開議。現請嘎爾大臣速將辦法略為指示。彼力疾由鄉回城。面晤兵部。期以七八日內先將大旨梗概相告。俟西十二月俄主回國。再行商辦。彼謂界務繁冗。非與俄主披圖面陳。不能妥協。此須俄主自定。不敢擅專。似非欺人語也。又來書云。聞竹使有勸總署退讓之說。竊思尙未開議。先自落價。彼將得步進步。更難收束。入春以後。外部不理。竹使詞色令人難堪。竹使二年以來。

專與俄總辦模稜遷就。未得一與嘎爾斯交談。宜其不得要領耳。

二十日記

賽爾斐亞國。故土耳其屬部也。北界奧斯馬加。東北界羅馬尼亞。東界布加利亞。西界奧國之波斯尼亞省。南界土國之沙羅尼克及馬拿斯底爾省。凡四萬八千五百八十八畝。羅邁當方里。居民二百二十一萬三千有奇。此國本歐東舊邦。自明天順三年以後始屬於土。嘉慶五年。叛土自立。土王因以封之。而責其入貢。後有米老斯瓦伯烈拿佛者。賽國之將也。屢戰勝土。道光十年。

出使日記續刻 卷八

至 傳經樓校本

國人奉以為王。是為瓦伯烈拿佛第一。其孫為今王密朗第四。賽人故斯拉夫種。強武好鬪。俄以其同族。輒左右之。與土血戰二十餘年。尙未得志。俄土之戰。諸部羣起。應俄。柏林之約。立為自主之國。光緒十七年。出口貨值洋銀十三兆一萬二千員。進口貨值洋銀十兆五千五百員。國債洋銀七兆十八萬五千員。都城曰貝爾格拉得。志略作別甲約章。類纂作柏格拉。其水皆匯多惱河。以注於黑海。國分十五部。貝爾格拉得城當赤道北四十四度四十七分。京師西九十九度二分。巴黎東十八度六分。

二十一日記

布加利亞國。故土耳其屬部。即志略所稱西里斯的黎亞地也。志略一作不牙北阻多惱河。與羅馬尼亞交界。南枕巴爾互山。與東羅美里交界。東瀕黑海。西隣賽爾斐亞。凡六萬三千九百七十二。啟羅邁當方里。居民一百九十九萬八千九百有奇。布加利亞種人居其三。皆奉希臘教。土耳其種人居其一。皆奉回教。兩教積不相能。土廷尤暴斂其民。初高加索部人有去俄奔土者數千人。土人使居布地。性悍喜鬪。光緒二年。布人戕殺回民。土廷急發高加索人捕斬萬五千人。俄王亞力山德第二因此伐土。土人力竭請和。四年柏林之約。議定東羅美里出使日記續刻

卷八

五 傳經樓校本

為自主之省。布加利亞為半主之國。雖附庸於土。其王則由國人推立。亦有政府議院。今已駸駸強盛矣。鐵路長一千四百四十八里。八百六法里。電綫長一萬四百四十八里。八千四百八法里。光緒十七年出口貨值洋銀十七兆七十六萬六千員。進口貨值洋銀二十兆三十三萬七千員。國債洋銀三兆四十六萬三千員。國分十四郡。都城曰沙非亞。當赤道北四十二度三十九分。京師西九十三度十四分。巴黎東二十二度五十四分

二十二日記

門得內各羅。一作門內哥譯言黑山。故土耳其屬部。即志略

所稱黑坐義部也。北界波斯尼亞。赫次戈偉訥。東界哥沙伏南界阿爾罷尼。西界阿得安海。周圍八千四百七十五。啟羅邁當方里。居民二十七萬二千有奇。四圍皆山。萬木叢列。一望如墨。故有黑山之稱。本賽爾斐亞之一地。明天順間。土兵攻賽國。下之。獨門民據險拒守。避匿車爾拿哥刺山中。至今石室如蜂房。康熙四十九年。門國王貝德羅威脫始與俄立約。拒土。號稱自主。以保護希臘教。明年與土戰。土兵死者二萬人。於是門益附俄。咸豐二年。土伐門。又敗去。各國助門。抑土。同治元年。土攻門。圍其塞。聽納都城。門請盟。土脅使內屬。俄人不許。光緒二年。門土復戰。進踞斯居大里。柏林之會。各國立門為自主國。且強土割地。因其不通海。並以盎底佛利及瑞爾西紐兩海口界之。又益以波特哥利塞礮臺之地。而斯居大里湖亦分其半。如是立國始定。惟地陝產瘠。故不立議院。不遣公使。惟有執政紳員八人。國人皆隸兵籍。性勇猛。亦有鐵路電綫。每歲出口貨約值洋銀五十萬員。有牲皮毛乳油之屬。歲入約洋銀二十五萬員。有地稅關稅鹽釐牲捐之屬。都城曰塞聽納。一作塞吞當赤道北四十二度二十六分。京師西九十七度二十九分。巴黎東十六度三十九分

出使日記續刻

卷八

五 傳經樓校本

二十三日記

土耳其蓋突厥之遺種以回鶻本字譯之音亦相近自唐以後突厥衰弱散居蔥嶺東西漸徙漸遠今所稱圖爾齊斯坦部落及土耳其國實皆突厥之後泰西圖志頗述其所自出焉迨蒙古強盛服屬西域各回部土耳其人逃居小亞細亞山地即美部落益繁元大德三年其酋阿多曼第一據地立國自稱蘇丹變游牧為城郭復伐東羅馬攻地中海諸島是為土耳其建國之始泰定以後征服小亞細亞諸地以亞那多里亞譯言東方之布魯薩為都城遂逼他大尼里海峽以窺君士但丁並略

出使日記續刻 卷八

書傳經樓校本

地於歐洲至正二十年後東取亞洲猶太敘里諸部西取歐洲阿得利安或作安多黎諾伯勒都之是為土耳其建國東羅馬之始明洪武五年攻布加利亞賽爾斐亞又據波斯尼亞及亞刺萬二十二年巴牙屑第一立復略布加利亞賽爾斐亞穢拉幾穆爾達維擊匈牙利大破日耳曼法蘭西兵更入希臘圍君士但丁建文四年巴牙屑大敗於昂哥拉為撒馬兒罕所虜憂死三子分立至永樂十一年始復合一景泰四年大舉伐東羅馬滅之改君士但丁曰伊斯坦蒲耳建都於此

二十四日記

東羅馬自君士但丁第一開國越一千二百三十年至君士但丁第十三而為土耳其所滅土人遂攻波斯伐阿刺伯奪希臘並侵俄羅斯南境之克雷木即小羅意大里東境之威尼斯戰勝攻取聲威震爍用兵慘殺尤甚政刑賦稅嚴酷煩苛正德年間復破波斯克埃及敘里巴雷斯丁據麥加阿刺伯都城阿爾及耳北境沙立曼第一立梟雄好兵於亞洲得阿爾美尼古爾第斯丹諸地於阿洲得突尼斯的黎波里於歐洲攻日耳曼侵奧地利牙匈牙利諸地據地中海之羅得及毛爾他島其疆域跨有三洲所向克捷自摩罕默都君士但丁後以此

出使日記續刻 卷八

書傳經樓校本

為極盛矣嘉靖年間奪薩魄婁斯島既而兵敗厥後漸以不振且有內亂國朝順治六年以兵擊干地亞島踞之然累世贖武行暴叛者蠶起阿爾及耳突尼斯的黎波里埃及諸部皆亂所得奧地利匈牙利地亦失去大半俄奧波蘭連兵來伐大敗土兵乾隆五十二年失高加索諸地與俄忽和忽戰又失多惱河附近諸地嘉慶二十四年英取意阿尼諸島見志略厥後希臘復立國稱自主俄又侵奪阿爾美尼亞邊地並以護教為名議將穢拉幾穆爾建維賽爾斐亞諸部建為土附庸納貢之國

二十五日記

俄既立賽爾斐亞等爲半主之國。法國亦據阿爾及耳。而埃及巴札亦叛。羅叙里士人擊之。敗於可尼。埃及兵抵布魯薩。君士但丁戒嚴。俄兵來救。埃及兵乃退。道光十九年。埃及尙據阿刺伯敘里。復克干地亞島。土人求救於英法俄國。埃及始返侵地。仍稱藩國。次年各國公使會於倫敦。議定土國海峽。無論何國兵船。不得出入。其後俄土復以教事起釁。土人奉回教。輒虐待希臘教人。俄命將率師。越多惱河而壓其境。英法恐俄之坐大也。皆以師船駐保君士但丁。土軍禦俄。亦屢獲勝。四年。

出使日記續刻

卷八

英傳經樓校本

英法水陸會師。進圍俄京之克雷木。五年。克之。遂以師船駛入波羅的海。擾俄。彼此攻守。死傷且近百萬。六年。奧王居間排解。各國遣使會於巴黎。立約。凡黑海之內。不許俄土置戍屯艦。而許各國商賈出入。瀕海諸埠兼設領事。俄悉返土侵地。光緒三年。俄土復構兵。羅馬尼亞遂稱自主。以兵六萬歸俄。調遣俄兵益盛。一軍渡多惱河而南。據多布魯卡。今屬羅馬國一軍溯多惱河而西。奪尼哥波利。今屬希臘遂踰巴爾互山。據脫刺斯。君士但丁大震。亞洲俄軍進攻巴統。今屬俄國圍卡爾斯。今屬土雖屢勝而終不支。乞和於俄。四年。立定草約。英人阻之。德相畢士

二十六日記

麻出爲排解。遂以是年五月各國遣使大會於柏林。先是咸豐六年俄土之約。以貝沙拉比。在黑海西北岸割歸羅馬尼亞。至是以所割多布魯卡。在黑海西南岸易之。由是羅馬尼亞得多布魯卡。賽爾斐亞得尼士門。得內各羅得益底佛利。端爾西紐兩海口。以布加利亞爲附庸之國。以東羅美里爲自主之省。奧國得波斯尼亞。赫次戈偉納兩省。其後希臘又割賴利沙。希東境瓦希西。北境耶尼拿。北境之地。其償俄兵費三百兆盧布。暫從緩繳。作爲欠款。亞洲屬地。俄割卡爾斯。巴統。阿達亨。

出使日記續刻

卷八

英傳經樓校本

一作阿爾達亨三處。英得薩魄斐斯島。而埃及則自治。如故。蓋歐洲舊疆去其大半。而亞洲之地亦稍蹙矣。土爾其尙回教。稱其王曰蘇丹。光緒二年。始仿泰西設上下議院。然蘇丹爲回部政教之主。其權仍在也。民多游牧而少耕種。窮而且懶。天下棄田不耕者。以土國爲最多。近始講農牧製造之宜。材木礦冶貿易之政。而興作營運。皆賴泰西人爲之。國中鐵路長九百六十三啟。羅邁當。電綫長五萬三百七啟。羅邁當。海綫六百四十二啟。羅邁當。商輪四十三艘。光緒十六年。進口貨值洋銀二千一百四兆十五萬餘員。出口貨值洋銀一千五

百十七兆二十四萬餘員。國債洋銀六百二十五兆九十五萬餘員。所借民債尙不在內。各國負債之多。無如土耳其者。

二十八日記

土耳其東西跨亞歐兩洲。南涉阿非利加洲。幅員廣袤。種類龐雜。自光緒四年柏林立約以後。疆域建置。今異於昔。其歐洲之地。自赤道北三十八度五十五分至四十四度十七分。京師西八十七度二十分至九十六度四十八分。巴黎東十七度二十分。凡二十六萬五千一百九十三啟羅邁當方里。合布加利亞東。居民八兆七

出使日記續刻 卷八

美傳經樓校本

十五萬四千三百有奇。亞洲之地。自赤道北十八度至四十二度。京師西六十八度至九十度。巴黎東二十四度。凡一兆七十七萬八千二百啟羅邁當方里。合阿刺伯。居民十五兆四十七萬五千有奇。阿洲之地。自赤道北二十七度至三十三度。京師西九十二度至一百四度。巴黎東十二度。凡一兆三萬三千啟羅邁當方里。居民一百萬有奇。卽的黎波里部也。凡歐洲新立諸邦及割歸他屬者。今皆別著於篇。卽亞洲之阿刺伯。阿洲之埃及的黎波里。亦分隸於本洲。庶別部居而免雜廁云。

九月庚辰朔記

歐洲土耳其西北界奧斯馬加賽爾斐亞門得內各羅北界羅馬尼亞布加利亞西南界希臘東瀕黑海西瀕亞得亞海。南瀕伊直安海。外環地中海。卽志略所稱土耳其。其西土也。其地西北高而東南下。有巴爾互嶺。西起沙非亞。布加利亞東趨黑海。界乎布加利亞及東羅美里之間。爲北界天然屏障。其陰坡陀迤邐。其陽壁立陡絕。分支展脈。互遞層接。自多惱河踰巴東。互至於君士但丁。有路七條。危崖微徑。不易穿越。其水有多惱河。經流賽羅布三國交界。復東北入於黑海。今不在土國境內。蓋合上

出使日記續刻 卷八

美傳經樓校本

初三日記

歐洲土國地分九部。君士但丁諾魄爾部。亦稱君士但丁。土國建都地也。連附郭凡二千五百四十九啟羅邁當方里。居民八十二萬五千。城同部名。當赤道北四十一度零三十秒。京師西八十七度二十九分。凡二十八門。周圍八十二里有奇。地三角形。東狹西寬。形勝爲天下第一。故號金角。有山七盤。王宮在其上。馬罕默第二所造也。土產細絲絨毯烟葉香水。其鐵路自京城通安

多黎諾伯勒貝路瓦梯奴瓦堆塞阿加脫克其郵船北
通黑海南通地中海各口諸國商貨畢集又曰安多黎
諾伯勒部曰沙羅尼克部曰馬拿斯底爾部曰哥沙伏
部曰斯居大里部曰耶尼拿部曰東羅美里自主部歲
貢土延洋銀五萬員曰干地亞島部

初四日記

亞洲土耳其東北界俄屬高加索部東界波斯東南界
阿刺伯沙漠西北瀕馬爾馬拉海北瀕黑海西南瀕地
中海與歐洲僅隔頗斯福爾他大尼里兩海峽即志略
所稱土耳其東土中土也其地多叢山大江在高加索

出使日記續刻

卷八

李傳經樓校本

部及阿爾美尼部交界有阿拉辣山志略作阿臘高一千六
百餘丈西南趨地中海南為朵留斯山稍北為崙底
山地中海東岸則有阿馬隅山崙沙非山而尤以黎巴
嫩及崙底黎巴嫩兩山為大岡嶺蜿蜒各長八百餘里
東北有崙徐意非馬克江流一千六百餘里入黑海又
有惹格利亞江流入黑海哀爾馬日江美崙特來江皆
流入伊直安海比托摩斯江流入地中海東有歐付拉
脫志略作阿脫底格爾志略作底兩大江歐付拉脫江發
源阿爾美尼南境山中曲折流過阿爾魄山東南踰沙
漠至古爾拿與底格爾江合曲折流入波斯灣注印度

海計歐付拉脫江流長三千三百二十里底格爾江流
長二千二百二十里

初五日記

亞洲土國地分十七部曰德勒比孫達部曰愛爾瑞羅
木部志略作黑古阿爾美尼國之都城也自阿爾美尼
為俄上分裂遂以城名為部名曰望部以在望湖之東
而名曰加爾蒲脫部曰第亞爾培基爾部曰摩蘇爾部
曰巴格達達部即元史所稱報達國地亦即巴比倫國
舊地也曰巴索拉部譯言石地右四部古美曰西威斯
部或名務魯木曰加斯達摩尼部曰昂哥拉部曰古大

出使日記續刻

卷八

李傳經樓校本

房提基亞爾部每歲出絲值洋銀一千萬員曰愛達部
曰可尼部即古加拉馬尼亞地曰亞達那部右七部古
諾地曰阿爾魄部曰西里亞部亦作敘里即明史外國傳所稱
古如德亞國地也迤北即古腓尼基地中即古西里亞
地迤南即古猶太地及羅馬興皆為所滅厥後嘗屬於
波斯阿刺伯明正德九年始屬於土國今攷其分省曰
大馬士即西里亞會城也曰特惹貝爾意利滂即黎巴
嫩山地也曰哀爾哥特其會城曰耶路撒冷即巴雷斯
丁地也按哀爾哥特西史謂即古斐雷斯丹人所居之
地斐雷斯即拂蘇之轉音斯丹當即斯坦之轉音昔人

謂猶太即唐拂菻國據此益信有耶穌墓西人稱為聖地及為回部所據嘗因爭謁墓地教士糾各國用兵號十字軍血戰二百餘年近始稍息矣

初六日記

前儒謂乾以氣化形乾之氣有清中之清清中之濁坤以形化氣坤之氣有濁中之清濁中之濁西人每稱輕氣淡氣養氣炭氣輕者清中之清淡者清中之濁也養者濁中之清炭者濁中之濁也水火者天地之大作用也水質得天氣三分地氣四分相合而成西人謂輕氣得二養氣得一者其理相通天地間惟水火力最大亦

出使日記續刻

卷八

奎傳經樓校本

惟水火作用無窮泰西格致之學有創有因電學創於隨爾得因而有電堆電池電報之致火學始於莫斯得因而有火車火船火機之致譬之蒸氣創自希羅吸力因於生董化學定於拉瓦泄後各有因此創彼愈出愈奇最大最速之風每點鐘行八十英里尋常之風每點鐘有不到十英里者最激最速之水每點鐘行十英里若泰晤士江每點鐘不過行二三英里用煤火之力百分僅能做得電氣之力八十分稍有折耗然潔淨無煙而又格外明亮則勝矣將來有擬以江水之力做電氣者如水磨水碓是也有擬以風力做電氣者如

風蓬風車是也如是則煤可省矣亦可用人力牛馬力造電氣

初七日記

英戶部尚書在議院將出入款項總數逐條宣示查一千八百九十二三兩年之間所估出款九千零二十五萬三千鎊後又多發十二萬二千鎊原估進款九千零四十五萬三千鎊厥後短收五萬八千鎊分而計之原估關稅一千九百九十萬鎊短收十八萬五千鎊內地雜課原估五千四百八十六萬二千鎊實徵多入萬餘鎊郵部進款等於原估之數然郵部用項過巨入款似

出使日記續刻

卷八

奎傳經樓校本

少非遂政府之願也茲查九十三四兩年之間通國經費應估九千一百四十六萬四千鎊分而言之來年關稅可徵一千九百六十五萬鎊比前少收六萬五千鎊內地造銷各貨之稅可徵二千五百十萬鎊比前少收二十六萬鎊各種課可徵一百三十六萬鎊比前少收二十萬五千鎊地稅房租等項可徵四十六萬鎊比前盈餘一萬鎊官民進項交課可徵一千三百四十萬鎊比前短收七萬鎊

初八日記

法人有著說者云以武備言美國實非可畏以節用論

美國強於歐洲。美當南北大戰之時。借債甚多。今可於一千數百年以前。掃數清償矣。歐洲各國之債。有十二萬六千兆佛郎。尙無清完之日。美國額設陸兵二萬六千。僅及法兵十九分之一。一千八百七十年間。歐洲備兵用款三千兆佛郎。今增至五千兆矣。歐洲養兵不過二百餘萬。今增至三百五十餘萬矣。英國人一名吳得凱。一名克林飛者。同創自放連珠槍一具。此槍彈袋可裝槍彈七箇。於二秒工夫以內。不但能放七彈。且有餘暇更換新袋。故於一分之內。可放一百零五彈也。凡此新式之槍。亦比別種之槍。尤能命中及遠。蓋因七彈出使日記續刻

卷八

西傳經樓校本

既放之後。空袋自落。既可不改槍勢。復裝實彈。非如他槍。須將槍筒落下。始能換裝彈袋也。新槍無煙火藥。名曰高爾岱。即繩藥也。以其形似繩也。利於行軍。各國競相仿造。然此藥必有棉花攪和。久儲則壞。俄國曾於八閱月前製藥備用。僅再閱五月。則必盡成廢物。經製造人多方設法。莫能奏效。

初九日記

英阿姆斯特脫郎廠。代阿根廷。即拉巴拉他國。造就新式快船一隻。名曰耐音德。竹羅。此船長三百五十尺。寬四十四尺。重三千五百噸。所載軍器。有六寸快礮四尊。四

寸七分快礮八尊。哈克開司三磅彈礮十二尊。一磅彈礮一尊。魚雷筒五具。乃費優默所創十八寸之雷。雷長十六尺五寸。放雷之機。式樣新奇。筒內先燃高爾岱藥少許。藥氣催動魚雷。推之出筒。先是屢用常行火藥。催雷出筒。無如藥之壓力不勻。雷之速率不準。阿廠多方考究。務除不勻不準及飛煙吹灰等弊。爰用高爾岱藥。演放魚雷多次。以每方寸三十磅之壓力。得每秒四十二尺之速率。雷筒安有電氣放雷之具。亦安機器放雷之具。電氣放雷。登樓瞭望。毫無危險。始燃藥放雷。離筒而去。雷筒一具安於船頭。向前直放。船之兩旁。各有雷筒兩具。一具向前放雷。一具向後放雷。故可前擊後擊。左擊右擊。無不遂意。

卷八

西傳經樓校本

十三日記

是年牛莊洋貨進口價值。轉運出口。銀五百十六萬餘兩。土貨出口價值。銀別口在內。九百六萬餘兩。天津進口洋貨價值。銀一千七百八十六萬餘兩。出口土貨價值。銀六百四十一萬餘兩。煙台進口洋貨價值。銀五百八十七萬餘兩。出口土貨價值。銀五百十六萬餘兩。重慶進口洋貨價值。銀五百八十二萬餘兩。出口土貨。三百三萬餘兩。宜昌進口洋貨價值。銀六十萬餘兩。出口土貨。二十五萬

餘兩漢口進口洋貨銀一千一百九十萬餘兩。出口土貨一千九百五十六萬餘兩。九江進口洋貨銀四百七十五萬餘兩。出口土貨銀六百二十一萬餘兩。蕪湖進口洋貨銀三百九十三萬餘兩。出口土貨銀五百二十四萬餘兩。鎮江進口洋貨銀九百八十九萬餘兩。鎮江出口土貨銀一千五百零一萬餘兩。上海進口洋貨銀一千五百零一萬餘兩。出口土貨銀三千八百八十五萬餘兩。甯波進口洋貨銀六百六十九萬餘兩。出口土貨銀四百九十四萬餘兩。溫州進口洋貨銀四十萬餘兩。出口價銀十八萬餘兩。福州進口價銀四百三十二萬餘兩。出口價銀六百七十萬餘兩。淡水進口價銀一百七十八萬餘兩。出口價銀三百四十二萬餘兩。臺南進口價銀一百二十萬餘兩。出口價銀一百五十三萬餘兩。廈門進口價銀五百七十一萬餘兩。出口價銀二百二十三萬餘兩。汕頭進口價銀八百三十四萬餘兩。出口價銀六百八十一萬餘兩。廣州進口價銀一千二百四十一萬餘兩。出口價銀一千八百八十八萬餘兩。九龍進口價銀一千三百四十六萬餘兩。出口價銀一千七百二十九萬餘兩。拱北進口價銀三百十七萬餘兩。出口價銀三百八十三萬餘兩。瓊州進口價銀八十六萬餘兩。出口價銀一百萬

出使日記續刻 卷八

空傳經樓校本

餘兩。北海進口價銀三百一十二萬餘兩。出口價銀一百零九萬餘兩。龍州進口價銀二萬六千餘兩。出口價銀一萬零九百兩。蒙自進口價銀八十八萬餘兩。出口價銀七十三萬餘兩。

十五日記

法報云。中國趕築鐵路。以備悉畢爾運兵之用。自天津起。至北河口塘沽地方。復向東北。遵行海岸。至開平煤礦。共分四段。首段自天津至開平煤礦。約長二百九十里。次段自開平至灤州。約長一百二十四里。此段灤河之橋。尚未成功。現正安打橋柱。此橋安柱十六根。六十

出使日記續刻 卷八

空傳經樓校本

一邁寬之橋洞五空。三十邁寬之橋洞十空。十邁寬之橋洞五十空。三段自灤州至山海關。約長一百九十里。四段自山海關至錦州。約長二百三十六里。以上鐵路四段。共約九百四十里。通長路已修墊完畢。惟鐵軌僅至灤州。俟灤河橋工告竣。即可造軌出山海關矣。灤河底有浮沙。安柱不牢。現在力求穩固結實之法。

十六日記

加那大全境平行。惟西北有落機大山。北自亞蠟斯干省南至中墨洲為止。崇山峻嶺。長五千餘里。中有三大嶺。一東嶺。曰杞伯文斯。一西嶺。多平原。一太平洋嶺。地

勢斜狹中多火山。加那大西北各部落。機山居其大半。有馬根西大江。向西北流入於太平洋。長二千三百英里。中間江口無數。其支江曰烏雷江。披爾江。皮埃江。福脫錫魄生江。福脫諾門江。福脫哥特化坡江。又有漢江。披斯江。阿泰伯斯堪江。蘇比釐阿湖湖身之大。為地球之冠。東北至加那大。南至美國之密執安部。威士干遜部。西至美國新闢之明納沙泰部。自東至西。長四百二十九英里。南北廣一百六十英里。湖岸整齊。不生草木。

十八日記

出使日記續刻

卷八

突 傳經樓校本

加那大東海各島。一曰恩的可斯的島。屬貴北克省。在桑羅梭索海灣中。判分兩邊海峽。長一百四十英里。極廣處三十英里。島中山高六百英尺。有兩福地。一在島之西尖。曰衣力斯灣。一在島之西北。曰福克司灣。天氣嚴寒。居民甚稀。惟夏季則帆船林立。漁人皆至。一日格倫門納島。屬新布倫瑞克省。適居本省與新蘇格蘭兩省之間。在芬田灣之入口處。與美國之緬部相近。南北長十英里。廣八英里。一曰密寬倫島。在紐芬蘭之南。為法國屬島。分大小密寬倫。大密寬倫在赤道北四十七度四分。京師西一百七十二度四十八分二十二秒。小

密寬倫在大密寬倫之南。或曰稜舊。居民八百。捕魚為業。一曰森披埃島。周圍峻峭。不生蔬果。亦法國屬島。與密寬倫合之。島面積八十一英方里。居民四千餘人。

十九日記

出使日記續刻

卷八

突 傳經樓校本

五印度。古天竺也。一名身毒國。幅員遼闊。地勢三角形。每邊六千里。大小數十國。從古不相統一。明初蒙古某王為元駙馬鐵木兒之後。兼并西域諸回部。南侵印度。得入版圖。號曰大蒙古。建都中印度之德希城。廣袤二萬里。歲收賦稅二萬二千四百萬。各國皆賓服焉。正德中。葡萄牙人初至西邊貿易。荷西英法等國繼之。然大蒙古王威權重大。人皆畏之。厥後眾子爭權。內亂並起。各部酋長乘間跋扈。四分五裂。國勢漸衰。乾隆二十年。孟加臘土酋與法人密約。拒擊英人。殄其大半。英乃徵兵入安額河。克之。東印度望風歸服。乘勝席卷中南諸部。三十年。又叛英人。英遣將奪復疆土。嘉慶十年。盡驅法荷駐印之兵。自是五印度之地。歸其囊括者十七八。蒙古王亦納款。今後裔雖存。食稅衣租。僅擁虛號而已。其餘設官置吏。同於郡縣。或輸賦納貢。降為藩服。沿海建立三碼頭。曰孟加臘。所以控其東陲。曰麻拉薩。所以扼其南疆。曰孟買。所以鈐其西北。

二十日記

英人又於亞加拉諸部及錫蘭島俱鎮以大帥成以重兵特遣勳威大臣為總督便宜行事分駐孟加臘及巴勒里額設英軍三萬土軍十八萬二千或輪調駐防或派充工役其人釋教回教各半互相牽制免其同心謀叛中東二印度地勢平衍物產殷阜火車鐵路四通八達孟加臘之會城曰嘎爾格達西南洋第一繁盛之區居民八十萬戶有地稅房稅招牌稅牲畜稅水火稅百工技藝皆有捐一馬一牛必納課然民無怨言者以較昔之士酋猶少誅求也所入之財除官俸兵餉外一切

出使日記續刻 卷八

三 傳經樓校本

修治道路橋梁輪船火車電綫煤燈學堂醫院之類民多便之南印度瀕海多山山內之民仍其舊俗英不煩兵力而服之西北二印度風氣剛勁北印度即古之蜀賓西印度即古之月氏迭為興衰互相吞併今為塞哥及阿富汗國素稱強大嘉慶年間塞王侵英藩屬道光二十二年大舉南侵屢挫英軍相持二年卒為英將所破割地受盟次第削平叛者於是上尊號於英皇蓋前侵佔印度皆公司所為至是始歸英皇統轄焉阿富汗與英構難數十年或勝或負時戰時和夫抵皆俄人從中德惠嗣後英軍大勝直搗甲布阿王遠遁俄境其子

阿古柏襲位又因民變戕英大員英人復立其弟英之力非不能滅阿特留以為屏蔽耳夫俄欲滅土耳其而英扼之英欲滅阿富汗而俄尼之殆形勢相格也

二十一日記

印度自漢始通中國武帝明帝皆嘗遣使天竺晉唐以後中土請經求律之僧踵趾相接凡有三道一由和闐南行經毒龍池躡懸縵過沙河入罽賓國是為東道即晉法顯北魏慧生所行之程也一由伊犁西行歷霍罕至賽馬爾罕折而東南踰鐵門渡縛芻河越興都哥士大雪山入克什彌爾是為西道即唐僧元奘及元邱道

出使日記續刻 卷八

三 傳經樓校本

人處機所行之程也一由葉爾羌西南行循徒多河而上陟蔥嶺至塞勒庫兒泊再南踰印度河是為中道即唐僧元奘歸途所經之程也中國用兵印度惟唐太宗元太祖俱獲全勝憲宗之世屢征印度然終以雪山之隔鞭長莫及旋得旋失夫西藏與印度密邇中隔大山數重懸互數千里峻嶺危峰道途險阻八月以後大雪封山往來絕迹此天所以限中外也惟大吉嶺一路最為扼要其土酋已降於英其民語言風俗與唐古特相同地勢高寒印度富商多在此築別墅以避暑英設領事一員統兵副帥亦駐焉修建碉堡數座設鐵路以通

往來此間別無通都大邑商貨薈萃之所英人不惜重費開通道路其注意西藏通商久矣印度公司經營利源無孔不入以重賂要結布丹錫金諸族入其牢籠惟廓爾喀一部較強地形險要僅能自保

二十二日記

英人於孟加拉之東開一地曰亞山又名阿薩密長一千餘里廣三四百里北界布魯克巴即布丹東界貉俞野人東南界緬甸四境多山惟蒲藍布達江兩岸平壤膏腴近年墾地種茶漸致繁盛每歲出茶數十萬箱然不若華產之良也亞山之東南有數小部俱已降附於英

出使日記續刻

卷八

三

傳經樓校本

再南海灣有新埠曰微地岡曰埃克雅在阿拉干部內阿拉干之東曰跋散曰漾貢曰摸兒面曰黑尼曰梯泥色領皆通商碼頭昔本緬地道光年割隸於英自微地岡至梯尼色領沿海七八千里英置兵吏設電綫通文報悉統於印度大帥華人但知英據印度財賦所出倚爲外府不知其得緬暹諸國海濱精華之區由印度直達新嘉坡聲勢相聯也至他國市埠之在印度者則有葡萄牙之料襪法蘭西之本得支黎哥黎架爾二郡然亦不過一城一邑寄頓貨物之所孟買本葡屬後讓於英麻力普爾本丹馬所屬距嘎爾格達四十里亦美邑

也今爲英人屯軍之所巴勒里界連後藏嘉慶十九年爲廓爾喀所據英以數萬金購得之

二十三日記

印度總督行館所在星姆辣一作新拉有鐵路相通各部遇有大事仍由電報請命焉蓋印度爲佛教所興漢唐以後可謂盛矣無何回教起自天方漸染蔥嶺左右迄今印度之民皆舍釋迦牟尼而拜謨罕默德鸞嶺雞峯河山依舊舍衛鹿苑遺跡蕩然所謂慧光照於震旦而淨土反滋他族良可慨矣其紅教黃教行於三藏及內外蒙古者乃釋氏之別派此外惟緬甸暹羅越南尚遵佛

出使日記續刻

卷八

三

傳經樓校本

教夫釋氏以慈悲爲主持齋戒殺漸致柔弱回教專尚堅忍百折不回今復益以天主耶穌教三教之勢遂若冰炭或又稱印度爲婆羅門教不知此乃種類之名非教名也蓋印度人分四等上品爲婆羅門凡酋長職官皆此族爲之其下爲兵爲商爲工役各世其業無相奪倫有圖畫眉稜角及印堂等處者大抵雕題之舊俗歟此五印度之大略也

二十四日記

江洪即車里土司也外部送來節略云江洪東北爲細魄松板納之猛狃佔括南瓶江上游之全地南瓶江及

尼遊歷江洪書云江洪之國分十二猛或作十二板納茲記其名如左曰猛拉太此或作臘曰猛紀緬甸曰猛江東曰猛豐暹羅此四處係大縣其餘八縣非若以上四縣之緊要其名曰猛拉一作猛臘曰猛虎曰猛洪曰建東近猛曰猛興曰猛邦曰猛衣佛又云名單有時不同從前包括猛尤在內如是則十三板納矣英國領事波恩又於一千八百八十五年遊歷江洪亦云江洪分十三部但未詳其名英國駐曼谷領事阿爾哲於一千八百九十年冬遊歷江洪據云細魄松板納名目現已無有矣現在各部之名如下湄江之東曰猛分曰

出使日記續刻 卷八

美傳經樓校本

二十七日記
中國山西湖南兩省煤鐵礦脈甲於地球一省可敵歐洲全境之所產惜山西距海較遠又無鐵路運費浮於

工費惟湖南濱湖通江由江達海無處無礦德人蕊克士妥芬所著礦學書盡湖南六十三州縣礦產皆詳述焉可取而譯也貴州清谿已試辦鐵礦礦質與英產較英得十分之三四黔得十分之六七英士歎為得未曾有乃距水道較遠資本未厚為可惜也鐵路造費各國不同以歐洲論瑞典一里不過萬金英國一里有費至十餘萬金者人工物價地價造法不同也又觀西人所擬中國鐵道之圖一由印度直通雲南一出臨安以東趨廣州一出楚雄以北趨四川以達漢口一由廣州鑿五嶺以達湖南而會於漢口一由南京至鎮江東出上海一由南京之浦口西北行踰定遠折而西渡淮沿潁過陳州西北繞大梁渡河出酸棗由正定抵良鄉趨通州以達於京師此同治初年西人所繪圖也

出使日記續刻 卷八

老傳經樓校本

二十九日記

總理衙門來書云法使李梅稱前定滇越邊界沿黑江一名李仙河至孟賓而止由孟賓至湄江地界一段約又名把邊河至孟賓而止由孟賓至湄江地界一段約有中國二百四十里其間北屬中國南屬老撾湄江西岸為暹羅本國現擬自孟賓起與中國分界至湄江東岸為止檢出一洋圖指所畫紅綫為界在赤道北二十八度零幾分與滇督奇圖普洱府之思茅廳南境盡處

在十一度尊處十七年寄圖思茅南境在二十度餘十八年四月續寄之圖在二十一度均有不合暹羅公使稱暹羅北界至南掌城北五十里而止由南掌城北至思茅廳尚有車里土司等部在湄江東西兩岸者今李梅臆為區畫將舉車里全為法有貪狡已極英法兩國於車里南界外商設一局外之地英人欲拓至五十英里之廣法人欲縮至二十五英里駐法英使德斐林告參贊慶常云前聞法外部願將此區脫地讓歸中國管屬今接本國外部來文知英廷亦願歸中國此地東西闊四五十英里合中國百四五十里南北長一百三十

出使日記續刻卷八

夫傳經樓校本

四十英里合中國三百數十里

出使日記續刻卷之八終

出使日記續刻卷之九

無錫薛福成叔耘

光緒十九年癸巳十月己酉朔記

周柱下史道德五千言為道教之鼻祖其大旨主清淨無為堅定自持沖虛不息又濟以能忍之力以柔制剛以退為進於儒理尚不甚相遠也後如莊子列子文子關尹子亢倉子皆其支流也申子韓子流為刑名之學而其教一變矣陰符經可通於兵教又一變矣迨長生之說興方士專求不死之方卻老之術為神仙家言者有服餌導引之法而又分為內丹外丹援易象以入丹

出使日記續刻卷九

夫傳經樓校本

經教又一變矣內丹者以一身之水火陰陽發揮丹道其學道也專講神仙煉養以金丹換凡骨始創之者為魏伯陽張伯端王道諸子所著書如參同契悟真篇龍虎經皆是也道家推為正宗大旨假真陰真陽之二物奪天地之一氣以為丹餌歸丹田氣海之中以御一身則一身之氣翕然歸之若眾星之拱北極其言雖似有理然若方技家言變淺為智一息得道嬰兒姘女金樓絳宮青蛟白虎寶鼎紅爐皆老子所未言其為後世所增無疑矣外丹者即鑪火之說燒丹鍊汞點石成金所謂黃白之術是也其大旨謂真鉛真汞止取天地之精

日月之華。混合造化以成神丹。辨藥材之真偽。挾金石之異同。其用功之法。又必攢簇周天氣候。以使金火相交。淮南鴻寶秘書多言燒煉。大抵皆出羽流僞託。教又變而愈變矣。

初二日記

至於容成之術。胎孕之說。別爲房中一家。尤屬道家修養之外乘。欲假此以求羽化飛昇。長生久視。亦殊謬矣。此外有方藥符圖守庚申戶解諸術。愈變愈下。按道藏諸書。名目繁多。總厥大綱。分爲三洞四輔十二類。所謂三洞者。一洞真部。元始天尊所流演。是爲大乘法。二

出使日記續刻

卷九

二

傳經樓校本

洞元部。太上老君所流演。是謂中乘法。三洞神部。亦出太上老君。是謂小乘法。所謂四輔者。其一太元部。洞真之部也。其二太平部。洞元之輔也。其三太清部。洞神之輔也。其四正一部。三洞三輔所會歸也。所謂十二類者。曰本文。曰神符。曰玉訣。曰靈圖。曰譜錄。曰戒律。曰威儀。曰方法。曰眾術。曰記傳。曰讚頌。曰表奏。欲考道家源委。其總匯不外乎是。今世道家之祖曰張天師。至明乃改號曰真人。然實五斗米賊張魯之後。亦黃巾之流亞耳。演其術者爲北魏寇謙之等。又以齋醮章呪人之而教復一變矣。漢志所錄道家三十七部。神仙家十部。

本屬截然兩途。黃冠者流。以清淨之不足。聳聽於是以丹方符錄炫其神怪。名爲道家。實皆神仙家也。神仙之說。始於秦漢之方士。盛於魏晉。託始於劉向。而廣衍於葛洪。於是道家與神仙家合。而道之本旨。以晦參同契。假借爻象以論作丹。自標其名曰周易。是牽異學以亂聖經也。陶宏景真誥一書。多言仙真授受真訣。而甄命篇實竊佛家四十二經爲之。至如地獄託生。乃竊佛家中鄙陋淺近之說耳。皆非道家之真諦也。

初三日記

海客有販茶至新金山者。其友謂之曰。此間有奇境。願

出使日記續刻

卷九

三

傳經樓校本

往觀乎。客曰諾。乃約同志數人。裹糧策馬牽犬。由新金山迤東行二日程。山徑榛蕪。四無人迹。猿啼獸噪。林木參天。又半日至一處。兩山環抱。石壁高數十仞。微露一徑。闊約尺餘。僅容一人側身入。不能乘馬。友曰至矣。繫馬於林。友導眾入石徑。約五里許。忽然空曠。四面山峰羅列。其中平地約廣百畝。奇花異草。香滿巖谷。有石室一區。深連三座。獸釘浮漚。宛然大家。而寂無人聲。眾入門。見四壁連瓦。面以至大門。屏門。皆是大石成方。天然造就。不假人力。屏門及牆壁皆有牡丹花浮凸。凝滑。神工鬼斧。無以過也。入屏門後。二進三進均如一式。屋中

間瓦面上有一石龍頭張口流水注地。所注處存大石蓮花一朵盛之。想雨水所下之道也。室中既無人居。亦無牀桌几席器用諸物。究不知為何地。如謂人工所造。則三座房舍。上下內外。渾然皆白石打成一片。無斧鑿痕。如謂上帝下都。神仙洞府。則應在福地名山。不當在遐僻荒嶠。且又非俗人所能到。斯真不可解矣。聞之法苑珠林。大梵天以上宮殿。悉皆大造生成。不假人力。斯豈其流亞歟。眾遊畢。出山乘騎而返。此光緒十七年事也。

初四日記

出使日記續刻 卷九

四 傳經樓校本

七月朔接總署電云。滇督圖內車里土司有十三猛。似非十二城。非將沿邊地名查明。難與開談。現擬由署照會法使。告以前查地圖。與中國界綫不符。已咨滇督查明再商。應先聲明。車里土司界內。中國應有權利。毫不能損。法暹界務。中國亦不與聞。令其電知外部。候覆。此亦與索據無異。而不甚著迹。初九日又接總署電云。近已照會法使云。中越兩界。孟賓為止。其西係雲南車里土司所屬。十三猛地方。若由孟賓沿暹邊西抵湄江。須向南轉西。繞過車里邊界。並非一直向西。來圖不符。俟滇督查覆再商。應先聲明。法國欲由孟賓通至湄江。自

無不可。惟車里界內。中國應有權利。毫不不能損。法暹界務亦不與聞。請電達外部。候覆等語。希再照會外部。九月二十四日又接署電云。昨詰法使。以暹已割地賠款。法未退兵。究係何意。李梅諉為不知。允電外部。候覆。頃歐使來言。駐法英使。現與法廷議論。保全暹羅國權。事機甚緊。欲中國助力。希電慶常向外部。告以聞英與貴國商議。保全暹權。中國亦有此意。極願調停。看其如何答覆。相機應付。要以踐言。此即隱助英勢。十月初四日又接署電云。歐使以法反覆。欲中英立約。合力保暹。謂法聞信必不敢逞。然果立約。恐結怨於法。儻法不懾。虛聲。竟逞志於暹。便難收束。如能三國同保。如俾利芝故事最善。希與英廷別商保暹之計。彼如提及歐使所說。請告以中國從未與他國立密約。仍願向法廷勸解。此不即不離辦法。尊意如何。候酌。

初六日記

出使日記續刻 卷九

五 傳經樓校本

仰光電云。中國委員到八募者。帶有揮人土酋一名。數日內與密士德華立同起程。又有英甲必丹談維斯率五百英兵。偕往會勘虎踞天馬漢龍三關。擬先勘虎踞關。中國向英索問邊界。西至虎踞關為止。此關在八募之東約十七英里。中國稱此等邊界。屬中國者。載諸史

册有中國關基在焉。中國視此等舊界甚為要緊。搜羅昔時證據。共得十七件云。

初七日記

法報云。倫敦函稱前駐印度英官葛利芬。議論英法在亞洲情形云。近日法俄之交甚密。恐與英有礙。暹事其明徵也。防之之法。一欲三國聯盟以拒俄法。三國者。中英阿富汗也。一欲將亞洲出使章程改變。另設亞洲一部。專派侍郎辦理。其說以為三國聯合。亞洲可期無事。波斯於英無益。阿富汗可保印度西北界。中國意見尚不可知。然中英聯合。兩有裨益。必聯兩國。方可鎮壓亞洲。且中國北面自帕米爾至太平洋邊界。均經俄人攪擾。南面屬國均經法人侵吞。想未嘗不思收復也。設部之事擬分四司。一管波斯亞丁之事。一管中國朝鮮香港之事。一管日本之事。一管緬甸麻六甲北般島新幾內亞之事。以上各事向歸外部。藩部辦理者。均劃歸新部專辦。而印度部則祇辦印度錫蘭阿富汗俾路芝等處之事云。

出使日記續刻

卷九

六 傳經樓校本

初八日記
王夔帥八月二十九日來電云。虎踞關在邦杭山半。距益千十里。西南有老公寨黃葛樹。距關三十里。相傳中

緬以黃葛樹為界。天馬關在猛密邦欠兩山間。出關至邦欠野寨八十里。又至幸布二十里。夷語呼大石頭為幸布。相傳中緬交界處。現英人從關後山梁上修路達南坎。兩關關門營址均存。九月十五日又來電云。詳查虎踞關在邦杭夾谷。坐東向西。南為膽撤河。北為卓濟河。東至南碗河八十里。益千在關東十里。由騰至關必由之路。益千看哨寨則在關西南二十餘里。二十四日又來電云。天馬關在邦欠兩峰間。坐東北向西南。營盤基址洞門均存。關東至隴川江邊六十里。過江至南坎城四十里。西至邦倫寨四十里。寨外即猛密屬南至所

出使日記續刻

卷九

七 傳經樓校本

甕蓋達二寨約三十里。屬猛密。東北至猛卯屬之蠻允六十里。西北至大石頭一百里。係走猛洞大路。路內屬猛名。路外屬猛密。英人新修由新街達南坎之路。係在關內。
初九日記
牙買加島。一作札。大安的列斯羣島中之一。英國西印度屬島中之最大者也。在加勒海中。北距古巴百英里。北緯自十七度四十五分至十八度三十分。經度英京西七十六度十一分至七十八度十九分。長一百四十英里。闊之中數四十英里。分三郡十四縣。凡四千一百

三十英方里。戶口五六萬。白人萬餘。東西有藍山橫互。高五六千英尺。著名之江曰明黑。曰考李里。皆南流。僅行小舟。進出口貨各值英金百餘萬鎊。入款五十四萬餘鎊。大半以進口稅酒稅印捐信局捐為來源。用款五十三萬餘鎊。債六十六萬餘鎊。用於橋梁道路醫院及緊要公事者為多。金司湯至西班牙。尼湯早有鐵路。今又接築新路。此島關自西班牙人。閱百餘年。為英所得。英人之禁販黑奴也。曾以六百十六萬金鎊贖奴三十萬九千餘人。此僅在牙買加一島也。不可謂非善政矣。

西北有三小島。曰大開蠻。曰小開蠻。曰開蠻。李蘭克皆出使日記續刻

卷九

八 傳經樓校本

屬於牙買加。

初十日記

巴哈麻羣島亦英國屬島也。有小島數百。大半不過礁石。計共五千英方里。民約四萬。白人僅五之一。除極南因那快一島外。形勢低平而狹長。有荒瘠者。亦有松杉等樹者。其會城曰納埽。在紐潑老位屯司小島上。有名散德林島者。即一千四百九十二年可倫波之所託足也。因那快之東。土克司各島。當一千八百四十九年。已不列於巴哈麻羣島中。今頗繁盛。與西北之開考司各島同轄於牙買加。小安的列斯羣島。除特尼答一

島外。分為二羣。曰温特華。曰利華。在杜米尼卡島之南者為温特華羣島。餘則利華羣島也。茲將屬英者分誌於後。特尼答島。小安的列斯島中之最大者也。與南亞墨利加洋岸不過派利亞海股之隔。西南西北皆距陸地不遠。島面積一千七百五十四英方里。戶口十一萬。會城曰拋叨西拚因。南一城曰聖否乃。杜英於是島設大吏如巡撫以治之。

十一日記

新嘉坡總領事黃遵憲稟稱檳榔嶼商務日微。局勢大變。蓋嶼本一島。素無土產。全賴他處轉輸。從前盛時。英屬大小白蠟之錫。荷屬阿齊伊里之胡椒。勞匿之甘蜜。日里之呂宋煙。加非。商人營運。多得厚利。近因荷蘭征阿齊。不克。每封禁各海港。商人遂多耗折。小白蠟出錫極微。大白蠟錫雖極旺。而徑運新嘉坡。故華商報窮倒閉之案甚多。去年嘉應商李姓倒閉。欠債數十萬。本年閩商王姓倒虧六七十萬。閩商李姓倒虧一百六七十萬。此皆華人最著名之富家。一經倒閉。牽連俱敗者數十家。商務江河日下。殆將與麻六甲相等。當葡人得麻六甲時。貿易推南州冠冕。雖其後稍衰。巫來由諸部猶以此為總匯之區。乾隆五十一年。英人得嶼。遂以嶼為

出使日記續刻

九 傳經樓校本

出使日記續刻

總匯道光六年嶼與新嘉坡合而為一近則以坡為總匯而嶼亦衰矣嶼之對面有小島名曰吉德者一小國也英人初得檳榔嶼每歲以一萬員向吉德王賃其地後改六千員永歸英轄近嶼之威烈斯省亦向吉德劃來吉德雖極微小內政仍得自主流寓華民約有萬人多以種植為生惟吉德毫無綱紀每遭荼毒無可申訴柔佛國有華人數萬開荒墾種國賴以富該國方廣為招徠故政稍寬大

十三日記

英國海部報單云今歲當差頭等鐵甲船二十四防邊巨艦三鐵甲巡船六十別項戰船七十四其未當差者頭等鐵甲十防邊艦十四巡船四十六別項戰船四十四雷艇不在其內更有已造未成者鐵艦九巡船十九戰船二十二合計共得三百二十五艘至於法國各戰艦共二百二十一艘德共八十六艘俄共一百二十艘情巨艦甚少意國戰船共九十艘統為比較合各國兵輪之雄不能敵英國也今年英國海軍經費共支英金一千八百四十八萬鎊法國經費支一千零六十九萬鎊德國經費支四百七十九萬鎊俄國經費支五百零四萬鎊意國經費支四百二十一萬鎊

出使日記續刻

卷九

十傳經樓校本

十四日記

溫特華羣島中有多巴峩島約在特尼答島之西北十八英里樹林居多有良木美材格來那大島為羣島中風景極佳之一多川流巴巴突島稍偏於東氣候之佳甲於西印度羣島地勢崎嶇風景清麗多伐樹木獸迹已少戶口十六萬二千英屬島自牙買加外當以此島為重聖溫森島在巴巴突西九十英里有火山聖羅瀉島在溫特華羣島為最大在聖溫森島之北亦有火山以上各島皆設大吏如巡撫英政府曾議合併統轄於一其有戶口二十八萬五千

出使日記續刻

卷九

十一傳經樓校本

十五日記

利華羣島中有杜米尼卡島其高甲於小安的列斯羣島山多而景佳第少可耕之地土產以糖加非可棉花煙葉銅木為大宗有忙色辣島風景亦美瘠壤居三之二餘宜耕種土產糖棉花有納位司島小山也面積二十英方里可耕者不及半有聖克里司禿否島一名多山東北六十英里有島曰安費拉其屬也有安地馬亞島在利華羣島中為最大面積十萬八千英方里戶口三萬五千糖棉花為土產大宗首城曰聖召恆南岸有口曰英吉利者水師要口亦西印度羣島最佳海口

之一有排部大島在安地馬亞島之北其屬也低平而肥多樹木人以牧為業有淨金各島約小島百餘半屬英半屬丹馬屬英者曰叻禿來其巨擘也曰浮金告大有銅礦曰恩尼甘大其地宜牧以上皆利華羣島也英設總督於安地馬亞島以統理之

十六日記

百爾慕他羣島一名沙茂司羣島亦英屬島也在美國北喀爾勒那邦哈透司海角東南五百八十英里中有小島三四百大半無人迹有人煙者十六島其最大者百爾慕他也計二十英方里會城曰哈密爾登羣島地

出使日記續刻 卷九

三傳經樓校本

勢低平地土肥沃氣候如春有一島名阿爾蘭上有船塢北亞墨利加兵船時往修理焉戶口一萬二千政事同於英國西印度各島教務轄於新蘇格蘭牧師更有五小島皆築礮臺為水師屯泊要區亦為流徙罪人之所攷百爾慕他羣島西南距巴哈麻羣島六百五十英里似非可括於西印度羣島然人每附列於其中概稱謂西印度羣島云

十七日記

亞蠟斯干者北亞墨利加極西北之地初屬俄羅斯同治六年售於美國得價七百二十萬金錢北至北冰洋

東至英屬加那大值京師西二百五十七度二十八分二十秒為界倫敦西一百西南至太平洋沿拋脫倫海峽值赤道北五十四度四十分為界西至伯靈海與亞洲極東隅祇隔一水地面積五十七萬七千三百九十九萬英方里約合英法西班牙三國之大云地勢斜方自北冰洋往南過伯靈海峽值赤道北六十五度三十分至克勒生斯登與羅門瑞夫兩島又斜向西南值京師西二百八十八度五十八分二十秒倫敦西一百至森羅倫索島與考可斯紀土尖再向西南值京師西三百零九度二十八分二十秒倫敦西一百過伯靈海至阿

出使日記續刻 卷九

三傳經樓校本

德與考伯兩島此西南界詳細情形也東北界地位方正無庸詳述

十八日記

乾隆初年西一千七百有維德伯靈者率俄人往亞蠟斯干始據其地終年冰凍土多不毛嘉慶初年西一千九百有俄國亞墨利加洲公司經營全境後因地太荒僻俄人亦懶長莫及遂售之美國光緒六年西一千八百八十年美國戶口册居民七萬三千餘人內阿思寬麻人歸手居其半雜種次之白人又次之餘皆印度人邇來白人漸多以開礦魚皮為業全部約分三境天氣寒暖

國派巡撫一人輔政司數員管轄全境錫開在佩倫瑞夫島之南為若耳日第三羣島中最大之島亦同治六年俄售於美者島之西有天文臺恆年多雨山嶺積雪皓皓窮年城居低窪之所值赤道北五十七度二分四十二秒倫敦西一百三十五度十七分十秒

二十一日記

印度之地三面距海西人謂之地舌蓋象形也大於英國三島十五倍有奇其天然界限北枕雪山以隔西藏西北倚蘇來芒哈拉兩山以隔阿富汗東盡阿薩密此界於陸者也西自印度河口東自雅魯藏布江

出使日記續刻

卷九

六 傳經樓校本

口安額河口即恆河所有西南東南沿海各岸皆南向考麻林海角而盡此界於海者也南北長一千八百六十英里西自蘇來芒山東至雅魯藏布江岸闊一千五百英里積方一百四十餘萬英里此指印度本境而言若計印度分省兼阿薩密與英屬緬甸則有一百五十五萬八千二百五十四英方里前年戶口二萬二千一百十七萬二千九百有奇緯度自赤道北八度四分至三十六度十五分經度自英京東六十六度四十四分至九十九度三十三分此印度之疆域也

二十二日記

印度北自雪山之麓南至於温哈山皆平陽西人謂之印度大平原其地兼及北中温哈山嶺之南即德干即印有東西告次兩山環抱至南合為一峰名曰尼勒里山山北即賣索爾高地西告次山南至考麻林海角尼勒里山直南有一嶺曰哥英巴都爾哥英巴都爾者譯言缺口也印度大平原之西甲的華地舌之土頸有平原曰日瓜爾其中有小山蜿蜒至助姆那江岸劈分印度大平原為二東曰恆河平原西曰印度河低地並印度大沙漠阿拉浮里及温哈兩山之間地亦高謂之麥爾淮高地此內地形勢也沿海自西北克辣溪而下有印

出使日記續刻

卷九

七 傳經樓校本

度河口地形低窪有枯楮地舌由枯楮而下越甲的華地舌則有開姆盤海股有小島曰的餘自此至考麻林海角即西海岸名麻來排有石岸其泊舟佳口曰孟買俄亞名小可陣孟甘羅海角東北為蠻那海股為派克海峽其北有浦里夾湖在麻打拉有吉那江口再東北有切爾楷湖越恆河雅魯藏布江各口而東則有切塔貢一地其南過尼格來海角即馬爾達班海股又東南至吞納叟林沿海之長蓋不下四千五百英里云

二十三日記

檳榔嶼在赤道北五度十六分至三十分英京東百度

九分至二十五分。循麻六甲海峽西上。出麻六甲蘇門答臘之間。爲海門各島。散布如星如棊。最大者檳榔嶼。距對岸吉打大山不遠。乾隆五十一年。爲嶼開埠之期。蓋是年吉德酋長。旣以嶼讓英。後十四年。又以威烈斯雷省界英。兩次皆未奏聞。暹王怒。道光元年。伐之。奪其疆土。吉首懼。逃往檳榔嶼。六年。嶼與坡甲兩埠合而爲一。仍以嶼爲總匯。而麻六甲益衰。新嘉坡漸興。未幾南洋各埠。以坡爲總匯。而嶼亦衰。光緒十一年。聯合坡嶼甲及顛頂羣島。威烈斯雷省科科斯羣島暨歸英保護之碩蘭莪。大小白蠟。彭亨。諸國。定其名曰實得力。

出使日記續刻

卷九

光緒十一年

塞多爾曼士譯師海門屬部。而總督則駐新嘉坡。

二十四日記

嘉慶十年。東印度公司始在嶼埠設大酋。與麻打拉薩孟買兩處大酋並行。道光九年。始裁嶼酋。而以他員代之。十七年。英始改建總匯於坡埠。而嶼次之。檳榔嶼所設之官。則有參政司。議政局。地租司。山林司。庫務司。兼印務司。營造司。兼量地司。華民副護衛司。參事局。船政司。機器測量司。郵政司。按察司。律政司。錢債司。教師監院。醫官。巡理廳。巡捕廳。司獄。統兵官。工部局員。其各國所設領事官。除中國新設副領事外。則有荷國領事。暹

國正領事。德國副領事。奧國正領事。比國副領事。丹國葡國副領事。法國委辦領事。美國意國委辦領事。其戶口於同治辛未。嶼則十三萬三千有奇。坡九萬一千有奇。甲七萬七千有奇。光緒辛巳。嶼十九萬五百有奇。坡十三萬九千有奇。甲九萬三千有奇。辛卯。嶼二十二萬七千有奇。坡十八萬二千有奇。甲九萬九百有奇。

二十五日記

檳榔嶼城建嶼之東北。英人名卓耳治城。前臨海峽。水闊而深。嶼中有高山。名蛇莓子。怪石人立。古樹參天。石磴瀉泉。英人引自來水於此。有海珠嶼。一名寶珠。距城五六里。境幽深。有寶樹巖。徑皆羊腸。亦幽境也。其爲官商別墅者。曰長春塢。曰友石廬。曰竹士居。又天香山上。有石磴千二百級。有平章會館。閩粵人合建。有南華醫院。閩粵人施醫地。嶼中義塾。借平章會館爲之者。閩塾粵塾各一。在會館左右。英設義學四十二所。教華文者一。教英文者五。教巫來由者三十二。此埠人才聰敏。爲南島冠。藏書家以林培元爲最。謝增煜次之。餘如溫震東。林振琦。林汝舟。吳春程。林載陽。皆有儲蓄。有波知滑塚亭。閩人公建。有百年適成亭。閩人新購。叢葬處也。風俗則中華流寓既多。頗重風雅。喜逢迎。善褒獎。童子見

出使日記續刻

卷九

光緒十一年

客揖讓為禮。人情古厚。甲於海南羣島。守家禮。重文教。昏則六禮俱備。無不親迎。新婦入門。合盃畢。皆謁家廟。喪不停柩。踰月而葬。親執紼。必素冠。婦女亦徒跣。虞祭仍凶服。或用墓誌。祭典極豐。

二十六日記

英國議院議紳巴德來以蘇彝士河事問戶部尚書。前於一千八百七十五年原任首相畢肯斯斐曾用英金四百萬鎊買新開河股分票若干股。此項股分現值實價若干。何年可分利息。英船每年過河成數若干。戶部尚書答云。英國現有股票值英金一千七百七十五萬

出使日記續刻 卷九

傳經樓校本

鎊。購票時於清債項下動用三百八十萬零五千鎊。各股可於明年七月分息。所分利息可得本錢百分之十七。或二十一。每年英船過河噸數。比較各國船隻居百分之七十五。今年荷蘭編查戶口共四百六十六萬九千餘口。計男丁二百三十萬九千有奇。婦女二百三十六萬有奇。

二十七日記

恆河雅魯藏布江印度河為印度北方三大江。較次之江有六。曰塔雅。曰稱白達。皆西流入阿刺伯海。曰穢安。曰告台浮里。曰吉那。曰考浮里。皆東流入孟加拉

海灣。德干水利沾其大半。蓋以西告次山長而且高。視考羅蠻特爾海岸之山。獨多水利。又以德干地勢東向低斜。故有東流之各江。印度在北緯八度至三十七度之間。多熱帶之地。北方氣候八十度。南方年中數之度更高。大抵地愈高則候益涼。南風酷熱。又以海風而減多養身之地。若昔姆拉。近色來土若大吉嶺。在錫若麥哈盤爾司華。在西告若烏貪開盟。在尼勒西人養生者爭往焉。地多溼潤。草木暢茂。果實纍纍。柚木鐵木。緞木山中多有。無花果波羅蜜香蕉芒果棗杏薑胡椒香料取之無盡。獸有虎豹犀象獅狼猴鹿。鳥有孔雀鸚鵡。

出使日記續刻 卷九

傳經樓校本

鱗族多鱷魚大蛇。

二十八日記

印度人類甚雜。言語風俗教化不同。文人言語已有二十五種。合土番計之不下五十餘種。可謂人雜言龐矣。温都斯坦尼司者。恆河上游之人也。聰明精強。冠絕各處。故以其名名全印度。印度一名温都斯與概稱印人者不同。印度人之多。首推孟加拉。尚婆羅門教。即古時佛教也。印度以婆羅門教人為最多。有二萬七千七百七十萬餘人。次回教。有五千七百三十二萬餘人。次靈性教。有九百二十八萬餘人。次佛教。有七百十三萬餘人。

次基督教係天主耶穌希臘等教之總名。有二百二十八萬餘人。次西克司教係婆羅門之別派。有一百九十萬餘人。次專恆司教係合婆羅門與佛教為一者。有一百四十一萬餘人。又波斯火教八萬九千餘人。猶太教一萬七千餘人。其他無名各教四萬二千餘人。婆羅門教之先。來自印度河之西北。在紀元前一千一百年。迄紀元前七百年。軒立亞王之子釋迦牟尼。自稱菩提譯言覺也。始行佛教。歿於紀元前五百四十三年。西人謂其壽長。歿後三百年。其教大行。印度直奉為國教云。

二十九日記

出使日記續刻 卷九

三 傳經樓校本

佛教宗旨。蓋以革婆羅門之驕奢。然兩教並行千餘年。佛教旋以自相攻擊。幾不能行於印度。佛教衰而修正之婆羅門教盛。有合兩教為一者。即專恆司教也。其教盛於日瓜爾。他處亦有之。靈性教不知始於何時。創之者史他爾也。自回人屢侵印度。而回教盛。葡萄酒荷蘭丹馬各教士踵至。而西教傳焉。印人善耕織。渲染木工。然地宜耕而尚多荒。耕雖勤而法未備。土產米棉花。糖。鴉片。葡萄。桑。蔗。茶。加非。金。雞。那。樹。麻。薑。芋。胡椒。及各種蔬果。製造之物。販運於阿刺伯。波斯。東印度各島者。有棉布。織花巾。印花布。木。若。與。孟。加拉。以。絲。綉。著。代。楷。在。

加拉信地。木。若。以。金。銀。綫。之。錦。繡。名。滂。甘。羅。之。託。克。什。米。爾。之。膊。巾。皆。重。於。世。英。屬。印。度。商。務。甚。大。東。南。西。洋。各。處。輪。船。皆。通。運。英。之。貨。以。生。棉。花。羊。毛。麻。皮。革。絲。綉。柚。木。硝。米。糖。茶。加。非。胡。椒。油。香。水。香。料。為。大。宗。鴉。片。販。於。中。國。約。歲。值。英。金。一。千。二。百。萬。鎊。買。易。總。冊。無。此。數。似。有。偷。漏。

十一月已卯朔記

近兩年中。印度出口貨值英金一萬一千一百四十六萬鎊。進口貨以英國製造物為大宗。其他洋酒西書器用各種皆為駐印英人所必需。值英金八千四百十五萬鎊。出多於進。其富可知。賦稅英金八千五百七十四萬鎊。其出於鴉片者八百二十五萬鎊。出款八千二百五萬餘鎊。國債二萬一千八百四十二萬餘鎊。國學有五。嘎爾格達麻打拉薩孟買本若阿拉哈巴各有其一。大小學塾十三萬八千餘處。男女學生三百六十九萬有奇。官兵二十一萬八千餘員名。內有歐洲官兵七萬四千餘員名。過英國額兵之半。鐵路已成者一萬七千五百六十四英里。共費二萬二千七百六十六萬鎊。電綫長十一萬三千五百十二英里。接綫之路三萬七千餘英里。

出使日記續刻 卷九

三 傳經樓校本

初二日記

法國新換政府名單首相兼外部大臣喀布米爾貝里

業一作卡西米巴利內務大臣賴納一作貝戶部大臣

布爾多一作畢教部大臣施普勒爾一作司刑部大臣

杜博兵部大臣梅爾喜一作梅海部大臣洛費甫爾一作

樂費一作秋農部大臣克里舉一作

印度為自古戰爭地上古有阿漢司人名始至其地

今其後裔尚居印度民數四之三西歷紀元前二千年

印度歐洲人既至歐洲其有他往者由中亞細亞而至

印度之本若數百年後復南居恆河之旁與先至之人

爭鬪不已泊拉馬人出征服印度之南而錫蘭烏德與

出使日記續刻 卷九

孟加拉皆歸附焉紀元前三百二十七年亞勒散德順

印度河而下進攻印度已在波斯第十二王得印度西

北之後至西羅克司乃以亞勒散德所得之印地歸之

希臘是為希臘得地於印度之始又有西齊恩人希臘

類希臘既得希臘拔克脫里亞屬埠遂乘勝以取北印度

百餘年後阿刺伯人亦大掠日瓜爾與信地嗣後波斯

得地於印度回教人遂得居恆河之旁西北之地歸其

統轄者百年復閱二百餘年而印度有回朝西歷九百

九十年間有馮默特者一名印自稱為齊斯尼在阿王

屢攻印度逾助姆那江得勞爾摩爾湯兩省地由是阿

富汗威行印度者五百年於一千二百六年得德列志

略又八十八年而得德干鯨吞蠶食蓋已久矣

初三日記

千二百十九年成吉思汗以掃蕩中亞細亞西亞細

亞而至印度兵威所至如風掃籬一千三百九十八年

蒙古帖木耳以大兵攻印度取德列鎮以吉士爾汗汗

皆暴其後各王相繼全服印度至巴卑爾王廢阿富汗

之末王在一千五百遂立蒙古一作莫朝於印度其子

武米恩王嘗盡失巴卑爾之地後稍復之子亞格芭立

盡有喀布爾堪達哈爾全印度及德干之地至日罕王

出使日記續刻 卷九

時為極盛之朝一千六百五年後阿倫格王殺兄囚父

而自立一千七年其朝始衰厥後數世篡試相尋波斯攻

之割印度河以西之地德干烏德孟加拉皆自主蒙古

朝衰馬刺他人起兵據德干日以強盛一千七百年久與

英人相抗先英人而商於印度者則有葡荷法三國英

人之初商於印度也在一千六百年嘗鳩股一百二集

資七萬名曰英國東印度公司未幾易其名曰通商東

印度羣島倫敦總辦公司以無利可圖驟添資本至英

金四十萬鎊

初四日記

英公司因荷蘭商人過昂胡椒價值既有違言又因事與葡商大鬪一千六百十五年甲必丹盤司率四兵船大敗葡水師於印度蘇辣之外遂設埠於蘇辣與印度王立約英王哲姆司第一遣使印度印度給商埠數處一千六百三十九年英得一小地於麻打拉薩建爲自主藩部六十一年英王爵爾司第二娶后於葡始得孟買蓋畜物也英王以其地歸於公司年取英金十鎊八十七年公司以其地爲西藩部先是公司雖在孟加拉得和約之益然除恆河口一廠外未有他地至一千六百八十九年始於林密澤地築一礮臺爲今噶爾格達

出使日記續刻

卷九

美傳經樓校本

英勢炎炎矣

初五日記

一千七百五十六年噶爾格達人叛英將克里胡勝之孟加拉英勢始大越二年克里胡爲孟加拉總督越五

出使日記續刻 卷九

年孟加拉又叛明年平之德列王許英人在孟加拉巴哈爾疴黎薩徵稅並轄北西爾加耳後有回教人來攻英人敗之一千七百九十九年英人四戰於賣索爾亂始定得色林甘潘坦越三年再與馬刺他人戰進取新的亞霍爾喀公司之地由是益大乃與土邦立約保護與悉國喀布爾波斯和權勢震動東方一千八百十八年孟買以增陌召穢之地版圖益廓中印度與刺日不德皆在保護之列一千八百二十三年阿瓦王侵逼英地英有事於緬甸喪師二萬費英金一千四百萬鎊始得吞納叟林及阿薩密一千八百五十二年英取悉國

出使日記續刻

卷九

美傳經樓校本

初六日記

英之印度政權在總督輔政者六人節制之者在印度部部屬十五人地方官之亞於總督者有若巡撫加西名那藩司加西名次巡道密欣稱輔政之人與巡撫英君主所派也更有議律例定章程者十人至十六人不等

一一三

與藩司巡道皆總督所派而必先得請於印度部其餘設官行政與英略同。印度即天竺五天竺之名由來已久今西書祇言印度不分爲五其古圖則以孟加拉麻打拉薩孟買錫蘭分爲四大部新書則以英之印度分爲八省或分爲十三省云。南甬江即大宣河又名南甬江其上流穿過中國十三部中之猛犸此江兩岸皆屬中國其下游西邊之地則土番哈人所居而暹羅游民自光緒十年始侵佔此地並占車里邊界之地。

初七日記

英人阿爾紀嘗遊歷江洪著論曰江洪各府雖難分別出使日記續刻卷九

天傳經樓校本

清晰而其全國外面疆界則非因此而混亦無人能爭之者祇恐猛犸即猛犸地方法人有覬覦之勢耳湄江之東南拉江之低地爲江洪南方及東南方之界綫其東方係猛禹即南甬江上游之地猛禹地方江洪之勢頗微恐法人欲索問其地因猛禹在南甬江上游地位與法地相連若論法人奢願即湄江上之江洪亦恐有兼併之勢祇要由南甬江或由黑江發兵直搗可也中國若不援助江洪必不能禦法然中國意見似不肯去管理江洪最妥之法莫如將江洪亦歸入甌脫地內可免後患。

初八日記

電學家有一種盛電之器料瓶是也其盛電之法用生電各機盤旋運動電氣自能注於料瓶然後將瓶封固使電不外洩無論何地均可攜帶以供生力生光之用。真一方便法也先時電線偶或中斷在數百里數千里外一時驟難考定無由亟爲聯續有人思得一法先立一表依表推算十百千萬里無稍舛誤英國格致士艾爾吞以此法傳之印度印人能推算電線斷於何處者艾爾吞教之也又英國電車亦自艾爾吞始。德國博學士有班得式者謂世間萬物俱係各質配合而成聚出使日記續刻卷九

天傳經樓校本

初九日記

英國國債至去年西三月止其欠六百七十七兆六十七萬九千餘鎊迨年底結算已償之款其六兆六十三萬六千餘鎊而欠項則爲六百七十一兆零四萬二千餘鎊查英一千六百八十九年威廉第三在位時所欠國債僅六十六萬四千餘鎊迨定禁買黑奴之律發帑收贖國債已增至二十兆零十七萬一千餘鎊又因與

他國戰爭。耗費甚鉅。至一千八百三十七年。今王維多利亞即位。國債驟增至八百五十兆零十三萬二千餘鎊。嗣後時減時增。以至於今。尚有國債六百七十餘兆云。

初十日記

上海紡紗織布局於九月初十日焚燬。以未保火險。又在租界之外。洋水龍局不肯往救。以至靡有留遺。嗣經上海道等查明現盤總帳。借領官款銀二十六萬兩。又借某公司銀十六萬兩。借某大憲銀二萬兩。楊觀察宗濂宗瀚兄弟二人銀十三萬兩。內係借款銀五萬兩。墊出使日記續刻

卷九

三

傳經樓校本

十一日記

英國有格物者。儒名貝賴者。竭一生精力。專究世人發言吐語之所由。著書暢論其理。遂創造德律風一器。倫敦又有格致士席李內者。以先時德律風傳聲之綫多

用鋼鐵。既粗且重。殊欠靈敏。因徧勸德律風廠。概用銅綫。既輕且細。經費半減。利益宏多。現已無廠不然。聲既及遠。音愈清朗。德國近有格致士名伯陵內者。謂盛電之瓶。除尋常用之淡硫水外。再加火酒。每百兩淡硫水。加水酒五兩。電即起發。盛電之具。既見輕便。生電之速。尤不可思議。大約數分鐘工夫。電即隨氣而升矣。惟不用火酒者。遲。尤見新法之所以廣行。舊法之宜乎漸廢。瑞士有格致家鮑姓者。思得新法。造作機器。先用二百匹馬力。傳達三英里。再借水力生電。傳六百匹馬力於工作廠肆。以為工作之用。此係傳電力於遠方之始。

卷九

三

傳經樓校本

十二日記

英國格致士波路斯氏。思得新法。於暮夜昏黑之際。以氣球升之空中。上懸電燈。以通消息。并可借以發號施令。使軍營聯絡呼應。亦用兵時制勝之一要也。美國格致士魯字。創設電氣各燈。有極大之光。此人得電學新法。出售於某電局。給以洋銀五十萬員。電氣必用生電機器以發之。而生電之機有二。一則所生之電。無所變易。如始生者。或陽電。或陰電。其終亦必係陽電。陰電。用表測量。電生之多寡。殊不費力。一則所生之電。陰

陽互輸。一抄分鐘可變易者數百。不特生力亦可生光。供一切之用。惟此等電量之殊不易耳。英人有名克拉克者。凡電竿纏紮電線之瓷碗。即此人所製。所以隔電不使電火燃及電竿也。迄今諸國早線咸遵用之。

十三日記

西人多用一空桶。或隔數十丈地。或隔數百丈地。假之以運輕物。一如信局送信。從空移去。西國之從空桶移物者。即克拉克創造數十年前設立海綫。亦克拉克所創也。電學今世所常用者。硬與軟二種。為不可少之法。亦克拉克創為之者。倫敦西南隅有人姓古奔者。以電

出使日記續刻 卷九

三 傳經樓校本

機發諸電報之時。或遇天空雷氣過大。致相感觸。甚為身害。因設一法。可使電氣自息。不生他害。英國格致士哥克斯精研電學。製一電表。可以考驗更夫夜間是否守望終宵。貪睡或不貪睡。

十四日記

北洋海防。如金州大連灣大沽北塘山海關。皆翼蔽畿輔。而要害則尤在左延之旅順口。與右表之登州成山衛煙臺威海衛。威海與旅順南北隔海對峙。其間有小島斷續如帶。浮於海面。而泊輪亦惟旅順威海為善。宜乎北洋海軍屯聚於此也。且此海縱橫二千五百里。其

中若老鐵山前後。并搭連島長子島及煙臺外威海崆峒諸島。又遼海東之皮島。均有泊兵輪之錨地。防此則津沽山海關鴨綠江之門戶固矣。昔漢楊僕之擊朝鮮。魏田豫之討公孫淵。秦苻堅之襲和龍。唐張亮之趨平壤。薛萬徹之入鴨綠水。皆得此要害者也。又如海州以下。廟灣以上。為黃河入海之口。亦登萊淮海之要衝。以有五條沙之保障。故設防可緩焉。

十六日記

南洋海防。如揚子江口之內狼山。外崇明。鎖鑰長江。其由海入江之門戶。厥有四重。第一重有廖角背營前河

出使日記續刻 卷九

三 傳經樓校本

兩河相對。第二重狼福兩山相對。第三重江靖兩邑相對。第四重圖山永生洲相對。至京口瓜洲則為閩閩之內地。崇明東有陳錢山者。海中之標也。航海者東南望陳錢。東北望陳山。至陳錢則可進泊洋山。山形如箕。周圍百里。有嶼十八。山巔有泉。可汲水。颶風凡海寇隨風入蘇。松常鎮者。發碇必於洋山。山固由海入江之關限也。江浙外海分界處。為馬蹟山。山北屬蘇。山南屬浙。而陳錢外之盡山。普陀直東外之東霍山。其南自崎頭至昌國。衛外之韭山。弔邦。皆甯屬之險要也。他如温台所屬之內海外海。均防海者所宜留意。惟舟山為海軍重

鎮尤爲扼要。吳徐承李舟師自海入齊。越范蠡古庸沿海沂淮以絕吳路。唐強偉自峽抵江揚。趨萊州。皆得要害者也。

二十三日記

英屬印度各省。依一千八百九十一年之冊。亞日迷爾省二千七百一十一英方里。屬縣二。民五十四萬二千有奇。阿薩密省四萬九千英方里。屬縣十三。民五百四十七萬有奇。孟加拉省十五萬一千餘英方里。屬縣四十八。民七千一百三十四萬有奇。比拉爾省一萬七千餘英方里。屬縣六。民二百八十九萬七千有奇。孟買省七

出使日記續刻 卷九

書 傳經樓校本

萬七千英方里。屬縣十九。民一千五百九十八萬有奇。信地省四萬七千英方里。屬縣五。民二百八十七萬有奇。亞丁省八十英方里。信地亞丁皆屬孟買屬縣二。民四萬四千有奇。上緬甸省八萬三千餘英方里。屬縣十七。民二百九十四萬有奇。下緬甸省。以上二省歸緬甸八萬七千餘英方里。屬縣十九。民四百六十五萬有奇。中路各省八萬六千英方里。屬縣十八。民一千七十八萬有奇。枯亞格省一千五百餘英方里。屬縣一。民十七萬有奇。麻打拉薩省十四萬餘英方里。屬縣二十二。民三千五百六十三萬有奇。西北各省八萬三千餘英方里。屬縣三十七。民

三千四百二十五萬有奇。烏德省。與西北各省可分可合二萬四千餘英方里。本若省十一萬餘英方里。屬縣三十一。民二千八十六萬有奇。寬他等省方里屬縣未詳。民二萬七千有奇。安台蠻省二千五百英方里。屬縣未詳。民一萬五千有奇。

二十四日記

亞日迷爾在刺日不德之中。一千八百四十八年始爲英有。有代辦總督。密欣駐於刺日不德以鎮撫之。一千八百二十五年。緬甸始讓阿薩密之地於英。英屬之孟加拉。一千八百七十四年。始立爲一省。今轄於首

出使日記續刻 卷九

書 傳經樓校本

康密欣釋其地在雅魯藏布與搜馬兩江之間。山嶺崇峻。土產米爲大宗。若西爾海脫若開扯若西亨衰加若辣克歇姆拍尤爲印度產茶極旺之地。都會曰告爾潘拉。一千八百五十四年。孟加拉曾轄於次加稔那。今歸總督兼轄。地占恆河兩岸。東至皮孛司。又自雪山而至襪安釋代江口。皆其地也。計有孟加拉本地與巴哈爾疴黎薩鑿貪納坡之地。大半平原。饒水利。土產之豐。人民之眾。推爲第一。產米鴉片。印度麻。山中多煤。回民居三之一。農夫居三之二。會城曰嘎爾格達。印度之都城也。戶口合城鄉內外計之。凡九十七萬八千有奇。

英國版圖以戶口而論推為第二日摩亞衰台拔日忙赫日拍那日白突岡皆大城

二十五日記

比拉爾志略作在海德拉巴之北一千八百五十三年英人得自尼散即德蓋尼散通欠於英而以地償者也今兼轄於海德拉巴而不全行英令土肥沃產上上棉花一千八百九十年間入款英金一百六萬八千餘鎊出款九十一萬八千餘鎊以印度一羅比贏餘歸於尼散政府是年得十五萬餘鎊蓋自比拉爾歸英後贏餘有二百八十四萬餘鎊云大城日哀立處坡 孟買在

出使日記續刻 卷九

美傳經樓校本

西海岸先為陌召穢地英人大半得之於馬刺他與然他拉其地除土邦外合信地亞丁計之大如德國沿海長一千五十英里多天然海口尤以孟買克辣溪兩口為要土邦占地三分之一信地占四之一餘則孟買本地土產棉花向多出口今本處紡織用者日多並產鹽戶口之數印度人居百之七十六回回居百之十七有加稔那以鎮撫之首城與省同名民八十二萬有奇在同名之島上為印度通商極大之城信地政事稍與孟買省中不同亞丁與非洲蘇馬里海岸歸英保皆轄於孟買

二十六日記

緬甸英人再用兵僅得下緬甸地其得上緬甸則在一千八百八十五年下緬甸地在厄勒瓦諦江口地形平坦至潑羅姆在擺以上則高而多山沿江產米甚旺出口者多柚木亦然上緬甸土肥沃富礦產金銀寶石鉛鐵錫煤油皆備自仰光至八募以上九百英里舟皆可達陸地貨亦可達於擲人通於中國盛行佛教鐵路已通莽達拉開拓尚未已也一千八百九十一年上緬甸有英兵一萬一千四十另巡捕兵一萬五千地方費用漸減自丙戌至戊子年歲需英金二百六十一萬餘

出使日記續刻 卷九

美傳經樓校本

鎊庚寅辛卯年僅需一百八萬餘鎊下緬甸首城日仰光或作冷宮城中居民十八萬有奇日穆爾疊日吞納叟林上緬甸首城日莽達拉城中戶口與仰光相若又有近中國境之八募為商賈輻湊之區潘干即盆多佛廟以聖地名

二十七日記

中路各省不止戶口有荷蘭比利時兩國之數而地大於兩國三倍半蓋一千八百六十一年由西北各省與麻打拉薩分出者也其先為那哥不爾之馬拉他地多土番開墾者僅四之一今自孟買至嘎爾格達通以鐵

路中貫全境。風氣漸開。其俗大變。煤鐵米麥棉花爲土產。大宗首城曰那哥。不爾民十一萬有奇。又城曰直不爾。鋪曰爾來。跋。枯亞格省於道光十四年始併於英。有首康密欣。稱駐於賣索爾。以鎮撫之。麻打拉薩沿海。自切爾楷湖至考麻林海角。並至麻來排海岸之加那拉。皆其地也。沿海長一千七百三十英里。惜無一佳海口。前爲英法戰爭地。麻打拉薩南九十英里。法之商埠。本地支黎也。英人以孟加拉孟買麻打拉薩爲三大埠。而麻打拉薩爲最扼要。地初不廣。至嘉慶六年。得加爾那的而疆始擴。今其地大於英三島。戶口如意火里。

出使日記續刻

卷九

三

傳經樓校本

地非饒沃。礦產亦少。英設加稔那以鎮撫之。首城與省同名。民四十五萬有奇。

二十八日記

西北各省與烏德地。共十萬七千五百餘英方里。民四千六百九十萬有奇。印度人居七之六。地不及德國之半。而戶口相若。在孟加拉之西北。枕雪山。南界中印度高地之小山。占恆河平原之上游。西北各省本孟加拉地道。光十五年。英人欲立爲亞加拉一部。不果行。越二

年。始設次加稔那以分治之。烏德之地。大若荷蘭比利時兩國。咸豐六年。始併於英。初轄於首康密欣。稱光

緒五年。始同轄於西北各省之次加稔那。土產麥。甜棉花。糖。鴉片。油子。近雪山之地。亦產茶。西北各省以阿拉哈巴爲首城。居民十七萬有奇。又城曰皮孛司。爲印度人教中聖地。居民六十萬。日康坡。民十五萬有奇。曰亞加拉。在助姆那江上。當

二十九日記

本若一作伴及拔地。在印度大平原北之西北。以白雪

出使日記續刻

卷九

三

傳經樓校本

山而下之五江。通於平原。入於印度河者。而得名。自英人第二次用兵於塞哥。其地於一千八百四十八年始爲英有。轄於英之行政局。以首康密欣。稱爲首領。越十一年。升首康密欣。稱爲次加稔那。其德列一部。亦由西北各省中歸於本若。除三十四土邦外。其地埒乎意大利。大半宜耕。土產以鹽。麥。米。棉花爲大宗。戶口多於西班牙。葡萄牙兩國。首城曰勞爾。在爾來維江上。民十七萬有奇。又城曰阿姆立。技。爲塞哥之教地。日德列。在助姆那江上。昔爲蒙古朝之舊都。民約二百萬。今遠遜矣。寬他等地。一名英國俾路芝。一千八百八十八年始

行分治。轄於英駐俾路芝之首康密欣。亦即代辦總督。其地半得自阿富汗。半得自稀辣。即俾路芝都城

十二月己卯朔記

安台蠻山島也。在孟加拉海灣東面。分爲二羣島。曰大安台蠻。曰小安台蠻。草木暢茂。多珍樹名材。居民係尼格里禿一派。近日日少。印度恆流罪人於此。土產茶米沙穀。米山芋加非可。土邦有土酋以自治其民。大小不一。共有八百。略大者不過二百。英國控制之方亦不一。有納貢於英者。各土酋歲收賦稅共印銀二百萬。兆羅披以七兆五十萬。貢英。有不納貢者。有徒有貢獻之名者。其酋雖名號尙存。廢立

出使日記續刻 卷九

罕 傳經樓校本

之權。操之於英。英復派員監其政府。從違予奪。悉聽英命。故稱爲英國保護之邦。有散布於英省之中者。有獨處英省之外者。英國海部衙門圖內中國北京經綫。在格林尼址東一百十六度三十分。此係近測最準之經綫。

初三日記

土邦散布英省中者。其在孟買之日瓜爾。一名排羅大。者。得地八千二百英方里。民二百四十一萬五千有奇。一千八百九十一年。在孟買他處者。得地六萬九千餘英方里。民八百五十五萬九千有奇。土邦大者曰枯格。六千五百英方里。

有日設爾哈伯。民二千八百英方里。曰開亞伯。民一千三百萬。其在麻打拉薩者。得地九千六百英方里。民三百七十萬有奇。土邦大者曰達拉王哥。民五千七百英方。有奇。曰可陳。民一千三百英方里。其在中路各省者。爲地二萬九千餘英方里。民二百十六萬有奇。土邦大者曰拔司他。民一萬三千英方里。其在孟加拉者。爲地三萬五千餘英方里。民三百二十九萬有奇。土邦大者曰枯處巴哈爾。民一千三百英方里。曰希爾揚伯拉。四千英方里。民奇。其在西北各省者。爲地五千一百英方里。民七十九萬有奇。土邦大者曰爾辣姆伯。九百餘英方里。民曰

出使日記續刻 卷九

罕 傳經樓校本

華爾。民二千一百英方里。其在本若者。爲地三萬八千餘英方里。民四百二十六萬有奇。

初四日記

本若省內土邦之大者曰拍下拉。民五千九百餘英方里。曰拔霍和爾伯。民一萬七千餘英方里。曰秦突。民二千二百二十八萬有奇。曰那哈。民九百餘英方里。曰甲褒車拉。民九萬有奇。曰日盤提。民一千一百英方里。曰色茂。民一萬九千有奇。曰馬樓可他。民一千六百英方里。曰法立殼。民一萬有奇。曰開姆排。民二千一百英方里。曰色開。民一萬有奇。曰甲爾瀉。民一千二百英方里。曰錫金。民一萬有奇。曰色開。民一萬有奇。曰甲爾瀉。民一萬有奇。曰錫金。民一萬有奇。

英方里民曰山司貪芝。即擇人地或云有四百萬英方里。三萬有奇。民三十七萬有奇。以上二邦皆未土邦。獨處於英省之外者。曰賣索爾。曰尼散。德一各海。曰因杜。即中印度地。惟此曰刺日不德。曰克什米爾。賣索爾地形高聳。除西北與孟買接壤外。餘皆與麻打拉薩毘連。英以前酋不君。曾於一千八百三十四年派首康密欣。轉往理其政。後於一千八百八十一年政事。仍歸土酋。其地廣植加非。為印度冠。得地二萬七千九百餘英方里。民四百九十四萬有奇。首城與邦同名。舊都曰西令牙巴坦。即北西。又有大城曰滂甘羅。水土甚美。

出使日記續刻 卷九

聖 傳經樓校本

初五日記

尼散。南至唐甘蒲特拉江。之支那江。北至潘肯甘江。義他江之得地八萬二千餘英方里。民一千一百五十三萬有奇。一千八百八十四年以前。英曾派員管理其政。今仍歸尼散自主。大城曰海德拉巴。其都城也。在吉那江之分江上。又曰告爾康。大曰愛羅拉。因杜亞在阿拉浮里與温哈兩山之間。得地八萬英方里。其有七十一邦。較大者曰瓜利爾。即新的亞。二萬五千八百英方里。民一萬二千六百英方里。曰因杜亞。九千六百英方里。曰波保爾。六千九百英方里。刺日不德之地。東自春

爾白江。即恆河。西至印度河。約十二萬三千英方里。民一萬一千一百萬。皆印度人。土邦十八。較大者曰荷代不爾。一萬二千八百英方里。曰入德不爾。三萬七千餘英方里。民一百八十四萬有奇。曰比加尼爾。二萬三千英方里。民五十二萬有奇。曰排不爾。一萬三千英方里。民八十三萬有奇。曰阿爾華。三萬七千餘英方里。民七十六萬有奇。曰哥達。三千八百英方里。民五十二萬有奇。曰當克。二千八百英方里。民三十八萬有奇。

初九日記

克什米爾。大地也。北界措拉可蘭山。東界西藏。南界西界本若與海什拉地。得地八萬九百英方里。民二百五十四萬有奇。多水利。風景亦佳。水土宜人。以製膊巾為利源。其物以西藏羊毛為之。羊牧於最高之地。以吉爾脫為大市。近措拉可。再運至克什米爾城。民皆印度種。尚回教。其王曰麥哈拉。纔都城與邦同名。在什楞江上。東北有小湖曰什摩湖。景之美聞於世。在察鬧字江上。克王駐蹕於此。自主之土邦雖名自主。英不許其結黨同盟。亦禁撓英權利。僅有二邦。曰尼泊爾。即廓爾喀也。曰不丹。即布魯克巴也。尼泊爾在雪山之南。長五百十二英里。闊自七十至一百五十英里。凡五萬四千英方里。

出使日記續刻 卷九

聖 傳經樓校本

一萬一千一百萬。皆印度人。土邦十八。較大者曰荷代不爾。一萬二千八百英方里。曰入德不爾。三萬七千餘英方里。民一百八十四萬有奇。曰比加尼爾。二萬三千英方里。民五十二萬有奇。曰排不爾。一萬三千英方里。民八十三萬有奇。曰阿爾華。三萬七千餘英方里。民七十六萬有奇。曰哥達。三千八百英方里。民五十二萬有奇。曰當克。二千八百英方里。民三十八萬有奇。

戶口數百萬。自透來低窪之區。至近西藏則漸高。雪山大嶺悉在其中。樹林深遼。多儲貴木。高山之坡宜米麥珍珠米。橘波羅蜜。多野獸翠鳥。牧地雖少。羊牧成羣。製造未廣。商務已興。與西藏中國印度通商頗盛。人皆蒙古本種。而雜以印度人。盛行婆羅門教。都城曰加德滿都。

初十日記

不丹在雪山之西。北界西藏。南界阿薩密。高峰插天。佳景層出。約二萬英方里。戶口未詳。與尼泊爾不過錫金之隔。地形水土物產悉同於尼泊爾。工作專以樹皮爲出使日記續刻 卷九

醫傳經樓校本

紙尙佛教。都城曰達西蘇敦。法國印度屬地凡二百五英方里。民二百八萬有奇。九十年。以本地支黎爲最大。凡一百十五英方里。有奇。城名同部名。卽法屬印度都會也。在考麻林海岸。先是礮臺鞏固。後與英戰。爲英所毀。巴黎立約。英不許其重築。亦不許其駐兵。地雖便於泊舟。並無海口。商務日衰。此外在火立江上者。曰商德爾那哥耳。四英方里。距嘎爾格達之北十七英里。在加維利江口者。曰加黎架爾。五十三英方里。在我他惟利江口者。曰牙那安。五英方里。在西海岸者。曰馬黑。一小城也。二十六英方里。然商務無不日衰者。

十一日記

葡萄牙印度屬埠在孟買東南二百六十五英里。地當馬拉巴爾海岸。西印度曰疴襪。長六十英里。闊三十英里。凡一千八十英方里。民五十六萬有奇。都城同名。亦卽好望角以東所有葡屬之都會。商務總匯也。舊城在內地五六英里之遙。商務日衰。新城在海口。一名潘習姆。礮臺密布。頗得形勢。進口貨以布匹象牙生絲羊毛糖爲大宗。出口貨以麻檳榔要貨爲大宗。孟買之北更有葡國屬埠曰達蒙。三百八十英方里。民六萬有奇。城名同。日瓜爾海岸之外有小島曰的玉。五十二英方里。上有礮臺。卽以出使日記續刻 卷九

醫傳經樓校本

爲城。志略尙有葡屬之海濱小聚落數處。隸屬之西林不爾及達郎給巴爾二處。今西書中皆未詳。凡以見其無足輕重云。

十二日記

印度鴉片。官製官售。已百餘年。其地在孟加拉之巴哈爾。與西北各省之皮學司。約五十萬英畝。種者以漿入官。官取其漿而乾之。約重百四十鎊爲一箱。運至嘎爾格達。招人往購。然後出口。俗名拍賣。光緒庚寅年出口五萬七千箱。得價印銀五十九兆四萬羅披。合印度銀一千箱。辛卯年每箱勻計。價值增至一千五十八羅披。壬辰

年箱數減至五萬四千。其在印度本地銷售者得印銀二百十萬羅披。此英地所產。政府取其值以充國用。更有山孟買出口者三萬七十九箱。總名曰馬爾達鴉片。馬爾達阿日迷爾阿米代拔三。此土邦所產。英則但徵其稅。每箱徵六百羅披至六百五十羅披。實得印銀十七兆五十四萬羅披。以上英地與土邦鴉片。英政府除各費用外。入銀五十六兆九十八萬羅披。視十年前歲得八十四兆五十萬羅披者已稍減矣。

十三日記

總署電云。英使言英俄在倫敦議帕事。俄從阿克蘇河出使日記續刻

卷九

吳傳經樓校本

至阿克塔什南抵小帕嶺北為止。已有成議。又接許竹使電。俄外部言英允酌讓小帕地歸俄。如與英議定南界。明春即須添兵在東南面劃守。又言阿克塔什設卡地段。俟分界時或可通融。餘無可商。余詰外部何以擅將中國界綫讓俄。外部謂無此說。又接許大臣函云。此間議帕事。去冬俄外部本欲劃薩雷開勒大山為界。即米爾圖林色。今年二月。俄外部口氣略鬆。謂請中國指勘牙高嶺。今年二月。俄外部口氣略鬆。謂請中國指出在大山以西之實地。俄可和商。總署因按喀約往南地勢。開列地名告之。彼謂我仍持喀約。遂又擱起。此次慶常來俄。始於山西之地。允讓郎庫里之半。但與署意

相差太遠。無從湊泊。月前彼以英議將成。催我早定。又云署電西界酌讓一層。本令審察地勢酌辦。現已渾告俄人以探俄意。俄所擬界郎庫里以南至派格士別爾山脊止。勢不可允。阿克塔什一帶尙未議定。

十七日記

印度已造之鐵路。自嘎爾格達至阿拉哈巴為一路。由此再分西北西南二路。西北達於德列。西南達於直不爾鋪。其自德列至勞爾。勞爾至陌召穢之吉白山峽。為支路一。勞爾西南經木耳丹。至印度河之色扣。接於克辣溪之鐵路。為支路二。色扣至近波瀾。在寬他省山峽之悉

出使日記續刻

卷九

吳傳經樓校本

畢。亦有鐵路。此路將欲造至阿富汗之堪達哈耳。又有自孟買東北行至直不爾鋪為一路。以與阿拉哈巴西南一路通。其在孟買與直不爾鋪中間之地。亦有二路。一西北至因杜亞。一正西至那哥不爾。此路後欲東通爾來坡以貫通印度。復有孟買鐵路二。一北通蘇辣巴羅大。阿米代拔而至枯楮海股。一東南行經坡南。埔拿會海德拉巴之支路。而至麻打拉薩城。此皆幹路也。其南則由麻打拉薩而至印度之極南。所有要區鐵路皆通。其北則嘎爾格達之鐵路。已抵西藏近邊之大吉嶺。英之經營全印。可謂不遺餘力矣。

十八日記

錫蘭在印度東南印度洋中。英屬島也。洋中有礁石沙。在北緯五度五十三分九度五十一分之間。英京東經七十六度四十二分至八十一度五十五分。得地二萬五千英方里。大於阿爾蘭四之三以上。其形如梨。其南較闊。南北長二百六十英里。極闊處一百四十英里。南方山嶺重疊。北方平坦。峻極之嶺曰撥突羅塔來格拉。更有高峰曰阿達姆。相傳為佛西名菩大即。升天之處。其地雖在熱帶。而水土益人。海風徐來。酷熱不生。平陽氣候恆無大變。以西十二月正月為極寒。四五兩月為極熱。川流多而不長。大江曰襪海。懷里甘。源近阿達姆峰。約流二百英里。近停可馬里而入海。礦產富黃紅藍各寶石。碧玉貓兒眼。西北蠻那海股向來孕珠。今則較遜。植物葱蔚。林多花梨。緞木烏木及有用名材。土產米加非茶肉桂可可白豆蔻金雞那樹。種茶日盛。肉桂當荷蘭割據時為土產中最要之物。利獨歸於國家。今出口者尙重二百八十一萬餘磅云。製鹽之利亦獨歸政府。歲贏金九十五萬餘鎊云。

十九日記

光緒十七年。錫蘭民三百萬零八千有奇。以印度人種

星海里司為最多。約一百八十。其先蓋由印度徙此。在紀元前五百四十二年。次為印度南方人種。塔米爾司。約六十八。次為回回。十八萬。又次則白厄司。或名烏蘭欣司。約一萬。歐洲人約五千而已。若物突司。即土著。若阿富汗人。巫來由人。則更少矣。其地盛行佛教。工藝所出。有金銀象牙玳瑁瓦器席扇雕刻等物。先是一千五百七年。葡萄牙於沿海徧設埠頭。閱一百五十年。荷蘭奪之一千七百九十六年。英又奪之。以轄於麻打拉薩。六年後另立為外藩。以歸於其國家。一千八百十五年。英廢島王。始有其全地。今分九省。西岸可倫破。或譯作。出使日記續刻卷九 完 傳經樓校本

二十日記

格倫坡其都會也。民十二萬。蘭突在內地。其舊都也。南岸有拋因脫甘里。東岸有停可馬里。皆大邑。
襪爾迭胡羣島在錫蘭西南四百英里。錫蘭屬島也會城曰美爾。土酋歲遣公使至可倫破。納貢於英之加稔。那土人尙回教。地瘠水惡。出口大宗惟乾魚貝玳瑁可果。安台蠻之南。蘇門答臘之西北。有羣島曰尼可排。凡地六百餘英方里。先屬丹國。一千八百六十九年。英始據之。以轄於安台蠻。土人七千。狀貌如巫來由。在內地與南者已日少。羣島中有人煙者十二島。無人迹

者七島。極北一島曰楷尼可排。居民得羣島之半。極南一島曰大尼可排。地得全羣島之半。土亦肥沃。阿刺伯海中。距印度馬拉巴爾海岸二百英里。有羣島曰辣開迭巫。皆低平珊瑚小島。島凡十四。有屬英者。有屬印度土邦者。戶口一萬四千有奇。

二十一日日記

上海織布局廠機被焚。現存銀錢布匹。僅敷抵還零星欠款。該局實計官款存銀二十六萬五千三百九十兩。內有籌賑局賑餘十五萬兩。綏肇商股存銀五十五萬支。應局十六萬兩。皆未入告者。內有前津關劉道遵。仁濟和保險局存銀四千九百兩。飭附股銀二萬兩。

出使日記續刻

卷九

辛 傳經樓校本

八萬兩。前江海關道存銀二萬兩。楊藕記借墊各款銀十餘萬兩。全局被焚之後。僅存基地監工女匠房屋。及損傷機器鍋爐鋼鐵廢料。值銀無多。現擬逐項估價。籌議攤派。查織布局自招商入股十年以來。毫無利息。舊股則以百兩折成七十兩。補交三十兩。共計三十三萬四千九百兩。新股則係招商保險局奉飭將暫存生息之款。改作股分二十二萬兩。現擬該局所贖地產物料。價值若干。及轟道等查辦之銀錢花布贖款。統除支付。應還現款外。盈絀若干。總計按照商股五十五萬餘兩。及奉飭之存款十萬兩。係保險局八萬兩。如數攤派。

填發新股票與新局股分一律分利。其舊股票摺均作廢紙。所欠官款。悉歸以後局廠。按每出紗一包。捐銀一兩。陸續歸繳。免其攤分。至規復原局。現擬一面估價。勻派。一面就舊址收拾機器鍋爐。建廠開工。俾昭迅速。

二十二日記

許竹質星使來函云。塔敦巴什在大山以東。新疆業已設卡紮兵。俄人並無異言。俄廷所擬界圖。該地亦劃在彼線以外。似無占踞之意。至阿克塔什地段。乃由北至南。恐非俄英界線所能包括。又致總署電云。遵有電商論。嘆云。南界自薩湖及阿克塔什以南。英俄已有成議。

出使日記續刻

卷九

辛 傳經樓校本

中俄關涉。乃是東界。仍請中國照俄議。經慶常力辯。屢允候鈞署指出酌讓。西界地名再商。日本內務省調查明治二十五年十二月底册籍。計全國七百八十一萬七千五百七十戶。四千一百八萬九千九百四十口。其中男二千七百七十五萬二千三百六十六名。女二千三十三萬七千五百七十四口。列華族者二千八百五十三名。列士族者二百一萬四千三百六十六名。平民三千九百七萬一千七百八十一名。

二十三日日記

歐洲各國通例。凡郵船往來。歸公司辦理。而書札一項。

惟朝廷獨擅利權。然傳遞必賴乎公司。故國君皆予以銀兩。法國每年撥給一百零四萬三千鎊。德國撥一百萬鎊。俄國撥四十五萬鎊。意國撥四十萬鎊。英國撥六十六萬五千鎊。民間書札。無論何地。均可致送。且信資極廉。如由上海寄往美國。僅取五十文。國君既籌出幣。銀即收回。信封上所貼印花之利。信資雖少。緘數甚多。亦國家一大利權也。俄國鐵條造成之路。計銀三十萬兆。四十五萬羅布。鋼條造成者一百七十三兆七萬八千羅布。又造成鐵骨計二十六兆三萬七千羅布。此外機車值羅布九十兆八十二萬七千。裝貨車值羅布一百二十七兆七十四萬七千。客車值羅布九兆三十四萬九千。統計四百五十七兆五十三萬八千羅布。以英金核之。值四十五兆七十五萬三千八百鎊。然論其價值。若由他國運之。不過二十一兆四十四萬三千五百十鎊足矣。

二十四日記

美國本名合眾國。其地甚廣。區分疆界甚多。據內地鐵路公司報稱。去年六月止。公司有一千八百二十二處。往來機器車共有三萬三千一百三十六乘。在各鎮預備調遣之車二千二百七十四乘。載客載貨車一百二

出使日記續刻 卷九

聖傳經樓校本

十一萬五千餘乘。鐵路上所用人工共八十二萬一千餘名。是年坐客共五百六十兆九十五萬餘人。往來路程共三百七十七兆五十三萬八千餘里。英屬地在南阿非利加洲者。約如中國七八行省。四十年前好望角已築鐵路一條。本公司所辦。未久入官。益加推廣。十年內又於土人所居之處。更闢新路。如築寬路每里用銀一萬七千兩。窄路僅需其半。用銀八九千兩。工師云。窄路不如寬路之合算。蓋路窄則大車不合用。必用小車。則載貨少而用車多。用人亦多。且路有寬窄。一至兩路交接處。又須易車。裝卸駁運。為費不貲。且稽延時刻。諸

出使日記續刻 卷九

聖傳經樓校本

多不便。十餘年來。多為所累。皆先時省費之見誤之也。今皆已知之矣。統計南非洲開成之路六千七百餘里。用銀八千萬兩。

二十五日記

有論電氣車之利者。曰。工師倍爾。其說曰。此車每一點鐘可行三百六十華里。至四百五十里。惟平常鐵路車。不能用快電法行駛。現在各處鐵路。需煤甚多。然每點鐘祇能行二百里。猶且時遭危險。若快電車宜用鋼條單路。高於地五尺。下支鋼架。必須堅固。可以支拄。每一寸抵三十噸之重力。每車一輛。貫注電氣在內。每二十

分時可行一百五十華里。每一千二百華里，祇須二點四十分時可達。中間不須停頓，亦不必緩行。由天津至京師，祇三十分時可達矣。茲聞英法德比美諸國，多試行此種快電車者。製造之初，暫用雙路，以免互相碰撞。各車皆有電線相通，以相問答。車中與路畔局中，亦可遙相呼應。核計經費，每點鐘行三百六十華里者，連車及機器各物，約需英金一百萬鎊。每日載客二千人，每人收四先令。歲得十四萬鎊。除去開銷，尚贏八萬五千鎊。是獲八釐半之息也。京津及蘇杭上海似可行之。

二十六日記

出使日記續刻

卷九

譯傳經樓校本

今鐵路寬窄不一，故所費亦不一。而通用之鐵路，實得英尺四尺八寸有半。惟阿洲地曠人稀，故築路多窄。計得三尺五寸，又有窄者二尺五寸。最窄之路，僅二尺而已。此英屬南阿洲鐵路大概也。而尤利於用者，先時土人往往不靖，有鐵路以便徵調，遂無寇警，一利也。開礦所獲諸物，前以牛車運赴海口，腳價繁重。今則異常輕便，二利也。阿洲人少，多不耕之地，有鐵路而遠近良田，皆可開墾，三利也。印度擬借國債洋銀三百五十兆羅比，常年三釐半起息，並將從前四釐半起息之舊款，准於本年十月間全還，以清款目。英屬南阿洲好望

角埠歲入之款英金五百萬零八千餘鎊。出款四百六十八萬九千餘鎊。

二十七日記

今年上半年法國海關收稅二百零二兆佛郎。較之前年上半年則少收十兆佛郎。英國烏理治校場屢試新創之高爾岱藥，推為上等。試藥時先以六寸快礮盛裝尋常黑色火藥二十九磅十二兩。放礮之際，驗其礮膛所受壓力，計每方寸合十五噸。所得速率每秒一千八百九十尺。次用原礮盛高爾岱藥十四磅三兩，驗其礮膛所受壓力，每方寸計十五噸加十分噸之二。所得速率每秒二千二百七十四尺。速放二百五十響之後，驗其礮膛，鋼未受傷。可知黑藥高藥大有天壤之別也。高爾岱藥為英國官藥局所造，內有硝脂五十八分。礮棉三十七分。石膠五分配成。按硝脂即耐德魚日克理色林。礮棉即棍考登石膠即密理拉勒哲利也。邇來歐洲軍營已改用無煙火藥。聞英國所用者，多由印度解往。初擬在山上設局製造，繼查與居民無礙，始就山下擇地建設。其製造物料，以洋硝棉花樟腦攪和而成。入水不濡。各軍營及遊獵人用之，咸稱便利云。

二十九日記

出使日記續刻

卷九

譯傳經樓校本

英屬嵌捺達即加那大去年捕得之魚其值美國銀錢一千八百九十四萬餘員出口之魚值九百六十七萬餘員捕魚成本七百五十萬員所用之人六萬三千。美國一年內由外國運入之金值洋銀一千七百五十萬餘員由本國運出之銀亦如之。洋人德爾斌者近創電礮呈於法國兵部據云能於五分鐘時施放二千五百響礮彈可及數里之遠礮質亦頗輕靈。電礮祇須兩馬放礮祇須四人所製礮彈係質小之空殼實以秘製化學之藥料此藥於距礮六十碼之周圍地方頗能轟斃多人。

出使日記續刻 卷九

美 傳經樓校本

光緒二十年甲午正月己卯朔記

暹法在巴黎所議草約六條又在網略即曼谷所立新約十款暹國割去之地幾占全國二分之一其中隆勃辣南掌邦都會為暹國精華所萃英商聚居於此貨物銷流甚多北境饒礦產已近中國邊界英商務局稟求政府保護利權所重實在此地然此次新約祇言湄江左岸暹羅不得視為已有并未言明歸之法國蓋亦恐他國出而阻撓故於約中稍留餘地也。英海部設法試驗各式水管鍋爐所試鍋爐以分兩而論比較車頭式之鍋爐生汽加多比較常式之水師鍋爐生汽尤多也。

初三日記

五大洲產煤之地美國最多其二百五十萬方里英屬加那大計五十六萬方里英國十二萬方里西班牙四萬方里法國二萬方里德國一萬八千方里比利時五千方里其餘各國共合一百萬方里西歷一千八百九十一年其獲五百二十兆噸大約三百兆為各國居民家用之需二百兆則輪船輪車暨一切工廠所用。英國駐日公使報日本商務要鍵有七一日本貿易增於九年前一倍有餘二週日工作大興如購棉紡紗木棉進口多於六年前十一倍製成各物而外售者多至四倍三棉布等貨自用者較增於前四進口糖貨亦增五三年以來金貴銀賤日人亦知變通賤購貴賣六賣金買銀去年出口之金一百萬鎊入口之銀三百萬鎊七英售於日本諸貨視前略減五年前百分中英得四十分去年僅獲三十五分。

出使日記續刻 卷九

美 傳經樓校本

初四日記

英國天文生名擺那得者近在最高天文臺用最大窺天鏡測得木星即歲星內有月五顆於前人測得四月之外又得一月惟此月較四者為小而其環行之速能於十一點鐘五十七分二十秒內周繞歲星一次此天文

生游歷各國天文臺究其所用窺測之器未有若美國之精且良者也。

初五日記

月體周圍二萬三千九百六十八里直徑七千六百三十里。測以遠鏡見其中有高山深谷。當半黑時現出火山三座。另有光數點。大約卽月中之山巔。因其高出平面得先接日光也。惟似有山無海。究未得實據。惟月離地球一百四最近。日輪居中不動。地球環日而行。月輪又環地球而行。地球行而月輪亦隨之行。月行軌道一周爲中歷一月。天文家計月輪環繞地球之速。每一日

出使日記續刻

卷九

癸

傳經樓校本

約行二十六萬八千八百里。每一小時約行八千零五十里。地球環日一周。月輪環地球十二周有奇。望日地球在中。日月東西相對。月影遮日則日食。地影遮月則月食。譬之有人拈一黑物。懸之燈前。則物後必見一黑影。地球本黑物。一邊既朝日向光。則地後亦當有黑影。射出。月在望後適爲地影所蔽。月面不得接日光。故爲月食。

初七日記

總署於十二月二十三致許星使電云。昨略使來問。帑地東西。現擬如何劃界。告以貴國既願和商。中國亦

不執初見。惟郎庫里阿克塔什平地。原係中國地方。斷難相讓。擬於阿克塔什以西。薩雷庫里以東。酌讓劃分。卽當在俄商讓喀於郎阿二地難讓之語。並未置辯。但催年內速商。署意擬將阿克拜塔爾山口及卑來烏提。帕沙脫。昔木甫克。過喀喇蘇河。至尼赤塔什等處之在。烏仔往南直綫之西者。讓彼。改擬順阿克拜什爾河。經沙展。過穆爾格阿布河。卽阿克蘇河。由庫那克拜之西。至喀馬烏推克。再由沙里塔什西。轉南過伊什提克河。至小帕山北爲止。以上東屬中。西屬俄。希囑慶常本此。意設法次第措詞。徐與磋商。以期就範。慶常與俄

出使日記續刻

卷九

癸

傳經樓校本

外部大臣嘎爾斯兩次會晤。并送節略。嘎允一二日進。奏俄皇。卽送回音。

初九日記

日本遣使中國。蓋以崇神時爲始。其時使驛通於漢者三十餘國。自徐福東渡後。已及百年。崇神立國。始有規模。值漢武帝滅朝鮮。聲教遠暨。使驛遂通。逮後漢光武。帝安帝。魏明帝時。皆遣使貢獻。齊王芳命太守弓遵。遣建中校尉梯儁等。奉詔書印綬。詣倭國拜假倭王。并齎詔賜金帛錦罽刀鏡采物。倭王上表謝恩。遣使貢獻。後又入貢於晉。於宋武帝。孝武帝。順帝。高帝。梁武帝。隋時。

遣使上書自稱日出處天子致書日沒處天子煬帝不悅是時佛教已行於日本使者始得法華經以歸煬帝旋遣使報聘唐時日本貢獻不絕常遣生徒詣國子監學成而返劉仁軌之鎮百濟也屢與日本通使持統帝元年始用唐元嘉曆已而更用儀鳳曆唐明皇召見日本使臣賞其儀容呼日本曰禮義君子國元旦受朝賀敘新羅使東班在大食上日本使西班在吐蕃下接伴使仲麻呂言日本不宜班新羅後乃引倭使與新羅使易位厥後信使往還不絕暨唐衰亂始罷遣唐使蓋自隋唐以後日本禮儀文物居然大備得觀光上國之力

出使日記續刻卷九

空傳經樓校本

為多故日本至今呼中國人為唐人云

初十日記

日本自罷遣唐使而吳越王錢元瓘錢俶常遣使附賈舟與日本互通書問商務大通唐物駢積特設唐物使一官駐於筑紫以檢查真偽而彼此高僧雲遊往來者日眾宋太宗時一貢方物厥後聘使遂稀逮元世祖遣使徵朝徵貢至於三四頗不憚煩而北條氏方執政權兩次執斬元使或留不遣世祖怒遣經略使忻都等以兵二萬三千戰艦九百攻日本拔對馬島破壹岐遂及肥前沿海郡邑矢盡而還越數年元復多造戰艦命阿

塔海范文虎忻都等率兵壓境會於壹岐平戶等島日本遣官告國難於神宮勅諸僧修熾盛光法以禳兵禍忻都兵先進壹岐而元將憚航海議攻議退多不決會青虬見海中硫磺氣腥臊怪雲走空蓋颶微也至夜西北風大作明日益甚風濤振撼元艦自相擊撞溺死無算文虎擇堅艦先走得脫惟都元帥張禧所部獨完是役也全軍十五萬人歸者不及五之一文虎軍十萬歸者三人耳

十一日記

元兵既敗之後世祖復以阿塔海為日本行省右丞相

出使日記續刻卷九

空傳經樓校本

募兵峙糧造大小艦三千艘謀再舉大臣交諫不聽姑遣使往諭之卒不得至日本民間流言元兵大至愚情兇懼十餘年間眾寺祈禱無虛歲所費不貲元兵遷延未發而世祖崩成宗復遣僧齋詔諭日本亦被留是時日本禁不通商海舶往來皆奸利小民元亦懸禁久之遂流為海寇其後日本內亂分南北朝盜賊競起頻擾沿海郡縣至明而患滋甚明太祖遣行人齋詔書至太宰府不報及再遣使日本乃遣僧九人奉表稱臣貢馬及方物太祖賜以大統歷及文綺紗羅後日本屢遣僧入貢太祖以無表命卻之胡惟庸謀反潛遣招倭未發

而敗。由是惡日本特甚。著祖訓。列不征之國十五。日本與焉。建文永樂間。嘗稱臣。修貢。後遂告絕。於明成祖聽之。宣德成化間。日本所在用兵。使命不通。而往來通商者。皆周防大內氏。豐後大官氏爲多。

十二日記

宏治正德間。日本亦嘗遣使入貢。初大內氏獨有勘合。勘合者。木契也。迨義隆死亡於兵燹。通商遂絕。諸奸民久狃互市之利。私航絡繹。漢奸多爲之導。虜劫放火千百成羣。攻陷州縣。江南北。浙東西。所在騷擾。別有侵山東犯日照各縣者。海寇汪直陳東等皆與潛結。用倭服飾旂幟。出使日記續刻 卷九

奎 傳經樓校本

人呼曰八幡船。胡宗憲爲總督。奏請遣使諭日本。禁戢海寇。招還奸商。許立功免罪。宗憲遂計擒陳東汪直等。逾年新倭大至。寇犯浙閩。蔓延潮廣。諸將討擊。久而後平。蓋自嘉靖二十六年至萬曆十六年。沿海郡縣被禍尤酷云。無何豐臣秀吉既平內亂。造大艦。會諸軍直入朝鮮。陷據王京。八道盡沒。日暮渡鴨綠江。會明提督李如松大捷於平壤。復其四道。乘勝趨碧蹄館。敗而退師。於是封貢之議起。已就款而中變。秀吉復大起兵攻朝鮮。明誅沈惟敬等。總督邢玠扼守王京。而經理楊鎬奔潰。秀吉稍稍召還諸將。會秀吉死。諸軍引退。明將劉綎

追敗之。朝鮮乃安。

十三日記

國朝定鼎之初。明之遺臣屢爲唐王桂王乞援。當德川氏執政權。方欲以文治致太平。皆不從。二王既亡。音問遂絕。而華商赴日本者。眾有船百八十四艘。德川氏設官董理。限以七十艘。最後限至十三艘。十艘初限。輸出貨物。歲值銀八千貫。繼減至二千七百四十貫。華商輸入之貨。綿糖綢緞書籍文具爲多。輸出之貨。糖爲大宗。餘則昆布即海帶鮫魚及銅漆雜器。而日本商人絕無至中國者。蓋德川氏專以鎖港爲國是。長崎通商。惟中

出使日記續刻 卷九

奎 傳經樓校本

國及荷蘭餘皆禁絕。三十年前。美艦俄船以兵劫盟。國內紛擾。遂廢幕府。尊王室。與泰西諸國互結條約。同治九年。爲明治三年。日本遣外務權大丞柳原前光來求通好。明年四月。日本以大藏卿伊達宗城爲欽差大臣。柳原前光副之。來締盟約。六月至天津。七月定修好條規十八條。通商章程三十三款。附以海關稅則。

十四日記

楊子通星使來信云。美國北境昆連英屬。昨有可倫比亞之智利領事官寄到一函。據稱可倫比亞境內。中國工商已及萬人。該境所轄之萬古發埠。西濱太平洋。爲

華人來英登岸馬頭。即加那大鐵路西邊盡處。此地華商尤眾。現擬稟求設立領事官以資保護等因。萬古發七年前尚未開埠。現甚興旺。輪船開往中國日本夏威夷仁新金山等埠。幾於每禮拜皆有。本埠乃加那大鐵路之盡頭。木器魚類出產甚富。去歲出口帆船運木者七十艘。載魚者十艘。有赴中國者數艘。

十九日記

辭行

國書將到。而英國君主須赴意大利遊覽。不能久待。今日為新到荷蘭日本兩使呈遞國書之期。外部勸乘此

出使日記續刻 卷九

齋 傳經樓校本

便先謁君主辭行。仍聲明隨後將

國書遞送外部衙門。余以為然。午刻率同參贊馬格理赴車棧。則外部侍郎山特生暨禮官等先在焉。少頃荷蘭日本兩使亦至。同登火車。詣溫則宮。先飫午餐。余先入謁。讀頌辭既畢。君主答云。聞貴大臣將歸。甚為悵悵。然貴大臣稱我格外優待。我亦歡喜無量。我深願兩國輯睦之意。與貴大臣相同。貴大臣在此所辦之事。我深嘉之。此行善自珍重。從此兩國永敦和好。同享隆平。豈不快哉。禮畢。鞠躬而出。荷使乃入。須臾荷使出。日使復入。既蒞事。山特生等導遊宮殿。復乘火車還倫敦。

二十日記

慶謁堂來信云。連日與俄外部大臣嘎爾斯商論。頗費唇舌。一則帕事前年發端。新疆將帕兵卡全撤。致俄總督發兵占據。視為固有一則。此事始終未力辯。一則我兵太弱。為俄所輕。近又遠退邊內百餘里。示弱已甚。此三者皆帕事之病源也。俄人枝梧一年。不肯商議。近月許開議。割讓庫里湖之地。尚允通融酌讓。係力爭嚴催之小效。正辯論間。嘎忽病重。醫者謂其朝不保暮。俄人有改在北京商議之說。月內即定主意。許星使初二日致總署電云。遵漾電次第轉告。昨嘎爾慶云。俄主

出使日記續刻 卷九

齋 傳經樓校本

謂與前議相差無多。難允。願彼此力籌兩益辦法。妥商等語。俟再與磋商。先聞。十二日又致署電云。迭遵漾電催商。嘎告慶已電喀使。轉告難允之意。尚無電覆。如中國就俄擬界為根。可酌讓通融等語。現嘎忽病重。甚危。一時暫不議事。頗掣肘。

二十一日記

十四日總署電致許星使云。密俄圖寄到。冬侵電均悉。俄欲太奢。我讓而彼尤未允。嘎云。就俄擬界為根。酌讓通融。尚未指出地名。又因嘎病停議。惟事宜豫籌。如前議難持。應從何處起。至何處止。為宜。希就尊意照俄圖

地名詳細電覆以憑酌核十六日許星使復總署電云就地勢論若順烏仔迤南山梁接郎庫里以西山梁至留庫茲塞馬克扎拉中間山梁轉而至阿克蘇河自此沿河至伊什提克河匯處改沿烏勒干吉奇克中間山嶺南至小帕山北止似已扼要惟嘎前告慶阿克蘇河東阿克平地難以割讓界議棘手在此嘎病未減

二十二日記

申刻赴朝眷會 英法德三國鐵路進款於十年之中德國加百分之四十一英國加百分之二十法國加百分之三盈餘款項德國增至百分之二十三英國祇增百分之四法國幾減百分之一一千八百九十年間德國鐵路資本得息百分之四分八釐六毫英國得息百分之四分一釐法國得息百分之三分七釐五毫布國獨能得息百分之五分三釐九毫若以人客貨物而論十年之中德國搭客增至百分之九十較英法所增三倍之多 洋人傳來鳴者近由嵌捺達赴澳洲各埠條

出使日記續刻卷九

突 傳經樓校本

陳安設海線擬自澳洲太平洋底以達嵌捺達此線應作嵌澳政府其有之產每年辦事經費約需六萬英鎊每字電費可減至二仙令

二十三日記

英國預估一千八百九十四年國家進出款項計進關稅一千九百六十五萬鎊內地雜貨稅二千五百十萬鎊票課一千三百六十萬鎊地稅房稅二百四十六萬鎊產業進項等稅一千五百十五萬鎊郵部進款一千零六十萬鎊電線進款二百四十八萬鎊官田進款四十三萬鎊蘇彝士河股分利息與撒丁借款之利息兩項共二十萬鎊雜項一百九十五萬鎊統其進項九千一百六十四萬鎊出款則有常年撥動清債之二千五百萬鎊戶部出票借債應行給去利息二十萬鎊水師防守用款一百六十九萬一千鎊文武水師額定用款

出使日記續刻卷九

突 傳經樓校本

六千三百十五萬七千鎊統共出款九千一百四十七萬七千鎊

二十四日記

自壬辰閏六月接總署電音與英外部商辦滇緬分界通商條約發軔之初勢甚鑿柄又有印度部掣外部之肘印度總督又掣外部印度部之肘凡關係緊要之件往往既允復翻無從得其要領余督同參贊馬格理相機理論剛柔互用稍稍使就範圍界務於去年三月二十五日定議商務於今正月初五日定議余將約彙撮要電達總署請

旨遵行。十二日總署轉到電

旨著照所議辦理欽此。因其中尚有一二波折。又稽延十餘日。始能合龍。是日三點鐘。余率清臣等赴外部。該部大臣勞德伯力已在署相待。先將洋文約稿漢文約稿各二分。彼此均蓋用關防。余與勞大臣各畫押於關防之旁。以洋漢各一分留外部。余亦攜洋漢各一分歸使館。即當派員賚送總理衙門。又擬另備洋漢各一分。用匣裝滿。預備總署進呈。御覽批准施行之用。

二十七日日記

出使日記續刻 卷九

突 傳經樓校本

比利時舊荷蘭南部。稱發蘭德。今新造小國也。東界德南界法。西距北海。北界荷蘭。疆域十萬一千四百有三方里。以英里一萬一千二百六十七里核明。明初併歸荷蘭。至侯查理時徵調煩苦。南部不聽命。查理與戰。敗死。正德中。西班牙王查理第五為日耳曼所推立。雄長歐洲。兼有荷比二部。為日耳曼第十郡。其子腓立第二繼之。酷禁西教。北部阿蘭治侯維廉起兵。拒戰相持數十年。南部本習洋教。隸西班牙。未敢貳。後腓立第二以女嫁奧地亞公亞爾伯。割二部與之。時荷已自立。惟比為奧藩屬。垂八十年。

國初嘉慶初。法主拿破侖兼併諸國。先後滅二部。及拿破侖敗。荷蘭再立國。十九年。諸大國為維也納之盟。以比復合於荷。然語言教法風俗好尚。各不相同。而荷人以比夙附仇國。薄而抑之。積不能平。道光十一年。復絕荷蘭。迎日耳曼之薩克生侯。為比利時王。號留波的第一。以法王路易非立女為妃。與荷苦戰累月。伏尸盈野。法將熱拉爾以兵七萬援之。英法俄奧德會於倫敦。許比自立。且約為局外之邦。是為比利時立國之始。十九年。始與荷蘭盟。劃定疆場。更除苛政。法尚簡易。與諸大國立約通好。同治四年。留波的第一卒。子留波的第二。出使日記續刻 卷九

突 傳經樓校本

二十八日記

比利時國分九部。曰李拉班脫。居國之中。其伯魯色爾都城在焉。曰安佛斯耳。接壤荷蘭。築堡自固。距城數里。堡十二。曰東發蘭德。會城名曰西發蘭德。會城名曰海諾。用新法。曰列日。一作勒鐵布。曰那木耳。會城名曰休卜。脫。會城名曰列日。會城名曰那木耳。會城名曰休卜。耳克。會城名曰哈。曰盧森卜爾克。會城舊在厄倫。今皆設。古佛納以下官治之。略如中戶口五百五十二萬。以方里計之。生齒之繁。甲於歐土。稱十三倍。每四萬人舉一議員。下院三十八員。以四年為期。每二年更調其半上

院六十九人。以八年為期。每四年更調其半。必有重資。沃產。通達政事者。始得入選。凡議員商定後。請於王。頒示各部遵行。國中平原夷坦。惟南境多岡陵。土脈腴潤。兼產煤鐵。善於製造。鐵路縱橫。有四千三百十九啟羅。適當每一啟羅。適當。合中國二里許。濱海河之口曰安佛斯耳。曰奧斯。唐均便舟楫。故商務稱盛。歲入三百十六兆十三萬佛郎。歲出三百二十六兆八十七萬佛郎。雖有國債二千一百十六兆九十二萬佛郎。而每歲可還息及本八十五兆七萬佛郎。平時兵額四萬二千。戰時十萬三千六百。比王近於斐洲剛果河左右。創闢新土。捐歲供之祿。出使日記續刻卷九

卷九

傳經樓校本

以興自然之利。聞已費三十商民推戴。兼為剛果國王云。

出使日記續刻卷之九終

出使日記續刻卷之十

無錫薛福成叔耘

光緒二十年二月戊申朔記

荷蘭古與比利時合。總名曰納壽蘭。嘗屬羅馬。自西歷九百年至一千三百年間。分為數小邦。始合於侯爵不爾良。後屬西班牙。又屬日耳曼。旋立為民主。始稱之為荷蘭。時一千六百年也。荷蘭之先。無異土番。西歷紀元前五六十年。羅馬大將愷撒率兵爭奧盧。即法地而北。至來因江上。由荷蘭出口志略日耳曼之來因河。西名愛而字江。志略誤合為一。土湯司人者。塞爾司。即荷蘭人舊種。人中日耳曼人之別派也。

出使日記續刻

卷十

傳經樓校本

先由日耳曼徙居荷蘭之巴達卧島。故名之曰巴達卧人。與塞爾司人皆好遊牧。今英之威爾司阿爾爾蘇格蘭之山人。以及法比等國人。皆塞爾司人後也。日耳曼瑞典那威丹馬以及英之英倫蘇格蘭平地之人。皆土湯司人後也。巴達卧在日耳曼人中最勇敢善戰。泊見愷撒。即喜隸其部曲。初非臣服於羅馬也。荷蘭非里薩省之人。稱為非里欣人者。土湯司人之流亞也。好勇而喜自立。初與羅馬人甚相得。後齟齬。生兵釁。至考婆羅為羅馬將。其人始與之和。羅馬人善築隄。開河。大有造於荷蘭。然陵蔑巴達卧人。巴達卧人鳩合奧盧人抗羅。

馬卒驅其人之在巴達卧者後又與之和屬於羅馬者二百餘年羅馬既衰各族合兵由荷蘭進攻羅馬時西歷二百五十年也亞細亞之匈奴亦於是時至西人名之曰匈司北狄各族日啟紛爭據地自雄遷徙無常荷蘭為其往來孔道者又數百年

初二日記

羅馬兵既不守英吉利英人招薩遜人往平土番是時薩遜人與非里欣人為最兇悍皆自荷蘭往英至今荷蘭非里薩省人之言多與英語相同先是土湯司人與佛郎克司薩遜非里欣人皆同教立廟宇拜日月佛郎克司人既立國於法蘭西乃改信耶穌教欲兼轄非里欣人非里欣人惡其異教不肯下之薩遜人之在英者亦改信耶穌教視非里欣人與在日耳曼之薩遜人為化外頑民乃遣旁尼歡司傳耶穌教於日耳曼威利亭老傳耶穌教於非里薩雖與非里欣人始相繫柄卒有改化者厥後信耶穌教者稱兩人為聖以其事蹟勒之金石法蘭西既立國日臻強盛至西歷八百年間其王甲利泰甫稱皇帝既取日耳曼之薩遜並轄非里欣人此為荷蘭屬於法國之始迨甲利泰甫之子孫爭國遂召禍博人進攻之禍博人者來自那威居法北境以荷

出使日記續刻

卷十

二傳經樓校本

蘭為其南道所過殘殺至八百三十九年荷蘭更有水患非里薩省為澤國水退北人尚時相往還而法頗置荷蘭於度外荷蘭乃得休息初法王甲利泰甫轄地甚廣眾建諸侯或以其地之前王封為附庸其後嗣有南王北帝之分南即佛蘭西北即日耳曼南王之權得行於其附庸者無幾北帝之權更蔑如也相傳荷蘭屬於北帝北帝日事征伐選立在侯伯故威令不行九百八十五年北帝奧禿第三以荷蘭封特克伯非里欣人起兵爭之殺特克之子阿璠爾於陣阿璠爾之子特克第三長於戰其時西非里薩今為北荷蘭省地有各伯人稱之曰荷蘭各伯

出使日記續刻

卷十

三傳經樓校本

荷蘭之名初不過指特克第三所得襍司江上之地荷蘭者譯言有樹林之地或云坎地也特克第三築城曰道迭來脫北帝亦惡其自忘為附庸一千十八年率師來伐不勝荷蘭尚多各公與伯好自相攻擊亦與荷蘭各伯為仇特克之後特克第六又得北帝魯才所封之地曰東非里薩即今之非里薩省非里欣人與戰海又大溢羅馬教王時有大權仇北帝荷蘭各伯昵之教王謂荷蘭伯威廉第二曰我封若為帝為加冕如甲利泰甫故事思往羅馬受之一千二百五十六年西非里薩人來攻威廉第二禦之渡冰未半而陷被殺自特克受封地後

荷蘭各伯皆日強民亦日富於是競謀自主

初三日記

威廉第二者弗老立司第四之子也其子繼為伯稱弗老立司第五德惠及民各伯之民役於豪強者如奴隸弗老立司第五右小民而抑豪強豪強不服乃與民合攻豪強不克被殺時一千二百九十六年也其子早恆繼為伯守府而已歿後無傳荷蘭各伯之一伯世系遂絕表弟早恆第二繼為伯子威廉第三繼之轄境大治數傳至威廉第六卒無子有兩女爭為伯其表兄弟不爾良公非立亦爭之卒得荷蘭休養生息民乃大和數

出使日記續刻

卷十

四傳經樓校本

傳至抹爾習密良遂往日耳曼為北帝而甲列之子甲列第五為西班牙王是為荷蘭屬於西班牙之始甲列第五既為西班牙王亦為不爾良公其祖卒亦為北帝並為意大利之男百里與西雪利之王密辣之公兼轄亞墨利加各地時在一千五百二十八年疆宇之廣視甲利泰甫即尼曼為過之

初四日記

甲利第五與羅馬教王善而深惡耶穌教荷蘭人則多信耶穌教兩教水火甲列第五之子非立第二授意侯爵五爾巴遣往荷蘭窮治耶穌教人卒激事變變而自

立為民主此為荷蘭立國之始時一千六百九年也國勢恢張一時無兩航海通商與英有海上之師屢以捷聞盛莫與京然盛極者必衰當英商務未盛而荷蘭已衰一千八百六年為法所滅法王拿破侖封其弟路易為王先是荷蘭與比利時合荷蘭既立國比利時尙隸於西班牙無武志西班牙又以之割歸於奧迨拿破侖喪國各國會盟悉返侵地荷蘭乃復合比利時以故伯阿蘭治之裔為王荷蘭復國一千八百三十年比利時叛荷蘭荷蘭不能平聽其自立今荷蘭本國疆土大約等於路易王荷時

出使日記續刻

卷十

五傳經樓校本

初五日記

張家口獨石口自咸豐十年舉辦抽收茶馬釐捐歸察哈爾都統衙門經理今自光緒十八年八月起至十九年七月底止共驗放出關茶票七百六十三張抽木釐銀四萬五千七百八十兩張家口獨石口共進關馬九千三百二十三匹收釐銀四百六十六兩統共收銀四萬六千二百四十六兩支放都統公費銀三千兩副都統公費銀六百兩八旂理刑官及左右兩司印房章京十二員津貼銀九百六十兩又放過精銳營步隊官兵口分等項銀一萬九千二百九十兩精銳營馬隊官兵

津貼等項六千六百七十二兩。更換旂幟號衣價銀四百八十兩。修理洋槍匠工食銀二百五十兩。減平銀四百五十一兩。其開除銀三萬二千八百五十七兩。

初六日記

自滇緬條約畫押後。余將英館公事摒擋了結。擬赴巴黎靜候交卸。不復來英。午刻挈同眷屬並率隨員繙譯武弁等赴車棧登火車。馳至都甫海口。坐渡船渡海。抵加利海口。復登火車。戌刻至巴黎車棧。換馬車入使館。是日海中頗有風浪。舟稍顛簸。余幸未嘔吐。然登岸時感冒風寒。體中不適者累日。格物為大學之始基。不

出使日記續刻 卷十

六 傳經樓校本

僅西人所尚也。物性有相感相制之理。如羊脂柔銀。龜溺入石。蟹性解漆。翡翠屑金。辰砂碎鐵。龜脂然鐵。五靈脂伏龍肝能縮錫。鵲腦鶴糞能化石。鵲遺枯木。鵲梁蔽形。甘草硬角。木賊軟牙。銀得雉糞則枯。石得鵲髓則化。貂鼠之毛得風則暖。象牙之文應雷而生。羚羊角可碎金剛鑽。柴木為門可遠盜。青陽木為牀驅蚤。夜明砂可辟蚊。棟汁可去蠅。蛇銜草可續已斷之指。絕虎頭骨於龍湫。可以致雨。座龜板於棗根。可以召雷。竹蟲飲人能探其衷曲。蛛網縫領。可以辟健忘。百勞所踏之枝。可令小兒速語。螳螂所執之葉。可以使人蔽形。吉蟻映目而

出塵沙。鼠膽滴耳而愈聾疾。麻得漆而涌。桂得葱而軟。龜得鑑而溺。玳瑁得醯而甲脫。雞卵聞磨聲而難成。孕婦見兔而子缺脣。見麋而子四月。金橘藏於菜豆中。經時不變。鹽酒醃蟹。置皂莢半挺。經歲不沙。生人髮掛樹。烏鳥不敢食。其實種藕以酒糟塗之。則盛。龜腸為燈。置水中能見諸物象。狒狒血飲之。可見鬼。鴻毛為囊。渡水不漏。車渠為杯。酒滿不溢。犀角置穴中。狐不歸。馬尾犬尾合置。別人夫婦衣巾。則自相憎惡。門冬赤黍。薏苡為丸。令婦人不妬。新造屋柱下四隅。以敗扇埋其下。則蚊不入屋。元旦雞鳴。以火照桑樹。則蟲不生。辰日將斧斫

出使日記續刻 卷十

七 傳經樓校本

樹則結子不落。園圃四旁種決明草。則蛇不敢入。以及淬鐵以膽礬。則化為銅。燒銀以硫磺。則化為鐵。塗錫以水銀。則腐成泥。印毒金鋼。可以切玉。蕃漬聖鐵。可以辟兵。此皆物理之難測者。於以知多識之未易言也。

十二日記

錄總署寄到英國辭行

國書云

大清國

大皇帝問

大英國

大君主五印度

太后帝好。朕眷念友邦。素敦睦誼。前於光緒十五年。特簡二品頂戴。升任都察院左副都御史薛福成。為駐紮貴國欽差大臣。五年以來。極承

推誠相信。俾盡厥職。今薛福成出使任滿。特召回國。諭令於臨行時親遞

國書。告辭使任。以昭銜命往來之禮。並已另簡頭品頂

戴侍郎銜候補三品京堂龔照瑗親賚

國書。前往接替。用示鄭重邦交至意。

大清光緒十九年十一月十五日

出使日記續刻

卷十

八 傳經樓校本

十三日記

正月二十三日總署致許星使電云。銑電悉。頃略使來告。難允中國擬改之意。並云。嘎病已愈。確否。詢以彼意如何。語多含糊閃爍。難與開談。仍應在俄和商。郎庫里全歸中國。尚非彼所必爭。如允其在阿克塔什平地分界。是否無礙中國通小帕之路。總期不失郎庫阿克兩處。可以南通小帕。此外稍有出入。尚可通融。否則難邀俞允。希飭慶常熟籌辦法。與外部磋商。二十五日許使覆總署電云。嘎病漸減。尚未辦公。因格畢尼堅執難商。擬俟嘎痊。商探情形。再聞。我通小帕。按圖由色勒庫爾

西出尼若塔什山口。即抵小帕東口。尼若山口稍北。為疆省所稱阿克卡地。俄圖曰拉巴阿克塔什。帕圖有圖。漏標。若扼阿克。則小帕路自通。二月初五日。又致署電云。頃慶見嘎。請其就我擬界酌商。或另籌辦法。嘎言兵部已視帕東境為己有。近病未痊。難與俄主面論。致難調停。現允函奏。請示酌讓。得覆再商。

十五日誌

去年西七月二十二日。總署接美使及各公使來文。謂滬道不准軋花機器等進口一事。有背和約。請即除去等語。西八月二日。總署覆文云。照和約而論。並無准各

出使日記續刻

卷十

九 傳經樓校本

國在通商口岸。做此生意之條。查一千八百八十三年。有一德商在廈門私運機器。擬在該處擬造鐵盆。經本衙門詳辯禁止。一千八百八十二年。有一英商欲在上海起造繅絲廠。一千八百八十八年。有西人格蘭脫欲在上海開軋花廠。均經本衙門按照和約。力行禁止。一千八百八十三年二月。即光緒六年三月。本衙門行文各國欽使。不准洋人在中國製造各項貨物。貴大臣謂只准中國人獨做。獨享其利。不知禁止機器進口。是為保護極貧。做苦工人起見。來文誤會其意。謂此機器僅軋去其子。並非做成洋布。然軋子後即可做布。所以此

等機器應得禁其進口。按照和約。洋人至通商各口。其從手工做成各貨者。一概不問。如以機器來華製造貨物。即在中國銷售。實屬違背和約。應請貴大臣善體此意。即如海關章程。謂不在禁止進口之例。亦不在免稅之例。當提五釐完稅。然海關章程。是指貨物來往而言。此等違禁之貨。海關章程內書不勝書。此事實為保護貧苦工匠性命起見。中國有可以禁止進口之權。請貴大臣明白此意。轉達各欽使。當亦可以釋然矣。

十六日記

紐芳蘭島為地球中第十二之大島。在桑羅稜索灣之出使日記續刻 卷十 十 傳經樓校本

東北值赤道北四十六度三十七分至五十一度三十九分。京師西一百六十九度三分二十二秒至一百七十五度五十三分二十二秒之間。倫敦西五十二度三十分。長約三百十七英里。廣與長相等。地面積四萬二千二百英方里。光緒十年。合拉巴突居民計之。戶口十九萬七千。當明弘治十年。英王顯理第七時。有英人賈巴者。初尋得是島。越三年。葡萄牙兵官考德立爾健遊此島。又二年。葡人法人接踵而至。捕魚為業。萬曆十一年。英人據而有之。名曰寬恩以里素白嗣島。國朝乾嘉之間。為奪漁利。英法互爭。厥後兩國立約。全

島讓於英國。惟許法人在沿海一帶捕魚為業。

十七日記

申刻登鐵塔第二層。

十八日記

英廷於雍正六年特派巡撫一員。管理紐芳蘭全島。電綫長八百英里。光緒八年。公司擬建鐵路。由桑若漢至黑爾灣。長二百五十英里。開工僅八十五英里。因事阻止。迨十九年。議院議定重建。應由阿克司潑老野茨江起。至培斯古埠止。長亦二百五十英里。價四兆員。每一英里計價一萬五千六百員。三年造成後。再建黑爾灣。

出使日記續刻 卷十

十 傳經樓校本

至潑拉新底亞。長四百七十五英里。光緒十二年。貨稅共收一兆七十萬員。用費一兆八十三萬員。國債三兆三十三萬員。進口貨價七兆四十二萬員。出口貨價六兆五十二萬員。道光年間。土產祇大麥青草。邇來五穀蔬果番薯蘿蔔等日增。月盛。并多礦地。銅礦最佳。礦苗取諸蛇皮石內。此蛇皮石嶺積面有五千英方里。光緒五年。出口礦產。值四兆六十二萬員。

十九日記

紐芳蘭土產大宗為鱈魚。漢林魚。鯊門魚。其次獵海狗。捕龍蝦。每年約獲海狗二十五萬頭。其皮運往英國。其

油用之機器近年始將龍蝦鱸之裝匣運往各國。歲價五十萬員。沿海各埠。法人亦有醃龍蝦之廠。漢林魚。歲價六十萬員。鯊門魚。歲價一百萬員。鱒魚為第一利源。歲價六兆零三萬四千餘員。此島不生草木。遙望幾如荒野。形勢三角。海灣港汊不計其數。內多湖蕩。全島三分之一皆澤國也。故多沃土。海灣中有極好船塢。頗產佳樹。杉木冬青最多。紐島約長六百英里。廣二百英里。都城名桑若漢。居民三萬餘人。內有大教堂銀行公所等。

二十日記

出使日記續刻 卷十

三 傳經樓校本

拉巴突一作臘白拉多歸紐芬蘭巡撫管轄而不屬加那大總督。因沿海與紐島相近。合成為北亞墨利加洲極東一省也。值赤道北四十九度至六十三度。京師西一百七十一度二十八分二十二秒至一百九十五度二十八分二十二秒之間。倫敦西五十五度至七十九度極長處自培爾意爾海頸至華爾司登化模計一千一百英里。東界大西洋。北界赫生海頸。西界赫生及哲模斯海灣。東南界桑羅梭索江。西南界薩果納及羅伯江。地面積四十五萬英方里。居民僅五千餘人。當魚盛之時。紐島之民往來熱鬧。每歲祇三箇月耳。在大西洋海岸地皆不毛。海汊與

小島連環水深而險

二十一日記

拉巴突內地雖有歐人遊歷。尚未測量。叢林茂密。樺木最多。河道縱橫。或長二三百英里。最大之湖曰密士泰新尼。夏季水旺。源遠流長。大江之瀑布飛泉。一落千丈。或曰此天下第一泉也。江湖多魚。曰鯊門白魚。林木多獸。曰豺狼狐狸熊獺。礦地尚未盡開。惟鐵與拉巴突石已採取矣。海岸天氣無定。洋中熱水流至則暖。無則加冷。夏季三月和暖。寒暑表平時升至二十二度或二十八度。沿海要城曰南音。曰奧堪克。曰喜白。曰化潑特爾。

二十二日記

出使日記續刻 卷十

三 傳經樓校本

西洋各國工藝日良。製造日宏。銷流日廣。皆恃得機器為之用也。有機器則人力所不能造者。而機器能造之。十人百人之力所僅能造者。而一人之力能造之。夫以一人而兼百人之工。則其所成之物必多矣。然以一人所為百人之工。而減作十人之工之價。則四方必爭購之矣。再減作二三人之工之價。則四方尤爭購之矣。然則論所成之物。則一可兼十百。即論所獲之價。亦一可兼二三。加以四方之爭購其物。視如減十減百之便利。而謂商務有不隆盛。民生有不富厚。國勢有不勃興者。

哉中國人民之眾十倍於各國議者謂若廣用機器不
啻奪貧民之生機使之不能自食其力故西洋以善用
機器爲養民之法中國當以屏除機器爲養民之法然
使行是說也則必有人所能造之物而我不能造者處
處讓人以獨步固不待言且以一人所爲之工必收一
人之工之價則其物之爲人所爭購必不能與西人之
物之價減二三減十百者相敵也明矣自是而中國之
貨非但不能售於各國并不能售於本國自是而中國
之民非但不能自食其力且知用力之無益而遂不自
用其力自是而中國之民非但不能成貨以與西人爭
出使日記續刻 卷十

西傳經樓校本

利且爭購西人之貨以自供其用而厚殖西人之利然
則商務有不日替民生有不日困國勢有不日蹙者哉
是故守不用機器調劑貧民之說者此中古以前閉關
獨治之時勢而非所施於今日也必也研精機器以取
西人之長仍兼盡人力以收中國之用斟酌得宜因勢
利導如日本近年之奪西人利者則以中國之大何不
可爲何不可成且用機器以造物則利歸富商不用機
器以造物則利歸西人利歸富商則利猶在中國必可
分其餘潤以養吾貧民利歸西人則如水漸涸而禾自
萎如膏漸銷而火自滅後患有不可思議者矣

二十三日記

近年中國出口貨與入口貨相準每歲虧銀至三四千
萬兩之多溯查七八年前出入口貨往往相抵亦有出
口貨價轉贏於入口貨價數百萬兩者近來入口貨如
湖之漲如雲之升不外數端日米布紗綫火油自來火
也洋米之來歲價約一千萬兩左右此係昔年所無者
洋布棉紗棉綫之來歲價至四五千兩左右昔年不
過一二千兩驟增至三千萬兩則洋布添價居其一
二而紗綫添價居其八九也火油自來火之來歲價亦
各數百萬兩從前不過數十萬兩耳余惟虧銀一歲大

出使日記續刻 卷十

五傳經樓校本

端盡在棉紗棉綫他貨之旺中國尙可多銷各貨以與
之相抵若紗綫則爲數驟增竟有日長炎炎之勢又非
來自英國而實來自印度所以然者以其用機器紡成
工價較輕勻細潔白又勝於人力所製者是以人爭購
之以織土布則工費省而銷售速若不設法拒遏則洋
紗洋綫之源源而來者尙恐日多一日無窮期也而中
國之織女機婦恐多束手以待饑寒矣然遏之固無他
法不外設廠招工廣購機器自紡洋紗洋綫漸推而至
於織布則風氣開而利源溥矣余是以有用機器殖財
養民說也

二十四日記

丹馬國在北歐洲。臘丁文名大尼。在京師西經一百零七度二十二分五十八秒。至一百零一度十七分五十八秒。北緯五十四度三十三分至五十五度四十七分。東界波羅的海。西界北海。北有孫特海峽。加堆額脫及司加垂拉克海峽。幅員之廣。共三萬八千三百零二方。陸地適當。居民一兆九十六萬九千。境內大勢平衍。地宜農牧。牲畜蕃庶。牛乳油銷售最廣。歲值二十八兆佛郎。火酒啤酒次之。製造則有帆布哈喇呢瓷器軍裝並多製手套。名曰瑞典手套。鐵路已成者一千九百四十

出使日記續刻

卷十

六 傳經樓校本

二十五日記

古之王者。有分土。無分民。春秋之世。士之求仕者。於周不可。則去之魯。於魯不可。則去之齊。於齊不可。則去之宋。之鄭。之秦。之楚。蓋猶有四海一家之意。雖聖人何獨不然。今之泰西諸國。頗存此風。或以英人而輔法。或以意人而佐德。凡食祿之國。即其所效忠之國。其間奇勳

偉績。不出於土著。而出於羈旅者多矣。至其民之為商

為工。為農。為傭者。不必定居本國。凡可安居樂業者。即適之一經入籍。即為土著。新籍舊籍。所獲權利。並無歧異。即如美國地多曠土。凡英人意人德人往墾闢者。為數不下數百萬。美之官紳待之。與美人一體。並不以英人意人德人視之也。埃及土人者。英之阿爾蘭人也。彼且自居士著。而陵侮華民矣。則以英人入籍。而華民不入籍也。華民所以不能入彼籍者。蓋以飲食衣服。依然墨守華風。究不能與西人合。而為一。華民之勝於他國人在此。而受侮於他國人亦在此。蓋我既自異於彼

出使日記續刻

卷十

七 傳經樓校本

二十六日記

中國地博物阜。甲於五大洲。欲圖自治。先謀自強。欲謀自強。先求致富。致富之術。莫如興利除弊。興利奈何。一曰煤鐵之利。每省能開一二佳礦。則船政槍礮製造各局所需。無須購之外洋。可省無窮之費。一曰五金之利。雲南產銅。山東吉林產金。廣東產水銀。四川產銀。誠能廣為開采。妥為經營。則貨不棄於地矣。一曰鼓鑄之利。如能仿英美諸國之鑄金銀。公家之利甚溥。而鈔票之法。亦寓乎其中。即銀行之利。亦可興焉。一曰織組之利。

織絨機器應設於直隸天津以取口外之駝毛羊毛織布機器設於蘇州上海以取濱海之木棉織綢緞機器設於蘇杭嘉湖以購江浙之蠶絲一日鐵路之利所以與輪船招商局相表裏而二十行省之土貨可以廣銷則愈產愈豐矣除弊若何曰汰冗員也核釐金也清查常關之稅也重徵煙酒洋藥之稅也節河工之糜費也去土木之工之中飽也夫如是則弊無不革即利無不興而謂不漸致富強者未之有也

二十七日日記

新任龔仰遠星使於客臘之杪甫回上海又請假一月

出使日記續刻

卷十

大傳經樓校本

赴廬州省墓其勢不能早來而余滯迹西洋已逾四年頗覺歸心如箭又恐龔使遲到一交夏令紅海更覺炎蒸或須改道加那大東歸則攜帶眷口殊多不便因令內子及次女率婢媼等先歸亦有銷差隨員武弁等數人同行二十四日晚八點鐘余送眷口赴火車棧登火車起程二十五日晨十點鐘抵馬賽寓大客棧二十六日下午二點鐘送登法公司美爾蓬一譯作美爾濱輪船此船載重四千零八十噸馬力三千四百匹四點鐘起旋開輪余復回至車棧八點鐘登火車二十七晨十點鐘抵巴黎由巴黎行兩點二十三分鐘至勒羅士停五

分鐘又行兩點二十六分鐘至第榮一譯作提從停五分鐘凡由法赴意大里者從此分路折而東行又由第榮行一點四十九分鐘至馬公停三分鐘又行一點十分鐘至里昂里昂即立埔也停十二分鐘立埔為法國第一巨鎮居民皆以繅絲織綢為業其繁盛幾與巴黎並稱馬賽則不逮也又行一點三十八分鐘至瓦郎司停五分鐘又行一點四十五分鐘至阿非娘停八分鐘又行一點五十六分鐘至馬賽自巴黎至馬賽凡九百啟羅邁當合中國一千八百里然其行不到十四點鐘時候則火車之風馳電掣如窮日夜之力可行三千餘里矣

出使日記續刻

卷十

大傳經樓校本

二十八日記

許星使於二月十三日致總署電云頃頃告慶俄主肯通融惟請中國將實在注重之地指明界至地名以便酌定嘎病仍未痊十七日又致署電云昨遵寒電告嘎節略內但將銑電所擬地至稱為中國最注重地仍聲明請照前擬界酌辦等語以後當仍遵漾界意磋商惟去臘界議屢催不允歐云未後似指近事總署於二月十四日致許星使電云有微元電均悉俄主意肯通融似尚不至堅執前說英使云俄已備兵如議久不成四月間恐生事亦不可不慮希飭慶常告以中國總願

和商須兩讓方可合拍。可就銑電所擬地界再與磋磨。但使無損邊防。以速了為妙。如有端緒。即覆電請

旨。十六日又致許電云。歐使來告伊接電云。俄以中國未後擬辦之神氣為妥。惟問即庫里阿克塔什全境字樣。何意中國參贊問於北京等語。歐謂俄有湊合之意。不宜耽延。果如所說。似去臘漾電擬讓之界。可望合拍。希相機酌辦。二十又致許電云。奉

旨總理衙門奏現辦帕米爾界務情形一摺。著許景澄按照該衙門節次電商辦法。與俄外部相機辦理。自即庫至阿克塔什一帶。為邊防扼要之地。務當切實詳論。出使日記續刻 卷十 三 傳經樓校本

俾就範圍。妥籌擬結。一俟議有端緒。即電致該衙門奏明請

旨遵行欽此。

三十日記

英吉利自合英倫阿爾蘭蘇格蘭三島為一。而國勢日以強盛。其地共得十二萬一千一百十五英方里。併所屬印度新金山加那大好看角等地計之。實得地九百十四萬五千三百英方里。居民約得三百四十六兆零二萬有奇。歲入之款約得英金二百三十二兆七十二萬鎊。所欠國債共英金一千一百七十三兆六十三萬

鎊。出入口貨物其值英金一千一百四十七兆八十萬鎊。國中陸兵併駐印英兵七萬二千八百餘人。實得兵士七十一萬二千餘名。內有六十五萬六千餘名。素稱勁旅。水師兵士七萬六千七百名。水手餘勇民壯均在此數。戰船礮船奉委出差者共二百七十九艘。

三月戊寅朔記

同治二年。西一千八百六十三年。丹馬王福來特里克第七卒。日耳曼為荷耳士甸什里士威克爭自主之權。普奧聯兵伐丹。丹師敗績。明年和議成。丹以什里士威克荷耳士甸羅蓋蒲三處公爵采地及阿爾孫杏孟伍二島讓於

普云。丹馬疆域在歐洲境內者。一曰日倫島。在波羅的海中。此為丹地之最大者。在瑞典國東南盡頭處。地面七千方。啟羅邁當。居民六十五萬。會城名哥卑納給。即丹馬都城也。島內分五屬邑。一哥卑納給。二福來特

里克。司波爾。三疴爾培克。四蘇兒威。五潑來司多威。耕種合法。畜牧蕃滋。哥卑納給在孫特海灣之上。居民二十二萬。有極好之口岸與礮臺。宋慶曆三年。始有此地名。祇為漁人村落而已。元至元二十一年。建立此城。明正統八年。始為建都之地。嗣後被焚數次。順治十五年。瑞典嘗建都於此。嘉慶年間。英人兩次來攻。礮傷其城。

初二日記

丹地一曰日倫島二曰莽島又名阿摩那亦在波羅的海內地積二百三十三啟羅邁當三曰波爾勒窩勒姆島又名波蘭日義牙在波羅的海中日倫島之東長三十啟羅邁當四曰發兒司堆島在加堆額脫海灣內長四十四啟羅邁當五曰拉郎特島亦在波羅的海中長五十八啟羅邁當六曰非俄尼亞島在波羅的海中長八十啟羅邁當七曰郎垂郎特島長五十啟羅邁當八曰人德蘭半島長二百八十啟羅邁當寬二百啟羅邁當居民七十八萬同治三年普奧二國據之後乃退去

出使日記續刻

卷十

三 傳經樓校本

九曰非合羅愛羣島此丹國大西洋中羣島之一也在義斯蘭地亞與舌特蘭羣島之間在京師西經一百二十二度至一百二十四度北緯六十一度二十分至六十二度三十二分共計二十二島內十七島有民八千十曰義斯蘭地亞島

初三日記

義斯蘭地亞一譯作哀斯蘭即冰地之意此為北冰洋中之一大島在歐美二洲之間京師西經百三十二度四十八分至百四十二度二分北緯六十三度七分至六十六度四十四分又在蘇格蘭之西北在哥恩蘭特一傳經樓校本

之意之東長三百九十啟羅邁當寬三百一十啟羅邁當居民七萬會城名合來幾亞肥克此島雖屬丹馬而自主之權甚大又最奇異者地面俱為冰地中俱是火有火山十座自宋咸平三年至咸豐十年發燄共四十四次島上各處俱有溫水亦種五穀薯蕷而樹木極少羊毛甚多小馬頗佳鴨毛極貴重捕魚利甚大山中有銅鐵鉛各礦其民安土重遷手藝無多

初四日記

寓美華工一事現經商允外部廢除苛例仍用戊子年原擬之約而添入註冊保護一款凡華工在美美工在華一律辦理又因美工在華寥寥無幾除工人相抵之外寓華別項美民按年由美國公使冊報總署一次又另訂交犯專約以上所得各項權利皆在戊子舊約之外已於二月十一日奉總署電傳

出使日記續刻

卷十

三 傳經樓校本

論旨與美外部畫押矣中美交涉之事崔任四年漫無條理久為彼族輕藐此次披卻導窾挽回煞費苦心自上年仲冬開議磋商三月甫得就緒

初五日記

光緒六年美國專使來華訂立限禁華工之約八年十年兩次定例皆為限禁新工而設在舊工固無所損惟

於回華給予執照俾作回美憑據尙有往來自便之意。第因此項執照輾轉相售新工仍難限制土人積息益深。十一年秋遂有洛士丙冷等案。鄭藻如懲前毖後始建自禁之議。總署釐爲自禁三端。照會美使。十四年二月張蔭桓與美外部會訂限禁華工保護華民之約。意在全生命而遠禍機。而華工有眷屬財產在美者仍可往來自便。約稟甫成事機忽阻。是年八月美國更立新例。凡華工一離美境不准復來。前給執照亦作廢紙。始與光緒六年之約大相悖矣。楊儒到任與美外部和商。就十四年未經中國批准之草約酌量增減刪去賠償。出使日記續刻 卷十 五 傳經樓校本

一款易爲互交罪犯原約二十年之期改爲十年。美廷必欲先行註冊。因議令寓華美民亦註冊以相抵制。遂添註冊保護一款。寓華美民亦照辦。又以美工在華無多。因力爭寓華之美國教士亦須註冊。理論數次。始於第五款中寓華別項美民之下。註明包括教士在內。數字約彙始定。綜核條約六款。惟第五款註冊保護之例。爲此次添入。其餘各款均係十四年張蔭桓已訂未成之約。

初六日記

余嘗論中國之威行域外者曰秦始皇然南降百粵僅

及乎今之越南。北逐匈奴。達乎河套以北而已。曰漢武帝。衛霍之師屢踰瀚海而北。駸駸達乎今之外盟蒙古。旣破大宛。而今之新疆回疆內外皆被羈縻。則其威視秦益遠焉。曰唐太宗旣遣李靖敗突厥。擒頡利。陰山以北。斥地萬里。則今內外蒙古所居之地殆無不讐服。西置安西北庭都護。又伐天竺。執其王以歸。兵力已踰回疆而入印度。則其威視漢尤遠焉。然其聲績縱橫所暨。要不出亞細亞一洲。惟元太祖吞併蒙古全部以後。東西南北各踰萬里。今之新疆回疆固在囊括之中。遂轉戰而西。蹂躪五印度及波斯阿喇伯諸部。滅國四十。積

出使日記續刻 卷十

五 傳經樓校本

人頭以爲山。踰重險而無阻。北翦俄羅斯及欽察諸國。烽火達乎土義德奧之郊。八年之間所嚮披靡。如風掃。籜如火燎原。歐羅巴洲諸國震其威名。無不惕息。幸而西略未終。卽班師耳。設令不遇角端。不聞耶律楚材之言。極其兵威。則歐洲必盡爲所脅服。是何也。昔時諸國。火器未精。而元之鐵騎如雲。勁悍無前。弧矢之威。莫之能敵也。至今西人談成吉斯汗者。無不色變神驚。推爲千古之豪傑焉。元之後裔。大約分爲三大支。其一入主中國者。兼統蒙古內外諸部。至順帝而始失中國。其一太祖長子朮赤之後。世守俄羅斯。至明季而爲俄人所

驅翦其一雄據印度全境盛於明之中葉至

本朝道光年間始被英人芟刈無餘然內外蒙古之為本朝藩服者尚皆各守疆宇大半皆太祖之苗裔迄今已逾六百年何其神武之廣流祚之長遠邁於秦漢唐也惜其治國之經猷不逮唐太宗耳 去年倫敦共用各色茶葉計二百三十五兆鎊內計印度茶得百分之五十一分錫蘭島茶得三十一分中國茶得十六分別國茶得二分年來印茶較前勝至十分中之七錫蘭茶商亦竭力整頓比前銷貨多至五倍

初七日記

出使日記續刻 卷十

美 傳經樓校本

英國屬地加那大一譯作堪察達在亞美利加洲北境東至阿蘭底海即大西洋西至太平洋東南瀕美國緬邦南界西南鄰美國華部即華盛頓部北至冰洋無窮之境在赤道北四十三度二十四分至七十餘度京師西一百七十二度零八分二十秒至二百五十七度二十八分二十秒共有三百四十七萬二百五十七英方里幾等於歐羅巴一洲而江湖尚不與焉明嘉靖三年法國遊歷人弗拉成始至其地名之為新法蘭西十三年法人加爾底復以小舟駛入欲據其地而未果萬曆三十六年法商桑白郎築貴北克城居之

國朝乾隆二十四年英國提督華爾甫與兵奪城血戰三年法兵不能支二十八年法巴黎立約以加那大讓英而以森披埃與密寬崙兩小島留為法人捕魚之所而荷屬之新蘇格蘭及紐芳蘭兩島先於康熙五十二年割隸於英英國招人懇地日興月盛是為赫生灣公司以其在赫生海灣內地也同治八年英廷以金三十萬鎊償公司購回其地改為諾司威斯達多里省次年復將東南省改為孟業拖白省并拓附近各地日堪會廳部曰阿新尼巴亞部曰薩斯堪起文部曰阿爾伯泰部曰阿達伯斯堪部時則光緒二年至八年事此加那

出使日記續刻 卷十

美 傳經樓校本

大新闢諸地之大略也 乾隆五十六年加那大分為上下兩省人心不治遂有亂事道光十七八年又亂二十年上下兩省又合為一其時上省居民四十五萬下省居民六十五萬先是乾隆四十九年以散約翰島合新布倫瑞克為一省咸豐八年因哥倫比亞金礦居民日眾改設一省同治五年以彎戈注島台哥倫比亞為一省加那大有總督一人各省設巡撫光緒十五年入款英金七百九十六萬九千鎊出款七百五十八萬五千鎊全境居民四百四十萬有奇軍制平時馬隊礮兵三萬八千人有事則一百零三萬人天主教最盛耶穌

教次之鐵路有一萬三千三百二十五英里名曰加那大太平洋鐵路東自費北克城起西至彎戈洼太平洋海口止凡經三大省兩部落又踰落機山之薩爾開克嶺長二千九百零六英里電綫共有五萬九千九百二十一英里進口貨值英金二十三兆六十七萬六千鎊出口貨值十八兆三十二萬六千鎊全境值赤道北五十度一帶戶口蕃衍愈北則愈荒涼極北祇有阿思寬麻土番身材短小捕魚獵獸而已地分八省曰貴北克那大曰益得利亞上加大曰新布倫瑞克曰新蘇格蘭曰孟業拖白曰諾司威斯達多里曰哥倫比亞曰勃林士

出使日記續刻 卷十 天 傳經樓校本

初八日記

阿非利加一洲居地球四分之一與歐洲有地中海之隔與亞洲有蘇彝士土頸相連今蘇彝士河已開通矣南北長五千英里東西廣四千三百六十英里沿海少海灣約長六萬六千英里視歐洲沿海之長少五之一地面積爲一千二百萬英方里至各國方里戶口之數摩洛哥二十六萬里以下皆以英方里計八百萬人阿爾及耳二十五萬里三百萬人突尼斯四萬五千七百里二百萬人的黎波里三十五萬里一百五十萬人埃及一百萬

里一千二百萬人阿比西尼亞十六萬里三百萬人撒哈拉一百萬里四百萬人蘇丹二百八十萬里一千萬人塞內岡比亞二十五萬里五百萬人上幾內亞八十八萬里一千五百萬人下幾內亞一百萬里一千萬人中阿非利加二百五十萬里一千萬人東阿非利加一百萬里一千六百萬里南阿非利加五十萬里二百萬人馬達軋斯喀島二十三萬里三百萬人統共約二萬萬人合內地無可攷者

初九日記

阿非利加洲大江十三流入地中海者一曰尼羅江流入大西洋者七曰審尼格爾江曰干比阿江曰那哀格江曰奧古完江曰康固即公額江曰空什江曰奧侖江流入印度洋者五曰林姆怕怕江曰散爾昔江曰羅浮馬江曰羅非習江曰助排江 北非洲有四國總名曰巴巴黎譯即一爲摩洛哥政歸國王自主在巴巴黎各國中爲最大地面積約二十六萬英方里山中與海邊肥地有七萬六千英方里國分二邦曰非斯居民八萬曰

出使日記續刻 卷十 天 傳經樓校本

摩洛哥居民五萬一爲阿爾及耳法國屬地也地面積二十五萬英方里居民三百萬內有法人二十萬一爲突尼斯王國政者曰盤而聽命於法國在巴巴黎各國

中為最小。地面積四萬五千七百英方里。居民約二百萬。而突尼斯一城。獨有民十二萬五千。內有猶太人四萬。一為的黎波里。土耳其屬地也。土有總督駐於其地。合巴爾加非三而計之。地面積共三十五萬英方里。居民一百五十萬。

十二日記

英議員謂俄海軍衙門建造新船。歲用二百六十七萬英鎊。法海軍衙門歲用二百八十萬英鎊。今英之海軍歲費不過三百十七萬餘鎊。不足兼敵兩國。自應趕速籌費添造。且法國現有雷艇二百四十二隻。俄有雷艇一百三十五隻。而英僅有雷艇九十七隻。何其少也。英國商船值錢一萬二千萬英鎊。而海軍衙門所用造船之費。不過一千八百五十萬鎊。法國商船值錢一千萬鎊。俄國商船值錢三百萬鎊。而兩國肯用造船經費一千六百萬鎊。是其籌費較英為多矣。

十三日記

申刻往觀法國自來水之總水管。蓋水之上源。去巴黎約有三百五十中里。開隧道於地中。導水使行。日夜滾滾不休。人行其上者不知也。司水管者秉燭導余入隧中觀之。隧旁別有街。僅可行人。視其隧則水清如碧。滔

出使日記續刻

卷十

三 傳經樓校本

滔汨汨。其水約深二尺五寸。廣二三丈。行於隧基之上。基以西門土為之。兩旁柱以石柱。望之若石質。亦數百里相續不絕。此其中層也。其下尚有一層行水。亦與中層相等。而石柱更鉅。因其壓力更重故也。導者請余觀下層。余恐火之滅也。遂出隧。既出而平地青草。葱蒨可愛。蓋隧基之上層也。大抵此處為水之總管。由此引入巴黎。分為十管百管千萬管。以供闔城之飲焉。工程可謂鉅矣。問公司用費幾何。曰九千萬佛郎。蓋幾及中國之白金二千萬兩矣。然如此鉅工。僅以一叟司其啟閉。月支薪工一百四十佛郎。殊覺簡便之至。亦可謂神妙不測云。

出使日記續刻

卷十

三 傳經樓校本

十五日記

余昔曾刪錄申報所記英國屬地之方里。以其譯音多非經見之字。又稍有訛脫者。因屬張讓三重加攷錄。茲記於此。英國幅員自英倫蘇格蘭阿爾蘭三島外。其開闢屬地。始於前明萬曆年間。探得北亞美利加洲據之。後華盛頓立台眾國。英屬中土諸部悉昨歸之。獨北境尚為英有。其地北至冰疆。南界美國。今之所謂加那大也。

本朝乾隆初年。復得五印度。厥後又開緬甸諸埠。又尋

得澳大利亞洲及新西蘭兩大島。此外又有南洋諸島及阿非利加亞美利加諸地。今攷其地之廣狹。在地中海與大西洋交界處曰直布羅陀。方英一里八分七。在地中海曰馬里他島。亦作毛耳。方英一百十五里。曰薩魄。斐斯島。一名居百魯。方英若干里。在紅海口曰亞丁。方英五里。曰碧鱗島。英音譯作潑立姆。一作不立姆。或作伯塔。方英七里。在亞細亞洲曰印度。方英九十五萬九千九百九十九里。在印度洋曰錫蘭島。方英二萬四千四百五十四里。曰毛里西島。方英七百八里。曰新嘉坡。曰麻六甲。曰檳榔嶼。方英一千三百五十里。在中國海曰婆羅洲北之拉布安島。亦作方勒邦。

出使日記續刻 卷十 三 傳經樓校本

英四十二里。婆羅洲北之薩巴。即北般鳥。沙拉達克。即西般鳥。方英若干里。在阿非利加西北曰岡比亞。方英六千里。西曰塞拉勒窩內。一名瘋山。有英屬地。哥斯達斗羅。方英四百六十八里。曰西格里格蘭。方英一萬七千八百里。西南曰公額古達多。方英六千里。東南曰那塔耳。方英一萬一千一百七十二里。極南曰好望角。方英二十萬一千里。在大西洋西北曰阿蘇阿斯島。方英三十四里。西南曰聖海凌那島。方英四十七里。曰列格斯島。方英五千三百六十一里。東北曰紐芳蘭島。亦作新芳蘭島。著大地。方英四萬二千三百

里。在中亞美利加洲曰閔都拉斯。按閔都拉斯有島。方英一萬三千五百里。在南亞美利加洲曰卡阿那。按卡地分三部。惟一屬英。有若爾口城。方英七萬六千里。東南曰福格蘭羣島。方英六千五百里。在中亞美利加海灣。亦稱西印度。北曰百爾慕他羣島。方英二十四里。東北曰巴哈麻羣島。方英三千二十一里。東曰里瓦得羣島。方英七百三十八里。東南曰瓦安瓦得羣島。方英七百七十五里。南曰特力尼達得島。在委內瑞辣國北海濱。方英一千七百五十五里。在海灣中曰牙買加島。亦作札邁。在古巴島南海中。方英六千九百里。在澳大利亞洲東北曰坤士蘭。亦作裘司倫。譯言君主地。方英六十七

出使日記續刻 卷十 三 傳經樓校本

萬八千六百里。東南曰紐薩威而士。亦作新南威耳士。南威而士。英大太子名。方英三十二萬三千四百三十七里。又南曰維多利亞。方英八萬八千一百九十八里。正南曰薩澳大利亞。亦作南澳。大利亞。亦作西澳。大利亞。回斯登譯言西。方英九十七萬八千里。在澳洲之南曰班地曼蘭島。今名達司馬尼。方英二萬六千二百五里。在澳洲之東曰新西蘭兩大島。亦作紐齊蘭。一名馬日倫敦。方英十萬二千里。以視英倫本國。加增三十倍。其新得保護諸地及洋海小島。尚不在此數。蓋英雖僅三島。而屬地遍於五洲。亦自古以來所罕有也。申報所載英國

屬地攷一篇。上半自特墨拉拉以前。全據瀛寰志略英吉利篇。下半自坡不洛得以後。全據列國歲紀政要。間有重複錯脫之處。其地名還音。既無所徵據。而岸島亦或誤稱。今校改於後。

緬甸 按今全境皆為英有。不止舊地也。擗日倫敦 自下緬甸中報脫去。緬甸里數。獅山 即下昔而里。梳今據志。特墨拉拉 即下。坡不洛得 今據志。布羅陀 是所非。毛耳塌 今據志。伯罕慢得 今據志。哈麻 伯姆達 志略改。百爾慕他 今據志。訥塔 今據志。杭度拉 今據志。質美該 今據志。盧奧特 今據志。紐福蘭 今據志。脫立納

出使日記續刻 卷十 譯傳經樓校本

特今據局圖改。憚滑得 今據局圖改。阿勝生 今據局圖改。阿蘇監別亞 今據志略改。古俄得枯得脫 今據志略改。多西格里格爾 未詳。列格斯 未詳。馬里休 申報誤作里。地理備攷 內塔而埒 今據局圖改。山賊利 今據局圖改。聖海亞丁 非島。拉別橫 今據局圖改。伯苓 今據志。澳洲諸地 另詳。台使美尼亞 今據志。以上校改。皆有所據。至赫爾固蘭島 聞已與德國易地。故擬削去。俟後緬甸全境尙擬譯其里數。此外尙有香港。方英二十九里。亦未列入。其餘小島所遺漏者不及詳也。然英屬地大致已粗具矣。

十四日記

英國幅員自英倫蘇格蘭阿爾蘭三島外。其開闢屬地。始於前明萬曆年間。探得北亞美利加洲。據之後華盛頓立合眾國。美洲中土悉歸之。英僅據有荒寒之地。北至冰置。南界美國。今之所謂加那大也。

本朝乾隆初年。復得五印度。旋由印度海東岸漸拓而南。在緬甸之西。開阿喀喇等埠。再開麻六甲錫蘭。又由緬甸西北開阿薩密。又尋得澳大利亞全洲。別有兩島。日擗日倫敦。此外阿非利加之西。有獅山諸地。南亞美利加有特墨拉拉諸地。今詳其地之廣狹。地中海口與

出使日記續刻 卷十 譯傳經樓校本

大西洋交界處。島名支佈勞登。即直布羅陀也。方英一里八分七。近丹國海面。島名赫力固蘭。方英二里五分。五地中海內。島名馬里他。亦曰毛爾塌。方英一百一十五里。美國東南海中。島約八百處。名伯罕慢得。方三千零二十四英里。美國之西海中。羣島三百處。名伯達姆。方二十四英里。美國之北加那大。一名嶽。方三十五萬二千三百六十一英里。美洲之南羣島。名福格蘭。方六千五百英里。南美洲名莖業。方七萬六千英里。中美洲名杭度拉。方一萬三千五百英里。墨西哥海灣島。名質美該。方六千九百英里。西印度海中。羣島名盧奧特。方四

萬零二百英里。加那大東名紐福蘭。方四萬二百英里。近美國西島名脫立納特。方一千七百五十五里。西印度海島名憚滑得。方五百七十五里。大西洋島名阿勝生。方三十四里。好望角。方二十萬一千里。阿洲西北名監別亞。方英六千里。阿洲西名古俄得枯得脫。方六千里。阿洲西名西格里格蘭。方一萬七千八百里。阿洲島名列格斯。方五千里。印度洋島名里馬利休。方七百零八里。阿洲東南名內塔而姆。方萬一千一百七十二里。阿洲西南島名山喊利。方四十七里。阿洲西名昔而里。方四百六十八里。紅海口島名亞丁。方五里。印度

出使日記續刻

卷十

美傳經樓校本

洋島名錫蘭。方二萬四千四百五十四里。五印度方九十五萬九百九十九里。婆羅洲島名拉別橫。方四十三里。紅海中島名碧鱗。方七里。新嘉坡麻六甲檳榔嶼。方一千三百五十里。澳洲之紐薩威爾士。方三十二萬三千四百三十七里。坤士蘭即衮司倫。方六十七萬八千六百。薩奧斯地理蘭。方八萬八千一百九十八里。回斯登奧斯地理蘭。方九十七萬八千里。英國屬地總計有四百五十萬英方里。以視英倫三島。殆增三十倍。

十六日記

英國地分三島。一曰英格蘭。省曰英倫。一曰蘇格蘭。此二島

合爲一大島。形似三角。自西北至東南。縱八百八十啟羅邁當。每一啟羅邁當合中國一里。又二。北段寬二百七十五啟羅邁當。中段寬一百二十四啟羅邁當。南段寬四百八十八啟羅邁當。北界大洋海。東界北海南界。茫司海峽。一名西界聖佐治海峽。及阿爾蘭海。又有爾哥內。此係六十七島之總。愛白里特。又名希白力。第士在蘇格。一曰阿爾蘭。形如橢圓。自東北至西南。由漸開廣長四百五十啟羅邁當。光緒三年。國人以其屬印度。并入大白里登。一千七百零七年。女王名安者始合英蘇二國。并阿爾蘭。統名曰大白里登。國爲一國。於是上尊號曰大白里登王。兼印度后帝。明萬

出使日記續刻

卷十

美傳經樓校本

歷三十一年。蘇王惹迷斯嗣女主。以利撒伯爲英王。英蘇遂合爲一。然尙自成一國。議院律例教會亦各不同。兵端迭啟。自女王安合英蘇阿三境爲一國。由此承平無事。

十七日記

許星使於初八日致總署電云。迭令慶常催商。昨據覆俄主以兵部堅稱地勢緊要。礙難再讓。惟兩國意見難合。目前料難議結。本部特籌調停。奏准俄主如華兵不出。即飭邊將仍紮原處。不准前進。徐候界議定局。以免生變。並電喀使轉告等語。彼欲太奢。在我無可再讓。

似舍相持無他策。候酌示。總署十一日覆電云。江齊電均進呈。此次嘎覆調停之說較前稍和。我亦未便催迫。彼以兵部難允為辭。我當告以中國眾議定約。必須遵守。現商之界已格外通融。斷難再讓。兩不進兵。議由彼發。須與切實訂定。杜其將來改變界事。仍隨時相機與商。本署一面電知新疆。照舊嚴防邊境。勿令越界啟釁。

十八日記

英倫為三島之一。北界蘇格蘭。南北長五百七十啟羅邁當。東西四百二十啟羅邁當。地面積十五萬一千方啟羅邁當。居民二十三兆。都城地分五十二部。東境八

出使日記續刻

卷十

美 傳經樓校本

部。南境十部。西境十八部。北境六部。中境十部。倫敦跨泰晤士江。法音譯作達迷斯河之兩岸。離河口約七十啟羅邁當。在京師西經一百十六度二十八分二十二秒。北緯五十一度三十分。地面約三百方啟羅邁當。居民四兆二十一萬。周圍無城牆。蘇格蘭於古時為白里登三國中之一國。而又為大白里登島內二國中之一國。此島之北段介乎北緯五十四度三十九秒至五十八度三十七秒之間。與英倫分隔。有天然之界綫。長四百啟羅邁當。寬二百四十五啟羅邁當。周圍小島甚多。皆隸蘇格蘭。居民共三兆五十萬。都域名壹丁不爾厄。地分

三十三部

十九日記

蘇格蘭都城曰壹丁不爾厄。又名密特羅城。亦即壹丁不爾厄部之會城也。在北京西一百十九度三十七分。赤道北五十五度五十八分。在倫敦西北七百十啟羅邁當。居民二十六萬八千。城在山岡之上。分而為二。中有深谷。隔此二城。一曰舊城。一曰新城。其間連之以橋。阿爾蘭譯曰綠島。為白里登三島之一。自北至南。長四百五十啟羅邁當。東西二百八十啟羅邁當。道光二十一年。民九兆有餘。咸豐十一年。減至五兆四十一萬。其分三

出使日記續刻

卷十

美 傳經樓校本

十二部。都城曰都伯林。亦即都伯林部之會城也。在北京西一百二十二度四十二分。赤道北五十三度二十一分。在倫敦西北五百啟羅邁當。居民三十萬人。

二十日記

光緒十年。英國三島歲入總數三千零七十九兆五十八萬七千佛郎。歲出總數三千零八十三兆五十七萬二千佛郎。進口貨值一萬零六百七十五兆佛郎。出口貨值七千八百九十兆佛郎。鐵路長三萬二千零九十五啟羅邁當。此光緒十五年之數。電路積長四萬九千四百六十九啟羅邁當。電綫積長二十九萬五千四百三十八啟

羅邁當陸軍二十八萬八千有奇。盎稱里剛晤教在英倫者十七兆七十八萬餘人。阿爾蘭六十六萬餘人。蘇格蘭七萬三千。共計十八兆五十二萬餘人。發來比對爾央教在蘇格蘭者一兆四十七萬餘人。阿爾蘭四十九萬。共計一兆九十七萬餘人。各種耶穌教在英倫者三兆九十七萬餘人。蘇格蘭一兆四十八萬。阿爾蘭九萬六千。共計五兆五十五萬餘人。天主教在英倫者一兆零五萬餘人。阿爾蘭四兆十五萬。蘇格蘭三十二萬。共計五兆五十二萬餘人。猶太教在英倫者二萬九千人。蘇格蘭六千四百人。

出使日記續刻 卷十

二十二日記

早 傳經樓校本

亞洲南洋各國屬地。英國外首推荷蘭。曰爪哇。曰暹羅。拉一作麥多拉。在爪哇東北。共五萬八千六百六十二英方里。曰蘇門答臘。十七萬三千六百五十英方里。曰彭楷似即尚甲。在蘇門答臘東南。四千八百九十六英方里。曰彌立登一作利敦。在蘇門答臘之西。一千八百五十六英方里。曰婆羅洲之東西南三處。二十萬四千二百八英方里。曰西里百。四萬六千六百八十六英方里。曰米乃杜西里百東。二萬六千四百七十七英方里。曰德拿。十七萬四千九百二英方里。曰安門在摩鹿加之南志。一萬八千七百五十六英方里。

里曰地間一萬七千一百四十五英方里。曰麻里。曰洛莫。四千一百八十一英方里。曰新吉尼即巴布亞分屬。其西偏有三十萬三千四百二十一英方里。各島地當赤道物產頗豐。荷蘭國用賴以不匱。

二十三日記

荷蘭古名巴達維亞。又名巴以旁。即低地也。在京師西一百十三度三分十秒。赤道北五十一度至五十三度。北與西皆濱北海。南界比利時。東界亞諾威爾及維士德發里亞。又界來因河濱之普魯士各部。長二百四十啟羅邁當。寬二百三十啟羅邁當。本濱海澤國。而其人

出使日記續刻 卷十

早 傳經樓校本

善於治水。築堤防。開溝洫。兼以風磨轉旋抽水。使達江河而趨大海。境內平原為多。海塘堅固。河道疏通。天氣溫和。惟不一律。鐵路其長二千四百五十二啟羅邁當。電報由國家設立。共長四千九百零三啟羅邁當。綫長一萬七千二百三十四啟羅邁當。農牧之事。頗能精求。最豐盛者為草地。種菜榨油之處甚多。稍有五穀。花木茂美。製造則有荷蘭布。紙哈喇呢。綢緞。絨。硝皮。粗瓷。煙管。漂白。廠牛乳。餅。化學藥料。書坊。雕刻。車。金剛石。

二十四日記

荷蘭進口貨之大宗。穀鹽。酒。木料。哈喇呢。等值銀一千

一百零二兆六十九萬弗羅來。每一弗羅來。內從荷蘭屬地來者。值銀九十二兆四十九萬弗羅來。出口貨之大宗。布匹。牛肉。醃魚。牛乳。餅。牛乳油。乾鮮各貨。紅菜等。值銀九百四十九兆四十八萬弗羅來。內運至荷蘭屬地者。四十七兆六十二萬弗羅來。民多弗離士。弗郎哥。撒克遜三種。皆有自主之權。合七省為一國。可以任便行教。時雖多亂。曾竭力辦成二大事。一宣洩水淹之地。以復舊觀。并築海塘。以禦海浪之衝激。保護低地。十分沃饒。如有積水。則用吸水機器。引入海中。二荷民散布他國。搜求荒地。開濬利源。自得南洋諸島後。竟如願以償云。

出使日記續刻

卷十

聖傳經樓校本

二十五日記

荷蘭君位世襲。男女並繼。王執政權。與兩議院同定律例。藩屬之事。統由國王經理。各省舉議紳。分為三類。一貴族。二城紳。三鄉紳。工程局之權甚廣。盧森不爾厄公爵。采地之政。另作一起。學校古為歐洲之冠。詩人文士。極一時之盛。多能精究實學。各種教會。荷廷一體保護。耶穌教二兆五十萬人。內分新造會。里德會。勒蒙脫郎。曾茫奴尼脫會等。天主教一兆五十萬人。猶太教八萬二千人。國分十一省。都城名亞摩斯得爾。登道光十一

年。比利時叛荷自立。十九年。荷始認比為自主之國。荷京瀕亞摩斯得爾河口。與義河交流處。即北荷蘭省之首城也。居民二十八萬。城之全境。架於水上。城中河道甚多。即分其城。成九十島。共有二百八十角。近城有極寬大之口岸。為歐洲各口岸中之最穩妥者。

二十六日記

荷蘭書院林立。官為督察。章程美備。英國嘗取法焉。為師者必給官照。否則不許授徒也。光緒乙酉丙戌間。公私幼學各塾一千四百三所。學生十萬九千六百七十六人。公塾初學館二千九百二十三所。四十四萬四千

出使日記續刻

卷十

聖傳經樓校本

二十七日記

六百七十八人。私塾中等學各館一千二百九十四所。十八萬八千九百七十七人。弦歌之聲。達乎里巷矣。二百年前商務之盛。為歐洲冠。後為各國所分。始不振。然尚不失為通商之國。厥有二故。東印度屬島出產甚富。足供歐洲之用。一也。來因米于塞士。出爾德各江出海。暢順。又介於英與各國之間。貿易便利。二也。鐵路已有。一千六百九十三英里。電綫長一萬一千三百英里。戶口除盧森不爾厄省外。計四百五十六萬有奇。

荷蘭養兵不過五萬三千五百。民團約四萬有奇。水師

兵船一百五十六艘。內有鐵艦二十六。國中歲入之款英金九百五十四萬餘鎊。歲出之款一千一百三十二萬餘鎊。國債英金九千一百三十七萬餘鎊。進口貨值英金一萬零八百三十三萬餘鎊。出口貨值九千零六十六萬餘鎊。都城商務極大。戶口四十萬有奇。盧森不爾厄省者。界連比普法三國。名爲荷屬。實一切皆自主者也。一千八百六十七年。各大國定爲局外之地。不得兼併。亦或入日耳曼列邦之內。得地九百九十八英里。戶口二十一萬有奇。賦稅有英金三十七萬餘鎊。國用約二十九萬餘鎊。國債六十五萬鎊。鐵路三百二十英里。電綫一千六百五十三英里。

出使日記續刻

卷十

署 傳經樓校本

二十九日記

法國所屬印度。旣拿疆土。共有四地。一曰高麗芝拿。卽西貢等省。一曰東京。卽越南北圻之地。一曰越南。卽中圻南圻之地。一曰金邊。卽柬埔寨。亦卽真臘國也。四地統歸西貢總督管理。而分設大員駐之。金邊於同治三年。認法保護。四年。法始兼理其政治。越南於光緒元年。認法保護。十一年。訂立約章。政由法出。明年進攻東京。嗣中法講和。始專爲法屬土。高麗芝拿一地。廣二萬三千英里。民二兆零二萬有奇。金邊地廣三萬八千六

百英方里。民一百五十萬。越南地廣四萬七千英方里。民三百萬有奇。東京地廣三萬四千英方里。民約九百萬。高麗卽交趾之轉音。芝拿爲支那之異文。猶言中國交趾也。

四月丁未朔記

法屬東方四地膏腴。以東京及高麗芝拿爲最。越南則中界峻嶺。外接大洋。內爲曠野。濱臨湄江。產穀米棉花。香料煙糖。礦多產煤。五金亦多。港口以海防西貢及越南之會安爲最良。四屬經費。初時歲用至法銀一千一百萬方。今漸撙節。歲費五百萬方而已。法兵駐防者一萬四千名。巨文一島。西人名之曰砵威美頓。介乎中日朝三國之間。朝鮮屬土也。曩歲英遣兵船據之。旋復退去。朝人知其關係緊要。現派某員爲該島總督。某員曾學習西洋武備者也。

出使日記續刻

卷十

署 傳經樓校本

初四日記

稅務司赫政。自光緒十四年冬。前赴西藏。會同英員勘哲孟雄地界。先請駐藏大臣。商示機宜。旋赴印度。規畫既定。哲孟雄始歸英保護矣。十六年在印度都城訂約。現已互相簽押。約有三款。曰通商。曰郵驛。曰牧羊草地。通商一端。擬於西藏邊境野洞地方。自光緒二十年。起開市。塵一區。互相貿易。准英國派員駐紮。管理通商事。

務試辦五年為期。五年內除軍火毒藥烈酒外。印度貨物皆可運往。均須納稅。惟印度茶葉五年內不得運入。五年後方可入市。稅則須照英國抽收中國茶葉稅之數。總稅務司將與總理衙門商設稅關於野洞。此處現雖生理無多。將來必可興旺。

初五日記

酉刻謁見法國伯理璽天德噶爾諾。呈遞辭行國書。西藏出口貨以山羊棉羊犀牛等毛為大宗。今未能出口者。以精粗之毛錯雜參差。難以發售也。然藏人已知其利。五年後當能設法分別精粗矣。此等毛以

出使日記續刻 卷十 吳 傳 經 樓 校 本

拿沙所產為最良。拿沙去野洞二百五十英里。又有麝香鹿茸金砂可以出售。目下印藏互市。不過以貨易貨而已。印人每以雜色布鐵器粗玩器與藏人交易。藏人多用西國藥材以療病。此通商情形也。郵驛一端。如印度官民有印信文件及信札欲寄藏中者。可交藏境戍卒帶入內地代交。若駐藏官員奏章文牘寄京者。可交邊界英員轉寄印度。附船往華。較從前由藏入川。由川遞京者。難易遲速。何啻霄壤。此郵驛情形也。

初六日記

牧地一端亦照常。在哲孟雄界上放草。惟每年須有期

限。又須遵地方官例禁。其例由英政府與華官酌定。此牧地情形也。至西藏風俗最奇者。一婦可嫁六夫。惟家務皆婦人料理。一切惟婦命是從。所謂六夫者。其四夫於伯叔兄弟間擇之。其二夫則由異族招贅。然亦竟相安無事。可怪也。藏人身軀甚健。惟婦人罕有二三子者。想風俗如此。日久恐有丁口稀少之虞。西藏迤北之人。皆遊牧而無居室。所食者惟棉羊山羊麥及蔬菜而已。印商恆以洋布針縷火柴煤油市之。銷流甚易云。巴黎為法國最大之地。民共二百四十萬。立墉為第二城。民二十二萬。馬賽為第三城。民二十一萬。

出使日記續刻 卷十 吳 傳 經 樓 校 本

初八日記

光緒十九年仁濟和第八屆保險帳略云。本屆共得保費銀七萬六千餘兩。較前兩屆短萬兩。分存銀行及招商局生息之款。得息銀三萬九千餘兩。亦比前屆短收萬兩。賠款實支銀二萬五千餘兩。官利餘利勉給一分。支銀八萬兩。出入幾相埒。不能加添。公積實存匯豐銀行十五萬兩。法蘭西銀行三十萬兩。麥加利銀行二十萬兩。德華銀行七萬兩。招商局往來暫存生息十三萬七千九百餘兩。織布局八萬兩。布局股票一萬七千兩。各銀欠息一萬餘兩。共存九十六萬五千餘兩。前將

馬肩叔提存織布局本銀三十萬兩。竭力收回二十二萬兩。尚存八萬兩。又塗銷自存股票。應分公積織布股票一萬七千兩。布局被焚。本利無著。現擬以燼餘抵作二成。可易新股起息。雖經眾商稟請提捐歸還。須滯歲月。幾同虛擲。亟須設法補救。

初十日記

仁濟和正本八十萬。從前銀行與商局並存。今招商局全數提還銀行。息既減輕。鈔價奇漲。若使提減股分。尤慮股分愈少。擔當愈重。爰集各董熟籌。將商局提回存款二十萬。益以銀行提回十二萬。共三十二萬。附入織

出使日記續刻

卷十

吳傳經樓校本

布總局所改之華盛紡紗總廠。作為股分。官利餘利悉歸公司。連前存款八萬。共成四十萬。數年之後。非特八萬之款。藉得彌縫。其紗布所獲之股利。較銀行存款之期息。薄厚懸殊。數年後再看局勢。或將股票售出。仍歸銀行生息。亦無不可。公司現有存銀行四十萬。隨時活動。並有紡織總廠股銀二萬。舊存八萬。輔權子母。自可彌補前虧。是本公司仍是正本八十萬之有限公司也。

十一日記

新報云。阿富汗居亞洲之北。在俄屬之圖爾齊斯坦界內。西鄰波斯。東接印度。南連俾路芝。國弱民貧。向為俄

人所覬覦。非利其土也。欲由之以窺印度也。然俄苟有事。英必力遏其鋒。攷阿富汗南北長五百英里。東西廣六百英里。共得二十七萬英方里。民數約四五百萬。國中多山。多樹林。冬則嚴寒。夏則酷暑。人以為苦。土亦膏腴。歲收兩次。多禾麥粟米之屬。地多五金。礦苗極旺。狂於風氣。開採甚少。道路崎嶇。車馬難通。祇有一大道。自卑梳華至加蒲。係英人所建築云。一千八百三十八年為英所滅。三年後國人起兵。逐去英人。復歸土酋治理。一千八百七十九年英復來攻。破加蒲及根打哈兩城。阿酋見勢不支。遂為城下之盟。英阿從此輯睦。兩國生

出使日記續刻

卷十

吳傳經樓校本

意約值八百五十萬羅比。一作勞卑每年賦稅所入約一千萬羅比。印度國家歲幫一百二十萬枚。兵額六萬有奇。

十二日記

月前余往醫生博物院。縱觀兩旁。羅列死人之枯骨。全具無慮數百件。可以觀其骨節之相聯接。及各竅會合之處。其腹中之臟腑。如心如肝如肺如脾如腎如大小腸之類。無不以藥水浸之。可以觀其形狀。孔竅血管之各殊。其外體如頭如耳如目如鼻如口如陽物陰物如手如足如臂如股如尻。亦無不以藥水浸之。可以觀脈絡筋節包皮之各異。至於人之一身。全體上下。互相貫

輸筋絡血管非常之多。殆不可以數計。大凡人之血脈。皆由一心上通於腦。動靜升降而得無窮之妙。又入一室。則見赫然新死之人。陳尸案上。纍纍如新宰之豕。皆已破腹斷體。血肉狼籍。問之則有已死數日數月者。亦有已死一二年十餘年者。敷以藥水。亦久不壞。大抵皆在院中醫病之貧人。自知不起。而自鬻其尸於院中。以供醫生之割驗。大約每人不過十七佛郎而已。又日學生學醫。不可一日無此尸。以其時時須閱驗也。余聞之。歎曰。拙哉西醫。中國之良醫。亦能知人之巖穴脈絡而百無一失。然不必親驗諸死人。亦未嘗為此慘酷之事。

出使日記續刻

卷十

辛 傳經樓校本

也。忍哉西人也。導者瞠目不能對。

十三日記

噶羅巴者。荷蘭屬國也。自二十五六年前在此掘得火油井。或深至二百尺而得之。或深至二千尺而得之。迄今漸開漸多。每月可出火油四萬五千箱。近聞華人在此立一股分公司。購地開掘。得井之後。餘地仍可種植。此等火油。前所未有。美國始創其端。今俄國所出者。他國亦有之。中國四川前有火井。僅能設法開濟。未始不可得火油也。夫火之種類不一。有有光之火。有無光之火。有有質之火。有無質之火。有陽火。有陰火。有有光有

質之火。有有光無質之火。有有質無光之火。即如電燈之火不能燃。而其光明可以遠照。此有光無質之一證也。有談火者謂可以已疾之火。有數種。炙艾火者。宜用陽燧火珠承日。取太陽真火。其次則槐火。若急猝難備。則用真麻油燃火。或蠟燭火。以艾莖燒點。炙瘡則不痛。

二十三日記

余聞新任龔仰遠星使將到。即派慶藹堂參贊逐之馬賽。余於十五日晨搬至大客店中。十六日晨復赴使館。待至巳刻。仰使率參贊隨員等到館。余恭設香案行禮。謹請

出使日記續刻

卷十

辛 傳經樓校本

聖安畢。起而互相一揖。然後縱談公私事。至四五點鐘之久。連日將英法兩館文卷暨書籍器具清冊。並餘存英法兩館經費英金五千餘鎊。湖北購運鍊鐵織布機器存款二千餘鎊。銅質關防一顆。移交清楚。暇則援舊政告新尹之誼。將交涉要務逐件告之。不憚煩瑣。復互相酬酢。余為仰使及參隨等設筵接風。仰使為余及參隨等設筵餞行。二十日辰刻。余赴使館辭行。仰使恭設香案行禮。寄請

聖安畢。亦起而互相一揖。送余出門。登車回店。二十一日戌刻。余赴車棧登火車。仰使率參隨等已在車棧拱

候相送一揖而別。二十二日巳刻抵馬賽。暫寓客店。二十三日申刻登堪爾圖甯輪船。船主曰弗冷騰愛彌而。酉刻起碇。駛輪出口。風緊浪涌。船稍簸蕩。同人頗多眩暈。至有輟晚餐者。夜半丑刻後風稍息。

二十四日記

堪爾圖甯船可勝重載四千二百三十二噸。馬力三千四百匹。戌刻後驟雨。海面甚黑。

二十五日記

未刻過昔利島暨卡臘勃來山兩峽之間。

二十八日記

出使日記續刻 卷十

至 傳經樓校本

辰初抵亞勒散得。停舟卸貨。已初復啟輪。亥正抵波賽。始出地中海矣。復停舟卸貨添煤。丑初起碇。駛入蘇彝士河。

二十九日記

舟行蘇彝士河內不能甚速。此河廣不過十丈左右。僅容一大輪船行駛。若兩船相遇。則一船引避於旁。讓來船駛過。方能開行。凡公司所具電綫火車挖泥機器之屬。甚備。公司收捐每噸須輸英銀八先令。如此船能載四千二百三十二噸。照此核算。每客一人亦輸八先令。由輪船代輸。客不過問。酉刻抵蘇彝士埠。停舟。戌初開駛入紅

海。是日寒暑表一百零四度。

三十日記

行紅海中。寒暑表九十餘度。舟甚平穩。時有西北風從舟尾送來。人頗爽適。

五月丁丑朔記

午刻寒暑表九十餘度。船行甚穩。時有微風披拂。人頗暢適。紅海皆藍色。並無微紅。舊說所稱有小蟲數千百萬。皆紅色。又云海底有珊瑚映出紅光。又謂日光所照極熱而紅者。皆傳聞之誤也。

初二日記

出使日記續刻 卷十

至 傳經樓校本

午刻寒暑表九十八度。

初三日記

寒暑表如昨日。水深綠色。未初過流淚門。流淚門者。紅海之口。一面碧靈島。一面綠地。相夾而成者也。舟入亞丁灣。向正東行。戌正抵亞丁。

初四日記

辰正啟輪。夜間頗涼爽。舟微蕩。

初五日記

風大。甚涼爽。然舟已蕩矣。入夜舟蕩尤甚。如是者四夜三日。余與同人皆不欲飲食。

初八日記

風稍息舟稍平然仍泥濘莫定

初十日記

亥正抵錫蘭島之科倫埠

十一日記

巳正登岸遊大花園及卧佛寺酉初回船酉正開輪舟仍泥濘未定

十二日記

舟微蕩如故

十四日記

出使日記續刻

卷十

善傳經樓校本

清晨舟始平申初見羣山錯峙橫互於船東南面者蘇門答臘島也酉初北面又有一島曰渭島綠樹葱蒨可愛與蘇門答臘相夾舟行其中酉正蘇門答臘島始不見

十六日記

申初到新嘉坡總領事黃公度率隨員那三等來見旋以馬車接余至領事府憩息夜設筵席至十一點鐘始回船

十七日記

辰正開輪

十九日記

午正抵西貢招商局員道銜張需霖字沃生者來謁以馬車接至其家小憩導遊大花園駛往隄岸市鎮縱觀全街復回沃生家設宴款客直至子正冒雨回舟法屬西貢六省每歲由西貢出口之米約一千萬石可得米價洋銀一千八百萬員法人收米稅一百二十萬員其六百萬石運至香港銷流中國粵閩等省種稻田者多係潮州人而土人甚少東埔泰國已歸法保護兵權餉權政權多入法人之手其王與匹夫無異法人日給洋銀一千員為王養老之費每歲約需三十六萬員

出使日記續刻

卷十

善傳經樓校本

王死之後恐須停給

二十日記

晝赴華商李常之約在其家宴飲夜赴隄岸穗城會館應閩廣五幫商人之招設饌款客甚為殷勤

二十一日記

辰正開輪旋入中國海共行三日無大風浪

二十四日記

寅正抵香港口外停泊以香港有疫氣不進內港亦不許人登船酉正開輪

二十五日記

風浪較大船頗顛簸

二十六日記

寅初風浪極大行船頗險又在西貢已聞電信知呂宋陡發颶風計期今日當過臺灣以北洋面而至東洋遙望東北雲霧窈冥若復駛船前進恐適入風界之內而大洋又不能拋錨乃減火緩輪隨風微動卯初又撤去全船布帳以減風力然船尚異常簸蕩船外高浪萬疊如駕山云辰刻以後時逢驟雨亥初始添火展輪冒風前進

二十七日記

出使日記續刻

卷十

美傳經樓校本

風濤洶涌船簸蕩如昨日午正後駛出閩洋入浙洋風浪頗減三分之一日光稍稍透露酉正過余山風浪仍未見平戌初過鎮海口外之遊山七里嶼招寶等山其東則岱山金塘等山連延不斷亥初停輪避雨大雨終宵不止

二十八日記

寅正雨稍止乃展輪卯正暴雨復至又停輪午初雨止展輪未正抵吳淞口家人以釣和小火輪來接酉正抵上海暫寓天后宮

出使日記續刻卷之十終

使臣之職安內和外自古與將相並重今泰西各國尤

視爲專學往往世爵貴紳屈身參贊等官以資歷練其

選轉升擢不出是途外部首相多由此選故其使臣類

能爲國宣勞權利日擴中朝自簡使出洋以來輜車絡

繹而識者推不辱君命之才必曰曾薛二公奉使英俄

皆天下莫強之國會公索還伊犁力改原約薛公籌議

滇緬分界既得科干等地並收回車里孟連兩土司全

權蓋自中西交涉議界案起奉命之臣能不自感地者

已歎况能拓地千數百里之廣扞衛邊圉此非忠誠智

力決服遠人不能折衝樽俎如是也惜乎當事不察約

出使日記續刻

跋

一傳經樓校本

未逾年遽以車里之孟阿南北讓給法人英人起而責言悉改舊約已得之地仍歸於英且償以西江通商之利而公回華未久積勞前卒已不及見矣中外臣士未嘗不爲

朝廷痛惜也公與家大人鄉榜同年公之三子慈明又

爲林一妹婿今年七月慈明既刻公之奏疏公牘復哀

公前所未刻日記悉付手民公嘗議續瀛寰志略分飭

隨員繙繹泰西地志已十得六七而摘其大略於日記

之中觀公所記當日議界一案考地之精詳持論之堅

決操縱上下蓋心力交瘁僅而得之惟能明地勢審敵

情故應機決策不爲所蒙此公所以措施之本也林一嘗有五洲屬國志略之作而苦聞見不詳不備今得觀公之記補所不逮則又林一之所私淑而恨不獲就正於公者矣光緒戊戌八月年姻愚姪沈林一謹跋

出使日記續刻

跋

一傳經樓校本

孫寶瑄字仲輿錢唐孫子授侍郎詔^經之次子慕韓總理寶琦之胞弟李葆荃
判軍滿章^{以陸生內分部主事}之女夫生於同治甲戌與余同歲甲午平壤喪師上書主和謂晚明恥與本朝言
和以致亡國為主戰派所訶奉母出都屬滬八年四都查分工部行走長沙張文達公賞之
派編書局文達長郵傳調充庶務習主視後與陳兩蒼書不合拂衣去又入大理院民國初
尚寧波汝閩監督致於任年五十有君幼而好學教九家事皆慕韓料理多極書供其
別覽同時師友皆績學幼則之士故所得宏富終已以前好讀宋儒書研義理之學以後
之覽史鑑於歷代興亡得失及典章制度之沿革遠近究其大凡又喜誦漢魏六朝之文賦居
滬後獲交章太炎貴梅香嚴我道諱杜飛梁任之及德仰蔣觀雲汪穉仰歐陽石芝即
一我諸君徧涉諸子百家旁及釋道家言又習日文凡新譯東邦書無不讀尤注重政治哲學
於清代六部服膺梨洲之學齋故曰心時事嫉朝政之不綱主張民權進為君主立憲佩太
炎之文字而反對其逆滿論但未嘗不主革命嘗讀明史謂山王振江直劉瑾嚴嵩魏忠
賢之跋扈當時權強兵凶孫承宗者倘與晉陽之甲入清君例即孫君黜之亦不愧於名
教病至膠執程朱之說拘守名分太過云云可知其思想進步之一斑矣君於癸巳年始為日

記每年一冊未曾開刻今僅存卷已甲午合一冊戊戌一冊辛丑一冊癸卯一冊丙午丁未戊申各一冊
共一冊計戊申以前七錄已而以西報世者有十 冊均於杭州兵燹中失多君極佩李文
忠甲午之戰主和而反對占俄訂密約庚子以後深知文忠之聯俄有救國之苦心又佩項城
之雄才謂其贊皇主憲有功於國家惟以日記中對於項城罷斥之筆不知辛壬以後其論
如何君之論事論人論事皆平心靜氣不執成見不老空談山蘇浙亦有拒款築路一事
此倡彼和粗於致亡國亡之說君獨引之國已事為鑒謂借款築路亦非夫策可謂朝陽鳴
鳳日記中於友朋酬酢家庭瑣屑以及按法押邪諸事多不據實直書絕不隱飾蓋君固
以毋自欺為宗旨者也君之姊為余姊岳夏厚菴先生敦復^之姪^也余以姻^也稱之每入都必往
來談話^也為莫逆國變以後會函甚稀今日於彭燦零屋中溫其緒論斯誠克緒以
來讀書明理之君子矣辛巳十一月盡葉常棣識

孫仲瑜君之日記十二冊予因向中央圖書館借閱之
披覽不能有所貢獻於此概略如下

仲瑜為侍郎孫子授治經之次子侍郎學問淵博有名於
晴友子慕韓 寶琦 在袁世凱政權時代做過很多很大的官是

一個胸無主宰的官僚其品格與顏惠卿相似并與慶王顏
惠卿袁世凱都有甥親關係而其弟仲瑜交游極廣因淡於名
利之故做官並不顯達仲瑜日記共十二冊但中間缺的很多光緒三十
四年冬之後(即光緒帝與西后那拉氏亡之後)而冬日記之查此所存
之十二冊乃合眾國中館之鈔本也日記者有葉揆初先生的
叙言極其允當惟有些微不同之意見如下

仲珍資質很高又有精詞論記之能力其學識上之成就似亦大有可觀惜乎生於世家衣食豐足又不幸為合肥李鴻章之婿對於甲午朝鮮以考日之歷史全不瞭解竟稱朝鮮並字東學黨之事實而謂東學黨者乃袁世凱杜撰之名稱以欺騙李鴻章而鞏固其自己之地位並甚感稱朝鮮國王李熙之父大院君李正應為正人君子而不知乃賣國於日本之~~也~~一段歷史也昔光緒甲申年李正應在勾通日本之領事領事派兵竟入朝鮮王宮意圖擒拿國王李熙及王妃閔氏幸~~幸~~袁世凱所偵知~~知~~領兵入王宮保護而宮內已有日兵閉門拒守世凱之兵攻

入王宮將日兵擊破招將回王及王犯枝出暫住兵營
 日領知失敗遂不承認有派兵入宮之事李鴻章於
 事後亦聽日人向謀之言心疑世凱有意假與學遂奏
 派北洋公辦大臣吳大澂^澂前往朝鮮查辦查出實在情
 形完全由於大院君李昱之勾結日本領事之所為而日本政
 府亦^點認日領行者之不肯撤差回國另換別人^{皆官}
 文書中兩因載之事實吳大澂^澂回國後竭力保舉世凱
 并其世凱結見^女刑親(袁克定即娶吳大澂^澂之女)而仲琦^琦
 犯極大之錯^誤不啻把自己一生的學問名譽完全燬滅矣
 至於其他政治知識亦似博而不精太各主筆其最在上海而認^神而服

膺者為上海人宋燕生及次經甫二人也二人對於政治知識及其主張皆極淺薄而可笑較之梁任公等太炎廢幾道均不能比擬仲珍與太炎性素頗必而對於太炎學問並多所得也撰論人極其平恕中有云現存日記中對於項城罷斥之年不知平任以後其論如何又云今得於劉謙堂壁中遇其緒論勸誠先備以未讀不明理之君子矣善。從長誠為確論蓋論何人皆受時代環境之支配不能以現在之眼光評論數十年以前之人物也

此大劉厚先生借閱所記時年分有一一九五三年二月廿百

梧竹山房日記

癸巳十一月初二日晨陰日中晴晝晷短極倏忽已昏暮

晏起讀左傳晡閱明紀夕讀謝希逸月賦觀郭景純遊仙詩左
太冲招隱詩及謝康樂諸紀遊詩

初三日晨微陰俄晴余具衣冠往謁房師戴少懷師為今科薦
卷受知者既見歸吳修兄徐博泉適來寓未去溫左傳晡閱明
紀兼閱明史徐達李文忠胡美茹太素等傳夕讀月賦成誦閱
顏延年應詔觀湖北田收詩至劉公幹贈從弟詩是晚風甚

初四日晴起聞僕人言市將刑人其一男子惑婦言忤母母服
毒死斬決其一婦人與叔通殺其夫凌遲余聞而慘然俄陸冕
儕過坐未久去請左傳至崔杼子之死不禁捧腹日中陰晡日
光微透復悔觀明紀兼閱明史李善長陸仲亨費聚等傳夕讀
孔德璋北山移文詞旨清朗文采明麗觀陳思王贈徐幹等詩

及茂先士衡彥升贈答諸詩風火甚夜深寒氣凜冽

初五日晴風猶未息讀左傳晡閱明紀兼覽沐英藍玉傳傳友
德等傳風始稍靜夕仍讀北山移文觀謝康樂登江中孤嶼等
詩數十首

余謂太祖之薄待功臣殆過於漢高沛公雖猜刻然殖醢信布
罪止三族若太祖芟夷勳舊株連累萬人何其殘與郭德成嘗
醉伏上前帽脫髮種種上曰醉風漢髮如此非酒過耶對曰臣
猶厭之盡雜乃快太祖默然蓋隱刺其心矣

初六日晴余兄弟晨詣長椿寺作佛事永日蓋先子忌日也歲
月不居忽已三年追憶庚寅歲之今日作何如情狀不勝悲感
是日賓友謀至有拜已即去者有坐良久始去者有飯後去者
有連暮始去者甚覺喧闐夜尚有缺口余俟三鼓乃歸是日詣
寺中未攜書去悶甚因檢老僧榻畔有書數卷曰禪林寶訓覽

之其有意趣其與儒門相通者甚多有云巧梓順輪軸之用枉
直無廢材良御適險易之宜駕驥無失性又云桂植中途必無
經時之翠蘭生幽谷終保弥年之丹蓋其篇中俱為任持叢林
者戒故治己治人之道皆備幾不遠於聖人之教

初七日晴晏起錄日記讀左傳數葉已日中飯後閱明紀第六
卷畢太祖已崩惠帝嗣祚燕王桀驚不可制而建文長者懦弱
無斷為之掩卷太息兼閱王弼馮勝等傳又觀太祖本紀又月
明如畫風大作讀北山移文成誦觀陳思王美女篇暨白馬篇
又陸謝樂府及綦綯諸人挽歌又觀王貽上詩

初八日晴微風晏起錄日記俄頃介軒過坐良久去已日中飯
後詣嚴肆欲購四庫未收書目不獲歸閱明紀第七卷畢觀燕
王殺戮之慘不勝髮指夕請離騷經及仲宣公幹諸人雜詩二
鼓寢月猶未落

二

官

初九日晴曉起約冕儕具衣冠偕赴市觀秋決值囚車方出犯者約十餘人衆蜂擁至入其南有囚棚止焉其東北復有棚南向狀如屋脊監刑者所居也旁有小棚祀刑具俗呼曰神器自明至今數百年殺人無算血跡斑然似鈍甚而用之若新發于劍亦奇物也是時刑部各官併至執事人布滿衢路執戟數十人皆立而待云候旨蓋凡部臣具獄上其生與死猶候上意故必俟旨降乃決須臾羣呼曰至矣則見警蹕者前趨有監刑牌清道牌數對中一美少年不知為何許人朝服輕騎端奉黃篋徐徐行繼一老者服乘如前從之其後有朱輪二皆刑部長官既至棚咸降車入南向坐餘執事官旁立冠裳齊整書吏唱名衆擁罪人出前跪報名訖牽而東衆皆隨之俄頃惟呼而西一人持首級血淋漓趨而前報首級到於是吏復唱名如前如是者凡四而畢然其後三人皆絞唯前一人獨斬蓋其犯較重也

餘得生還者六人時衆皆散余及冕儕亦歸入中厨窺水甕中影云祓除不祥

午後偕仲驥駕小車出廣安門遊天寧寺寺有古塔高矗雲端猶清時所造塔之北有銅佛亦二丈餘應試舉子率以青鈿擲其手以卜中否習以為常塔之西為寺正院堂宇深邃庭植白皮松數本蒼鬱可愛迤而北曲折行入一曲院登高臺有小閣數椽閑靜無塵濁氣啟窗可以遠眺余挾詩一卷高吟其中樂甚其西有小山寒林古木繚繞其次春夏間必有可觀者自西階下一鹿居短籬中憶秋月間曾偕履平地山遊此納雜花敗草飼之今皆枯盡鹿不得食矣遂出其東南有別院靜閤無人廊宇樸雅凡榻皆精潔小坐片時不啻仙境其西南有小堂東向堂後有短垣啟牖望之則天低野曠西山歷歷在目又有遠樹含烟茆屋數家疏密可繪迨則田疇十畝而隆冬更無青草

三

洗然平淨亦有別趣須臾暝烟四起余偕仲基遂相與歸是夕月倍明讀離騷經及陶彭澤雜詩謝康樂望所違客詩

初十日晴晏起錄昨日記仲基來書舍中小坐余與觀客歲在杭以及過蘇抵滬諸日記中敘西湖之勝及留園頤園愚園等遊行之樂其景物如在目前偶一繙閱可以排悶須臾已日中余甥水孟庚來視余余與午飯晡覽明紀及紀事本末會大哥自東城歸曾至汪柳翁為余謀萬壽慶典差速暮孟庚始去晚讀離騷經及九歌之東皇太一章又讀司馬長卿難蜀父老雄直之氣瑰麗之辭卓絕千古又觀謝玄暉和王著作八公山陸士衡諸擬古詩是夜寒甚月色朦朧

十一日晨晴止潛過坐須臾即去云與子頤出沙門視粥飯余苦讀性鈍舊書重理皆艱澀不能成誦故於前年曾揀擇經書中精粹之語溫麗之詞隨手摘錄頗無恆性或斷或續至今日

始成一帙蓋五經皆備焉因題曰經籍膏腴晡覽明史紀事本末開國規模篇下晡陰霾四合若欲雪然夕月稍露甚闇仍讀難蜀父老又誦江文通禱體詩及王昭上古體詩

十二日晴曉起觀昭上詩詣余師漱蘭先生不遇乃入城至李新吾處探其夫人病坐良久歸已日昃會陸勉儕來邀仲基及余東至大柵欄觀劇既至以齋戒日罷絃吹悵然欲返遂南至仁錢館訪夏粹卿粹卿適觀洪北江伊犁日記又以錢謙益列朝詩選示余云已散失今搜輯尚未全也須臾余欲還渠亦至官菜園看屋遂俱與西余先歸頃之粹卿亦至坐談詩良久去覽明史紀事本末削奪諸藩篇是夕月明虛幌玉宇空淨如洗讀屈子九歌九章及宋玉九辨招魂劉安招隱又觀江文通禱體詩王昭上詩

十三日晴天子於巳正詣天壇宿齋宮以翼日冬至將有事於

園丘也余晨偕仲基及大哥詣正陽門前義和公綢緞鋪自牖
竊觀始則車塵颯沓人聲沸天數有赤衣乘馬者懽呼騰躍而
過云皆天子輿人沿途換班者頃之翎頂補服乘馬過者不計
其數既而戒道者至聲漸闐寂各塵閉盡闔路畔惟見戎衣佩
刀者旁立無算又頃之遙見一曲柄黃蓋迤邐來其後有負長
刃者佩弓矢者數十人咸侍衛乘馬左右整肅徐徐行俄乘輿
至昇者三十二人後從騎無慮數百匹冠服不一又豹尾槍大
纛旗皆天子鹵簿也既過市中人蜂擁而出喧闐如故余與仲
驥大哥等遂相與歸
飯後整治書帙碑版移徙厨几畢日已薄暮微陰夕月復明而
暈懼有風闐明史紀事本末燕王即位建文遜國壬午殉難諸
臣方孝孺鐵鉅景清等死事最慘烈讀王貽上詩至蠡勺亭觀
海早眠以夜將至天壇觀典禮也

十四日夜分起月亭亭清光可愛其衣冠乘車偕介軒仲基適
堂暨大哥由珠市口出詣天壇約二里許路砥平燈火歷亂唯
聞車聲馬蹏聲襍還不絕須臾至入其西外扉一望寥濶林木
慘疎人影在地有青布幕無筭皆各署長官止息之所鞍馬布
滿遂入其內門迤而南不數武有迴廊赤壁云即齋宮牆循牆
曲折行過一石橋復南行數十武始抵壇門既入皆長松翠柏
夭喬盤擎微風動清香芬鬱又曲折數四有雙石扉相向屹立
其南即園丘北黃穹宇也遂入其南出壇後遙見長木三懸燈
火搖映仰視壇凡三成中祀大明夜明星辰風雷雲雨最上則
皇天上帝旁祀列聖配位皆布帷燈燭青瑩遂登而徧觀其祭
品乃下是時孤月斜轉衆星寥落四顧清曠良久冠裳雲至樂
器羅布執事者皆集介軒以講官應陪祀遂前五余數人退避
西偏遙而望之俄見燈火前導迤邐入又久之鼓鐘皆鳴樂作

五

燔燎光噴起不絕禮郎讀祝聲遠聞然皆滿洲語嘔啞不可辨時月微晦北風慘慄頃之四圍燎光皆起燭天俄見介軒暨諸陪祀官皆散余數人亦從之復循故道曲折行良久始得出各登車歸東方未白仍伏枕眠

日高始起風猶不息觀南北史午後觀明紀事本末及明紀永樂二年三月選三甲進士文學優等楊相等五十餘人及善書湯派等十餘人為翰林院庶吉士今則殿廷考試專取善書而文學優等與否不復問矣是夕月復明讀枚子七發又觀漢武諸詔潘勗冊九錫文任彦升宣德皇后令及王昭上詩

十五日沈陰黯黯有雪意閱南北史晡覽明紀成祖道中官將兵四出初建文帝御左右嚴成祖北來中官竊出漏京師消息成祖以為忠于己即位後遂委以事權嗟乎成祖以一時淺識徧見遂啟一代禍亂之階抑何其不仁也夕月復明讀枚子七

發觀傅亮修張良廟教及王融等諸榮秀才文

十六日晨日光微闇天色黃大風寒覽南北史日中開朗聞余兄暨仲基均在廣和居酌飲余亦踵往則何遜蕃夏粹御方嘯霞樊濮兩公皆在乃大醖啖畢遂歸閱明紀成祖殺陳瑛紀綱二人事為之快甚夕月出稍進讀枚乘七發及孔北海薦弥衡表至李密陳情表

十七日晴曉起詣漱師處坐頃之又有曹某來謁遂共坐痛談近來朝廷紀綱之頽以及士林風氣之壞太息久之日中歸飯後閱明紀下晡余具衣冠詣止潛處蓋止公於是日釋服升衽晚在江蘇館設醪款客余亦与焉飲畢各散夕覽陸士衡讓平原表是夕倦甚不樂久坐

十八日陰雲驟起閱南北史日中約冕儕來共午飯畢同往慶和茶園觀劇余素性好絲竹雖非知音而聽之忘倦最喜徽

曲尤愛其老生謂其仁唱三教有激揚慷慨淋漓悲壯之致若
遇忠臣孝子事則尤能感人薄暮歸夕覽明紀仁宗踐祚倚任
二楊蹇夏虛懷納諫大非其祖父可比又觀劉琨勸進表至任
彥升為范尚書讓吏部封侯表天色猶未開豁

十九日晨積翳未散日卓午晴粹卿過頃之渠暨大哥咸赴徐
博允之約余飯後詣署當月同事者為滿人榮斌既至署亦無
他事惟詣監印處監用堂印又至堂官前畫押畢散署遂至李
新吾處新吾云杏孫令弟謀出洋事可望成坐良久日已薄暮
大風遂出城復謁沈蘭師談陝西查辦事甚詳頃之歸過市燈
火爛然夕覽明紀宣宗立復觀任彥升為蕭揚州薦士表至為
范雲求立太軍碑表二鼓眠象星歷歷斜月東上
二十日晴風閱南北史飯後閱明紀晡余詣朱桂卿兄處小坐
為余診脉云左脉較前頗健唯脾胃脉仍稍弱遂索前擬丸方

余適忘携去辭以須歸即奉上頌之復至沈萼孫處遂返復閱
明紀是晚連聰肅要余及余兄仲基等酌飲仲基等咸往獨余
辭焉暮侍母親晚飯風息夕讀枚乘七發觀李斯諫逐客書及
鄒陽上梁王書又獄中上書漁洋山人詩

二十一日晴天氣和暖晨書對聯數幅午後覽南北史晡閱明
紀初太祖不令中官讀書識字又曰內閣官但備使令無多人
又曰勿令有功有功則驕恣至成祖時即令中官將兵而聰選
教官入內教習及宣帝立遂建內書堂改刑部主事劉紳專授
小內使書復增至四五百人翰林官四人教習於是始通文墨
掌章奏竟有擅傳旨者古今事前後相反往往如此
給事中戴綸於成祖時侍太孫太孫好遊畋綸具疏為成祖言
之後上問太孫宮臣相得為誰太孫以綸對因出奏付之太孫
由是怨綸及即位綸卒不免於死李時勉曾觸怒仁宗宣宗怒

七

召而親鞠欲殺之罵曰尔小臣敢觸先帝疏何語趣言之時勉叩頭曰臣言諫閣中不宜近妃嬪皇太子不宜遠左右帝為之色霽遂以為忠由是得解人情偏私有如此者可發一笑

暮方哺霞約晚酌余偕仲基方出門見一老馬頹瘠骨立一老僕夫在傍曰此張宮保即張之坐馬也自關外來者仲基曰宮保升天矣余笑曰斯真可謂淮南雞犬遂至哺霞處須臾羣賢畢集既坐甘脆嘉珍咸備飲盡懽乃歸

夕讀枚子七發又觀諫吳王書有云銖銖而稱之至石必差寸寸而度之至丈必過石稱丈量徑而寡失故凡吾人論議學問之間須務夫大者遠者善為奇論細辯宜日形其不足也又觀江文通上建平王書

二十二日晨晴與雲覽南北史

王宏之為桓謙參軍般仲堪還姑熟塾送者傾朝謙要宏之同

行辭曰凡祖離錢別必在有情下官與般風馬不接無緣扈從
此可為今之世俗人戒

午後厚盍過訪適余兄方趨署與余坐談良久去下晡天忽晝
晦覽明紀初黃福治交趾得民心後召還及黎利反帝復遣往
未至柳升為黎利所敗福走難陵關為賊所執欲自殺賊羅拜
曰公交民父母也公不去我曹不至此黎利聞而歎曰中國遣
官吏使人人如黃尚書我豈得反哉然則自古邊圉之啟釁寇
賊之萌芽未有不由於官吏之失人也得人而治而又吏調豈
不可惜

夕寒星滿天讀上發又觀任彥升奏七夕詩啟至奏彈劉整又
觀漁洋詩

二十三日早晴覽漢書藝文志及陳涉吳廣傳暨南北史日向
午晝忽冥晦飯後子頤約余及仲基至慶和茶園觀同春部水

一齣有老生名叫天者亦名優也音喉宛轉激楚抑揚有致惜已燻黑不能卒聽急歸時介軒止潛博泉冕濟皆在為骨牌之戲燈燭輝煌須臾陳果者譙飲盡歡而罷

仲基云十四之夜在天壇樂作時有大星東南方貫光芒閃灼適余亦見之然不為意至昨晚始聞浙撫崧鎮帥駿於二十日卒官蓋去星宵日繞七日也仲基謂此事甚奇前聞張朗帥卒之前數日亦有星宵之異古來如此類甚多不得謂天象竟無憑也

夕觀沈休文奏彈王源至陳孔璋答東阿王牋是日腹瀉三次倦甚

二十四日晴覽漢書項籍傳作讀項籍傳書後

余幼時讀項籍傳烏江之役至天亡我我何渡為為之悽然淚下以項王將百萬之衆戰無不勝攻無不取卒有今日不弟籍

不自信抑亦千載後讀書者所不信也雖然籍之敗固當獨惜其嗜噫咤叱氣冠三軍湛缸破甑而破秦鉅鹿百世下猶有生氣焉乃亦困頓窮迫不能自脫如此為可悲耳

日中大風覽南北史暨明紀下晡詣冕儕縱談須臾粹卿亦至談洪北江賜環事及中外通商情形頃之梓泉自江蘇館歸遂在彼晚飯畢介軒亦來

夕歸覽吳季重荅魏太子牋至阮籍詣蔣公奏記風猶未息復觀漁洋詩

二十五日晴覽漢書陳餘張耳傳天氣和煦有早春意晡覽南北史及明紀

初太祖十五年廣平府吏王允道言磁州產鐵元時置官歲收百餘萬斤請如舊帝曰朕聞王者使天下無遺賢不聞無遺利今民生甫定復設此必重擾民之流海外後宣宗三年錦衣指

九

揮鍾法保請采珠東莞帝曰是欲擾民以求利也下之獄可謂善法祖訓

宣帝四年陳瑄言濟寧以北自長溝至棗林淤塞計用十二萬人疏濬半月可成帝念瑄久勞命黃福同往大臣督漕運自此始

明故事官吏有罪不問輕重許運輒還職至是御史王翱請犯贓吏但許贖罪不得復官以懲貪贖帝從其請未幾有贓吏納米贖罪者吏部請降一級用帝曰納米乃一時之權宜懲貪為立國之大法遂詔文吏犯贓如律科斷罷贖罪例今之朝政有類此者惜不得御史如王翱者言之耳

宣宗用顧佐為都御史任事歲餘姦吏訴佐受隸金私道歸以帝以問楊士奇對曰中朝官俸祿薄僕馬薪留資之隸道隸半使出資免役隸得歸耕官得資費中朝官皆然臣亦然帝歎曰

中朝官貧如此由是得解此蓋明時相沿之習如近來官京師者輒受外官別敬炭敬亦此類也又如各省學政鄉試考官所得之贏餘皆非公法然亦無傷大體余每愛古人之度量恢廣為不可及如韓魏公有玉蓋絕寶也每召客特設一席置之一日吏誤觸碎之惶恐伏罪琦徐曰汝誤也非故也何罪之有夏忠靖公吏污所服金織衣曰勿怖污可浣也此皆是令人愛敬或問忠靖量可學乎曰吾幼時有犯未嘗不怒始忍於色中忍於心久則無可忍矣

是夕余兄讌客余及仲驥不與焉讀七發及太史公報任安書又觀孔北海論盛孝章書朱浮為幽州牧與彭寵書陳孔璋為曹洪與魏文帝書

二十六日晨起晴頃之忽聞晦寒甚余更燒獸炭覽南北史方
一。 嘯霞未坐頃之去日辰始稍開朗頭忽脹手足厥冷乃雍頭畢

脹如故倦觀書遂至厚卷處坐良久復還至冕儕處頭脹不可解會大哥暨仲基偕來余先歸已昏暮始覺發熱早眠

二十七日晴熱未退不能起

二十八日病愈甚夜輒魂夢顛倒桂卿來診云冬瘟尚不甚重

二十九日新吾來候桂卿不至延梁醫來診服其藥

三十日梁醫復來視云是瘟疹急擬一方已服其二煎晚桂卿來云梁醫非是宜用石膏勿耽誤也遂復服朱藥

十二月

初一日晴祥潛來視余小坐即去始延葉 診服其藥自此日至

初二日終日陰

初三日早陰午後晴

初四日晴新吾來

著卷記

梁晉林 庚度精
黃吳年廿四
入都歷比開為
施修吳為余
桂林祖

初五日晴下晡熟睡中偶成一聯云其中有磊落不可塞之懷
常迴往於周秦而下漢唐而上思得數十名賢相與醞釀琴書
從容杯酒此心有依徊不能置之概常睠顧於深山之東大澤
之西覓得一椽老屋以此優游形迹頤養精神晚桂御聰肅俱
來診

初六日薄暮新吾與陳級三同來昏黑始去

初七日晴自廿六日以後胸中煩腥夜寐不得安自服葉朱兩
兄方屢用石膏參鬚等藥至是始得小瘥晚陳菊生自天津至
是日頗思飲食

初八日晴清晨購盆梅二本尚含苞未吐置南窓下饒有生趣
晡觀漱師挽王可莊七律十六首薄暮新吾來

初九日晴觀湖山草堂圖趙松雪晚年行書午作字為戲母親
不許命屏去筆硯

初十日早陰俄即晴病大有起色惟作咳不已

十一日曉旭光可愛時聞鳥聲襟懷豁然讀司馬子長伯夷管晏屈平三傳又觀歐陽文忠豐樂亭記頃之又讀唐詩午着衣起坐觀漁洋山人詩十數首俄復登榻小眠復觀唐詩是日咳小愈

十二日晴暖坐榻上讀外戚世家序高祖功臣侯表秦楚之際月表項羽本紀贊五帝本紀贊俄又讀歐陽子秋聲賦心境為之灑然午觀張雪鴻竹石卷蔣南沙梅竹卷老幹橫斜蒼潤之色瀟灑之神玩之不置哺起小坐旋即登榻薄暮新吾來坐未久去是日精神甚爽

十三日晨披衣起靜坐久之窓前茉莉花放微香撲鼻日卓午誦唐詩俄觀新吾處假來楊子鶴山水花卉畫冊神韻骨格無不引人入勝中有一冊繪松風澗水圖覽之不覺釋卻凡想餘

梅蘭竹菊皆神味超然真名畫也既又觀漁洋山人詩暮桂卿
來診云病勢已大減

十四日曉咳吐痰俄起視痰中微有血絲甚驚訝須臾陳菊生
來示之渠謂此瘟病後往往有之無妨既診脈云已平靜惟陰
分猶稍虛宜培養頃之葉

來其言與陳大同小異午日光
滿室微風余下榻小步至南窗下看梅花復還坐榻前姑稍食
飯畢讀漁洋山人秋柳詩及姑蘇懷古三首深情遠韻極往復
之致俄又觀唐詩因憶彭剛直登泰山有集唐句聯云我本楚
狂人五嶽尋山不知遠地猶鄆氏邑萬方多難此登臨數語沈
雄豪放想見其為人是日步履稍健

十五日晴晨起讀吳梅村七古觀國初三家山水首王石谷次
高澹游次無名氏畫筆皆足相敵午後觀張桂岩山水皆蒼勁
可觀尤善着色烘染幾無筆墨痕又觀馬文璧秋山紅樹圖夏
一二

覽楊子鶴山水愛之不忍釋俄接讀叔父家言知得松港五釐局差慰甚暮購三國演義燈下觀之排悶

十六日晴晨作書与濮止潛欲取還禪林寶訓適止潛入城未歸也午後誦梅村七古圓圓曲俄作字為戲臨趙松雪晚行年書既又觀漁洋山人詩

余此次卧病舉室惶懼母親及大哥尤甚既余稍瘥而大哥忽咽痛發熱母親亦病喉身痛幸陳菊生朱桂卿更相診視不數日咸有起色母親刻已大愈唯胃氣尚未開余兄亦瘥第未能下榻耳隆冬早乾久不得雪一時受此疾者不可勝計余其稍重者早晚止潛道人送禪林寶訓來

十七日早陰日光時露余坐窗前理髮讀吳梅村七古始聞許星翁之沒於前月廿九夜今已半月餘矣因命僕持邸報觀之郵典甚隆重兩子長賜郎中次賞舉人賜陀羅經被賞銀二千

兩遣貝勒奠醊余謂吾杭鄉老中又少一人矣既復詢之僕始知孫萊山調補兵部尚書薛雲階遷刑部尚書午後沈陰觀暉南田畫冊作字為戲又讀梅村詩

十八日曉覺紅日滿窗起觀宋景濂閱紅樓記劉青田司馬李主論及賈柑者說俄坐窓前吸淡巴菰酌茗日光射地暖甚梅開數萼微有香命僕持自余病後二十餘日邸報閱之二十八日御史鄭思賀奏各省州縣不宜輕易更調近數年久不聞此等言語真高岡之鳴鳳也已奉旨着吏部議初三日上命徐用儀入軍機學習行走初四日上諭三載考績國家大典近來各屆京察各部院往往有舉無劾殊失激揚之道嗣後着各堂官認真考劾如有庸劣不堪造就者即據實嚴劾勿得瞻徇情面稍事姑容十一日御史恩溥奏參捕務廢弛之將弁近來盜風日熾皆由於此是奏頗有關係復觀瑤華道人畫冊日中讀梅

一三

村詩俄臨倦舫法帖李太僕札復臨陳海樵札作書與新吾是日掃屋舍

十九日晴起食粥味寒具畢誦梅村詩虛虎丘夜集團長句閱郵報邀仲基入坐談仲基將南歸已定期廿二搭伴陸行相聚無多日矣仲基云已得徐筱雲書來歲或可得京餉差又得會面此不過暫別耳仲基此次捐同知分發江西坐良久去觀先祖日記自鈔病後日記日中啣鯽魚飯已觀王廉州山水畫冊每頁咸有自跋語畫圖超妙不名一體字亦帶烟雲氣每怪名畫家無不善作字可知書畫固相通也臨倦舫法帖聞新吾世兄秉庵於今早抵京復自鈔日記晚誦梅村九峯草堂歌及觀王石谷畫山水圖歌是日菊生來診云余陰分亦漸復

二十日早晴起浣漱畢會新吾送國朝別裁集來遂靜坐誦之宋嘉升題南陽旅壁有白云真人白水生文叔名士青山卧武

侯陳玉文發南陵詩秋從黃葉聲中老人向青山缺處行皆名
白也觀高西唐筆墨山水畫冊用筆天矯不羣布景皆奇絕出
人意表每頁皆有題白超然不俗予作大字臨畫像贊俄陰晦
雪花飄灑而日光不時露余笑曰可稱雪日交輝室人在旁亦
笑曰此時雪正與日鬥余謂此語趣甚急識之須臾秉庵衣冠
未醉容可掬蓋從聘師處飲酒來相見勞苦訖坐定始稍稍醒
雪大甚屋瓦盡白良久秉庵去對雪窓觀梅村詩草莫雪止燈
下覽先大父壬戌癸亥日記及復見心庵餘冬錄臨倦舫法帖
聞雪復大作

二十一日晨覺白光盪漾雪猶未止披衣起浣漱食早粥俄晴
霽半晌忽聞母親語聲則已扶僕姬手微步出後軒來余驚喜
蓋多日不見須臾至余臥室中坐談前病事悲喜交集日中復
還前室讀別裁集忽傳傅相處有人來餽室人年物數事飯後

臨畫像贊作大字日昃微闇俄即冥晦讀韓文復觀梅村集晚
仲基來作別因留共飯話良久出接到櫛珊兄書云已戒烟托
余購參為調養計余因作答書聞窗外雪復作

二十二日枕上聞僕人語雪故寸厚余驚起視猶霏微不絕頃
之仲基復入坐話良久因相揖慙慙而別寒甚讀別裁集張玉
函詠早梅詩淺瀨影疎人小立曲簾香動鳥先知詩有畫意既
詢之僕知仲基已登車良久飯後臨畫像贊天微朗雪不止俄
復沈晦新吾處送花燈來讀昌黎文即沈歸愚八家讀本為先
外祖舊冊每卷後皆有手蹟記某月日閱又或襟記陰晴自首
至尾墨筆圈點無一挂漏可見先輩用功之歎勤且有恆性斷
非後生所及復細讀畫覽子政列女傳俄余兄亦有與櫛珊書
送余觀之火哥日來中宵不寐忽覺京曹味如雞肋思改捐改
道員分發直隸因於櫛珊兄書中發之并道其所由且言有五善

語皆具書中然吾不知兄意果決否也覽筆并余書封入付僕
明交早去晚張花燈懸臥室中暉耀如白晝請母親兩妹來觀
皆坐歡笑小妹嬉弄解頤良久母親暨妹復還前室覽柳文憑
溪詩序等篇大雪竟日夜復甚

二十三日遲起瓦上雪堆五六寸日光微透復隱雪如故自鈔
日記午讀梅村集臨畫像贊余素能懸肘作大字頗善榜書雖
不工而縱筆奔放尚有豪邁之氣時輩頗許可小楷最劣且性
亦不近也讀別裁集秦泉南先生夏日閒居詩有云微風生秋
意雨氣在遠山良友欣然來小酌俱陶然語近天籟有柴桑神
味哺朗霽坐窗前觀堆雪獅讀陶詩晚閱邸報

昔有與名氏女子頗擅才譽工詩詞偶行橋上為絕對云人立
小橋形影不隨流水去苦思不能屬對以是病死後每夜橋上
輒聞人朗誦此語未幾有學使舟過夜泊其地聞之詢於舟子

一五

悉其故乃悟為鬼因為對云客宿孤艇夢魂曾自故鄉來此自其聲透絕此語傳之久矣余亦曾戲為對云客穿曲徑屐聲如逐落花來已而嫌其上聯形影二字以太悽冷近鬼語為改孤影云人立小橋孤影不隨流水去余下復為對云鳥來閒院低聲疑為落花啼亦佳聯也

是晚祀竈余兄弟俱不能行禮命厨子代叩閱柳文永州新堂記等篇柳最長於諸記曲折摹繪皆有生趣余最愛之

二十四日遲起天色晴朗風起簷下窗梅大開鈔日記午靜坐觀畫忽聞兩童子庭中偶語蓋每日來余家擔糞兒僕人輩戲令續成昨堆雪獅於是博雪刻形拮据喘汗頗解頤因憶客歲在里中偶與兄偕遊湖上兩童駕小舟皆十歲上下嬉笑癡態可掬問其姓其一自云姓沈其一曰我亦不知趣極俄頃其不知姓兒忽失足墮水中余一手挽出之至今憶之猶在目前也

飯後作大字讀陶集有云淒淒歲莫風翳翳經日雪傾耳無希
聲在目皓已絜頗有數日來光景晚覽先大父冬餘錄

馬少游嘗哀其兄援慷慨多大志云士生一世但取衣食裁足
乘下澤車御款段馬為郡縣吏守先人廬墓鄉里稱善人足矣
致求盈餘徒自苦耳又聞昔有詩云寧與燕雀翔不學黃鵠飛
黃鵠志四海中路將安歸具此等見解者自是一流人物然余
謂必其人智術淺短自問才不足有益當世學不足裨補國家
於是作為抱朴守貞之想深伏閭韜匿以獨善其身是則深於
自知不屑屑與知小而謀大力小而任重者比肩而伍亦豪傑
之所為也若其人學實足有補于國才實足有用于世而亦翫
歲愒日志氣衰墮甘自委廢將國是安寄生民安賴耶故少游
所言在少游則可伏波則不可耳

二十五日起浣漱畢日將近午讀別裁集新吾送盆花八九本

一六

紅梅碧桃月梅天竹四種室拉雜堆砌無可位厝因將紅梅碧桃送桂卿處留月梅置憶菴室天竹兩盆置余榻左右天竹與花垂子如櫻桃紅而小葉敷舒有致天竹月梅亦一佳對也日中大哥亦出房來余室談許久去哺微陰即晴磨墨作大字讀靖節閑情賦歸去來辭桃花源記五柳先生傳日暮靜坐晚觀柳文平淮西雅表桐葉封弟辯封建論劍門銘寄許京兆孟容書夜風

二十六日早起覽柳州文與蕭翰林倪書與昌黎論史官荅韋中道師道書末後論文自參之穀梁以厲其氣以下余謂柳文勝處盡此教語上段蜀日越雪皆憤世嫉俗語所以警當世也其與昌黎論史官意議正大較韓書為長午觀棗舫帖諸家書甚夥然余合意者少而趣態無不超然拔俗余亦能摹之奈僅得其形貌飯後燔獸炭雞頭少息閱昨來邸報周福清已定案

斬監候先是刑部奏擬杖一百流三千里為其與已成未中者
有別請從末減上不許曰科場舞弊例禁甚嚴該員輒敢遞信
函求通關節目無法紀膽大妄為命改為斬監候秋後處決
復作大字算子頤餽余板鴨醬豚各一晚秉燭危坐讀杜詩
二十七日早復觀柳文興州江運記四門助教廳壁記道州毀
象鼻亭神記零陵郡復乳穴記日中余潛步出戶至母室坐話
尋詣子頤謝昨餽物遂入視兒嫂皆小坐還至余書齋中凡几
榻茗椀筆研壓架之書護牕之竹皆宛然一如故態余衷衷良
久復旋臥室午飯僕媪輩以近年張燈施幕文以綺繡華美如
新婚時俗例如此蓋始婚之首年也晡作大字是日新吾處復
送燈來方絹繪山水頗雅晚復誦杜詩
廿八日晨起詢之僕人問杏孫來未云已遣車往迓蓋杏孫昨
日向午聞其已至乃出相見勞苦訖暢話時冕儕於廳日中復
一七

入午飯畢覽柳州始得西山宴游記及鉅鈕潭記等篇觀其鍊局之奇琢句之堅刻山繪水奇鑿瓏畫筆所不到寫石寫泉寫林木小石潭記寫魚袁家渴記寫風皆有神助又石渠記亦寫風云風搖其顛韻動山谷視之既靜其聽始遠袁家渴記寫風云每風自四山而下振動大木掩苒衆草紛紅駭綠蒨勃香氣衝濤旋瀨退貯谿谷搖颺葳蕤余正披覽神往忽風作窻戶間搖觸淒夏余瞿然掩卷聽之乍近乍遠其聲不絕余遂不敢復出磨墨作字晚晴畫報觀之讀杜詩

二十九日晴暖是日立春晏起早粥出詣前廳僕隸輩拭拂几案掃灑庭戶鎰繫垂赤鬚極易新聯氣象斬然適杏孫出何頌曰來坐子頤室余往見之渠亦病後強出尚未復原也午倦小憇起覽永叔文柳文幽崎奇崛多悲慨語歐陽則紆徐澹漾中正和易大雅之音也晡沈晦暮新吾來是晚祀神余兄弟衣冠

出將事祭品既秩三牲咸備乃相與獻爵焚香行三跪九叩禮
項之再獻禮如初又項三獻如初迺送神燎燔于庭爆竹震于
戶醴盞灌于地三揖禮成燈下仍讀杜詩

三十日晴稍積翳未消起詣書齋中杏孫不見願見其案頭書
泰山紀遊詩七古長篇讀之敘次歷落摹擬詭竒止何而杏孫
至蓋杏孫竟於某日過安州泰登山絕頂杏孫且言余在泰山
頂時更無他憶獨恨少孫仲愚一人蓋是日風色淒冷且日短
極易他人必怠且倦豈肯岸然不顧作此癡遊苟與偕則有阻
而無勸又安望其從吾行乎而吾遊興亦為之不鼓仲瑛則不
然此吾所以不憶他人而憶子也杏孫又極稱泰山之勝為生
平所未覩謂此次北來獨獲登泰山為最樂其他實與謂余亦
謂然時廳間已懸像陳設咸備飯後陰晦覽歐文王彥章畫像
記樊侯廟災記六臣傳一行傳昏暮編張燈燭祭品既列乃編

一八

拜六世祖像先考妣像禮畢乃向母親辭歲室人進歲燭獻茶
俄設燕母親中坐余進酒室人更進畢余辭出暨杏孫子頤月
塘大哥子頤世六人共飲宵余復詣杏孫談杏孫曰今夕盍往
鏡聽鏡聽者古法持鏡至竈間暗祝旋其柄隨所指方持鏡往
竊聽人家語以下來日之吉因為余言國初崑山三徐科甲最
盛三人未第時於除夕之夜竊出鏡聽其父愚之因戲拱手賀
曰恭喜三鼎甲三人亦不為意遂出未數十武忽聞兩醉漢行
相譖竊聽之一人大言曰嗤兒子乃翁語不差三人竊喜歸其
後果一狀元兩探花符前兆又國朝黃檝其未達也嘗鏡聽則
聞一人家似將祀神婦問其姑曰宰黃雞乎宰白雞姑曰宰黃
雞檝始聞不解其疑焉後卒為相國宰天下二事皆見熙朝新
語杏孫為余述之可謂善於選言

光緒二十年甲午

正月丙寅

初一日己卯元旦試筆口占七律一首隆隆竹爆催銀曙隱隱
羲和麗赤霞案底猶燒除夕燭炮邊新放早春花墨烟灑作吉
祥字槐火煎成安樂茶陸放翁詩莫年常苦睡况是草塘初起
候一庭瑞色倍添華是日早日光微見午沈陰速暮夜又書七
律一首贈憶菴就寢時風大作

初二日風靜晴和天色明淨介軒來晤午接新吾字云昨接閣
報家君得官保銜家叔得三眼翎又送來傅相與大哥賀歲書
并饋炭儀三十金甫新吾世兄來云今午入內觀筵宴談其狀
云天子中坐諸大臣皆旁跪陳果青積數尺許皆不能食頃之
忽傳天子退皆紛紛攘掬克然懷袖殊可笑俄秉庵去覽歐文
猶記今早大哥與余談詩謂古風雖不拘平仄任意揮灑而亦

甲午

一九

有一定音節試觀聲調譜每詩一句中或一字兩字必有萬不能不平萬不能不仄者皆有細圈誌出可省驗也余始不解今晚覆案杜詩細細驗之頗有所悟蓋凡句中着眼字上句既平下句萬不能不仄如落日照大旗馬鳴風蕭蕭照字既仄風字必平風吹客衣日杲杲樹攪離思花冥冥日字既仄花字必平吹字既平攪字必仄諸如此類然亦不可泥定要在平仄上下呼應讀之音響鏗 更有全篇平仄相呼應者此亦天籟自然合拍成章在作神而化之耳

余謂天下文字之佳兩字盡之曰不同譬之詩上用平下必用仄此聲調之不同也譬之文前既疎落後必縝密此格局之不同也即如琢句其新警動人者必有萬不能合舉之語而竟合焉則語始奇此琢句之不同也即運詞亦必揀上下字絕不能聯繫者而竟聯焉則其藻始新此運詞之不同也亦有尋常沈

腐之語而所用之地自不相同有萬不應用者而竟用之則腐
化為奇矣其餘如此類甚多要之字字有來歷非可杜撰耳余
觀名人著作每每如此然亦不能細為毛舉而其理自不易也
初三日晴余未下榻大哥送詩來示余除夕口占及元旦感賦
七律二首日中余晤兄因道昨晚所悟兄亦謂然是日讌客晡
葉晉叔李新吾戴青萊樊補山俱至乃設飲陳菊生連暮始來
新吾先歸飲畢衆星歷落各散菊生遂留宿焉夜覽杜詩有客
諸歌因歎文章造神化之境雖嬉笑悲叱皆有趣態故史至馬
遷文至退之詩至少陵千古不多見也
席間聞邸報元旦慶賞凡軍機內廷六部尚書侍郎以下有賞
紫韉者宮保銜者雙眼翎者黃馬褂者交部議敘者各有差等
不可勝數外而封疆亦如之下至提督亦有宮保銜及尚書銜
者真異數也

二〇

初四日早微見日俄陰午後稍晴復陰母親為余言昨晚夢見烏雲翳然四合天色晦闇俄風起披拂散去仰視蔚藍可愛是何祥也余曰此所謂披雲霧見青天乃大吉兆因憶病前偶夢天大雨余趨避溷軒中矢狼藉滿地無可置足然無如何既而雨止天大晴陽光四射余謂此皆主余病先危後安也是日讀杜二鼓就枕

早間讀杏孫談詩杏孫云其客歲北來途中攜得李純客詩一冊自首至尾細閱一過吐屬雅飭自不愧名下士然氣局魄力終嫌狹小是真不可勉強耶故凡世之擅英聲馳重譽者非與人偶成一文戚友朋儕交口而推重視其所作合諸所稱非盡溢美也一旦刻諸集以問世覆視其文而改觀矣夫人之目非寬于前而苛于後也其所成就者小而不足以致乎遠也譬之舟楫泛小船于澗谿已覺其鉅也試之江河則眇然與物矣

浮巨舫于江河已覺其可行也試之海則倏然不見矣故必有甚巨舟而後可以行甚巨水文之行於世而得名者何獨不然故今日之友朋交相譽者一時之名也刻書以傳世者千古之名也一時之名如澗溪池沼之間至極者不過江河故船与舫可容与而遊千古之名乃大海波濤雄闊非甚巨舟不能游也古今舟之至大者不過三四乘其餘雖不無巨者而乘風破浪堅利猛銳且不能相抗若夫濱岸漁艇蜂擁蟻集不可勝計彼非不揚揚自得曰吾亦浮于海也而又安足數哉故以一時交遊之推重而遽欲刻集以傳世是以船舫之材而入大海吾懼其日与漁艇為儔伍也悲夫

初五日晴子頤以五十金購得董文敏墨蹟一冊中皆後以示杏孫辨其真贋余亦見之前數幅頗可疑敗筆固多且氣亦不凝後四幅筆墨脫化精神飛動皆歎絕以為雖僅此數幅亦值

三一

五十金補山未晤讀蘇明允文梅花已齊放而恣態殊不勝
前夜仍讀杜

初六日晴出詣杏孫閒話余於同鄉中所最契者有四人焉吳
君子修濮君止潛姚君稷臣陳君杏孫四人者與余交最密故
知之深吳君清峻凝遠粹然而和濮君閎肆英雋秩然而平姚
君恬曠明邈超然而夷陳君和易朴直廓然而有容其資稟氣
質雖各有所不同而臭味之投性情之得與夫植學樹品志趨
福澤皆不相遠余又嘗謂子修者伯夷之風也杏姓孫者柳下
惠之風也他不敢輕許焉余又憶前年由杭至蘇偶遊留園碩
見其西偏一堂上橫額書曰振衣千仞岡躍濯足萬里流大丈夫
不可無此志翹月到天心處風來水面時大丈夫不可無
此胸襟海濶從魚躍天空任鳥飛大丈夫不可無此度量珠藏
川自媚玉韞山含輝大丈夫不可無此蘊藉此殆見格言聯璧

及呻吟語等書中余甚愛之謂丈夫生世間果能盡得此數語亦極人生之樂趣焉然吾思四君子中固有各能造其一語者至是与杏孫道及以為珠藏川自媚玉蘊山含輝吳濮二公當之月到天心處風來水面時姚稷臣當之海濶從魚躍天空任鳥飛杏孫當之振衣千仞岡濯足萬里流仲愚自當之相與大笑

晡雜頭覽章實齋文史通議筆墨無冗議論雖有可米然識解頗小可見著書立說之難又觀渾子居項王都彭城論梅伯言龍錯論戲作詠筆歌七古晚寒甚夜閱杜近體詩

初七日早詣大哥書齋聞與一人案頭置蘇長公詩一卷余拊案高吟須臾大哥出知許星叔於今日同鄉公祭送徑共三十餘人日中補作日記下晡覽昌黎南海廟碑柳州羅池廟碑晚閱梅伯言臣事論管異之蒯通論范增論朱伯韓續蘇明允諫

二二

論等篇連日遙聞金鼓聲喧襍滿耳即俗所謂年鐘鼓也因賦詩一首云獻歲回春數日中幾家箫鼓逐東風喧闐不僅賡人樂絃吹還疑答聖功天子勤勞憂歲旱小民歌舞拜年豐試看歲暮連朝雪應識璇宮樹德隆

初八日風色晴和遲起母親已出賀歲庭作傀儡戲價甚廉不過京錢數百文殊可笑余檢閱憲書知初八成日吉因閒步詣止潛晤冕儕介軒亦在焉頃之介軒去余獨留談良久梓潛歸共午飯冕儕呼余為再世人飯後復至介軒處下晡始歸覽曾文正批牘晚讀杜覽續辭類纂

初九日晴風案頭水仙花放補鈔日記出晤杏孫大兄已先在杏孫云袁簡齋詩曰早仕如早起所見人事多早退如早眠心神安和蓋大兄素有早仕早歸之志嘗慕梁山舟山舟有詩云一事比人差勝處不曾羶仕已歸田故杏孫道及此又冕儕昨

對余言渠將來亦無大志惟詞林不可不得不留館但求散
一知縣歷任數年歸享泉林之福足矣以余觀之人世升沈泛
泛如一葉之浮江湖任其飄轉其權豈能自我操哉隨所居之
地盡所當盡之道斯無入而非樂境無往而非享福夫樂与苦
之相尋猶陰陽之互為消長者也未有不苦而能樂者也田家
力作勞筋苦骨盛夏之際日曝其背徇倭喘汗不少歇止苦矣
無何日薄西山涼風徐來柳陰下与其儕荷鋤而歸雞犬迎門
妻兒懽笑樂也遐俟寒暖家無儋石咕嗶半生崩波數千里鈎
心鏤血撐腸拄腹以爭長門技于矮屋之下苦也及至春風榜
下金殿一呼杏花插鬢綉黻纏身躋瀛橋登赤陛莪莪然于于
然樂矣今夫豐約之家日燠衣飽食不習勞苦天潢之胄日莪
冠襜裘立廊宇之上而亦不覺其樂何也樂不可久久則忘其
樂故驟得之則瞿然移時則安然又久之則索然彼先苦而後

二三

樂者且不能長且久如此而况生於安樂者哉故樂必由苦而得小苦則小樂大苦則大樂苟能於苦中尋樂則隨所往而皆有樂境必欲俟抽簪散髮歸向享林泉而後以為樂萬一人事牽阻不如子之願則一日不歸一日不得此樂奈何耶且即幸而獲焉吾猶恐其久而忘其樂也

日中覽朱伯韓名實說龍翰臣伊尹五就桀解陳平周勃論暨魯通甫秦論又觀其蓋寬饒論朱建論斷制深嚴使魏侯平原君兩人無可置喙薄暮至青萊處小坐晚覽杜觀蘇長公議學校貢舉劄子

初十日晴觀眉山代張方平諫兵事書廬陵論杜衍范仲淹政事狀浮一杯茗復觀姚惜抱古文筆力太弱不足取也日中飽餐衣冠出賀歲先詣下斜街晤子修謁漱師已他出不得見至長椿寺晤淨波小坐復周轉十餘里車中覽小倉山房尺牘重

裘暖汗促與人返轡歸日已晡頃之步至止潛大哥已先生介
軒冕憐補山止潛為骨牌戲連良久各散余歸時月明在地復
覽隨園尺牘隨園云所讀之書不古則所作之文亦不古故昌
黎自言非三代兩漢之書不敢觀懼其雜也隨園才筆橫世吾
獨惜其氣息殊不古當亦是讀書太褻之故復讀杜大食刀歌
王兵馬使二角鷹

十一日晴大風杏孫招余出兩人倚裳對榻談詩談古文談人
事談物理語刺刺不休余謂古文最不善觀蘇如檐間之溜石
上之瀑崩騰倒注更無滢洄澆瀉之致杏孫曰是不然凡飽學
之人皆喜為繁稱博引執不得不尔袁隨園毛西河皆是也余
曰西河於古文本不深究袁隨園文雖亦縱橫恣肆然尚有停
頓流轉第氣息不古不及東坡耳必謂飽學之人文皆如是則
昌黎學問豈遜于眉山而文章之深醇博厚操縱起落含宏萬

三四

象不必繁徵博引而蔚然之光蒼然之色自不可測視豈若子瞻之碩筮倒筮不稍含蓄耶子才云天上有文曲星無文直星黃河之水天上來且九曲而後達于海文猶水也能曲則其勢緩其味長余非敢輕議東坡但苦其議論太快筆少曲折不耐尋味耳

飯後余示杏孫日記觀至初六日覽惲子居項王都彭城論忽謂余曰日見間曾見一人詠項王詩奇崛異常勞空教語云不殺沛公不都關中不渡江東三以天下讓項王真重瞳天然韻脚古人云文章本天成妙手偶得之信然

下晡與杏孫同至蓮花寺蓋杏孫於明日喬遷約余往視其屋迤邐行不半里已至門迤蕭然老樹三五行修幹扶疎曲折而入忽得一靜院頗闊敞房櫳明潔庭前亦植木數本春夏間布葉垂陰必有可觀者覽畢歸過一曲巷忽有聲頗厲回視兩女

孩怒目相向余顧謂杏孫曰奇此兩人非欲鬥也耶言未絕竟
大為所詬搯申申不已余行不返顧若不聞者因憶去春偶至
廠肆遊人填塞彼此擁擠腹背受敵忽身後一人扑地願之一
四十餘嫗行不數武其人自後大聲辱罵余亦聽之又記在杭
時行街巷中忽劈面一人來與余適相觸其人大言曰尔真魚
目人耶余亦不與較歸言於家咸謂余曰尔宜拱手稱謝云老
兄目光如炬自愧弗如余笑曰其時余亦忘之但深自咎責何
暇及人耶至今思之可發一笑

十二日早復出與杏孫論文反覆雄辯杏孫不能屈余午入卧
室舒紙伸筆戲作文說云

魯論曰子以四教文行忠信又曰文莫吾猶人也又曰天之未
喪斯文也子貢曰夫子之文章甚矣文之見重於聖門也文以
載道道非文不傳國朝人有云古今人皆死惟能文章者不死

二五

斯言至矣故歷觀千古賢豪忠烈峻節奇偉之士其兼能文章者而其名愈彰何也文以傳道亦以傳人讀其文見其人天無往而不覆而人不見天之神也觀日月風雷而瞿然驚矣地無往而不載而人不見地之大也見江河海嶽而聳然駭矣道無往而不在而人不見道之用也見六經四書而矍然顧矣故無日月風雷而人不知天無江海河嶽而人不知地無六經四書而人不知道六經四書古今至文之所萃也而歷聖前賢笑貌形聲雖百世下猶覺躍然森然如目見如耳聞者何也文在也道在也人在也分而言之吾知為文也道也人也合而觀之吾不知為文耶道耶人耶

既卒稿擲筆徘徊嘯咏會杏孫在余兄處隔壁聞之大呼伸憑余亦大呼應之遂各大笑聲相聞因急趨而往相視復大笑坐久之杏孫將往蓮花寺什物已往大兄因与偕行余辭不往暮觀

書黃石孫來夜覽梅伯言與人諸書蘇子由家誠序章實齋答
客三難杜工部魏將軍歌是日杏孫去余即在前廳東室觀書書籍皆携出

十三日雨水早起觀魏默深海國圖志何頌臣來子頤出細花
磁酒杯示之潤潔可愛午後觀吳才老韻補長春真人西遊記
廳後忽聞鳴金聲出觀之則弄猴與鼠為戲者猴眇小尺許長
自能啓篋戴進賢冠啣鬼面作人行須臾又立木架于庭細刻
雜戲具其上出鼠與算荷校者汲水者偷桃者左右指畫唯所
命嘻猴與鼠微物也而性又至頑然而飲食之教誨之且驅遣
唯人不少忤何也與人習熟且久而性情相浹也夫物與人且
能浹以性情人與人何如哉然而天下猶有不化之民無用之
人居上者之過也

晡讀馬季長長笛賦忽思杏孫小步詣蓮花寺日已沈西相見
談甚懽案頭置其令伯七十歲時照像鬚眉如畫壽終客春年

二六

八十三其一句山先生紫竹山園園亦縮小成照片林麓城堞
峯巒庭院歷歷可指又諸皇子題詩與算入蓋時直上書房也
算還過吳虎臣小坐是晚為上燈之夕家祭月色甚明復讀稽
叔夜琴賦

觀文史通議婦學洋灑數千言實齋自云所以救頽風維世教
飭倫紀別人禽非好辨也不得已而言也以余觀之其大旨盡
於末章古之婦學由禮以通詩今之婦學因詩以壞禮二語其
意蓋欲使婦人學禮而已而所以學禮之細微曲折條目工夫
並無一語道及乃長篇累牘猥瑣繁重不過盛舉古來由禮通
詩之人某某痛詆後世因詩敗禮之人某某羅列故實以炫其
博學之教人射者不告以若何彎弓發矢而但舉古今某善射
某不善射者以示之何異于隔靴而搔癢耶頽風安救世教安
維倫紀安飭人禽安別嘵嘵多言徒辭費也尤可笑者中間忽

夾論教坊曲里傾城名妓戒人漁色自干禁令實齋自謂維世
教救頽風者蓋在此耳抑知齊國女閭謝家樂妓自古有之無
害於世世道人心自有大者遠者豈區區禁狎遊而謂可以挽
回之耶且此種議論與婦學直風馬牛不及吾不解直齋擗管
時作何主見

十四日微陰庭院靜閑鳥聲瑣碎覽沈子敦新疆私議見落颿
樓文稿中大旨謂守邊之道不可輕言棄地自轍藩籬而歸本
於屯田積粟以省中國轉輸因歷舉自漢逮明邊防得失之故
昭然可鑒此君深於輿地故言之鑿然也日昃時衣冠謁戴少
懷師復至南橫街晤地山堅仲暢談暮歸燈下復續文說云
古之以詩文鳴後世者衆矣然而翕然推奉為大家者其所作
必博且繁其下筆時必不假彈思苦索頃刻與不成何也人生
之光陰有限也苟筆性淹遲十日而畫一水五日而畫一石一

二七

歲之中所作幾何且凝思竭慮移日累時其心必苦苦則必不肯多作其勢然也夫為文不多而欲其登峰造極進窺古人之堂奧是猶作萬里道而日行不數武雖三尺童皆至知其畢生不能至矣聰明智慧人所固有也不屢用則不生精采光氣文所自有也不多著則不出多則熟熟則化化則神老杜詩子長文足以互天地並日月歷久而不磨者化也神也雕琢詎不甚工耶潤飾詎不甚完耶乃雕琢愈工而氣機愈促潤飾愈完而魄力愈小何也彼為文既艱且少自顧中不足制勝乃斤斤焉飾其外以救之未見其有濟也故自其外觀之遑者工速者率矣少者精多者雜矣然吾正以其率且雜為人所難能何也大也余居京師久凡自遠方來始至者未有不厭且苦詢其故曰街衢凸凹塵風泥雨牛溲馬勃蕙濁蒸鬱穢區也未幾余與觀廟廊壇宇間壯偉巍嚴森寥廓則斐然愕然訝為天上退而

歎曰惜哉使衢巷間皆平除塗滌苗蓐髮櫛坻平如申江夷界
間乃完美矣余曰不然王者之都地大物敷藏垢納污故有至
賤者有至尊者有至富者有至貧者有至清者有至濁者無不
包無不容也有容乃大今子欲修而完之是直欲斲而小之也
故文之有大家猶天下之有京師也彼大家之文其隻句片語
履訾議于後世者衆矣然而不揜其為美者何也大也從事于
大不能不遺夫細其勢然也

十五日悄悄憶昨地山云聞杭省有舉子十五人連辭控仁和
縣皆陰受錢塘縣某指使者仁和某不知作何弊竇有私冊在
某舉子家故挾為憑會仁和出賄丐其冊其人貪焉竟與之餘
十四人皆大怒聚訟于杭城之松瀾閣不識確否又聞京兆孫
駕航余子太撤任調還陳六舟邸報未見也
覽管異之文觀唐兩京城坊致徐星伯松撰凡城垣宮殿街坊

二八

寺觀池渠及名賢故宅皆一一博考確證使千百年規模形勢瞭如指掌快甚趣甚

觀袁簡齋答尹相國書有云飲食之道不可以隨衆尤不可以務名燕窩海參虛名之士也盜他味以為己味雞鴨魚豚豪傑之材也卓然有自立之味各成一家妙論解頤

是夕笙歌四起月明如晝聞邸報孫京兆果以屢被劾初開缺另補候簡用順天府尹着陳彝補授

覽沈歸愚詩有夷曠恬適之致其王耘渠春曉讀書園詩云耽書詩如貪人年老志未滿又如遊名山深入自忘返

十六日早杏孫來覽續辭類纂年後偕杏孫石孫大哥及甥孟庚往觀劇方至騾馬市履平堅仲亦踵來遂偕觀同春部戲甚佳有名優曰小桂鈴者演長生殿色技雙絕且舉止閑雅有閨秀態度觀者眉舞色飛暮還過市燈火星蕭故是昇平景象晚

地山厚罨來寓共酌飲畢觀放花爆噴高三丈墮地如金錢古所謂火樹銀花者似之俄懸一具狀如盒俗即稱盒子燃火線徐徐上忽烟歔噴薄盤矯而下現五彩花籃頃之又現一樓船玲瓏盪漾又久之現前桃一架光青碧可愛觀畢內作戲法共四五人目睫手敏倣詭幻怪奇謫不可測覽曾南豐與孫司封書

十七日晏起讀杜成子蕃來飯後出拜客車中覽曾文正書札向晚歸天色半陰空中聞紙鳶聲遠近不絕燈下觀黃仲良皇朝經籍志

十八日晴又覽其三長物齋詩畧仲良又字虎癡其詩洒落有致刻有三長物齋叢書中多自家著述編輯之書又其父石槽兄花耘詩文遺稿惟集古錄金石錄壽書係其重刊者讀杜古體畢閱近體每怪古人詩至佳處雖極淡語皆有精神

二九

如秋水清無底蕭然淨客心真喜於寫水令人想見空明澄澈之狀妙在一淨字為傳神也

日向午往謁漱師先至子修處晤炯齋談聞師已他出遂不往至長椿寺蔬飯案頭有同州聖教序塌本精絕余素愛褚書謂其細勁峭折如極疲人而筋骨強健者又無量壽佛經一部飯已至徐季禾年伯處賀喜新放浙學政復周轉數家投刺畢遂詣蓮花寺大哥及青菜咸在有長老白髯瘦頰精神矍鑠善談笑云是張子盛大令亦杭州人久為直隸州縣刻已宦成解組矣其人頗諳書畫持何子貞手卷超逸入神良久皆散余俟暮乃歸夜覽吳南屏文

十九日早起沈陰乘車入城至呂祖閣還慮遂至署是日午正開印內外皆張幕結綵朱綠暉映煥然改觀余小坐即行遍謁長老如翁叔平錢子密徐筱雲又孫汪兩堂官皆投刺畢至新

吾處時已日中小雪坐良久歸車中觀曾文正詩集興至則朗
誦往往漱塵蕙溢人聲喧喧沸而余吟咏自若如坐書齋
孫邀飲赴廣和居坐中有伯唐伯舉百約青萊補山暨余兄又
有將出洋之宋芸子席間談燈謎甚歡有絕佳者如上去一下
去十一四書一句此天地之所以為大也上土下尸截四書兩
句城郭不完為其不成享也數虛字皆有神散時已昏黑雪猶
灑衣

歐陽永叔為其叔歐陽公墓誌云嘗奉太夫人之教曰尔欲識
尔父乎視尔叔父其狀貌起居言笑皆尔父也余家叔父亦酷
類先子憶壬辰歲秋至蘇館叔父家晨暮侍坐每於黑閣中聽
叔父言笑儼然吾父猶在為之凄然而悲然住蘇不過三四日
即由滬北上雖甚樂日親叔父且不可得也先君身後有遺像
殊不肖近西洋照像法絲毫不爽而先君亦竟無有抱恨終天

三〇

復何及邪

二十日早晴俄陰微雪午後晴風覽曾文正答劉孟容書論格物誠意之學與朱仲我論小學書又觀蔣心餘四大法海朱竹垞經義考復覽明儒學案師說謂吳康齋日記云澹如秋水貧中味和似春風靜後功可為先生寫照充其所詣庶幾中庸遊世不見知而不悔氣象

夏東巖云卓然豎得此心便有天旋地轉氣象又云涵養此心須如魚之游泳於水始得又云尋常讀與點一章只說胸次脫灑是堯舜氣象近讀二典三謨方知兢業兢兢業業是堯舜氣象余謂二者堯舜兼有之精一危微是堯舜憤處春風沂水是堯舜樂處

下晡詣梓潛暮復偕梓潛冕儕同至伏魔寺晤補山介軒小坐即歸晚讀杜復讀成公子安燭賦潘安仁笙賦

二十一日晴風坐竹窓下讀梅村詩

余謂人生世間不為大貴必為大富而後快吾之志而為所欲
為蓋貴者居高位挾權力舉目搖指出生民于荼炭而燠咻之
潤澤之小則造一方之福大則天下受其利固極人生之快事
矣而富者積錢累百萬蓄穀千萬斛視有愁苦窘急窮餓無聊
之人而振之翼之扶之起之頃刻間皆蘇息寬緩而熙熙然有
生意如涸鮒之遇大川槁苗之逢急雨嗚呼豈不快哉豈不樂
哉夫今世之貴者眾矣富者亦不少矣而吾卒未聞其有此快
有此樂者抑獨何邪抑獨何邪馬伏波謂富不能施者為守錢
之虜吾不知貴而無作為者使
伏波見之抑又守
位之何物耶一笑

覽俞理初癸巳存稿又鄭浣香復光鏡鏡論癡中原光原色原

景原鏡色原鏡質牛毛繭絲剖析微渺談鏡之理可謂精矣

晚覽文選及吳梅村詩是晚入內室洗足觀
花燈亦一韻事也

二十二日晨謁漵師談及殷秋樵之弟名如珠字還浦為江蘇教諭有聲經師保薦以知縣用出任雲南亦著政績未幾竟卒師為聯輓之云季智本儒生小試已登循吏傳伯仁由我死大招難返故人魂

午後覽通鑑又觀竹柏山房刻書暮厚卷末晚飯後去晚覽梅村畫中九友歌觀魏文帝與吳季童諸書

林鑑唐名其齋曰竹柏山房以庭前有竹有柏也左太沖詩峭情青葱間竹柏得其真而余齋前有梧有竹因亦自顏曰梧竹山房自題一聯云翠竹碧梧常覺生機洋溢處茶淡飯無忌物力艱難以自警云

二十三日晴午後陰觀羣書法要又元朝祕史卷語皆俚俗首叙元始祖乃天生白狼與鹿交而生者殊可駭快怪卷末錢竹汀跋皆刊楊墨林連筠籟叢書中与前觀鏡鏡論癡長春真人

西遊記等書皆在焉馮短麥兩歐置案頭日昃時詣林清宮至
許恭慎公處叩奠懸遺像極肖繪冠服工細絕比其價蓋百餘
金是日飯僧誦經一日以明早出喪面憶去秋余偕杏孫來此
觀劇夜演鳳求凰燈彩笙簧團花簇錦余顧杏孫曰富麗極矣
不謂今日重來惟聞滿耳此梵音哀厲激楚為之愀愴不已屋
宇東西雕欄畫棟皆數年來恢拓添造者今皆冷落令人有仰
屋之歎

暮歸燈下覽邸報日來朝廷殊有振厲氣象屢請上諭語皆嚴
峻可畏蘇老泉謂宋朝以弱政敗疆勢今誠能用威一賞罰一
號令一舉動無不一切出於威嚴用刑法而不力赦有罪力行
果斷而不牽眾人之是非用不測之刑用不測之賞而使天下
之人視之如風雨雷霆遽然而至截然而下不知其所從發而
不可逃遁今近之朝政頗有類此者且言路亦頗開吾知海內

三二

當有願手相慶者矣

二十四日起陰雲闇藹赴金浙館同鄉官為許大司馬路祭霽
舉詣長椿寺旂幡鼓吹引導二三里觀者闐咽入寺時大雪賓
友雜還拜已各散

覽通鑑梁統請光武更定律令謂刑罰在衷無取於輕刑輕則
民輕犯法惠加姦軌而害及善良因歷教初元建平前車之鑒
立論非不甚善也第統顧未嘗審度時勢使當承平日久政教
廢弛則猛以濟寬古人有行之者孔子產是也光武之時何
時哉大難初平海內疲耗瘡痍未起正宜和平寬大與天下休
息而復用嚴刑重法以從其後豈復仁人君子之用心耶劉青
田謂明太祖云霜雪之後必有陽春謂宜稍減刑威布施德惠
太祖卒不聽胡藍之獄死者累數萬人夫光武豈明太祖之儔
哉史臣責統苛虐神人共憤亦不為過

韓歆之死也綱目書自殺是以過委光武也吾謂光武特小不能平耳必無欲殺韓歆之公心歆不當自殺歆自殺成君之過也夫郅鄆拒關不開郭憲拔刀斷車靽且優容之不加罪何區區指天畫地之細故必欲殺之而後快哉歆好直言直誠直矣惜乎悻悻然小丈夫也

夜讀杜有云竹涼侵卧内野月滿庭隅重露成涓滴稀星乍有無數語尋常情景使他人為之必流纖小唯此老信筆濡寫不失醇厚氣象故為大家

二十五日陰飯後詣杏孫談余謂杏孫曰余昔行路每欲速至而愈覺其途之遠唯信步而行則倏忽已至杏孫曰善哉言乎為學亦然循序日益必有精造之日躁情躡取終無見功之時斯至理也而子於行路得之子真默而好深湛之思者乎
余平素於科第甚淡非能淡也其所以致此者有由也人或家

三三

計彫落朝不謀夕專視科名以為出路而余無有也豐衣厚食擁書冊享安樂傲逸自得恐一獲科名反不能如初也此其一也或欣羨富貴營情紱冕壹心單力務在必得而余亦無有也生長京洛習見熟覩貴官顯達車載斗量不可勝數思即躋身其地不過如是此其二也或曰子之所以輕科第者信矣獨不見夫韓稚圭與文文山乎彼若不獲甲第能若是之經緯事業而不負所學耶子何輕視科第之甚也余笑曰然使余之樹立果能如韓文二公則一登仕版身非己有尚何暇逸閑放以自適乎姑與妨遲遲吾出豐其羽毛養其精銳多享教年之福俟學成而後用何必孜孜而迫不及待耶故余於科第甚淡者有由也或又曰子獨不為顯揚計乎早獲科第則親心慰矣余曰不然夫余曷嘗不欲應試耶特功名得失有命存焉非可強而致也知其不可必得故視之甚淡耳豈真欲屏棄帖括違之

數年耶

覽通鑑余最愛馬伏波凡人富貴當使可復貧賤之語能如是則自無患得患失之心矣如伏波者其人也觀廿一史四譜廿六日晴大風余兄弟在餘慶堂燕客皆先君庚午丙子兩科陝西福建門下晡歸厚卷來悟夜覽曾文正聖哲畫像記聖門高弟德行言語政事文學不過偶然自分品格遂使古今人物不能出此四種亦奇矣哉

二十七日晴朗溫經覽書經傳說彙纂午訪杏孫不過

蘇詩云鳥囚不忘飛馬繫不忘馳又云君者厭事人無事乃更悲余兄謂子瞻真滿牢騷情見乎詞余曰此亦至理凡人久於仕宦者未有不厭倦而思退也使其果退則又問靜不得復思出馬皆是也

觀竹垞詩近時詩人運用典實競尚新僻竟有全首不能解其

三四

出處者余謂能用僻典者不足貴惟能化陳為新者乃足貴如竹垞詩短髮參軍帽重寒范叔衣二事人人知之而不覺其腐者以作者之善用也詩所以道性情何必專以難人為能事耶二十八日是日驚蟄晏起溫經書午後觀往劇會座已滿無位置處遂至做肆攜得元遺山集及清儀閣題跋記歸讀通考序晚閱古文辭類纂柳子厚論語辨二首方望溪評云標然如秋雲之在遠可望而不可即又辨列子一首余謂列子近佛其言有云死之与生一往一返死於是者安知不生於彼即輪迴之說也

輪迴之說世儒所不道然合諸陰陽消長四時旋轉之理亦不悖謬吾雖不能斷其必有又安能保其必無邪佛老之言精澹奧妙要非聰明絕頂者不能為故亦能自樹一幟歷千百年攻之不搖闢之不絕第未可為常法耳

覽元道山詩清健排宕純任自然有蕭齊詩四首九日讀書山
用陶詩露淒暄風息氣清天曠明為韻十首皆可想見其胸襟
懷抱

二十九日晴硯池旁麥高數寸蔥翠有生趣五日鈔冊分經史
子集四門凡閱羣書有可采語或足為詞章之助者皆錄其中
以備遺忘

午偕余兄詣杏孫小談即歸覽通鑑冕儕來晤夜觀張平子兩
京賦復覽曝書亭集自立課程午前治經治帖午後作字治
史治文選晚禱覽詩文錄日記

二月丁卯

初一日早微陰即晴晏起溫書經余謂堯既知縣方命北族何
以仍令治水註謂當世廷臣無有能于縣者故岳言試可乃已
取其可以治水而已蓋縣外著之才幹實有足以釣弋華名而

三五

驚動一世者雖堯之明聖心知其不可尚難衆意必任其績用弗成而後黜之甚矣小人之可畏也如宋之王介甫是已當時豈竟與深識遠見如老泉者然卒不能禁當世人心使終不見用也溫公曰有德而無才謂之君子無德而有才者謂之小人若蘇占荆公其小人之尤者乎蓋其才其能實足令人愛慕雖欲攘斥不用而不得也噫

日中醮客座中有二長老一汪子長一張子盛皆清臞洒落談笑如少年飲盡懽而罷晚占大哥偕方甘士往湖廣館觀劇夜四鼓乃歸

初二日晏起晴午後陰觀書經傳說在璇璣玉衡以齊七政諸解余平日於天筭一門如墮雲霧中嘗疑先儒言天有三百六十五度彼何以知之今觀陳氏師凱說云渾天家見天體圓如彈丸南北東西縱廣如一遂借三百六十五度濶狹之限橫布

於天以記二極相去及出地入地冬夏二至春秋二分日行相
去中間所隔廣狹多寡之數余始恍然大悟而笑前此之愚也
又鄭康成云凡日景於地千里而差一寸之即此此說吾不知
從何而起抑何據而云然耶容他日質諸算學家者至其句股
推算自成有法苟能細心測度余謂亦無所難

杏孫來晤同詣子修共晚飯時土地廟西偏施放烟火余偕杏

孫子修徇齋暨余兄是日何齋約在等六七人登看山樓望之

人聲騰沸燈光歷亂如繁星可觀花爆連放忽起忽落有如明

月者如連珠者又且棚花架惜遠望視模糊不得細視最後放

盒子凡五層亦無大詭異不過燈火聯綴輝耀而已觀畢後復

詣子修小坐始歸

初三日晴覽尚書註疏書言九族既睦平章百姓百姓昭明協
和萬邦註蔡氏曰百姓畿內民庶也孔穎達曰百姓百官也是

三六

說吾以孔為長蓋由九而百由百而萬以次進言文勢較順若以民庶解則豈但畿內民可稱百姓即萬邦之民何不可稱百姓僅言百姓何以別耶且何不直言畿內邪董子曰為人君者正心以正朝廷正朝廷以正百官正百官以正萬民董子所言百官蓋統中外而言所謂朝廷者必在公卿大夫未有公卿大夫不正而可以正諸侯者夫至公卿與諸侯皆正而萬民有不正者乎故曰黎民於變時雍也由是觀之作百官解於理既確於文勢亦順不然則百姓既下與黎民重複且又須分別畿內畿外似古之史官不應如是之費辭也

然余竊有疑者下文百姓如喪考妣百姓不親罔睟百姓以從己之欲豈皆指百官邪又如允釐百工則百官稱百工謂其亮天工也至率百官如帝之初則直稱百官何必此處獨以百姓作百官使與下文百姓相混邪且何不直言百官邪若如此說

則又疑蔡說為是古人文法往往有不甚醒豁者學者但得其
修齊治平之大意更不必於字句間深考細辨轉至左支右吾
陶靖節云讀書但觀大意不求甚解斯言最得
下晡讀杜詩地山來云自署歸道余得慶典差晚厚菴復來夜
風

初四日晴日向午履平來晤與談算法測度星月去地遠近里
數法履平於算學頗能深造言之皆有根據午後子願約大兄
及余往觀劇甚不佳晚至萬福居小酌夜歸余昨聞初一日午
未間日重暈有白環三相連余時未見也余兄言通考載之主
邊兵動不知確否

初五日晨往謁江柳門少司空謝慶典於路覽玉谿生詩日向
午至仁錢館春祭同鄉至者二十餘人團向而拜拜已相與酌
飲晡歸黃石孫來晤

初六日早溫經書讀管韞山時文午後作文半篇仍去歲故君子必慎其獨也題覽杜詩晚至湖廣館觀夜劇夜深歸

初七日晏起讀杜詩瞿塘兩崖詩三峽傳何處雙崖壯此門入天猶石色穿水忽雲根諸葛廟詩蟲蛇穿畫壁巫覡醉蛛絲秋
日閑居詩寒水光難定秋山響易哀南楚詩無名江上草隨意
嶺頭雲漢上詩古苔生窄地秋竹隱疎花天地間一名一物一
形一色莫不有真精神真趣態或過焉不留或日當其前而不
知或知焉而不能言多矣而惟詩人能刻劃之形容之使天地
間名不虛名物不虛物形不虛形色不虛色故畫家能畫其迹
而已而詩能畫其神有詩筆到而畫筆不到者未有畫筆到而
詩筆不到者且詩與畫其傳世之遠近何如耶畫依乎楮與墨
雖有名繪而彫殘剝蝕漸久即烏化有而詩則火不能燬也水
不能濡也蟲不能蝕也風霜不能侵也遂使天地間真精神真

趣態偶一呈露即長留於人間噫嘻此詩之可貴也

是日午前陰日中晴晡復陰吳虎臣來囑余書大字真詣止潛
晚飯歸覽曾文正送劉椒雲謝吉人周荇農諸序

初八日晴晏起觀文選書大字永聚豐橫匾午後詣孫燮翁及
懷塔布英年各堂官處投刺車中覽玉谿生詩其夕陽樓絕句
云花明柳暗繞天愁上盡重城更上樓欲問孤鴻向何處不知
身世自悠悠歸時日猶未落步訪杏孫不遇微風拂面

余竊怪曾滌笙畫像記獨不列三閭彭澤兩人豈以其人微有
不足法者歟抑或編輯時有所遺漏歟夫屈子行吟澤畔未嘗
忘君陶公采菊東籬未嘗忘世之二字子者其胸中皆有磊落
瑰偉奇崛之氣抑鬱不得伸雖一則形諸悲騷一則託諸閒談
而高風峻節同得天地清明之氣而卓然獨步於千古者無殊
焉然而曾滌笙獨不列諸三十二子之列者何歟抑別有故歟

三
八

陶靖節觀山海圖詩孟夏草木長繞屋樹扶疎衆鳥皆有托吾亦愛吾廬四語吾謂其有天地萬物上下同流各得其所氣象初九日晴早起溫經讀時文觀文選治史午後詣杏孫談許尺衡在焉須臾粹卿亦來與談初一日日異向晚歸讀杜及漁洋精華錄又昌黎集是日有新科舉人三名在保和殿覆試皆去歲中式因槍後為御史言者不知若何情形能否完卷晚詣江蘇館許赴尺衡約二鼓始散月甚明

初十日早課程如昨日嗣後每日如常不復錄載飯後乘車至敝肆還詣石孫偕往謁聘臣師不遇又詣蘭秋師亦不遇仍至杏孫處談近時丁饒兩公事得其原委蓋其始也敝書肆中有所謂二酉堂者江西饒姓人業之其人与饒公同族去歲考差後饒公之族人忽來言曰目今得差非安坐可得然子欲之不難問其故曰禁中某宦者與吾有故頗往來吾家賄之使為某謀與不可饒

正色拒之他日丁公亦來謂饒曰聞厥肆二酉堂與內監通可
為力有之乎饒曰然此余族人曾為余言已卻之矣丁嗟饒曰
迂哉果然何必擣虛名而遺實利饒曰苟子欲之吾為子謀遂
倩其族人者與內監約廣東若干四川若干而已亦與焉約既
定未幾兩省差出皆非其人疑而詢之內監曰此亦無奈何者
雖然必有以報子俄丁放陝西考官內監問二酉堂索賄丁饒
始俱不可後丁許五百金既而悔之以為所獲違所願安如果
內監力從饒來取金丁不與饒怒曰子覆反食言何面目見故
人遂相詬厲丁忽遁入不出饒無如何蓋丁識饒而不識二酉
堂饒識二酉堂而不識內監故內監日向二酉堂喧逼二酉堂
亦日逼饒饒大窘而丁堅不出未幾輶車遠颺於時都中物議
騰沸饒懼乞假歸江西越數月陝西試竣丁還御史疏劾其事
詔查辦訊丁丁不承傳旨召饒饒至丁遣人於路迎謂曰爾寧

三九

抵賴毋承吾贈公千金饒大怒曰子之謀也五百金尚吝鄙不
與今竟不惜千金邪既至都歎曰不招無以對君不死無以見
吾親一念之差身敗名裂遂書清供縷述其始末服醜而卒於
是丁褫職嚴訊今尚不知若何噫饒之死可悲也丁實殺之不
然彼其拒族人時固佼佼丈夫也而竟為丁墮行利欲之誘人
可懼哉然其終也不貪丁千金必招必死饒固猶可原若夫丁
則吾不敢知矣

十一日晴飯後放筆作大字頗蒼勁可觀作書荅仲基中有云
人生聚散飄忽無常閣下一北一南不過旬月間忽而相親忽
而相隔今人心日顛倒恍惚不知世間之境果以何者為真何
者為偽耶真者孫招余往談即啣晚飯香孫云最喜東漢名流
之十六字郭林宗隱不違親貞不絕俗黃叔度清之不濁澄之
不清以為可作絕對俄余戴月而歸覽曾集

十二日晴續成前故君子題文尚得手送還杏孫之文選集版
因論史漢不當文讀宜仍作文集讀蓋其書重在文不重在史
也書以示杏孫渠以為然夜仍覽曾集

十三日數日來溫經看望溪稿覽經義讀管文治文選看史尚
無間輟以餘暇雜覽他書或出小步是日飯後詣介軒不遇因
訪冕儕歸命僕隸持斧芟庭前竹去蕪穢者讀杜覽養一齋集
古晚復覽續辭類纂魯絜非上朱梅崖書及梅崖答書

十四日午後訪杏孫不遇歸覽文選及史書畢整治書籍拂拭
几案窗外叢竹迎春風灑然硯池水清瑩可觀觀閣筆小山黝
黝而磊珂有古趣余坐榻其間甚樂讀杜晚復觀養一齋文集
又觀惲子居大雲山房集皆陽湖宗派國朝古文家陽湖占相
城並駕而馳然相城用筆輕趨盤折其弊也薄陽湖用筆質重
直遂其弊也滯夫文各道其所欲言各遂其筆性之所成期于
四。

達而已而必拘以流派摹擬而倣效之而所固有之天資性靈
轉汨沒焉而無以自見噫何其愚邪生計顛迫不克自振而衣
食依于人者有之矣奈何為文而亦依于人邪是可恥也

十五日起稍晏衣冠詣陝西巷還願遂至聘師處絮談久之師
刻結細冊齋文稿攜二冊歸午飯後偕兄步詣介軒復過梓潛
偕往蓮花寺觀許竺生王晉吾等占杏孫書札字圖超敏辭亦
雅澹曠歸陰霾密布讀史夜讀王谿生詩

十六日晏起陰作粵東書二函余最愛坡老詩雨昏石硯寒雲
色風動牙籤亂葉聲謂可作書齋對聯遂書而懸之沈蘭秋師
過談觀文忽見竹色深暗小雨廉纖逮暮不絕晚讀杜

十七日雨坐小窗下食早粥鈔日記午霽俄復雨向晚始晴沽
文選觀史晚讀杜覽王谿生詩及元遺山集義山詩多適麗哀
艷之句神韻疎朗氣骨清聳惟出語間涉纖佻失詩人渾厚之

旨為足憾耳遺山詩文亦瀏亮豪邁然輕浮與醇厚氣不耐細
玩也二鼓入寢疎星朗月淒澹入畫

十八日晴朗微風覽元文類向午詣于忠肅祠杭郡春團晡至
金浙館林蓮孫壽其母稱觴演劇賓友雜坐余昏黑始歸讀通
考序

十九日晴日中半陰大風余晨觀史即詣下斜街黃師母生日
也復入城至新吾處小坐即歸午後至湖廣館觀劇夜還月色
滿庭

二十日陰觀史飯後許季侯以將南旋來別占談詞曲甚詳季
侯言夏月酷暑疲蒸會夕陽既下涼風入夜邀良友教人攜筆
留羣坐於綠陰之間明月之下引聲度曲令人精神聳然亦一
樂境也憶昨又與人談奕謂奕可以觀人之心術性情其誠實
者誦詐者謹細者粗忽者皆與道形晚讀通典通志序

四一

二十一日晴觀文飯後覽文昌格功過格暮石孫未晤

二十二日晴衣冠入城詣長官徐會灃鳳鳴兩處投刺過甘石橋舊居門庭如故不知僦居者何人又出神武門望見萬壽山亭即明懷宗殉國處也歸日已斜

二十三日晴錄日記覽趙子昂蘭亭跋窓前花忽欲放不知何名色黃而小對之甚樂飯後寫扇臨松雪蘭亭讀杜庭間柳漸有綠意

二十四日晴晏起日中詣金浙館團拜觀劇甚有情致夜演夢遊上海燈彩繽紛夜四鼓始歸是日傑臣抵京亦來會館團拜二十五日晏起觀史樊銘訪彭伯偕來覽明儒學案下晡詣蓮花寺訪稷臣談即在寺中晚飯談外洋事甚詳至

又論曾文正稷臣謂曾文正其人近于詐余曰此非詐也權也稷臣曰其所著于事者如此而本心之誠足以副之謂之權其

著于事如此而本心之誠不足以副之若是者謂之詐然則曾文正若何曰吾知其非盡出于本心者何以知之曰吾以一端窺之昔者天津教堂之案詆毀文正者不知凡幾竟有投以書詬責之者而曾公囑幕友作答書無不婉辭遜謝深自咎責乃私觀其于來書則皆痛加塗抹若甚自以為是者夫公論大臣體國之心則大難初平瘡痍未起若成持重自不能不隱忍一時之小辱而奠社稷于安全正公之所以不可及也然當時執一二無辜寃民殺之以弭外國之患難事出于無奈而返躬自問能無愧疚疚心而尚敢自以為是乎吾是以謂公為詐者在是也余曰不然此公度量之稍狹耳非論詐也夫人之所以責公者大都不識大體不察時事而第見夫甘于自弱舍戰而和以為非理遂作此鄉曲之論以相訾詈而不知公之有定見也其自信甚深也其所以塗抹者必於此也若夫戮無罪百姓不

公何嘗不內疚神明而謂其於責之者而塗抹之必無是理也
蓋觀公平生之氣象与夫所以自命者而可知也夫第據至微
之一事而不深辨其所以然遂欲重誣一古今之完人抑亦過
矣

二十六日晴午訪介軒不遇詣稷臣則介軒亦在馬蹄乾祥士
姊丈抵京已來寓晡行李始來即下榻于客廳之西舍是晚室
人舉一女

二十七日陰吞孫衣冠過寓

二十八日晴飯後詣吞孫暢談論陰陽果報事

二十九日晴詣署復至新吾處小坐即出城大風塵沙迷路

三十日晴作治盜議

治盜之法先輩言之詳矣有云宜分別首從者有云不宜分首
從者余謂二者皆失之分別首從將使盜之為從者咸謂罪有

所歸不即幸被獲法不至死而為首貪于財物希冀漏網遂謂不妨一試於是掉臂一呼從者愈夥且竟有一案既出為從者盡獲為首者遠颺此案遂不能辨者此分別首從之失也不分別首從則又恐有愚懦小民困于饑寒為盜所誘未嘗踰垣登屋但為之接贓擔負受其役使一經破案駢首都市而凶險元惡或轉有逍遙法外者仁人君子所不忍聞此不分首從之失也以余觀之國家設刑有一定之法有無定之法一定之法以法斷者也無定之法以情斷者也以法斷者守法而已矣以情斷者視乎用法之人夫分別首從法之至寬者也然其間或有凶悍異常為盜已久或刃傷事主其情可惡者雖僅為從而亦不得不殺不分首從法之至嚴者也然其間或有懦弱無知迫于窮餓初為盜誘情有可原者雖已為從而亦不得盡殺此所謂以情斷者也無定之法者也然必聽獄者能平其心察之虛

四三

其心體之而後能得其情非鹵莽滅裂者所能辦故又曰視乎用法之人伏思當今之時盜風日熾豈能復作分別首從之談然惟期聽獄之人咸能于不分首從之中畧示區別酌乎其情以量為減等庶幾無知小民不至緣餓寒所迫偶然失足而遽干至慘之誅則我國家仁厚為治之德庶幾無微不至而澤被無窮矣

三月初一日日食自巳至未一千分食至未百八六十餘分可謂甚矣而是日陰霾不能見余日中詣汪少司空處蓋其弟婦始入門會親友也其東院新築屋十數間廟宇精雅陳設字畫皆有幽趣惜少花木為之烘染也晚大風

初二日晴風日向午詣陶然亭讌客座中有子頤肅霞頌臣及詹黼廷太守多舒農觀察子頤教伶人絃歌侑酒盡歡是日山色不見楊柳漸成陰野水晶漾可畫暮散歸

余前數日因觀垂柳得句云東風吹綠庭前柳苦思不能屬對
是晚小步階間祥士忽為對云細雨黏青石上苔妙在一黏字
極生動

初三日晴

初四日午後詣湖廣會館己尹團拜演戲晚譙客稷臣杏孫俱
在座

初五日工部團拜詣安徽館夜深歸

初六日祥士移小寓會總李蘭孫徐聳閣汪柳門楊

初七日萬小湖為母壽稱觴余午夜冠往賀賓客甚夥並招優
伶奏清娛母

初八日大風作大字數紙履平來晤暢談渠不信鬼神因果之
說余為反覆辨論渠終不愜心然亦不能得也答暮詣蓮花寺
夜深始返稷臣頗信果報与余意同

四四

初九日晴錄先君請治盜分別首從奏議一道晴詣伏魔寺示
介軒又見安曉峯近日劾甘肅巡撫祖庇冒藉一摺明白曉暢
用筆如刀此曉峯第二奏議也前請慎重館選一疏立論正大
亦卓卓可傳數年來所罕見曉峯甘肅人先君庚午門下士平
日訥然如不能出諸口不論其立朝侃侃之節有如此氣概可
佩可佩

初十日母親誕日具衣冠拜已乘車詣于祠接場晤王信臣日
向午翔士始出午後歸過做肆攜得石渠餘記一部歸余見已
檢束行李擬明早啓行南旋場內題為達巷黨人曰大哉孔子
十一日早起送余兄行讀時文午後臨畫像贊覽庾子山集作
粵東信一函晚覽章實齋文史通議是早晴晡微陰
十二日雨作文即達巷黨人題至中股文思艱澀詣地山談時
雨已止路泥瀆溼天尚沈陰晚大哥來電云已抵津

十三日雨終日午後堅仲約同往于祠接場遂冒雨行於路見人家牆內樹木遙翠可愛至祠中則祥士已出須臾厚菴亦至時已將晚急歸至室中則上燈已半响矣

十四日晴飯後入城至新吾處小坐復至靈清宮晤春卿門庭冷落氣象迥殊歸復詣萼孫處謝壽

十五日錄前作文詣蓮花寺示杏孫稷臣皆云此題宜對針下文博學二字則大哉始有着落謂余作不免於空因留暢談論鬼神事不計其數晚歸則大兄自津門來函因作荅書

十六日復將前題重作至晚成中後四比尚自許可晚詣止潛因同至小湖處小坐晚觀放洋花子頗所購也其形圓如開花炮子立竹桶數尺高內藏火藥置子其中下以藥線燃之大聲如雷其物至空中忽崩裂噴薄蟠變有如掃帚星者如柳枝下垂者有如殘星數點者皆中國所未觀之物羣歎詫以為奇惜

四五

是晚放者不得其法故可觀者甚少

十七日祥士歸午後同詣杏孫不遇遂至江蘇館閒步屋宇曲折精雅綠籬之間楊柳倒垂海棠滿地是晚復放洋花

十八日錄前數日日記作杭州信一函詣黃師處繳文至寺中小坐觀淨波作八分書復至金浙館則杏孫稷臣菊仙炯齋會課將畢余將至會館門外觀上諭始知月二十六日翰詹大考遂偕杏孫至敝肆購書昏暮始歸

十九日早詣訪伯皋不遇復至厚菴處小坐又詣石孫詣介軒午後復拜客至餘慶堂赴范贊臣之約座中有伯皋伯唐皆見是日午後陰悶欲雨暮歸與祥士談余將來果得兩榜誓欲復歸原班不願詞林蓋余於詞章小楷均非所長不如就故職而補缺較易也

二十日晏起夜醒時已聞雨聲起時微滴尚在詣漱師小談論

文復至子修處即歸午後朗霽偕祥士同至陶然亭碧葦插渠
山翠欲滴即邀厚菴來遊會有海甯同鄉在彼接場醺飲極歡
俄盡散余占厚菴皆歸復至蓮花寺俄至做肆為杏孫購書大
哥來電云已到滬

二十二日陰余兄生日作書寄杭州溫經書請時文觀史算詣
梓潛晤修甫夜大風是日戲作山水一紙小窗人靜清風徐來
頗有逸趣

二十三日晴風擬作時文苦思未能下筆晚間復詣梓潛晤厚
菴

二十四日早陰午後晴金浙館同鄉接場演劇逮暮而止余上
燈時歸母親小不適意延梁醫診視云微受時疫尚不甚重須
稍見汗即愈因擬一方為解疫和肝化飲之劑服之而眠
二十五日晴母親小愈出謁客傳聞陶然亭後有水怪其聲如

四六

牛發水中皆不覩其為何狀余暮詣觀之亦聞其聲教日來觀者如覩堵喧闐特甚

二十六日晴風暮微陰余是日午復詣陶然亭日暖風和柳絲搖曳唯見檻外遊人襍遶多次第作聲于于然遠近雲至余與子頤等酌茗閒話須臾即歸暮至湖廣館觀劇

二十七日陰早往視介軒復詣杏孫即歸衣冠偕子頤梓潛厚菴介軒同入城至平則門詣崧鎮帥處公祭甫畢登車微雨灑衣同還備酒款客晡復詣蓮花寺

二十八日早詣署當月退值過新吾小坐復至桂柳處即歸始知大考第一為文芸閣余房師戴少懷在第四日晁時詣澈師不遇過子修小談知菊仙在等二第三復詣杏孫渠尚無消息也

二十九日午後謁東城客各投刺歸復擬子修杏孫昏黑始歸

四月初一日早詣江蘇館鄭仁黼拜壽即詣漱師謁見談文午
後詣地山偕履平同至陶然亭歸詣介軒始見大考全單

初二日早至願學堂大課題為天地之道可一言而盡也其為
物不貳余成一誦日已卓午筆枯墨燥渴思水不得敗興而歸
初三日晨起讀經書覽時文觀史午後謁見少懷師賀喜復投
刺教家即詣蓮花寺

初四日全浙館演劇丙子世兄弟約往

初五日子頤請粵東館

初六日

初七日雨戴少懷師邀江蘇館燕聚晡詣廣和居

初八日晨詣潘仲午復至陶然亭繞道而歸午後詣蓮花寺知
杏孫遇缺題奏傑臣發俸一年 初九日

初十日午後邀稷臣來為母親診母親虛火上延口上脣潰痛
四七

擬一方是晚偕地山堅仲同詣祥潛與冕儕辨食色非性相持不下

十一日早作食色非性論示冕儕午後同往聽紅錄云場規甚嚴音信息不得出遂同車至陶然亭天色清明山光疎朗晡始還至厚菴處復詣祥潛夜二鼓歸未眠祥士報至中六十六名大快

十二日早起觀題名錄熟人中並無餘人午詣長椿寺厚菴為祖母誦經一日

十三日早謁漱師不遇晤子修晚訪青萊小坐夜月色甚明徘徊槐陰院中精神爽朗

十四日起溫經書午後訪何頌臣不遇歸覽皇朝經世文編晚大嫂發熱染瘟延醫擬一方服焉夜至祥潛處送冕儕行渠因下第甚憤憑擬明日南歸

十五日早謁激師復詣何頌臣談次觀方禁如集虛齋古文幽
峭有別趣然以詞勝故覺駁雜不純又觀頌臣所作陶然遊記
過午歸晡復入城至東華門新吾小寓接考是日祥士亦入內
覆試寓在方畧館余往覓之尚未至也薄暮歸

十六日早陰起觀史溫經書訪杏孫稷臣復談食色非性与稷
臣辨駁不相下歸偕頌臣詣祁景沂渠客舍甚精潔歸午飯誦
李義山詩覽明儒學案白沙先生云學無難易在人自覺耳方
覺退便是進也纔覺病便是藥也晚雨數日內梧桐葉大書齋
中饒有清翠之趣

十七日起作性善論錄前食色非性論二篇午後詣稷臣示之
渠不謂然蓋稷臣認性為二認理亦為二故与余所論大相反
也晚覽荀子性惡篇

十八日晴作与稷臣論性書為祥士抄殿試比格晚詣伏魔寺

四八

晤彭伯銘舫又詣梓泉未見渠肝氣痛卧在牀也晚秉燭坐齋
中錄日記

十九日晴早溫經書覽方靈皋稿稷臣覆函未渠猶不服余復
書難之覽曝書亭集衣冠出詣黃慎之處賀喜復至萬小湖處
賀喜觀新婦入門交拜合盞鼓吹闐咽哺歸覽經世文編畿輔
水利疏數篇晚復往則見樂妓如雲奇形異狀不堪入目遂私歸
二十日晴起食粥未畢稷臣覆書至觀之渠駁語仍近隔膜遂
復作荅書是日沈先妣忌日備祭品上供

二十一日晴覽時文午後入城詣新吾處小坐即至霽清宮晤
春御為張府上租屋事既出城復看水孟庚甥仍至蓮花寺昏
黑始歸

二十二日早聞梓潛已遷居即衣冠往賀喜坐久談午歸窗前
竹筍出余命僕輩以水灌之傍晚獨坐庭中清香撲鼻覽古文

晚復至蓮花寺

二十三日午後大風

二十四日早偕祥士衣冠詣乾清門聽臚唱狀元張季直

二十五日偕梓潛等觀大臚唱天子御殿受賀朝容肅整

二十六日

二十七日

二十八日晚詣東華門內接祥士考

二十九日暮至新吾處小坐先晤聘臣蘭秋兩師

三十日

五月初一日方爾霞處新婦入門余往賀喜賓友如雲譙聚甚歡

初二日謁客一日晚晤梓潛伯舉

初三日衣冠入城至廣濟寺曉復詣梓潛是日天子祈雨

四九

初四日早風午後陰厚菴來即去會何頌臣亦至談次天作雨因留晚食對酌聽廊外聲暢話因論吸烟之品格有殊以淡巴菰為最高蓋以之觀書以之讀畫以之吟風而醉月明窓淨几之間深院曲欄之地無適而非宜若夫水烟已落俗韻大都談讌之場酒肉之會宜之舍是而外不宜攜入至於芙蓉鷺粟又烟之至卑下者不足登大雅之堂然而沈痼其中者雖知其非不能自脫尤可悲也昔人集洋烟一聯云重簾不捲留香久短笛無羌信口吹工絕佳絕

初五日衣冠拜母禮畢詣厚菴小坐即歸備祭品祀先午飯後內兄幼珊來晤晡地山堅仲約往陶然亭是日天色涼潤山翠欲滴遊興甚鼓日暮歸晚復詣蓮花寺暢談

初六日日中水孟庚甥來晤逮晡始去覽竹垞詩梅伯言古文晚詣介兄處絮談

初七日情訪祁景沂不遇見其小叔友蒙十二齡眉目疎朗如畫氣度穩重而老成可愛是日在子修處午飯晡歸大兄來書自松江發也

初八日晴是日祥士入內引見晚陰詣安徽館黃榜團拜觀優初九日

初十日午後張仲仙來同詣陶然亭天色半陰坐久之始歸復詣龍泉寺一遊歸知祥士得知縣

十一日早晴詣觀音院為四先姊之十週年厚會在此誦經一日寺在南下窪之北庭院甚幽靜而基址甚高其東有橋亭下可以行人谿徑甚佳有山谷間幽趣又其西曲折而行有園植老樹數十行中有池水不甚清旁有土山林草翁愛儼若西湖之孤山光景日中即在寺中蔬飯午後偶與老僧閒話其人曰淨天者年三四十餘頗解理趣余笑而問之曰和尚亦肉食否

五〇

答曰否余復笑曰即肉食亦無妨如以為過則吾輩寧無過乎
僧曰不然織縞之文梁肉之美天所以養人亦所以報人彼夫
居高位者出一謀建一策與非往為蒼生造福則一日所為之
事與所享之祿功過足以相抵也若吾釋氏之徒不耕而食不
織而衣與功于人而日受十方之奉養即蔬食已過分而敢言
肉食乎余思其言頗有見地默識之以為吾輩素餐者戒

十二日

十三日

十四日

十五日

十六日

十七日夜雨

十八日雨止陰霾未朗早詣土地廟購白石榴夾竹桃各兩盆

置庭院中槐陰下魚甕之側饒有生趣

余素無恒性且心思多滯礙一小事即胸內不能自解故自五月六月七月八月九月十月數月間時忽忽不樂兼之倭人聲勢屢有鋒鏑之警長安居者遷徙紛紛以是心緒惡劣而日記遂輟而不續者六七月矣繼而思之人生天地間胸中自有真樂豈利害所能搖惑即離徙患難間而吾但事于無愧于己有益於人八字則何往而不能怡然自得苟胸中無真主見則其為外物累宜矣故日來稍覺胸襟泰然不致如前之不自解時時跨馬出遊返則靜坐觀書如明史紀事本末及先正事畧吳梅村集聖武記海國圖志羅列於左右興至則信手抽一卷斜倚南窗而吟誦之時或揮毫作大字亦頗勁健可觀足以寫胸中憤鬱之氣苟悶極則更跨馬或趨公署或尋僚友喜馳騁嘗悟騎馬有飛鳥之樂憶七八月

五一

間放馬於陶然亭之左右夾道蘆葦叢深後一望無際於是
心為大快一若天地之大唯我一人此等景象不可多得也
然非筆墨不能傳其精神留其陳迹故今復作日記每日所
看之書所歷之境苟有心得誌之勿忘時十一月二十五日
書

十一月二十五日晴讀湯蛰仙大令所撰危言一書專論時務
洋洋灑灑數千萬言其分目曰遷鼎尊相議院中學考試書院
部臣停捐保舉冗員限仕世俸包釐鹽捐小輪開礦洋稅錢糧
郵政鐵路兵制海軍籌邊保朝防俄夷勢教民僧道盜工罰錢
京路內旗水田水利衛屯分河堵口東河北河變法凡四十門
皆洞悉中外利弊當興當革牛毛繭絲剖晰無遺而文筆則如
長江大河浩淼無際令讀者爽心豁目開拓心胸足以闡中朝
士大夫數百年之蒙蔽惜不令當局者見耳

二十六日冬至晚具衣冠家祭覽闕縣王雁汀文勤公石渠餘
記是日晴無風

二十七日黎明起詣太和殿賀冬至也時百官雲集冠裳琳麗
須臾鐘鼓鳴靜鞭百官皆就位跪聽宣詔書既而行三跪九頓
首禮畢各鳥獸散歸甫食時天清日晏

向午詣聘師處是日為聘臣師點主馮仲芷先生禮成余即歸
聘師長於制藝余兄弟從遊甫半載館於余家面而受業辛卯
南旋壬辰復北上遂致從黃漱蘭師然情誼殷殷有愈往日不
意得暴疾遽捐館舍曷勝傷感

曠借青萊地山詣園通觀之粥廠觀扶箕扶者葉懋如等五六
人用沙盤方尺餘箕具木為之如丁字勢而屈其尾二人持柄
則箕尾自畫沙上作字皆大草書點畫雄勁語多不可解有云
口外桃花口裡人家白雲封洞紅葉停車又云奇勳稱匹馬陣

五二

勢演長蛇但聽鏡歌曲何勞蝶戀花不知何所謂也

二十八日晴晨起日无滿室閱明史紀事本末至甲申之變明祚半誤於宦寺懷宗即位首誅魏忠賢罷天下內監之軍天下稱快乃不數年仍令中貴四出資其耳目此仍不可解迨李闖陷宣府內使杜勳杜之秩首迎降賊至京都曹化成一開門內應明社遂屋噫怪哉晚覽石渠餘記紀本朝科舉篇目

二十九日早聘師出殯余詣廣惠寺賓友雜沓安竊訖鼓樂競奏哀聲感人聞之淒絕拜訖歸飯後偕地山觀優為葆勝和班接秦聲繁音促節盤薄摩盪頗有歌呼嗚呼之道歸而悔之曰予於是日弔則不歌余朝弔而莫觀劇可乎遂記過一次晚微雪即止

卅日晴大風竟日早閱明史紀事本末終卷午詣長春寺許恭慎公週年汪子常老伯於是日殯於寺中弔者雲至歸作陳聘

師挽對云神仙幻術戲人間桃李無言至今成讖語都市開門
作師表絳紗宛在何處聽琴聲蓋聘師於未病之先曾至南橫
街粥廠中禱於箕仙先詢國事若何繼問已之行止擬移任霸
州田某家師之及門者也箕於國事云事機將定有居者行者
俱無恙也之語而答師之行止則云公門桃樹留東道笑賸無
言李半邊殊不可解時師母方抱微疾師殊惡之不謂其應竟
在己也奇甚余故於挽語道及之以誌感云尤可異者二月間
華懋如等偶然扶箕忽書無算兵亂之詩類皆血肉模糊語恠
淡已極末綴語云關內則無恙也彼時東事毫無動靜邊圍靜
謐成大怪之遺倭人摩學始知神人有先見云

聞欽命張蔭垣撰為全權大臣卻小春副之詣東洋講和又聞
卻辭不勝任改命李經若未知確否邊事如此不得已出此下
策非可戰而和者此也彼中朝士大夫動以和為耻其心固可

五三

嘉抑忍為朝廷謀所以為戰之具耶戰無可恃而又恥言和是以宗社生靈作孤注也噫

十二月初一日晴擬作消寒九字圖未成昔人曾有舊句云庭

前垂柳珍重待春風

九字皆九筆

巧極後有人續撰云盼封姨飛度

紅香音信亦字各九畫余苦索不能得自歎才盡也

午後詣夏地山家兄借往復至徐博泉處觀博泉與兄對奕奕有深

趣合於戰法錯綜變化不可測度其扼要之着正如兵家制勝

必先占據形勢差之毫釐謬以千里蓋若是其精細也

晚閱先正事略汪漁洋熊文端諸公事蹟文端當聖祖初年權

臣擅國首疏侃陳時政得失毫不避忌當亦國朝有數直臣

與魏敏果楊以齋諸人並駕而齊驅者

初二日晴觀書書院對午後風甚乘馬詣長春寺為七妹榮姑

化紙衣冥器母親亦往又汪子常太守於是日設奠俄偕夏厚

金盞勉善堂煖廠廠在善果寺之西皆茅舍紙窗中窪下如都
中人所謂花洞者貯木榻無算皆收養婦稚每間可容十餘人
前有司事所一椽俱新築未久擬初五開廠地左右皆平曠多
林木俄歸日西斜晚間則邸報上諭近因時事多艱凡遇言官
論奏無不虛衷容納即或措詞失當亦不加以譴責其有軍國
緊要必仰承皇太后懿訓遵行此皆朕恪恭求治之誠心天下
臣民早應共諒乃本日御史安維峻呈遞封奏託諸傳聞竟有
皇太后遇事牽制何以對祖宗天下之語肆口妄言毫無忌憚
若不嚴行懲辦恐開離間之階端安維峻着即革職發往軍台
贖罪以示儆戒欽此

初三日晴觀書飯後至廣惠寺聘師於是日設奠師繪像極肖
賓友皆至晡始歸晚覽先正事略于清端公事蹟欣快無似幾
欲浮一大白公知羅城縣每春命兩犍持昇竹舉行田野中見

五四

力耕者輒呼与語相勞苦民率婦子羅拜或坐樹下与飲食笑
語歡如家人獎勸扶惰民大勸東山寇作巡撫張公國珍命公
討賊反者劉君孚公行次陽邏偵知君孚衆未合遂直趨賊寨
未至十里止宿榜示脅從者許自首免罪投者日千人賊勢孤
欲即降懼誅公遣一人持檄往諭而自騎一羸一人張蓋一人
鳴鉦前導命行呼太守來救尔山中人君孚匿後山夾道伏鎗
弩數百公疾驅抵賊舍坐聽事賊衆環列公問老奴安在君孚
嘗隸公岐守役故呼以暱易之又問山中雨水禾稼若何若良
民何為作賊取屠戮時方酷熱若父母妻子匿何所得毋苦邪
賊皆羅拜泣公曰熱甚須少憩遂熟睡鼾聲如雷移時寤又謾
罵君孚老奴何為久不至客主乃不設酒脯君孚初懼見紹及
是出叩頭受撫即日降其衆數千捷聞張公持露布語僚屬曰
人謂我不雷用醉漢今定何如公常襄事故聞大吏觴公抵掌

論時事飲數十巨觥吏人竊笑公酒狂故張公及之也

初四日晴觀書徐博來來留午飯石孫亦至閒話至并覽蘇文忠詩集余每愛讀名家專集以為讀其書如見其人如與其人為友聆其議論歌詠想見其模範故每讀一集輒精神為之一變日讀數集如晤數良友其益我何窮耶

晚覽石渠餘記紀吏治紀守令乾隆十二年諭知府非久任不可有云題陞題調此地得一良吏即彼處失一良牧孰非赤子孰不當善為撫字顧數、更易乎至哉王言惜部臣不能善體聖心但知以遷擢鼓勵人才其議止於限年陞調而久任之法遂格不能行

初五日晴觀書青來過小坐去向午乘馬詣觀音院奈幼衛師為其弟病歿設奠余即歸午後至廠肆購得皇朝直省府廳州縣圖又得嘯亭雜錄一書為禮親王汲修主人所輯皆紀國朝

五五

掌故逸事鱗次可觀共八卷又續錄二卷賾詣李斯吾渠方見
客余入其室頗見掌頭破書一卷閱之蓋識緯書也不知從何
處假觀者然語多俚俗無文理謬誤亦多

新吾言安晚峰事天子嘗為援手蓋上見其奏大驚急召見大
臣擬旨畢始并其奏呈太后覽太后怒曰即此足了事耶母乃
已輕恭師跪奏曰本朝開國三百年從未殺諫臣乞太后原之
太后意始為稍解

初六日晴飯後詣聘師處師母囑為聘師作哀啟遂入見口授
事績余以筆記之擬携歸復往視安晚峰渠託疾不見客然余
兄晨往曾見之渠擬於十五啟行

晚覽石渠餘記列朝兵制大略

初七日晴風覽經世文續編通商新議續議又對韻珂致直隸
訥制軍書飯後為聘師作哀啟或晚聞姚熙之尚書及宋牧仲

陸清獻事蹟熙之嘗說耿精忠降單騎入其營精忠饗之熙之劇飲健啖指畫仇孽精忠曰此李抱真之流也必不欺我遂降與前于清端降劉君子同一英姿個儻豪傑之士不可多見清獻理學有實政以民非空言者比其從祀孔廟宜哉牧仲以詩名亞于漁洋聖祖稱其居官安靜和平得大臣體前後居巡撫任多善此清獻為天下最上嘗賜御書懷抱清朗又賜聯云兒孫歌舜詩書內鄉黨優游禮讓中亦異數也

初八日晴午後風觀書舊僕張忠自宣化歸此人於前年冬與人鬥毆刃傷人詐諸官論法徒二年至是甫歸然其人頗剛直事上勤幹有血性余故賜名曰忠惟素負氣不容于眾其獲罪也亦有激而然也是日博泉青菜介軒俱留舍晚飯

初九日晴起錄聘師哀啟畢飯後詣公坦出哀啟令呈師母師母素諳文義汎覽書史近體羸多病年甫五十餘余由公坦處

五六

復詣新吾余昨得秘法翦紙作圓周書十二辰揀骨牌不類者
十二各置辰下令人默思所識年幾許屬某即由某辰下牌順
子丑寅卯點數之滿其年即停默記所止某牌余報能知之不
與毫芒余以難新吾渠大詫怪以為神後告其故渠始與然余
因尚欲難人故不欲明言於此時出城詣長春寺與寺僧閒話
許久歸行過牛街一帶人家踈落地間墮一若風俗醇茂照
然有太平景象新而東見矮屋數椽中有讀書聲清朗遠徹余
跨馬過即至夏地山處余兄已先在暮與伯唐地山同至便宜
坊晚酌夜歸

初十日晴妹霞裳生日始著素梳髻年甫十五庭院奏雜技彈
唱雖里歌卷曲亦別有風調至夜深乃已

十一日晴觀史補昨晚看先正事略時乘馬詣夏地山適厚巷
抱微疾介軒持泉成來視問衛汝首將械至都蓋前月有旨拿

阿者也夜月明如畫覽張清恪公事蹟讀國朝別裁集張半園
為友賦久客夜吟詩半天霜墮杵聲急一院月明人影單又廖
人也飲酒詩萬古此一時天地為我宅又先達夫病起裁句移
植甘蔗為綠陰經年長大已成林天寒霜落休輕翦恐有秋來
未死心自寫逸民身分寄託遙深又吳鳴夏出甯羗馬上湧成
有馬首青橫劍外峰之句又云天邊鳥道秋無際雲裡猿聲樹
萬重皆雄澗清健可稱詩豪

十二日晴開張樵野侍郎今日啟行由山海關登輪詣倭議和
此數日內都中頗平靜士大夫酌酒相慶矣早覽史午後沈鄂
孫來談妙峰山事憶去年四月間詣妙峰山山在京西北地絕
壁塔泉清可汲山雄秀絕壁萬仞盤紆第鬱龍從峯萃余盤折
而上約四五十里始抵其巔四顧連峰疊障巖岫嶙峋雲浦煙
騰迷茫巖巒皆在其下多聞瀑布聲冷激玉亦北方罕觀之

五七

境也鄧孫言我等所經乃北路少風景若南路絕險然多茂林
巨木蒼翠夾道桃李花繖然滿豁谷可愛晡余乘馬過湯壑仙
談時務良久復至李梅孫見其所為甲午寶鑑游戲之筆仿水
滸三國標目狀皆類今年事蹟有涉談諧裁對極工可為噴飯
余強携歸

十三日風冷早陰向午晴觀史午後石孫過會胡仲基自江西
解餉抵京昨晚甫到今始來寓抵暮乃去

余昨聞李梅孫言大同溝之戰鄧世昌因船破躍水其所畜二
狗泗水翼世昌抵德國兵輪遇救世昌既蘇見士卒皆盡仍不
欲生復赴水死時二狗因救世昌倦睡熟不知也既覺不見世
昌亦皆赴水死始而救主繼而殉主大義凜、忠臣孝子之所
為也不謂於狗得之嗟夫使天下人皆恥不若狗則仗節死義
之士接踵起矣

十四日晴觀史向午余兄命車來遂至致美齋有樓數間頗高
聳余兄及仲基兄皆在相對小酌須臾夏地山亦至飲訖同步
往觀劇抵暮始各歸晚覽陳恪勤楊文定朱文端陳清端諸公
事蹟又觀石梁餘記紀國家會計之數一

十五日陰寒甚早觀史午後詣上斜街花廠購梅花送至新寺
處觀其所畫山水晴出城詣嚴肆購得中西紀事竹葉亭雜記
為國史記携歸竹葉亭雜記桐城姚伯昂著亦多載本朝掌故
共八卷萬國史記日本阿波岡本撰共二十卷聞倭人又增精
銳萬餘人皆東行日聞恐奉天告急張樵野侍郎雖已首塗尚
未抵其國時事如此不知作何了給曾見樵野有七律二首云
六朝煙水氣常清濁世何常有盛名掌上未逢天外使膝前遙
隔塞垣兵山川莫喻人情險風雪懸知驛路平一語贈行應自
慰不曾賣賦綴金羸論都旁魄豈馮虛昏眊慚無諫穢書地上

五八

麒麟西苑馬天邊。獵虎北門魚已看。七枝能為武始信。長安不易居。聞道成城。資衆志。風雲應為護儲胥。

十六日晴。昨購梅花。送來置窗下。紅萼未吐。向午李梅孫來。同至江蘇館。赴戴青來姚菊仙之約。看果雜陳。飲盡歡罷。大風夜。尤甚。覽竹葉亭雜記。

十七日晴。現池水結。消寒圖已入三九矣。命僕持梅花一株。遣地山讀史。腹微泄。午食不下。咽哺仲基石。孫成來小坐。晚加餐。觀先正事略。史文靖沈端恪諸公事蹟。二鼓寢。月明如晝。

十八日晴。觀史明神宗紀。有明一代半亡於官寺。而官寺中未嘗無賢俊者。如明孝宗初。立刑部尚書何喬新。以剛正為萬安。劉吉所忌。欲借升秩以遠之。遷南京刑部尚書。中官懷恩詣問。正色曰。新君宜用正人。胡為出何公安等。默然。神宗有疾。召見沈一貫。諭以罷礦稅及江南織造。江西陶器。撤還所造中官一

貫方擬有進翼日帝疹悔之追還前諭一貫惶遽繳入時司禮
太監曰義力爭帝怒欲手刃之義言愈力而中使已持前諭至
後義見一貫唾曰相公稍持之積稅撤矣何怯也使宦寺盡如
此等人未必無益於國而人君又未必盡納其言而寵任之也
其所寵任者則皆頑庸無識之徒也悲夫聞蓋平失守王師又
敗續此信頗確又聞張樵野於十六日自津啟行倭人亦派大
臣其名曰井上馨此得諸地山所言

十九日晴讀史午後詣廠肆見安御史奏稿晚接榭珊來書日
印封

廿日晴天氣煦暖厚委約仲驥小酌余亦與馬座中有蔡穆如
方嘯霞戴青茶許子元及余兄設座廣和居飲罷余歸往視陳世兄
公坦疾發熱未退復詣李新吾不遇即歸晚作上岳父書議論
時事約千餘言燈下作字甚潦草余昨見安御史奏稿於書肆

五九

中其所言仍劾合肥語多市井無稽之談膚淺已極文亦尖雜不堪入目不意此君竟自鳴得意於原摺擲還後令人各處傳寫已徧都市適足資為笑柄焉耳

二十一日晴風沈蘭師來小坐即去送至門外聞市將刑人往視則南搭棚觀者如堵知為衛汝貴今日刑部方奏定其案必奉旨處決矣至日中尚未來即歸午後復同地山伯棠往視仍未至羣謂今日不復行刑俄日暮忽報已來余即往觀人聲聞咽擁擠不可近視執戟者數十人須臾有來與者至云為薛雲階大司寇既至半响始終一散則已畢刑余遂歸赴徐博泉之約夜飲於廣和居甚風

二十二日起觀更忽聞吹螺聲出詣市觀之旌旗拂天戈矛林疎冰刃露潔趨材之士捷勇之夫風驅而霧集無慮數千人馬步相聞皆自西而東云咸赴南苑蓋自山陝調來之勁旅入衛

者其能否制勝則未敢必也午至江蘇館堦介軒封翁鴻甫先生生辰

二十三日晴仲驥於今日出都余往送行復詣長春寺與寺僧談即留蔬飯是晚祀竈爆竹聲不絕晚飯時余與兄論食物之品格當以雞魚為最高雞之品雄魚之品逸勝已為庸材而鴨尤其下焉者也若果實之類以橄欖為最高清苦堅澀毫不取媚於人久而知其味故名敢諫果其次莫如橘亦非凡品至於花則蘭為君子而梅為高士木則松似元老而竹似直臣皆品之極上者也

二十四日甫四鼓起偕兄詣隆門內乾清廟蓋是日為金浙謝獨免恩錢子密宗伯汪柳門司空皆已先至餘同鄉甚夥其在內服役者曰疏牒國語也凡給使及傳命皆用之屢在左右或獻茶或米剪燭有事輒通報坐久之忽報謝恩摺下內傳知

六。

人
官

道了錢汪諸公遂偕同鄉出詣乾清門外望闕叩頭禮畢月色
猶明遂坐朝房待曙始徐步出。〇門繞。〇御箭亭及文華
殿後身行時曉色盈，四顧瑤甍飛宇寂靜清涼幾疑天上唯
聞履聲索，而已出東華門遂同至叙風堂小酌有廳三間亦
樸雅不俗

二十五日晴寒氣襲人書春聯讀史至元成宗紀覽嘯亭雜錄
內臣世祖鑒前明閹宦之弊立鐵牌於交泰殿內官不許干預
政事官不過四品皆隸內務府總管歲時謁見如堂司制有司
官冢宰統攝之義和坤在純廟時雖貪黷然其居內務府也制
內官頗嚴軍機隨侍嘗有背呼梁文武公名者和剛之奮然曰
梁為朝廷輔臣汝輩安可輕之立杖數十近日內務府大臣多
由僚屬驟遷又無重臣兼領故故事總管輩多與大臣分庭抗
禮無復統轄之制矣覽先正事略復觀石渠餘記

二十六日陰覽通鑑元成宗五年罷征東行者以平章克呼濟
 蘇言高麗王擅署官府及借用天子禮儀器物况官冗民稀刑
 罰不一若止依本俗行事實難撫治帝遣刑部尚書王泰亨等
 往釐正之蓋元時國嘗有為高麗革政之舉今日本啟釐之初
 亦以為朝鮮革政為名而中國弗許請中國為革政而中國又
 弗應以致鋒鏑相尋兩國構難誰執其咎歟午後復書春聯喃
 跨馬詣新吾晤貴岷懷屠靜山屠有詩諷合肥相國云清時談
 笑空三島今日憂虞到兩宮
 二十七日晴覽通鑑元武宗仁宗時事元人封拜之濫古今所
 罕見凡僧宦伶人皆可以拜翰林學士或開府儀同三司甚至
 使宦者祀孔子仁宗元年又欲以伶人為宗伯張瑄諫而止其
 開國未久即如此紊亂欲其運祚之長得乎昨在新吾處聞日
 本攻威海可危今日聞榮城已不守時局如此奈何奈何飯後
 訪李梅孫渠新選安徽青陽縣時梓泉厚菴地山皆在議論時

六一

事梓泉謂今日中國之不振非不肖者多也實似是而非之賢者多也余以為名言

二十八日晴覽史午後偕兄詣沙灘關帝廟謁王慶翁姻伯不遇晤稚愛表姊丈慶翁自滇南奉詔米都前數日甫到今早召對派克幫辦北洋大臣稚愛談雲南風俗情形甚夥晤歸晚祀神俗稱燒年紙禮畢余兄弟偕至嘯霞處晤勉甫年伯勉翁與先君子三十年舊交通籍後居京師屢往來其家嘯霞時年十二三為言當時情景歷歷在目今猶其故居也勉翁今由天津道挂冠來都年已六十有六少先君三歲精神未衰余兄弟既見談良久余不覺懷然幾欲淚下

二十九日晴覽史午後觀德人所論歐洲大局及日本與西洋定約各國旅本民歸本國管轄皆余兄所手鈔者俄李梅孫來余即詣新吾渠甫起與談至暮歸地山在舍方與兄圍棋晚與

兄談西事西事類編謂西人議院之設亦多流弊每樹立黨援
挾持朝政不論理之是非而一二有識之士或以寡不敵衆引
身乞違如是者比之故西人亦有稱中國法制為善者天下無
無弊之政信然

三十日晴早懸像備祭器午後衣冠跨馬出謁黃漱師未見至
長椿寺小坐由上斜街一帶徧投刺遂至周滌峰處談良久渠
屋宇甚寬綽獨橋梓二人居其中閑靜特甚余復至水孟庚甥
處渠家書籍碑帖滿架上復有奚鐵生墨蹟山水一冊頗雄奇
未辨其真贋也聞其隔壁粥廠中因擁擠斃數人此皆司事者
辦理不善救生反致戕生抑亦可笑暮歸家祭厚卷地山勢仙
博泉成來相與酌飲盡懽是晚燈燭爛然氣味頗佳

形乎上者謂之道形乎下者謂之器得西人深
工欲善其事必先利其器於中國甘
以不教民戰是謂棄之輕的改壞
生財有大道生之者衆食之者寡為之者疾用之者舒富強
今天下車同軌書同文行同倫大一統
術

六三

光緒二十三年丁酉

忘山居士信筆

正月壬寅

初一日晴起拜天書福祥字十餘皆古人成語微感寒腹作痛
登樓飲蓬湯晚即愈覽樊南文集

初二日陰起甚晏有與出賀年叔處養狗子能作人拜狀內典
云狗亦有佛性蓋云非但狗也無物不可自動於妄念作種種
形惟心所變及歸覺海皆成虛空如眼中花如鏡中象水無樂
苦境謂有非有謂無非無佛家繁複言皆是此意是日不讀書
初三日微晴詣燕生不遇歸造嚴後翁小談後翁工書臨聖教
序惟肖是日書屏雜臨三希堂諸家草書亦有意趣歸成書城
映雪七律一首錄之云坐卧羣書太不厭橫風吹雪凍雲黏窺
窮壺與五千卷守若金湯三萬載貧士庭廬皆皎潔詞壇壁壘
更精嚴丈夫志學堅如石舊說高風有織簾補覽玉谿生詩晚

觀大乘起信論上卷終是書為馬鳴菩薩著名馬鳴者菩薩初
生之時感動群鳥悲鳴不已故稱其造論專言大乘有麤中之
麤凡夫境界細中之細是佛境界

初四日晴成雨凡洗塵一首云形如槁木至人居靜掃芸窗抱
太虛促膝未成安國賦開簾更讀孔融書扁舟雲水棲身地筆
架江山豁眼餘隱坐閉門消百慮破閑遠欲注蟲魚補施子英
過談讀莊子俄坐人力車詣味蕪園有晉法戰圖繪較奇園尤
精夜觀大乘起信論

初五日晴作寄杭諸親友書成爐山浮靄一首云紫烟吞吐近
蓬萊駕鶴翔龍矯首回天外香風被闌綺盤中春色冷滄灰博
山佳麗披雲見喜氣氤氳拂日開道力慈悲熏習久梁元蓋有
勒銘才昨與杏孫論書法杏孫謂前人有言無論詩文書畫欲
精一藝者其初須與古人合其終當與古人離能合者名家能

誰者大家合已不易離則尤難
補謁外舅留晚飯夜歸覽還讀
齋詩

初六日雪起錄日記成碑林覽古一首云
揭來樂共古人遊
斷碣殘碑奇字留筆力狂橫劈金石烏文盤屈壽春秋周秦遺跡
真無價魏晉豐碑尚易求
慣喜臨撫二王帖
風神枯樹益清道
補檢閱家藏碑板置精者
素頭晚覽大乘啟信論有云
佛與衆生曰淨與染
染者無始有終
故衆生皆成佛也
淨者有始無終
故佛不復為衆生也

初七日微晴仲遜過談錄日記成茶甌瀉泉一首云
蒼松鳴雪晚
歸自煮風爐魚眼高
石脈香多噴火活
心源濁盡作詩豪
逢山葉墜供仙品
碧玉瓶開拂素濤
汲取寒泉到舌本
須知換骨勝春醪
晚在外舅處醺飲夜觀優

初八日陰錄西史補懸腕作行書有自得之趣
夜未下樓觀還

請齋詩集韓桂於對著詩筆閒逸有秀乳

初九日晴覽起信論終卷慈謂教主之言徹上徹下如大學在明明德即教人悟真如也在新民度眾生也在止於至善修無上涅槃果也自知止而後能定至慮而後能得一節大乘止觀之說也訪燕生談至莫燕生云鐵木真張獻忠一流人皆前生修聲聞緣覺果不成者何也聲聞緣覺工夫其視我身及眾生身之死生禍福苦樂無足撼其心也彼鐵木真等固先能視眾生身之死生禍福苦樂心不為動矣而視己身則猶重故冀世肆其貪憎而殺人累千萬遂造無量劫悲夫莫歸夜覽六祖壇經

初十日晴詣仲遜風冷日暎偕詣施子英甫歸覽六祖壇經終卷六祖名惠能殆菩薩化身聞五祖說經言下了悟然不識一字同學有說偈云身是菩提樹心如明鏡臺時時勤拂拭勿使

染塵埃六祖時未聞道一見即知其淺自說一偈云菩提本無
樹明鏡亦非臺本來無一物何處染塵埃五祖大悅授以衣鉢
使南行傳道於是佛門有禪宗一派晚雜錄莊子精語作小行
書

十一日晴錄西史覽隨園詩話隨園為人聰敏常見古賢有甫
受人薦舉即反顏攻訐嘗世以為直者心大不然者詩曰若無
施報事忠孝何由來彼見忠孝亦在施報中識解絕頂

記余十一歲時從黃四齋業師讀書冬窗晴暖日光滿几師與
家兄魏若對坐手鏡仰日轉動光射屋頂燦爛師笑謂家兄曰
盍成五字詩繪之兄曰殊難余從旁應聲曰日照鏡光飛師大
嘉賞

人每不自知性真本體余忽然大悟蓋試靜坐一念思貴高車
羽蓋現前一念思富金銀纒然現前一念思美色嬪媵粉黛現

三

前一念思豐食炮烹騰鬻現前俄萬念息絕視諸境復淨明徹無一物此清淨朗徹者即性真本體也

晚覽朱子集存養諸說謂治心以靜為主然須令活不可令死否則近于禪家入定此不解佛理也佛豈教人心如死灰乎觀妙覺圓明心瑩然無涯際如何圓活乃謂其死真門外語也

十二日晴昨內兄又三來自金陵寓寶善書局余馬車往視之與同謁外第午食脯歸覽宋無盡居士護法論謂孔子曰朝聞道夕死可矣所聞之道即無上菩提之道頗有見夜覽御選禪門語錄僧肇永嘉諸人論說

吳書云吳王孫權問闕澤曰孔子老子得與佛比對否澤曰孔老設教法天制用不敢違天諸佛說教諸天奉行不敢違佛以此言之實非比對明矣觀此則知易稱大人先天而天弗違殆即指佛也

十三日陰日中齋杏孫二梅及內兄又三內弟滙來於雅叙園
晡詣時務報館即歸雨作書寄杭

夜覽永嘉禪師語錄谷朗禪師書有云先須識道後乃居山若
未識道而先居山見山必忘其道若未居山而先識道者但見
其道必忘其山忘山則道性怡神忘道則山形眩目是以見道
忘山者人聞亦寂也見山忘道者山中乃喧也至言名言余因
自號忘山居士名其廬曰忘山廬

復讀寒山大士詩

十四日陰錄西史晡訪杏孫談詩談佛晚歸覽袁籍齋詩水西
亭夜坐云鐘聲偶然未起念知三更當我起念時天亦微雲生
有佛理覽御選語錄讀寒山拾得諸人詩復觀瀉山仰山禪師
語錄

十五日陰錄西史晡覽洪北江大考征教匪疏謂教匪不可盡

滅宜重懲孽蒙之地方官可謂言之有本北江詩亦清朗超卓
可誦夜觀蓮州禪師語錄禪家問答多涉隱秘有可解有不可
解者或故示神奇亦未可知

十六日微晴余生日自述七古一首錄之云無明風動扇四極
金磨大蒸紛變泐窪者為海高為山水土融抽草木植色香味
觸生六妄覺知見聞起叢棘茫茫情想吸引無窮胎卵溼化如
糾纏想愛同結貪同滋弱者之內強者食羊死為人人為羊死
死生生儼追逼更有情想多寡歧天淵阿鼻修羅不可測物窮
則返似轉輪蹄者復起飛還踣悲哉眾生苦樂相纏縛大千微
塵鬱充塞於中有我無始未受劫不知百千萬億靈光不昧遊
人間明鏡獨抱勤拂拭幼信因果若形影前後作受希羞感已
知身外自有身不隨耳目百骸同變熄年來棲身大海濛偶遇
人天善知識授我無窮微眇言化我故執祛我惑頓悟性天覺

海本澄圓大地山河中結轆一念不動四維通識浪無端相吹
息回顧一身如葉飄萬波浮沈東西逐南北始歎衆生盡同體
大海浮漚搖滔汰如何肝膽竟越秦甘蹈聲聞緣覺域諸佛菩
薩皆此意志惟洗盡犁沉黑不辭化作億千身盡度衆生消障
憇我今俄頃不迷性亦欲奮然燈側日讀佛書三萬言學大乘
禪朝朝動悲惻跛行喙動悉平等煩惱菩薩非降陟皆緣妄念
無解時長令坦夷化幽仄我悲衆生遂自悲何時同入清涼國
脫盡三途入涅槃不使閻浮留遺盡昨聞阿母語生子頗奇特
一夕有僧夢中來敝衣黃冠排闥闕始信前身是老僧曾受菩
薩教儀式又羈富貴臨絕險試我金剛堅定力殷勤善護妙覺
心弗負前因自沈押

十七日陰撰生日自述詩成庭作傀儡大足排闥夜覽雲門禪
師語錄禪家每遇學徒問元妙法輒任指一物使精思說者謂

五

足以祛人妄念此胡近理雲門師有云見露柱但喚作露柱見
柱杖但喚作柱杖有什麼過斯語可細參夜雪屋瓦皆白

十八日醒聞雪厚五六寸已止俄晴霽錄西史過午陰作寄余
兄書伊峻齋過談佛各執一理不相下峻齋云聞中龔譚仁家
有道壇扶鸞作種種靈蹟神仙累降蓋以其地潔而奉事極誠
焉余酷信之晚包鴻卿拈歎復新園夜歸昨覽還讀齋詩有句
云心似養花隨地活頗有禪趣是夜復披讀

十九日曉晴映時陰錄西史晡訪杏孫不遇謁外舅與內弟鬪
象棋而負留晚食歸覽永明禪師語錄有心訣萬善同歸等篇
精湛透進闢我未見之境有云入佛階梯有頓悟漸修有漸悟
頓修有漸悟漸修頓悟頓修諸種不同以明一心為體積萬行
為用闕一不可又云悟而後修所成愈大又云求大乘法輕忽
戒律是猶欲造達章宮不求瓦木如何得成

二十日晴錄西史晡陰晚仲巽控飲燕生杏孫皆在坐縱談仲巽之族長有久客蜀中三十年而歸者道及四川及滇藏交界處有野蠻肉骨巢黑居萬山中亦有酋長此亞洲之黑種人也燕生談西藏風俗甚奇往往一女娶五夫又嶺南黎人許嫁女則面刺花別於未字者可知宇內風教不同如此

燕生累稱顏習齋為國初通儒有顏氏學記一書是晚余向中尊假觀携歸讀數頁得其宗旨蓋先生專以崇實為本惡漢宋以來專執書本為學問即程朱主靜亦謂無裨于民物政教皆虛學也昔哉其洞知本原乎

二十一日早晴錄西史覽顏氏學記痛詆後儒僅以講解誦讀為學之極則猶學琴者專習琴譜不知操琴真善喻也要了三代以後自秦焚書書雖復出人心視類碑碣玩好之物不復求于書之外余嘗論之於前矣習齋之意與余正合習齋以為世

六

間真學問不外天文律曆兵農水火禮樂諸有實用濟民事蓋已窺見今日泰西學校之本吾不意國初竟有此種人物

二十二日晴錄西史補詩燕公談晚歸覽顏氏學記

韓退之嘗稱越椒始生而知其必滅若教晉揚食我始生而知其必滅羊舌以是為性惡之實證此誤也越椒揚食我不過因聲容之不平知其非善相足以滅宗耳相也非性也顏氏極力辯之甚是

宋儒論性有義理氣質之分最貴解而無理既云義理則屬之天地自然乎屬之人生各具乎如天地自然則義理而已性何與也曰人生各具已是氣質何能別有義理之性顏氏駁之雖與余稍異皆足使程朱無置喙處

二十三日陰錄西史午食畢覽第十八冊時務報有瑤林館主論俄人國勢酷類強秦前後比證頗稱闕三希堂帖作小行書

頤齋過談

晚觀簡齋詩偶然作等篇隨園善以淺言說理極有意味

觀顏氏學記四存篇終有李塔王源所撰年譜先生亦知推重王荆公可謂卓識矣惟為韓侂胄辯誣似稍過然侂胄志亦無他惟不審度時勢耳先生少事程朱稱為聖人及年長知其非即謂破一分程朱始入一分孔孟何其善變也

先生嘗云以七字富天下鬼荒均田興水利以六字強天下人皆兵官皆將以九字安天下舉人材正大經興禮樂想見習齋先生胸中氣象惜乎其未知民主之義

二十四日晴錄西史晡答拜汪桐門即歸覽說文解字讀荀卿淮南文上燭時覽東坡詩夜觀顏氏學記

中國無實學無論詞賦講讀甘蹈無用即名為治經濟家往往紙上極有條理而見諸實事依然無濟不敷實之病至此昨見

七

習齋先生云自帖括文墨遺禍斯世即間有考纂經濟者亦不出紙墨見解悲夫

二十五日陰錄西史喃至棋盤街書肆購書見有日本外史部
關文筆極條達索價頗昂未購也俄至時務報館見吳鐵橋晚
觀顏氏學記

周禮一書後儒多疑漢人偽作余每不謂然今觀李恕谷先生
辯之極詳且曰若果漢人偽作則當盡作何故缺其冬官一篇
斯語尤可解疑

余前年讀通考嘗論周禮國服為息之義茲覽李恕谷先生言
亦有見地云周禮貸貸國服為息止一泉府司之泉府乃士職
與漢之游徼嗇夫今之耆老官不甚懸殊故民取攜便而弊不
滋今之守令即古諸侯其位尊則民畏而出入不便其事繁則
必委胥徒而奸竇易生況重之以君相之尊威而立法使守令

編行宜其敷也。馮繪生又云：周時民皆有恒產，所以可以國服。為息然尚多補助，不必取償。今貧民多無常業，貸之將不能償，必取償，將貧不及貧民，或及貧民而反以病之。荆公志在利國，勢必擾民矣。

二十六日陰。讀荀子、晡詣峻齋，見濟顛祖師驚筆書道字，斗大雄奇，恣肆自題。紫金剛身阿那尊者、南屏老初書，賜宏基宏基。峻齋友朱姓亦有志學道者，晚歸讀蘇詩，觀顏氏學記。

郵政局立擾民殊甚，寄書多道，又不能與置辯，或曰：新法其果不可行乎？日中國勢殊驟增，一事彌多，一病根本，不固求其枝葉之茂，未之聞也。必也報館學校行之十年，又徐開議院，庶幾可舉行一二，今則不能。

二十七日晴。閱江鄭堂漢學師承記。

二十八日陰雨。錄西史晡閱說文釋例、中國文字當古篆之作。

極有命意至流而為今之楷書而古意幾全失矣古人為文用字不苟剴刻深細今人盡茫然也故我輩即偶有論說之作可稱散文不得謂古文古文如秦西之臘丁文非通小學不辨晚覽顏氏學記顏氏論文學古之明明德一節以為其所格之物即修身齊家治國平天下之實學實政如射御書數兵農禮樂莫非物也知至即知此物也意識則專意此物如好色惡臭也心正則無忿懣患能移奪此物之心也而身無慮不修家無慮不齊國與天下無慮不治乎

覽李恕谷先生傳注向謂朱子教人學鬼直可捧腹蓋朱子解鬼神以語為神嘿為鬼動為神靜為鬼而又教人半日靜坐非使使學為鬼乎先生真善滑稽先生亦謂天地之中人物之外實有鬼神蓋通儒之論

二十九日晴錄西史泰西能扶植民權者始於法蘭西王腓立

第四創民會也而路易第十腓立第五繼之實絕哉宜今日變法興盛之暴也

晴馬車馳味純園余携書中觀之驗目力之速數抵園甫閱五葉而去寓所七八里遙可謂鈍子日矣步行至彈子房迤東低垣亂樹間有殘梅數本余徘徊良久有煙米送揖者乃胡二梅遂相與穿茅亭松徑曲折而出莫歸夜覽顏氏學記

二月癸卯

初一日微陰錄西史晴訪歐陽石芝談佛晚歸讀荀子夜觀顏氏學記

前見李恕谷言人之行有幾微不可告人即謂行不顧言言有毫髮迴護即謂言不顧行名言可以訓世

初二日晴錄西史半葉晴宋燕生先生過談出所和余生日自賦詩步原韵禍另存茲不錄燕公前有贈杏孫行七律中有聯

九

云濁世難為隨武子謂甲午年十四人上書請知事愚忠能識郭汾陽謂深相皆杏孫一生長處夜讀荀子

初三日晴錄西史過午詣杏孫晡詣時務報館見枚叔及仲華歸閱玉篇廣韻愚謂中國教小兒識字解文義宜另編簡易之書仿泰西法由淺入深庶人人皆可成就也余嘗疾中國類書多分割不精欲自擬類書條目以質諸世

初四日陰微雨送杏孫北行日中別歸過視藝仙晡歸讀荀子新吾至自揚

覽顏氏學記程縣莊論語說

初五日雨覽顏李弟子記是日終卷冒雨詣祥士晚歸讀荀子覽色慎伯齊民四術慎伯頗有救世之志

初六日微晴祥士處治喪余往款客晡出城詣次申談莫歸晚穰卿招飲終日不讀書向槎至自杭

初七日雨覽乞慎伯齊民四術農政篇中國士大夫留心此道者蓋罕慎伯之言曰近者農民之苦劇矣為其上者莫不以漁奪年侵為務則以不知務穡之艱難而各急于孫之計故也僕深以為憂故少小講求農事為郡縣農政一書其用意深遠矣初八日稍讀荀子覽齊民四術晡燕公談燕公謂小兒教之讀書通文自有捷徑自言其女十歲時尚不識字十一歲起課以十三經集字日識四十字兼為解字義半年已能自閱三國演義說部最佳書即為講左傳使讀不令背誦甫讀完能成數百言嗣為解國語及史記菁華錄三書訖能自覽御批通鑑可知中國文理得善法教之更不難要在先史而後經世間昧昧真可嗟痛也又見其所綴詠史詩已頗有味

初九日微雨燕新吾次中等于復新園晡至張園一帶相地晚歸夜憶純返揚送之登舟旋詣日新里金伎家胡二梅約飲坐

十

有次申仲遜新吾等六人俄群妓翻躑等雜奏有嘔漁詞者
幽怨動人夜深歸終日不讀書

初十日陰讀荀子有云可以奪國而不可以得天下可以竊國
而不可以竊天下故謂湯武未嘗取桀紂之天下桀紂自亡之
也何則天下歸之謂之王天下去之謂之亡當桀紂未放誅時
天下早去而歸商周為天下所歸則湯武之矣夫為君而紂桀
早為獨夫以君誅獨夫而後世汙儒目之曰弑不亦侮乎荀卿
意如此正可為孟子註解

荀卿非宋鉞之情欲寡亦有所見道本以無欲為上乘也然而
撥亂之世不能驟令人無欲也故聖人先因其欲而利導之使
有節制而不為亂則聖王持世之苦心也荀子知因欲利導之
善而不知進而益上之道未為得也

十一日陰讀荀子為沈伯剛書屏臨畫像贊未畢次申過折簡

延燕公至縱談晚雨余與次申同車出夜歸覽齊民四術銀荒
芻議等篇慎伯深有經世之才援世之志非尋常著作家比

十二日陰讀前續書屏畢覽時務報參孟華啟稅務司新立章
程議過午出詣次申不遇莫歸余兄來書復覽安吳四種包慎
伯亟欲行鈔法賤銀而貴錢以為可以救民之急其法未嘗不
善顧此亦非君民共主之世不能行也中國官民之氣隔閡久
矣欲令官與民交涉而無弊不可得之勢也何也官有權而民
無權也民無權則官欲左民不能右也官有所欺虐民不得而
抗也故市賈非不能居奇而龍斷然民尚無大苦者以平等之
人相接所持者暫而已矣若入官吏之手則處處抑勒侵削而
民無完膚尚可問乎慎伯殆未見及此也

十三日陰日中微晴即聞讀前周秦諸子文章自推莊列荀卿
似近乎滯然其骨力矯健樸重亦能自成一派次申北行夜登

身送之

天下無所謂智愚也無所謂君子小人也惟偏與全廣與狹耳
智者見全而愚者見偏君子之心廣而小人之心狹梁肉酒醴
非不足適口也然而過食焉則損身智者慮其損身故不縱其
口之欲也愚者則以口戕其身矣聲色嗜慾非不足以愉快俄
頃也然而沈溺焉則病禍畢生智者慮其病禍故不縱其欲
之欲也愚者直以俄頃害畢生矣是偏全之分也燠衣飽食人
常情也君子知衆人之各具此心不獨己所欲也故損人而益
己不為也欲人人之皆利也小人則知有己而不復知有人苟
益己焉雖傷于人不顧也是專欲一人之利也此廣狹之分也
次中北行夜登舟送之

十四日陰讀荀子大畧篇荀子所言悉合儒理惟以人性為惡
不可不重刑則流入法家

補詣燕公談晤紹興童亦韓學琦亦有志士欲創自強報館與
燕公商定章程首列皇言次政事次論著次新學次異聞附本
館論說燕公所擬也

燕公昨有送薛次中行詩錄之云位卑難發烹桑請道直甘蒙

索李鐵談不待深見天性吏何妨隱想風期荒迤紫氣騰宵畫

濁世黃金變是非西蜀古來足詞客眼中亮節似公稀烹桑指

言香清大為民壽故云
黨李即道祖李合肥也

夜覽色慎伯答姚伯山書論居官云印到為官印去即為民計

一身則為官之日少而為民之日多計一家則為官之人少而

為民之人多故啟舉一事發一令必自思曰吾之父母官以此

施之于吾身將以為何如數語凡為邑宰者當奉為座右箴

十五日陰雨讀荀補覽丁酉正月分公報詣峻齋不過夜觀色

慎伯齊民四術有保甲法及學政說蓋欲復三代閭師黨正鄉

一二

舉里選之意

愚謂居今世而言學問無所謂中學也西學也新學也舊學也今學也古學也皆偏于一者也惟能貫古今化新舊渾然于中西是之謂通學通則無不通矣仲尼基督釋迦教異術也貫之以三統由淺入深不淆其序三教通矣君主民主政異治也民愚不能自主君主之虐虐三代是也民智能自主君聽于民泰西是也而凡所以為民是政通矣號之曰新斯有舊矣新實非新舊亦非舊惟其是耳非者去之惟其實耳虛者去之惟其益耳損者去之是地球之公理通矣而何有中西何有古今

十六日雨讀沖虛經有云黃帝夢遊華胥氏之國其國無師長自然而已其民無嗜欲自然而已千萬年後合球種類必有如斯景象之一日

十七日陰雨讀沖虛經云周穆王時西極之國有化人來又云

孔子稱西方有聖人不治而不亂不言而自信不化而自成疑
即暗指佛也又孔子推西方聖者高出三皇五帝又曰某疑其
聖弗知真為聖歟真不聖歟史記老莊申韓傳云孔子見老子
去謂弟子曰鳥吾知其能飛獸吾知其能走魚吾知其游走者
可以為罔游者可以為綸飛者可以為矰至於龍吾不能知其
乘風雲而上天吾今見老子其猶龍邪然則孔子於佛老二教
皆似尊之至而若有疑辭者殊不可解

補詣篋帥晚歸夜色慎伯齊民四術論刑律者寢時月明

十八日微陰子涵表兄至自金陵留午餐息裝頤齋處補余詣
談晚同飯于一品香夜歸覽齊民四術慎伯代人請清釐積案
二摺稿

十九日微晴請冲虛經補詣子涵同遊張園晚峻齋拈飲
二十日微晴請冲虛經

人之所以相愛者愛其神志也非愛其軀也何也人死而耳目如故也肩臂如故也人每厭之惡之畏懼之又未嘗不悲思涕泣而慕其人一若與體無與也非以其神志去乎夫所謂神志者何也魂是也列子云生相憐死相捐相憐者神志相捐者軀體也

列子教人縱欲以養生似又不知佛理者何也人苟皆欲縱耳目口體之欲物不足以贍則相爭爭之不已則相殺而世大亂則所以養生者反以戕其生也且生縱樂而死受無窮苦惟智者知其後正罪苦之日方大也故嘗欲節制其欲求免其苦愚者不知以為人何幸受此生死則已矣泯然不覺矣於是肆然窮其耳目口體之欲以求厭足懼其虛生也而不知人固未嘗死所變化者軀體耳無窮之苦需于後也其所樂者不抵所苦也人特患不知此耳知之則尚何欲之可縱耳目口體尚有

何好哉

列子說符篇云齊曰氏曰天之於民厚矣殖五穀生魚鳥以為之用鮑氏之子年十二進曰不如君言天地萬物與我並生類也類無貴賤徒以大小智力而相制迭相食非相為而生之取可食者而食之豈天本為人生之且蚊蚋噬膚虎狼食肉豈天本為蚊蚋生人虎狼生肉者哉此語平心思之亦常理也以人未能造斯境界故往往以佛氏之戒殺為迂詭

夜觀包慎伯書三案事並答子謙獄書

二十一日雨詣仲翼及襄孫午歸覽江慎修周禮疑義舉要兼觀周禮註疏世多疑周禮為偽書其故有數端官多而田少不足以贍之一疑也官制與左傳王制孟子暨諸古書不合二疑也賦稅重似違先王之意三疑也然以鄙意論之以為設官雖多而古有官不必備惟其人之語則一人而兼數官者有之矣

且侯國之貢獻歲有常制則祿食亦不僅出於王畿之內而何慮不贍哉若官制名則左傳所載已在平王以後時更數代保無沿革非周公之舊乎至賦稅之繁雖啟後儒之疑然當時之民皆有恒產夫受百畝有以養之不妨收之如近秦西科稅未嘗不重然其國中無失業之人皆足自立賴有學校造就之即所以養之也故其民殊無患苦而樂輸將若三代以後君不養民民之失所者多且君去民遠故官吏足以舞弊而民重苦是以居三代下而競言利者士夫羞稱之蓋以此也由是觀之周禮寧非偽書而為君統中治之最善者也

二十二日雨詣友人偕往購置器物備天津育才館用者余兄書來故賄歸覽周禮註疏晚覽齊民四術其方君壽序有云州縣之所有乎錢漕則丞主之案牘則簿主之緝捕則尉主之庠序則校官主之是故長官之職在興利除害勸課農桑激揚孝

弟而已自長官以錢漕為利最案牘為威權始盡奪丞簿之職
至風俗之淳漓則酬之安擾以其無利於己也而不問於是校
官與尉之設始冗于胥徒汙于黜僧而州縣之本職抑盡廢已
至言

二十三日陰復出買物晡歸覽周禮註疏晚觀齊民四術慎伯
頡長于言兵著兩淵書分雌淵雄淵雌淵言其理雄淵言其制
又鄉兵對及籌楚邊對等篇皆極有機權

二十四日雨覽周禮註疏

西人飲食最不苟常以養身為主與中國周禮食醫之制暗合
焉西人每食以大盤多牛羊魚鴨而旁置芋菽等物殆即周禮
牛宜稌羊宜黍豕宜稷犬宜粱雁宜麥魚宜菰之意吾疑古人
設食狀與西人同

禮又云凡食齊祇春時羹齊祇夏時醬齊祇秋時飲齊祇冬時

一五

注云飯宜溫羹宜熱醬宜涼飲宜寒中國近人飲酒多溫熱惟西人飲冷酒且飲澄清之水亦冷者頗合古意

二十五日雨猶灑庭覽周禮注疏及江慎修疑義舉要晚著翰迴說稿別存不錄夜觀齊民四術終卷

二十六日陰雨止覽周禮注疏西人每當饗饗大事輒夫婦並出行禮按此實是中國古法故禮經內宰凡賓客之裸獻瑤爵皆贊謂贊后也注云坊記曰陽侯殺穆侯而竊其夫人故大饗廢夫人之禮此其徵也西國風俗日趨醇美每見婦人輒肅然起敬絕邪僻之心故男女之間猶近古風未如中國今日防閑之密

二十七日雨外甯筱老過談云曾及見包慎伯先生時已六十餘矣與曾文正情好至密也當時名震天下而官不過中書此君實據亂世之經濟才惟於西國交涉之事則風氣未開不能

得安領也

覽知新報粵東所出論筆固佳選輯亦精尤勝時務報載突厥有企列地戰禍

觀章氏遺書實齋論易之命名改易之易以為王者改制更新之大義故名曰易其識頗卓地球之運三統之變亦無時而不改易也實齋未必見及此而實足證吾今日之所見又云孔子述而不作以為本無可作此尤與舊約所言萬事萬物皆非新創意合蓋理本具天地間聖人先覺焉為之著於言辭以詔後覺者豈聖人所作哉亦述天地之理而已明此則述而不作一語非專指好古言

二十八日陰覽周禮注疏

夜覽章氏遺書其原道云儒家尊堯舜周孔之道以為吾道不知道本無吾而人自吾之旨哉言乎道存天地人游道中豈吾

一六

一人之私有哉莊周云以人相忘於道譬之魚相忘於水不為無見又云三代以上官師合一三代而下官師相歧官師合故人之嚮學也易官師分故人之為學也難蓋學失師承六書九數古人幼學皆已明習而後師宿儒專門名家殫畢生精力求之猶不能合于古又云官師既分則肄業惟尚簡策道不著于器物事不守于職業又云官師分而教法不合於一學者各以所能私相授受皆深達古今升降興廢之所以然今西國治法其有官師合一之意歟又言公篇云八音相須而樂和不可分屬一器之良五味相調而鼎和不可標識一物之甘慙謂知是說者可與言議院矣

二十九日陰覽周禮注疏地官疏稱地與星長升降于三萬里之中似今日地動之說古人已知其意

夜覽章氏道書其言公篇最與鄙意合蓋古人之言豈能全無

所失然駁正之則可詆訾之則不可何也一人之精力有限著書傳世原待後人之輔助是者擴充其意非者救正其失是後人與古人原所以相成也古人固賴後人之成其業而後人亦賴古人之開其先皆不可居功而皆不得謂無功余平素持論如此

實齋又云風氣宜以學術挽回不可以學術趨風氣亦名言也三十日陰雨覽周禮注疏夜觀章氏遺書半夜始眠鼻出血

三月甲辰

初一日晨微見日過午晴覽周禮諸燕公談是日得滇中姚學使稷膳書云近年得為學之要二語云一切當行之理以忠恕盡之一切當知之事以九數推之曾撰座右聯云一貫盡傳千聖秘九數能窮萬物情

夜覽文史通義內篇終卷

初二日晴仲異過談日中諱甫生至縱言佛理仲異前疑輪迴之理余故作輪迴說示之仲異又疑報應之故余答曰有禽獸之心則為禽獸斷斷然也甫生小坐去俄章枚叔過談甫詣一品香坐有汪穰卿譚甫生等四人夜歸覽先學及全體學

初三日晴覽周禮注疏地官鄉大夫之職三年則大比攷其德行道藝而興廢者能者康成注謂變舉言興者謂合眾而尊寵之蓋有公舉之意

是日清明家祭喃詣仲異談晚歸夜覽全體學即傅蘭雅所刻全體須知言腸胃消化食物運行之狀極精詳西人可謂推闡無間矣惟言腦為總知覺之主不知腦亦蠢然百體中之一物何有知覺然則所謂知覺者蓋神妙不可思

初四日晴晨詣長發棧訪譚甫生談即歸覽周禮注疏外掌後

老過日跌燕生過談及章實齋色慎伯汪容甫等以為皆數百
年來善讀書人俄表兄子涵偕頤齋至子涵甫自杭來行將返
江甯是晚送之登舟

是日滬江有小車夫肇禍因巡捕房加捐車夫大都負笈日所
得無幾豈堪重斂聚眾至數千人始訴于上海道署道憲不問
不得已遂在黃浦灘與西人抗敵擲瓦揭竿喧鬧不已西人鳴
鐘集眾至始散去然是役巡捕斃者一人車夫死者二人餘傷
者無算事未已也

初五日晴覽周禮注疏道人凡國野之道十里有廬廬有飲食
三十里有宿宿有路室路室有委五十里有市市有候館候館
有積想見三代之盛

晤孫中華過談論孔子一貫之理甚精孔子言一貫凡二與子
貢言一貫至于知博文的約禮之意也與曾子言一貫主乎行忠

信篤敬施于蠻貊之意也多學而一貫故能洞徹古今忠恕而一貫故能推擴于合地球也

夜泛求幾何代數諸門境觀俟失勒談天原本

初六日晴映時詣外舅復老談晚歸夜觀談天論經緯度余前云數學是格物門境余不通算術故讀此種書較難夜雨

初七日陰觀周禮注疏司救凡民之有哀惡者恥諸嘉石役諸司空西人之法常有監禁或作苦功者即此意

老子德經云失道而後德失德而為仁失仁而後義失義而後禮皆至言余為續之失禮而後法執斯強秦所以繼周文佐周之後也人謂刑名為道德之流弊究哉物窮則返故三代下當法家熾盛之時每休息以黃老則世少安漢文帝為秦後令主職是故耳

禮即法也所以別于法者禮尚存道德仁義之旨而法則概無

之純刻薄少恩所以更下矣故予謂世有仁人君子能變法而歸于禮則漸可以復古

地官媒氏中春之月令會男女於是時也奔者不禁可見古時亦有男女自擇偶之例

夜送外舅笈老登舟將詣白門新吾來

初八日晴請周禮厘人掌斂布紵布總布質布罰布注罰布者犯市令者之泉也西人亦每以罰錢為刑既足警其過又資裨于公家兩得也

周禮官多法密而民無侵擾之患者以封建之時人有分地君民相親上之耳目易周百弊不作故能行之王安石不知其本妄欲行諸郡縣之天下宜其敗也及今如欲復周禮法者雖不能反封建然必設議院立君民共主之局庶乎其可也
初九日晴請周禮草人掌土化之法以物地相其宜而為之種

一九

即西人以化學講農學之意什人掌金玉錫石之地而為之屬禁以守之若以時取之則物其地固而授之注云物地占其形色如臧淡也今之礦學

古聖王每以田獵為國之大事而佛戒殺生春秋教人復讎而新約主于仁愛讎敵此其道似相悖而不知為漸引之法夫據亂之世人不能無殺機骨肉相殘者有之矣豈能驟臻于平視仇敵及鳥獸乎故聖人先為可殺者以厭其好殺之心而後示以必不可殺者以全其仁鳥獸可殺同類必不可殺仇敵可殺倫儔必不可殺於是其殺機有所洩亦有所止乃可為入道之門也迨人於必不可殺者持之堅熟而後能進于基佛二教使知向之可殺者亦不宜殺而殺機盡化

孔子不以靈魂示人而教人崇祭祀可知聖人之微意

初十日晴余母生日學筆算法快時詣蘇報館購得李傅相馬

閱受傷後映像二紙旋訪卓如仲華晚歸覽化學

漢書律歷志稱黃鐘肇萌萬物又古云黃鐘為萬事根本求其
故不得日前偶觀幾何原本所謂點線面體恍然似有所悟蓋
黃鐘者即萬事萬物之起點也

十一日微陰覽周禮春官宗伯以禴禮哀園敗疏謂國見園入
而被禍敗喪失財物則同盟之國會合財貨歸之以更其所喪
也注引宋災諸侯會于澶淵謀歸宋財以證之今日西人保火
險人險之法暗合此意

以天產作陰德一節鄭注云天產者動物謂六牲之屬地產者
植物謂九穀之屬陰德陰氣在人者陰氣虛純之則者故食動
物作之使動過則傷性制中禮以節之陽德陽氣在人者陽氣
盈純之則躁故食植物作之使靜過則傷性制和樂以節之所
鮮不審碼否然其意頗近西人養生之法

二〇

或問殺身成仁之義應之曰聖人視其身猶衆人之身也視衆人之身猶其身也無所不愛皆不忍殺也必不得已殺一人以救人殺百人以救萬人此殺人之所以成仁也以其死者寡而生者衆也故為之殺其身可也殺衆人之身亦可也苟無當于殺一救百救萬之義雖殺其身猶殘况衆人之身乎

西國之權不在君也不在民也權屬於公中國之權亦不在君也不在民也權屬於私公權出而國安矣私權盛而國危矣
十二日晴晏起覽周禮注疏晡詣時務報館晚觀代數算法不得塗徑

十三日雨觀周禮春官司尊春祠夏禴裸用鷄彝鳥彝皆有舟
鄭司農云舟尊下臺若今時承槃西人飲器輒有承槃胡合古制

舊約中或言燔祭之禮凡牛羊之類割而漉血於壇以事上帝

為至敬所言多近中國古祭祀禮中國亦有殺牲取血之制以
饗鼓也又如天府上春饗寶鎮及寶器亦用血

十四日晴章枚叔過談枚叔以酒醉失言詆康長素教匪為康
黨所聞來與枚叔鬥辯至揮拳俄送室兄芝生與祥士偕至留
午食秩時相攜遊龍華桃柳繁妍丐者喧于道有愁婦當車車
夫扶之丐者怒俄遊畢歸途群丐伺擊以塊紛然車人皆衣土
大笑而歸

夜觀章枚叔所著春秋左傳讀

十五日陰讀四書文補送章枚叔行歸詣燕生談夜覽周禮注
疏

十六日陰覽周禮注疏芝兄暨祥士過相携至一品香午食
閒步棋盤街書肆過楊凌霄坐譚凌霄有自道襟期二語云肝
膽襟胸類世界心腸煎煖冷乾坤余語凌霄曰農工商賈皆自

二一

食其力者也而吾儕號稱為士坐而食人而不求有益於人是狗彘也雖然彘猶以肉養人狗守門戶狗彘猶不徒食則吾儕狗彘之不如凌霄以為然

夜觀天文圖說

十七日微晴即陰覽周禮注疏

古人制樂精密雖泰西格致家不是過惜其失傳也觀高聲棍正聲緩一節可知昔人於聲學講之精矣

太胥春入學舍采合舜秋頒學合聲注頒學頒其才執所為疏頒分也分其才執高下愚謂不然才執高下比校而知宜曰比不宜曰頒頒學者因其性質所近使分執一藝也故曰頒

十八日晴日中楊凌霄過凌霄欲在海門興議院囑予撰上海邑長書擬章程一紙觀之知議生由官考取而定非由公舉者其法良美不能無獎凌霄是日將詣杭瀨行余贈蘭一枝祝曰

同心之言其臭如蘭

補覽周禮注疏連日無所得夜觀天文圖說畢庭間立衆星爛然明月東上

十九日晴覽周禮注疏時燕公過諱愚謂古今文章之美以莊子太史公韓昌黎為極品餘子無足抗席者詩則獨推陶杜而蘇黃猶為下乘燕公以為然晚詣頤齋抵掌暢說古今頤齋為余吟歐洲詩曲哀怨感人

二十日晴覽周禮注疏保章氏掌觀吉凶妖祥又以十二次為九州分野今日天文之學大明始知古人所言陋妄然在當時占驗往往有應說者以為偶中亦非也蓋吉凶因乎人心心所凝注通于神明遂成機兆章實齋云人定勝天蓋不謬歟
補詣仲英談余謂知仁勇三者人人各具有所蔽遂伏慝而不得發一若無之蔽之淺者師友可以攻而發之蔽之深者發之

二二

愈難晚歸覽說文

二十一日晴覽周禮注疏聖人制禮詳於飲食衣服宮室車旗之節者非好為觀美也因人之所欲而利導之以為黜陟賞罰使人鼓舞向善而已故當是時也賢者無弗舉能者無弗用也荀子云上賢祿天下次賢祿一國下賢祿田邑原慤之民完衣食蓋三代之時黜陟公而賞罰當故風俗醇美人材衆多非自然能也迫之使然也三代而下黜陟不盡公賞罰不盡當於是君子忍為君子小人樂為小人庸人玩愒英才抑鬱遂成昏闇之世界宜也

晚覽知新報論農學云西國有人名靴利遮路考究豆穀之類其根莖之間有一種微物能助其根強發力而吸食淡氣名壁打利亞功用甚大於農事有益

二十二日晴覽周禮注疏大司馬之職以九伐之法正邦國所

謂昔伐壇削侵正殘杜滅具見當日天子治諸侯法律

三代之君皆稱王也王之先則有五帝帝之先則有九皇皇之前則稱民三代而下其君又莫不稱帝也則是王之後又有帝矣今歐亞諸大邦皆稱皇是帝之後復有皇矣地球不久盡變為民主是皇之後復有民矣名號者至微末事而足以覘大地終始之氣運

及覽許氏說文其玉部之字多言石之似玉者而名各異究不知其質料作何狀說文如此類者甚多吾意古人亦必有博物院各種威備故能辨其質各命以名惜後之失傳耳西人常有新字出蓋獨有新造者字亦不能不新也中國非無新造之物而不許有新造之字即有新造者亦曰借字母得入文必以古字代之卒至名實相舛往往古無今有之物則以古物之相近者代焉如卓古人所無也代之以几而不知卓自卓而几自

凡也名實相舛如斯期者復不少豈正名辨物之義耶

二十三日陰雨覽周禮注疏夏官掌固掌修城郭溝樹池渠之固可知古人最講種樹也余生平無他好惟愛茂竹深林能坐其下忘返居京師時往往庭院中多古槐綠陰四合疏簾半垂與二三高侶讀書彈碁其中仙境也到南方米樓高院溢如坐深坑此樂轉不復有

西人謂植物能吸炭氣吐清氣以養人實有至理故徘徊花木間者覺動息為之怡然

二十四日微晴昨夜夢為人畫老梅橫斜絮雲籠月水墨模糊滿紙友人杏孫見而賞之曰此梅夢也醒而記之余故自題小像聯云掌中七里浮提此身非小目下四千年記傳予壽偏長易多字夜作書致余兄終日不讀書

二十五日晴微陰覽周禮注疏夏官司士擯注謂王出揖公卿

正悅為

大夫以下朝者可知古君主之朝非視其臣如奴隸也敬之等
賓客是以上下相孚情意相通梨州先生曰天子一位公一位
侯一位伯一位子男同一位天子亦一職也特高于公侯而已
吾謂後世之君位置太高雖公侯皆望之如帝天其意實防篡
竊然而篡竊者一家之禍耳生民之利害不繫於此何也觀於
陳氏之篡齊可知矣然則凡君之重抑臣者名為天下大計實
私于一人一家也

孟子云春秋作而亂臣賊子懼又云殘賊之人謂之獨夫聞誅
獨夫紂矣不聞弑君也然春秋所書弑其君之君未必無殘賊
獨夫而猶謂之弑君者以暴易暴也若弑君者皆如湯武吾意
春秋必不書弑必不書其君

三代下所謂學人者有二一俳優也一市賈也俳優飾聲色以
動人市賈聚百貨以炫于人國朝設博學鴻詞科即取此兩種

二四

恬不知怪

文章有自中出者自外入者感德積中光輝發外文之自中出也追琢其章金玉其相文之自外入也

莊子云仁義者先王之遺蘆也可一宿而不可久處也其言似悖而有至理夫仁義名也在佛法謂之法可引為途徑及其終也而法亦空不可拘執也淺而論之如文字算法為學問之津筏然亦祇可一宿不可久處焉非不能耗竭人之精力而仍墮空虛其於實學無當也故文只求通達算只求簡要法向進而急求諸有用學是亦一蘆蘆也

二十六日雨昨夕夢遊大寺院飛樓湧殿瓊瑤鉅麗焚香瞻拜者踵接不知何祥起而記之覽周禮注疏

今之鎔炮有古人射意輪身駕駛有古人御意特變其法而更精更神奇耳蓋禮樂者古人所以修文射御者古人所以講武

書與教並重而學問皆由此入先王制六藝之名有以夫

晚觀萬國公報電傳歐洲戰事感而有賦云心傷大地莽貪機
拓宇夷山未覺非龍戰四洲江海立鼠糜萬甲鷲騰飛天心何
日驅盡賊民政由來起賤微安得大人騰九五盡伸平等一戎
衣

二十七日陰覽周禮注疏職方氏疏云自神農以上有大九州
桂州迎州神州等至黃帝以來德不及遠惟於神州之內分為
九州故括地象云崑崙東南萬五千里名曰神州是也此言果
否俟考

夏官訓方氏掌道四方之政事與其上下之志誦四方之傳道
正歲則布而訓四方又擇人掌誦王志道國之政事以巡天下
之邦國而誥之使萬民和說而正王面即今日報館之意
二十八日晴覽周禮注疏前與諱復生等七人映一像仲吳屬

二五

予題之予為略跋數語云丙申秋海上集同志七子曰吳雁舟
嘉瑞曰譚甫生 嗣同曰宋燕生 恕曰梁卓如 啟超曰汪穰卿 康
年曰胡仲遜 惟志曰孫仲懋 寶瑄其人多喜圓教統志遊覺海
一日皆於光學中現身乃為偈云幻影本非真 顧鏡莫狂走 他
年法界人 當日竹林友

二十九日晴覽周禮注疏周人先同姓而後異姓又王之同姓
有罪不即市議者遂謂古聖王不免涉私余謂不然據亂之世
君統之朝皆欲以身化民而立教之始必先親親使天下皆能
親其親而化成矣然必先自親其親以作則於民而後可此聖
人之苦心也非有私於其親也雖然三代之君未必盡無私第
不可據是而論

小司寇之職掌詢萬民曰詢國危曰詢國遷三曰詢立君注謂
無家適選於庶也選太子而謀諸愚賤之人可知當日王家子

弟雖貴而與民雜處不相遠也故雖小民能知其賢否

三十日陰覽周禮註疏秋官司厲其奴男子入于罪隸女子入於春柰司農注云謂坐為盜賊而為奴者於此知古時奴婢大都罪人所為又犯浮者受宮刑為奄寺後世為奴婢奄寺者皆不以罪大率為無辜窮民可知矣窮其生計而使之甘蹈于卑辱尤可悲

四月乙巳

初一日晴終日不讀書西人禮拜日暗合大易來復之義其所以然實不可解六日勤作一日休息豈造物者果有是網維耶予近頗欲法之亦於是輟讀子願至滬

初二日晴覽周禮注疏傳賢之天下變為傳子又必欲立嫡似極私然人心不古聊以杜亂萌耳所謂義失而禮禮失而法精意失僅樹此堅定不易之法則亦據亂之世不得不然若并此

二六

法而悟之則爭奪篡殺之禍日相尋于天下而民生無噍類矣
韓昌黎朱紫陽專君堅戴一姓過當誠中國之罪人然蠢蠢每
母之中未嘗無功何者民智未開而即創自主之說是導四百
兆民盡為亂黨而依然強陵弱衆暴寡為血肉相糜之天下何
補于世耶美之立為民主者撈歐洲諸國開其智於先已人人
化其野蠻之氣習故能一變至道若中國之民受嬴秦後數千
年壓力愚蠢昏昧至無復加乃驟欲談民主之高論是孰久餓
者而飽以粱肉非不美也其死可立待無漸引之法也曰然則
今可言乎曰可焉乎可曰韓朱之說深中于人心矣能言民主
者必其深知公理者也有知識者也可以得自主之益矣
初三日陰覽周禮注疏秋官王燕諸侯則以毛注云以齒不以
爵也傳聞今歐美諸國君讌集亦以齒之少長不以國強弱有
教化之邦固應如此

初四日晴覽周禮注疏考工記

余每戒人好名或曰居今日惟恐不好名子言太高予曰不然好名與好利一也好利者專利不以財分人而已好名者專名則不欲以智慧分人也中國梅毒塞久矣以開民智為要使不以智慧分人者日多民智何由開耶

濁世之人其品愈高其名愈隱其品愈卑其名愈著同一讀書也學藻實者不如學義者矣義者書之精藻實者之蘊也然而精者得空名蘊者得實名學序日者更不如學藻實者矣敘目書之表藻實者之裏也然而裏者得陋名表者得博名

晚讀莊子至徐無鬼篇歎漆園固有深意也其言曰天地之養也一登高不可以為長居下不可以為短君獨為萬乘之主以苦一國之民以養耳目鼻口夫神者不自許也平等之義言之最切

庚桑楚爲介者移畫外非譽也注移去也介者形既不全則無
所用於文采能移畫而去之由其於人之非所醜而譽所美者
早置之度外也頗合予之襟抱因自號曰移畫齋生

初五日雨覽周禮注疏次申至自津

莊周所謂邱里之言其今之議院乎所謂自外者有主而不執
由中出者有正而不距何其善言公理

初六日晴覽周禮注疏考工記梓人爲筭筵外骨肉骨以下數
節頗近西人動物家言夜詣同文書局之東觀馬戲雜戲多技
觀者鼓掌有人足蹴兩馬背而馳

初七日雨觀周禮注疏終卷是書專言君統織悉鉅細靡不徧
舉咸有精意前人謂爲天理爛熟之書信然予謂周禮實有周
一代之法也不名曰法而曰禮者以有仁義道德之旨故也予
已繫說于前晚讀蘇子瞻詩莊子文

初八日晴飲東行具將赴杭浦登舟日猶未落已行十餘里舟中觀萬國公報謝希傳游美洲安達斯山記山為南北美洲之幹長二萬八千餘里在北曰落機又曰煙山皆安達斯之一脈也此記馬繪刻形勝景態如履其地

初九日雨船窗觀八星之一總論英人李提摩太著中論海浮石一節言為無數小魚所吐積久吐漸多石亦漸大竟有成為海島者亦道下往往有人居其上築屋成市耕地為田甚奇

仲遠前述人之言曰智人之樂在甯境愚人之樂在未來

蓋蹈焉孔子之語金聖歎痛哭古人之言如一轍也皆未達心靈不死之說遂視其身甚小視其年甚短視其耳目口體甚重哀哉

晴晴霽天色水光交映白雲淡冶覽李提摩太譯百年一覽專說西歷二千年事今尚千八百九十七年也為之舞蹈為之神

移

初十日陰昨夜分身至杭大關侵晨抵岸入城見叔父昏無恙却裝于廳後之右軒窗几明爽小樹拂簷日映出謁諸親友晚歸夜觀知新報

十一日陰肩輿謁客終日不讀書

十二日陰詣留下掃墓與中觀心靈學西人格致家漸從事于心性可謂知本矣日中在吳阿泉家午食日昃赴先人墓瞻拜松柏雜樹漸長大徘徊良久遂歸晚夏履平米談復平論鬼神以心竊為神四肢百骸為鬼頗有見

十三日晴覽心靈學詣春卿談日昃與希尚兄泛舟湖上自持槩盪波珠遠余前云馳馬有飛鳥之樂泛舟有游魚之趣信然至三潭印月嘯咏彭公開放臺間晡詣高莊游人甚多俄即返棹夜復觀書與希尚閒話

十四日陰微雨詣春卿午食映時肩輿出鳳山門觀張勤果墓碑亭華表石人馬竚立殊威整予前所未及觀也種松柏尚小且稀以鳳山下多石少土故草樹不茂晡歸夜觀心竊學是書焉斯言人心之運用大要不外數種曰思曰悟曰辨別日記曰志曰感其言精密述艷麗章謂物之艷麗是物之靈氣在塊質透翮語為我國人所未經道予謂即剛健篤實輝光之意

十五日陰覽心竊學終卷吟誦唐詩予謂唐人詩最講音節故歌之琅琅有聲後人忽焉是以其詩雖佳多能讀而不能歌也晡夏復平米晚星墟招飲夜觀太平洋島受道記曰大喜地島曰賴亞德群島曰斐濟州曰馬來群島

十六日雨觀游覽日記過午詣陸勉齋創中西學堂題曰求是書院天文格致圖書儀器悉備屋宇峻朗前為普陀寺也與勉齋縱談歸訪章叔于橫河橋北板屋數椽亦雅潔叔讀書

其中殊靜予小坐片時簷溜正急旋詣春卿即還夜觀萬國近
政考略風俗門

十七日雨詣夏履平留午餐俄過應震伯家有園亭極幽曲花
木款蔓西式屋三間精麗促坐良久即歸少川星埒過談晚應
叔寅招飲終日不讀書

十八日雨章叔過談日中詣聚書園李石朋之約樓後倚山
亦咲西菜雨猶飛滯聞海上天文家言今年十月雨米爾田家
困矣食已自買新帽歸晡復衣冠出謁客晚歸夜觀李小池美
會紀畧鱗瑯傑瑤如履其境蓋萬國物寶所萃焉

十九日微晴將返海上與春卿約同至水車兜祖墓春卿於其
西偏起碑瓦廠相地者言築屋處尚遠且地窪下又為竹樹蔽
無碍惟西南隔河近地五畝亦為占去恐有興作非宜速商歸
我免後涉訟春卿許諾爾登舟晚放行舟中讀蘇詩

二十日破曉已過嘉興日中至五厘船窗晴暖讀蘇詩哺望見塔影知近龍華俄已過製造局水聲活活檣帆樓閣浦灘光景倏忽過眼泊岸時闌鐘鳴五抵家俱無恙是日為先嫡沈太夫人忌日晚家祭燕生偕楊凌霄米履平亦來蓋先余一日至滬也凌霄及燕公小坐即去凌霄索論議院書余答以此舉難行鄉邑中多一議身與多一邑長一也弄權顛倒曲直不可禁無益實事凌霄領之履平留晚食同至丹桂園觀優

二十一日晴晨作書寄余兄日昃偕履平出遊晚歸覽諸報余謂壘墓以葬死者中國人最講然按之公理似為太平世所無夫人死而葬者其廢料也霸性無與焉雖厚奉之死者何感而徒占地妨生人之耕種不如火化之為愈焉言是者必駭人聞而有至理人所以必厚葬其親者不知霸性不死之說故也以為死而心亦死所遺者軀骨耳奈何薄之不知彼其心固未

三。

死生時重其身死則棄如敗葉焉於其賦棄者而珍之為死者所笑也雖然不知此者寧厚葬之為愈何也以志吾愛或謂祭祀者中國所重而果有求食之鬼西國不崇祭祀宜其鬼皆甘餓死耶中人重葬埋掘其骨其鬼果為厲西人死則烏葬焉火化焉而亦無事何耶曰是不難知西國人智故其鬼亦智中國人愚故其鬼亦愚惟愚也故雖死猶愛軀骨繫情食飲智則反是中西之所以不同也

二十二日晴仲英過談仲英之言曰天地間有魂學魄學之分凡創一說可垂萬世而不必喻諸一時者是魂學也凡創一事可救一時而不必垂諸萬世者此魄學也語甚新聞復平亦來留午食即去頃余復詣之與偕至時務報館聞吳鐵橋化去奇慘晚歸夜讀王介甫上宋神宗萬言書其論學校選舉皆中世弊惟加小罪以大刑先王所以忍而不疑等語仍蹈法家言

二十三日晴讀楊子法言晡詣新吾見以光學映德國克虜伯
廠廠為李傅相製銅像西人景慕可謂極矣又傅相坐推車遊
諸廠圖

二十四日晴讀楊子法言修身篇云天下有三門由於情欲入
自禽獸由於禮義入自人門由於獨智入自聖門佛家六道輪
轉即此意晚覽湘學報極粗淺而有用詣時務報館見農學報
有圖說皆譯西國要法報館大興或者民智漸開乎

廿五日晴讀楊子法言其五百篇云赫赫乎日出之光群目之
用也渾渾乎聖人之道群心之用也語精粹見道晡燕公過談
廿六日雨讀楊子法言終卷晡作書寄余兄內弟滙東易新屋
晚往賀留飲屋近味蕪園四圍清曠林木疏茂空氣多

廿七日晴麗軒昆季過談即去楊子曰萬物紛錯則懸諸天衆
言淆亂則折諸聖予謂聖者何心也即心是聖莊子云水靜則

三一

見賴眉又云心者天地萬物之鏡也是以智者虛其心而理自見若必待聖人而折則當世聖者誰耶覽重學須知畢知機器諸動力之所以然其大要運他力以助力增力其所用之器有六曰桿曰輪曰滑車曰斜面曰劈曰螺旋又云重學與化學不同重力加於體質祇能使之移動變其形狀改其方位而不能令本質變化若化學則能化本體之質能改換物之形性廿八日晴請尚書允釐百工可知古人之視官猶之工也特官者勞心工者勞力而已而皆求有益于人以竭其勞者也李提摩太譯百年一覺稱二千年後合地球祇有兩種人曰官曰工而不知官亦工也毋庸分焉工而已矣書又云勿詢之謀勿庸可知聖人治天下每事必詢求合衆人之心也揚子云申韓之法不仁哉是牛羊用人也牛羊用人則狐狸蜈蟻不腰臘也歟予深知申韓之非而不知自秦漢以來其君無不牛羊之用人

即無非申韓之法也

廿九日晴詣麗軒不過午歸覽農學報晴與子頤同車遊味莼園終日不讀書

五月丙午

初一日晴晴東風作微陰溫尚覺甚電學須知終卷電多因相摩而生隱伏萬物內極稀無重之氣質而有通信燃燈鍍金治病運動器機諸能為極神之物余一言以斷之曰天地萬物之腦氣筋也今之學於此者尚未能深造其極將來有無窮奇妙悉從此出佛言眾生同入覺海數萬里外有一波動悉皆知覺今之電報亦能杪忽開達志意于數千萬里但須藉器而通耳惟佛國則不藉器而通所通者神矣非電所及也然吾不知神耶電耶果有分耶其無分耶

初二日晴讀韓昌黎文其對禹問篇云傳之子不當賢猶可以

三二

守法傳之人而不遇賢則爭且亂其言不無所見蓋據亂之世公舉之法不行與其傳賢不當而啟爭不如傳子之為愈而又必在于嫡以天定也若公舉則人定也

初三日晴讀歐陽永叔文詣仲巽午食狀詣新吾晚歸覽幾何原本余謂天下萬事萬物莫不有自然之理欲顯其理而印諸吾心則有法文與算等法也

初四日晴連日熱甚讀老泉文其六經論皆有特識後人譏其不純皆不足以知之讀曾滌筆詩沈雄豪宕非國初諸家所及晚觀幾何原本論數者可以長不可以短度者可以長可以短蓋數由百減十減一而止一以下不可損矣度則減尺減寸減分減之亦復無盡莊子稱一尺之棰日取其半萬世不竭亦此理也余謂即泰山毫毛之喻

初五日晴家祭晡謁客觀曾滌筆文夜詣味蕪園覽電光影戲

觀者蟻聚俄群燈熄白布開映車馬人物變動如生極奇能作水騰煙起使人忘其為幻影

初六日晴以夜雨小涼讀蘇子瞻古文滌軒蔭亭偕米留午飯映時去晡少川叔與少卿至談良久晚約飲聚豐園子頗在坐俄群伎翩然至彈絲奏曲予嘗謂人之美惡無定形接於眼眩衣而以為美者必其人之形貌有與吾相似處此理屢試輒驗然語諸人人恒不信夜復觀影戲送子頤登舟將至津

初七日晴讀鶻冠子日中與少川叔少卿同飯于寶德映時歸教小妹識字余用新法行之有日矣蓋先選古書中極有聲色之典實且有闡孝悌品操者將生字一一書于剪方紙各授音義令牢記且習點畫次日先點寫訖復詢字義皆無誤然後連屬成一節故實令自會意不達者為解之久則融貫且進甚銳晡與少川叔同車至張園晚歸夜觀幾何原本

三三

初八日微陰予謂近日歐洲衣冠之制無甚別抑亦大同之機也衣冠別雖皆文明國然相視總若異類中國所以與泰西人扞格者以服制之歧也服制苟同則相親狎而有情誼相忘也滿漢所以未化者男制同而女異不通婚姻故反是則未見有數百年以同種之人而截然兩之者也蓋衣冠異則同種為異類衣冠同則異種為同類有以夫夜覽交涉公法論其原序紀公法源流出于羅馬其後有多法師精求其術如阿勃里哥斯金庚斯李意諸人皆著名者也公法之學始漸盛行初九日微陰覽鷓冠子其王鉄篇論天曲日術皆以法制整齊其民者有比閭族黨軌里連鄉之意治天下之公理本應如此鮑翔士過談留午食俄冒雨去予詣新吾見美人李佳白欲在京師創大書院不日回國集款以成斯舉西人好義無分別見有不可及者

初十日陰詣頤齋歸日甫晝俄夕川族叔來談作象碁之戲即
去覽鵬冠子其書詞勝於理然文章銳悍無語不警自成一家
也晚代鮑祥士撰時務雜鈔序稿成夜分

十一日陰鵬冠子兵政篇云子獨不見夫閉關乎五而倚之則
婦人揭之仆而梧之則不擇性而能舉其中若操其端則選士
不能絕地關尚一身而輕重異之者勢使之然也予謂觀此可
悟西人重學力學之意補覽交涉公法論中言以人心固有之
天理用為天律而使萬國遵行雖有不遵者而天律自在也即
如一國所定律安能必人人皆遵行乎有一不遵者遂謂之無
國律不可也天律亦然又云合天下為一國以天為之主而皆
不得違天公法所以立

十二日晴微陰鵬冠子世賢篇云魏文王問扁鵲子昆弟三人
其孰善醫為鵲曰長兄最善中兄次之扁鵲最為下文侯問故

三四

曰長兄於病視神未有形而除之故名不出於家中兄治病其在毫末故名不出於問若扁鵲者鑿血脈投毒藥剖肌膚聞而名出聞於諸侯然則其所能愈卑其名愈遠甚矣名之不足貴也昧時請祥士不過歸覽萬國公報法國人有欲立均富會者雖一時礙難驟行然可知公理之明也夜觀公法交涉論

十三日晴覽鷓冠子終卷周秦諸子有數病往往喜談道德玄眇之旨聆之若甚精粹而細揣其言大都詞勝有其理已不啻再三言之而變其辭則新異文章家長技也覽公法交涉論予謂西教仁愛讎敵之旨不行則戰禍一日不可已何也以怨報怨無窮時且怨之所生多始于無心而成于有意其間有人也計較之心稍淡則兩國之禍可立解何必以小不忍而苦生命哉此野蠻之習也和也者戰之對待也有和則必有戰太平之世使大地無所謂和無所謂戰蓋必待民智大開民賊盡去而

後可予嘗怪春秋所謂治太平時天下遠近大小若一之說甚
奇也所指陳者不過書法而微意所括者遠矣吾思數千年後
地球諸國及省府縣鄉道里廣狹必悉皆同鄉立議院家出一
人入議治一鄉事縣立議院鄉出一人入議治一縣事府立議
院縣出一人入議治一府事省立議院府出一人入議治一省
事國立議院省出一人入議治一國事合大地立一議院國出
一人入議治萬國事當是時也國無強弱家無貧富人無尊卑
無仁暴無愚智所謂遠近大小若一蓋合符也美國公會分上
下兩處上會各邦王所派官下會各邦之民所舉皆為公會又
曰國會無論何事皆由國會主之各邦不得私有所擅抑知凡
入會者不猶是各邦之人乎會中則公之會外則私之何也曰
入會則與眾人之意志相融而不得私有所逞故公之也公權
日重私權盡泯美之所以治也國會及議院治天下之錫爐也

能鎔化諸質而成器又如一身之腦髓聰明智慧之所出人之
意見不能無偏也入議院而偏者不見有化之者人之識性不
能無鈍也入議院而鈍者不見有補之者蓋心思才識本具于
各人之身至是而融洽和合成一片天境而公理有不出哉

十四日晴請尚書補詩張園過卓如穰卿出一紙示余蓋吳鐵
橋於湖北以驚筆與諸弟談語家事瑣細悉合自云為庸醫誤
滿紙傷感會仲遜等踵來觀之咸大說異予曰是不奇人固未
嘗死所化者軀侷耳其神固有與人接談之能晚歸讀曾滌笙
詩是日禮拜

十五日早晴向午微陰讀管子嘗謂中國之禍中於法家法家
之術用於管子罪之魁禍之首也觀其首篇論牧民已得其用
心所在矣如云政之所興在順民心意極正大也而所以順民
心者在民貧賤我富貴之民惡危墜我存安之民惡滅絕我生

育之亦尚無悖理處乃下則云能富貴之則民為之貧賤能存
安之則民為之危墜能生育之則民為之滅絕是前所以生之
者正所以殺之也民亦何辜而當貧賤當危墜當滅絕哉不過
危其民而君賴以安滅其民而君藉以存耳是止黃梨州先生
所房毒天下之肝腦離散天下之子女以博我一人之產業人
但知罪商鞅李斯而不知其發源出於管夷吾以極殘忍刻毒
之意而前則美其號曰順民心又以牧民名篇不知其所收非
民也牛羊耳姦雄欺人之術不覺自揭其隱然禍中於數千年
彼固不及料也嗚呼曾滌笙詩夜觀交涉公法論國變及舟行
河海例

十六日微陰即晴讀管子所立之鄉州里游什伍何別于此間
族黨諸制即鄉師之布憲又奚異于黨正之讀法然而在管子
則謂之法在周公則謂之禮者禮期于養民法期于疆國耳其

論九敗首云寢兵之說勝則險阻不守兼愛之說勝則士卒不戰全生之說勝則廉耻不立私議自貴之說勝則上令不行四說者皆管子之所闕也而不知正為吾輩今日所冀幸而不得者何也私議自貴則民權伸而皆平等矣寢兵兼愛全生則戰禍息壹四海矣非極隆平世耶乃為管仲所深惡尚有人心哉管子云一國之人不可以皆貴皆貴則事不成此據亂世之無可如何也惟自機噐之學興能以便巧代人之勞於是人不妨皆貴而事無不成也何也司機之事雖貴者亦可任之百年一覺所云二千年後地球之人惟居官與作二者兩種是也古語云黃金與土同價為極治之世予謂庸有此一日雖非若是之甚然與銅鐵同價則無難何也物以罕見珍礦學日興金出日多多則賤不足異百物賤則富者之財有餘可以分給貧者而國無凍餒之患矣故市貨之低昂其權當操於公而不可聽私

家之壟斷也雖然物之貴賤繫于產物之衆寡物多而自賤矣是故機器製物能十倍人工之所造則物多物多則價廉於世大有益

十七日晴讀管子蒞軒陰庭過談電綫通而音息壟商賈以為病不得遂其龍斷之私故也而物價因是不至甚昂其銷亦廣焉夫龍斷者一人之利也百貨賤者衆人之利也知公利之說者而後悟西法大有造于人水旱天災也有鐵路而賑糶以時天不虞災矣盜賊人之憂也有鐵路而勒平速人不虞變人與人相接遠則日疎骨肉等路人矣近則日親異姓若兄弟矣鐵路輪船電線傳音器等物能使遠者近之疎者親之縮大地數萬里異種人無弗日近日親於是墨子兼愛之學乃可以行易繫辭云離也者明也萬物皆相見南方之卦也予使萬物相見其輪船火車之功乎說卦傳動萬物者莫疾于雷聲學也燥萬

三七

物者莫燻乎火光學熱學及化學也撓萬物者莫疾乎風氣學也潤萬物者莫潤乎水說萬物者莫說乎澤水學也終萬物始萬物者莫成乎艮予謂重學力學近之神也者妙萬物而為能者心竊學也靈學亦足當之各種之理及能力本自然具于太虛中以變化成萬物惟人不能精思其理精求其學故不能得其大益泰西人惟能精之遂成種種新器新機以奪造化精之者誰何曰心竊耳心竊即神之別名故曰神也者妙萬物而為能也夜觀交涉公法論眼時登樓月明

十八日晴熱甚讀管子其七法篇自云治人如治水潦養人如養六畜用人如用草木是自書狀以為左驗晡詣荔軒蔭亭談夜歸覽公法交涉論西人於天則喜查新星其星即繫以查得人之名於地喜查新地即為查得之人管屬宜其不遺餘力以求新也人各自主無所謂家家各自主無所謂國今日歐洲之

患在獨夫柄權故家化而國尚不化也然則家與國之名號可知為據亂世所有而太平世所無國化家化乃可現身化矣曰身化曰無人見無我見無衆生見是謂身化夫國化者非無國也合衆國以為國也家化者非無家也合衆家以為家也身化者非無身也合衆身以為身也

十九日晴讀管子中國貧民之多職由農事之不修地利不盡故也地利不盡則物產寡物產寡則價昂而財不足以配之此所以民日捐瘠也管子云法制不議則民不相私可知禁民議不始于商鞅也管子云聖王之治人也不貴其人博學也欲其人之和同以聽令也厥後燔燒詩書之禍作備於此晚覽公法交涉論西人論凡得一無主之新地必在其地上能為開墾治理而後可據為己有人不得顧問蓋其功與勞足以享其利也若得地後荒而不治無論立碑記畫界限倘有他人侵佔本國

不得出阻此亦公理

二十日晴讀管子予謂聖人以刑輔德不得已而用之也故其所以立威正所以愛也有犯法者不能不置之刑然其心有不忍也未有言之以為快者如管子云夫至用民者殺之危之勞之苦之飢之渴之用民者將致之此極也而民毋可與慮害已者此何說也夫為愛民之故而毀法虧令誠失所謂愛矣然平日不施德化使民自蹈于善而純任刑以為隄防宜其專以殺危勞苦飢渴為作用也設法以為民宰本無愛民之心豈先王之意耶西人禁販賣奴僕以為人具知識性情有自主之權豈可比之無知識之物任人買賣以貨視之如管子之視其民如水潦如六畜如草木真所謂比之無知識之物也名者實之終也利者義之終也是以至人修賢而成名度義而取利名不麗于實則名為患利不附于義則利為患

二十一日晴晨仲遊過談映時讀管子大匡篇夷吾亦可謂社稷臣矣知死一姓而不死一人晡葉清漪偕其族弟西平過談西平一目瞽予都中舊識也晚韻曾滌笙詩以言志無所餘于詩之外則其志可見而詩亦不足觀是以古之詩人雖多而可取者絕少國朝顧亭林曾滌笙兩人皆不以詩鳴者也然而讀其詩見其志遠在諸人上何也有餘乎其外者也雖然餘于詩之外其詩誠過人矣猶不如以詩為餘事者也文必積于中者久而後發發之使人但服其理之精而忘其文之佳則至文矣予嘗謂道失而後理理失而後文文失而後詞與義失而後禮禮失而後法一也有道德仁義之旨則禮無則法也有道德仁義之理則文無則詞也後世之病日漸于粗遺其精日趨于末忘其本匪獨禮與文也無物不然曾滌笙題養閒草堂圖云浩浩市聲沸塵霧如驚濤中有滌定人萬事渺秋毫又失題詩

三九

云西山一夜雨秋氣入庭除清晨展書坐倏然樂有餘天宇一
何廓蕩蕩真吾虛此等氣象頗近陶彭澤

二十二日晴是日夏至讀管子中匡小匡諸篇管子一生病根

中於欲速得意於天下小匡篇云管仲謂桓公曰公欲速得意

急小就而其術逆卑更流毒於後世孔仲尼云無欲速無見小

利蓋有小利必有大害也嘗有患不寐者不施藥石治其病原

而僅吸鴉片求速效初試有小驗久則病依然也而鴉片患遂

終身不可去霸與王近似而非也彼未嘗不以文德求諸侯以

慈惠固民心而其宗旨在得意而已所謂得意在使其君一人

得意而已私也非公也雖然其得意亦不可久孟子所謂溝塍

之水其涸可立而待也

二十三日晴詣次申又往視西平日中歸是日英皇維多利亞

踐阼六十年浦岸胡藻天彌地夜燈明如灑珠江中放電及火

戲奇幻俄水會至絲龍蛇延夜深人始漸散予終日不讀書

二十四日晴晏起讀管子霸言篇云國修而鄰國無道霸王之
資也又云天下有事聖王之利也觀此亦可知霸術之宗旨五
霸不如三王何也王以仁義服人霸假仁義者也三王不如堯
舜何也二帝不利其子孫三王利其子孫者也堯舜不如華盛
頓何也堯舜私薦人于天華盛頓定公舉之法也人所以賴
有識者猶大海行舟之定盤針也堯舜之差謬以千里管子誤
認王道亦同於霸故其內言曰先王所以王者資鄰國之舉不
當也嗟乎豈湯文伊周果有此心哉亦夷吾私意度之耳夷吾
之識及於霸而止遂直謂帝王不過如是孔子所以稱其器小
也或曰管仲時天子非若桀紂之暴故僅能霸而孟子責其王
不亦過乎曰不然王者非堅欲及身而取天下也其要在正君
身因以正家正國遂正天下為天下人所歸往自然而成其期

四〇

效或在數世之後或及身見皆未可知若管子者欲速得意于天下遂不思先正君德聽其姑姊有不嫁者而惟欲其剛決聽任權宜之計以求速效故仲死而國遂亂無本之治則然也或問孟子云天下之生也一治一亂治久亂生之常也民主之治尚矣然豈能終保乎答曰有治則有亂若無治乃無亂民主無治之治也夫所謂治者以一人治萬人而無弗俯首下氣以聽其治此之謂治然不可久稍不聽焉而亂生矣若民主者幾若聽民之自治無治之者也是故以天下之目視也以天下之耳聽以天下之智慮也惟在議院無敢私逞其治者若無治焉乃永無亂斯為大治佛云世間有樂則有苦惟無樂焉乃永無苦斯為至樂與此理同

二十五日晴昧爽起登樓臺日未出清氣多遂至樓下靜坐觀書早食罷為軒過談俄次中亦來日中皆去有戴務田者余堂

兄之姨甥也將赴都過談或問以地球與人身比較大小分數若何答曰縮地球如上海縣廣輪里數每縣以百人居其上不過纔十五之一又推算每方里以人比肩立能容十萬人百里內可容萬萬人統計地球之大如以人足鋪滿約需五六百萬之萬萬人而一人所跣踏地界為五六百萬萬之一哺請管子戒菑篇云無翼而飛者聲也無根而固者情也又云寡交多親謂之知人寡事成功謂之知用聞一言以貫萬物謂之知道皆有至理

二十六日晴起覽公法交涉論平權之說西人重治海盜以為得罪萬國其於賣黑奴一事則設法立約不遺餘力好仁之風西勝于東請管子

二十七日微陰起觀公法論外粵筱老至自江甯往謁神采依然過午晴與麗軒談予謂天下萬事萬理其美善之境可以兩

四一

字括之曰整齊何以言之父慈子孝兄愛弟敬夫義婦順家之善治也整齊矣處農田野處工官府處商市井處士則燕園之善政也整齊矣起居有常飲食有節言行有法養身之善則也整齊矣論世治安必曰平等稱人懿德必曰正直孰非整齊而反是者可知矣

二十八日晴讀管子日中燕雷瑩谷羅高甫伊陵齋於一品香瑩谷武人先君子門下士也予十四五歲時瑩谷館余家在都中乾石橋故居朝夕見故情好至密補請管子夜早眠予思佛氏宗派甚多曰禪宗曰律宗曰淨土三者為最大究不知自何門入為勝楊仁山好佛者也堅持淨土以為末世人根淺舍淨土無他徑燕生數日前見一日本僧亦持淨土與仁山說同其人不持戒惟修淨土自云其徒黨國中數萬人皆宗是此其分支也有寺去此不遠欲訪之尚無暇然吳雁舟教人歸禪宗

以為至高燕生輩皆不能決予私謂淨土為佛門據亂之統其
念阿彌陀佛與基督教人歸命上帝無異蓋人心排下進上莊
子所謂僨駘不可繫也導引入道極難事故先必使有所屬以
斂壹其心乃漸入化是故始則屬之以君立倫所由立也繼則
屬之以天造物主所以專也終乃無所屬而歸于元蓋由有君
而無君人皆君也由有天而無天人皆天也所謂先斂壹後使
入化漸引之法不可廢也淨土教人歸命阿彌陀佛亦不過使
先有所屬使萬念盡息久之乃能無所屬而萬念不起道於是
成故予斷之曰先學淨土而後進於禪宗

二十九日晴覽公法論云收稅之本意所以為保護全國百姓
之費收他國人之稅所以為居本國之他國人之費公取公用
特代之管理耳或曰君與百官之祿俸非以入己耶曷嘗盡用
諸公曰不然譬諸雇人作工當給工價君與百官亦代百姓作

工而已給以工價皆為百姓也惟無道之主厚斂民以供一人之浮侈此不平之至也是以美國民主歲俸不得多取較歐洲諸邦遠遜給用而已又何必多祭饗宗廟亦為太平世所無與前論龍墓同蓋皆糜費有用暴殄天物之事也鬼神豈真賴食飲以生耶聊存愛敬耳據亂之世不得不然

三十日晴作書寄清溪師讀日記午眠先學電學智也無弗見無弗通熱學化學仁也無弗鎔重學力學勇也無弗動無弗能舉補讀管子明法篇云先王之治國也使法擇人不自舉也使法量功不自度也故能匿而不可蔽敗而不可飾也其言誠當矣然法死物也成於一人之心思有所偏失而禍無窮且時勢之變甚速有宜於昔而今不宜者昨是而今非者法不隨變則膠屢變而不當且消擾故任法不如任智任智奈何曰非任一人智任萬人智也議院智府也以智取法生法隨時立隨時改

於是法非死物可擇人可量功

六月丁未

初一日晴覽公法交涉論補詣仲遜談甚矣後世之好文也孝悌篤行而拙文辭則輕之不孝不悌而工文辭人猶重之孝悌本也內也文辭末也外也重外輕內棄本尚末茲風古矣後世文章非竟無義理也然其視理猶蓋醯醢以調羹耳詞為主理為賓也吾輩生今日宜以學術挽風氣務重理而輕詞非無詞也以詞作義理之材料不以理助詞章之波瀾如斯而已管子云浩然和平以為氣淵至言蓋氣根于理和平者心虛心虛而理察理察而氣充所以為氣淵也

初二日晴覽公法交涉論守和約文法詳說例細密處皆公理而非非法網管子云國多私勇者其兵弱吏多私智者其法亂民多私利者其國貧數語彼亦知有公勇公智公利也所以異者

四三

彼以一人之私為天下之大公黃梨州遂使人之不得遂其私
卒成大私為可惜也智目也仁心也勇足也目見之心存之足
行之為成人目見之心不存智而不仁也心存之足不行仁而
不勇也無所見安存無所存安行

初三日晴讀管子嘯外舅後老招飲晚歸不讀書無記

初四日晴早起詣白渡橋徘徊林下旭日東上射覺字朗然俄
歸覽交涉公法論家法雖至善不能保子孫之皆賢人雖至聖
不能必慮事之無失以千萬人性命而委任于一家之運以千
萬事錯注而稟承于一人之智無此治法者也公法中論審問
尚無審問國君之例其視君猶重試思議院設矣權有所出安
用君為而獨尊大於平民自道法外實贅疣也故易曰用九无
首天下大治

初五日晴嘉軒米同訪燕生諱久之始歸時坐小車出終日

不讀書夜歸眠殊熱

初六日晴起熱甚燕生過談論德功名三字實不相關德至不
必有功功至不必有名惟以現生言之統多生論不在此例實
有理又云萬國公法禁滅國大悖天理國何嘗能滅滅其君耳
若無道民罹阨君亡而民樂君存而民苦公法尚扶君不為民
計非公法宜修改又云三代上公理昭是非明以禹之忘父事
讎而舉世以為聖人置之秦漢後必有竊議者也不知鯨有自
殺道非其讎故禹不報且為之用理本自然予皆疑其說日
中赴穰卿之約於鴻運樓晡歸將北行檢書熱甚浴汗中晚風
起管子云法廢而私行則人主孤立人臣黨而成朋如此則主
弱臣強三代後人君每惡人朋黨居下者多不謂然不知法家
用事祇能如此

初七日晴詣格致書室購列國歲計政要及銀礦指南動植物

四四

圖說等書日中歸飯後東書筭脯仲遜來與縱談教旨大畧謂
性體本一也自妄念動而海濫發遂有貳成世界焉貳則有分
別生愛力拒力所謂淫與殺也淫殺盛而萬苦纏縛三教聖人
悲之以次入救拔始曰撥亂教為之仁以勝其拒力為之義以
勝其愛力不能驟止而有節制以漸引焉如孔教是也次為治
升平教推仁漸廣持義更嚴愛拒力寡如基督是也又次為太
平教則仁至無拒力義盡無愛力淫殺悉化遂入佛統復歸于
一故吾嘗謂萬年之後合世界衆生如城脫繭都成仙佛快哉
初八日晴詣戚友作別日中歸晡雨至棋盤街買筆晚祥士來
夜送余登舟新豐船
初九日晴破曉鼓輪行向午過茶山水俄碧舟中觀全謝山集
晴霧下晚漸散入黑水洋是日舟微盪
初十日終日雨錄日記覽顧亭林詩集晡風起避世學道者不

穀食惟啖樹果曰最清美天地自然之味無待烹炙者也且無
蟲能養人故可以長生西人格致家考驗最詳是以每食飲後
無不具瓜果者愚謂日後眾生平等時世界人專食樹果亦未
可知

十一日微晴讀管子山權數篇云民之能明于農事者置之黃
斤一斤直食八石民之蕃育六畜者置之黃金一斤直食八石
復云民之能樹藝者能樹菓菜瓜瓠百果使之蕃者民之能已
人疾病者民之知時豐歉者民之能通蠶桑使蠶不疾病者皆
置之黃金一斤直食八石然謂泰西人於以上諸事無不立諸
學校先有以教之而後收其用管子治國能精審及此可謂善
矣惜其僅懸格以求諸民而不思設學造就之其材焉足用耶
漢唐下設科取士大都沿此習警諸不為炊而欲求米之自熟
不亦難乎是日波平風靜夜舟至大沽潮漲即入口泊焉

四五

十二日晴熱甚舟進塘沽食時登岸俄坐大車向午至紫竹林與兄嫂相見皆無恙屋高爽綠樹四繞頗涼晚詣夏穗卿談愚謂人不可不讀書書不肯編讀豈得其要得要者如入人家而涖堂與入人國而游都會雖未徧觀而一家一國之事瞭然于胸中不得要者雖盡讀充棟書無宗旨無條理如未讀也

十三日晴晨起不讀書與張伯蒼譚熱甚古封建雖非而不弊之法然在當時則盡善善何也數萬里之地一人精力不能周遂與衆人分治之共傳其子孫而小大相維即有一國之治不善然如輪船之夾艙雖有罅漏不使令舟覆也且輔治亦易夏官九代之法所以行也天子無道則天下從而去之歸位有德者桀紂不能制也故封建行天下為整齊之天下封建廢天下遂為敗裂之天下悲夫

十四日晴酷熱早起讀管子終卷管子一書非出一人手而其

宗旨悉合無不欲以權術御天下使天下人為其質料語云其
父報讎殺人其子必且行劫商鞅李斯踵其後而毒益甚矣日
中往觀育才館訪蔣信儕小坐還詣食西菜脯過訪粹卿縱譚
晚赴李贊臣之約

十五日晴信儕來縱談即去向午連涵季過留午飯談至脯去
晚食西菜章霖伯約信儕云孔子之道擴充之即耶穌也愚為
進一語曰耶穌之道擴充之即佛也又論君主君民共主民主
之理愚謂君主時如小兒初生時衣食動作不能自主賴父母
鞠育之君民共主時如兒稍長能自主矣而尚服父母之教命
有不能不分任其勞者民主時兒已成立娶妻生子聽其自主
父母之事畢矣

十六日陰讀商君書公孫鞅不尚巧言虛道而重農使天下悉
歸農食足而用其力誠得富強之本然其與禮家寓兵于農之

意乖者彼視之如牛馬欲賴其種田行遠不得不足其窟秣耳
是以不貴學問而欲其愚愚則易制也跌時粹卿偕張覺生來
雨

十七日晴肩輿訪諸友晡歸有老嫗甄姓年七十三在予母家
家三十年常往來予家予兄弟重而長長而冠皆目覩也今尚
奇健談家庭舊事歷歷我國居官者不能止其貪何也一人稍
貴仰食者數百人如不愛錢宗族奚賴子孫奚恃朝廷無教養
使人人不能自立亦何怪其然也晚食在王浣生家格致家多
言太陽者未成之地球也地球之先亦一極熱之流汁能發光
如太陽熱力漸減漸冷遂生土石草木動物與焉然地中火汁
猶未消盡觀於各處之火山而知假使全盡恐地球之生物亦
不能存此理似可信

十八日晴請高君書法家於天下公理非不知如管子云以天

下目視以天下耳聽高鞅云治則家斷亂則君斷治國者責下
斷皆重民之意然其所設法無不專若抑民而殃後世者媚其
上以圖己之富貴也商君視禮樂詩書修善孝弟誠信貞廉仁
義等類為六虱管子尚不至此

十九日晴誦溫飛卿詩過午肩輿至表姊處閒話無記

二十日晴金謹齋章霖伯來留午飯去頭重觸手熱甚知感暑
發痧命僕刮背服辟瘟諸丸晚卧猶未解熱覆重衾無微汗

二十一日晴小瘥頭猶眩起懸腕作字汗浹背病盡去晡詣菴
生談晚至第一樓力微倦即歸卧

二十二日晴神力清真作家書寄滬過午詣粹卿縱談粹卿操
論又變近持天潢學於三統外別生枝言雖高予實未能窺其
際天生植物以養動物自然之理如植物能收炭氣而吐養氣
使動物大受益可知人祇當食植物不當食動物天固未嘗生

四七

動物以養動物也知也勇也莫不由仁出方為真知真勇何也
發光皆由熱力而汽機動千萬鈞亦必由熱力也

二十三日晴詣蔣信儕談嚴又陵云西國政法不關於教教別
設無不重輕愚謂不然譬諸黑夜人不見物日月出矣而物顯
然人謂吾目見之也日月何功此必甚可笑也教如日月垂光
使萬物皆相見必能自立公法而成善治蓋轉移于無形故人
忘之猶人見物而忘功在日月也或曰西國律法始于古羅馬
前乎耶穌何功之有曰中國三綱五常其說亦不與孔子後不
可無孔子者所以維持之也基督亦然論老杜詩予謂少陵係
君統人物然實為孔子之君統而非法家之所謂君統也何則
老杜知忠君亦知愛民如所為詩云安得廣廈千萬間大庇天
下寒士皆歡顏何等氣象韓昌黎終身窮愁作文以媚主無一
語及民間疾困相去不亦霄壤耶其文章亦是少陵真摯排樹

昌黎盡虛憍語晴歸錄日記

二十四日晴歌少陵詩少陵滿紙五倫至性動天地騷經下一人而已五倫不盡妄言平等其人得志必亂天下何也彼非慮五倫之將窮而弊但苦倫理束縛太嚴思蕩然以自放於是無所不為利在而父兄皆可殺也五倫極有情境界也法家亂之以勢而情不通君仁臣忠孔子所謂君臣也有法家而君可以不仁父慈子孝孔子所謂父子也有法家而父可以不慈夫義婦順孔子所謂夫婦也有法家而夫可以不義夫兩情相決之謂通君父夫可無情必欲有臣子婦之有情法家之五倫如此文以牖世為人之學詩以陶性為己之學有稱地球為鐵質者大可笑雖然不能無疑楞嚴經云造天地萬物之始由空生風氣生金金生水火生水漸成土石生動植今西人多言太陽未成之地球試望之中有黑斑鐵文碎瓦疑皆黃金然則地中心

四八

吳

皆金何足異鐵金之敗質也謂為鐵質不如謂為金質

二十五日晴陳夢陶過談論教愚謂孔子之教亂于法家基督之教亂于教皇皆變理為勢東西遙相對也第耶穌有創復原教之路德足敵天主教惜其不能盡立之也孔子後無有創復原教以敵法家者民所以重困也雖然法家即天主學也天主教派一日不盡去地球種類一日不得安

二十六日晴昨見李傅相出遊口占絕句二首一在荷蘭商會作云出入承明五十年忽來海外地行仙高堂華宴煥然行為謝名王禮教偏一在河士本道中作云飄然海外一衰翁南北東西游彼壟萬綠叢中風電掣何時吹送帝鄉東原詩有未安句予為潤色而精神懷抱不失本來粹卿過談論孔子而後教派之亂誤於荀卿再誤于鄭元三誤于程朱而極矣荀卿以法亂儒其門人李斯宗其說遠繼管商而禍天下焚書坑儒以愚

黔首漢武時天下遺書雖復出而經師持義皆宗法家荀卿嫡派也蓋當時博士皆李斯之舊故耳雖然西漢尚有引經斷獄者讀書之人猶知推求大義至東漢講經家專以名物家數為孔子秘傳求之不已而書等碑碣考古之物無用于天下人之智識悉沈沒于此矣至程朱又令盡棄名物家數以求諸心性之內好議論天下事而不考核實理於是又以痴語謬言流毒後世故謂鄭元之學有外而無內程朱之學有內而無外皆自塞民智者也於是為民賊者始可肆行而無忌矣其言頗有見二十七日晴錄日記長孺粹卿輩專以聖人作妄語為宗旨此大悖理之言也彼以為孔子以前所謂堯舜禹湯文武其德行事蹟如封建井田法皆孔子憑虛所捏造本無此人即有此人亦無此事孔子所裝點以欺後世者以為聖人恐己言之不信必援前人之言行以徵之遂妄謂古人有是言是事其實聖人

四九

之權術也故謂耶穌造天堂地獄佛造輪迴覺海皆爲造欺人
與孔子用心無殊曰不如是不足動人人不從我命嗟乎斯言
出大地之禍方未艾也夫儒貴誠實基佛皆禁妄語豈有以此
戒人而躬自蹈之乎至誠不息未有詐妄而可以久存者也輪
迴覺海自然之理地獄即佛言阿鼻天堂即佛言三界名號虛
立苦樂境實耶所不如佛者語及天界而止未及言大乘覺海
亦據亂緒不得不然豈偽造耶儒教所言堯舜湯武井田封建
又自然之事何必偽造且造之何益豈因秦漢後曾大行井田
封建耶惟漢晉及明曾封屏藩然絕非古法魏文行均田略法
井田意豈聖人百計營構收效如是已耶且孔子亦未言孟子
略言之謂之曰偽又何據耶書至此粹卿適來復談此云孔子
所以偽造堯舜者諒言民主之理也當世不敢教人以平等而
托之於古人予曰不然堯舜曷嘗民主君主之最知公理者耳

私相授受豈如華盛頓立公舉之法世以為民主失真矣粹卿云誣歌獄訟有所歸非公舉耶曰固然予失言然竊論君主民主之理每謂君主必公舉而後可何也萬人賴一人治能必子孫皆賢乎所禱讓之人當乎民主反可世及政在議院若柄有限不得自專雖庸主無害天下故堯舜雖公舉不免為君主無公議法也英德雖世及無害民主下有權也孔子偽造何妨并議院造之而所造者僅知公理之君主乎曰細法孔子不能定也然則井田封建之細法又可定乎子昔言無養民之君造井田封建豈望後之民賦養民乎孔子之識而不及吾儕安在為聖人孔子所教人者惟君臣父子兄弟夫婦朋友之倫語封建井田數古制之亡亦知後世不能復也何必偽造粹卿無言要之偽造之說出於康長素彼欲以新奇之說勝天下而不考事理粹卿惑焉然自此說行充所至必至疑耶穌疑佛悉目為偽

五〇

造使三聖人之教不行而後快教不行如日月晦隱地球種類
將盡變禽獸必然之勢故吾謂長素教派三聖之仇敵公理之
至賊吾故辭而闢之使天下人知其說之非而不誤中其禍則
幸甚或問聖人非有權教耶權即偽也曰不然所謂權者如人
盡平等安有君也孔子必先立之君天在人心無上帝也耶穌
必先立之上帝隨處法界無淨土也釋迦必先立之淨土所謂
先專後化如人作字必先摹古有所專屬及自成家必離古人
故摹古權教也離古實教也皆真實法有漸引淺深別耳無所
為偽或曰君與上帝與淨土既屬本無而聖人以為有非偽造
何曰擾亂之世衆皆愚不能不專讓一聰智者為君實有此人
非造人心私不能合天不能不專讓一合天者為上帝實有此
神非造世界溷濁不能不別指清涼界為淨土實有此境非造
遠溷濁者盡化清涼自然隨處淨土無淨土矣三統皆然西人

治學無往非天理中人治學無往非人欲西人日求理之明故日進而智中人日溺記之博故退而愚

二十八日晴覽儒門醫學云暫無熱則動物必死甚矣仁術之不可一日絕於天下也晚詣密煥德西人餐處廊宇崇峻飲食豐潔醉飽歸明晨欲入都

二十九日雨登火車堅仲偕行途嘆果及荷蘭水埔至馬家浦去都城三里易驟車雨甚入自永定門宮闕遙峙俄解裝仁錢館倦眠

七月戊申

初一日黎明微醒雨聲浪浪晨起乘車至厚奔處俄詣杏孫及諸熟友皆見日中飲于廣和居晡詣梓潛深談晚歸夜觀儒門醫學

初二日雨猶未絕觀書西人養身之學窗戶必通風受空氣也

五一

反是不能換新氣久而毒能殺人西人例之開戶自盡又云飲食過多生病縱口腹之欲者賤視其身如禽獸精理解頤又云身體筋肉為運動設人代以器具創汽車馬車天生四肢為何用耶逸別生疾愚謂足踏車行用人之肢體而助其速兩得也初移居伏魔寺靜室三椽杏孫對榻庭養魚花樹叢然大雨晡微晴

初三日冒雨謁諸友車浴泥水東西馳晡至長椿寺見老僧禪房靜深林翠欲滴心境蕭然晚歸夜寄家書

初四日微晴詣工部署訪子頤留午餐歸視堅仲于西學舍在向偕還厚弁處即返寺夜花農招飲

初五日晴謁合肥相國縱談合肥言汝海上來作何名論至此都無用吾大臣天子之牛馬也汝輩猶蟻蚋予答曰然則百姓如草芥矣晡歸詣厚弁予謂三代下人主如驅牛馬行亂草中

未受踐踏者幸也厚矣不謂然堯舜君主也三代業主也秦漢以下寇盜也故乾九二稱龍九三不稱龍九四龍屬于師矣
初六日晴覽交涉公法論日中雨西國於臣篡其君者其國人能服之則許為國主國人不服雖舊君可逐也君位定於民心國小者類能之田氏篡齊民心服也厲王被逐國人叛也封建時則然自鞅斯創愚民之術成一統之計強者為君不復問諸民心矣

初七日晴覽公法交涉論夜雨

初八日晴晨起與杏孫攀樹閒話余謂子貢稱夫子文章可得而聞也夫子之性與天道不可得而聞也此三統之見端文章治擾亂世也天道即基督所謂天治升平教性覺海也太平教杏孫為余道嚴又陵天演學宗旨謂聖人治天下如園夫治園天行而物競治法出焉入世教也故彼堅持無鬼神之說覽公

五二

法論各國公使一等曰安擺色篤二等曰安非其相待也以禮
貌別之或問待安擺色篤之禮何以重於安非答曰安擺色篤
一等也安非二等故也或問安擺色篤何故一等安非何故二
二等祇可答曰一等為安擺色篤二等為安非故也無情理可
言此下雖別有解然無等之學可知為至有情理者

初九日晴覽公法論晡大雨讀亭林詩西國商人所至設有領
事官蓋始於西羅馬國亡之時公法論言之詳顧先生云郡縣
不始于秦政黃東發云井田不廢于商鞅余謂焚書亦不始于
李斯孟子云而皆去蓋自春秋以降古制日就蕩沒其君皆有
愚民之計至強秦一統而大觀厥成管仲商鞅李斯三人皆媚
一姓又下石焉而神州民遂苦不勝言

初十日晴與李孫談佛惠謂平等之說擾亂所無也而勢利為
人所羞此其先機覽公法論各國派領事之章程極詳夜雨

十一日晴石孫過談日中去覽公法論西國領事之權極輕可
歸別國統治惟派往中國及地中海東邊地者其權甚重公法
論載法師議論教門與國律法界限難分又云律法之源流略
從教門而生其論前羅馬國王加恩丁力恩欲令羅馬律法令
於耶穌教之各理所以律法包括教理觀此可知謂政與教無
關者皆未考究源流故也但其後有不遵行者而國律與教律
始有相爭意耶穌教自為教皇亂遂以權勝而不論理謂有權
者方可言理無權者安知理是故教皇能強取國王百姓之稅
能令國王及百姓不守所發之盟誓此復原教所以不可不起
也愚謂黃梨州先生原君原臣原法三篇孔子之復原教也孔
子基督雖為法家教皇所亂而教門之有益人心未嘗因是而
減如胡日雖蔽以雲而白晝猶辨色也

十二日晴覽公法論教皇之權在西國中古世最大彼時列侯

相爭如無教皇其亂更甚猶程朱之尚有功於世也長椿寺老僧以蔬肴招余共飯余生二歲有替者言命謂余不育因寄名寺僧為弟子今二十餘年老僧如故態予七八歲由闕還都類來寺中遂為舊遊地廟貌依然而余家幾變遷矣晡詣敝肆攜仇注杜詩及古香齋史記歸詣子修談余謂王安石言變法為後世所詬病法非不可變未造變法之機器耳變法之機器奈何曰開民智興民學扶民權民智莫開曰設報館民興莫興曰立學校民權莫扶曰開議院

十三日晴起錄日記答拜萬子瑾久不作四書文是日試筆題為人而不仁如禮何二句晡吳季卿年伯招飲晚歸朝堂盧令皆在終日不讀書

十四日晴得海上電家相生女無恙覽公法交涉論右日赤弱不能多觀過午吳叔孫來談余謂溺勢利者不如溺聲色者之

為愈也好聲色猶有愛人之心尚勢利者時有殺人之心也無形而今有形而分分則貳貳則有拒力愛力拒之極而殺愛之極而淫天下之惡不出乎淫與殺也然而有等差焉凡淫動于情者上也動于色次之非情非色而惟淫是好者淫之至也凡殺動于憤者上也動于怒者次之非憤非怒而惟殺是快者殺之至者也檀弓云事親有隱而無犯予則曰事君有忠而無愛愛則有偏私之意宦官妾之所為也公是公非何愛之有焉佐治百姓何感恩之有焉處三代下人之富饑死也能不餓死者皆君恩焉得不感泣而圖報

十五日晴覽公法論國皇與教皇爭權數百年互見勝負至拿破崙困併教皇而教權始衰善治國者因其俗聖人之立教也亦然孔子時當三代世及之後莫不重君也故因君以立教基督時靡西支派正或莫不重上帝也故因上帝立教佛興印度

五四

婆羅門黨徒方熾舊有輪迴之說也故因輪迴立教皆仍其舊而改正之推闡之以漸引入道也婆羅門所言八明以精氣分造萬物由一而十而百而千而萬無一物非出于八明即基督上帝子之說也又云八明為聰明能幹獨一無二之神非上帝而何故婆羅門教理即耶穌也故佛變而進之摩西重祭祀而孔子云祭神如神在祭則受福摩西嚴君臣父子夫婦之分特推崇上帝耳孔子以五倫勉人而又云獲罪于天無所禱也是靡西教理與孔子近故基督變而進之基督與婆羅門不相類處亦多如婆羅門分四類而基督無之摩西重殺戮孔子無之吾言其教理大畧相似耳錄日內所成長律二首牆桑悲井曰之亡也牆桑畝宅荆云荒肥瘠從今割棧忙不為啼嬰謀緼緼祇因蔓草牧牛羊孝文師法空千載矣武悲懷託四王阡陌縱橫君道絕厲階終古說商鞅塗山悲封連之亡也塗山萬國競朝宗周末猶遺幾到封荀况蘭陵曾作

令士貞昏行已酬庸塵塵衙廡成傳舍蕩蕩川原決要衝君位
日高民日賤從茲草莽戰群龍秦始皇雖一統中國然使當時
即如今日五洲形勢彼決不敢愚民若是甚也患在指顧宇內
無與敵者始視民為無用物愚之抑之莫不為亂耳古時皆以
德王天下者如鳴鳳在岡百鳥朝集後世皆以力霸天下者
也如猛虎在山百獸喘伏

十六日晴昨微涼晨起又熱錄所為四書文過午觀公法論意
大利民得脫教皇管束自立甚快自是教皇所發諭旨皆必由
各國王及公會核准始許施行教皇之權惟能發令逐人出教
而各國王又能以權力使教皇退悔其令殊可笑

十七日晴入城至靈清宮見許南仲俄統道詣花農日晷歸覽
公法論公會之權大於教皇教皇無道公會能廢之自是教皇
始不得逞夜涼坐月下與杏孫清談苦樂之境

五五

十八日晴起與杏孫品定人物謂吳子修如古書名畫潛心潛
如茂林修竹姚穰勝如遠水奇峰夏粹卿如白雪幽石吳雁舟
如高林靜月宋燕生如斷霞孤雁諱甫生如怒馬驚濤胡仲遊
如朗月晴雲家慕韓如行雲流水余謂杏孫如麤茶淡飯又如
和風暖日杏孫謂余如孤嶺春陽實過譽也餘友人甚多皆非
深知或已知而評語尚未定故不錄厚余過談咲始去讀太史
公自序及日者龜筮等傳夜歌杜詩

十九日黎明起月猶照人徘徊庭院觀早霞殊清爽俄與杏孫
觀魚日出果早覽公法論西國古時有一法令相爭之二國各
出一武士相搏勝負決于此二人免無數生民死亡仁哉孔子
明一貫之學而教人忠恕而已矣蓋忠恕推而廣之能彌漫大
千世界雖諸佛菩提不能過是人則余以學問之宗旨曰不殺
人何以故曰任何種類忠善相保而惡相殺迫於勢中于貧遂

人人不能如願學胡之道志存救世也故即以人人心中所願
為宗旨

二十日晴晏起信濟來昨垂自津也余見今晴可到覽公法論
大地之人所日講治者有三曰教曰政曰學政也者所以行教
學也者所以輔政然必有教而後有政有政而後有學何也政
出于仁術匪教則人心不齊政胡以立學貴專精匪政則民志
不壹學胡以成制於理而學博聖人耻之然有時藉博學以扶
其理薄於德而位高聖人耻之然有時藉高位以擴其德理無
所明德無所成而惟恃學博位高以驕人者小人也兄到馳馬
朱解裝寺之前院屋三椽寬淨

二十一日晴覽公法論西律至精細要以忠恕為主能體人情
至於至微此非私權盡去公權日出不可西國雖交戰而仍有
公法不可踰越所以別於寇盜也

五六

二十二日晴覽公法論安樂之時兄弟不相能盜至而始知交睦以保家國無外敵則上下相棄強鄰迫境始知交睦以保國故中國之不以民為心者一統之禍也西國之惟民是重者分據之利也西國從前交戰之約於啟釁時即將敵國船與人口貨物等注充公近來始廢此例凡初戰之時所有敵國客商居國內者限以日期必帶產業離本國倘實出無奈不能依限去再寬限如前能變買產業亦可觀此足知西國公理日明一日要無不由忠恕之道也

二十三日晴覽公法論立法以防弊有弊生于法中者復立法以防之顧中國防弊而弊愈多西人防弊而弊日少者中國為一家防出于私也西人為眾人防出于公也晴借杏孫詞臺蘆舫至土地廟觀魚開步花墅得秋海棠魚子蘭玉簪數甌以歸即遊長椿寺古樹湖堂靜中湖鐘鼓聲令人坐忘前朝杏孫述

其成其詩云參天古木森秋氣動地鐘聲下夕陽有此光景

二十四日陰覽公法論晚雨夜雷電交作

二十五日晴於明日錄遺是日偕兄詣賢良寺宿傳相款然坐
有于晦若飲畢至寺東院蒼槐蟠曲下榻其面東屋

二十六日未明至國子監俄微曙未者紛集逾十人肩摩無隙
地呼名幾不聞食時都入題出為子曰近者悅遠者來詩題次
第看花直到秋得秋字策問四代學制晡完卷出復至賢良寺
余兄先歸晚食後同至西人畢得格處在寺東北屋面蔬園階
下花香馥鬱飲冰梅湯美而爽

二十七日雨晨歸與杏孫閑談日中雨甚觀衣簡齋詩簡齋詩
嫌粗率時有健句錄日記子修過留晚食吳子佩來談為述刑
案二則錄其一云崇明縣婦控官乞尋其夫曰不見五日矣遣
役四出無蹤影適日人報海涯浮巨絮或死人鼻以來視之股

五七

脣拳曲刃斷血滲浮髮下大青某嚮油墨物縣官命人詣詢屋
主失所在俄有婦來叩失夫者覩後背而走呼之不應大疑過
而告曰汝家人有主所矣婦奔愈急乃捨歸拷訊吐實蓋與屋
主私戕夫度油簾沈海以滅跡者未幾獲屋主海門並伏法
二十八日晴覽公法粹卿來縱談余謂君統造乎極即入天統
天統造乎極即入元統何謂君統之極公舉也而民漸有權矣
何謂天統之極兼愛也而萬類生命漸可保矣其出此而入彼
也蓋無瞬息之留焉三統之謂也
二十九日微雨灑庭與杏孫粹卿等同詣金浙會館登仰山樓
柳衣堂翠皆憎其阻遠日余獨愛之與粹卿閒談粹云西國名
人如哥白尼始察得地球之繞日也如奈端始察得行星及各
種原質生吸力攝力也如達爾文始察得萬類自主無上帝造
之也達爾文今猶在年八十餘

三十日晴覽公法論守局外國例西人出一言行一事必有界限而不可混故言有益而事竅實哺子願約在三慶園觀饒晚飲于一品陞開子願述雷殛不孝事云有青餅家某不養其父使丐于市日暮餘餅殘穢者以食父會父餓甚以非時請某怒不與父苦索某乃擲餅飼狗父前伏與狗爭未已黑雲怒生雨注而雷下窗盡裂某震死

八月己酉

初一日晴晨偕杏孫及余兄步詣法源寺蓋名樹殿閣菴觀老樹森藹凌霄花亂開俄遊方丈別院橫列數椽屋窗戶洞爽前後庭皆養花或云僧福太甚予曰僧不能享吾儕福也凡異境偶至樂常住則厭日中歸聞仁錢三人皆拜使學之命子修蜀柏皋秦菊仙齊東甚盛

初二日晴觀書心不定廿士日中邀飲日昃歸填三場試卷哺

五八

詩朱桂卿張季端諸處歸觀隨園齊諧夜覽萬國公法或問佛云金石動植妄想所生是諸有質由覺性變乃輪迴說起似復有極霸物流轉挹注於諸質中是覺性所變又分二物弱獨何故曰是不難知妄念所動遂成世界猶人憑虛觀見義理構立文字理因文達性以質顯然造字之初詩聲會意皆自理出猶諸頑質之點排列亦由性變自後觀之理寓文中性寄質內不知文質根乎理性粗質先立乃供變化在覺性中本無二事亦無先後猶文與理難分兩端夫復何疑

初三日晴詣琉璃廠西學堂訪粹卿覺生日中微雨俄止補至廣和樓觀優音樂之道感人最深其歌聲之悲壯激楚者能令人起雲霄之思晚歸觀書

初四日晴起構四書文日中卒稿粹卿來踵同車詣天甯寺談及格致之學可作佛書之憑據亦可正佛書之訛謬其訛謬殆

為門弟子追錄佛言附會之辭俄閒步村塔山房高臺俯瞰叢
樹古塚秋色蒼深夕陽欲下與穗卿對酌樂甚寺東有塔極高
相傳隋造徘徊其下多亂松景物蕭條暮歸

初五日晴晏起錄日記過午汎覽諸家雜文賦長律一首記昨
日遊錄之云又掣轡車來薊北忽逢佳日出城西人閒淨土樓
臺迴塵外雄夫笑語低花盡燕山今日色閒尋隋塔舊時題秋
風松柏何蕭瑟騰有斜陽任取攜

初六日晴移居貢院東門外屋三椽甚靜

初七日晴晚微雨一過處入場屋諸事殊煩瑣

初八日晴點名極遲猶未入日西沈始至矮屋中張設畢俄
即昏黑遂眠四鼓題至首為卞莊子之勇冉求之藝文之以禮
樂次思知人不可以不知天三夫物之不齊物之情也
或相倍蓰或相什伯或相千萬詩題妙句鏘金和八鑿

五九

初九日晴日中成首藝晚三藝晚稿雷雨交作倦甚睡去未明
起秉燭成八韻詩

初十日晴晡完卷出賓友雜至

十一日晴晡入場夜五經題出易乾元用九乃見天則書在璿
璣玉衡詩周原膺膺董荼如飴春秋齊侯及宋人蔡人邾人陳
人會于北杏莊公二十三年禮記量地以制邑度地以居民地
邑民居必參相均也

十二日晴日中成三藝下晡成五藝終日啖梨果療飢

十三日晴日中完卷出略食至東文民巷西菜館余兄及堅冲
皆在俄出城觀饒

十四日晴晡入晚月色清朗五鼓策題至首問經學次史學三
恒星四金石五音韻

十五日晴日西斜柵扉猶局閉有越而行者繫去薄莫人闌然

出往來雜沓忽大呼從人皆惶恐歸卷至夜二鼓始放出有繳
卷者月光萬丈澄宇無雲余對策五通已成手疲力竭熟睡
十六日平明斂束衣具提挈出交卷紅日西射至寓所小坐即
乘車返伏魔寺晡來視者紛集錄場作示人

十七日晴補錄十日日記紫泉子修石孫踵至賦詩蔣信儕談
俄至同樂軒觀優子頤約

十八日晴石孫復來錄場作二三藝日中詣廣和居晡歸作小
字錄首藝晚飲于一品陞夜歸覽船山先生黃書先生悲封建
之亡以為衣冠之國淪為異域自秦開之而成於宋無藩蔽也
與余意略相似而吾重在君民之隔船山重在夷夏之失防

十九日晴詣賢良寺見傅相留午食日晡著衣冠歸途拜客至
伏魔寺已薄暮略觀書晚孫文卿拉飲詣馬書畫精雅促坐閒
談杏孫亦在談陳果首楚楚歡飲盡興而罷夜歸月明

六〇

二十日晴連日天驟涼夜復綿晝重裕作家書螺蛤未日中詣
廣和居杏孫青萊招飲飲畢歸日已晡矣黃慎之在江蘇館又
折簡邀往談讌余兄亦在酒罷而歸是日仍觀船山先生黃書
二十一日晴覽黃書終卷船山梨洲諸老多持慎選舉易防閑
及興學校諸論誠治世之良法也然而秦以後皆盜賊盤據之
之天下彼所立法皆不出愚民防民之計而無絲毫之為民今
二公之所竊竊然憂者因民之苦欲易良法是直以法為民而
立也與立法之人初意大相悖矣故吾謂苟非聖人出御世為
民立良法則必俟變君民共主之局而法始漸漸臻于美善今
是二者無望焉船山先生有離合之說云輔其自然故合循其
不得已故離至哉言乎余謂擾亂之世離焉而後能合故先王
分疆畫井建國樹長使各君其土各子其民然而朝聘以時幣
饗不絕離而能合者也秦漢而後縱天下於一人之襟懷合所

不能合者則至上下相蒙相棄人人離心第制於法而不敢動耳其為離也大矣是故天下有以離為合者唐虞三代是也合而愈離者自秦以下是也

二十二日晴詣子頤過午至工部署當月下脯歸覽船山先生

識小錄

二十三日晴覽公法論理之難辨也有近是而非者如兩國爭戰不絕通商則其君而無與其民若於理極順也而善公法者不謂然曰如是則戰無已時矣何也工日利其械商日益其餉民不知其困而君心愈肆君愈肆則死人愈多惟絕通商以困其民食有時竭械有時散久而厭兵雖欲不休而不得矣是故言不絕通商者大禍人國也過午與堅仲偕詣陶然亭殘蘆瑟瑟斜日微明茗話半日俄歸過花園下車徘徊久之復至觀音院堂宇閑邃有橋亭俯臨甚深如山徑峭壁巖然中分路能行

六一

人暮歸

二十四日晴午後偕甘士往觀優晚歸燕于修菊館柏皋寺中
覽植物圖說論結子法花子房口有黏小珠間有黏性者花鬚
頭所放花精粉與此小珠相遇則感而生子云云忽記過津時
游醫學堂觀做人體具醫師指示女人子宮旁有瞳眴小珠云
交媾時此珠出與男精遇則成孕觀此可知動物植物有同理
也特植物自為雌雄耳

二十五日晴覽植物圖說詣蘭秋師復謁傅相留午餐日跌出
城觀優莫歸

二十六日晴起觀書向午馳馬天甯寺同遊有杏孫青來堅仲
朗臺白叔甘士及余兄寺多老樹桂香滿庭塔射山房在寺後
踞石臺軒敞前後望蒼翠了然與堅仲等閑話謂中國佳境以
天勝西國多以人勝是故世或則人勝天世衰則天勝人莫歸

在子修家燕談

二十七日晴東裝將詣津厚弁邀飲廣和居飽食諸友多未送者俄即登車未午至馬家浦候火車王懋客所小坐褚伯約以母病南歸亦是日行已先在向午車來遂同乘日中鼓輪行哺過楊村多巨橋薄暮至津晚寄家書錄日記

二十八日晴信儕霖伯來視俄去覽植物圖說花之牝牡即在鬚與心之間有花心而無鬚者謂之雌花有花鬚而無心者謂之雄花然大都兼鬚心而有之者多由是以觀男人有鬚既宮而鬚落蓋與花鬚有比例也亦可知鬚與下體之相關日中詣育才館觀學生習算留午餐日映觀優晚亦如之

二十九日晴覽植物圖說終卷圖凡四幅首言根幹腫管次言諸葉變形三言花開結子四言花心子實各具此皆授蒙淺說然已詳盡西人謂果實與雜卵食之最能養人今觀果實皆花

心合花子房長足而成者與雞卵同為胚胎之始取其元氣所凝能益人也

九月庚戌

初一日晴覽陳蘭圃朱子語類日鈔過午衣冠出脯謁夔老晚歸夜觀優

初二日晴詣浣生日中李贊臣拉飲第一樓復往觀優夜詣稚夔宴談終日不讀書堅仲未津

初三日晴向午與堅仲同至國聞報館粹卿又陵諸人所創立日中至第一樓午餐歸覽朱子語錄日鈔畢宗儒於心性之學不為無功其教人讀書之法亦極精要惜其治內而遺外又非出世學故語天下事多不審情理馴至遺毒後世亦勢所必然也然觀其書頗能欽壹人心使不躁動而潛入理境則有益朱子言我與利刃相似胸中許多勞勞樣樣到此一齊割斷比

俞甚確

初四日晴覽顧先生日記錄我國人自古著書多無條理往往
零雜續成無有首尾一線到底者試觀釋家之書及西人書則
節目條貫無絲毫紊雜為可貴也粹卿云中國書惟周易及春
秋二部頗與他書迥別

初五日晴穗卿過談有格致家極新之理甚多不可不記穗卿
云地球人所見星隕如雨即彗星與地相觸也聞諸西人金水二星
生氣已竭不能自轉本軸此由近今考驗得之故謂天玉海王
諸星為始凝之地球火木及身處之星為當今之地球金水為
過去之地球若流星等為已碎之地球談天云日體有柳葉紋
動盪不止今有人謂為火浪蒙古與紅人同種以其體貌性情
相似也又謂其人實由北美州白冷峽地流入亞洲北邊蓋地
脈古時本相連也後陷為海耳星與星不能相觸以有正負電

也惟恐能觸星而噴極薄故無礙下晡登火車詩塘沽日已暮矣新月纖然去輪船尚二三里步行路低凸殊艱苦俄見燈影船泊甚多然不知新豐舟所在纏過河畔小童導以行始獲登舟

初六日未明鼓輪行俄日出風微盪舟中觀書

初七日晴醒時知宵已抵燕臺水深綠晡始解纜行無風夜過成山月色幽朗波平連日觀魏先生聖武記載國朝名將如阿文成海蘭察額勒登格過春諸公事甚詳點深喜談兵然其言禦外夷戰守法若海國圖志及是書所載者尚多隔膜也其人於本朝掌故極留意故武事餘記載本朝兵制殊詳盡

初八日晴舟入黑水洋覽聖武記所載撫綏西藏記載地之有活佛猶羅馬之有教皇特活佛以化身轉世能自知所往生較靈異耳蓋始於宗喀巴之得道以次轉生常駐輪迴本性不昧

亦一奇也魏默深云西域諸國人狼性野心互相雄長苟非世
之轉生之呼畢勒罕即活佛以神異降服其心則不能制余謂西
國中古時列侯紛爭為皆所無教皇之大權亦不能制與此正
同西藏後記載藏中山水形勢古蹟如指掌如履其地

初九日晴覽聖武記軍儲篇言中國用銀多自外洋未有可證
者數事皆援引史書也余未敢堅信又遠從旗人別予地開懇
此實救弊之法惜不能用日映到滬歸家皆無恙

初十日晴作書寄杭觀書詣頤齋談頤齋妻偶悼甚以為與我
朝夕處之人忽然死亦天地至奇事夢耶非耶又云前歸自杭
舟馳江波急據窗而唾逐波去倏不見不覺生感日前出諸口
者終身無相遇期矣頤齋蓋深於情者晚歸覽公法交涉論及
新學報有容圖切點圖解是日詣燕生知其大病甫愈未復也
十一日晴馳馬車詣薛次申俄至時務報館訪穰卿不遇日中

六四

歸過午頭齋過借出買物賄詣李一琴亦精於西人學問為時務報館主譯者暮同車至張園月出歸

十二日晴覽書思不定詣春卿過午歸北申方米談久之去觀知新報論陽石之理又云地球之北方燒乃赤道生電騰空氣流歸北極地球所有之指南針及電綫皆為之盪動變亂謂之攝電妄行又凡遇攝電妄行亦與日中斑點相涉不知何故蓋電學今尚未精也余疑電為火精麗則為光故地球之電力能與日輪相應

十三日晴祥士過談留午食即去賄作書寄津錄日記余謂氣合輕養而成水電摩正負而生火故吾嘗疑氣為水母電為火源也火隱太虛而無形者即謂之電余所憶度留以質諸格致家晚陵齋招飲

十四日晴詣仲英尚午歸無所事觀交涉論私貨封口諸例讀

顧亭林詩先生抱負奇偉哀明亡而有非常之志其所為詩有
一種雄秀之氣不易學也如海上詩云日入空山海氣侵秋光
千里自登臨十年天地干戈老四海蒼生痛哭深水湧神山米
白馬雲浮仙閣見黃金此中何處無人世祇恐難酬烈士心
十五日微陰晏起覽交涉論補詣燕生談燕公謂今日士夫
以保教保種為言皆非通論也秦漢以下儒教之實早亡保於
何有若以名論英兼印度未嘗強其改教婆羅門宗派至今存
焉此教之不待保也西人用兵禁屠戮斷無絕人種類之理且
中國自更金元禍殺人累億萬而種猶不慮亡何於今日而反
憂之此種之不待保也妄之今人持論多近似而實未合事理
者又云儒家宗旨有二尊堯舜以明君之宜公舉也稱湯武以
明臣之可廢君也三代下二者之義不明而在下者遂不勝其
苦矣李一琴言言西國之教徒猶我國之僧道視為餽口業皆

六五

貧不能事事者為之國家月有以贍其身使遠游傳教然皆非
深通教理者也西國深於教者自有理學家皆不入教猶我國
諳釋典者多不居禪院不削髮之人

十六日雨覽交涉公法論堅仲言西國重民權而獨立巡捕可
知君權未可盡去也昔哉言乎世未至極平不可無統壹之人
無統壹則人心不齊而亂要在統壹者為眾所推則無弊耳嚴
復所謂公僕隸是也此實君主之極則也若泰平之世并此公
僕隸而無所用乃為民主

十七日晨陰覽交涉論西人凡過定案後心不甘服而上控覆
訊者其原審官不得再干預非若中國上控之案仍發交原審
官處治也蓋若是可以無枉獄矣惟過校獨健訟者則又難言
過午晴晚讀亭林詩

十八日微陰觀交涉論晚錄昨所為開緯詩二首云濁世由來

泉石高耻為與隸拜強豪怒開魏闕江湖義多少昔英因狴牢
聖推殿受罪周昌百代高文撼肺腸堪笑宗風起閩洛為言亦
縣有臣網夜微寒

十九日陰覽文涉論息戰議和諸例過午雨檢書夜讀亭林詩
衣慈悲宥知誦楚詞不愧明之遺老也

二十日陰覽公法文涉論三集終卷是書為英國全備之萬國
公法於各國文際之道所當盡之職論之極精借譯筆皆尤且
重複意殊多不知其原文何如予於五月間即覽中多斷斷至
是補觀畢中名論實多如云國之治亂一以律堂斷之律堂斷
則為治律堂閉則為亂晚讀惲子居三代沿革論

二十一日雨覽尸子多精語如云貴人者貴其心也又云天子
以天下受令於心心不當則天下禍又云行有四儀一曰志動
不忘仁二曰智用不忘義三曰力事不忘忠四曰口言不忘信

六六

可作座 晴登舟赴杭覽文選諸名篇夜讀卷施閣詩有備書東
右銘 觀憑賦西行諸集備書東觀蓋在京師作也故有天橋酒樓及
陶然亭話舊諸篇憑賦西行先生被謫道中作故有渡河入
關詠秦漢舊蹟諸篇詩長於雕刻光景如渡運河詩云河流東
渡樹如薺一綫中流日華起行人上馬亦壯觀開闢中原數千
里予謂文章勝人處有三曰理曰境曰情理精而明境實而顯
情摯而達三者必居一焉

二十二日微雨不止船窗靜坐覽尸子其下卷多短語有云昔
周公反政孔子非之曰周公其不聖乎以天下讓不為兆民也
又云舜受天下顏色不變記是者皆有深意又云孔子謂子夏
君乎子夏曰魚失水則死水失魚 桀卞云當中國三代之未合
地球人智慧一時皆為增長嗣後又停息二千年至今日又皆
增長不知何故抑有運化使之然耶昏黑過塘樓兩岸燈火爛

兼讀卷施閣詩

二十三日微晴積翳未消舟昨至拱宸橋侵晨進泊新馬頭有
與行數里山色溟濛俄入武林門曲折行至佑聖觀巷甫食時
謁叔父母皆健晤諸春卿談久之至清和坊買履入書肆購朱
蓉生先生無邪堂答問携歸

二十四日晨覽無邪堂答問有云訓詁者文字之門徑家法者
專經之門徑宗旨者求道之門徑言極精審又云漢學家之言
曰訓詁名物治經之途徑未有入室而不由徑者其言良有功
於經學第終身徘徊門徑之湖而不一進宮牆之美富於諸古
人小學大學之教夫豈其然尤合鄙見晤謁諸親友見張受老
別六年矣鬚盡白天雨晚歸

二十五日雨覽無邪堂答問其景教流行中國碑考評語援據
極博惜徂中國舊見至謂西國藝事之精多為中土所流傳又

六七

云西國文字之傳自古及今無不以耳治者謂中國以目治者難而可也以耳治者舊聞不盡可稽反不若見於中國史籍者之可據此尤武斷餘如論釋回耶穌諸教皆適如先生所謂揣摩影響者也晚詩卷施問詩

二十六日雨過少川叔過午同至三雅園湧金門外茶肆也面湖遠山都隱煙水空濛復平先在茗話良久乃泛舟渡湖至三潭印月登彭祠一寄樓雨聲浪浪莫歸至家已上燭覽無郵棠答胡

二十七日雨微止觀書宋儒言性分義理氣質陋矣哉吾則謂義理非性氣質亦非性蓋義理者萬物自然之經緯氣質者萬物已成之質點與何與夫不通佛學而妄言性且其聚訟為然皆成塵障此理余言之於前不贅述詩儒又動謂性之粹然者天所賦予不知天作何狀其賦予之法如何若耶穌所謂霸性者上帝所

給人為上帝子云云又諸儒所訶詆者也然而所言反類彼教語抑何故耶余嘗解上帝子三字謂即佛言人海一滴水自謂其說頗圓

二十八日晴晚出城赴楊家牌樓與中觀書有所得錄之朱容生先生論小學大學有云格致者小學之終事大學之始事然哉然哉自來解格致者都未講明惟顏習齋以為即六府三事禮樂射御之類而宋儒一切歸諸小學之事試問詩書六藝精深奧博豈自八歲至十五歲童所能窮貫先生此言出則習齋之說愈不可廢矣佛言頓漸人之學力不同也而世運亦然歐亞之運必由君統徐入天統漸也美洲南洲已入天統頓也詩

蔣家塢張家園諸先塋瞻拜畢即還至家未莫二十九日晴冠服謁徐季和年伯浙學未見俄詣左泉師日晡歸哺訪陸勉哉普禱種福之法莫遂終日不讀書夜覽文選

六八

三十日晴與希兄同出城詣春卿俾啟蓋為春間讓地事也與中觀無邪堂荅問終卷蒼生先生於漢宋兩學皆有心得頗能窺其本原惜其於西國事隔闕而已春卿於廠後築樓屋三椽可居人余即留午餐畢往度地戴元康同行計二畝餘在先塋之右中隔河形家謂為虎首懼有興築故啞歸我家春卿已允即插竹為識補歸夜觀先正事略嘉道名將二揚事

十月辛亥

初一日陰微雨詣介軒余與斷絕兩年始復合介軒宅東闢堂宇幽邃花石秀野極愛之留午餐映歸復有事出晚詣春卿譚終日不讀書

初二日晴詣星墀映歸覽先正事略劉天一傳重庵諸人事蹟天一諱清重庵諱鼎皆嘉慶間名臣也天一得賊心重庵善制苗圃偕魯少卿訪梅花牌古蹟牌立破廟中有乾隆御題詩漫

德尚可認夜與希尚兄說鬼

初三日晴作書寄余兄晚閒步上扇子巷至經世報館小坐即歸夜觀書朱荅生教人留心本朝掌故名臣事實蓋知古而不知今近人通病也余亦喜譚道聞軼事苦無記性豈小腦不足耶

初四日晴晡微雨從堂弟吉孫以十一日贊於夏氏是日納采初五日雨勉儕招飲於求是書院持蠅螭對酒樂甚或觀重學儀器有西文全體圖皆紙翦揭視臟腑剖面各具精絕又偕至書院牆左偏閒步菜畦平曠水竹蕭然時雨微止路滑晚歸觀書

初六日雨觀書載江忠烈羅忠節塔忠武諸人戰蹟為之眉色飛舞宋燕生云粵匪之起本朝一大變也其始皆由所用官吏殘虐所激民不聊生而亂起從不聞殺一人以謝民此大不平

六九

之事也前年朝鮮亂黨起其君猶首將激變之官治罪以曉慰之可知中國視民之重遠媿小邦焉噫

初七日雨止與芝生希尚出湧金門泛舟湖上至樓外樓小酌舟中湖水清泚魚聚委食相爭俄登蔣祠數峰閣祀明季杭瑞諸老閣踞山望湖明曠旁多翠竹俄遊俞樓即登舟繞西泠橋至孤山觀馮小青墓晡返棹至三雅園有賣菱童態態可掬獻菱與言頗解頤俄相與歸檢裝將返海上

初八日晴詣星堦別並過公魯齋公魯星堦堂弟也新生兒余往賀公魯贈余一冊曰天籟集錢唐鄭君旭旦所編皆吳越謠諺雖涉俚俗而間有理趣日中歸晡辭叔父母出城詣舟即開行至拱宸橋停馬日暝復展輪夜秉燭觀湖州趙竹生先生景
臨賊不屈事皆見先正事略

初九日陰侵晨已過嘉善晡微晴觀明遺老夏峰梨洲二曲亭

林船山諸人事略國初碩儒無不讀破萬卷力矯前人之踈陋而勵風節尚躬行猶存故國遺風焉雍乾而下傑起者甚多始多溺於音訓名物考據瑣碎而無餘事孫淵如先生官刑部時能以經義斷獄曠代不多見也張蒿庵中庸論畧以為禮抑人之盛氣抗人之懦情以就於中故云中庸者贊禮之極辭也漢儒取以記禮為得鮮矣頗有見昏黑抵滄電光照人登岸仰見月至家方晚爨

初十日陰悶奇暖衣單誦曹滌笙詩晴訪章叔叔於譯書公會俄詣杏孫談觀魚即伏魔寺所見者有色黑而鬣翅豐偉名曰威鳳祥麟莫歸覽侯朝宗魏永叔諸人事略永叔闕地甯都之翠微峰四面削起百丈中徑坼山根至頂若斧劈然緣坼鑿磴道梯而登置閣為守士友稍稍依之後數年甯都被亂而翠微峰獨完蓋亦近代之桃源歟

× 〇

十一日陰錄日記蓮元至自城內先是樟樹雷雨事已易人遂
挈家返海上十餘日矣始相見晒作書寄兄晚微雨觀書美奇
以佐飯也讀書亦然書之有關於闡道經世考古格物諸實用
者謂之飯餘如詩歌詞賦雜文足以陶咏神趣不可無者美者
之類

十二日晴閱說文日中中其招飲過午造以中盧歸詣時務報
館時移屋泥城橋是日賽馬觀者如牆余尋車不得步歸晚復
與諸友集燕

十三日晴作書寄表兄仲驥過午與蓮兄閒步出買爰晚歸觀
書夜月色澄朗

十四日晴始補錄西史過午燕生叔叔偕來訪作竟日談上燭
乃去叔叔云三代上授田法行故其民自稱食毛踐土以皆其
君所開闢而民安享之也北魏唐初雖亦授田而地非所闢故

其君自稱衣租倉稅自是而降直為君者踐民以食民之毛而
已反以是誣責吾民不亦僨乎與余意不謀而合論水火之原
余謂太虛中不過流定二質而已水成于氣之相合火生於物
之相摩是水原于流質火原于定質無疑

十五日早晴錄西史過午陰欲雨偕胡槎至二北渡橋之公家
花園閑步蒹葭亂開坐茅亭洲風起樹葉微脫雨灑然至急歸抵
家已吹散觀書晚讀兩都賦夜誦太史公禮樂書及漁洋山人
雜詩

十六日晴金月筮至自津携兄書來發函讀之無他事惟上傳
相言鑄錢書條晰詳盡時錄西史俄暮覽說文其云君從子發
號故從口夫尹官也治天下之職也黃太冲云天子一位公一
位侯一位伯一位子男同一位皆官也然則君之宜官天下也
家天下非君之本義明矣夜觀西國名菜嘉花論及蟲學論略

七一

登樓偶觀文獻徵存載汪容甫事蹟容甫負才悲鬱為文以弔
彌正平蓋與賈長沙之弔屈原有同慨焉

十七日晴錄西史映詣月笙同訪杏孫不過還過燕生談燕生
病餘未復也莫歸夜觀名菜嘉花論終西人養花如製衣服故
而好奇灌壅之法亦日精花復而艷果甘而芳天然之色香味
也以視皓齒娥眉之伐性甘脆肥穰之腐穢奚啻霄壤焉

十八日晴錄西史晴詣時務報館携不纏足會之女學歌數冊
歸晚與蓮兄諱夜深登樓觀書良久乃眠

十九日晴西人禮拜祥士過晤去西園兵出操出觀步武極整
覽公報暹王出遊希土約未協法王婦自俄復過刺未甲諸事
時務報紀韓王稱帝任俄官誦江文通雜體詩三十首夜觀蟲
學論畧蜂蟻有君長有工有兵工以採食營窟兵以捍非類故
成會西譯書云二千年後大地惟官與工又云一日不可廢也

於蜂蟻猶然又有種蠅類穴松為窟生卵或遺別所他蟲過黏
其身出蟲而啗其肉若寄生草者殊奇

二十日陰錄西史過午開步街衢歸書抵子涵受之過將詣蜀
俄欲雨即去復作寓嘉軒書夜靜觀居宅衛生論雨甚連錄來
誦蘇詩西人居室取足養生故通風避濕不厭詳密非徒美富
已也其於飲食亦然中國居室悅目而已飲食悅口而已去禽
獸幾希

二十一日雨錄西史晤詣受之晚歸

二十二日雨問槎旋抗錄西史觀居宅衛生論夜書抵表兄仲
麟

二十三日雨止猶陰微寒錄西史法國加北珍氏第二朝腓立
第六王在位時若教徒橫肆立一法令民間為教徒所虐者得
詣庭控訴其害始除異哉吾意中國從教者多匪徒引為遁逃

七二

敷教師輒誤收之故倚勢而橫官不能治往往釀教案由中外情隔故也若西人入教者當皆嚮善之人何至如是豈彼教固有不善抑奉行有之咎耶觀衛生論終西人造屋雖嚴寒必通風欲易新氣也又懼其冷故進氣爐背使溫然後邪達壁板而入用心深細至此

二十四日陰錄西史談諧中吳復訪杏孫論人心之憎故而喜新以變為樂不可一息停也碑碣書畫蟲魚花鳥皆足愉悅人心也驟見則色然喜久而厭欲更取異者舉不足羈其心能羈其心者其惟變動不居者乎世間惟牙牌圍碁二物近之一奇偶駢羅一縱橫開闔皆頃刻萬變者也故好之者不厭吾儕所自遣法亦有二一讀書沈歸愚詩云讀書如遊山深入自忘返一與同志諱理妙義永湧奇趣橫生蓋皆屢變不窮者亦能不厭晚歸夜觀相宗八要宋儒云蓋人之心莫不有知而其所知

莫不有理予謂理無壞滅知亦無壞滅佛破我法執我即知也
法即理也知其無壞更無所執是最上乘

二十五日早晴過午陰錄日記得二喻極新記之作字如控馬
有操縱奔放之勢觀書如遊山有奇境開闔之趣夜觀相宗因
明論終

二十六日晴觀魏晉六朝人詩書聞人言文至六朝靡曼猥下
極矣惟所為詩澹宕有高致未可薄也信然覽後漢黨錮傳李
元禮諸人事夜閱萬國公報西國立相每自辟僚佐故偶不協
與情循例讓賢而曹署為之一空其法近古

二十七日晴復感寒而瀉晚愈覽百法明門論

二十八日晴雨陰出微雨購傘晚歸觀與圖夜覽惟識三十論
由阿賴耶第八識生種種變相歷三境界而塵障環起所謂悟
入者返其固有者耳根塵煩腦皆虛造影響猶如空華

七三

二十九日晴錄西史映造祥士盧晡歸履平已至小譚去覽觀所緣緣論以內境為所緣以眼根為增上緣亦相宗之一也夜與履平詣天祖園觀優鼓聲震持刀矛者騰躍如飛余顧履平曰我國有絕精道理祇紙上談之有絕精技勇祇臺上演之可歎

十一月壬子

初一日晴錄西史次申壽母往賀燕于庭作幻劇敘詭譎變晡歸晚復詣張燈高會歌絃綢繆夜深辭歸

初二日晴錄西史馳書子涵晡赴宴約女意大利人能操三國語屋高潔養花操琴其夫商人也貌豐碩昨來握晤惜言語不通晚近舍與蓮兄圍碁夜觀說文君主之天下以一人之德聯萬民而編愛之以養其欲給其求也民主之天下集萬民之智以自聯而相愛亦無弗養其欲給其求也君無常德民有常智

是故至治在民主

初三日晴燕公過譚膠州為德據以東方無寸土不獲與英法
俄爭利也其計良得不知無疆國何以應之又云臺中生番有
倫理而以殺人為教年齒加長不能操刃者耻與為伍蓋以是
為豪舉也所殺皆異類無論番漢亦強本種意今中國士夫動
曰強種不免土番計智尚不自覺聖人教人抑惡扶善何嘗別
種類邪文字尚簡取其便也繁冗則耗心目於無用而害有用
豈僅為觀美邪雖然肯達簡而不達何益夜觀緣論釋格致家
言謂性霸在質點內即佛故識生于極微為所緣義質點即極
微義也極微總聚無生識理緣論宗旨如此

初四日晴詣峻齋廬坐有粵人述檀香山中日人格鬥事記之
日人自戰勝驕甚旅他國者遇華人輒無禮或市物不予值檀
香山美地也多粵人皆粗工有薺勇者積怨言於領事因美官

七四

告日人曰甲午之役敗者官軍非百姓也請擇地與汝國人搏戰無握寸兵以一當三日人曰諾乃以三百人來華出百人約斃死無償於是合鬥踴躍俄日人死者二百餘人華工死傷數人而已駐檀香山諸國士女皆鼓掌稱中人不懦

初五日晴跌請時務報館見游臺灣人遺單如書述臺中風土及日人據後情狀甚詳日所遣官多不肖虐視臺民間日朝欲易人往治不果復至蒙學報館晤浩吾所出書多養童穉之態氣者晚歸觀諸報有治龍機能使聲細者洪如顯微鏡使物小者大也奇

初六日晴錄外史映雜作親友書先人志晚陳酒肴瞻拜夜觀真惟識量旨深詞奧

初七日晴錄外史晡造香孫盧莫近夜觀八識規矩合三離二觀塵世註云鼻舌身三合中取境眼耳二離中取境意謂香味

觸合而後知聲色離而亦覺精語第八頌云浩浩三藏不可窮
淵深七浪境為風受熏持種根身器去後來先作主公狀阿賴
耶識也

初八日晴錄外史補頌齋過譚共憂大局之危百姓之窮困愚
謂貧生於惰人不務本而逐末不勤動而坐食宜其困也財者
流通之具耳飢不可食寒不可衣所食者粟所衣者帛粟於何
出出于耕帛於何出出于織今天下耕織之人少而食粟衣帛
之人多物不足以給之則不得不削首於是衣不勝衣食不勝食
矣孟子曰聖王之治天下使菽粟如水火言菽粟之多也菽粟
多而天下之人多歸于農皆務本而勤動抑可知矣勤則富惰
則貧夜與蓮兄圍碁

初九日晴錄西史日中偕母妹妻女造歐陽石芝盧映相石芝
將返粵補歸俄詣美人林樂知譚時局危險德人無禮俄陰謀

七五

可畏夜觀相宗八要竟覽成惟識論大之外有大不能其外小之內有小不能窮其內大奇事恢恢太虛果何物耶思之思之坐卧生癡余又嘗謂一粒之微柝之千年不能盡也特目所不視耳

初十日晴錄外史訪燕公不遇歸晡讀唐人樂府夜觀成作識論孔子曰性相近習相遠墨翟見染絲而悲曰染蒼則蒼染黃則黃佛言本有種子亦類薰習令其增盛習之為義大矣哉十一日晴錄外史晡觀唐人古賦無所記

十二日雨覽諸報近日大地形勢俄與德法聯盟日與英聯盟分二黨皆嚴備水陸交警聽調遣太平洋懼有戰事膠州則德人堅不退俄不允助我勢岌岌暹羅國頗振變諸政崇新法其勢漸興王於今年遊歷歐邦諸國故之其視我國蓋鄙夷而不屑道也時務報紀其遊事詳盡古巴自立美人助之西班牙不

得已許之希土和議將定歐美諸洲庶幾無事矣

十三日雨錄西史經世報云美洲墨西哥之索諸拉地掘土得中國字古碑有華人往視知為二千年物也與中國傳所云有華人至墨西哥西海濱之說相合奇尋東報載歐集甲春秋公法序不知其書何若殆有可觀春秋張三世所謂倭亂之勢以力勝昇平之世以智勝太平之世以仁勝又云據亂世內其國外諸夏昇平世內諸夏外蕞狄太平世內外遠近大小若一此理如銅牆鐵壁更無疑義余謂以今時勢言之其國者所居國也諸夏者凡歐美亞有教化之國也蕞狄者亞洲之黎徭苗羌蒙古生番非澳美諸洲之紅黑人諸種皆是也今猶據亂世故諸國雖已文明猶爭雄不相下所謂內其國外諸夏以力勝也迨昇平時諸強國皆聯約弭兵或盡變民主而未受教化之種猶待鉗勒未能平視所謂內諸夏外蕞狄以智勝也至太平時

七六

榛塞盡開教無弗被學無弗講種無同異人無知愚悉皆平等
所謂內外遠近大小若一以仁勝也仁衰而尚智智塞而角力
力極而返智智積而歸仁循環之常也力始於手搏一變而為
刃矣再變而為鎗礮力窮矣智所開也智始於競利一變而為
格物再變而為治心智竭矣仁所由日生也無智無仁而有勇
撥亂尚力之世也有智有勇而無仁昇平之世智仁勇皆備乃
見太平

十四日晴錄外史踵造中興廬方大修書樓明春將開學塾俄
詣次申即至農學會晤羅武如譚有德人據膠為俾士參主持
之說昏黑之蒙學報館見浩吾浩吾論五洲皆尚切音字中國
僅存象形此所以不可行也且象形不若切音之速達于腦而
易記蓋耳根去腦近眼根去腦遠象形以目治切音以耳治也
浩吾欲以英字母拼中國音此事恐難真音不盡合是日蒙學

報出

十五日晴錄外史補諸張聽帆先生談論西國多用金取其携之便也十二本土本土亦銅錢一枚為一先令十先令合金錢一圓即一鎊每鎊配銀十圓過五鎊始用券英例莫穰卿指飲坐有康長孺弟幼博

十六日晴錄外史羅式如過談愚謂中國人知富國在礦而不知在農礦開而不務農中國之貧如故也何也礦出五金流通之具耳人賴以生者在衣食衣食不能給得金何用不如務農出產多則商務盛而利權奪不患無金不患不富不務農而僅開礦則所得金仍流溢於外中國何所利耶故云重礦不如重農覽格致彙編延年益壽論謂人之老皆肌肉漸變堅硬所致十七日晴康幼博過諱謂中國不變法當歸咎于聖祖蓋聖祖與俄大彼德同時非不知泰西之強也然而不知變計以自振

xx

宜今日之弱也或者天以四百兆失教化黃種使驟強將為地球患姑抑之令徐蘇醒所以保太平且錄外史夜觀成惟識論十八日陰風急大寒錄外史過午詣穰卿談穰卿前有說謂辦諸事無資可將各省礦抵外人借百萬萬以興創實政言之為人詆訾與余意相符蓋彼亦視礦輕也又云膠事政府求俄助俄云如所有礦鐵諸政歸我則出調停否則不能夜觀西劇几榻精麗男女笑語歌舞或彈絲清厲動人俄滅燭作大山嵒巖女子廣袖翩跹舞飄轉雲起電射五彩譎變觀者鼓掌雷動十九日晴觀康長孺新學偽經方所云史記言秦焚書皆非博士所職者按其原文殊可疑西國教人為學由淺入深極有次第中國古時亦然如六經經序見古書者多首稱詩書次禮樂易春秋長素史記經說足證偽經方中隱列甚詳蓋詩有韻語且多鳥獸草木之名足以陶情適性故為破蒙第一書書道政事知古今故為第二

書猶西人識字書讀畢即授以粗淺輿地史學也禮者教人成德之具也故為第三樂之精眇能薰人入德而不自知學人之極事也舊云無書然習之必有具故為第四若易與春秋微言與旨天人之祕萬事之原非學至深者不能窺故為第五第六終焉後人不知顛亂次序妄以易居首意若專之而不知失向學之塗徑矣明造燕公盧譚燕論今人動詆國朝漢學諸家考訂瑣碎一字千言以為勞心無用敗壞人才坐此不知君權獨重之世文網峻密通才碩彥不遁而之此無以寄其懷自海氛起而始弛士子諱時政之禁蓋其時不同也

二十日雨錄外史蓮兄至自城內與彈碁為戲愚謂作文必練其聲者便於耳也必簡其句者便於目也聲練則入耳而清辨之易也句簡則入目而明覽之省也皆有益實事非如聽曲觀優賞心悅目而已

二十一日晴錄外史補步至英大馬路俄就中其譚暮近覽為
經考其疑左氏傳為國語所分出者頗有見聖人制禮範圍天
下之機器也是故冠昏以別夫婦喪祭以親父子鄉射以序長
幼朝聘以嚴君臣使民日循歸其中而相忘也治撥亂之天下
不得已出此

二十二日晴錄外史造林樂知盧譚林論皇帝謂能以權力制
人者也故維多利亞英人謂之君主印度則尊之曰皇帝然則
皇帝者實大盜之別名耳碎佛有云賊盜者其行為鬼神者其
體制鼠竊者其心術皇帝者其名說雖然維多利亞猶不可同
日語也中國自春秋以還天下之君主多變盜冠至戰國末諸
盜為一盜併自是而後或分或合卒或以盜易盜之天下而諸
儒方爭盜統不已如辨正統及非正統尤可笑也

二十三日晴至農學會借羅式如蔣伯弁詣穰卿家同住王家

庫勘地日中過妻弟滙東留食歸途視震孫中巽皆見晡返舍
錄外史莫燕生偕余恪士及喻庶三走訪昨聞林言俄到尼希
利索因痛惡君主且欲盡滅一切新政律法以是西人月為亂
索夜觀書愚按易乾九四或躍在淵一節可為公羊孔子改制
之證無所謂王魯也隱然為在淵之龍耳所謂素王也長孺詆
劉歆列儒于諸子之一比之胡漢並稱不為無見儒為孔子國
號尤與愚意合

二十四日陰錄外史晡觀書教主之興多靈奇幻怪事如耶穌
能起死人驅鬼佛氏能為符咒以治猛獸毒蛇皆先使人敬畏
而後其道大行意者教主果有神通非如是不足動人之聽歟
孔子雖無甚怪異然而察萍實辨墳羊識防風之骨世震其多
能故以聖稱之至其所以為聖者不在是猶佛之聖不在治數
蛇耶之聖不在起死人也顧非世俗人所能知則又不得不藉

是以震悚之三聖之權教耳

二十五日晴錄外史補請俞恪士譚論周官一書長編決為劉
歆偽造以媚新莽然觀其書條理精密廣大美備且多名理使
歆能造歆亦聖人也且竭盡心力而僅媚一人媚人之術多矣
何必然歆愚不至此意者周官在當時一斷爛古縉紳且歌讀
而重之稍有所竄亂謂即所以媚莽猶可言也若全書硬造萬
無是理書古文恐係夫子刪定外所遺之篇即謂後人撰擬亦
必有所據本摺撫而成然不盡劉歆自筆也歆以一人而造周
官造書造毛詩造爾雅造藝鼎古字且編竄諸書無所不至試
問有此精力否且造之何益若云取名託諸他人則無名以媚
莽周官一書足矣詩書爾雅將誰媚耶長編據史記河間曾共
列傳無壞壁及獻書事以為鐵案愚謂壞壁諸事或當時流傳
之說劉歆附會以為異耳若云諸書皆出其手則攻之適以尊

之敬果聖人也

二十六日陰微雨觀書許叔重說文序云字者孳乳而浸多也然則字之為用非不可隨時因物創造後人泥古往往憎後出之字為俗不以入文遂至有新物而無新字輒用借代法有時而窮矣必謂知音字可新造象形字不可造亦未聞其義也

二十七日晴錄外史補造燕公盧漳燕有馭長孺為經考語極確謂秦既不許天下挾詩書斷無其朝廷復設博士教人以詩書之理意楚書後所用博士大抵職奉朝掌故典冊而已蕭何入關所收圖書即此類也長孺云秦欲愚天下非欲自愚若自焚其朝廷所藏者是自愚也不知秦為治皆本法家無取詩書之義是在秦為廢物何必藏之且長孺云吏即博士使天下學者往受業然則秦非僅不自愚並不欲愚人矣與焚書之旨相反此何解邪燕復有儒法辨儒兵辨儒道辨儒伏辨皆極精蓋

法家忠一姓儒忠萬姓兵家為君禦侮儒為民除暴道與俠其
輕君之旨與儒同也惟道家知其不可為而獨善其身儒知不
可為而以身守之俠欲以勢力侵民賊之權儒欲以義理破獨
夫之智

二十八日冬至晴錄外史補訪叔譚愚謂孔子苟得志於世
必開議院何以知之試觀宓子賤治單父孔子問所以治對曰
此地有疇於不齊者五人皆教不齊所以治之術孔子善之以
為堯舜清微其身以聽觀天下不過是也介子推相荆孔子使
人往視遂曰廊下有二十五俊士堂上有二十五老人仲尼曰
合二十五人之智智於湯武并二十五人之力力於彭祖以治
天下其固免矣以治其國有不濟乎可以得聖人之微意矣
二十九日晴叔叔招飲坐有恪士譚次謂相傳國朝世祖出家
之說有數證可信其一晏梅村清涼山讀佛詩漢皇好神仙妻

子思脫屣而吳詩為當時禁書今始得見也其二五臺山與本朝創業事無異而自聖祖世宗數君屢幸五臺此不可解可知當日文網方密有多軼事不敢紀載者後人無由得聞晚歸夜

錄外史

二十日晴讌恪士燕生枚叔諸人於一品香樓莫散

十二月癸丑

初一日晴錄外史蓮兄及祥士過談晡陸孟宇未夜覽長篇新學偽經考終卷毛詩左傳二書實為可疑據列女傳息夫人實未失身楚王大車之詩所由作也而左傳載息夫人自言予一婦人而事二夫似近誣蔑毛訓大車則以為美周大夫譏為望文生義非苛論也要之考古之學實難流傳自簡冊言人人殊後人無從取信所不詳者劉歆所商訂之書多與文向宗指不合豈長孺所指斥亦不無所見耶

初二日晴日中康幼博格飲于一品香樓縱譚補詣蒙學報館晤浩吾論教撫赫胥黎治功天演論歸即嚴復所譯者

初三日晴晨起覽諸報印度西北境亂民起英兵漸次削平之埃及內地不靖英法皆遣兵往各治其界內事古巴自主事猶未定也過午詣林樂知譚林謂英人近有水師游弋舟山吳淞開蓋自保其揚子江上下商利非與中國為難補親棋譜

初四日晴錄外史補詣張園遇中翼暨印臣春歸覽天演論天演論宗旨要在以人勝天世儒多以欲屬人而理屬天彼獨以欲屬天而理屬人以為治化日進格致日明於是人力可以阻天行之虐而群學乃益昌大矣否則任天而動不加人力別世界終古爭強弱不爭是非為野蠻之天下其說極精又云人道始於爭存爭之不已乃有憂患尤與愚所謂角力極而尚智尚智極而歸仁之說暗合也天演之學始於頌拉吉來達嗣傳其

學者曰德謨吉利圖中稍變于斯多噶蓋額拉周景王時人為
歐人智學之祖大旨以變言物故謂萬物有已過未來而無現
在與中土易理合易之既濟即額拉之已過未來也又以火化
為天地之祕機以為萬物皆出於火皆入於火由火生成由火
毀滅此理蓋得今日之化學而益明也嚴復德謨者生於春秋
定哀間以富人子遊學盡教其資在古人中最先創莫破微塵
之說者近代化學宗之而闡合質定率之理焉至斯多噶之徒
始創為造物主宰以為無不知無不能蓋近婆羅門八明之論
而額拉氏所未言者也

初五日晴覽天潢下卷論終嚴復序謂大易以自強不息為乾
即天潢家本力長存之說其曰易不可見則乾坤息即世界毀
於均平散力之說又云公羊春秋之旨多與群學之公例合又
曰泰西名學所以求事物之故以察往知來也有內導之學焉

八二

有外導之學焉司馬遷曰易本隱以之顯外導之學也春秋推見至隱內導之學也內導云者致曲而察其全審微而得其通外導云者據公例以例餘事設定數以逆未未者也語極是愚謂顏拉氏所持有已與將而無可指之今極有理今日中西學問之分界中人多治已往之學西人多治未來之學曷謂已往之學考古是也曷謂未來之學經世格物是也惟闡道之學能察往知來不在此例晚觀浩吾所著尊聖篇皆言古今學派六藝微旨並教初學治舊學徑途

初六日晴錄外史過午造香孫盧輔同車詣張園莫而歸

初七日雨叔叔道譚夜深乃去叔叔謂治格物家有言世間無所謂化生者蚊蚋之類亦有卵但細微目不能見耳或云蚊乃水變實不然愚謂此知其一不知其二也夫所謂化生者蓋以此種變他種如在入大水為蛤沙魚化鹿蠶變蛾此類是也蚊

未必有卵蓋皆水中微生物所變故謂化生若溼生者恐即為水質所變亦未可知楞嚴經注云溼以合感化以離應離者即以此化彼之謂也合者當為兩種質相配而成謂之溼生殆水氣之分質也愚謂宋明儒之講空理多有空而無理然亦能妙緒環起者不過善繪其空之狀態而已反近於詞章彼則刻鏤此則白描近人多稱漢人引經義斷獄其實不過世儒阿媚法家傳會經義非果以經治獄也而近儒大抵以斷獄之法治經則百喙不能辨世輒推許石頭記一書專言一家事以為古今刻格余曰是不奇歷朝史鑑何嘗非專言一家事枚叔大笑枚叔云古時有火官曰祝融專司火政疑當時之視火猶今人之視電蓋大初為格物家測出而取之不易必需若許質料非凡民所能自備故必設官如公司者以給萬民之用也

初八日雨錄外史是日西人除夕夜讀古詩三代以降政法日

八三

弛風俗日壞盜賊之心人多有之是以不獨其君皆盜其民亦
變盜蓋運化使然無可如何也有大盜以鎮其上而小盜乃不
敢逞故吾謂秦漢以後其一統天下者如猛虎在山百獸喘伏
即此意也及民智開其下之小盜漸復人心盜心日微於是乃
可共驅逐大盜亦非其時不可也燕公前云中國事事不如古
宜也治化不日進則日退故無怪我國之好古

初九日雨覽白虎通愚謂民生必立之君者以簡御繁之義也
故雖民主而有總統特公舉耳不得謂無君也若無總統也世
必人皆聖智不御而能相安者也

初十日微晴觀報杏孫過夜觀優

十一日雨錄外史覽白虎通古人受命封弟不封子蓋父子手
足無分離昆弟支體有分別故也三代以下漢猶子弟並封遠
晉及明則專封子而不封弟非古訓也位必傳子子必傳嫡長

人以為私不知此據亂世之公例也待賢惟神聖可行否則將
等於燕噲漢哀反以啟亂必不得已不如傳子傳嫡長位由天
定則人不敢覬覦故云猶私之公也不然人誰不愛憐少子私
其所寵而必立嫡立長乎或曰何不擇賢而立曰賢否最難知
苟察之不明或以愛憎定之則益叢禍何如悉由天定之為得
乎或謂本朝何以行之無與曰本朝馭臣子法至嚴天澤尤隔
其傳嗣繼體之餘無敢異議者且不預立太子臨崩而後傳詔
故亦絕事端而可行也

十二日晴枚叔過晡偕至燕生齋今人皆悟民主之古平等之
美遂疑古聖賢帝王所說道義所立法度多有未當於是敢於
非聖人自據亂昇平太平三世之說興而後知古人有多少苦
衷各因其時不得已也春秋公羊家之所以可貴

十三日雨錄外史哥倫布浮海覓新美洲當時無輪船冒險為

八四

之亦奇舉也晚詠風扇成一絕句云歐中豪客夜飛觴玉宇無
風夏室涼忽憶舜階生哺芻還疑孝應在西方

十四日晴觀書日中集蔣伯斧吳仲從諸人於一品香樓夜次
申復招飲天潢家有爭存之說故今之持論者多以爭為人之
美德曰不爭則治化不進聰明不開又謂世無大同大同則平
等平等則無爭無爭則所謂世界毀於均平散力矣余曰不然
爭有三等爭力爭智爭仁爭也者求免也前進也據亂之世爭
力求免於弱進以強也小康之世爭智求免於愚進以慧也大
同之世爭仁求免於私進以公也爭之極歸於無爭何散力之
有焉且爭者與俞得而行劫者異也國存以自立而已據亂世
惟強者存故爭於強小康時惟智者存故爭於智大同時惟仁
者存故爭於仁

十五日晴錄外史晚叢孫過夜觀書或問然則仲尼何以稱君

子無所爭乎曰是即貪得行劫之事也若圖存保種之事聖人不敢薄故盛許吏吾曰微管仲吾其被髮左衽矣蓋嘉保種之功也特惜其器小耳然當撥亂世能為此者已加人一等不多見矣

十六日晴錄外史聞膠州有租德人駐兵之說

十七日晴新吾來自楊下榻予家出所寫山水相贈皆蒼秀闊境幽奇觀書

十八日微陰枚叔過譚文簡三統以為忠之道其勛人也詳其慮事也周及其弊也頓而寡要苟而鮮功故救之以質質之道惡繁而貴簡循要而責實其弊也朴陋少文故救之以文文則禮密法備人道盡矣久之而虛拘浮薄故救之以忠此所以循環也又云孔子所以矜於堯舜者堯舜處昇平世又在上位其所為易孔子處撥亂世無權力其所為難也又孔子能通三統

八五

張三世堯舜知有一統一世而已其不及者殆如此耳

十九日陰錄外史中古紀終計一千年羅馬衰滅諸國強盛皆略可見夜送新吾登舟返揚錄昨所為脚踏車一絕云輕如龍躡步飛仙笑御風輪繞地圓似向康衢翔舞蹈承平又見大堯年

二十日晴覽中國度支考此書由英領事查核中國則例奏報所著皆英文擬請其政府備察考者也今復由美教士林樂知譯華文以詔中國人噫本國掌故賴譯他國之書而知不亦甚可笑耶學分三種曰已然曰當然曰未然觀已然迹習當然之法知未然之理

二十一日陰仲華至自杭過談過午微雨夜觀中國度支考終西人每謂我國地大物富而進款每年祇八千八百九十七萬九千銀數且遠不如印度之多蓋印度每年僅地賦由辦理之丁銀已一萬萬兩

非人大半中飽也而官俸之薄亦足以啟之

二十二日雨蔣伯斧拉飲夜觀格致彙編有探地名人傳畧曰百克曰麥折倫曰富蘭克今日蒙哥巴克曰立恒士頓皆開新地有功者又羅馬古傳載瑪科司克壽司貫甲躍馬踴巨壑事云羅馬有地裂成壑深不見底巫者言神默示非投以至寶壑不可合瑪科士武勇也以為羅馬至寶吳若兵甲與勇士遂含笑躍入巨壑果翁合此實寓言亦想見當時風俗之勇敢好義二十三日微晴覽地學稽古論終其於最上之人跡層分三期曰石期曰銅期曰鐵期蓋以所用之器而驗其智慧之漸進也近今持論者多謂人為猿猴所變然究不知所謂變者果形體漸變如天演家言抑其霸性變而別成形體如輪迴之說耶今尚難決晚詠電報一絕云萬里長風魚雁遲偶吹弱綫繫離思投壺偏為人得意借問天僊知未知

二十四日陰作學案字詣杏孫歸雨院觀延年益壽論謂人之
漸老其故有二一由空中養氣入體能變成非布里尼與直辣
底尼二種一由飲食諸物多帶入土性鹽類皆存留體中久而
漸多能使血管腐膜滯而變硬此所以老而死也自格致日明
必有法能祛二者之害使人增其壽算又格致雜說云蚊蠅皆
有益於人見案編六年秋季之冊茲不錄

二十五日陰觀延年益壽論勸人少食謂天下餓死之人少而
飽死之人多因臆列西史所載長壽人過百歲者男女數十人
皆因少食節飲所致實有至理蓋飲食男女皆能生人能殺人
節食與節慾同也

二十六日晴至同慶公花墅買花有梅二株賞之花放已復遂
其人曠詣燕公與同造日本本願分寺訪松林和尚方諷經坐
余二人於右軒室寬淨席地几案整雅壁懸大字蒼勁為日本

學人日下鳴鶴書俄主人出款茶絮語又持彼國各種小學書如史地格致諸類又少年世界報皆童子觀者頃之復有二東人米余與燕公遂去晚觀數有百種論夜祀神鳴竹爆

二十七日晴復觀前論載徽象者掘陷阱於路浮置草木象誤陷坑中初甚怒繼甚餓獵者日擲草飼之象感其德日漸馴十餘日後遂與家象聯羣不復有山林之志惡謂此秦漢以後世主馭民之良法也日中微陰即晴鐘鶴公過譚蓮兄來補浩吾至譚種類之變以同種化為異種之由大抵以兩種交合故別生一種如雄與蛇交而生蛟之類是也意猿猴化人之理殆亦猴類不知因與何許物交故能生人推之前自蚌蛤迭變以米恐俱本此理也蛟靈於蛇而生於蛇以蛇與他種交也人靈於猴而生於猴以猴與他類交也觀此可信天演家不信身外有魂之說謂質與靈性不能離若種類之由賤迭變為貴由麤


迭變為精皆以能自修其靈性故質點因之變化而日進惟蠢
類何以自知修其靈性則天演家不能答也愚意大凡智識學
問不能無所導而成譬之人獨居無徒面壁無書雖有過人天
資無由自拔生番野蠻終古不變者此也不然世奚貴有教主
哉今必謂蚌蛤諸類能自修自進夫誰信之不得其解惟有釋
典化身度世之說足以通之經云佛憫眾生苦現種種身以度
之入人界則現人身入鳥獸界則現鳥獸身入螺蟻界則現螺
蟻身入水族界則現水族身所謂現身即託生其類也入乎其
類遠度其類於是種智乃能進而漸變其體質其理於是可通
執天演無魂之說則無託生亦無佛安有度之者既無度之者
種類安能日變日進不亦達於理耶又愚意種類之日增多日
變為靈且貴者其所以變之故無關於靈性蓋以兩異種合勻
成新種如前說也妄之竊性日修之物死而輪轉則進受之身

必較前為靈異彼新種之質體適有此類承受之也必謂靈性與質體不分自修而自變不待輪轉則萬無是理

二十八日晴吳鑑泉至自津蓋自山海關坐礦局船來即赴揚州過午登樓懸福壽字脯訪鑑泉於鄭蘇龕家鑑泉豪勇有膽氣於路所作雜詩極多頗雄放覽數百種論終又觀地球奇妙論及汽機師葉感傳夜作書寄洋天演家云平者不喧之宇也靜者不覺之動也其原意言極有理又聞天文家云地球每日自轉本軸約七萬五千里一周則每時須行六千二百五十里較火車速十數倍然則吾人所自謂靜坐不動時不知正坐極快火車無一息停也如以地繞日循行太虛論則每小時有二十萬里之遙直飛奔也人尚得自云不動耶

二十九日晴部署度歲事晚依燈陳采有祀先畢侍母夜燠盡歡俄下樓寂坐無事燭下覽禽鳥簡要篇

八八



戊戌 中曆光緒二十四年
西曆一千八百九十八年

正月甲寅元日晴未明起盥漱畢靜坐待東方白素衣冠焚香拜天威

磨墨作書錄山谷詩二十字 即胸中吉祥 日出品朗成元旦漫興五律

一首時去五春尚十日

東風送祥凍歲序已送瑞未見寒梅發摘餘燼竹殘擁書忘理亂閒

戶祝平安題罷宜春字朝霞映日丹

補日食陰雲蔽天不可見讀王介州詩懷古作最勝晚工或五律一首

續前作海上雲樓客臥東天放長琴書成者友魚鳥在前身厭倦池

籠若翹瞻世界新餘寒何日退大地盡回春

初二日陰出賀歲詣鐘觀堂

念始悟半者不喧之爭一語 天演家說 蓋人思自立不欲居人下此中地而未嘗

喧太平之統有此境家夜復成二絕句詠留音映像二器

舊聞聲是無常物氣浪搖空過不停誰道俗倫造奇器劫歲萬箱關

戊戌

一

乾霧器留音微塵色相鏡中塵燭見精眉畫不如天為幻生響幻影不隨
面散雲舒徐照像世上又成一絕詠實燈

愛力相摩火起無六街涼月白千珠行人盡在光明裡畫出齊城不夜圖
初三日晴遊天成一絕詠自來水一絕

應手承源汨汨來山騰壑赴我道回千字氣飲百流集一通龍吟萬竅聞
過午有彈箏操清音者坐中庭使敬里巷一曲其人去年竟濟唐歲
荒南下以求食遂燕公不遇歸覽今言為簡要編畢夜誦空公詩

初四日晴肩輿入城詣諸戚友賀歲歸觀西學述略啟蒙十種之
一也中多載西學派別源流如謂文字之祖於非尼基輪迴鏡之本於埃
及諸學始於和莫耳威耳者利又有曰群學不惟見理之明而亦能以啓
吾達其意蓋為議事及學訟設也西國所以賴有訟師者防民之長於理
而短於詞不能自達其委曲而見誣也有人為之申說使委曲之理
於表理曲者乃不敢訟

夜讀定公詩賦絕句錄卷末云秋鴻清清寫出思萬玉哀鳴君自知
誰向忘山廬外聽孤燈夜詠瓊人詩
初五日曉起觀書

忠也者心在中也格物家所謂中心是也人者有重心觀其所存而已在一
身之中者係一身在一家之中者係一家在一身身之中者係一人在君一
家之中者係社稷在一國之中者係種類在萬國之中者係萬民在衆生之
中係衆生係衆生者謂之大人係萬民者謂之天民係種類者謂之仁人係
社稷者謂之社稷臣係一人者謂之事君人係一家者謂之孝子係一身者
謂之養生主若夫縱欲敗度者其重心不在於身而在于物逐物而忘其身
身猶不保何論其他

而學識略載波斯理學考稱彼教上帝有二一善一惡善理陽惡理陰善
者名和摩斯惡者名亞利購善者欲調四時和水火惡者欲毀四時滅水
火又言光為和摩斯達之家暗乃亞利購之家是故其俗奉曰拜火蓋趨

二

史記 卷一百一十五

史避時之意也其教之聖人曰梭部斯稱基指教之有耶穌也

又三能十二思範說稱道與識之分覺者入身目為思之實識者出自

心意為思之範所推闡極細其說出德人干得中國乾

補遺英人李提摩太譯久有摩雷蒙自海外携來者持拘播之二

球間大星煤烈有聲

晚日占五絕云大地如秋掃空王掌上圓風輪微轉動塵世幾千年

初六日晴西學述略云泰西著名史學家最先者一曰希羅多都一曰都

基底一曰伯路大旅至今後學仰而師之如中國人俯首於班馬也

其後繼踵而起者曰休摩著英史曰班哥羅夫著美史二公皆於民主政

治三復其意焉

創靈學者美人弗蘭革林創化學者曰加芬底夫乾陸曰伯理斯理曰拉非

淺創光學者曰奈端創重學及流質重學者希臘人亞奇然德時人研精動

物體學者近代法國人曰畢非也者創植物學者和蘭人曰羅貝勒明中葉

繼其後者復有英國人曰格路曰賴氏又德國人曰哥底素精醫學者首
推希臘人希波拉底創其何原本學者亦希臘人曰他刺斯曰布大哥拉首
以代教學名世者曰丟番都亦希臘人嘗而所居人亦多精於學者後因天
方國人穆罕德謀撒得來印習其學傳佈歐洲西人習便流行

夜作太虛歌一首云太虛造境奇恢自雄大會者搏扶搖直欲窮其外
太虛無外奈若何天風吹萬明星羅明星如瓜世界多如沙克塞布空
際飛灑無周遍細者類河漢巨者名魚蛇或如白雲淡或如牛柳斜中有
日輪不知數无極上下開榮華捷挈諸星与犀月盤旋連攝終古無訛差
吁嗟此境真奇絕借問何人為創設世間惟有佛能知胡佛云不可說
初七日晴觀書過午出街閒步書肆見虞仲生集購歸
夜偶閱大清會典及石渠餘記諸書

初八日晴寫日記過午陰陰觀明史食貨志明太祖定天下制賦稅甚輕
官田畝稅五升餘民田賦二升獨蘇松嘉湖怨其為張士誠守稅獨重如

三

私租蓋以減其餘備也

張居正丈量田畝頃以溢額而功有司爭改以爲田多於是天下按
溢額田增賦亦因民之舉

夜訪道園詩集冲淡夷曠尤長於古風蓋皆能自寫其情真者

初九日微陰仍清明史官實志明末賦稅之重百計括削如練餉助餉勒
餉諸名目有如無已民不聊生其亡天下蓋有由也

晴走訪襄孫石過造次申履諱久之登其書樓羅設官廳

初十日晴觀元史官實志元世祖胡勅于民事觀其勸課農桑設條法
不遺餘力不得以蒙古人而輕之也且賦稅亦輕減世異常苛虐之政
修史者皆明人當非諱飾似可信

十一日晴燕公暹諱以爲文弱之卒不能敵武強之兵武強之兵不能敵文
強之師明季與朝鮮皆文而弱也則初八旗勅旅武而強也故能制之若今
日東西諸國皆文而強者也雖中國有兵力如龍興時而當之必敗

又謂中國平民以不見官吏為樂秦漢而下皆然也故政法以簡為上簡則
府吏肯從少與民接而民少安故唐楊炎之變租庸調為兩稅明之併丁糧
地稅為一條報省易繁為簡之意雖不能無弊而視其舊法之病民則少
減善過福也

觀金史食貨志

十二日晴馬車出答詢諸未視余者日中歸觀書

金入中原遠從其部族來與漢民雜處者曰種安謀克戶猶今之旗籍
者也其制曰賦種古而稅法外又有物力錢及諸雜課惟種安謀克戶
祇佃牛具稅主國之初諸稅亦輕迨後軍旅日煩征調加重民不聊生夫
十三日陰起賊七律一首金謂今之時局權在英俄兩國相持不敢動若
事皆相激致成交倖勝自三見而地球大勢變動將不可思議也善以海
軍勝俄以陸軍勝以謂而都並峙他國莫能及因慨然賦之云聞者瀛洲
似奕奕若若望雲海如旂旗我深閭氣舉長策勢等建難憶貴時萬里波濤

寘鐵甲三邊風雷出雄師王盟上國惟秦壯之難重於今待轉移

金嘗稱李合肥為救時良相可例以鄭子產惜不能重用耳又賦一首云最憐忠鯁有傷三徑息強鄰臥榻雪風氣晚開蠻革綠文明中絕漢沙黃當車一國於堽得食粟何人飽魁陽幸有新僑元者在和戎堪譽救時良

中甲微賄起讀室史食貨志守人惟司馬溫公深達民間疾苦宜在臨朝時嘗抗疏請民得自上封事以為難共言辭鄙雜皆身受實惠直有其誠不可忽也初熙甯六年立法勸民裁桑有不遵令者徵屋粟里布為之罰然長民之吏不能究宣德意民以為病至是楚邱民胡昌壽上書言其不便詔罷之且觸所負罰金興平縣抑民田為牧地民亦自詒慈暹之仁人之言其利溥哉要之君民睽隔之甚其為政必以少興事少使胥吏與民接則民得安靜否則雖行之者意在興利而實則增害如是者此也且民又不得自言於朝而民益苦矣溫公此奏蓋深有感於其弊者

商鞅廢授田之制聽民自相賣買雖共人君善民之道然行之三代下亦不得
不無善經愈廣君之精神愈難周使授受之法猶行則胥吏之煩擾不知
何若試觀漢魏而降世之亦間行均田限田名田之政然民間不見其利日
見其害大都坐此故前人有得高賦之革并田揚天之廢祖庸調皆有救時
之苦衷六極有理害之中國生民之困由於封建之廢去聖封建廢則諸君
民利民之善法勢不能不與之俱廢而更無善政可行如欲行之非開議會
不可而世之方惡且下之朋黨其肯伸民之權耶嗚呼

十五日微晴即陰請定史會皆志而遂以未准官田之法最權民凡所籍沒田
券民耕皆仍私租額重不堪其累既因國用不足強賣與民多抑配末年又用
虞處張師勸等言行限田法強買以充官田實似道實主持之病民尤甚

天災流行為無可如何之事然而人事修則水旱不為害如北方之溝洫南
方之湖圩皆以時蓄泄使在上皆能盡心經理廢者興之弛者修之何有旱
潦之虞又西國防冲旱之法每以多種樹為第一義蓋濠則能蓄山水勢

五

使不直成軍則又能吸雲以致雨若夫鐵路之足以拯饑又善後之一事也
學士人定勝天其理不易惜非所論於我國之治民者也

十六日晴晚成生日自述五古一首并贈宋子燕生錄之云行年二十五請
書漸未多流光催若大君子意如何悲我失怙慈親承義方少日詢之遺書
悽愴令人老伯兄長七年友愛兩不相今忽隔南北長枕誰與眠幸有聖善
母壯健猶如昔晨夕侍秋堂諄笑承歡劇幼妹十一齡長好今十九尚志偉
嘉姻至難惟求偶嗟我骨肉親寧能得三五惟我與伯兄相依持門戶亦無
百畝田祇餘萬卷書如承父餘蔭同向長安居甲午忽聞定烽煙動幾斷煙
臂乃當車朝士惟言戰我家忠孝門不作違心語上書致北江慷慨陳邊緒
書上計未行俄頃辱誘集拂衣出都門東居滬城邑滄清今桃源名賢若星
繁高侯散霞綺指顧八荒吞逾年甲兵息伯兄官漁陽留學奉世居海上一
身藏海風知天寒問卷知胸寬大千懷袖底萬事浮雲端鄰右宋紫子平情
察物理學術貫古今理亂掌中指朝夕相過從深譚無厭時稊難資啟牖

願奉以為師

十七日晴覽宋史食貨志宋承自唐五代以來兩稅之補弊其制賦之法曰公田之賦曰民田之賦曰城郭之賦曰丁口之賦曰雜貨之賦其輸有常厥其入有常物律寬為之期以紓民力其兩稅外諸無名苛細之斂常加剗削或以類併合為一如仁宗明道中悉除諸名品併為一物夏秋歲入第分租佃二色亦使民之法也至時陝西河東用兵民賦率多至移折交者治諸路轉運使前期半歲書于榜以諭民有未使者聽自言主者裁之蓋以溫公而請民得自上封事同一用意故仁宗誠不愧為仁情所傾之詒及諸世民之政官吏罕能承帝意者蓋自秦漢以降律雖有增之而無補于民強半坐此

清查戶口均定田畝法固善也善政也然後世不可行者亦以多擾害也如漢光武之行度數宗神宗之行方田不惟擾民而田畝經界亦卒不能覈實南渡以來頒借之法田民已極故陳求魯言之于理宗並請整法官吏採夏

六

侯太初併省州郡議用宋元嘉六年為斷之法法藝祖出朝紳為今之典

十八日陰為不經呈會樞議事規條終日不讀書然亦未脫稿

十九日早晴過午陰仍觀宋史食貨志宋建炎二年初復鈔幣令帖錢疑即
今所謂印花稅之類

仲弓向子燕伯子曰可也簡一簡字蓋為三代下臨民之要法疑夫子亦自為而發也

二十日晴錄外史補陸亭過談晚復修定議事條規

二十一日晴過午錄外史補諸內弟滙東虞諱無所記終日不讀書

二十二日晴錄外史補表兄子涵未聞表甥伯蒼病危在牀就醫與子涵同東往
視學知歿已二日未大殮也傷感之至晚歸作書達念兒

二十三自陰覽宋史食貨志和糴漕運諸政其自熙寧以來和糴之外又有
坐倉博糴結糶依權免糶等權括糶勸糶均糶等名目愈繁其病
民不待言坐倉一事司馬溫公曾與呂惠卿力辯呂惠卿云糶諸軍餘糶
可得米百萬石以減東南歲漕百萬石轉易為錢以供京師溫公曰臣聞

江淮之南民間乏錢謂之錢荒而土宜稅糧彼人食之不盡若官不釋取則無所發泄必甚賊傷農矣且民有米而官不用米民無錢而官必使之出錢豈通財利民之道乎蓋北宋一代如司馬溫公之深達民情者無幾人也前聞陸身之中國之開墾不力地利不盡者陸身之所獲雖多而無積陳腐銷售阻滯不能流通權利悉以人無故弊之志江北一帶皆然甚病在陸身案密使之然也若能裁撤陸身復廣開鐵路加以官能督勸地利有不盡或曠觀舊五代史食貨志

二十四日陰晴陸身過璋謂行事如製器而編事如繪圖固繪而器不製不可也欲製器而不先繪圖亦不可也

相近處有法蘭西書院陸身之弟履平入肄業焉是日余與陸身往觀規模宏敞樓四層讀書之所寢食之地有常處外間大園平曠縱容童嬉戲跳舞每日二次皆於功課之後每禮拜有二日皆終日放學故學生無拘苦不樂習也二十日陰微雨庭溫錄外史過午出街晚歸觀唐書食貨志夜雨而雷

七

唐人凡稅斂之數書于縣門村坊与衆知之亦一良法五代後唐時稅田
主人自通供于狀具頃畝多少事家為保無隱漏措速狀本州具收送
省州縣不得造差人檢括皆有深意

今之諱新者見西人室室閱履服用盡美道以為西人尚奢而迺視崇儉者
以為舊不知天下無所謂奢儉要在量入為出耳所出輸于所入則為者不
踊于所入而尚留餘財為儉彼西人雖侈而生財之道廣安知其所出之
數不尚未滿乎所入之數耶則信矣中人生計艱難往之官室服用雖遠不
遠西人而較西人已為奢者其所出之數輸于所入之數也夫能量入為出
又知積無用之費以留待有用此理財者之善法也今乃以為信薄之誤認
西人為奢而慕之甚深矣

唐元宗處天下富庶之餘驕于供樂田不知節所出常過于所入於是錢穀之
自始等腹刻以盡天下遂致民物耗散而大亂起不佞之禍一至于此
唐故事天下財賦皆歸左藏而大府以時上其數自肅宗時第五琦請皆

歸大盈庫供天子給賜主中官自取天下財為人君私藏有司不得程其多少
唐後國用急其苛斂於民者如青苗錢借商間架除陌皆極病民又自兩稅
法立初行頗省煩擾久而皆輕錢重乃愈困陸宣公嘗上疏德宗請釐革
其甚害者言最切而以說逆事無施行者蓋唐之陸宣公宗之司馬溫公皆
深達民情者也

又有所謂助軍錢能入粟者授以官蓋如今之海防捐者

二十六日陰儲外史明詣次中歸訪燕生諱宗人漕運多出於和羅元明以來
漕運皆出于加派燕生謂和羅乃加派名似異而實同也宗人雜名曰和羅當
時州縣何嘗實與民錢其與加派無殊

二十七日陰微雨晴杖叔至自杭晚次中招飲

二十八日早陰紅板花散覽隋書食貨志

隋文帝受禪後田賦課役及收受之法皆略踵北魏遺制又躬履儉約以宮成
服漸澀衣當時府庫充溢官日增跡其生平與甚失德之事惟命楊素造

仁壽宮黃山增有役死人大軍萬亦始聞之不悅及宮成入遊觀復喜稱其忠
嗟以此為忠直是乃刻舟逆燭帝即位復以楊素為營作大監建東都每月
役丁二百萬人大開苑囿採木江南往還送千里不絕死者載道天下騷然
非其父作俑而何嘗考西漢書載埃及古所營建塔寺殿宇及名王墓猶存極
雄麗皆美千年不變想見當時高雄之君相塗用其民以作無益中西有同慨
也尤可笑者隋煬帝在遼東聞楊元感之變而歸及元感平謂左右曰元感一
呼而從者如市蓋知天下人不欲多多則為賊不盡誅無以示勸乃窮其黨與
悉坑殺之死者不可勝數

二十九日陰雨連日煖五日稍冷也清書合債書及北魏書

北齊及北周諸史乘皆有紀傳而無志其因賦之法略見于隋書要皆踵北魏
遺制而微有不同北魏書有志在紀傳之後記載頗詳其述均曰之制則始于
孝文帝和九年詔行其法王用給事中李冲言五三長王宗主鄰長之隣王皇
長五甲王宗長皆取鄉人體謹者為之蓋魏初時所與也考文可謂善後者矣

廣土眾民之君主無法法也非上欺下即下欺其上試觀北齊時舊制未娶者
輸半林租調於是陽翟一郡戶數萬籍多無妻者有司劾之稱主以為生事不
復究而存欺蓋甚隋文帝時舊制課役凡十歲已下為六六十為老皆免而山
東尚承舊俗賦巧避役惰游者多或詐老詐小規免租賦文帝怒令州縣大
索號關戶口不實者正長遠配又聞相糾之科以防容隱民於是不堪其擾
三十日陰微而伏止中人禮拜日孫履平來自書院手紙未起聞之始披衣下樓
日中微暗問觀明德堂乘胡九輪編克欲之法當日不見可欲始理頗稱與履
平詳履平舊讀書淮城即淮國道淮城鳳土及揚州古蹟甚詳蓋揚州去淮安
三百里

二月初一日西覽晉書食貨志

晉人亦有占田之法男子占七十畝女子三十畝惟是若如北魏之授受則不
知也餘註調注略相同其官者賤占田者有等級東漢之後百姓率自板
南奔蓋謂僑人律之散居也晉書上考凡軍國徵賦皆無恆法定今列州郡縣任
九

土所出其無曾之人不樂州縣編戶者謂之浮浪人樂輸亦無官教任量維所
輸多優於正課宗齊而後其吏乘往之無志或有志而無食貨一門據清書所
載其治法大抵沿晉舊而不改

魏武時欲經略四方軍食不足袁祇達屯田議用其策數年間蓄積饒裕晉宣
時又用鄧艾策令徙北二萬人淮南三萬人于陳蔡之間分休且佃且守復大
治諸陂穿渠溉田其後大軍出征背食有餘而無水害又應康表云趙克國眾
於金城以平西零諸葛耕于涇濱規復中原皆踵王食且兵之故刊也惟欲
用其子始思所以養贖之則牛馬之用雖然使無敵國外患吾懼民之求為
牛馬而不得耳

初二日徵賻錄北史高齊路德劄耶蘇復原教之時哺出街
覽文徵通考鄭文浩云北魏均田法民所受者悉歸田諸桑田不在還受之限意
桑田必是人戶世業是以植桑插其上而露田不栽樹似皆荒閑要主之田必
諸遠流配謫與子孫及戶絕者墟宅桑榆盡為公田以借授受財國非盡奪

富者曰以子貧人也又今有盈者無受不還不足者受種如法盈者得膏其盈不足者得膏所不足不得膏其分亦不得買過而足是令其徒便買貴以令均給之數而非強奪之以為公曰而後與曰之入与事其行異矣此所以稍久無弊其方近理

初三日微晴錄外史杜初過漢行日与事窮魂之有無久之不能決故取謂窮魂不能離背其而在如常氣之因摩擦而見在臂點之中其臂點斯無電氣窮魂亦其始也因里女精血相摩而生成形之後復因血脈流動相摩而存血脈停滯則與相摩遂無窮魂而人死矣言似有理余驟未能難也

初甲晴錄外史過午出街詣崇善教館与浩吾談俄至時榜報館購得國朝彙編又至詳書公舍晤故叔晚歸是日得見三書梅或問出破滿室請漢書

仲尼述治民之道惟富之教之二語為未至富何福於教三代下人言能致民富者蓋已鮮矣見於史傳者惟漢書稱自文景以來至武帝之初七十年間非過水日千家給人至晉志稱武末年天下無事時初年豐穀中殷阜幾乎家給

足唐書稱自親和米斗四錢外戶不閉者數月馬牛被野人行數千里不齎糧民物蕃息天下斷獄死罪二十九人號稱太平又稱元宗初年海內富實米斗之價錢十三有胡斗籠三錢絹一匹錢二百道路列肆具酒食以待行人店有鮮醪行千里不持大兵自是而後歷宋元明其史所載不闕者此等語然究不知史所載者果可據否

初多自請問樣昨夜到滬將赴金陵入儲材學堂肄業

補錄外史燕公造諱謂海門有奇士陳姓字清仰酷信道術逢人輒勸學仙以爲仙果可學仙之法奈何曰先鍊心次求仙受訣鍊心奈何曰須常使心不動有事能行之鍊心術成矣其一寂處窮林出谷中與木石與虎豹遊略不聞至者而其心澹然若在城中富家之內而不動其一終日舍身位飲履寫交錯越眉皓齒繞其前後而其心澄然若無所親而不動其二置身戰場馳驟決關之間縱石而集死生頃刻而其心夷然若居細甕屢更無所覺而不動行此三不動鍊心法乃立志求得真仙而師事之志堅必有所遇而得其訣則道

或謂道成而身不死或化極窮物能遊大千世界孔子耶穌佛無死法其死
仍也持之甚日燕生不敢信

又云杭州旗營滿人貴林者字翰香籍落有為志識起絕將躬履正襟營中推
稱清朝孔夫子梅青書院滿學校也例將軍妻人主教厚其康會全責任之責
不可曰師嚴則道尊主教官款聘否則不就將軍從之貴林是太辰其志規模
宏整故常子以王陽明顏習齋之學與貴林以買詳報及新學圖史今能觀不
逾年凡出其門者人稱其異

初六日晴早掃掃雜事作書見書過午開估三叔至港補錄外史
初七日雨覽圖閣索編履又後述斯賓塞爾初學論學不可緩謂凡測物
家如治天文者推較既精外尚有儀器善地軸差清常氣差此外儀也亦有
人差則於日治手識之文懸胸之透達算者之安皆詳數之微以察物之難如
此今於編事之學往之思之以為甚易石初推較逐欲武斷不知政教之大曲
折與博問繁尤重亦有不事其學不通其方而能是昨此者于其間也且推較
一一

加詳而亦有人差與測物同如一人之情識行習或或以種意不同或以居養
互異故觀事論人自為差此皆不肖之所用而無或解者也不知人差則論
事必違其實而生心害政其禍尤深云云語極精透不可不垂錄之以備忘

初八日陰詣表見王涵即歸錄外史內見佑三惠過午去

夜觀明史兵志明人管制於各郡縣皆主衛所外統于都司名曰都司統于

五軍都督府有征調則命將充總兵官調衛所兵領之謂之班軍事平則各還

衛所有唐府兵遺意其於立師則設三大營一曰五軍詳其陣一曰三千雜巡

哨一曰神機肆火器及土木之變于謙為兵部尚書以三大營者為教令臨期

調撥兵將不相習乃於諸營選勝兵十萬創立團營其法頗善自是雖屢罷而

每師其意略改其法遂入團營者皆謂之選鋒不任者歸本營謂之老家宏

強時流寇起邊將江彬請調邊軍入衛於是集九邊安騎家丁數萬人於京師

名曰外四家立兩官廳選團營及勇士四衛軍於西官廳曰德元年所選官軍

樞于東官廳曰吳兩官廳軍為選鋒而團營且為老家矣嘉靖二十九年俺荅

入寇時黃任廢弛兵部請興革於志憲龍圖營兩官廳復三大營舊制並其後
法度安始立大將一人總三大營副兩大學士監司者言三大營去後總兵尋
改曰提督復設六提督各持意見遇事旬月不決後知其弊乃更之此有明一
代京營沿革之大略也

明之營軍多若于工役並凡兩郊九廟及諸營繕多役軍士雖班軍之正直者
亦不免焉

初九日陰錄外史晚觀明史兵志

我國人用兵將不知自倖卒不知自餉是倖不足以贖將惟恃倖冒餉不足以
給卒惟恃擄掠由來久矣及至承平卒無可擄之地將則尚有可冒之餉故雖
雖若衛所養兵其將無不以空名支糧往者多而人不滿臨陣時則集市人
乞兒充數呼聲博笑而已軍政安得不廢地哉要之留其人而不足以其養其
身猶之蓄馬者不飽其刍秣而望其飛馳千里必不得矣

初十日醒時聞窗外雪飛冷甚復睡去及起雪已消絕陰錄外史過午燕公
一二

借陳君清仰未談清仰謂九道成而超輪迴皆不遺肉身非不為也實不能也
其已知長生之訣而甘心輪迴與眾生同俯仰于生死海中適時度其若死不
遂欲超生者如孔子之類是也則屢遺其肉身矣然歷千億萬劫必有道成之
一日及其成也又不遺肉身但能化之使精粗為精華而成靈受之物能以一
身化千萬身出世度人而本體猶終日入定不相妨也蓋道成之後猶精進不
懈無止境若不進修功亦可退清卿宗旨無非謂仙佛名異而實同皆不遺其
肉身以為常人治佛學者知有性不知有命更不知身心化之一說此亦學道
之大關鍵不可不審辨也惟燕公及余皆一時不敢決

夜觀元史兵志其兵志篇末有疏書乾隆辛亥杪冬廿五日亥初一刻錄記時
陰天十八字按乾隆辛亥為高宗五十二年去今百有七年矣筆跡宛然殊色
不變不知係何人觀後有以書清字者蓋滿人好學者夜深庭外地氣微涼風冷
十一日而錄元史檢先祖日記及先子遺墨

太虛公理皆始于一而終于萬故開創世界者首有君權而守成法則以民權

君權者以一人治萬人也民權者萬人自治也如美國合眾世界創于華威頓一人則君權也及其成也衆人守法而民權立蓋民權不必待君權開之也天下未有無君權而能有民權者且君與師不分師即君也執權以行道者謂之君無權而傳道者謂之師之教猶君之令令皆知不可無師何獨于君而疑之聖人不在位則君之任潛移于師而彼所謂君者非君也今因世界有君之害遂疑世間無待于君凡為君者皆盜賊之類則大謬矣第君之道皆可暫不可久故其終歸于無君也猶弟子學于師及學之成與師等則無師矣故師亦暫也而不可不有也

嚴又陵譯天演論云上古之民有約而無令出于君而民遂若是亦不然夫民生而有約迨人愈多而約不能濟於是君以齊其約以令之作也使能立善令如華威頓者令民之約恒齊豈非更賴有善君主惟自稱約之令不得善法於是君是雄之輩竊君之令以虐其民而民始苦于令矣

夜觀元史兵志元兵制在外曰鎮戍在內曰宿衛典兵官有萬戶長萬夫千戶

一三

長千百戶兵百夫者其軍士初有蒙古軍探馬志軍家有男子無家室者盡令為兵既
平中原籍民為卒是為漢軍或戶出一人或二三人或二十丁出一卒或
二十戶出一卒又有所謂匠軍實軍鹽司軍諸名目其鎮戍皆於邊徼襟喉
之地河洛山東天下膂心則以蒙古探馬志軍屯之淮江以南多滿列郡者以
漢軍及新附軍戍焉宿衛者天子禁兵國初立謂之四怯薛蓋太祖功臣四人
命世領其職者後其制漸改要皆分番宿衛無事則以備禁庭有事則惟天子
所指使為尤親信者

屯田之法以守邊也元人既平中原內而各衛外而行者戍於皆主屯田以資
軍餉天下無不可屯之兵無不可耕之地蓋亦古所罕見者

元史卷中又見一紙書今日廟白旗值日引見幾名又召見某後書嘉慶六
年十一月初六日此蓋衙門中知會及抄報之類召見人中有一紀的誤書高紀
莫占福三人之名因舖閱世宗東華錄元年十一月己卯命侍郎高杞莫瞻萊

疏濬通惠河嘗至奉差請訓而召見也惟晚嵐先生不知因何事想亦衙門

值日耳

十二日兩訪陳清卿于老搭記棧俄燕公亦至繼談清公有答道頌南辨神仙
書謂太虛中有二物曰神與氣二十六原皆皆氣所成合神與氣則為人及諸
有生命物其元也則神氣離惟成道者能以神化氣而成至神至妙至精之物
不可謂有不可謂無極精者謂太虛中以太即已過諸成道仙佛之體蓋
與覺海之說通

日中於飲于一品者樓酒罷逐回至五層樓最高處若譚下不聞車馬聲中極遠
晚歸夜觀金軍兵志

金人初起時用兵無款蓋其俗率驚劫兄弟子姪皆良將高僧任伍皆銳兵無
事若耕有事若戰假借調遣事同一家故常能以寡擊眾

國朝入中國數百年而滿漢人尚不能通婚姻此亦自亡之道也試觀金人入
中原自顧回人宗族尚少乃割土地崇位號以假漢人使為之守極安謀克雖
則漢地總與其丹漢人昏因以相團結此實善自為謀惜其國勢浸盛遂欲罷

一四

遼東渤海漢人之製極安謀克者以兵柄歸其內族仍不免多別之見耳以是待人亦以是待之金人行兵部長皆曰極安謀克從其多寡以為統及制勝中國者凡歸附者即以此名部勒其人使鎮戍諸地又設之諸總管府以相統制史云金之兵制最善每有征伐輒下令各取于民使從軍遠近騷動民家丁男若皆強壯或盡取無遺統注勅鄰里嗟怨是道路絕以欲其勝敵難矣

金末又有所謂忠孝軍忠義軍皆獲迫用史稱六年招集亡命之徒終不可制及後擅殺北使以速金亡即此曹

十二日微晴錄外史叔道禮至夜乃去

陳潘州云噴者氣之所化世間惟神氣二物予疑氣亦神之所化是故能鍊噴歸氣鍊氣歸神

十四日陰禮拜

十五日微晴錄外史與仲舉策孫等同車至高昌廟

十六日陰覽金史及遼史兵志過午詣燕生禱燕公福中國大勢窮盡無後生

機不更政尚可延若驟圖自強歐洲人必連分其地蓋懼黃種復有強大之國也前聞某報載客之來初五其功時見與國見東方地大恐其振作與白人敵意商諸國謀所以分其禍遣人刺探知我國決無自強意乃寢其事又李提摩太赴德國向政府索學校章程云將以示中國人使規效政府大臣佛然曰爾尚慮東方強國之不多乎使復有一日本非歐洲之利也觀以上二事則知西人之用心矣

十七日而訪陳潘兩君共飲于一品香樓惟陳潘兩君著論十則有長生原生原治諸篇皆先以序攝其大要原生篇內有燕相食而燕將大人食燕而燕為人三語意謂凡常若難而有功者皆不在是報之列如燕為人食於人有功則未生能安人亦燕為大燕食則將漸安大燕以皆謂公之心得者予謂世間有為君效死或乃道受難者可以此理推之

十八日晴祥至連兄偕至過午去潘鄉勸學親華嚴經限十日讀畢予諾之明遂覽華嚴共三十冊日讀三冊

一五

十九日晴戴朗亭至譚時事聞俄人索我旅順大連灣作租界以九十九年為
限以德人膠州已事不知總署若何覆也余謂今日防內亂為尤要內亂不作
外人雖有虎狼之志不過各據要隘而已瓜分猶未也內亂起中原糜沸外人
將謂代或能除其事不可測者今日計惟有練團以防內亂即可收養無教飢
寒無業之民不可信也

晚覽華嚴行

二十日丙世開文章之妙至於佛典蓋別成一格雄深奇崛不可思議當時譚
于殆皆菩薩化身也

時觀華嚴其世界之中心曰世界種五聚多世界而名之又云或作江河形或
作迴轉形或作漩流形或作輪輞形或作壇埤形或作胎藏形或作室形或作
種之珠網形如卷等語蓋與西人天文家言所謂星團星氣螺旋白雲天河諸
星狀之說暗合亦哉又云每世界中有二世界其狀若何外輻有微塵數世
界周匝圍繞此語復與星學繞日及恒星之說通

二十一日晴晨小車出訪竣齋不遇

夜讀華嚴經聖諦品光明覺品菩薩問明品胸臆為之浩瀚雄偉

二十二日晴作親友書極多枚取過小譚即去撰傑園章程粗定

連日感寒作軟痰壅塞不止是日晴偶唾諦視作紅色知為肺熱燥所致夜仍觀華嚴

二十三日微陰石明來夜風

二十四日晴詣叔日光煇朗

二十者陰微寒晚雨連日讀華嚴無所記推察得有與陳潘卿所言異同者如華嚴云菩薩若能身百千億世界諸公言菩薩未修肉身者又云未修肉身不為成道然則菩薩似未成道何能身可疑一也華嚴云以不堅固身不能求堅固身潘公云人不可使以身長生則亦不堅固身可以求堅固身其可疑二也華嚴云菩薩發願欲令眾生受淨妙身不再受骨肉血身潘公云離骨肉身者豈為陰神不道骨肉身為陽神凡成道者皆陽神然則菩薩何以不

一六

願衆生先受骨肉血身使成陽神乎可疑三也惟十迴向品中云衆生所須一切
施力或時施彼摩尼寶車以劇淨提第一女寶充滿其上或復施與金莊嚴車
人間女寶充滿其上或復施與妙瑠璃車內宮妓女充滿其上或施種種奇妙
寶車童女充滿如天媒女或施無數寶莊嚴車寶女滿中悉明辯慧或施所乘
妙耕檀車或復施與玻璃寶車悉載寶女充滿其上顏容端正色相無比莊嚴
莊嚴見者欣悅云：衆生亦有差別有微意乎又所謂寶家寶馬之類皆不可
解安之內典中怪誕奇談之說甚多非尋常人所能悟出也

二十六日陰夜讀華嚴

有為一人一姓而受難者有為萬人萬姓受難者有為微塵世界一切衆生受
難者其意識之大小廣狹相霄壤而其受難也則同其不畏苦則同其視苦樂
之境毫不足動其心則同夫家得聖賢菩薩之與凡夫庸愚異者一忍己身之
苦以求衆人之樂一貪己身之樂而忘衆人之苦也平之樂者必有苦在苦者
自有樂在由樂之苦者苦無極由苦之樂者樂無盡是故志士常欲先苦

二十七日晴或問菩薩為度眾生受諸苦難願眾生無苦則菩薩受苦難亦
 無事豈安得由苦一樂之境曰是不然菩薩以眾生為體眾生多一得度者即苦
 痛多一樂境不惜己之苦也猶人終年服藥以愈其病雖苦于口而身病日祛
 則樂在身雖終身服藥以苦其口而不畏也菩薩視眾生猶身視其身猶口視
 受苦難猶服藥以樂者大宜專為一身專為一身者凡夫之樂也何名菩薩行
 華嚴十地品之第十難勝地中有云此菩薩為利益眾生故世間放捨靡不該
 習所謂文字算數圖書印璽地水火風種諸福成所通達又善方藥療治諸
 病文筆精妙歌舞技樂戲笑譚說悉善其事園地村邑宮宅園苑泉流陂池草
 樹華菓凡所布列咸得其宜舍銀摩尼真珠琉璃螺貝璧玉珊瑚等藏悉知其
 處出以示人日月星宿鳥鳴地震夜夢吉凶身相休咎咸善觀察一無錯謬觀
 以上所說則知世間人以為講佛學者皆將屏棄一切不盡人事者悞也且所
 謂技藝無論天算格致化學算學如地水火風四字已括西學無限先學聲學醫學農學工學
 佛學及種種技能包括無遺亦可異矣

一七

二十八日晴覽華嚴峻嶺齋來晴宣仲璜僧匪東過夜同詣觀優陰啟而

二十九日昨夜風起陰終日銘船過譚謂議院為治天下之機器焉無此器不能製造種之物云中國嘗曰多種駕東願受其害

覽華嚴諸已或佛者多修善暫行自儻于菩薩以度眾生易云以貴下賤大得民也又所謂用九元首剛而能柔雖諸佛行不離此法

三月初一日晴覽華嚴如來相海品如來有九十七大人相於此可知蓋子所云天氏大人易乾坤所謂夫人与天地合德其氣稱大人皆指佛言更無疑義

如來出現品云三千大千世界將欲成時大雲降雨名曰法雲今考其書載中西上古之時皆有洪水故即法雲之所為也又云風輪持水輪水輪持地輪地

輪依水輪水輪依風輪風輪依虛空虛空無所依而能令三千大千世界安住所謂風輪者即格物家所言也裏地球一百三十餘里之空氣也西人謂地為球佛家謂地為輪皆圓也

初二日陰放初過謂皇侃論語義疏其註顏淵死子哭之恸註稱聖人亦與

哀樂其哀樂也蓋從家而不疑信一意為斯語者疑別有見

枚叔云大業物格而後知致知致而後意誠教誥令蓋聽其如內典所言自格致家出而皆微實則知所言不虛而信力堅定非意誠耶

初三日晴覽華嚴傳家善譬多有理趣有云如人夢墮河中攀援河岸力竭呼救及既醒時怖畏全息前所用力皆可慈止喻到菩薩甚深地即不勉強也又云如列于甕屠油及水人行其側下皆見影然於其人亦不污染喻菩薩長住生死與眾生俱而不染著也又云如推乾草等須臨山置火其中如芥子大無不燒盡喻凡夫有少善根能燒盡煩惱也

初四日微陰覽華嚴無所記

初五日陰逸午燕公來譚抵暮去

燕生論周易稽寫民主之美我如天地為否地天為泰又山下有大貴文明之象世說卦義以乾之二爻與坤之上爻對易蓋使上六柔弱下賤之民處君位九二剛強之君反處無用之地也皆民主義顯有見

一八

夜覽華嚴經日文中明言佛身千億於諸世界各住母胎而現受生財陳清
卿所言已成道者不復受生未成道者不能分身皆與是理相違

初六日陰覽華嚴其入法界品有五十三利使善財童子徇往求法然所傳授
語大抵相同此無他誠善財之心疾懈否耳稍有疲厭則精進之志退而不能
有成觀強勉之請善財可知矣又諸善知識處云如是如是則可受如來記則
可受祕密法或受祕密藏所謂祕密者云何斷非常所說語否則不得稱祕密
由是觀又實可疑

初七日晴讀華嚴經終卷日中觀金陵刻選佛圖如尋常漢官儀之戲蓋使人
習練既熟則於善惡升沈或佛階梯可了然也過午訪陳清卿於老梅北棧同
詣五層樓縱談天色清朗

初八日雨詣訪清卿不遇至棋盤街購得悟真篇卷同契合刻坊本歸約略觀
之頗得其宗旨所在

初九日微雨於一品香樓為陳清卿餞別

清卿將往江
西五當山

復邀吳名瀚清來談瀚

清嘉慈願通仙佛音。晚後齋招飲。坐有朱君雲卿。維談朱君亦有志仙佛者。皆去儒釋道教理。同出一源。皆有秘密之訣。散見於人所共見書。

初十日雨。母親生辰。晚燕生院齋。等集。燕生留談。夜深乃去。

十一日晴。寧人三十初度。詣杏蓀。留午餐。時僧杏蓀及其甥詹君遊龍華去。范城南八九里。桃柳夾路。春色徧野。寺左偏。稍舍。教樹曰。避薰廬。短廬野竹僻。靜可居住。持僧所居也。寺前塔極高。登馬甫。及車燈。見塔西有人家板屋。庭院。靜閒。燕之。遂下。往蹤之水鏡。其廬渡板橋。始達。入戶。間無人。徘徊久之。南有小。扉下臨溪。一女子浣衣。不顧。遂相與出。日已暝矣。杏蓀買桃花三五枝以歸。

十二日陰。欲雨。補撰議事。條規。次申來。

十三日陰。間旅順已允。俄據如德人。在勝州。補撰議事。規條。幸福。連日不讀書。十四日晴。過午訪吳瀚濤。偕訪楊姓者。蜀人。有志道。年五十餘。恬靜。無塵俗氣。詢以應請。道書。香以金仙。證福。慧命。經。天仙。正理。仙佛。合綜。金丹。大要。金丹。真傳。方壺。外史。三年。全集。太上。十三。經。九種。脫。歸。見。枚。如。九江。舟中。寄懷。五律。一。

一九

首錄云甯均兵部上而我獨如馳江樹隔雲遠沙禽飛雨遶市間終不見毛
羽復誰施回首一惆悵孫登長嘯時故叔于月初七日應鄂督張香濤之聘乘
輪西上溯行未幾別故以詩見寄也

十音晴復觀情真篇是日清明家祭昧詣香孫晚歸撰藏書樓章程

十六日晴撰藏書樓章程卒稿時詣次申夜觀遼史兵志

遼人初起時其大馬石給糧草以抄掠為生盜賊之行徑也然中國自三代下
用兵大抵如此匪獨遼人為然其行兵在北界而則之道僅發不得久駐恐踐

土穡既入南界沿途民居團圍乘柝必夷伐焚蕩以非其國中地也然用兵之

操縱奇正神變無常且戰士多耐軍習勞故能強其國遼行兵有遠探擄子軍使
夜聽敵軍人馬之聲者

遼人有所謂勇軍者宿衛親軍也

十七日晴錄外史以讀華嚴故又報書一月矣

十八日終日而錄外史夜覽宋史兵制宋矯唐藩鎮之弊收天下勁兵列於京

畿謂禁軍以備宿衛又分番屯戍以捍禦邊圉而諸州之鎮兵以分給徭使

則謂之廟軍又有謂鄉兵舊兵皆團結訓練而在防守者有事則益募土兵則
又謂之就募軍士略如此

十九日雨止微晴錄外史補遺燕生談晚修政議事章程以條目太繁欲擊其綱領
二十日晴詣在孫補至張園觀諸人習試呈馳車

二十一日晴芝元來留午餐去錄外史晚詣燕公譚夜覽宋史兵志

二十二日晴過午與芝連物見同車遊龍華復憩息於避巖廬中老僧獻茶果
坐潭良久始歸登五層樓憑欄望見龍華之塔日暮始散

夜觀宋史兵志宋人能考核事理深通經濟者莫如司馬溫公觀其與韓魏公
制義勇二事已可見矣三代下人遇事每喜援證古法而不知時異勢殊古制
而今害者不知凡幾無他名同而實異也今不考其實而徒循其名以迂儒無
識之所為也

二十三日晴詣香鑪廬禮懺重自漢劉三載檀手甚歡

晚齋禮懺于一品香檟禮懺云乾坤乃已此倫古語世多知者復聞有西人言

二〇

亦難而得在 曰闕述在 曰梅蒙在 曰柔比云 亦已以命古語申是可
考中國種類亦由來並可證亦難非爲劉歆所不能造又云周禮司馬一篇
凡繪圖測算之人皆當焉其識遠矣以是可知周禮非偽

二十甲晴錄外史過午至時務報館過稔塔及汪頌虞

亦如見官者冠述才所上之書多十餘款志款有云請國家選制不以親族
而以才德先令天下府縣各公舉然後擇定一人使爲國副

夜觀字史兵志論名善之制蓋起於府衛之廢唐末士卒疲征役多亡命者梁
祖令諸軍悉黥面爲字以識軍統定初因之以本擬進軍差以尺寸高下謂
之等長杖

二十五日晴連日微熱詣燕生譚燕生論擾亂之世治天下不惟宜與民休息
且宜與官休息何謂與官休息蓋今之設行世者如整頓釐金與錢漕必曰杜
中飽整頓釐金必曰裁虛額此二事名甚正然行之則民愈不勝苦何也凡天
下文武職勇正惟慮俸不足以贖家不得已而有中飽有虛額今一概禁之彼

豈甘餓死將吏而計以擾於民耳近聞征虜以薄者徵斂無信而各處防營每
每極良為盜以肆勒索皆不得已者強半社中飽裁虛額之所致也故知其
官休息而後可與語治擾亂之天下

夜觀唐書兵志府兵強弱之沿革及宋兵志王晏石創五保甲之法

二十三日晴造者孫評

治天下之術無他法而已法善則小人不敢為非法不善則君子不得行其善
秦西多為善之人非人心善也法使之然也中國多為不善之人非人心不善
也法使之然也或問中國之法與秦西何以異乎曰公私而已矣法為善則立
則公法為一家則私

覽宋史兵志及文獻通考王晏石創五保甲其志欲復古寓兵於農之意
而天下騷然司馬溫公及王岩叟皆上書力爭其言痛切蓋保甲之法無論主
客戶類而丁出一人已極切迫甚而又統束於官如巡檢攝使提舉司之類官與
民接處不攝者且凡所謂保長保正皆由上選不由下舉則王岩叟所謂羈縻

二一

類考錄求之實誰得與之論理宜其民之如在湯火也

文獻通考云五代者初置鄉兵號天威軍數年餘村民不嫻軍旅竟不可用
悉罷之可知民兵之難復也

二十七日午晴日中微陰覽公報

夜觀文獻通考唐府兵之制實因周府兵之舊而益整齊之耳考北齊制軍分
外內二曹凡民十八受田二十充兵六十免役周太祖倣周興作六軍籍以等
民擇魁健者為首盡蠲租調而制之以教之令為百府統于州府大將
軍隋分十二衛如羽衛驍衛武衛九衛之類分左右皆置將軍以分統諸府
兵其制如此及唐興高祖太宗遂錯雜推演其制而成一代之成憲焉

二十八日陰晴夜錄外史

二十九日晴覽文獻通考自唐以前作史者皆不專列兵志欲知其軍事者觀
於通考以載可得其崖略焉後魏時明元帝置四屬大將又置十二軍詔天
下戶二十輸戎馬一匹宋齊梁陳多用民丁元嘉二十七年代魏以兵力不足

募江南白丁新進易還卒以敗師

晉武帝懲魏氏孤立去封同姓去國三軍兵五千人次國二軍兵三千人少國一軍兵千五百人卒致八王構兵之禍太康初既平吳詔悉去州郡兵陶璜山濤皆以爭之以為不宜去武備不聽及永嘉後盜賊屢起州郡不能制天下遂大亂其後刺史復兵民之政州鎮遂愈重矣元帝南渡有大將軍都督四鎮四征四平之說每歲出討多取奴兵用乃協議也

漢踵秦制置材官於郡國而京師有南北軍唐人南北衙之北南軍尉主之掌

宮城門內之兵北軍中尉主之掌京城門內之兵其兵類皆郡國番上無官在者有事則以羽檄召郡國材官騎士以備軍旅各因其地以中尉官號將軍將之而京師南北軍不封也自武帝置八校以習知胡越人充之募兵姑此期門羽林皆家世為之則長從始此蓋自是自有養兵之病其後兵革數動凡七戌召募然無復舊制有募及亡命調及悉少刑徒又以羽林飲飛胡騎並從事是南北軍復出矣兵制益壞自光武中興京師南北軍如故惟罷郡國都試外兵

二二

不練凡國有征伐終藉京師之兵以出連年暴亂奔走四方而禁旅無復鎮衛之職至安帝初明著八錢穀得者虎賁羽林桓帝時詔減羽林虎賁不任事半俸於去吏師之兵也軍制矣

魏制略如漢南北軍如故復有武衛中壘二營黃初中復令州郡典兵州置都督蜀漢昭且初置五軍其將校亦略如漢

唐代兵制之善惟漢與唐然皆不可持久要其法固精蓋為漢調兵之制民年二十為正一歲為衛士二歲為材官騎士習射御騎馳戰陳年六十五衰老乃得免為庶民唐民二十為兵六十而免其能騎而射者為越騎其餘為步兵武騎排指步射每宿衛者番上兵部皆有民兵之意焉

宋○午後借道元詣丹桂園觀優暉天忽黑雨至俄止昇還與叔祖飯于一品香樓夜歸

三十日陰錫外史暉其公過諍夜觀明史刑法志明太祖制刑多遵唐舊後李善長之言也無懲元縱弛之弊刑用重典亦一時權宜後唐詔擊正至三十年

始申畫一之制又慮法在自司小民不得周知故命大理卿周煇作律令直解
又作大誥刊布中外用心可謂周矣其律法之最合人情者令親屬有罪得相
宥隱凡若人若若人祖父不得指其子孫為證弟不證兄妻不證夫蓋以天性為
閏三月初一日微時錄外史過干詣大馬路緣道觀者蜂擁知為西人探其將赴
跑馬場予遂至時格報館登樓而觀俄遠見團隊遙選至馬上人皆黑衣步兵紅
衣奏軍樂於服

夜觀明史刑志明三法司曰刑部曰都察院曰大理寺刑部受天下刑名都
察院糾察大理寺賦正然太祖過大獄多親鞠不委法司者以天子親為刑官
之事亦非治體

明設空閒鼓蓋以通下情也然嚴越詐之禁又命老人理一鄉詞訟會里胥決
之事重者始白於官此法頗善明刑制有非古者即廷杖嚴懲之類

初二日微陰錄外史晚成和章叔見寄五律一首步原韻云古義翔相勗良
朋息遠馳雲霞識面晚江海寄書遠論事不四屈憐得寸施高懷章友直

二三

莫有定其時

夜觀元史刑志元初未有法守百司斷獄循用金律頗傷嚴刻及世祖平宗彊
理混一修定新律號至元新格簡除繁苛明用輕典其死刑有斬而無絞世祖
嘗謂宰臣曰朕或怒有罪者使汝殺汝勿殺必違回一二日乃覆奏可謂仁矣
自後繼體之君多以世刑為事惟懼郡國上有寃者吏稱其百年之間天下大
甯亦非偶然而致又稱其得在仁厚其失刑在縱弛

初三日而錫外史補諸格教書院鐘鶴望大會同志欲興中學破蒙新法諸人
列坐靜聽使朱君孫元宣說西國教小兒自三歲至六歲所用之法皆為慈手
截耳而皆有學問根芽以錄其心思焉有書以載之名曰兒事花園又述父母
教所生嬰兒條約曲折有精理

夜觀金史刑志金人立法頗嚴無疏或貴賤皆就緝約蓋欲強主威也其弊甚
至待宗室少恩待大夫士少禮以深文傅政為能吏以慘酷辦事為長才蓋失
之極焉

金人后劫盜者之獄據地深廣為之其杖罪則解背分決未幾以民不欲罷分
決之法

初四日而覽元道山詩集道山詩有秀骨尤長于五古

初五日而錄外史夜觀宋史刑志宋人法制因唐律令格式而律法之外有所
謂敕頒行于一司一州一縣者也神宗以律為不足用事皆凡律所不載一
斷以敕更其目曰敕令格式蔡京嘗因欲使已私請洋御筆出於法令之外
南渡以來秦檜等政率用都堂批狀雜入律冊至與成法並立後乃削去之蓋
宋之刑制為至紊亂也

宋初五季之亂太祖太宗頗用重典以緩世惡歲時亦躬自慮囚務底明慎而
以忠厚為本海內悉平文教頗盛士初試官皆習法律令其君志以寬仁為治
故立法之制嚴而用法之情恕

初六日陰微雨錄外史治中追晡少以私呈晚送燕生處譚久之論其在威海
可以拒俄人在旅順之勢英俄東方之權至平中國或可少安夜錄日記

二四

初七日微陰錄外史補作寓新吾書夜視遠史刑志遠制刑最殘毒立國之初
即有五車轅殺熟鐵鎖橋口及投崖泉傑生瘞射鬼箭砲擲支解等刑及穆宗
尤刻虐墨殺無辜甚至用炮烙鐵梳又惑女巫言取人膽合延年藥故殺人盡
衆景帝而後法律稍寬開泰五年諸道皆報獄空有刑錯上風馬至天祚時用
法復務嚴酷骨肉相殘以至於亡

初八日晴錄外史感寒頭重金樓晚烟熱欲眠

初九日早陰過午雨在孫過登樓滯良久始去全體熱未盡終日不下樓覽虞
伯生詩伯生詩有餘韻國朝諸家皆不能及夜雨甚

初十日雨止猶陰下樓錄日記體小瘧日中復登樓覽道園詩道園筆力直可
上接老杜觀其筆馬詩工絕不學杜自成一格

十日陰庭澄知夜雨晨坐樓下觀諸報

西人新法新學日興月盛其造端清明永樂時英人信根之所倡導信根英布
衣也嘗請于國家凡者有新書者賞以高第清秩制新器者予厚幣功牌並許

專利其專得新地或身任大工者酬重賞于世爵於邑國人踴躍各竭心思爭
求新法以取富貴數十年間哥倫布專得美洲墨領統大地知地為球哥白尼
證地球繞日之說自是而後凡或因沸水而製汽機弗蘭林因磁石而製乾電
奈端因蘋果落而悟吸力萬立里尤因兒戲而製遠鏡其餘愛爾敦始造大輪
船施蒂芬森始造大輪車惠子致始設電線凡此新法不勝枚舉西國近三創
開新法領專利者年出累千萬種蓋聰明日開而不窮矣

化學家肥田之物質他利亞以其能吸留淡氣也植物最喜淡氣故能滋茂
二十日午雷爾詣英王盧律及俄人索旅順事燕王得聞諸自都米友人頗知其
詳當俄人索租我旅順英使累未詳者勸我拒絕索傳相謂曰敵國兵力勢
不敵俄者固能以兵相助否答曰不能雖然者固決不可輕許逾數日俄使索
至傳者秘有要事與傳相語良久傳相來俄使謂曰適奉敕朝廷命所索旅順
浪一日青島國覆元我則已否即宣戰速往見汝大皇帝商我坐是以待傳
相來如何即入見上問曰我國果能與俄戰否曰不能英能助我否答曰不

二五

能於是非相對痛哭遂令傅相還署與使使查押觀此等情狀而人猶傅相
有受俄人賂及貪賈回等事亦不辨自明矣

補請仲英學堂觀其教授一切法習肅嚴靜微同至張園晚歸夜觀書

宗太祖德五代藩鎮專殺之弊始令諸州奏大解案並刑部詳復至慎刑之選
周崇宗用法嚴刻殺人甚多其罪有不至死者

晉天福時惠天下盜賊多欲重法治之蘇達者軍語意云應賊者其四部同保
皆令族屬輯衆以為盜猶不可放況鄰保乎達者不得已去全族字

十三日晴錄外史燕生過譚燕生前閣余所撰民兵公議藏書諸規條作書復
五言古詩一首云東裝暮使五言祖虞唐東南窮聖城迎陵思樂方樂方在
何許沙界阻難量問哀未忘情雲霞數雲雲竟其益德使形神傷出若
桐無枝濁世麟不祥夢中見玄聖堂上彈清商古瑟當其曲故寫斯人腸吾子
托仁術州在謀祥乘既陳門法復著新氏章勳華風之絕泯泗學試之而石
屬昏庸大義詆同腐味孤燈暗漫一社夜長已矣待來業勉或守先王

夜觀書中國人重視名分太過致陷專長敢為非常昏虐之事其弊甚大包慎伯
齊民四術中載一事有為欲強污其婦者方知衣志以刺而股為負痛遁事
白官省僅徒而婦擬殺候為其犯專長也包慎伯為之平反云當為行強時為
婦之義已絕則以刺傷者歸人也婦宜旌反坐極刑非是後婦卒得減死論又宗
史刑志載太宗興國五年澤州官守縣婦人怒夫前妻之子婦斷其喉而殺之
詔曰刑憲之設蓋厚于人倫者惡而生害由于天性刑乃嫡繼之際固有愛憎
之殊法苟原心理難共貫自今繼母殺傷夫前妻之子及姑殺婦者並以凡人
論蓋如是方免名分之禍人

朗

夜深將眠膝下望月有感口占絕句云無計能安漢何方可避秦樓頭孤月明獨照
十四日晴錄外史補遺卷錄唐李主牡丹二帝秀絕金翠未敢又仙人竹青葱
可愛晚歸夜觀書通考載容齋洪氏隨筆曰五代之際時君以殺為嬉唐明宗
頗有仁心獨能斟酌後救天成三年京師巡檢軍使澤公兒口奏有百姓之以
竹竿習戰鬥帝即傳令付石敢塘處且謝塘殺之次日方知悉是兒童為戲下

二六

詔自昔以為失刑滅常膳以謝罪免刑獄增一月俸深公免刑官杖脊配流登州小兒骨肉腸絹五十四疋粟麥各百石令如法葬埋仍戒諸道州府凡有極刑須手細載遺囑事見舊五代史新書者之五稱周世宗用法嚴刻詳史備載歐史多遺去之觀是可知歐陽永叔修史之疏漏且其平日宗旨亦不留意于民情治體概可知矣

後唐時斷獄律有諸死罪不得覆報而決者流三千里即奏報應決者聽三日乃行刑若限未滿而行刑者徒一年立法可謂仁矣而官吏往往不覆如故是以天成二年有大理寺之奏後奉敕依前法

梁朱溫有新室格式至後唐廢之不行不知其法如何也

宋燕生先生風節為當今第一其行世之學遠在色慎伯之上無論其魏諸人先生之平於古名臣中最服膺唐陸宣公宗司馬溫公二人皆洞悉民情深達治體者也而先生之宗旨可見矣余此年僑寓海上與先生交最密凡請書函世一得乃于先生心中師事已久顧世之知先生者蓋罕焉先生尤長于詩每

或一重哀感頑黠國朝諸家中有其近里平律已尤嚴於非或一命不取而論
事不屈撓于人必窮源盡委不肯稍作違心語其於古今政治利弊民情隱微
瞭然指掌蓋曠世之大儒也

十五日晴立夏銘外史日本政記載明人亦為朝鮮與日本戰敗于平壤遂議和
在癸巳年與奉朝甲午平壤之敗祇差一年大奇

補詣製造局晚歸夜觀唐書刑志隋以前死刑有五曰鑿絞斬梟裂而流徒之
刑鞭笞兼數皆踰百者隋始定為笞刑五自十至於五十杖刑五自六十至於百
徒刑五自一年至五年流刑三自一千四百至二千百里死刑絞斬梟裂及梟

首輟製之酷唐皆因高祖入京師約法十二條要其用刑有五曰笞杖徒流
死自宋以後多因之蓋惟殺人劫盜
諸罪處以死刑太宗時又有斷右趾之法既而除之覺明

李鐵矣圖見人五藏皆近皆陰翹皆刑甚待獄囚語徒寬厚

十六日晴錄外史駕不輪舸泛天湖勳地與一湖帶人楊姓者偕往鄉落清曠
衝卷激浪日中飯酒樓中見五六人聚飲極悍皆自強軍後有數鄉人偶語喧雜

二七

期青地事是泚作租界地留勝漲也飯已別全茶樓臨江可勝速海復一室泚
煙樓鑽多人袒卧詳笑揮汗腥濁不可暫告晴近樓窗是望家是日頗苦損

十七日雨覽日本外史晴造李提學太虛

夜觀文獻通考及清書刑志隋文帝初三國時更定新律於前代峻刑頗能革
除然性猜忌每於殿廷杖人一日中或至數四嘗怒問事捶楚不甚即令斬之
恒令左右規內內外輒加重罪又詔令諸司屬官若有備犯德於律外斟酌決
杖於是上下相驅迭行捶楚以致暴為幹能以守法為憚的志每曰不止宜盜
一錢棄市法聞見不告坐至死自此四人共盜一椽捕三人共竊一瓜事發即行
決有勸人劫執事謂曰吾輩求財者耶但為好人未耳而為我輩尊自古
立法未有盜一錢而死也不為我則吾更未而屬此類矣帝聞之為傳盜
一錢棄市之法然而殺無辜不知凡幾及煬帝立殘暴甚揚元感反誅及九
族其尤重者復行鑿製梟首之刑

周宣帝性殘忍暴虐誅戮無度書廣刑書要制而更峻其法謂之刑經聖制富

衛者一日不直罪刑除逃亡者死家口籍沒上書字誤者科罪其法人云与杖者即百二十云多打者即二百四十名曰天杖齊文宣以功業自矜恣行酷暴任情喜怒乃大鑊長銘出確之屬並陳于庭意自不快則手自屠裂僕射楊遵彥乃令憲司先宣死罪囚置杖衛之中帝欲殺人則執以應命詔之供御應三月不殺則免其死又嘗幸金鳳臺受佛成多召死囚編蓬蔭為翅命之飛下謂之放生墜皆致死視以為笑樂

十八日陰錄北史夜錄日記覽隋書刑志

梁武帝承齊昏虐刑多僻既即位參法度刑宜舊法以乃梁律其刑頗有等差務尚寬簡惟帝銳意儒雅復不以刑法為意公卿大臣皆仿效之姦吏始權巧文弄法貨賄成市多致枉濫其為法每急於繁庶緩于權貴致王侯驕橫或白日殺人帝弗能詰切也

陳人制刑多由梁法有南獄北獄之別南獄建康縣北獄廷獄也當刑於市者夜須明而須暗晦刑八節以齊日在張心並不得行刑

二八

十九日陰錄外史夜觀魏書刑志魏初禮俗純朴刑禁疎簡無囹圄考訊之法諸犯罪者皆臨時決遣太祖既定中原憲前代刑網峻密察其法之酷切于民者其後網紀視類漸復濫酷世祖時關左懸空問故人自窮寃則搥鼓太迫多詔天下吏民得舉告牧守之不法者於左凡庶之凶愆者身求牧守之失迫脅在位取高子開闢而成降心待之尚免而與恥會暴猶自若也六年以有司斷法不平詔諸疑獄皆付中書依古經義決之顯祖末年尤重刑罰言及常用惻愴獄案積年不斷屢臣頌以為言帝曰獄滯雖非法體猶愈乎倉卒而濫也夫人出苦則思善故囹圄與福堂同朕欲其改悔而加以輕恕耳由是因繫雖淹滯而刑罰多得其所魏自孝昌後法令不恆或寬或極及尔朱擅權輕重在官者多以深酷為能焉

二十日晴訪中興錄外史補燕生偕二日奉人來訪不能作華語筆談達意二人姓森并名國雖布衣業第一姓小田桐名勇唐政和黨人嗜米華俗歷欲覘中國在下者風氣習識皆錄何等有意聯結同志保黃種也算始去夜錄日記

二十一日微陰欲往吳淞不果錄外史映過峻齋譚夜覽文獻通考

南齋孔稚圭上言以為古之名流多有法學今之士多其首為業繼有智者世
識所輕合者直律助教依五經例國子生有欲清者策試高第即加擢用以補
內外之官詔嘉納其事竟不行

宿明時自點刑制其法不久遂寢

二十二日陰錄外史映借燕公答視日人森井國雄筆談予詢豐臣氏德川氏
子孫何如答云豐臣氏血食百世本年行三百年大祭打京都全國男女行香
者幾二百萬人此無嗣可惜也德川氏現為華族公爵二品而貴族院議員中
最有執望燕公摺議十條皆辨揚中國者不在滿人而在漢人語一切中一以示
森井君

二十三日陰庭濕知夜雨頂背感寒偏痛過午痛覺晉書刑志

梁州先生云凡治天下有治法而後有治人為古今特識三代下罕有見及此
者惟晉書載漢孔融獻議有謂古者敦龐善否區別吏端刑清政簡一無過失

二九

百姓自罪皆自取之末世凌遲風紀壞亂政統其俗法害其教云云蓋爭內刑也彼知法足以官教政足以撓俗則三代下人心多不善法使之然抑可知矣自漢文帝除肉刑班固深論其事以為外有輕刑名內實殺人蓋元刑太重中刑太輕也於是後漢鄭元陳紀之徒及晉劉頌衛宏唐亮等屢議復之卒不果晉安帝時桓元輔政又議欲復肉刑斬左右趾之法以輕死刑為奈腐所阻二十四日晴燕生過談近世譚時政者莫不以科舉宜減中額庶杜濫取之弊而燕公謂宜增加中額驛聞若無理而實有深志焉蓋凡各省府縣其地多紳士則地方官不敢肆世為非而民得少安試觀江浙與滇蜀其官吏之仁暴並相應焉何也美越公卿不絕于朝而滇蜀通顯者蓋罕是故其民之望吳越如天人宜也紳士之多寡皆視舉人進士之多寡故中額宜增亦所以潛扶民權而為今日救弊之權法也

二十五日雨夜叔來余尚卧聞之始披衣下榻蓋伊於昨是鄂語也繼談至哺故友方去夜觀文獻通考

魏晉時刑法功用秦漢舊制其文起自魏文侯師李悝撰次諸國法著法行六
篇商鞅定之以相秦漢書何增為九篇是後兩孫通張湯起而諸人漸增至以
十篇及後漢馬融鄭元等者為章句十有餘家魏衛覲奏曰刑法者國家之所
貴重而私議之所輕賤獄吏者百姓之所懸命而選用者所卑下王政之弊未
有不由此也請置博士轉相教授事遂施行

魏嘗令陳羣劉邵韓遜庾嶷黃休而說著改定刑制刪約舊科傍采漢律定為
魏法其序略二篇載晉書刑法志

二十六日晴微熱錄外史過午訪叔叔談燕生俄至縱論古今叔謂伯夷近楊
伊尹近墨孟子尊伯夷伊尹而闕楊墨者因楊墨以是主教則懼有流弊若
獨行其志斯皆有此早獨到之說非不可貴也燕生又云五代時馮道可其行事
最近柳下惠蓋無福其君為伯夷為禽獸皆可居所以事之其志若欲保全善
類為吾所欲為而已叔叔又云楊子所謂拔一毛為利者非吝財之謂也墨子
所謂磨頂放踵為利者非殉身之謂也楊子志在勵己損己之節以救人不利

三〇

也。聖子志存於世，故雖汚己之名，亦為之。孟子蓋以節操言而取喻於身體也。
夜觀文獻通考東漢自建武以來，屢有省刑薄罰之詔，然上下視為具文，仍以苛酷為能，而拷囚之際，尤極殘忍。聖王英坐反誅，天下名士株連死者不計其數。及桓靈鈞索之獄，以考布徧天下，宗親殘滅，郡縣破敗，可異已。馬端臨論曰：自昔昏暴之君，誅戮諍臣，真士如龍逢比干，嬰禍于夏商，而寤寐于竹者，未嘗罪之也。予李斯始有僞語，禁張湯始有腹誅，律皆為之。凡罪合親黨，銅諸贖而坐，即僞語腹誅之罪，而嘗前王甫輩蓋襲斯湯之故智也。又漢家之法，以殊死為輕典，而治獄之吏，以深竟党，与為能事，如義縱、成瑨所為比，皆然。為故索劍，禍株連根連不可勝計，難曰主昏政亂凶瑣所為，而由來漸矣。
二十七首陰錘外史覽明何大復詩

二十八日而枚叔來，作克日使折簡，格燕生，俄亦至。繼揣相揚枚叔於國朝古文家，最折服。憐子居汪容甫於人，而最折服者，禮堂結文，宜其而痛忘者，方望溪。予又存安漢之為人，蓋嘗有卓見也。補枚叔堂酒飲，遂命為頌，市一壺，至時，奈

頭等尊威開三人於花下對酌意興豪爽

二十九日微晴歸外史過午燕坐偕一温州志士陳介石過譚介石主持陽明學
州之學者晚而招致叔及燕生介石後燕于西酒樓叔叔謂嘗孟德於中國非無功惜其
試伏后殺皇子也今謂孟德子孫如不贊漢即日卒之豈不問亦當血食百世也
國朝經世題學前自守林松州船山習齋錢萬後有慎伯璉人點深樹漢齊齋
十先生之書皆不可不深究也

甲月初一日而錄外史補登樓與雲岫主園茗

初二日晴過午詣容舍晤念劬談久之復訪介石同至格致書院聽浩吾宣佈
叔叔燕生皆在俄偕登五層樓若倦晚歸家祭夜錄日記

覽漢書刑法志漢法三章不足御衆於秦何據據秦法取其宜於時者
作律九章為唐宋而後律法之所祖

君主一統之世民固無權其君亦未嘗有權試觀漢書載元成累下恤刑之詔
而自司不能廣宣主恩至有鈎陳細微毛舉塞詔之事宋史載仁宗累有優民

三一

政官史罕有承命之意者由是可見君權有時不能伸也見于史尤顯著者
惟此其所不載者可類推矣或曰然則權何在曰權在君惡之人並欲為惡則
無論君民皆有權欲為善則無論君民皆無權法使然也

漢文帝時張釋之為廷尉宣帝時子定國為廷尉皆能平天下之刑任賢之術
豈可大武武帝進張湯趙禹後深故之罪名繼出謀天下唯恐矣

漢初誅諸呂詛者有斷吾之利後乃除之

燕王前論中國為不若書者天下東西文明之國為士農工商之天下然哉
然哉

初百微陰覽劉子元史通昨聞燕生論古今事蹟者推王充劉子元章實齋
三人蓋能於數十年典籍如庖丁解牛披卻導窾一無障塞者也嗚呼微陰樓
初四日晴鐘北史時入城詣族叔也國廣至樓上問談俄逢元帝偕遊城隍廟
之內園邱石林齋餘日出趣俄別至翠秀堂其一園林控內園稍大景物尤深
曲長廊洞扉花木鬱鬱更有小山盤折而上一亭孤簷可瞻遠下俯新池南有

堂面水望閣敞前，石欄顧視良久，始覓路下，憩小閣，問若禪園，丁俄復導遊，款處仍還，由園坐久之，遂出城，逢先亦歸。

初五日雨，錄外史，曉覽史通，子元於諸史之歸，駁深誤，指摘辨晰，有類然犀，獨怪使古人無可遁形，然自叙則云：已嘗徵修唐史，及撰則天實錄，又律，不能行其意，致不免依違，而後與俗浮沈，蓋為同作諸人，亦常事也。甚矣言行相符之難，安知古人著書者，皆無是難白之吾衷乎？是故實齋有云：後人讀古人之書，可辨白而不可呵罵，至言也。且一人精力有限，著作過多，非僅難如人意，且難盡如己意。假令子元自著一史，更與監修者目及同作者，與之難語，未敢信其過于易辨，陳范也。雖然，子元亦古人之諒友哉。

初六日早微晴，過午而晴，復晴，錄外史，觀史通終卷。

初七日晴，錄外史，曉讀燕生履福日本史，法事，燕生云：日本史載其創議字法，之人多出於貴族，其諸侯伯，律，自願獻出土地，歸于皇室，夫史法之事，利于卑賤，而有損于尊貴，乃皆不以是介意，是不可及也。且日本史氣尤堅猛，凡侯伯

三二

諸國之日民無不各尊其君親其父人心團結久矣故一旦立法遂能雄視五東而卒不解其人心何以能然豈地運耶余曰是仍封建之利也地以而君與民者相親所謂士食乎德農服先疇上下之情易以通矣且自開闢一姓相傳森井而謂君臣分定而不可移非若中國更興迭滅管蔡相仍使人心屢渙散而不可結也且就令一姓相傳而士庶人眾君民之氣疏隔忠憤之志何由生哉於此知封建之非無間繫也

初九日晴錄外史覽文心雕龍考和深于文和幾深于史所著書實便初學

王陽明先生發明良知之學嘗謂返諸己心而不妄者雖其言出諸堯舜孔子不敢以為是燕生最服此言余謂亦有弊惟斯言塞於初學篇人羞之說足以補救之其語見前不重述也

初九日晴錄外史補訪汝中莫錫覽文心雕龍終卷末書於文章之體例神貌源流本末盡括其蘊可謂得文之三昧矣雖此文猶虛車也曾燕生有此語前無可載而惟飾其末亦何貴自此車耶所載維何曰明理紀事達情而已

曰經則必載諸篇何嘗為孔子刪定且多非孔子之言乃亦列之于經豈不可通乎
或曰春秋乃明義之書而非記事之書子列諸史母乃信乎曰古人不為無
益之文無福紀事載言皆有明義之音必曰春秋為明義之書則尚書獨非明
義之書乎不得以不明義遂謂非史也孟子云其事則齊桓晉文其文則史是
子孟子固以為史也又何疑乎或曰春秋為史既得聞命無用易必專為經其意
猶未明也曰易乃古聖人因太極中自然之奇拙象數而為觀見無窮精義為之
闡發著于簡編以詠後人與夫自著者立編者不同故謂之經

子曰晴錄外史補出街購物衣至圓明園路觀西人戲法奇妙不可思議

十二日晴錄史如故過午閱皇清解中惠氏易述及焦氏易通釋蓋云治經
之法有三曰以字解經以行解經以師說解經朱若生云宗旨者求道之時行
家法者治經之門徑而博家法者即師說也其始也必不能不由斯入其終也守一
先生之言而不化猶非治經之上者也故吾嘗謂無論何事皆先專後化不易
之言也

十三日晴燕生過評云二日奉人將來訪過午里偕二人至一曰藤田虎雄一曰
山根炳又相与筆談余詢日本國中從景教者有若干人山根云天主教自二
百餘年前流入聖臣氏微田氏以其害於國體盡誅惟有西南一帶其民陰
奉其教以至於今日其徒不与昔日增減計不出一萬以上基督教自新以來美
英教士來宣教也甚不感其教二三萬以下希臘教俄國教士尼哥來宣布其
教行于北方亦不出一萬人要之景教總如君父親視忠孝二語似不与本國
之體相合故市井愚氓及不逞之徒以外無信奉之者由是觀之日本至今猶
以景教為諱蓋與中國同也

燕生近讀日本國史略細考其未受法以前情形而知其國所以易興之由頗
深建余所持封建之說蓋地十年日易周其賢人易得志鄉閭之議有諸君不
必甚思其民直等中國商周之世而漢猶不能及也其質本美故法之易古入
云甘愛和自受采信然其故曰奉人有言曰欲受法先宜復古蓋世運不日進
則日退即以中國論宋明之世不如漢唐漢唐之世不如三代三代去秦而猶遠

三四

然則以今日之天下而欲張靖于秦由是上知學步遠欲奔而馳也必不得矣
知漸引之學者乃可與悟治世

十四日晴夜覽戴東原集東原先生自云生平著述之大以孟子字義疏證為第一
顧亦難見其書不知何若要之先生自有遠識非專以名物訓詁見長者也

高祖契周祖后稷後人多稱其有母而無父以為美談此附會無稽之說耳東
原以為其事不証豈別有所見耶之西教書載教祖之母馬利亞字于約瑟未
婚而孕遂生耶穌豈聖人常有母無父者耶

十五日陰覽戴集巨入溝洫之法考云漕深於洫近倍大於洫三倍水強侵敗
隋高就不治之難易漕十倍洫先王不使出賦稅之民治漕與洫而為法令
民治洫漕者當其賦稅故農政水利之大皆君任之非責之民及其失也竭民
之財以供上計是漕漕不治井田所由廢也中原膏土雨如沮洳水無所泄
竭為枯瘠水無所留地不生毛賦減民窮上下交病矣觀者可略窺東原先生用心之所在
又編六書轉注之表以為轉相為注互相為訓也是故說文於考字訓考於考

字訓考此為轉注而後儒誤解以考考二字左迴右轉非也

十六日晴檢書將尋母返杭哺空舟即解纜行風微溫夜月明舟窗覽戴集
全圖東原先生周髀北極瑤瑤四游解頤悟歷法之理蓋以周天三百六十五度
論每地球晝夜自繞一周其值日中輒過一度此即歲差也其所以致差之由以
地繞日故也地繞日每日行一度故其自繞輒差一度也因之月望亦為差一
日故有小餘然而四時節氣不為之受必準三百六十日故必有閏月以調均之
書曰以閏月定四時者此也中國依月之盈虧朔望以定歲故謂之陰曆西人
依四時節氣定歲三百六十日是以無閏月然其地繞日與自繞率軸積年則
差一日故數年而閏一日謂之太陽曆西人以節氣為準節氣之定由地之方所
去日先遠近與夫正照斜照之別故稱太陽曆
十七日晴無風舟行甚急覽戴集自服割圖記諸篇不解其義是非專其業不
可也聞朝算學著名者曰梅定九同時又有王寅旭謝野日諸人
東原又有原善論性諸篇語極精粹如云忠可進之仁信可進之以義怨可進
之以禮謂仁者德行之本體萬物而天下共親其忠義者人事之宜載萬物而

三五

天下共視其信禮者天則之所正行于人倫庶物多無不盡而天下共安其恕不愧名也
東原有性與材之辨未精審余謂仁性也智勇材也

下哺舟至拱宸橋夕陽在山舟子搖櫓行薄暮盤壩至東新閘泊馬去良山
門高三二里兩岸竹樹密月東上流螢亂飛舟中熱鬧蚊雷鳴終夜幾不成眠

十八日晴晨舟入良山門至茅竹街口乃俱登岸詣見叔父母皆甚喜

過午肩輿至旗營中訪前所謂耆舊者其人暗樸雅識疎遠為漢人一語不見
譚時乃相對歎嘆而已首近先佐領所屬旗丁五十人每月三日相聚申平昔之
約坐以齒許進所飲言此亦創破格之事果非常人也

十九日晴覽載集詣介軒留午食爾訪叔叔不過歸伴華萊縱談

二十日晴雨微雨所止晚火起晷日秋叔過譚

覽載集東原力闢佛識陽明良知之學墮自足自大談宗儒言理簡意見且謂
言理而偏近於法家之法一家以法殺人宗儒以理程人言似過激非無見蓋
東原亦言理言性而必由考覈實學以入

二十一日雨叔公誕日賓友雜至樂奏于庭晡與仲華縱談

仲華云西教中所謂十字架者實測量之儀器也景教碑之云判十字以定四方
蓋人初生而迷方向有十字以定東南西北而經緯線始明是測量中最初之
儀器又云古傳大極生兩儀兩儀生四象四象生八卦其義皆由十字架出語極精
儒家尚理自以理冠其學而景教尊天自以天冠其教而教壞於國者審
法自以法冠其法而治失其本

二十二日晴覽東原年譜先生有言陽明講學實自龍晦亦成功不居之意
也先生教人學貴精不貴博云知得十件而都不到底不如知得一件而到底也
晝觀傀儡夜張燈作雜劇來觀者夥

二十三日晴觀徐北海中論其貴言篇云君子非其人則弗與之言必以其方如
農夫以務穡百工以技巧之類是也又云君子將與人語大率之源而談性者我
極者必先度其心志本其器量視其銳氣奪其隘氣然後唱焉以觀其和導焉
以觀其隨蓋深得三言之少量矣又讀定考偽二篇頗足砥近時人之弊又讀

二十六

祿而云古者爵有德祿有功故爵祿可貴後世爵無德祿無功故志士皆以富貴為恥
二十四日雨局與隨母詣張家園瞻拜松楸晡時夜毛子丹諸人招飲

記昨聞楊介堂述雷擊二則云某縣民相聚觀候忽有物墜空諦視頭顱也口
鼻調、然動皆驗而走言於官府方為逆驗未笑鄰郡訪書至云有奇案一曰
家至厭薄其父累忤逆父積忿謂子曰盍速我死子曰諾逾日荷鋤與父相隨
至郊日光遍野西顧無人行乃掘土深廣數尺謂父曰此亦死地速下父猶行顧
子厲聲曰尚求生耶父乃匍伏仰卧子掩以土父哀告乞稍薄氣閉不可忍子不
答掩蓋勢忽大聲如霹靂父自顧植立道側疼者乃子也其首事聞于官以
故來詢遂命持所墜首往驗之果其子也遠近悚然又云帝縣有老嫗生五子
一女一婿鄰郡五子皆娶妻成室約五日更養其母一親而病子婦多不孝母
飢或竟不與食惟四子之婦廢事姑唯謹輒私匿饘粥以救姑不使夫知夫及
諸子婦微聞之怒且禁伺之所藏或不密為搜獲置以飼狗婦不忍陰與衣市
物供焉以是致恚一日母告婦曰吾行矣無以累汝遂扶杖躃躃去將適女家

路險而遠山洞盤曲相去百餘里母中途顛頓足折不能行坐大石間仰視歎曰天才父母生子者固如是也觸壁而死冀日行者見之漸播鄰郡女家女明幹有識聞所述狀類其母疑之奔往視果然大哭下已踞石指天而語且曰神有竊耶或世是待尔語未已天驟黑雷震而雨注九人跪于前皆死請視惟少四子三婦

二十五日晴

二十六日晴衣冠出謁諸鄉老與中親王符潛夫論近日希見試連日晚後與介堂譚奇案可記者甚多而不勝記

二十七日雨星博招飲夜作者寄外舅故老余謂中國在下之人宜者籌自保之法尤以講農學為要圖而在富家大族尤以立義或曰義學固本族之心復推恩他族以為自保之計

二十八日陰錄日記朱敏文蘭州先生左泉師皆來視余

二十九日晴覽潛夫論實前篇云志道者少友逐俗者多儔舉世多黨而朋

三七

私競此質而行趨華首士者非復依其晉幹準其材行也直虛造空其掃地洞說觀此則漢時徵辟皆材往不實亦略可見

班祿篇曰太古之時熙熙和哉未有上下而自順序天志事焉君未設焉後稍拘度或相陵虐侵漁不止為萌巨害於是天命聖人使司牧之使不失性四海蒙利莫不被德余謂此即易初九潛龍勿用至九二見龍在田二天之義

王安宅深知秦漢以來生民疾苦如云以羸民與秦吏爭而勢不如以一人與一縣爭而勢不如以一人與一郡爭而勢又不如又云以官事應對吏者一人之日廢十萬人之復下計之一人有事二人獲餉為乃日二萬人離其業也以中農率之則歲歲三百萬口受其饑也皆極沈痛之言

是日晨訪叔叔日中少叔招飲過午至湖上叔叔先在善余早間同注舟至高

莊修竹益出茂亭閣如舊徘徊久之返棹至彭公祠坐譚閑放臺間薄暮歸

二十日晴歸日記過午角與出晴歸過竹簡齋購得汪中述學二冊揚州刻本尚精晚者所批叙於第一樓諱都新政知常熟罷歸田蕪帥而召強入樞府

五月初一日晴覽潛夫論漢時民猶有上書刺下之例故明帝令公車受章
無避反支然而其風古矣哀制篇云治世者若登邱必先知躡其卑者然後乃
得履其高也故先教治國然後三皇之政可施道齊三王然後五帝之化可行
道由五帝然後三皇之道可從此即漸引之法也燕牛前云中國欲步武泰西必
先復三代由三代然後進於泰西不易之論

潛夫有故選邊議實邊三篇蓋就當日情勢而論實為要策復有卜列正列相
列夢列諸篇皆與不見其夢列篇之凡夢有直有家有精有想有人有感有時
有反有病有性語精晰

初二日晴將近港時有謝氏母女偕行輜重多懼稅關投聽託友索免單不能
驟得議明日奉母及諸人先行留僕待免單暫行李後至是日過午詣呈據見
其家人惶亂詢之知蔡甥翁中疾不省人事灌救無效醫者終日皆束手俄
遂化去其女姑執痛欲狂乃之悽然脫高屐載棺飲其家

初三日晴早厚裁字誣及裁元康皆未送別日申外舟晴至栢寮橋泊馬簿若

三八

編舟始曳以行船窗東榻初潛夫論終卷

德化節云民之上智下愚者少而中庸之民多中民之生世猶鏗金之在鑄也從篤文化唯法所為方圓薄厚隨鑄制者其意蓋以為鑄制者在德化耳不知德化虛也其要在法也非徒管南一所謂法也在公法則小人亦趨于善法私則君子不免為不善所謂方圓厚薄隨鑄制者此也

王晏堂頗詳究于氏族故有志氏族一篇至論後人之考證

初四日晴舟中覽鹽鐵論

秦漢而降邊有胡番之患腹地有寇賊之虞其故皆由封建之廢封建破壞則天下蕩然無限而失藩籬王船山先生嘗言之矣三代而上非無戎翟獯玁然命師出征平之甚速非若後世之耗竭海內以從事邊防也雖有崔蒲之盟取之亦易非若後世黃巢亂獻之流寇曼衍而不可收拾也得共之由倏然而明矣世運不日進則日退西人日進故多盡今而非古中人人日退故多專古而卑今夜舟至滬登岸已二鼓

初五日內家祭明誠燕生談燕福中國士夫其正直好仁者多不考核事理其深達事理者少如幕書差甯小詐偽之流世所以壞也余曰此無他知者不仁者不知訪陳志山札於長春棧小譚歸夜觀藍鐵福細味水旱一篇可知秦漢下百姓與官吏交涉之苦也故藍鐵權帖非不可行也行於封建議院天下則無弊行之於郡縣獨權天下則有害

初六日南和軒蔭亭過譚過午同車至高昌廟勸地喃詣者孫譚者故為余述青間郵尉觀梅情興躍其敘事曲折生動與余同游樂果

夜寓書方元終日不讀書是日得見入都台見之電

秦嘉皇絕世聰慧其安封建為郡縣也知外無以禦胡故築長城以限之知內無以靖盜賊故銷兵器禁書坑儒愚其民而鉗制之卒之草澤不能禁禁肉奴世為中國患私智不足而也如此

初七日微晴夜觀藍鐵福和戎之事自漢以降皆視為美談故以匈奴之禍盡無教之種類而質良文學猶以持之知親以安百姓可知當時明審事理者

三九

猶多要之以和為律自南宋始也

初十日晴覽鹽鐵論終卷是書以弭戰息民重農桑罷鹽鐵為宗旨當時以為不達時務豈知前良文學所持固甚正惜其未審病源徒作空語宜不能服丞史大夫也病源安在甲無封建耳封建猶存胡人何至猖獗為邊患邊無患何至耗竭天下財帛而國貧國不貧則籌國計者何至興鹽鐵今罷鹽鐵無以禦胡不罷鹽鐵則困農商維胡則外患深困農則內亂作二者無一可也故不審病源而論治疾亦疾之愈不亦難乎

補詣次中夜至徐園觀煙火

初九日雨過午晴燕生過談補偕至亞東時報館訪東人安篠山根諸君等談東人至今痛詆德川氏惡德川者曰愛士恤民較中國今日勝百倍彼粗見空法以後之治政仍不免痛詆耳夜觀嘉軒諸人所定廢考機啟章程

初十日晴作寓親友書夜觀唐虞夏孔子改制考余謂制者法也古人不肯空論理而必定法使可遵行是以謂諸子皆有改制之意其說極善惟書中所列

諸家亦有並非立意改制如原壞是嬰那行之類乃皆牽強附會目為改制創
教以曲圓其說則頭沿作時文之陋習矣考古之學貴精確其似是而非者實
必援據以貽笑耶

列子所載楊朱說古之人損毫利天下不與也意天下奉一人不取也人、不
損一毫、今不利天下天下法矣余謂今日泰西之政近之

十一日晴晨詣時務報館議蒙諸事益浙撫已允開省戎學改用新法教授今
在下同志者詳議其法表日議定三條一先立師範學一蒙學分已成未成二班譯書及編書
昨閱報特旨廢四書文政策論五百年積弊決去於一旦快甚

補弓糧勝借至四馬路西臺樓維譯程勝謂三代不用兵者多以陰謀奇計為
至寶而於教練軍實法忽不加意故古今兵事亦多虛少實惟戚將軍練兵死
效二書甚可貴焉夫天下至精存於虛然必實至而虛以運之未有徒虛者也
昔諸葛公拒魏帝以空之陣西之旗致司馬氏畏蜀如虎蓋其練兵之精
實有非所能及者矣陳壽識為將略非所長特因其不用奇計耳不自知識

四〇

彼也。用兵有經，有權。兵出于正，行也；出于譎，權也。知行而不達，權非也；知權不知守，經尤非也。權可偶用，相輔耳。法兵之卒，不在是也。今平日無營，軍行武之實，而臨時馳鳥合，禦寇思出奇計，制勝甚，莊子所謂適越而昔者也。甲午之役，是已。余曰：非獨兵為然也。我國首三大病，為兵、以詐立功、商以欺致富。其偽竊名

十二月早晴，日中微陰，覽孔子改制考

淮南稱墨子服役者百八十人，可使赴火蹈刃，死不還踵。徒索之，咸如以官皆當日。與儒教齟齬而角力也。古氏春秋，欲墨家有鉅子，長遠以為如佛，且有達賴、班禪、天主，主之有教，皇信然。

為教主者，往往自讀書甚多，而教人不讀書，不知何意。見於改制考，卷六，余謂此仍愚

此之者，蓋世人讀書多，而意見與之，故不能專言，而揚其教，則教力不堅，強而難行。遠

十二月晴，向午陰，覽改制考。表素述老子後學，西漢諸史皆列入，堅持州名出於黃老之義。然觀後漢樊豐為天水太守，政嚴猛，好申韓法，子融有俊才，好黃老，不

肯為吏夫既好黃老即恥為吏則黃老与法家冰炭不相合抑可知矣

十四日晴嘉軒與李過談日昃去覽改制考長素以儒為孔子教者非不可然必謂孔子以前無儒之說則大不通茲據其自引之書辨之如魯哀公問孔子曰夫子服其儒服与孔子對曰邛不知儒服此必春秋時相沿有所謂儒服者為世所重哀公不知作何狀故問孔子所服是君儒服孔子不敢以儒服誇于人的云不知儒服猶言無所謂儒服也若果孔子自創儒服何必云不知耶此顯而易見者可知孔子以前未嘗無儒未嘗無儒服長素考以儒名始于孔子是則唐人說唐不許前有唐之國號宋不許前有宋之國號矣尤可笑者謂周禮儒以道得氏一語為劉歆有意奪孔子之說以与前人斯亦不且辨

推孔子為新王為素王以春秋當一代之謂以殷室夏以周室殷以春秋史周皆有至理不可易者也而解者必以六經皆孔子自撰作而非述抑何意耶

十五日晴晴熱晴汪頌虞過談即去覽改制考

四一

子自定荀子多以屬之先王遂謂所稱先王皆孔子非三代先王也然荀子又
多稱後王長素以為後王亦指孔子夫孔子一人而已何以忽稱先王忽稱後王
既稱曰先必別于後稱曰後必別于先荀卿尊孔子必有一官之稱烏有任意
先後間諱至此耶又莊子稱春秋經世先王之志長素以為春秋孔子作所稱
先王必指孔子不知孟子明言春秋者天子之事也孔子曰知我者其惟春秋
乎罪我者其惟春秋乎孟子言先明王皆有春秋經世之意然惟天子有其權故
曰天子之事若素無此例孔子獨創則不道自撰一史何必慮人之罪我天下
之人又何必罪之耶且莊子既知春秋孔子作何妨直稱孔子之志而必曰先
王之志且書中述孔子事甚多皆稱曰孔子或稱仲尼無稱先王者何獨於所
著書獨混稱曰先王尤不鮮矣

長素改制考九卷據其教攻儒專攻制度知制為孔子所改一節內注云墨子攻
孔子禮樂厚葬久喪最甚若墨三代舊教夫周定禮墨子豈敢詳口詆訶其為
非先王所制並是創造無疑其說似不可破余謂孔子果自創造墨子必知之

試觀非儒篇有云儒者曰君子必服古言然後仁應曰所謂古之者皆當新
矣而古人服之則君子也然則必法非君子之服言非君子之言而後仁乎又
曰循而不作應曰古者羿作弓仔作甲奚仲作車巧垂作舟然則今之鮑函
車匠皆君子也而羿仔奚仲巧垂皆小人耶且其所循必或作之也則其所循
皆由人道也長素自云每以別教攻儒之言證孔子之創造吾亦以別教攻儒
之言證儒之非創造夫循而不作即述而不作之意也墨子譏以為陋可知孔
子無創造之事孔子果創造墨子但可譏其言行不相合豈得尚以循而不作為
識耶君子必服古言然後仁確是儒者之言可知孔子當日衣冠制度多因古
制並非自創若果自創墨子當知之安得尚以服古病之耶此二條可為孔子
不創造之鐵證也如長素所謂鐵案如山搖不動萬牛回首邱山重矣蓋春秋
時先王禮樂冠服制度日就湮沒世無復循守者獨孔子與其門弟子修明道
禮古制服其服循其法為世駭怪曰儒者之制蓋忘其為古制也猶今人觀
泰西民衆學校忘為中國古法而曰西法也墨子當日亦隨世俗之所說者

四二

而詆之。然猶知儒者實循古制而非自創故笑其服古談其循而不作則以墨子
曾謂古者也何物長委既知崇先聖而專以先聖創造為宗旨使先聖等子徒
詐校稽欺以人且以為聖人固如是也噫孔教之亡黃種之滅其兆在矣

韓非云儒墨皆述先舜而取舍不同又墨子述古人事實有與儒異者如稱夏禹
衣裳細布當此之時教無所用而孔子稱禹致美黻冕此確可疑然安知墨子所本
非當日僻書及流傳失實之言故言之不確抑或墨子實有杜撰古事創造古書之
意孔子決不為也何以證之於墨子攻儒之言證之且衣裳細布黻無所用八字出於
墨子佚文不在考十一篇之內安知非後人偽作去未於名合于己者雖真亦斥為
偽於名己志者雖偽亦曰真且無可與論理

謂孔子改制非不可董江都諸人皆主其說然所謂改者斟酌損益則宜贊修
如若顏淵所謂行夏之時乘殷之轅服周之冕樂射韶舞此之謂改制並無造
制之說造制亦非不可造制以証古人則古不可也長素因繁露有孔子改制語
遂証孔子造制並証孔子造制以証先王抑何悖謬至此

十日陰蚤起

長素謂古無親迎之禮自孔子始發之然觀公羊隱二年紀履緌來逆女傳曰
識姑不親迎也則明古有親迎之禮若古無此禮則云識不親迎是矣何必曰
始長素最信公羊以為真經若如長素之說則公羊亦偽造耶

淮南紀福訓云夫絃歌鼓舞以為樂聖旋推讓以修禮厚矣久矣以送死孔子之

所立也而墨子非之長素據是為孔子創造禮樂制度之證遂并謂古所傳鼓

漢武四代之樂及一切禮制皆孔子虛構甚且謂夏啟當天地開闢時安得感琴

瑟鐘鼓見改制考四余謂長素既按證淮南則淮南必為可信之書然其序四代

也曰夏后氏殯于阼階之上殷人殯於兩楹之間周人殯於西階之上此禮之不

同也有虞氏用瓦棺夏后氏壘周殷人用槨周人槨置粟以奠之不同也夏后氏

祭於閭殷人祭於陽周人祭於日出以朝此祭之不同也堯大章舜九韶禹大夏

湯大濩周武象武樂之不同也以上所述同在紀俗論一篇內由是觀之當時諸

儒所謂禮樂孔子所立者不過孔子析衷有法而立之未嘗杜撰古法也何故輒

四三

證為孔子創造者諸儒均知為孔子造當直言曰代之樂皆偽烏得沿襲其說而
待長素乃敢發其節耶若謂者古人無識長素何又援引其說以為證說者又曰
當時諸儒為孔子諱故云然也夫欲諱則全諱何故復有漏泄之語使長素得而
據若謂諸儒無意洩露則因孔子所立一語遂以為創造誣古之證不足服天下
何也如國朝制度多得明舊而談者必曰大清會典大清所立蓋雖沿明制而斟酌
酌損益自或宜之孔子之改制亦猶是也故謂所立可也謂其造古誣古則何據
而云然長素於所引淮南子雖自註云證為孔子所改與創造二
字然其意實以證孔子創造古法於其全書亦未見
晚詣燕生示以日記所叙長素語燕生頷謂然既而曰子以考古證長素甚善
然長素非立言之人乃立功之人自甲日戰後能轉移天下人心風俗者賴
有長素焉何也梁卓如以時務報震天下使士夫議論一受卓如之功而親為
長素弟子亦長素功也此豈能令天下人自讀書五百年積弊豁然祛除而
此昭濟于長素召見後亦長素功也長素考古雖疎然有大功于世未可厚
非也余亦敢服其說

十七日晴覽政制考長素於世雖有功而考古之武斷不能不致正之如云王制
一千八百國同時必無此制乃孔子所改又云百里亦孔子之制是謂封建孔子
所創造也其下又稱孔子在制封建發大一統之美矣既不以封建為是而欲削
之則何必創百里之制既創其制斷無欲削之意明甚而長素物存其說以自相戾悞尤顯然者
長素又稱并田孔子之制然季康子以田賦使冉有訪仲尼仲尼曰君子季孫
欲其法也則有周公之錯在長素注云魯為秉禮之國季為世祿之家先祖周
公之錯尚不能守此必無之事長素於此並無旁證妄以秉禮二字武斷遂謂
必無之事必無二字何以服天下

而漢諸儒但謂孔子論六經之詩書述字五經作法五經及孔門講習五經無
孔子作五經之語此據長素自引之書證之而長素注硬謂秦漢諸子無不以
六經為孔子所作者此尤面欺後世之語

謂孔子於五經文句間有默氣論政者理或有之然不能因是遂謂孔子作
如子弟初學作時文之大概皆佳而字句有未妥者必先略為默氣論政不得謂此文即先作

四四

墨子公孟篇之傳者或以不喪之間誦詩三百經詩三百歌詩三百舞詩三百並與作詩三百語去素亦以此證詩三百為孔子所作何謂

淮南子詩春秋時衰世之選去素據去以為皆孔子作不知道詩春秋者自有人在孔子不過筆削之剛言之直稱曰作是與德虛營攝無異去素既知孔子於詩不過點竄塗改何仍証之曰作曰創造

尚書殷盤周誥諸屈聲牙孔子既欲全經重造何難改歸一律之文乃仍因其舊使與唐虞典謨絕不相似據是亦可為孔子非創造鐵案

長素據論衡稱說書者欽明文思以下孔子鴻筆以為鐵案不知後儒推論古人有寬注不審會而姑作是說者以之然也如班固前漢書前半多沿史公原文不改者猶未成為其妹昭所補則非孟堅一人筆明矣而世儒注論每欲辨史漢之書文之優劣一若漢書皆孟堅鴻筆也亦非不知姑作此論耳仲任稱孔子鴻筆亦猶是也或曰然則世多稱史記為孔子作漢書為孟堅作何也曰此亦世之評稱謂之編輯可也謂之作不可也漢公以紀年體編通鑑孟堅

以紀傳體編漢書其例一也而世皆以爲撰其實也非正名辨物之義也故劉
知幾亦稱漢夏之典商周之誥孔氏所撰此且爲長素藉口而實非也夫謂孔
氏撰其書不過共正名之義耳猶可言也長素所謂造者蓋謂造其事實以誣
古則不敢開命矣

長素以爲夏啟當天地開闢時安得咸琴瑟鐘鼓據此則秦書燕曰夏擊鳴
球博枰琴瑟云云尚在夏啟前爲孔子虛造者無疑有此理耶

孟子云三年之喪自天子達于庶人三代共之又云克崩三年之喪畢舜崩三年
之喪畢云云孔門明言自唐虞以來皆行三年之喪墨子則痛詆三年之喪其節
葬篇云厚葬久喪非聖王之法長素云墨子謂曰便稱禹湯文武若果爲禹湯文
武之舊斷不敢肆口說也可知孔子偽託無疑此似有理然細觀墨子節葬篇而詆
厚葬久喪者非聖王之法援克舜禹以爲證而專述克舜禹葬事未嘗一及於喪
夫墨子既喪葬並數何妨直言克舜禹皆三月之喪乃竟無一語及之第於後之
葬久喪果非聖王之道此可知克舜禹雖薄葬而實行三年喪墨子心非之而不

四五

敢言故僅舉其薄葬勉強含混以曲圓其說耳且孔門未嘗一語道堯舜為之厚葬可知墨子所言薄葬是實而孟子所云三年喪亦非偽也

世傳堯樂大章舜樂大韶唐書於舜之韶言之備矣而墨子三辯篇而云昔者堯舜有茅茨者且以為禮且以為樂湯放桀因先王之樂又自作樂命曰濩五脩九招長素註謂墨子以堯舜之樂為茅茨以招為濩以是證孔子稱九招樂於舜沒茅茨名而舜實無韶樂也余驟觀之或無可辨也考三辯論茅茨註云舊作第期今據太平御覽改之御覽真偽不可知而第期二字安知非章韶之訛下云湯脩九招註舊作循可知九招實古樂而湯脩之循之耳其非湯樂可知既非湯樂安知非舜樂且古書述章韶之樂甚多呂氏春秋五帝堯立乃命質為樂質乃效山林鳥谷之音以歌乃以康賡置而鼓之乃拊石擊石以象上帝玉磬之音以教舞百獸皆定乃辨五絃之瑟作以為十五絃之瑟命之曰大章以祭上帝帝王世紀云舜效山川韶音之音作樂大章淮南子云有黃氏之祀其社用土祀中雷并成故其樂成也承九韶其服尚黃氏春秋又云辨立仰也

乃祥符史之所懸蓋八絃以爲二十三絃之瑟帝舜乃令夔備九折六列六英
以明帝德由是觀之呂氏春秋及淮南所載亦多孔門所未言者必更有所採
之古書今已不傳耳安得因墨子一語而斷之

或曰墨子去樂愈繁則治愈寡唐虞之樂簡可信矣曰簡則簡矣而笙鐘鼓故
安知其必無也但其後史繁耳即如長素言堯舜樂名茅茨茅茨之物亦可爲樂耶
墨子云古者魯王非不知能繁登降之禮制規矩之節行表綴之教以教民以爲煩
人留日故制禮不羨於便事非不知能揚干戚鉦鼓箏瑟以勸衆也以其費財留工
故制樂不羨于如非不知累世彈圓以奉死哭泣處哀以持久也而不爲者知其
無補死者而深害生者故不以尊長素極盡以爲禮樂孔子作樂既然余觀周
秦諸子所言往往自相刺繆多不可解夫墨子既以鐘鼓箏瑟爲聖王之無而外
竹管七二載墨子對景公曰先王之濟五味和五聲也以平其心改其政也聲亦
如味一氣二體三期四物五聲六律七音八風九歌以相濟也清濁大小短長疾
徐哀樂剛柔遠近高下出入周流以相濟君子聽之以平其心平德如此亦是

四六

子之言也使先王無鐘鼓等瑟則五聲六律七音清濁以大小短長不知何由而見
非自相刻謬者耶故余疑君子所稱古者聖王恐指堯舜三代以前而言蓋周秦
諸子立言強半高古初而卑堯舜禹湯亦習成風氣也惟孔門立言斷自唐虞
所以與諸子異且晏子於談孔子之前有曰周室之卑也威儀如多而民行滋薄
聲樂繁元而世德滋衰可知孔子前未嘗無威儀特如多耳未嘗無聲樂特繁元
耳周之聖王既有威儀聲樂安知夏殷必無且聖子非樂而於三辯篇猶稱湯因
先王之樂作大濩在湯時稱先王必夏先王矣夏之有樂明甚而長素猶稱夏故
當開闢時安得威鐘鼓瑟何也且君子稱古者聖王而不稱先王所謂古者去
今已遠決非三代余惟不敢望謂堯舜以前耳蓋堯舜時雖亦有禮樂與制而較
之三代或更簡略未可知也

余惟疑儀禮一書或孔門所創實蓋其書但詳載周旋登降進退綴兆之節而不
言其禮為何時所定何朝所用或為殷禮夏禮或為周禮孔子既欲託古則開章
宜者言何王之制今不言則孔子自創當無疑也惟必有依據而作耳余擬以春秋

孔子不過斟酌損益非憑虛孔子既自作則決不託古於是可見託古者必非自作明矣夫創法改制皆聖人之內事惟杜撰古事誣惑古人聖人所不為

十八日晴淨掃齋中盡去坐具布席憑几觀書古法也東人有於此者
覽政制考古意以為樂傳要妙其傳最難以其音節鏗鏘寄於聲易於言失
因歷證秦漢以降音樂流傳律教百年輒亡而難存以是知孔子去周漢教
千年要有韶樂猶能存使孔子聞而忘味乎則古樂皆專門制作明矣余謂不
然秦漢以下事與三代迥殊不能相例何也吾嘗聞賈齋章氏之言矣古者
官師合一道器不分也故當時士夫於藝被服如衣食人習之為固然未
嘗專門以名家者也後儒但取一經之隅曲終身殫竭其精力猶恐不當其官
師舍古人為其易官師而後人為其難言哉言乎余謂三代以上古樂能
久存者亦官師合一之故也秦漢以下官師漸分惟博學名宗私相授受故
久則散失而無或猶存矣據此為比例豈確論乎

易經自卦畫外其文辭恐皆孔子而推演者素此說可信

四七

莊子天下篇古之人其備才長素謂古之人專指孔子此說似不可易由是以觀州前春秋經世先王之志所稱先王果否指孔子亦難決也

長素據孝經鉤命訣有孔子自謂遜順以避禍災與先王以託權二語謂孔子自明微意然孔子何不云託先王以明權僅云與先王以託權吾謂託權也者藉其權力于先王也蓋與上文無爵祿之賞斧鉞之誅意正一貫今作其以行權解誤矣惟曾子撰斯所問者文字與不同何也八字當不可解夫所謂與不同指何而言本者如不同耶抑與他書又不同耶今觀本者無不同證以他書不見所謂不同如去素之意必謂所述制度與當時所見書不同然存經一書多言禮惟喪親章所述制度亦甚略蓋曾子之意果如是耶然觀文與不同語意似專為本者者使果與他書不同當指明何書今僅云文與不同未敢決言吾意孔子或先著一書亦名存經與此本大旨無異惟不稱述先王故曾子疑問夫子遂自揭宗旨以言不能不託稱先王我無權也也

孟子曰大人者言不必信行不必當云

言不忠實方可為據去意又以慈母養子託之鬼神為喻余謂此我國之惡俗耳
使駭稱繒種詐偽之根長而好誑信父母之教也故中人禁之

墨子稱三代聖王既沒後世君子或以厚葬久喪為仁義或以厚葬久喪為非仁
義皆曰吾上祖述堯舜而湯文武也而言即相反于此乎後世之君子皆
疑惑二子之言也此亦長素引為鐵案者吾則謂墨子嫉孔子守唐虞三代之
法過堅故為是說以動搖天下人之心使不信儒者之言耳不然墨子即非厚
葬久喪而祖述堯舜者何以不言堯舜皆三月之喪乃僅舉其薄葬於喪制
則不著一辭而墨子之言皆虛矣尸子云高法水為喪法曰毀必杖哀必三年是
則功不救也故使凡於陵者葬於陵死於澤者葬於澤桐棺三寸制喪三日據
是則高當日誠有短喪之制然不過治水時之權法耳且可見三年喪當時已
行若古無此制為何必有水不救之慮觀於制喪三日為所特創可知及水土
平為崩而天下仍喪三年蓋高之權法仍不能令天下久行也尸子名位亦
戰國時人衛鞅之客荀子嘗稱其非先王之法不循孔子之術而其所言反足

四八

為孔門作證可信其非虛語矣

齊宣王曰文王之圖方七十里百諸孟子曰於傳有之長素據志以難文王以

百里王之說曰文王之國果百里其圖占全國大半無是理也不知以何言當時

後書信託而載不之信孟子欲因導齊君于善姑妄應之耳若文王果有圖七十

成漸廣若必謂百里之說孔門信託則楚令尹子西非孔門也何以其沮王封

孔子書社地曰文王在豐武在鎬百里之君平王天下可知文王百里之說

當時古書多載之非獨孔門有之言也

孔子嘗春秋時書籍未遺秦火人謂之人一見之如三墳五典八索九丘遠古

之書猶存何況三代之書孟子難云諸侯去其籍其時周天子已不去其籍即私

家亦藏亦必尚不少何能盡去使孔子思偽造掌故當時通人必有知之者將考諱

然之辨為周室之微藏史孔子自為妄人不盡于眾是孔子欲託古以行其權者適

是與其術耳尚能道濟萬世乎

素既知莊周尊孔子乃於其攻孔之寓言並錄入諸子攻儒考由何具之也

莊子謂老子取先王已陳易狗取弟子殺卧其下使果偽造別為新製之易狗矣
韓非謂事詩書談說之士多則民游而輕其君蓋既欲重君則不能不愚民
韓非云故明主之國無書簡之文以法為教無先王之情以吏為師李斯佐秦一
統天下即遵行此二語而李素以為書未嘗禁猶設博士以教天下學者使天下
以吏為師吏即博士也而仍教以書簡之文古謂之論自以為特識抑何可笑
十九日晴晚微陰風作俄止稍涼覽改制考錄日記

二十日晴觀書長素因太史公有李斯知之藝之歸一語遂謂斯佐秦定天下
實可傳儒學之一派且以為書不盡焚之證不知太史公意明之措斯既知之藝之
歸而不精明政以補主上之缺持爵祿何啻而容嚴威酷刑蓋識其背儒術也安
在其為儒儒一派耶長素又以公羊有大一統之說而李斯佐秦定一統罷侯置
守以為謂其傳儒術不知公羊大一統之詞下何休注云王者始受命改制布政施
教于天下自公侯至於庶人自山川至於草木昆蟲莫不一統於正日故云政
教之始據是可見三代聖王受命皆稱大一統所謂通三統也但有王二月王三

四九

月三日身且非發諸侯乃稱大一統一統之者自公侯至于庶人自山川至于草木
昆蟲莫不統于王也今必執罷侯置守而後為大一統抑何謬耶三代以下之為
孔世皆李斯置諸侯不便一語蹟或之王船山曾以此意余後揚發之詳于前矣
使孔子所謂大一統果志在罷侯置守如李斯之言則孔子為二千年来罪人矣
烏得為教主哉是日晝接燕生來信竟日談入夜大雷雨狂風撼窗俄止

長素云韓非李斯同學于荀子而二人之敗其事同其禍同又云二人皆以急功
名之故逆嚴法酷令以投時君時君說之其禍中于人又云李斯預聞燕荀之說
而行孔子大一統之制意若李斯實傳儒術者夫韓李二人既背道而馳安有傳
儒術之責則李斯之罷侯置守非孔子所謂大一統之制明甚

二十一日晴覽改制考引淮南子稱武王伐紂載尸而行海內未定故不為三年之
喪始而遭洪水之患波塘之事故朝死而葬葬此皆聖人之所以應時耦宜見形
而施宜也長素據此以為漢時遺書尚有知為武不為三年之喪三月之葬者此
亦自命考據家也今教矣死夫武王之不為三年喪漢時遺書明言因伐紂載尸

海內未寧之故可知未伐討之前本行三年喪海內既定復行三年喪矣禹立朝
死葬美法實因洪水之患故塘之事與尸子之言正相發明及水土平安知不仍
舊制長素所引證者反是為人所攻彼之證抑亦太阿授人矣

二十二日晴杖屨至自杭迤憚昨燕生來三人暢論至夕偕步公孫花園納涼
夜乃散

二十三日晴晨起詣城內日中歸

孟子滕文公章句有反存寧為三年之喪父兄百官皆不欲曰吾寧國魯先君
莫之行者先君亦莫之行也長素據悉以為決非大周寧禮不知當孟子時諸
侯之不尊周已數百年雖有周禮而諸侯皆去其籍不復奉行視為國姓父兄
百官又皆嗜游子弟非讀書者古之人其所稱先君殆據近代而言若世遠年
湮方則此輩深究橋中國人祇奉西制度以為非先王聖人之道彼直以大
清律例為先王之道也八股為聖人之教也豈不謬哉勝之父先百官殆以此
輩人安得據為確證且所引志法非會典通禮之書蓋既表恭從先祖語意似

五〇

斷制有議論者是私家論者也更不得為據要之戰國之際外侯之朝無復官書可稽而私家所藏尚可考證所謂禮失求諸野也孔孟皆據私家流傳古書慨然方為表章欲復久廢之制直當世駭怪多阻撓也

素之稱原諒云古之人若保赤子而夫子以為儒者之道見於滕文公章明甚可見書為孔子所作不知儒者之道一自朱晦翁解已誤此道字實與孟子道性善之道同一義當連下讀猶言儒者之所以稱道古之人若保赤子此言何謂也若道字讀斷則原文語氣難通矣康誥今讀人之可稱道以此語尤為儒者所常道者故墨子就其前道者進而折之亦常事耳豈能據為孔子作書之證耶

論衡云王者之堂墨子稱先舜禹三人儒者以為卑下表素據此以為儒墨改制不同之證此又大謬墨子所稱先舜禹三人亦古書所傳實事儒者以為卑下亦腐儒偽存此望福耳孔以何嘗史創為先舜禹三人之制耶且所謂禹三人者言其階高三人故仲任有過高則視莢不能從之喻見之辨若禹三人人將俯而後入無此卑下者其在儒家所以識之殆亦誤會以為禹三人故以為卑

下得謂卑下矣所以獲腐儒也其非孔子及門弟子可知

墨子虛造妄言謗毀孔子孔子猶逐條辨正孔子虛造妄言以誣先王何竟
無逐條辨正之者不待長素而後發耶孔子偽與否不可知而辨正者不謂無其人也
長素既死其子請墨知孔子識墨子之心說非真而猶錄入儒改諸子考可笑
荀子禮論既欲擅作典制者則孔子之不擅作可知

心辨而險言偽而辨行僻而堅志愚而博順非而澤五者庸長素皆近之未可
諱者嘉其有功于今人也

二十四日晴讀張茂先鷦鷯賦鴝鵒賦鸚鵡賦宵去沙鷗鳥賦頗得賦之旨趣
蓋能於寄物曉與詩同

輔覽政制考畢長素以為古世學校選舉自孔子創其制漢武帝始大行之遂
作漢武後儒教一統考不知漢武之興學崇儒果崇其實乎抑僅有其名乎有
其名而不務實則與未行無異焉臨通考論曰武帝興學只是好名當時文
學布在州郡極留澤故公孫弘請選用高學官而復補平史及郡國備員意

五一

軒可知其言甚甚蓋後世人主視儒與俳優等其建立學校如築劇場之臺取
其潤也鴻業而已若謂立學校僅出於孔教則自漢以來幾無代不立學校試
問有蓋于天下否耶漢唐湯傳稱上方鄉文學湯洪大獄欲傳古義乃得博士
弟子治尚書春秋者補廷尉史湯雖又深意忘不專平然得此聲譽而深刻更
多為爪才用者依於文學之士世相弘敷稱其美則當時諸儒曲學阿世傳會
經義以行法家之術抑可想見而表素所謂漢之善政皆出其中者此其證也
表素謂西漢御史以儒術化民而所奉僅寥寥數人若以是為孔教大行則歷
代多有而漢豈得專美于前耶

晚至張園幼孫歸詣古跡

二十五日晴銘所及芝先至自津過譚留午食去

覽王深甯困學紀聞述易脩辭立其誠云脩其內則為巧言修其外則為巧言名論
乾坤之次七日建侯封建與天地並立可知聖人之微意三代上治以封建三
代下亂以無封建若漢晉及明雖有封建皆非先王規制與封建同

愚按易乾坤復屯有卦連意義有學校之意而有井田意訟者刑所由始也師者兵所由起也

深宵曰柔而剛則能違善剛而柔則能順理名論

易之宗旨扶揚抑陰意謂陽君子也陰小人也蓋扶君子抑小人之意也觀於泰否二卦可知若謂專為尊君抑臣言之謬矣

二十七日時錄外史送午秋叔未諱夜偕至浦灘觀燈

孔子之徒清習禮樂詩書墨子之徒能使端湯赴火故孔教近文學教近武韓非所詆為儒以文亂法侯以武犯禁也然孔墨皆志在傳教以平世主之權及後世人君崇法家之學而儒墨皆為所用蓋世安則以儒飾治具世危則以墨飾德何也談行術搗文詞者儒家之事也非飾治具者非術鋒耗難效節苟生者墨氏之學也非信德從者非故曰儒墨皆為法家所用

二十七日時錄外史時至常學館與諸生講晚歸覽國學紀聞

深宵云君子道盛小人自化故引玉泉喻氏云春小人道消非消小人也化小人為君

五二

子也聞有見

二十八日晴錄外史晴語故叔諱借至張園夜觀燈火奇妙

二十九日晴法人索常班義塚甯人不可在滬者皆罷市聚眾大譁西人發鎗擊斃
斃十餘人捕未解

金剛論云素傷考所稱秦焚書未焚博士所職者此語自烏貴與已任習之可見
秦官故書未焚之說頗確然秦何入秦收丞相御史律令圖書正未收博士所
職者及後咸陽一炬而完書畢竟無存矣據壁所得古書非劉歆偽造無疑自
謂心得可析去腐語故叔亦以為然乃觀國學紀聞始知王伯厚已有此說蓋
述帝王天刻未云若高帝能除焚書之禁蕭相國能以秦博士官之書則倚相
所請者必不墜矣又呂成公大事記云秦始自三十四年所燒者天下之書博
士官所職固自若也蕭何獨收圖籍惜哉宗著森希通錄曰李斯曰非博士官
所職天下敢有藏詩書百家語者皆詣守尉雜燒之則悉天下之書雖焚而博
士官猶有存者惜乎入關收圖籍而不及此竟為楚人一炬耳竊意可見古人

諸書精審非如長素鹵莽滅裂者也

左傳曰舜日堯舉八元使布五教于四方父義母慈兄友弟恭子孝不及君臣夫婦朋友蓋以五者皆天合三者皆人合也可知古人重天合而輕人合者也孔安國本左氏以解虞書五典堯往語深富以爲不如孔子李柱下金謂堯五所述五倫蓋謂堯使契教者左傳所述五教謂舜使八元教者非一事今所謂五典不知是何屬而要不得以爲病左氏蓋於左氏所述猶窺見古人之微意也

三十日晴錄外史補遺時結報錄晚至且業會館葉漢吾等爲法用爭兩事集議因學紀開述帝王六制之存于漢者于二卷之三頁中頗多精卓可誦者

范蜀公正書曰舜之五刑流也官也教也贖也賊也蓋聖制刑官大辟爲賊刑刑自後世止以是爲五刑故肉刑一廢遂不可復非不可復也不行帝王五刑而專以賊刑當天下之罪惟莫大焉爲九折云

帝王世紀載商容事云商容嘗執羽箭馮于馬後欲以代紂而不能遂去伏于太行之武王克商欲以爲三公商容辭以無勇金謂蓋人行德令一字燕生

五三

六月初一日晴表天子涵至自江甯

觀于呂氏春秋載城之戰雍季之言曰渴澤而漁豈不獲得而明年無魚焚藪而田豈不獲得而明年無穀可知兵不厭詐之說為末世之名義非用兵正理也
魯之由生民獻之十夫皆以無名而不朽者也

深宮先生亦云自封建之法廢國如木之無根其亡也忽焉歷代醇德深識多有此說
周公營成周以名此天下中有德則易以王無德則易以亡云惟予一人有善為得而見也
有善易得而誅也又云使予有罪則四方伐之無難得也皆見史記
此春秋說苑諸書可見聖人雖制封建傳子孫而猶有公天下之意

初二日晴晴詣青練談于涵亦至

周書斯諫斯歆惟我后之德二語啟後世媚上頌聖之大病先儒謂成王失言
當矣後世惟漢光武嘗下詔禁上書者稱聖其他無聞焉

洪範五福不言貴嗣百詩云古人之在位也如有重負其去位也如釋重負得
者賢立言之微意莫若視貴為福則近于以位為志雖而天下事不可問今日

秦西之法其人亦多不以居官為樂蓋文明之世理當如此

初三日晴詣陵齋歸錄外史

王伯厚云堯舜在位止任一事仲尼為弟皆為一科愚謂此可知古人重專門之學

又云武和民則順帝則有物有則動作威儀則聖蹟傳心之學惟一則字愚謂則法也所謂道與理皆法也故內典動云佛法又云法空

宋武帝留首燈籠麻繩拂而不能禁者武之侈唐太宗留柞木梳黑角梳而不能禁明皇之侈故知垂裕後昆之難

元英宗御大安閣見太祖世祖遺衣以備 宗皆儉如此朕素本綿重如補綴嗟嘆良久謂侍臣曰祖 茅敢頃刻忘之張女七上於湯沈劫於充張噪於稷李湛於義府其能

蓋懲固也而父子窮性之不相聞亦可信

初四日晴向午故叔去譚論譚甫生仁說有云男女媾合事因其所以合且具生

於隱曲處故人以為羞若生廟頂則雖朝會燕饗時猶可一試余謂此好為

新說而未潛思夫理也男女之事生於愛力愛力生於對待自無明風動妾德

為人我於是有世界有象生有對待有對待則有愛有拒拒之極至於相殺愛

五四

之極至於相淫聖人不能遽禁其淫且殺以返于無對待之境於是為之節制
許兼殺禽獸以洩其殺之概許娶妻置妾以洩其淫之概有所洩斯有所止乃
能有所不殺不淫者以仁相接以禮相限而世界可少安然由斯漸進公理日
明必期于淫殺盡去愛拒惡化迨於無對待而後已故知肉食妻妾實據亂不
得已之法而非天理中亦有也是故聞聲于庖厨者惻然男女結婚而色艱此
皆天理微發靈者若如甫生言媾合之具若生廟頂則不足羞如是豈盡人可
以淫乎而淫遂足為天理乎盡人可淫則亦盡人可殺矣且淫者穢垢之事也
性體清淨故非所當有豈交合于頂顛者遂不穢褻耶以口相交謂之接吻西
人惟夫婦行之不避人亦不施于他人也中國人猶視為穢褻而試之曰夷禮
可知即生廟頂而終以為穢垢事亦不可行于廣眾間也

初五日晴覽因學紀聞香孫過譚午後大雪而俄止薄暮詣張園孫若愚招飲夜晴
初六日晴錄外是聞次申有母表次申赴津未歸晚香孫招飲

余少詩文外勝處為三日理心境曰情近忽悟詩之三體曰賦興比近于理賦近于境興近于情

虞書而載鳥獸率舞鳳凰來儀事人多疑。然觀于宋觀漢記所述王阜為
為重泉令吏民向化鸞集學宮張樂舞聲鳥舉足垂翼翱翔而舞其事不虛
初七日晴晨入城日如午歸昧枚叔過譚晡雨
初八日晴錄外史晚覽困學紀聞

我國自古重文辭聖門有言語一科文辭即言語也毛詩官之方中傳所謂大
夫之九能云達邦能命龜田能施命作器能銘使能造命升高能賦師旅能誓
山川能說喪紀能誅祭祀能語皆謂文辭也西國古時亦然前見梁譯書載昔
希臘敬奉九女神號曰泰賽在人間各司文明之事九女座平列首座左執簡
右把筆主增慧於詩事二座座書一卷主增慧於作文文人三座執笛主醴歌
四座執劍以葡萄葉繞首主哀曲五座執琴主舞曲六座左執琴右執尺撥主
演譜慕悅詞七座作思慕色主步虛游仙諸八座執杖向一球作指主天文
九座執杖戴假面具以五加皮繞首凡詞笑詩詞及牧歌皆其所主果以泰
西遇有著名美詩文主人眾即言其獲諸慕賽所默佑其風如此

五五

梁之有聲無詞者而後以下一篇投壺曾薛鼓一節亦出

周穆王達戎于太原以亡周與晉武帝使劉淵監五部軍事將兵在鄴以亡晉國
詩權與四宜至於食不飽醴酒不設之意

王深甯格學以學真近于詩一節恨不可誦真善學詩者矣

詩講舍神寤云詩者天地之心君德之主百福之宗萬物之戶惟四始之說終不解
春秋志攻戰留意學校者惟魯信公衛文公

初九日晴錄外史觀書諸燕公談

唐太宗夜讀周禮以為真聖作曰不井田不封建而欲行周公之道不可得也愚謂
太宗果聰明過人彼已知井田封建為堯王政法綱領惟余則謂不封建而欲行井田亦不可得也
初十日晴錄外史明觀書

卓茂不禁吏之受饋遺杜密不取謁守令陳託劉晏不除遺船之寬剩錢在祐甫
用人不避親故蘇軾請許漕河網運者必攬貨物皆極深於事理而洞達治體者
盧坦楚於不抑家情李孟諫元仁宗劉文忠亦嘗有言者錢士升諫明莊烈極
江南富民財云富戶者貧民衣食之資也陳球諫明英宗云不煩民而役軍之獨

非國家
赤子乎

十一日晴乃仲遊詣中過午大雨中始歸知母發號痛不止
甫歸夜觀書

王伯厚曰禹書勞乎溝洫濬畎澮距川遠人五溝五塗之制因于古也水佐耕
者崇稻人掌之以水佐守者因司險掌之自鄉遂之治地子如為田洫而畏田者
少為怨子庶作封洫而伍田疇以為謗者欲齊畫東其畝西戎且其甚而西周
爭東西之流至商鞅決裂阡陌呂政決通川防古制蕩然矣古者內為田洫外為
溝洫在易曰師需兵於農伏險於順取下坎上坤之義溝洫之成自禹至周非一
人之力溝洫之壞自周衰至秦非一日之積先儒謂井田壞而戎馬入如入無人
之境悲夫註云夏官司險設國之五溝五塗而樹之林以為阻國皆有守禁朱氏
漢上易侍郎大司馬傳或曰德至險于大順伏師旅於民眾井田之法也愚謂觀是
可知井田之利且可以佐封建也

十二日晴錄外史明觀書估三過譚祥亦至

五六

漢光武云君治天下亦欲以柔道行以此而得用九兄首之旨蓋處尊位必以柔也故東漢猶更如宋均劉寵唐范劉寬輩皆以寬得民

十三日晴秋夜過諱燕生亦至福事又不合補謂時務相館

漢家法已嚴切而在實猶病其寬蓋嚴及無辜而寬於縱暴之權貴也安得治以先武寬仁之主然其下詔數檢田畝戶口猶不勝核民以宗慄王尚相其禁惡錢也民猶嗟怨可知擾亂之政宜簡宜各靜多一事必多一擾矣

十曾晴錄外史晚觀書

漢家外戚之防者以陰識為最馬彥次之鄧騭又次之

十五日晴在次中寓終日是日次中成服巾者勢至晚歸觀書

王者往也眾所歸往也君者羣也羣所立也說文作尹曰蓋天下之君與官一也帝歸也審評

於物也桓帝時李雲敢露布言帝欲不評此真氣節也

漢家尚忠諫故李固皇甫規荀爽輩對策皆指斥時政亦無獲譴者

十日晴錄外史過午校取未譚

惡謂堯舜傳賢其為公天下之心大矣然不能大開民智大伸民權立公舉之法使天下萬國世世遵行如華盛頓之於美利堅者豈減猶不至耶抑或私心未盡化雖無利子孫之志而猶有保君權之志耶識未至則惡私未化則誣二者必居一焉十七日晴昔山濤見王衍以為亂天下者生必此人石勒誅王衍亦曰破壞天下非君而誰世遂謂王衍清談誤國以是極罪者莊惡謂不然夫王衍之為人誠不足道然謂晉亂為衍所釀則大謬蓋晉之內亂始于五胡而外亂始于劉淵為左部帥五胡后而八王之兵構任劉淵而五胡之亂成即使王衍不善清談不崇老莊亦安能拒八王并五胡耶當時為崇老莊論者非無裴頠與張茂先同輔政而未忠議其德而無厭棄典禮而附賊后可知當時即不為清談亦無補晉室之亂試觀王導庾亮謝安輩固不善談老莊而佐成東晉之偏安為清談者何自天下耶蓋老莊學清靜畫一兼管漢文以是為治東漢循吏如字均廉范諸人亦以撫民蓋攝亂世之天下為政尚寬靜者皆老莊之學蓋以煩則擾民水清則無魚有不得不也也老莊之言豈救法家之窮如王衍者特能談耳其為人固不足

五七

道其亂者，罪歸之，並委哲于老莊，余則不能不辨。

十八日晴，觀書于頤，未雨，至自都小談。去日，跌詣子頤，歸錄外史，夜石孫來，將詣都，視周禮司寇一職，所述詢國，遣詢國，危詢立君，皆詢及士庶人，而雷詢之時，自公卿大夫以至士庶人，皆有所立之位，又凡決獄亦往，詢及庶人，則古人似有議院之法。章叔叔云。

十九日晴，祥士過，蓮兄亦至，跌詣子頤，復訪香孫，賄借叔叔，至張園晚歸。

扶輿一事，世俗多有不知其何自始，惟魏書在浩傳載浩受冠，謙之之術，有所謂天宮靜輪之法，且浩上書聖王受命，必有天應，河圖洛書皆奇言，于謙歎之。文未若今日人神接對于筆，燥然辭旨深妙，自古無此，豈可以世俗官意而忽之。需，命疑即近日扶輿之事。

二十日晴，日中雨，晴復晴，觀書，是日立秋。

南北朝之際，其政治之美，自元魏文帝以外，獨推劉宗之。元嘉而齊武帝亦差勝，然考元嘉之法，史稱百官皆文，於其職守，軍以六者為斷，吏不尚免，民有所

繫齊永明時史亦稱郡縣久于其職由是可見郡縣之天下官吏果能久于其職不數遷調其政治必有可觀者蓋即行封建之意也

二十一日晴俄陰微涼有秋意錄外史補觀書夜雨

二十二日雨錄外史日中晴霽孫使人送融齋書院課卷來屬枚叔聞者補觀書夜雨自魏晉以來歷南北朝以至於隋凡更姓易代者莫非臣奪其君君逼于臣之勢而行禪讓者皆以篡竊為罪不知當時凡臣之能代其君者其才略德器實過其君十倍以公等之理而言則司馬夫劉裕蕭道成蕭衍陳霸先楊堅諸人皆在應舉之列是時守成之主既昏懦而不勝任理當禪于其臣其臣代之亦於德義無虧而世儒認之痛詆以為悖義傷教亦何所取耶夫君為民而設也君稍虐閭民已不勝苦况如東昏叔寶之荒亂者耶而猶曰臣官守節而不可代之此真官官官之見也惟自劉季奴以後凡既廢之主每不保天年或且殺前朝宗族殆盡是則不免以暴易暴

二十三日晴嘉軒遊譚晚觀書

易繫辭云聖人之大寶曰位後世人之事此寶也至唐割天下而不顧其君之私此寶至父子兄弟不相密懷藏海盜家盡焚身悲夫公舉法立使人視此物不足為大寶而天下多事乎

二十四日晴枚叔過談終日夜同車遊慈園至西偏小樓茗話甚佳無風

二十五日晴觀書日中問桂至自杭錄外史補詩次申晚造香深虛雅評

子與氏云聞其聲不忍食其肉又云見孺子匍伏將入于井雖盜賊亦動其心天良之發人所固有也以隋文帝殘刻御下並觀其囚旱饑造左右視民食得豆尙雜糲以獻猶知流涕為不御酒肉者甚幸可知平日不見不聞則民雖沈離願困于下彼殊漠然無所動矣非果忍其民也民与君疏隔太甚而其君又深居簡出安得知民之艱即知之亦僅於耳目所及其所不聞不見者不知凡幾夫君既不知民之艱則雖有賢主其而補于天下抑亦微矣故吾謂行君主之政其惟三代封建之世民或得稍舒何也君与民相親

二十六日晴日中詣子頤映往視次申晚歸夜觀書

秦銷天下兵器隋亦收天下兵器然皆不旋踵而大亂作遂以廢其宗社後五代吳復禁民私蓄兵器而盜賊益繁可知民之為亂與否不在兵器之有無也今鄂中大吏總之禁士民私藏鎗炮火藥為懼抑何其見之陋也

二十七日晴觀書南皮所著勸學篇有云主昏于上臣忠于下二語以為美談不知實為中國禍根之最深者有此等名義獨夫民賊始得逞行其志說者歸罪于宗儒亦未盡也蓋自唐以前已有是陋習故雖昏虐如楊廣朱溫猶有許善心免君素王序章輩為之效死且自以為名義所在免君素守河說降謂之曰清室已亡君何自苦不知此名義是誰創設蓋法亦曰名義也君素曰天下名義非婦人所知為法家之說者令人廢孝弟詩書而必效忠于上且欲使弱主能制強臣故君雖無道必不可背主為一姓非為萬姓也補大兩晚晴

二十八日晴燕生過譚持明治新史示余謂日本定法之初先設議事而舉國人議事蓋得定法之要訣矣俄雖僅圖富強不伸民權然仍設上院議士惟所舉者皆貴族耳可知欲振興諸務實事求是者非議院不能有也今之標議

五九

院緩立之說者皆大誤天下也余難燕生曰今之民多愚假議院開八股必不能廢矣燕生曰然議院果開時文不廢亦無害何也有議院則天下之學使鄉會試考官書院山長必由公舉矣所舉者雖不必驟獲碩學淵德之士而庸劣陋惡頑闇之人必漸少天下之為時文者必有進無退時文之進亦由多請書請書者多民智漸開公理日明必有廢八股之一日今不開議院僅改時文為策論雖足一新耳目而主試非人則棄取非法棄取非法則衆心不為鼓舞日久之必多攻策論如時文仍無補于天下此其間升降所關益甚鉅也

二十九日晴觀書唐太宗論為治之法以為隋主專任一己故亂而吾博採衆議故治可知雖播亂之世君主之政猶不可不議蓋雖不伸民權而上議院仍不可無也然則謂議院直不可設者真愚人也又太宗自云少得良了十教自謂無以加近以京了工乃曰皆非良材本心不正則朕理皆邪雖勤而猶失不直朕以了夫定四方識了猶未能盡況天下之務矣又云一日萬機豈能一中理皆名言也彼執欲任了之智而不許開議院者其了智不如太宗遠矣

七月初一日晴詣子頤午歸補觀摩香平四益館書

宋先生云中人持協謂大地種類有喜守舊者有喜進步者此大謬之論也
夫人之性莫不欲進步雖禽獸亦然神與犬人所畜畜也西鄰日飢而捷之
東鄰日飽而既愛之則必舍西鄰而就東鄰矣又試持二飲器其一價昂而
粗惡一價廉而美好詢諸愚人必取價廉者此非進步而何人与獸同此性
也今獨謂人有不欲進步者抑何說也夫今日之人特志無進步之權耳使
假其權則無不日思進步者且日進而無退矣故吾謂中國能大開上下議院
自宰相府樞以至州縣咸由公舉行之十年則十八行省必可進至俾人未變
法以前局勢行之四十年必可進至目前今日局勢可決也夫法不可不受然
須先得其根本要領其餘枝葉今日聽民之自學與運會漸進日新月異而不
勞援則其受也可恃而期於有成若其要領未得根本未立而徒煩其條目其
枝葉則雖受法百年其間愈實其民愈困於是天下之人仍以受法為詬病而
而甘于守舊非果守舊也無進步之權也

六日

初二日晴詣龍舟送子蘭行向午歸觀書

余昔謂先開民智而後扶民權今始悟非先扶民權不可開民智民皆有爭心
爭心今重抑之而皆心之便、俯首下心者以尚愚也稍智則必起而相爭
爭之不能得後殺無辜如孫逸仙志已惟先設議院以伸其權而後徐開其智
則民心已平而無果爭無爭則自不為亂

或曰秦漢以來大抵愚民然之起為亂者屢矣何嘗開民智耶曰不然彼為亂
者得半進于水旱飢饉凍餒窮困自欲殺死非出其本心蓋飢寒死為盜亦死
彼求緩死故為盜始為小盜劫奪人家繼為大盜劫奪城邑皆志欲殺死而已非
得已也若民智既開而猶無議院以伸其權則其亂也不必因凍餒窮困而始作
官府稍有不平時將羣起而抗上矣使復欲討而殲之有不出於死門者乎大亂
作矣民與君樹敵國矣雖然使其亂而果死也中國之君權去非不深幸也然君
者決其必不成何也中國所不能自半歐洲德國必代平之辰分之局宜矣亦分
已則外人必重抑吾民重愚吾民而黃種將為黑奴矣哉

中國之民今日多困
極矣即不開知亦必

孔惟民惡亂中國自平之易民智亂中國自平之難故必待敵人平之耳為
開法院則無福民智民愚皆可不亂何也議院開而行公舉則貪虐之吏必盡去
賊不赴亂何由作乎 夜大雪風雨交作

初三日雨觀書錄外史唐書載貞觀二十二年結骨使利稽入朝結骨人皆長大在契丹
時自古未通中國上因以侯利稽為契丹都督注云結骨西域國名在伊吾西焉者此不詳今何地
夜收叔遺譯余謂中國今日如不固富強但開法院修內政或可自保種類歎謂然
初四日陰微涼唐書選舉志云唐之選法取人以身言書判為宗時劉曉上書
云今選曹以檢勘為公道書判為得人殊不知考其德行才能流書判借人者
眾矣可知科場檢勘之弊當時已有之

漢之樊英音之殷浩唐之游徽皆以隱士盜虛聲者未如孔明李泌梁震之流不多見
也馬廐之萬煥而其子弟猶鴟者不謹以姚崇之清俗而其子及孫親信猶受賄賂之難如此
唐府兵之廢世多歸若于張說不知當日亦敵時之弊不得不然蓋自高宗武后
以來天下久不用兵府兵法浸壞番役更代多不以時又其家不免雜役浸以貧
弱逃亡者盡百姓苦之而宿衛亦不能給故張說建議召募壯士充宿衛不問色

六一

徑優為制於並進之者事出日得精兵十三萬多募諸衛更番上下兵農雖
分實可好百姓之困亦可厚非也若如華陽范氏之所議以為當補偏救弊不宜
并其法廢之不知大凡極亂之政積弊已深焉非大改舊法一新耳目則其弊決
不可救即欲救之亦無其法如魏夫之言祖廟祠廟人之併諸雜稅為一條鞭皆
叶意者謂既改之而仍有流弊則君猶獨擅之世固年樂之政惟初改之時民得
稍舒而謂救時者前持之無弊且欲隨時補救使弊漸少而不欲真廢其法則非
議院大開民權統然不可也說吾得諸燕生不易之理也

初五日晴觀書味語燕生談補視次中近至時務報館晤豫柳叔叔復詣香林晚
歸知歲平來

知仁勇三大德世所重也然中國今日非無至知者至勇者至仁者閉戶誦書之士砥礪康陽躬行
知情辨難泰西為等政治家不遇也非無至仁者閉戶誦書之士砥礪康陽躬行
為勇雖聖賢克己之學不遇也非無至勇者負盾揭篋推囊之盜操刀橫行殺身
不避雖烈士慷慨赴義者不遇也然不知者不仁故奸猾者為害害矣仁者不知

故迂腐者為蠢物矣勇者不知不仁故悍暴者為患若矣

初六日晴故叙道諱

孟子謂柳下惠不羞汙君不辭小官秦漢下惟徐有功馮道二人近之

初七日晴燕生過辭余謂周志諸子百家競起而散分曰派曰儒曰墨曰老曰法

秦漢以清法家主持世間儒墨後世強半為所用見前獨老墨潛與之抗而救其

窮試觀歷朝統統循吏皆相者莫不傳老墨之微意蓋彼以嚴吾以寬彼以動吾

以靜彼以情吾以簡庶幾民得稍舒乎

初詣日本真宗本願寺訪松林僧登小樓相對茶談

初八日晴錄外史日中松林僧來從談時去余至九和調將晤程陸諱

晚歸觀書劉晏為唐室功臣卒被誣而死世儒稱之以為興利之臣利於上必不利

於下故罕有保其終者余獨謂不然夫晏雖為國家興利然未嘗擾民且有救民之

功試觀晏傳云晏於諸道置和院官的月報學數之狀告世雜數糶或蠲免或收助

不待州縣申請報奏行之當時民累以無困弊流殍者晏之力也且晏史之亂朝廷

六二

空耗軍需正急倚是以待使無要為之調益刺憲以克圖用則括宦胡榮除陌之困援何待德宗時而始見耶是不死而復能竟其志朱泚之亂必不可作而德宗且免幸奉天矣今以其被殺而歸咎于與利自古忠賢英傑死于非命者衆矣何嘗皆與利之民哉若夫王錢輩望輩固不同年語何也是理財而常以養民為先彼則專事腹下以奉上也

初九日晴程膳過譚偕宿嚴陵老觀石人書畫甚夥炳燁觀書

讀史之要必精求其制度序平云說行者亦必精求制度然武武蓋制度者經史之樞紐聖賢精理奧義之所由見而世界盛衰治亂所從出也

初十日晴佑三至自江甯過談錄外史

松壽字鶴齡滿州人前為江甯右政使會朝旨欲行銷捐法初行文制府制府以問松松抗言曰由地而民瘠者衆若復苛罰必大困民制府曰朝旨也汝敢違耶松極言不可遂寢其事云何朝命復督迫制府堅欲行之松乃与約曰必不得已某任其事用人由某制府曰諾松退召僚屬廉謹者

四五人謂曰鋪捐事一委卿等但擇商民尤殷實者略取之事畢當以所獲數
至少者為上方吏知公意遂故延緩不行逾月果有旨責吏皆援違傳鋪捐公
聞之早夜進請使還然後白制府

十一日晴觀書書論稱或曰以德報怨何如子曰以直報怨以德報德所謂以直
報怨者其人賢而有德于人必善視之其人不良而有害于眾必惡所以除之不
以怨兮懷亦不以怨避嫌也唐劉仁軌之於袁異或真以德報怨者也若以直報
怨者其惟陸放與之於竇參乎

鄉峇里選法實與公峇相近三代下不復行矣然而漢徵辟其所舉人猶問采鄉
閭無心之評論魏晉以來立九品中正劉毅等已議其非法至隋設進士科唐人
因之於此州郡貢士皆投牒自舉矣夫公舉字而為自舉其得與失示何待言乎
十二日晴鋪外史

古人飲食用刀匕今人用匙箸然當商討時已有玉杯箸可知用箸古人已有之
後人但廢刀匕耳前漢時景帝賜周亞夫食不箸三國志載劉玄德聞孟德言

六三

失著唐書高崇文傳崇文討劉闢令士卒折民是著者新筆常用起著由來久矣
唐書穆宗長慶元年右補闕楊汝士與禮部侍郎錢徽嘗有舉段文昌李仲春以書
窮所善進士及掇出二人而高崇文不預文昌憾之言於上曰今歲禮部殊不公所取
皆以關節得之上命覆試黜所取十人而取徽等可知通關節之風自唐時已有
但徽等實是免耳然當時此等舉人殊寬故徽等僅狀黜而已若在宋朝必置極刑
史又稱唐李景讓不肯通關節可知當時此風甚盛

十三日晴詣池南高昌湖日中還估三招飲哺歸觀書晚雪霽

東漢光武与嚴子陵共榻而眠唐肅宗亦与李郭侯共榻而語當時君臣之分非
如今之朕爾亦可略見

十四日晴錄外史補語格致書院杏林故叔履勝仲英皆在為誠崇學教以重事
晚歸觀書唐自憲宗以來歷穆武宣皆以鎮方士丹藥殺其身前車既覆後車
不戒可謂愚矣長生非竟無生理要豈非藥所能為哉尤可異者以徐知誥之
人亦示以是術其壽至死乃悟晚矣

道士中有可取者如徐洪客：獻書李密請直向江都執取獨夫，號令天下，斬
棘集，勸唐宣宗屏欲崇德，自遜受天進福。王栖霞：青李昇夫能去飢嗔飽
喜何端，太平陳搏②封周世宗云：天子當以治天下為務，安用扼昇黃白管卓
然為仙人。

十五日晴，晴霞自津來，過譚久之，去友人每尚鎮定如謝安石，後折者偽矣，亦
實有非偽者。宗王景文：賜死也，與宋國基自竟，飲子神色不變，此非安石所及
矣。他如唐李藩實耽李石輩皆能臨死生利害不動其心，而非矯飾者。

十六日晴，日中集，晴霞銘伯謙飲于一品香樓，歸。

五代時馮道世譏為馮國老，子然親其誦，願與中書詩贊劉審交德，歎其能留
心于民事者。當五代播亂之際，從稱家保者半為盜賊，驅役或自為盜賊，亦能
以百姓為念，道雖辱身教代，而猶知恤民生，余獨歎其為人。

十七日晴，錄外史日中微陰，從船招飲，晴晴枚叔過談，伐壘仙燕生偕至。
世主皆私其子孫，於是不不能不私其土地，私其土地，於是在戰爭始起而民以無

六四

龔

龔憲鈔曰：漢高皇帝不知凡幾矣。我視五代創業之主，強半同時人。李嗣源在宗之弟也，石敬瑭明宗之婿也，劉知遠敬瑭之臣，郭威知遠之臣，使皆能不私子孫，原社稷唐虞，備賢之法，則存焉。傳嗣源嗣源傳敬瑭，敬瑭傳知遠，傳郭威，傳讓官，府曰境，是也。安有稱兵劫奪之事，而契丹亦何至入腹地，打草穀耶？惟其私子孫太過，卒不能保致自相奪取，或召寇患，亦復何益。

十八日晴詣龔景張歸錦外史，訪勢仁晤童亦韓及故叔近道，燕生盧論扶民權亦須有序，要在居王者漸散其權而已。今之許士民上書言事，即散權之議而議院之先聲也。余謂欲扶民權，宜先扶卿相，疆吏之權次扶百執事，郡守牧令之權次扶紳董生員之權，然後漸扶農工商之權。

十九日晴觀書，李泌為唐肅宗書討服安史之策，王朴為周世宗陳平定吳蜀出師之策，其於形勢攻取皆瞭如指掌，宜為世主所重。

古云衣冠不正，朋友之過，夫衣冠細事，而君子必謹者，蓋欲以外制其內也。未有懼于外而能敬于內者。故仲尼云：君子正其衣冠，尊其瞻視，儼生猶然而況帝王。

半鄰生見漢高洗且長揖不拜沈景見河間王政服不正箕踞時不為禮寧儀
見宗祖岸憤跣足卻立不前皆知所以正其主矣

二十日晴觀書以德報怨誠不免矯枉過正然有怨不報自是美德如漢光武
不忘朱鮪之怨劉知遠不報晉陽僧之怨趙匡胤不報董遵誨之怨元愛育黎
不報李邦彥之怨餘如班超不因李邑毀己而留之郭進不因軍校誣己而殺
之仍使立功亦皆有不可及者若夫恩怨不明且髮必報者如李德裕趙普輩
甚遺恨于後世宜哉

魏思溫說李牧業李夢說顏真卿聞邱仲卿說李筠皆操勝算以制敵者也真卿
故濟救業筠不用故敗

二十一日晴觀書代義救民之義三代下無有矣以孫浩劉銀之殘虐晉武宗祖
滅其國而擄之以不能明正其罪使得善於不平之甚者也他如秦銑王衍輩反
皆無辜被誅此世之所以不義也

劉宗毅檀道濟南唐毅材仁聲皆日壞萬里長城

六五

謝晦之先贖顏竣之父延之盧多遜之父德伊江阿之弟英發本朝皆有遠識者王忠嗣不貪功而多殺人徐知浩不貪地以苦百姓庶幾仁人

二十三日晴錄外史過午燕生來譚夜觀書

拓拔佳以胡人而知聚天下書李嗣源亦以胡人而知刊九經振頤為難得

晉謝安嘗子玄唐狄仁傑嘗子光嗣宋曹彬舉子環理皆可謂內舉不避親是
繼祁奚

唐宣宗云若太子立則我遂為閒人宋太宗云人心遠屬太子欲置我何地甚矣私其君位者至父子不相假豈不可哂

漢武帝任張湯尚文法嚴刻而公孫弘等以經義增會之宋真宗惑王欽若之言偽為天書而陳堯叟等亦以經義增和之後世所謂通經致用者如此

突厥至使橋唐太宗出禦之而突厥請盟契丹圍瀋州宋真宗駕臨之而契丹請盟其制敵之機寧如出一轍也

二十三日晴訪李驥澤余擬為中外古今九等人表一主人二天民三仁人四民父母

五社稷曰之事君人七民賦八一夫九夫盜

晡歸錄外史親書狀梁公不願知譖者姓名呂蒙正不欲詰朝士指者姓名皆有
雅量

漢疏廣不為子孫留財東漢楊震不為子孫開產業唐張嘉貞亦不為子孫遺產
世稱為美德余謂若使二人為君必不下于放勳重華也

黃南雷云君世及輔有宰相不世及故有置相一篇宰相之漸為虛位也自宋而
已於太宗雍熙元年詔求直言曰錫上疏言宰相若隨言信而用之非賢當擇而
任之何以置之若具臣而疑之若眾人也真宗咸平元年詔求直言曰錫又言樞
密公事宰相不得與聞中書政事樞密不得預議以致兵謀未精國計未善蓋
宋制以中書省樞密院對持文武二柄故錫云然而宰相權輕亦可見矣

二十四日晴觀書元魏時崔亮為吏部尚書立條年格薛琠上書以為若取年
皆不簡省否執簿呼名一吏足矣宋寇準乃相除官吏持例簿進準曰宰相進
賢退不肖若用例一吏職耳余謂君主之世人重於法故有治人而後有法

六六

民之世法重于人故有治法而後有治人如鍾選以資始所以杜用情之弊也
而隋才沈滯眾職不舉弊即因之使選嘗得人能秉公去取又何患焉故云有治
人乃有治法若夫氏政之世公舉法立則隋才自不患沈滯即掌用人之職者亦
不敢稍涉情私蓋為眾察寬罷之甚易也故云有治法自有治人

劉宗明帝作湘宮寺壯麗唐虞慮以為百姓費貲貼婦錢以為趙宋太宗子元傑造
假山姚坦以為血山太宗又自作開寶寺塔曰錫子疏云眾謂金碧繁煥其為法
唐太宗欲自觀起居注褚遂良諫之文字復欲觀起居注魏徵諫之至宋太宗時
梁周翰請以所撰起居注先進御後付史館起居注進御自此始
二十五年晴詣港南桃園勘地日中歸觀書

東漢官官之禍自和帝封鄧眾為勳鄉侯始唐室官官之禍自明皇以高力士
為監門將軍始宋一代官官所以無大擅權者由太宗不除至繼恩宣徽使也
易曰履霜堅冰至君子所以首防微杜漸也

宋太宗嘗花後苑觀燈乾元樓自謂太平即請史者亦必指當時為太平而江南

饑民都城外凍死，民為血山，時艱苦，民一居太平時，應有之事，蓋彼所謂太平者，一家之太平，非萬家之太平也。

二十六日晴，嘉軒兄弟過，譯自揚來，過午去，錄外史夜觀書。

宋得天下所未收者，東北之幽薊，西北之銀夏，西南之南詔，深為中國患，卒能晏然無事者，寇準、富弼、范仲淹、韓琦四人之功也。

宋魯宗道位客對劉后云：武皇唐之罪人也，咸危社稷，其功不下於扶佐傑李昭德，而王曾可方唐之李沆，蓋能弭禍于無形。

范希文柄政，願欲變法，故興學校，立學行科舉，令士須在學三百日，乃聽預秋賦，其意甚善，乃更張無漸，規模濶大，論者藉之，則當時奉行者，必有鈔掇不便於民之處，抑可知矣。希文卒罷相，而科舉新法廢，變法之難如此，令長未可得志，遂謂以名權立天下法，三年有成就，亦言之太易也。

唐王劉晏宗之富，弼嘗有富惠及民，可稱民父母矣。

二十七日晴，作卷孫頤齋書，過午大雨，雷震，夜觀書。

六七

王介甫上萬言書自謂欲致君先帝及其得志乃勸其主獨斷專任且宗旨在於富國強兵皆先帝之所無也故先帝而行事乃效法商鞅者宜致天下之援商鞅之時地小而法又簡故尚可以目前富強之效介甫時地大而法繁所以更出商鞅之下

二十一日晴漢之隋后稱與鄧皆名臣之女而宋仁宗后曹氏其父彬亦名臣也仁宗崩英宗即位有疾后精聽政能撥冗史洪事重委託綱要疑未決者介諸臣公議未嘗自決簡扼曹氏及左右未嘗假借帝疾愈即用韓琦言歸政此其簡置甲於馬鄧哉且有過之無不及矣名臣之女固自不同

李鄭侯韓魏公李忠武三人皆善處人主家處骨肉之間是日救叔過諱

二十九日陰微涼俄晴復陰觀者中原自遭唐末五代亂離之苦至宋建國以來雖未致太平而民頗獲休息乃有王安石以富國強兵之術以倡之遂致海內因撥民不聊生世雖多為安石怒而終不免于民賊者蓋始則坐愚闇無識其後遂狂執意見知民之怨苦而不恤以與異己者為難可無誅才害者當時預知安石者韓琦唐介孫固李師中呂海晏蘇洵也謹信安石者歐陽修韓維呂公著凡

弟及趙抃也為安石羽翼者呂惠卿薛向曾布曾公亮蒲宗孟呂嘉向陳升之
謝景溫鄧綰王珪王滂也濟安石之惡者李定王廣淵李承之葉祖洽陳舜俞
王韶韓絳蔡確童惟也力與安石為敵者司馬溫公呂梅富弼劉恕鄭獬王拱
辰錢公輔范純仁蘇軾蘇轍張方平元鎮孫覺程顥張戩李常王子韶孔文仲
呂陶楊繪劉摯之彥博陳襄鮮于侁也其安石之門人子弟不阿附者陸佃鄭
俠王安國安禮也

昌黎云道經是用介甫云經術所以行世務經之見重於後世如此然吾謂後儒
治經者多不能窺其本原故以經淑身者尚家而以經蓋世者蓋家三代以上善
政善法所以可行者由於封建議院相輔實君民共治之天下故上下甕隔之患
而政和民安後人讀經者雖半注意于封建井田學校而忽于議院之制此其所
以不知本也議院之見於經者孟子洪範述其意周禮序其節書敘其事而兼詳
其制如小司寇之全謂命甫求欲致君克弊而法周禮宜先立其制度一切安
法威德公議則法無不日進即如書苗保甲均輸法如何至病民乃昧此不為而

六八

往欲獨斷以行新法失行之意矣不崇其奉而廢其末末事之漸不亦難乎
秦漢以下治法得經術之意者惟兩漢之徵辟元魏之均田唐之府兵

以一人舉十人不如十人舉一人說之孔子曰推十合一為士而顧曾玉為皆
作推一合十疑注以為從推十合一為長蓋學者由博返約之意余謂若從推一
合十之說自公舉意

宗咸亨時嘗請乘西夏國危子弱滅之復河南乃郡縣而其宗不從慶曆時朝
議頗欲因夏主涼祚幼弱而取之復為安撫使種琳而種琳者皆謂其城會至元
豐四年間竟用王珪俞允神符等謀輕開邊釁致有承平之敗官軍死之喪夫
殆盡夫帝之不棄危不代表誠不得為過而後之決然用兵以損威者則神宗誤
用小人之言亦安在何言富強自以啟之耳

漢之直不疑字之徐精皆愛誣不辨且僭人之金以為高金謂終非中庸之道
蓋自誣與誣人無異不辨可也復僭人以金是白誣矣如以自誣為當于理則孔
子見南子何必自矢以天厭乎 不如孟子與館人辨竊
廢事而不欲自誣也

八月初一日微陰觀書王安石欲復古學校言科舉蘇子瞻致人近人梁啟超復
致子瞻之言以為科舉合于學校千古傳誦荆公當時無助而致後人廢其學校
之闕議而沿其經義之偏制道甚一日不知當日荆公之法何嘗不行所謂
三舍取士神宗已舉其法于歲向至徽宗時遂推行於天下盡罷科舉有士志由
學校乃史稱時人頗患苦之且議其法曰利貴不利賤利少不利者利富不利貧
故至宣和三年遂罷三舍復用科舉則此法當時必有裨弊且終於有名無實
抑可知矣夫古人之良法美意為欲行之後世而有實效且持久無弊必自開議
院始周禮小司寇之職掌外朝之政以致萬民而詢焉一曰詢國危二曰詢國遷
三曰詢主君其位王南鄉三公及州長百姓北面而東面而南東面而安石安法
不以此為先而併如意於科舉學校則其法雖暫行而其不能持久也決矣何也上
下之情不通公議無權則法行無不弊豈特學校也哉
子與氏曰後法不立以自行故必有涉人而後有治法何以能使帝自治人必設
議院以舉之法而後故又曰有治法而後有涉人

六九

唐張柬之定武氏亂以除惡不盡復構三思之禍宗呂公著反元豐之政亦以除惡不盡致鉅聖諸小人倒行逆施蓋君子或可容小人小人必不能容君子也

初二日晴詣惡東時新館結山根虎臣筆談日中歸檢書胸訪平陽先生晚歸

觀者蘇氏兄弟尚安石之法皆能以極諫被譴及元祐時子由復力斥呂范調停之說不可謂非其何於揚異之請進用呂惠卿章惇黜范純仁竟無一言以助異且請其釋文以請純仁是何必耶厥後紹聖小人競進楊畏實為戎首則子由不得辭其咎觀於哲宗力反元祐之政復章惇呂惠卿等官雖若惑于小人之言實則故與宣仁立異蓋太后在時母孫必有嫌隙故宣仁臨終有告范純仁等語哲宗自欲泄私怨于家庭遂縱諸小人荼毒天下其罪可勝誅哉

李清臣於哲宗之寵文者博曾布於而太后之立端王似皆持正論不附章惇者其實以与惇有私怨故也又蔡卞之諫用童貫亦因与童不合蓋小人偏發論述以強事固私便云無私心不為公論信然

初三日晴檢書將於九月間入都故茶上書皆納筒中夜觀書

自法家創愚民之術欲使一姓子孫常得肆志於天下而其流極致小人得志并
其君而愚之如唐仇士良致世而教其黨勿令天子請書宜以者靡娛其耳目宋
齊郎方好上書徽宗云蔡京日以花石禽鳥為獻欲愚陛下使不知天子欲亂豈
不可也後劉摯得上書言陛下母乃未

漢朱雲以折檻諫宗程本以碎衣諫世主皆欲留以旌直前後若出一轍

俗儒豎稱天下一家中國一人夫天下惟有一家故破盡天下之家而不恤中
國之文惟有一人故字畫國中一人而不顧此皆法家絕大宗旨

李斯對二世稱申子云有天下而不忍睨命之曰以天下為桎梏徒營形損神以
身徇百姓若堯禹然則是黔首之役蔡攸勸宋徽宗云所謂人主當以四海為家
太平為娛歲月能教何宜徒自勞苦

初四日晴嘉軒過談清亭茶至留午餐映始去觀書

孔稚珪識周彥倫作北山移文曾誕識郭浩作玉山主人對客問

梁蕭衍之困于臺城也始終誤于朱异宗徽欽之見虐于女真也始終誤于王
七〇

蕭人不知大計壞人家國一至於此亦棄師之清宗而為金謀主蓋與侯景之叛梁無異
初五日陰檢書符過于觀書

用兵有利于速戰亦有利于緩戰者如哥舒翰拒崔乾祐于靈寶李光弼拒史思
明于邙山神師道拒韓萬不于汴水神師中拒粘沒喝于殺熊領皆獨緩戰乃能
有濟卒為楊國忠魚朝恩姚平仲許翰所誤以致敗北惜哉

宗字之虛中為徽宗弟罪已詔與陸宣公為唐德宗弟罪已詔無異然而德
宗能收復故都徽欽卒被虜者以德宗尚能信用陸贄預聽其言徽欽不能堅任
李綱耳且徽宗實有不如德宗者德宗用虛杞坐不知其奸祁徽宗知蔡京之奸
者也乃屢黜而唐用之所以更出德宗下也葉林得譏其未能然於胸信然

李忠宣為主禪位之議亦因徽宗昏庸不可任大事故欲更立君以振士氣以保
宗社詎料欽之視徽亦猶虞舜之視堯也

強敵猝犯京師則天子出幸以避寇自古決大計者每以為非然而唐之明皇德
宗皆出避敵者也卒能恢復廟社明之懷宗不出避敵而明祚遂亡其以不避敵

而存者于忠前之禦也先是也避敵而失天下望者宋高宗之南渡是也余謂避敵一事無所謂是非但所任將相得人与否而已唐之避敵而存者以能專任于譙也宋高宗必降督外任郭子儀李晟也明景泰之不避敵而存者以能專任于譙也宋高宗雖避敵使能任韓岳諸將中原未必不復明懷宗以不善用人致強寇猖獗即事都南遷亦安能當本朝之兵政如國之存亡其要皆在將相之得人專任与否則不在避敵与不避敵也宋靖康元年金人渡河犯汴欽宗任李綱以治兵可謂得人矣會欽宗命岳將避至襄鄧李忠宣痛哭挽留欽宗感悟而止遂許戰守具以禦金人蓋即于譙禦也先之策也然者謂忠宣失計焉當欽宗之行也宜聽其去而留上軍之半駐城內增募壯士以戰守自任外倚神師道堅不許金人議和則韓岳不來必得志而國事非不可為也惟欽宗自留城中金人始得以議和誘以李邦彥始得以求和阻之由是種李二公之任不專徒髮指日怒卒不能有所挽救遂墮金人計及粘沒喝再來二帝竟蒙塵矣雖不避敵而何益國事耶噫忠宣之于宗室可謂忠矣惜其不能審度大計以成其志也

七一

初六日晴極有走訪陶心堂晚歸衣薄感寒夜發熱早眠

初七日晴避風不下樓觀書是晚見中外報館傳單知太后復垂簾

謝安寇準宗澤三人皆能臨大敵而博奕談笑如平常雖近禍劫而實足鎮定人心不可少也

初八日晝晴過午秋氣未登樓視余之邪威猶未盡也秋氣告余以駭人之語謂得急雷云云不敢信兩夜醫來遂服其藥

世或以今日之和為是逆歎為昔日之秦檜原者甚大不然夫檜誠宗之奸臣也當是時外有韓王岳武穆矣至劉錡諸將皆有材勇能用兵者使能宣統令明當與力與金人戰中原無不可復豈可與今日之時勢同日語哉且金人之患於肯與宋和者亦深和不能與宋敵者方可看宋必為元世祖矣尚若南人之偏安耶或曰日本之實力實能吞中國者何以肯和曰此因歐人通商牽制故耳否則必不免焉漢之日奪決非金比而宋人亦非今日之中國比也

初九日晴密坐樓中覽報有嚴補原長素之說

初十日陰過午下樓覽文選日內嘉軒陰亭屢過談笑日又明奉旨緝捕十六
人有諱詞同張元濟楊深秀楊銳林旭劉光第等日為逆黨下獄索長素至吳
淞口為英兵輪所劫否亦被獲蓋亦密旨令上海道嚴緝也朝旨大定肅在都
為上信
任官增設農工商局為守備軍備所不惟以是官稱

十一日陰

十二日晴燕生過諱有人傳述此次朝政之變為俄人播弄蓋日臣伊藤至京朝
臣有請留伊以備顧問者俄人聞而大懼恐中國政權漸歸于日本因以危語呵
喝五大臣云維新黨人潛通日本謀殺逆王大臣為恐人告教有以此未知事屬實
十三日晴詣馬官報館晤拉叔復詣述成叔習此堂過勉齋橫談映翠晴杏孫
晴霞偕至藤算同車遊松柏園蓋為年姓者所居亭廊曲折有荷池歌許花葉
娟娟可人杏孫子均溢小舟入蓮葉趣甚晚大雨雷響
十四日微陰觀書昔唐裴晉公以恩撫秦州之人深事忠堂以一言活建州之民
民皆感更生二公可謂仁人

七二

梗

日中在嚴後者處午後開奉旨康廣仁譚嗣同等六人皆於是日正法

十五日陰雨母感寒胸膈結轉數日未愈是晚延醫曾某來診視服其藥

十六日陰雨嘉軒蔭亭偕過諱觀書薄草勉齋至

秦檜至和而金人屢敗盟入寇則當日之和實不可恃明矣無怪諸君子之硬議

也且今日李傅相言和未嘗議撤守備秦檜則撤備奪諸將兵權言和忠矣則然矣

傅相言和未嘗戮一主戰之人秦檜則留殺戰將屢興大獄凡與抗議者無不連

坐以罪誣斥疏盡則檜誠無以自解于後世矣要之當日以野蠻攻野蠻其勢可

相抗非如今日以野蠻拒文明之師也當日所可原者惟有王倫一人彼不過往

來奉使傳命而已和議非其主謀亦無所謂贊成厥後卒能不屈于金見殺則固

猶有氣節也續綱目謂其有可殺之罪寬哉

十七日雨覽報紙上諭宣帝康有為罪狀始知有結黨謀逆置太后事蓋先欲

剪除太后黨用故樞密旨令袁世凱擢榮祿即以新軍入都移宮袁不從以告

榮祿榮祿密告太后太后震怒故降旨嚴拿康已遁僅獲其弟康仁及徐致靖楊

深秀譚嗣同等七人後徐致靖免死其餘六人皆斬西市張蔭垣亦不赦有詔成選
十八日而母疾小瘳親書哺微晴

梁曹景宗書敵二將和故有鍾離之捷宋題忠節宏淵二將不和故有符離之清
師克在和洵不誣也

人患不自知者自知焉雖其材質驚下不能安于恬退者亦豪傑也唐鄭絳以多
為歎後詩立為相縈疑恐以為歎後鄭五德宰相時事可知縈讓不獲乃視事晉
周瓌辭三司使曰臣自知才不稱職何以進事見縈猶勝買龍從幸此文皆有可取

自來屯田之法行於邊境者居多至唐末中原宿兵所在皆置營田以耕曠土後
周太祖罷之及金人取河南慮中原士民懷氣復創屯田軍凡女真契丹之人皆臬
節徙居與百姓雜處計戶口授田使播種至元入中國而天下始皆列屯田矣

十九日陰觀書日中杖叔迺譚偕詣燕生病不能見成至昌言報館聞上復有不
諱之信詣陶心雲絮談歸而

張柬之於武三思趙汝愚之於韓侂胄皆輕視其人謂其易制卒受其禍

七三

尹焞以程策有誅元祐諸臣議不對而出華中行以家狀必令書不是偽學五字不願考校是皆能自立者

二十日晴詣嘉軒謁映訪峻齋晡歸觀書日光滿室

漢諸葛武侯治蜀嘗欲集思廣益以理諸事唐太宗為政每事令宰相諫官公議宋曹后聽政有未決者令諸臣公議未嘗自斷岳武穆用兵輒與諸將領聚謀上定而後戰富宗時劉珙上書請選大政付大臣公議勿徇己見蓋以一人之智慮百事不如眾人之智慮一事

朱子社倉法所以能使民而可頒行于諸路者因所設社長里長皆由公推聽民自理所以無弊若朝廷一為設官則無有不擾民者

二十一日晴造孝孫廬雖諱晡詣連成堂方備茶果待款伊藤長中藤南自津里滬欲來觀堂室規模薄暮歸觀言

真西山既知蒙古滅金非宋之利但可勸朝廷堅固自強聯金以拒蒙古不當驟請絕金成幣乘人之衰危而背盟非君子之所為也厥後宋人助蒙古滅金卒沒唇亡齒寒之禍曹先生不待詳其詳

二十二日晴觀書

李業謙元王皓王嘉貴貽任水馮信不臣于公孫述楊震仲陳成史次秦李道
傳節性甫不臣于吳曦皆西蜀遠識之士知其必敗不甘受其竊廢也

梁上納侯景南宗之納李全平致叛亂由是可見敵國叛臣未可輕納蓋天下
之惡一也

劉晏理財以濟國難而民不病孟珙備邊後漢以扞邊患而民不知役是為至難能者
元耶律文正可謂仁人太宗每謂其又為百姓與耶則公平日所行陳者可想見矣
其言曰興一利不若除一害生一事不若減一事真得治攝亂世之法

二十二日晴觀書映訪俞怡士暮歸晚漱七絕二首輒譚復生錄之

慷慨悲歌氣若虹志扶赤縣有陳同可憐字法須流血莫讓先生血獨紅復生放
外國使館人未言可以保復復生慨然曰丈夫不作事則已作事則在遠時自
一死何足惜且外國安法無不流血者中國字法流血請自陳詞同結構
酒徒禪把臂旁前年與燕生雁舟仲其乃復生共飲於外國之於生死等鴻毛何
期當日竹林友坐看先遊法界高丙申秋與復生雁舟遊生讓柳中如仲遊公映
一條拿題一偈云幻影本非真願鏡莫狂走他七四

年法累人者
日竹林友

又成七絕二首贈李傅相云縹野亭前春草生滿朝風雨使人驚誰疑文母恩偏
重記召節年淮蔡平 箕子無疆折生白髮可憐余玠被命居任他慣作此類
撼古柏蒼松老更清

二十四日晴觀書常古息必引問張德輝曰遠以釋廢金以儒亡有諸對曰遠事
未周知金季乃所親親軍執皆武弁世將惟用一二儒且及編軍國大事又不使
預聞然則金存亡自有任其責者忽必烈然之今日也教師謂中國亡於孔子教
不知孔子教實未行世非無補儒者人主輒以俳優畜其人亦以俳優自待
實消儒於孔子何与耶蓋猶當古之謂金以儒亡也或謂中國亡於佛教不
知日本佛法最盛歷辛以興國釋氏亦何負於人耶安以此等浮妄不究事理之論
五代史劉知遠稱帝議率民財賞將士夫人李氏諫曰陛下因河東創業未有惠澤
其在而先奪其生之資殆非新天子款民之意請悉出宮中所有營軍卒吏理宗
時召金昭孫女入宮問曰尔父沒於王事每念之令人可哀對曰妾父可念淮湖之

民尤可念也帝異之幼為太子妃

二十五日晴覽文選映詩島言報館晤德御爾自津來談久之與同車訪浩吾
或遊張園及松栢園晚復約浩吾共飲于外國酒樓

二十六日晴觀書室戶數將殉節猶為二子行冠禮元許衡疾革猶強起祀先
雖近迂濶亦可見其至死不愛之概

定本上桓即欽碎蔡京所獻大食國琉璃酒器元太子真金御江南行省所獻歲
課羨錢四十七萬出雖未節亦足風厲後世

二十七日晴覽報紙知太后諭自今取士復用四書文並詔各處封禁報館捕拿
主筆者可數日申詣嘉軒談映歸觀書

三代之法不行久矣後世請復封建者有蕭瑀請復鄉舉中選者有楊館請復學校
者有王安石蔡京請復井田者有林勳卒無請復周官司寇為議院之制者不知卒也
元喬履謙為國子司業議立升齋積金之法每季考其學行以次第升詳理俱優者一分
詳平理優者為五分歲終積至十分者為高等此頗有泰西學校之意

七五

二十八日晴嘉軒過譚白午去薄暮詣枚叔譚晚嘉軒招飲外國酒樓

二十九日晴履平至自杭下榻余家明訪英教士李恆厚太

宗太憲光義將其兄臣亂而傳其子允侃元仁宗阿育於背其兄海山而傳其子
碩德八剌甚矣不私天位之難

自古以大義滅親祿者周公於管蔡石碣於厚李璵於懷光脫於伯顏

九月初一日晴昧借履平話李廷同中游張國若話俄復至恩園登其西偏之小
樓斜日迴照秋柳扶疏窗外薄暮三人閒步下樓繞道至平園觀殘荷時漸昏黑

詣李孫家晚食諱久之復與履平至張園是夜放煙火雜劇

初二日晴履平昆季過譚福儀院極暢俄李孫月望偕至留共午餐集於第一
樓釋膝亦在座暮歸家茶

元左丞尚文却嘗胡所獻押忽大珠之語較之齊威王折魏惠王所謂珠與十二乘者尤為明捷正大
初三日晴高書星輝明履平赴蘇登舟余往視次申晚歸觀書

元文宗后宏吉刺氏能舍其子燕帖古思而立明宗子妥懽帖睦爾不可謂非公卒為順

帝所繼從不免負德雖此宿吉刺氏曾殺明宗后八不沙順帝蓋報母怨也

宋太祖之母杜太后元世祖之宏吉刺后皆能於開國之初而有亡國之慮不可謂無遠識
初四日晴妻弟歷東忠刺甚重晨往視日中瑞映燕生過談

宋徽宗多能惟一事不能不能為君元順帝亦然變之諫所謂對症下藥也

明太祖初起兵時攻城克邑戒諸將不妄殺人推誠待眾卻方國珍等子販陳理
降民寬仁大度有類光武何於定天下之後反遣殺戮戮元功宿將殆盡涼國
之獄死者萬五千人其殘忍近武聖朱溫而猶忌過之蓋前後君兩人也

初五日雨過午微晴晡視初申晚歸觀書

初六日晴觀書元春定以鐵失之亂而罷大臣兼理軍務明太祖以胡惟庸之禍
而罷中書省政歸六部可知世主改革政法無往而不為身謀也

宋元禮未後日之事歷武后柳傑之事朱溫陳瓘免綱之事明燕探皆以好殺竭
其上方也然卒不免自殺其身謂無天道則余不信

靖難之禍當洪武九年平遙劉導葉伯邑上書預言之可也漢之甯生吳若魯春

七六

黃子澄輩特朝錯之流耳

明官官之初如子成祖累以中官典軍及刺事蓋請難渡江時內且多進入北軍

滿朝廷消息因以為忠而任之也以一已之私禍貽三百年又如太祖怒蘇松

額獨重而甚民亦受困數百年未已甚矣
萬姓之苦無算於一人之喜怒可悲也

初七日晴觀書簿著詣燕公談

元世祖時詔詣路華儒吏云儒必通史事史必知經史者蓋當時猶無專儒殿史

之習至明永樂有御史勿復用史之詔而吏自是益為人所賤則其人愈不自愛是

繼其為非也且觀民事者又莫如吏而吏諸事庶鮮恥之人民獨何辜而宜聽命于此輩也

縣令者親民之官也而自古及今每以輕視其職故有以處流品濫雜為稽紳所恥

如後魏時者有以處縣說無能如五代時者有以處倉庫老懦清洗不與人如宋

天聖時者其視民固賤則親民者亦所必賤無幾

初八日晴觀書南北史調用人之法始於明洪武十三年

初九日晴觀書日中申為其太夫人拜題主禮余往襄助跌至張園浙人台宴星使許少質觀後

宋文潞公救唐介事後世咸稱獨明者皆以為潞公市恩歸怨朝廷不顧效之也
文達亦君子也福者莫能言其是非余得而人皆可取第所見不同耳凡事須論其
心而略其迹若潞公實有市恩歸怨之意則雖救唐介亦不足稱惟絕無其心故為
美德文達欲避此嫌以是不救羅倫所以亦不失為君子

初十日晴日在次甲家是日設奠甲者踵至

唐高宗謀立武昭儀為后先以金寶符帛賜長孫無忌宗真宗欲崇奉天書先以
美珠賜王旦明宗帝議廢其姪見深而立子為嗣先賜陳循高穀百金江湖商賈
等輩之益皆欲絀其口也隨其術中者自不敢言言之則愈觸忌

十一日晴日中詣次甲家送瑣簿暮歸夜觀書

宋孝文靖玩為相時日取四方水旱盜賊奏之且旦以為細事不足煩聖聽沆曰
人主少年當使知四方艱難不然血氣方剛不留意聲色犬馬則土木甲兵禱祠
日事作矣明孝文達賢常言內帑餘財不以恤荒濟軍財人主必生偏心而用之
於土木禱祠聲色以故頻請賑貸恤邊本朝自武襄揚古征噶爾丹凱旋諸將皆

七七

啓布宣功績獨揚古奉但述士平於某處絕糧某處迷路某處敗績幸賴主上洪福得無虞或問曰天子深居九重見成功之易如此必欲其好大喜功之心軍士勞瘁不可不令上聞之庶可消窮兵黷武之事也三人皆深得大臣體

十二日兩訪陵齋即還返午觀書

宦官中之賢者世稱漢呂彊唐張承業及明之張永乎謂張永本劉瑾黨與高鳳羅祥等並用事時魏八虎其後誅瑾非其本意特以私怨相攻為楊一清所用故誅瑾實一清之功也永安得此于彊及承業耶餘有不甚著名而賢于永者尚多如漢良贊自諱不敢為隋明懷恩正色言新君宜用正人曰義方爭彊說皆難能而可貴者

張璉所學與獻典禮頗有深識未可厚非且其後於何淵之請祀皇考太廟亦持正多叙太后弟張延齡下獄璉又力救其人非無可取惟於當時異己之諸君子排擠不遺餘力是亦古今有之流耳

明世宗八年廣東金事林希元上言論叔荒缺得要領能舉而實力行之可饒美富鄭公朱紫陽

十三日微晴薄寒詣江寧舟視治中蓋是晚扶柩赴江甯日中歸午後觀書

張江陵法家身也故其為政以尊主權嚴名實為主是以亦能起衰振惰言富

強者可以師也若謂民受其惠則無是理觀其為曆八年度民田而以溢額為功

致有司短編步弓以求田多後遂按溢額增賦其病民不勝言矣

方達時上言封疆之事無常形何必責市非而戰守亦可謂通達事理之論

小人固足誣天下君子而時於事理者其誤天下亦不減小人而中國草昧之世

君子往不通事理明中葉後蓋甚通事理者反在小人此小人所以蓋得志也

十四日微晴觀書是非淆亂至嘉隆以降朝士之論議而已極矣如張學教事與

獻事其理本正而士夫至欲撲殺王錫爵力爭廷杖請罷織造不愧諫直惟不

能阻並封招逆欲一切歸罪高啟憲以奔命以命高命題誣其為張者自勸進方

後哲嘗將未能止紅丸至斥為狂逆能如李三才頗得民心以命為被劫能逆獨

自膽略知兵以破壞疆事被論下獄死逆後又猖狂和戰之見致寬殺袁崇煥陳

新甲而明祚遂墟許國所謂苦身忘在權貴今在下僚者顛倒是非在小人今

七八

乃在君子宜順切中當時後事者亦未可得時君子惟君子之不

或曰然則議院不可開乎曰是不然正坐無議院耳無議院則士夫士者者者競

意氣並尚私智徒亂人主之耳目而無所折衷其害愈甚有議院則公舉有法辨

難有規諫訪有使總制有人從違重一私氣無所施私智不得逞收庶益之效無

魚床之弊民智日進公理愈明尚何虞乎

日本深山虎太郎曰公議之國人人皆愛國之人獨裁之國愛國者惟有一人即其

君耳痛哉斯言予謂獨裁之國以億兆人身家性命繫於一人之身其人不必大無

道也即喜怒愛憎略有所偏而天下已不勝受其禍時西門內有新屋可住居是日舍

小渠前處皆菜畦時統緒

十五日晴觀書唐德宗初即位頗疎斥宦親任朝士而德涉薛岳相繼以職敗宦官

武將皆曰南牙文臣職至鉅萬而謂我曹濁亂天下豈非欺罔邪於德宗信疑不

知所倚仗明莊烈即位盡撤鎮守中官委任大臣既見廷臣競門戶不足倚乃復遣

宦者王應朝等監視諸軍鈎校高格廷臣力爭帝曰諸臣若瘖心為國朕亦何藉內

臣意因嗟廢倉住世矣

十六日晴以卜宅故入城禱神得籤語吉

其詞云萬年玉立近清溪傲雪凌霜勁節奇不必蔣生三徑湖月明先有鳳來

儀斷云竹

日中歸問以官李筱老至自廬州往謁暮還夜觀書讀選詩

唐劉瞻敗原州刺史鄭政革制曰安敷飲之居仍非己有却四方之賂惟思人知路

岩謂政曰侍郎乃表薦劉相坐貶梧州宋趙汝愚罷相鄭澆革制曰頃我國家之難賴的

輔之精忠持危定傾安社稷以為悅任公竭節利國家無不為坐無駐詞亦免官

十七日晴觀書

據孔世雖無議院果能州縣得人民亦賴以粗安願得人与否非地方之民得操其權要皆

聽命于氣數及時運而已運盛則吏賢民樂運衰則吏不肖民苦非民得自主天地惟議院

開公舉法立人始得與天爭勝於吏吏常得人不能命于氣運矣

平陽先生云據孔世治法尚安靜轉事過繁民無不擾觀古循吏多有此意斯言

當矣然古亦有興事而不病民者如劉晏理財百姓不困孟珙興役民忘其勞方克

勤徵聖曰稅吏不得為奸去何故歟余謂能如是者必其精力智慮德量什倍於人

七九

故用人而不敢欺理事而事無隱情使牧民者才盡得人如是則何事不可為然
而豈易親哉蓋千人之英萬夫之雄而拔人于千萬未敢期于必得也况非公舉
之世詎能望于半帶銓注之守令乎是以苟無其材不如簡靜與民休息雖無興
利亦不增害

十八日晴視書古人禮制甚精惟喪禮中父在為母服期庶母無服期不合天理
人情之公明太祖洪武七年命諸儒考定古人論服母喪者四十二人願服三年
者二十八人服期年者十四人遂詔定為父母皆服三年庶子為其母亦三年嫡
子眾子為庶母期年太祖此舉直如集古人為議院而從眾者可知從眾之法行
則事合於公理者多

十九日雨觀書明太祖待臣下極嚴苛動加殺戮然有一事可取蓋帝時天下守
令極生小過被逮如曹震余考誠輩甚夥然或以良吏被釋或因部民乞憐乞留
旋遣還且加賞賚有因以起擢者至英宗時于謙巡撫山西河南獲罪論死吏民
伏闕留之得釋蓋有太祖之風

二十日陰過午晴觀書明太祖罷丞相權歸六部置大學士備顧問秩正一品故永樂時解縉等入閣皆編修講讀之官即仁宗即位始以尚書侍郎兼大學士副職漸崇大學士之為宰相自此始明宣宗始置巡撫官蓋遇災荒盜賊則遣往巡撫事已古還成化以後遂或令員而三司之任漸輕巡撫之為疆臣自此始

二十一日晴晴訪書孫偕至徐國親女優夜歸

二十二日晴觀書學政官始於明英宗正統元年從黃福請南北直隸置御史餘置按察使命事掌之學校之有坊學生始於正統十年從知縣楊瑄請創舉為國子生始於景泰四年然當時惟許生員納粟

廿三日晴心潛將至訪其新屋晴歸觀書

言路之開前明勝於本朝其上書者不必皆有官職也如葉伯巨以平遠訓導上書郭佑以監生上書李懋者仲昭以編修上書徐佳以刑部吏上書孫若以進士上書楊椒山以兵部員外郎上書海瑞以戶部主事上書如斯類者不可勝計然而終與袖手有明之治者何也言者在下而聽言者在上一操其權下不能奪焉

八〇

言而不見信譬諸喻虎豕以理勸虎狼以仁多言亦真豈耶惟閣議院使提出于下而當事者得操之則無患天下之不洽

廿四日微陰故叔迺談今日中國之反覆小人陰險巧詐者莫如西湖德督張之洞為甚民受其殃君受其欺士大夫受其愚已非一日自新舊黨相爭其人之罪狀始漸敢露向之極。推重者皆失所望甚矣人之難知也

廿五日晴止潛至自津余往迎候。晴歸

韓侂胄以俳優惑宋帝宗使斥朱憲阿且以俳優寤明憲宗使去汪直二人。用心不同一欲傾君子一欲除小人

廿六日晴觀書過午入城視新屋。晴詣叔叔談晚譙飲止潛家

明帝宗時因經為戶部尚書於監稅官課入多者報與下考與進時江官布政司

松壽命人徵舖捐所獲數少者為上考同一命意

松事見七月初十日記茲不贅述

二十七日晴觀書晚讀并卷。齊詩之友證復生作也悲壯蒼涼有杜少陵白香山意。補韻平陽先生談頗悟佛家頓漸之旨蓋天下事無論精麤鉅細處者必以頓言

者必以漸平陽有哭此烈士詩四章錄之

悲哉秋氣忽揚塵命絕荆南第一人空見文章嗣同甫長笛名字既需均英魂何
日忘天下壯士竹期得海濱遺恨沉江流不盡何年蘭芷為青春其秋風夜動釣
龍臺三峽猿啼蜀客哀獨秀才華鬢死去雙忠魂魂悲歸未清飛閣海愁難盡
暗岷山慘不聞最痛甯生年弱冠一刃若政骨橫苦三晉人荒二百年欲憑壯
志挽山川十年京國避認馬一夕津橋鳴杜鶴徒抱精誠填北海更無區復起南
天寒風燕市林山血萬古長留氣浩然三春秋行說信非誣嶺海於今出鉅儒兄
弟承恩宜室席君臣同難素王書無衣孰為斯人歎此骨難求大俠儲不反兵難
何日復 西望痛矣如

二十八日晴向午詣止潛譚甫往視鴈望于滄南製送向維譚

二十九日微陰翔士過向午訪育鉢羅居士不遇甫見叔叔晚始晤宵鉢夜偕省
山觀優連日不讀書無所記

三十日陰檢碑板張為生至自津旅中虹橋往視譚都事惆悵久之即馳車詣味
八一

花園杏疎及其元寃之置飲款賓鉞開軒而平蕪草樹整淨微雨澆然至賓鉞愛
子考廷年十二韶秀玉立余携之嬉遊園中且登其凱第之角樓俯瞰馬車駉驛
至四望煙樹蒼密天猶沈陰而已止矣暮歸夜秉燭作上叔艾書

十月初一日陰整仙童握訣留午飯去檢書簿著與陰漸至二北渡橋觀菊花會
多佳種肥大可愛

夜觀書宗安兩之謀美熾明仇鉞之誅寔錯皆利在神速猝不及防王陽明之平
寇湯亦進明之李東陽雖不能如劉健謝遷之力爭劉瑾然能保全善類可以媿
美長樂老人

初二日晴晨入城至梅菴書院補立福外曾晚歸途見叔叔凌霄古石燕生四人
偕行下車詢之知相約來訪遂同至余齋圍坐著談二鼓始各散所談多奇理不勝記
余贈叔叔以寒梅獨鶴四字首其性格叔叔贈介名曰胸居墜石余又謂凌霄有如
鷹狀叔如鶴燕生如雁

初三日微陰晴微雨觀書

趙宋極有中原而東連西夏皆與抗衛遂先為金滅西夏以二湯之地延祚亦至
數百年與宋或相尋至蒙古強盛始亡國元人雖建國不過十年而順帝北徙
祚祀未絕其後鬼方亦小天子猶屢擾明邊至天朝興始亡然天山北路如四衛
拉部皆元裔其後亦以叛始撲滅

初四日雨止潛過諱晴冒雨登舟與止潛同赴杭余以菊苑自隨是晚舟中對酒擊浪
初五日晴霽舟富射經停極暢向午以熟菜助飲日眺心游得十字么白菜黃
花綠酒碧波紅樹夜二鼓舟至拱宸橋外

初六日晴晨舟抵新馬頭舟與入城與止潛先至楊雪漁家屋曲折有池館出與止潛
下榻其間金坐良久即往謁叔父皆無恙午後過威族教處諱夜作家書

初七日微陰詣介軒弔喪介軒父病歿謁吳左師諱晴至旗營訪貴翰香翰香亦主持開儀
院者謂議院為根本根本不立枝葉不可為云議院公舉之意行有以逆大行之有六義
初八日微雨止潛及堂先生偕至留下視松楸飯于墳親吳老泉家晴歸舟與緩行
山麓舍出林竹叢密數里涼亭有慈人皆家戶出資營成微舍公理

八二

天演家言以人勝天蓋以天為勢也自然也無知也以人為理也當然也有知也覺
日進必使理勝勢當然勝自然有知勝無知

初九日晴白晝有與出詣戚友教處夜觀書

耶律文正謂興一利不如除一弊為法極亂世之名言然自今思之陰弊亦難觀
於明嘉靖時行一條鞭法合甲甲均徭雜稅總徵之吏得少與民親情極簡便似
亦除弊之一端然諸役冗費名罷實存有司追徵如故民所出賦役反增于前黎
州先生言之詳矣是非欲除弊者反增弊乎可深歎也讀後漢書熹苑傳所謂不
禁火氏女作二語益悟此理

七八月間新政行時有許都屬及府道等上書得為達之論此事明萬曆以前皆
然觀于楊繼盛海瑞等皆以尚外部主事上書獲罪者也至萬曆十四年以達儲
事大學士申時行請帝下詔令諸書達言止及所曰職掌聽其長擇而獻之不得
專達蓋自此始

初十日晴晴為六姓行聘初者禮物及登彩酒醮擇期日行禮婿為張勤果之子瑞理

十一日晴水人至焉楊會迪漢止潛毛彬士樊霜莊四人復敦請陪宴者數人
半皆杭城諸老如吳左泉所陳藍洲或劍南王壽莊等飛觥暢飲日昃而罷
家來賸物皆循杭俗答亦如之是禮也古稱閩名餉采

十二日晴東行裝將近海王屏扇與諸謝誘友賀者味進藍洲文執盧雪漁止潛勉
撫皆在因与止潛借出城止潛赴蘇吳舟与余同舟者希尚至先將至上海松
書院肄業舟中聯榻余復以菊花隨海著舟泊松宸橋外俄轉船更行夜觀者

十三日晴風日加午風甚舟近嘉善繫纜岸左候至晡風微息鼓搖行夜入黃
浦波甲岸湖皓月如畫素燭觀書四鼓到港余已眠

十四日晴平明登岸至家屢中几案皆空蓋遷居事漸就緒俄至新屋鋪陳井井
書畫燭列明透希尚入梅新書院去新屋祇里許晚後出城明日始進宅

十五日晴日中奉母並來家人入新宅祀神鳴燄親友多賀者是屋在西門內地名
靜室蒼涼夜月色甚皎

十六日晴出城至棋盤街買筆詣仲選諱開德卿在此訪以昌言報館略作數

八三

語即他往歸復主楮書院時經翁先生坐良久返者孫來徘徊宅左右流連久之暮去

十七日陰詣日輝港桃園地去西門三五里夾道多柳疎密高下幾萬株歸途遇雨至甯雨甚冒雨歸檢書晤新吾過夜作家書寄津

十八日微雨部署壁間書畫過午出城視俗三俄詣王家沙訪新吾見所繪山水冊精絕歸已昏黑而甚夜觀日本新史專論維新以來事自明治元年起共七年尚有續作日本自孝明天皇末德川勢已微將軍久無權皆大老老中擅政而處士倡尊王之意者日多德川慶喜見人心已離故甘心辭職奉還大政其勢有所迫而然也

十九日晴作諸親友書過午出城買饅頭訪燕生譚

燕生云日本當明治初能振定諸政較易於支那者其故有四一封建未改獲藩兵助也二國中一家無滿漢別也三處士皆世家有權力也一文武合一操編談者能將兵也有此四美故能三十年而多衝泰西中國反是故雖上有維新之主

下有奮起之士而所如叛阻賊是故也或以地之大小論之抑未察其深矣

二十日晴錄日記論李孫過諱晚同書外國酒樓邀何伯梁及新吾等醺飲夜
歸觀明治新史仲尼云禮樂征伐自大夫出三世希不失矣日本明治前之情
形也惟其自大夫出故處士有權力一旦倡發方或歸其權于天子天子總其
綱復散其權于庶民蓋得孫繼之意焉固有不治平者乎

二十一日晴觀書兩篇筆燕生仲其先後至縱譚

窮性雖于皆默之說論者或疑其不然曰人之智慮屬于窮性者也壯老而或衰
窮性無老何以而衰余曰是理甚微難辨蓋自妄念起而受形殼窮明之體為所
錮塞哉等頑石是以嬰兒無知也未久而漸長漸壯大有父師教誨遊因耳目聞
見徐及其聰明因是能用心思異于頑石雖然窮性附合全體而總聚于腦故用
心時其血管腦筋皆動機用心過久則資點必受傷甚者損壽常見有人用心不
息而自覺其苦者其質點以運動而苦之故也當少壯時腦髓血輪充實日用之而
質點耐勞故窮思易達而無不年京則質點虛損將不堪其苦心思亦倦用愈

八四

少則智慧淺短不然之故也是皆受所累之害与露性何与

或問人愈智則用心愈多而損其身然則人當愚毋智乎曰不然露性精妙者也
軀殼處濁者也精妙者曰英靈濁者曰日損有志學道者烏肯固保其靈濁而甘
捨精妙者耶

二十二日晨詣梅新書院晤維甫先生過午出城見杏孫及汪頌慶復謁外舅夜至
丹桂園觀優演湘軍平逆傳真於駱文忠曾文正諸人事蹟皆本湘軍志饒有聲
色曾文正素衣而出蓋時方丁憂在家也狀貌魁梧令人湧志金所抄在深緯斜月東上

二十三日晴維甫先生過譚飯罷步訪履膝昨聞履膝已至不過詣族友數家晚歸是日

成七律二首題為新屋蚤起錄之如下

十年京回築端座來作江南小隱偷半畝田虛千畧眼萬家人海一滙身依牆種
竹能留客繞屋栽花為春親亦合沈冥今已矣還看門內自為春結屋人境無車
馬論學天涯有友朋鶴瘦不辭澆氣路雁孤時伴郎喬燈螢書音語新和異新地
多聞塘慨增回首昔年燕市夢恍如卧起早霞升

淪 裁 海

二十四日晴觀書是日外曾為七內弟納采杭城吳曉帆家余充水人往來兩家至晚禮成
二十五日晴觀明治新史過午出城晤陵舟過九和烟莊見櫻藤譚晚歸夜觀書

日本維新政法而於釋氏一教未嘗廢之故於明治二年猶許奉願寺僧徒至北海
道教導其民但布告寺院聲正宗規各守僧律而已及後學校規模大定而內典亦
設一課卒使佛學大興東土為功豈淺鮮哉

日本維新後最嚴鴉片煙律販賣謀利者斬引誘人食者絞吸食者徒一年自首者皆減罪二等
日本自收還大政首開議事所謂徵士貢士皆因公議選權者徵士任考與貢士
任議事官後改稱集議院其制度仿明治元年所定而學校諸創設皆後之可謂能得維新之遺意矣

二十六日晴陰亭遊談晤始去晴往視堂妹於小南門藍公堂夏子純家其子婦也子未
娶而歿因過河守節可哀之甚夜觀書

日人當堂法之初已知城郭之無用有熊本藩知事細川護久請墮熊本城朝廷允之

二十七日晴寓書新吾的史家用出入想候晴訪吾孫不遇夜觀明治新史

雅俗也者文明變野之所由也入其境而村名市名里名人名物名官名莫不雅切而

有義者其國文明之國也入其境而村名市名里名人名物名官名莫不循俗而無
義者其國蠻野之國也雅者正也切也俗者不正也不切也

華之世無史至樂之民無詩史者有事而書也世平無事故無史詩者有樂而發也民樂
無鬱故無詩

二十八日微陰覽明治新史向午楊輝田先生送譚良久去映仲吳襄孫偕至同車
詣桃園地即歸請定廣詩余主持議院之說詢之守舊老儒每多以為是者而与喜
談新政諸公言之反皆目為緩圖余自是不敢薄視舊黨

二十九日雨俄少止詣止潛甫村昨日到流晤談日中櫻膝坐俄穰卿詢虞踵來語
低徊不休半皆勾欄趣史今晚歸區守家政

十一月初一日晴風穰卿有妻之喪是日設奠余往弔俄詣止潛晚襄孫在飲於海
天春樓酒罷夜歸

初二日晴風次申返向午詣小南門海潮寺蓮兒為先堂叔禮懺俄堅仲踵來並
甫與次申同坐自津映偕歸小坐曉出城余赴徐園是晚與竺生合譚賓辭居士

連日不讀書堅仲是日下榻金家

初二日晴向午與些諸士潛家味往視中哺遊味飽晚食海天香夜歸帆上覽輝子居耕微論
初四日晴晨偕堅仲並梅菴書院歸途往遊二粟庵亦僧居也在西門內迤南人煙極
稀殿宇孤峙外繞竹籬門徑出西佛堂卑隘堂東偏屋六七椽頗闕故庭養花數盡可
可愛迤北出佛堂後有大池冰凍池上將館柳比軒窗面水隔岸多老樹葉竹心目頓
爽坐久忘返向午歸映偕訪張菊生不遇哺詣浩去晚入城

夜觀嚴天陵譯天演論上卷赫肯黎以為北社講舍人類等生祖孫再傳食梅三信
傳衍無窮地力有限養生之道將不足以贖之勢不能不出於身，馬而勝者存敗
者亡於此處養生之物常與生類相配此物競天擇之說也余謂赫肯黎氏此說仍野
蠻之見也世界文明人知公理共享平權安有爭者慮滋生之禁則民智大進之際
必有公法以限制之使男女生育不至過多以耗地力也且醫學日精嗜慾必淡攝
生一事必無妄行蓋如蠻野之以毒為藥耶限生育以與地力相配二千年後不患
無此良法也

目之好色也身之悅聲也口之嗜味也身之喜安逸也皆人欲也吾以為天好色而不注於色悅聲而不溺於聲嗜味而不耽於味喜安逸而不貪著安逸皆天理也吾以為人蓋天者順其自然也人者知有當然也順自然之性所謂任天行也法當世之理所謂盡人事也

昨讀天演編導言四嚴之陸榮廷有云島國僻地物競較快暫為最宜外種漸入新境更起往之歲月之後舊種漸湮新種迭成如俄羅斯蟋蟀舊種長久自安息小蟋蟀入境剋滅舊種今轉難得蘇格蘭舊有青眉善鳴忽有班畫眉不悉何來不善鳴而善生剋善鳴者日以益稀澳洲土蜂無針自窩蜂有針者入境無針者不敵而滅余為之掩卷動色曰誠如斯言大地之上或黃種乃黑種紅種其危哉

初六日晴寓書新吾過干借聲伴出城同車馳往味范園有江西人趙仲宣與俱若談薄暮始還買得伶人者三蓋燈者映像棋屏以君為余亦目賞而心醉者記宋歲旅新津友人潘子靜謂余平日談論心折皆不絕口者獨有三人曰宗燕

生曰三益燈曰李合肥金剛以為知言是夜遂為三人者製詩錄下

弟如春海深心伴秋月皎流言徧九州宛期佳於鏡 婁衰舟春風明豔娟娟

日休言兒女腸更抱英雄骨 張三新靈晚猶明孤雁秋還唳 莽茫世界寬中

有人揮涕淚

初七日晴覽明治新史過午與野仲借遊北柏園，多亭榭頭出曠惜非琢過

甚俄復至味純園若語薄著詣李孫家晚食夜觀優

初八日微陰有釀雪意冷甚覽明治新史日本自太政復古以來官制改法日

新月異不憚屢改是皆變獨裁為公議之實跡也蓋天下有公議而後有公權

有公權而後有公法有公法而後有公利

日本學校之制於明治五年七月始大定今全國為七十三區曰東京曰名古屋曰

大阪曰廣島曰長崎曰新潟曰青森皆設大學部以統轄所屬各縣規模至宏遠

也其詔書普喻國人申明厲學育才之意殷拳懇摯如必先之誨子弟宜足振動

舉國之心其民共一制亦宜於去年

初九日陰晨訪程陸午歸哺禮陸乘趨仲宣亦至維譚至暮去微雨
初十日陰冬至觀明法新史

朝令夕改者獨裁政體家之所忌何也上下之情隔絕法令愈繁則吏易得為奸
而民愈受其苦惟共治政體則無此慮苟有不善雖朝令補改亦無不可也安
獨裁之法尚簡共知之法為繁

十一日微晴為重刊雜集新簡約諸同志訂於十三日集余會考之志山盧是舉
於乙未夏秋之交鍾君鶴笙創議先集於仲英家嗣致結致書院未幾時務報館
立遂復以集報館中風氣日開新學友漸多志嚮稍歧遂俟而散今逾數年新報
復大阻所謂天地胡萌人隱之際而我海上三五同志渺懷孤詣不忍與之俱息
復議恢復者之中江雜集亦在燼之餘也

十二日晴覽明法新史補往湯外曾從老談湘軍平髮逆事以日來丹桂圍逼平
逆傳也塔忠武之健鬥者時諸將實少其匹從老清舉匪初起時即至湖南隨曾
將軍營中法軍餉故戰事皆所親歷為言岳州城外之役塔軍與圍曾營亦對

敵徒老自宜某山觀戰遠望兩軍隔狹河而陳屹不動良久忽皆收隊以為休戰也俄見一賊跨白馬而前我軍一騎黑馬者亦前之黑馬渡河成二人皆下馬相抱持未久一人仆地一人袖刃割其首雖跨黑馬奔還拓時急呼諸軍鳴鼓如牆而進賊大潰走及歸詢之知塔公陳前與曹酋約早月相搏不聞軍士也塔公每出戰必跨黑馬馳驟如雷賊馬皆辟易及塔公卒馬未數日亦不食死

十五日晴於忘山廬中設長案置餅果花橘如西餐式待雅集諸同志晤至者十人為往南甯管程勝仲遊仲宣燕生志之暨余與堅仲凡九人若譚抵暮各散是為重立雅集第一期夜觀明治新史

日本明治五年徵兵令下詔書引用西書血稅二字蓋謂百姓出稅以衛國也其生血所以為故謂之血稅初民不解有誤以為較血之稅遂畏怖徧亂如北條縣民官吏以兵威鎮制且曉諭其甚始各解散甚矣設法之難

十四日晴覽明治新史七年始設警察規則凡違損拘留不至罪案者餘即一日其罪有與未可知不得視同罪囚我精矣嗚呼止濬招飲

八八

十五日晴過午送聖仲登舟赴杭晚歸

十六日晴止潛將往浙江履任補送禮勝頌虞裏孫皆在談笑抵春始返止
潛於去夜登舟出日全歸寂坐賦秋風歌七古一首錄下

秋風怒以碧海立長鯨飲浪百鱗泣可憐東南錦繡一原隕蠻草年：哭犀誓可
嗚此誓出埋三千年歲閱周舒與秦急羸秦一盡元又米鞭笞刀鋸如未隲究根

千輩戴冤屈姬萊氏賊膏血吸膏血吸民不給愁雲覆九區犀批相鏡裝犀批者
犀龍何情之太忍兮坐視吾民困出誓命達海南一身人起排帝閭悲鳴地悲聲
震庭不敢止天子感動下階揖下階揖忠言入朝新謹蕩原習春雷一聲動九天
萬物苦一皆歎輟忽遇涼風朔雪捲地來頃刻乾坤交凍澗雪威風勁凍不開鬼
域鏡岩窟鳳麟避山隈百卉已隨苦寒死松柏不受冰霜摧松柏兮松柏今非其
時兮空道過乎清泉與白石

十七日陰寒甚覽明治新史終卷

獨裁之國有誹謗之刑公權之世亦有誹謗之事不得謂無罪也第設

此刑律者有公私之別耳私者惟誹謗其君長為有罪公者雖誹謗平民亦有罪也日本史載明治八年官廳誘律云凡不稱事實有無植後公布實人榮譽者悉謂誹毀非奉人之行事概加懲名於人公布悉謂誹謗由主觀之文明野蠻所行多法律其違同而用心則相去遠矣

十八日陰農詣香孫過錢君彭山其人自幼蔬食不能茹葷之物入口輒嘔不止示奇人也晚歸夜作寄兄書云鼓眠枕上觀憚子居三代沿革論

憚子居云政者治亂之紀上與下之統天子與諸侯大夫士百姓共斷之善哉言乎得治天下之幸矣泰西上下議院蓋即與百姓共斷之意

憚先生以為農工商士民之不能給十一民故天下教聖人之道不欲不病農工商而重智士使士不濫士且不濫彼十民者無由濫不能濫則常處不足而天下多歸農工商矣是言也知其理而未知所以治之之法夫士何由而能重智何由而能使不濫焉與善法猶此諸空言也世界而有公議公舉則士甘勞重智而自不濫說文推十合一為士亦有作推一合十者推一合十即公舉之意世儒

八九

昧之空論治道而不窺本原如慊先古者蓋此也

十九日晴晨詣梅菴書院向午歸哺覆觀文獻通考嚴氏所詳節者与原書參閱取其簡而省日夜枕上觀慊子居集國朝古文家以慊子居及汪容甫為上品二

君皆善讀書有通識故其文亦異於諸家子居原性為析理至精與余論世之理暗合

二十日陰晴出城至格致書室購書晚歸夜觀書

漢書武帝元狩四年造白金三品其一曰重八兩圓其文龍二曰以重差小方其文鳥三曰復小橢其文龜以為天用莫如龍地用莫如鳥人用莫如龜也此殆彷彿泰西所流入之銀錢也唐雜詩引證齊梁鑄餅金以為中國古有銀錢之始不知漢時已有此法特未能久行耳

二十一日陰歸外史翔士過

二十二日晴歸外史余自己未秋末日以自課積二三年尚未卒業蓋中間斷亦多曠日者寧涉他事甚矣功不可不密也自此欲續成前稿不敢稍暇每日行亦不復記惟禮拜日休息哺詣杏林夜歸

余讀通考職役一門而知我國自秦漢以來治民之法日退其視民亦日賤也成周
之世為民設比長里宰閭有族師黨正皆以下中士上士下大夫之命官為之以
其近民也而尊重之即所以重民也漢時去古未遠故每鄉有三老孝悌力田每亭
有亭長晉夫游徼皆有秩秩而三老孝悌力田尤尊可與縣令丞尉以事相教復自
後役則猶愛之重之也至唐時設里正坊正村正選人充任而尚時稱之為差故有
科差輪差之名而人多避免則其職已勞苦輕賤可知矣迨宋時所謂衙前里正戶
長者長弓手承符諸等子奔走驅使之役貧民差免而不勝其苦於是差役領役
遂為北宋一大讖編要之書古愈遠先王重民之意蕩然無存諸儒不完其本源而
惟事執于末流亦何能補救斯民于萬一耶

二十三日晴夜觀書獨裁之國民不能與上論理故古今之積弊沿之不能改往
有極可笑者如五代時鹽法有所謂鹽益者授人以鹽而徵其錢也有所謂兩稅鹽
錢免鹽之權而均諸稅也行之既久則鹽不給而徵錢如故稅已納而禁權再行又
有所謂兩錢者亦起五代時納錢而民間許自賣酒也時制事支兩錢為定制而仍

九〇

禁私酷他如南宋之知身錢者本起于私買官信錢以買鈔鎊其後也官不給錢而白取之又其後也左令以母子之價折鈔見錢而謂之折半我國時民之無理見于歷史如斯類者不勝枚舉蓋為他國所罕聞也

二十四日晴映諸訪菊生見日人所著清日戰史略和文不能讀惟多戰蹟圖可觀俄遠燕公虛不談暮歸夜觀書

君者為民而設也民各私其身至於相爭有君以平其身使人各遂其私而合羣私為大公此君之職也故謂君家為公家以其能合羣私也民各田有貨必知稅于君非知于君知于公也以君取其稅即為合羣私之用故也古之謀國者矜言富國非富君也君欲為民興利除害非富不能為而有妨於合羣私之事矣故古管仲之於齊也桑孔之於魯也對長之於虜也皆能潛操輕重斂散之權以漸饒國用而使富商鉅賈不得兼弄小民誠以利益于私家不如聚于公上聚于私者僅供一人一家之用聚于公者可以贖萬人萬家之用也故管仲桑孔對長三人之術亦奇厚非也然而後儒持論者每以其事為可羞而行之往亂

天下者何也誠以後世人君不明君為民設之義以為民皆事我者也不明舍岸
私為公之義而以己私為天下大公也不明兩稅為民用之義以為此奉我者也
於是所取于民之財不為公用實則用于舍岸私者良少而徭半銷耗于人君
一人一家之中則其視富商巨賈之與小民者亦無少異也而酷烈又甚于富
商巨賈矣且平民之相與爭也不過相競于錢之與否然者勝焉然而交易
出納必有法也運銷必有信也無官文之抑勒刑法之逼迫故雖受虧而不
重苦佳君而效甚而乃則大異夫平民而種之苛橫累民之事畢起而不可禁欲
天下不乱得乎是以儒家者言之非無故也或曰管仲桑對諸君行之不聞其甚
擾民何也曰管仲治齊猶封建世地而不精神易周桑對二人皆有過人之材是
以能潛探軒重欽敬之術富國于無形且以此法又迫其後世焉曷與先生言之
詳若君處今之世無古人之材而復為之廣立官屬峻立刑法以求濟其術其不
隨北宋之覆轍者鮮矣

廿五日陰海上望霄甚切聞杭州一帶已得雪矣

九一

廿六日晴明至佳花園散步後觀書

國家盛時輕徭薄稅財入少而用省故及其衰也橫征暴斂財入多而用反不足
是何故耶蓋財入少財用之者苟有節故有餘也財入多財用之無節故不足也
但不可不以制
今日為西日制

財之不足強半由于縱侈縱侈者以無益之浮費始有益之實用也人之所急待
以養生者衣食而已食出于耕衣出于織衣食既足何仰于財耶人之制財用者
所以為流通調劑之具耳使天下多粟夫嘉婦人知務本節用工安慮財之不足
哉自縱侈者出輕米粟而重珠玉賤布帛而貴錦繡於是天下始漸棄本逐末業
珠玉錦繡之人日多而為農夫蠶婦之人日少矣然而珠玉不足以免飢也錦繡
不足以禦寒也所食必積米粟也所衣必待布帛也耕織之人少而衣食之人多
則米粟布帛不得不翔貴物貴則財不足以配之安得不貧非財不足粟與帛不
足也粟與帛何以不足為珠玉錦繡之所為也此縱侈之所以為害也

二十七日陰陰亭過晴燕生經甫查孫仲其成至為雅集第二期縱論至若者散

治平之機出於公議公議之人由於公舉公舉之法決於投瓶投瓶之功也大矣哉東西古國之興皆行斯術也余因賦絕句一首以誌讚歎銘如下

詔旨自古非良法轉作歐西選舉公欲破天行千載鬼神機偏在一瓶中

二十一日陰早起詣杏林讀夜視書

昔子與氏稱伊尹非其義也非其道也一介不以與人一介不以取諸人好行其德者每不謂然以為一介不取則庶矣一介不取亦情乎此非察理者之言也夫非義非道而安與人者適足以害人何也人生世間萬非不得已必當自食其力自食其力者必能務本業人一能務本業則財之進與而國實亦便天下多好行其德之人恃財多之久而滋施則情反昏甘於游食之樂而不務本業不務本業者日進則生財之道狹而國會矣故吾何好行其德者其罪與維傳善也或曰然則古人之政施仁母重恤養之者何也曰古人恤養之者必於窮寡孤獨老病無告或或或或殘疾不能力者及遇旱飢饉流離生所之人而後施之恤之若夫年數豐熟之日筋力強壯之人徒以游惰荒本業而致貧者雖坐視其餓死猶不為惠何也被國甘

九二

尺月

於死也使後托之恤之所謂非義非道天下之人皆將效尤而捨本業矣古人無
是也

子張學于孫仲尼者曰家尤家極福在其中據此可見當春秋時雖已世衰道
微然而賢人志士學成于家者尚易得通顯于朝蓋當時鄉閭之議論猶有據也
三代下惟兩漢三州郡徵辟魏晉之九品中正其舉人雖非古法然頗與福不
失古意自隋唐以降士以科目進於志願試文章不見器識事一日之短長不問
平時之毀譽而天下豪傑之士始多窮愁抑鬱者矣

二十九日晴翔士為其先人行祠廟禮並行題主禮余往襄事

夜歸觀書國家專以考試文藝取人於是不能不嚴搜檢之法蓋防其鈔襲也然
其待士始如罪囚如盜賊焉夫立法蓋於唐乾元中禮部侍郎李愬言主司取
士多不才實徒峻防索其策殊不知藝不學者居文史之園亦不能摘其詞藻
乃於試日設五行諸史及切韻於牀引貢士謂曰大國選士但務得材經籍在
茲請悉檢

糊名考試之法始於宋真宗景德四年大中祥符八年始創錄院

近代文學之士多聚東南此五省猶隨每少聞人平陽先生以為錄金元之亂所
教蓋信也故北宋時歐陽永叔補奏稱東南之進士西北之行學不進之者而
好文西北者質而已雖質猶多行學則為首學也自南宋而後北方學者遂不可
多見矣

三十日陰微雨晴出城晚歸理家政終日不讀書

司馬溫公謫妻石以為罷侍賦用行義以乃復先王令典不易之法恕不當以

一家私學欲蓋掩先儒此教禮可移贈今日之康南海

十二月初一日微陰族妹是日細采往賀晚詣杏林與朱琴南福算學白服街夜觀燈

初十日晴余以唐余名臣八人擬今日之李傅相曰託身強后持口不阿似狄梁公

曰節業蓋世盡忠朝廷似郭汾陽曰朝綱終喪身居事外似裴晉公曰名高望重

忘科第似李愬曰心運光明不學無術似寇萊公曰豁達大度恩怨兩忘似文潯

公曰獲軍折將敗非其罪似張魏公曰奉公潔已橫被有名似余斯州

九三

初三日晴晦微陰出城晚涼夜觀書

朝廷取士用人判為兩事所用非所取所取非所用其病原於儒吏之分途蓋三代取士用人之法見于王制如鄉秀士升于司徒曰選士升于學曰俊士升諸司馬曰進士司馬稱辨官材論官然後官任官然後爵位定此後祿喜時無所謂儒亦無所謂吏蓋取士則皆儒而用士則皆吏也至西漢時公卿大夫始或出於文學或出於吏道於是儒吏始分然未嘗抑揚輕重異間也是故由吏蒼身者亦多名曰如丙吉龔勝尹翁歸之流皆名卓著於時迄東漢而儒吏派別漸分儒漸親吏故丁卯有不肯為尚書令史之語自是以後天下日益尊儒賤吏儒惟自尊故蓋不習吏事墮于拘謹不通吏惟自賤故愈不守儒理流于放蕩無恥天下於是不能得儒之益而日崇吏之害沿及唐宋此風難逃惟元世祖時詔諸結罪儒吏儒亦通吏事吏亦知經史似為儒吏並重有西漢遺意迨明成祖時復有御史而復用吏之詔而吏由甚優輕夫吏之所以輕者由其與儒分途也既分途則久必有輕重使後三代有法取士則皆儒用士則皆吏天下又安有不習吏事之儒不守儒理之吏哉甚矣漢人之

作備也

下進身也必由眾所公舉則品之賢否不能滿上之用人也必使吏得自解則才之短長無所隱周官之鄉舉里選公舉也不可復見矣而漢用人尚由徵辟自公府多郡吏皆有基構且當辟召之時猶采鄉里無心之毀譽至則自辟之法行公舉之意未亡也魏晉以來立九品中正法雖略定而選舉之權猶分于州郡至隋文帝時始收天下選舉之權盡歸吏部自是海內一命以上之官州郡無復辟署者矣夫用人既不由自辟而下之進身也不得計自德其投謀自舉公舉既定而自舉用人不得不自辟於天下之賢才無由出賢才無由出而天下因英善或泰而治也凡國之宰相由議院公舉而諸曹職長皆由宰相自選用故凡宰相易人則諸曹長亦俱去蓋兩得一矣

初四日陰夜大鐘鳴不知何處失慎

初五日雨外曾以車來招往午食坐有陰亭屋有姑知昨夜沈城橋外火焚去而武樣屋以七家補詣杏孫謀晚歸雨猶澆衣

九四

夜觀書儒吏之分由官師之分周禮黨正者掌其黨之政令教治州長掌其州之教法政令故重之為一黨之官即一黨之師也州長為一州之官即一州之師也官師合一所以無弊秦漢以來詔郡守縣令以該民後設博士官文學掾以教民於是官師始分官所分別為政與為學始不相侔而黨正亦為天下事往矣舍則多相多用也則至相為病正不止官師儒吏已也

古人文武不多也故禮樂與射御書與學與治事不多也故書與教並重於此見古人之養之各有精意存焉

初十日陰晴微雨夜觀書

周官黨正者月屬民而請法謂法也者謂國家之法律也是人一無不知法律者矣安有不習文事之儒哉唐人設學始有律學然當時人已多不知律可知至宋時以練水書儒猶謂不宜置明法一科以為日誦徒流狡新之文習鍛鍊文致為士已淑刻薄從政豈有循良夫以律令設專科取士則畫地科者必至畫地詩書道義而不講練水之慮及此固所宜也然謂知造義者不誦明法律自能與之冥合

則未盡此去所謂冥會者不過大音而在若夫條目曲折豈能盡知惟士夫以此
自恃故遇事亦吏所欺隱而不覺也善夫周人孟月禮法之制既去書寺設一科
而人又無意不明禮學其意深遠抑可知矣
初七日微晴晴出城晚歸夜觀書

漢書曾諫傳天子不喻前聖之德不知君民之道不見禮義之正詩書無宗此學業不
法太師之貴也天子不惠於庶民不禮於大臣不中於折獄無行于百官不哀於喪
不聽于祭不誠不信太傅之貴也天子處位不端坐堂不執言語不叙房聲不申進
退升降不以禮俯仰周旋無節節太保之貴也天子燕坐反其學左右之習詭其師
為諸侯進大臣不知文雅之辭少師之貴也天子居處出入不以禮衣服冠帶不以
制御器倒側不以度采服履好不章急悅不以義與奪不以節少傅之貴也天子
居燕私安而易樂而耽飲食不時醉飽不節寢寐早晏無常玩好器弄無制少保
之貴也云云凡是此職之事皆為天子一人而設一人之身甚微而必設如許官監制
之者何邪誠以天子其才常人蓋其一身足以樹萬國之表率而係兆民之安危者

九五

也舉止好尚微涉時邪足以移天下之風俗善惡愛憎皆有偏倚足以生百年之禍患如是而可弗加之意乎是故立官必衆防範必嚴視天子一人之身直如千萬人之身也三代之時法良意美思深慮遠有如此者宜為後儒所推重矣而愚意以為此皆君權及國不得已之法民權之國無是事也蓋民權之世有公議以維持國政則民之若樂無與于君之身也苟公法以陶鑄人心則風俗之厚薄又不係于君之身也君特為民總挈公權以保吾國而已有德則舉之無德則廢之故視之甚輕不何必鈔一設公議立保傳相其言動與其起居之不悖時耶蓋與君權之世正相反也蓋君權之世聚其權于一人則視其君不能不重民權之世散權于眾人則視其君不能不輕

初八日晴蔭亭遊維漢時始去晚浴外史如常課

初九日晴晴城晚歸家夜觀書

昨與蔭亭詳論非開議院不能辦事然於設議院之前必先釐書文各科取士使士夫知講求實學留心政治以為議院之根基全始猶不謂然胡與蔭亭再三

辨方悟此理然後知南海得志時首受考試為得要也此後人多積書民書部
新黨必多而諸公持之過急致激此變前政盡反可慘也

初十日陰有雷意日法外吏如常課夜值母往視後

十一日陰雅集第三期至燕生續南鶴等三人修禱

日本之所以能獨立于亞東歷數千年不為他種所侵滅者必有封建故也封建
之國列侯分土者固疆國雖強鄰劫敵未易長驅直入攻之較難無封建則州郡
不能各自為守敵入而達州郡州達縣破縣矣此蓋君權世保種之良法也

封建之世列國之君莫不世及雖甚私也較之郡縣世惟許一家世及者則私之中
又有必為方抵郡縣之同一君封建之國多君君愈多則國愈強若民皆公誠之國
哉于人之皆君也以其敵于天下語云百足之蟲死而不僵故多君之國雖小而能
存如歐洲之丹麥瑞典諸國是也寧君之國雖大而必亡如支那國是也

十二日晴晴暖陸道評暑始去夜觀書

儒與吏之分古今一大弊而兵與民多又古今一大弊宋王介甫五保甲法似欲

九六

己卯 王官

復古民兵之制而其法不善反貽口實非民兵之不可復也不知其本則古法通
為害而已。該觀元祐八年蘇軾奏稱河朔西路被邊州軍自澶淵講和以來百姓自
相團結為弓箭社推擇家貧武藝眾所服者社頭社副錄事謂之頭目帶弓而鋤佩
劍而趨出入山坂飲食長技與北虜同私王賞罰嚴於官府分番巡邏鋪屋相望遇
有警急野鼓集眾頃刻可致千人虜甚畏之云。此與介甫保甲法無異何以行之
略不獲害且能制敵保衛桑梓而有實效其故安在則以由民間公議創立毫無官
權私也。尚以官權行之則其事非徒無益而又害之。溫公所以請罷保甲者以此
也。由是觀之欲復古法者非由民間自治不可。

十三日晴訪而史如常課。曉出城至味花園散步。寒林斜日遊人甚稀。歸途訪者
孫處與朱琴甫小談。俄造山園叔新屋。留晚會。夜歸。朗月照人。

十四日晴夜觀書。古者稅無蠲免刑無赦宥。非不知恤民也。稅無蠲免類豈地則納
多歛地則納少量時而宜其取捨非無蠲免也。未嘗善蠲而已刑不寬施罪無疑
則誅之情可恕則宥之因人而決其出入非無赦宥未嘗善赦而已。後世人主每

喜善類善教以希恩于民於是頑民有抗匿錢糧以待蠲盜犯罪過以待赦者矣
豈可乃治天下之常理哉

十五日晴出城補歸夜觀唐鑄萬曆書墨書蜀板書肆無可購者會有蜀人販
出書宋燕生問之往購一部欲復為金買而書已罄矣余因自燕公借觀五日
甫開卷知其人亦不喜宋儒者謂其為學者有性體而無事功有心修身之學
而無治國平天下之學蓋得聖人之半體流為無用為世殆病職斯故也

十六日微陰晴者孫太夫人書香言余先撰文太夫人明年壽八旬正月七日生日
同人亦多以文祝者在出觀後歸觀書唐子之書曲折與衍近由與云章之類周泰
諸子善剖析名理於近儒最服陽明子良知之學亦以其能發為事功也

十七日晴晴書言書畢晚仲翼招飲外國酒樓坐有燕公在孫等燕公亦撰壽香
孫太夫人文及詩淵雅淡逸品格高絕夜歸觀書

唐子云德性事業為聖人之遺教宋儒之罪也愚謂此其病源仍根于儒更之
途說文云吏者治人者也天下事以治人者為賤則夫求者于天下者安得不

九七

專方而卑今淑身而忘世或故吾常謂儒吏不合天下無法理

十八日晴晨記中曰中在香法家閑談晚歸

十九日晴晴借小園族叔遊城隍廟登小樓飲酒食饅頭十餘枚饅頭俗稱以虧
粟肉起于武侯嘗南蠻時漢以前無有也北方呼曰包子而所謂饅頭則有新而
而無由者也南方猶沿古稱廟中鬻是乃業者三十年最著名一藝之工即能專
利如此利專而不益良不待言

夜觀潛書任官者必循級序進雖表世之弊法然亦用人之公理何也任官必擇
賢何由擇必察其材何由察必試以功試之則必先於微職能任一事然後
使任十事能任十事然後使任百事能任百事然後使任千事萬事是故大材必
出于卒伍而後可恃宰相必出于胥夫序長而後可用蓋歷級多任事久財才之
積長德之為卑無可逃也無可隱也以此用人以此知人豈非善法乎惟自後世
儒與吏分取士與用人分徵辟法廢而所謂序進者不問其才德優劣但視資格
年勞皆可推遷則去之遠矣故天下有過相似而命意懸殊者此類是也

二十日晴過午詣味莼園過穰州晚歸夜觀書

唐子愛君之失其道而亂天下無治以處之作遠諫之篇所以勸為君也憂君之失其道而天下亂無法以處之作枕政之篇所以勸為臣也夫勸之者空言也此經之文所以勸為君為臣者至矣豈待唐子之言哉然而數千年來君不君者如故也臣不臣者如故也不得其法而徒勸雖盡敬焉焦無益乎事曰其法安在焉西之已事可知矣民權不扶用人不由公舉行政不出公議豈能責為君為臣者哉

是日閱蘇報載曾劄請定通商例疏沈痛明辯者為四百兆人請命之概因是罷職曾公不朽矣

二十一日晴晴詣梅嶺書院與鍾甫先生談夜觀書

君權之固最奇而無理之事莫過于用奄人自維淫而絕他人之嗣何其忍也魏叔子謂奄人起于周而夏商無之夏商以前女御少至周而女御多也然則周德之不及夏商豈可知矣

二十二日晴夜讀潛書竟鑄萬先生躬行孝弟書非秦漢以前者不讀尊孟宗
王謂孟子實聖人而陋程頤之因深慨三代以後無法法而開國君臣將相莫
非屠戶故於室語一篇發之其間識孤懷可與黎州先生並傳吳先生蜀人
胡公獻忠之亂蜀民死者赤地千里無家可歸乃卜居吳門卒年七十二無子
其人姓名不著世罕知者世固有隱沒于前而顯于後者歟

世有三學曰聞見學曰知學曰行學請書而博記誦聞見學也而非知學請書
而多心得知學也而非行學請書而勵諸己有法施諸人有用斯為行學乃
金中庸所稱博學之審問之聞見學也慎思之明辨之知學也篤行之行學也
不外是三者

二十三日陰晴微暖過誤風冷夜觀大雪山房集

二十四日晴書春聯仍觀悼集過午往謁外舅敘去晴詣城隍廟遊人雜出
者滿路余探囊取錢散之嘗憶唐僖宗時宰相自好施者囊錢自隨行施白者
每出襪襪擁至朝士視其宜舉賢任能使為物得所何亦行小惠宰相大慈余

所為得無近是雖此余居士也非宰相此力不能施大德則小惠在所當行者
二十五日晴昨觀書略有所悟世多言道家之者在保肉身而釋家者素驅克
其有背而馳也及過陳清卿則聞釋道同旨一說謂釋家亦保肉身但道先修
命而釋先修性其亦一也余疑之者素載至是竊疑釋既踐非禮而戒殺生
欲天下人各保生命則其視生命非不重也視生命既重或者亦有所賴于生
命乎雖難決乃中論而理頗可通

是日為雅集第四期至者鶴笙燕生仲英丁白接至自烏鎮燕公持東坡叔寓樓
卿燕生及余三人書問之略知臺北情形謂甚憂慮百物翔貴日人為創學校
及藏書樓雖人入觀亭氏其漸開智識乎又見陳清卿寓吳淞清燕生及余書清
卿於三四月間赴湖北襄陽之武當山求見三丰真人類行時與余在滬控別久
無音息今已逾半載忽來書相告云到武當山先居紫霄宮後移高麗針井當由
均州陸行往紫霄時行李先往之至半途忽見路旁一古廟門距大路僅丈餘
橫榜三大字曰過真宮茅草畫雄秀似石軍書旁有古木參差倒懸廟內真閉寂無

九九

一人欲進內遊觀因行李急行未果至紫霄閣武當山志始知武當有八字過真

宮其一也

過真宮距紫霄四十七里距磨針井十七里

昔人於此過真故名又聞過真宮有三年真人

銅鑄像維肖真人他處無之因欲往謁過真宮數有云疾未果既而移居磨針

井始得至過真宮至則向亦見結者過真宮已失所在問土人土人指曰此非

過真宮乎然後知過真宮實距大結里許而廟旁古木藤与橫榜三大字筆法皆

与向所見不類往復尋所見結者古廟卒不可得始悟真人感來喜之堅化古廟

相逆也乃月而朝三年銅像以報真人之意云此事甚奇清淨非作妄語人當

可信也蓋不可不記

二十一日晴覽清談報自友人處假觀晚觀悼文

黃梨州作明夷待訪錄明夷離在坤下如日在地下悼子居明夷說云晦者明之

漸入地者至於天之漸梨州取其義以喻亂久必治也唐鑄萬善潛書亦有曰自

秦以來至今日可謂亂極矣天下無終于亂今其將治乎二公皆有心人當明末

國初時發此遠識其言似不驗然當乾隆時佐法華城類已創民主而于美州於

是歐羅巴君權之逐年漸減至同治間亞東日本復興起一變而為君民共治
雖我支那人至今略無改革然有大地而論之亦可謂日進于文明矣明矣
說其非虛言乎

或疑民政之國其國人多以意見為黨相爭以為此民之弊也若曰君權之
國獨無爭乎且其所爭者勢與利也民權之國獨以理爭且夫市人以飲食貨
利相爭而士人或以學問辨難相爭同一爭也相去不啻倍蓰矣爭勢之國寧而
為爭理之國是市人爭而為士人可不謂進乎若夫理猶不爭則非待教千萬年
後不可今未易語此

二十七百晴覽彙集

釋氏書云佛之視人間富貴為甚苦甚危險而聖人之作易也亦寓斯理如用卦
九二朱紋九五赤紋九四金重皆指富貴而言也因莫甚於富貴惟子居之言然
二十八日晴輝子居善作遊記不喜柳子居諸作以為體近六朝末為至凡狀山
水莫如尔定而說文次之故子居諸記多學尔雅說文意也

一〇〇

2120161

2121-5
158



ZW 21101000612688

續修四庫全書 史部 傳記類

補与白棧者南開步出城風甚塵起撲面
二十九日晴部署度歲事不讀書

七八二